



3869

5

5

101

Handwritten notes on a piece of paper, possibly a receipt or ledger, with illegible scribbles and markings.

54623 / 3

38691
JOH. JACOBI WECKERI,

Basiliensis, Medici Colmar.

DE

SECRETIS

LIBRI XVII.

EX VARIIS AUCTORIBUS COLLECTI,
METHODICE DIGESTI,

ET MIZALDI, ALEX. PEDEMONTANI
ATQUE PORTÆ SECRETIS
inprimis locupletati,

NOVISSIMA HAC EDITIONE

non solum ab innumeris mendis obscurita-
teque purgati,

Sed &

THEODORI ZVINGERI,

Archiatři Basiliens. celeberrimi,

ADDITIONIBUS

E PHARMACIA ET CHYMIA
UTILISSIMIS ADAUCTI.

Accessit INDEX locupletissimus.

BASILEÆ,

Apud JOH. ROD. THURNEISEN,

M DCC L.

Handwritten text, likely a title or address, mostly illegible due to fading.

JULY 1873
JAMES W. WELLS
BOSTON
JULY 1873
JAMES W. WELLS
BOSTON

20 10 12 1873
JAMES W. WELLS
BOSTON
JULY 1873
JAMES W. WELLS
BOSTON





V I R O

*Amplissimo , Excellentissimo &
Nobilissimo , Domino*

J. GVILH. HENNET,
J. Utr. Doctori, Curiae Episcopal.
Bruntrutanae Advocato meritissimo, at-
que Urbis Delemontanae Consuli
Prudentissimo,

*Domino & Patrono suo honoratissimo
Salutem!*



*Non infrequens est Me-
dicantium vanitas, di-
cam an damnanda in-
vidia , quâ quidem
multi eorum, ad curandos quotidie
Ægros sollicitati, non nisi sua jacta-
re nōrunt, & nescio quibus encomio-*

rum lenociniis extollere Secreta ,
 commendare Arcana, laudare Pa-
 naceas , taliumq; adeo descriptio-
 nes , ex nefanda forsā sordidi cu-
 jusdam lucri cupidine , inter sua
 κειμήλια studiosè recondunt , neuti-
 quam patefacienda, si vel maxi-
 mam pecuniæ vim obtuleris. Au-
 dimus, & nonnullos eo usque jam
 processisse, ut non tantum publica-
 tis ea scriptis exaggerare , sed &
 pro constituto ubique pretio mer-
 cantium instar venalia exponere
 ausi fuerint. Quod quidem an &
 quousque cum Medicinæ Dignita-
 te, & Medicorum Gravitate, quæ
 nil nisi bonestum patitur, concilia-
 ri queat , ipsi , quorum interest ,
 vide-

viderint Nobilissimæ Artium Asclepiadeæ Mystæ. Neque tamen sola Medendi peritia suis gaudere potest arcanis, dudum enim in aliis quoque Artibus, velut Mechanicis, mysteria quædam, & encheireses deprebendebantur peculiare, paucis perfectè cognitæ, qui proin hinc sibi famam & existimationem non levem comparabant. Cùm autem ab eo usque tempore, quo Typographica Ars florere cæpit, nihil diu arcanum manere potuerit, factum quoque est, ut tandem omnia ejusmodi secreta vel ipsi vulgo penitus innotescerent, eorumq; numerus paulatim simul valdè incret. Unde Job. Jacob. Weckerus,

*Basiliensis , Medicus Colmariensis
celeberrimus , pro eo , quo flagrabat ,
desiderio commodum Rei Litterariæ
promovendi , plurima talia Secreta ,
per omnivarias Disciplinas dispersa
in unum volumen colligere , publi-
ciq; juris facere satagit. Nec infe-
lix Propositi fuit eventus ; compa-
ruit Liber , applausumq; non me-
diocrem invenit ; disparuit tandem
etiam , ut iteratâ editione recudi
necesse habuerit. Cumq; & hujus
Editionis exemplaria à pluribus jam
annis penitus distracta essent , ipsumq;
interea opus multoties desideratum
audivissem , non abs re me factu-
rum existimaui , si in lucem de-
nuò publicam mitterem. Hoc au-
tem ,*

tem, ut tanto majore cum fructu
 contingeret, de Additionibus mihi
 prospexi, curiosis non minùs quàm
 utilibus, simul ac Librum ab innu-
 meris mendis, obscurisq; rerum ex-
 plicationibus repurgandum curavi;
 Laborem hunc omnem suscipiente
 D. Theodoro Zvingero, Medicinæ
 Doct. & Profess. in Academiâ Basi-
 liensi Ordinario, Scriptis aliàs in
 lucem editis noto. Ut adeo spera-
 re ausim, Tertiam quoque banc E-
 ditionem Literati Orbis applausum
 merituram. Fiet & hoc feliciter,
 si Tuæ, Vir Amplissime, Excellen-
 tiæ placebit non tantùm serenâ fron-
 te, quem venerabundo admodum
 animo Ipsi inscriptum dedicatumq;

volui, Librum excipere, sed eun-
 dem benigno ulterius calculo proba-
 tum, inter Bonos vel commendare,
 vel à Theonino malevolorum dente
 fortiter tueri baud dedignabitur.
 Sperare hoc jubet Æquitas Pietasq;
 Tua, meritis in me Tuis mihi per-
 spectissima, exspectare simul facit
 insignis ille Tuus in Rem litterariam
 amor. Faxit autem Deus Ter Opt.
 Maximus, ut in Sui Nominis glo-
 riam hi nostri conatus vergant! Fa-
 xit Is ipse, ut Excellentie quoque
 Tuæ, amplissimis Munerum Di-
 gnitatibus ornatae, cuncta feliciter
 succedant, Tuq; adeo, Vir Excel-
 lentissime, salvus & incolumis in
 publicæ Rei commodum vivere, at-
 que



que omnigenâ corporis animiq, prosperitate quàm cumulatissimè, maximam Seculi hujus, quod modò per Dei gratiam inchoavimus, partem transigere queas! Ita vovet ex animo

**Amplissimi & Excellentiss.
Nominis Tui**


**Dabam Basileæ
D. 22. Januar.
Ann. 1701.**

Cultor indefessus & addictissimus

**JOH. LUDOVICUS KÖNIG,
Bibliopola Basil.**

OPERIS TOTIUS

Universalis dispositio.



A. Compo-



B. Forma-

B.
Formaliter respectu scientiæ, sive artis, cujus cognitioni res ipsa subjicitur. Sic ergo Secreta alia cognitionis

Serie,	Organicæ,	Grammaticæ,	{ Loquendi, Scribendi.	Liber XIV.	
		Logicæ,			
		Rhetoricæ,			
		Poëticæ,			
	Philosophicæ,	Phyficæ,	{ Licitæ, Illicitæ,	Liber XV.	
		Magiæ natur.			
		Metaphysicæ,			
		Mathematicæ,			
		Geometricæ,			
		Arithmeticae,			
		Musicae,			
		Astrologicae,			
		Moralis	Oeconomica,		{ Pace, Bello.
			Politicae: ut		
	Mechanicae: ut Secreta	Molitorum,	Liber XVI.		
		Pistorum,			
		Coquorum,			
Pharmacopolarum, & Chymicorum, Fabrorum, Pigmentariorum.					
Ludicæ, de quibus Lib. XVII.					

Catalogus LIBRORUM,

quos propriis Typis & Sumptibus
edidit

JOH. RODOLPHUS THURNISIUS
Bibliopola & Typographus Basiliensis.

Alvare *Eman. S. J.* Grammatica Latina, cum Interpretatione Gallica & Germanica. 8. 1742.

- - - - Principia, seu Rudimenta Grammatices, cum Interpret. Gallica & Germanica. 8. 1729.

- - - - Syllabus Vocabulorum Grammaticæ, cum Interpret. German. & Gallica. 8. 1742.

Basilea sepulta, resecta, continuata, sive Monumenta Basiliensia, Editio a Joh. Tonjola aucta. 4.

Bauhini *Cass.* Pinax & Prodrômus Theatri botanici, sive Index in Theophrasti, Dioscoridis, Plinii & Botanicorum qui a Sæculo scripserunt Opera, Plantarum circiter 6000. ab ipsis exhibitarum Nomina cum earundem Synonymis & Differentiis secundum genera & species proponens. 4. cum figuris.

Bernoulli *Jacobi* de Arte conjectandi Libri IV. cum Tract. de Seriebus infinitis & Epistola gallice scripta de Ludo Pilæ reticularis. 4. 1713.

P. Buccellini *Joh. S. J.* Officina Epithetorum, Appellativorum, & Nominum priorum. 12. 1735.

Buxtorfii *Job.* Biblia Hebraica Rabbinice glossata, una cum Haphtora & Tiberiade, III. Tomi fol.

- - - - Synagoga Judaica, de Judæorum Fide, Ritibus, Ceremoniis, tam publicis & sacris, quam privatis, 8. 1713.

- - - - Thesaurus grammaticus linguæ Hebr. adjecta Prododia metrica, sive Poëseos Hebræorum dilucida tractatio, 8.

- - - - Epitome Grammaticæ Hebrææ, adjecta succincta de mutatione punctorum vocalium instructio, & Textuum Psalmorumque aliquot hebraicor. latina interpretatio. 8. 1710.

- - - - Grammatica Chaldaica & Syriaca, cum facili vocabulorum difficilium explicatione grammatica, & pravorum ad veram linguæ analogiam collatione. 8.

Celli *Aur. Corn.* de Medicina Libri VIII. cum notis variorum, cura *Theod. Jansf. ab Almeloveen*; accedunt *Job.*

Rhodii



- Rhodii Vita Celsi*, variæ Lectiones & Loci aliquot Hippocratis & Celsi ab Henr. Stephano concinnati. 8. 1748.
Editio nova diligenter correctâ.
- Ciceronis *M. T.* Orationes e correctionibus Pauli Manutii, III. Vol. 12.
- Cornelius Nepos de vita excellent. Imperatorum. Accedit Chronologia Imperator. Græciæ, ab Andr. Schotto concinnata, & cura J. A. Bosii interpolata. 18. 1704.
- Corpus Juris Civilis Academicum, II. Vol. 4. 1735.
- Corpus Juris Canonici Academicum, Editio emendata & Notis Pauli Lancellotti illustrata. II. Vol. 4. 1746.
- Q. Curtii Historia Alexandri Magni, cum Supplementis, cui accedit Plutarchus de vita & fortuna Alexandri. 12. 1706.
- Erasmi *Desid. Roterod.* Colloquia familiaria juxta Exemplar Frobenianum ab ipso *Erasmo* correctum, cum notis Auctoris. 18. 1706.
- Ettmulleri *Mich.* Compendium Medicinæ universæ, e Scriptis probatissimorum Auctorum e. g. Sennerti, Wedellii, Boerhavii aliorumque, singulari cura concinnatum. Editio nova Notis Theodori Zvingeri aucta & illustrata. 8. 1738. II. Vol.
- Grotii *Hugonis* Opera omnia Theologica, s. Commentarii in SS. Scripturam V. & N. Test. una cum varii argumenti Opusculis. fol. IV. Vol. 1732.
- Historiæ Ecclesiasticæ Centuriæ XIII. Magdeburgenses, a Christo nato ad XIII. Sæculi finem, in Urbe Magdeburgica ex optimis Historicis per studiosos ac pios Viros olim congestæ, nunc vero per Lud. Lucium recensitæ. fol. III. Vol.
- Homeri Opera omnia græce & latine, cum Commentariis accuratissimis Joh. Spondani. Addita sunt Pindari Epitome Iliados versibus latinis, & Daretis Phrygii de bello Trojano Libri a Cornel. Nepote eleganter latino versi carmine. fol.
- Kœnig *Eman.* Regnum Minerale. 4. 1703.
- - - - Regnum Vegetabile quadripartitum, secundum Tournefort, Bauhin, Morison &c. exploratum. 4. 1708.
- Lampe *Frid. Ad.* Commentarius Analytico-exegeticus in Evangelist. Johannem. 4. III. Tomi 1728.
- Leusdenii *Job.* Philologi tres, scil. Philologus Hebræus, Hebræo-mixtus, & Græcus, cum Fig. æn. III. Tomi 4. 1739.
- Livii



Livii *Tit.* Historia Romana cum Sigonii, Gronoviorum aliorumque Notis. III. Vol. 8. 1740.

Martialis *M. Val.* Epigrammata cum notis Farnabii. 12.

Pexenfelder *S. J.* Apparatus Eruditionis, per omnes artes & scientias. 8. 1744. Editio quinta.

Pfanneri *Tobie* Systema Theologiæ Gentilis purioris, quam prope ad veram Religionem Gentiles accesserint, ex ipsis illorum Scriptis ostenditur. 4.

Plateri *Fel.* Praxis medica, observationibus illustrata. Editio quarta cum Præfat. Em. Kœnig. III. Vol. 4. 1736.

Pomey *Fr. S. J.* Candidatus Rhetoricæ, cum Angelo Pacis P. Nic. Cauffini. 12. 1748.

Sautel *Pet. Just. S. J.* Lusus poëtici allegorici, sive Elegiæ oblectandis animis & moribus informandis accommodatæ. 12. 1748.

Stephani *Roberti* Thesaurus Linguae latinæ ex Emendationibus Ant. Birrii. fol. IV. Vol. 1740.

Suetonii *Caj. Tr.* Opera, innumeris Imperatorum Numismatibus nitide ære incisis, & Notis Carolini Patini illustrata. 4.

P. Vanierii, *Jac. S. J.* Prædium Rusticum, auct. & emendat. cum Fig. æneis, 8. 1750.

à Waldkirch *J. Rod.* Compendium Historicum à mundo condito usque ad Pacem Badensem continuatum. 8. 1714.

Weckeri, *Job. Jac. Basiliensis, Medici Colmar.* de Secretis Libri XVII. ex variis auctoribus collecti, methodice digesti, & Mizaldi, Alex. Pedemontani atque Portæ Secretis inprimis locupletati, novissima hac Editione non solum ab innumeris mendis obscuritateque purgati, sed & *Theod. Zwingeri*, Archiatri Basiliens. celeberrimi, Additionibus e Pharmacia & Chymia utilissimis adaucti. Accessit Index locupletissimus. 8. *Basil.* 1750.

Zwingeri *Theod.* Pædojatreja medica, f. Observationes de Morbis Infant. & Puerorum, cum materia medica. II. Vol. 8. 1722.

Livres François & Italiens.

Dictionnaire Italien & François, & François-Italien de Veneroni, augmenté & corrigé selon l'Ortographe moderne, & la plus pure de l'Académie DE LA CRUSCA, par Charles Placardi, Membre de la dite Académie. II. Vol. 4. 1750.

Essai



Droit de la Nature & des Gens, traduit du Latin de Monf. Sam. de Pufendorf, avec les Notes de J. Barbeyrac. II. Vol. 4. 1732.

Essai d'une nouvelle Theorie de la Manœuvre des Vaisseaux, avec quelques Lettres sur le même sujet par Jean Bernoulli, avec Figures. 8. 1714.

Grammaire François & Allemande, *nouvelle & parfaite*, par Franç. Louis Poetevin, Troisième Edition. 8. 1750.

Lettres *les plus belles* Françaises sur toutes sortes de sujets, tirées des meilleurs Auteurs, avec des notes par P. Richelet, septième Edition, avec des Observations sur l'Art d'écrire les Lettres par Mr. Br. la Martiniere. 12. II. Vol. 1747.

Le Maître Italien, ou la Grammaire de Veneroni, augmentée de plusieurs Regles très-nécessaires, & corrigée selon l'Orthographe moderne, & la plus pure de l'Académie de la *Crusca*; avec un Dictionnaire pour les deux Langues, le tout revû & corrigé par Charles Placardi Membre de la dite Académie. 8. 1747.

Memoires & Avantures d'un homme de qualité, qui s'est retiré du Monde. 12. VII. Vol. 1744.

Oeuvres de Jean Baptiste de Moliere. 12. IV. Vol. avec Fig. 1741.

Penfieri, Riflessioni e Massime morali del Conte Oxenstirn sopra diverse scelte materie, tradotto dal Francese in Italiano da un Membro dell' Accademia della *Crusca*. 8. II. Vol. 1747.

Sermons sur des Verités importantes de la Religion, par Sam. Werenfels. 8. 1744.

- - - - sur les Devoirs des Sujets, par Pierre Roques. 8. 1737.

- - - - du Pere Bourdalouë de la Compagnie de Jesus, pour les Fêtes des Saints, pour les Vêtures & Professions Religieuses, pour les Dimanches, sur les Mysteres, pour le Carême, pour l'Avent, la Retraite Spirituelle à l'usage des Communautés Religieuses, les Exhortations & Instructions Chrétiennes, Nouvelle Edition, corrigée, 12. XV. Vol. Paris, 1750.



SECRE-



SECRETORUM CURIOSORUM

LIBER PRIMUS.

Abstrusæ veritatis arcana.

CAPUT I.

ANTIQUITATEM rerum humanarum primævam silentio atque oblivione involutam; deinceps verò secutas fuisse Poëtarum fabulas; ac denique Fabulis successisse Scripta, omni prorsus dubio carere arbitramur. Usque adeo, ut Vetustatis remotissimæ penetralia, myste-
riave, à sequentium seculorum memoriâ atque eviden-
tiâ, ceu quodam fabularum velo, quod sese medium
inter ea, quæ perierunt quæque adhuc extant, obje-
cerat, separata discretaque sint. At verò ille ipse Fabula-
rum contextus ita versatilis est, ut in diversas huc il-
lucve significationes trahi duci que possit, imò absurdis
non rarò Hominum, aliàs ingeniosorum, cogitatis ap-
plicari. Multi enim, ut inventis placitisque suis vene-
rationem antiquitatis conciliarent, Poëtarum figmenta
ac fabulas ad ea traducere conati sunt. Quæ quidem
vanitas neque nuper demum nata est, neque adeo ra-
reter in usum tracta, cum & olim Chrysippus Stoi-
corum opiniones vetustissimis Poëtis ascribere solebat;
& postremis hinc seculis Chymici vel Alchimistæ haud
pauci ludos ac delicias Poëtarum in corporum trans-
figurationibus, ad fornacum experimenta transferre
haud erubuerint. Alia enim mysteria, alia longè ar-
cana talibus Poëtarum figmentis involuta fuisse pau-
ci

ci admodum dubitant. Sic profectò Scientiam sub Sphinx ac Oedypi; Naturam sub Panis, Bellum sub Persei, Philautiam sub Narcissi fabulis elegantibus exponere, perstringereque consueverunt. Quin & nimiam hominum irimandis arcanis curiositatem duplici fabularum commento exemplove coërcere studuerunt, Actæonis uno, ac Penthei altero: dum Actæonem quidem finxerunt, post visam imprudenter Dianam veste nudatam, in Cervum fuisse mutatum, atque hinc à propriis canibus dilaceratum: Pentheum autem fabulabantur, cum sacrificiorum Bacchi occultorum conscensâ arbore spectator esse voluisset, furore percitum, atque hinc rebus omnibus duplicibus visis perpetim oberrâsse, & circumvagatum esse. Atque harum fabularum prior ad Arcana Principum, posterior autem ad Mysteria Divina pertinere videtur: etenim qui Principum arcana ipsis invitis rimantur, odium illorum certissimum incurrunt, & hinc vitam cervorum more timidam agunt, tandemque à propriis etiam servis ac domesticis produntur, accusantur atque subvertuntur. Qui verò temerario ausu mortalitatis parum memores per excelsa Philosophiæ ac Naturæ fastigia, tanquam arbore conscensâ, ad imperscrutabilia Divini Numinis mysteria adspirant, iis quoque poëna statuta est perpetuæ inconstantiae, & iudicii vacillantis atque perplexi, admodum hæsitantis, dubitantis, ac per opinionum varietates divagantis.

Divinorum operum secreta, vel in rebus extra intellectum positis, vel in ipso intellectu consistunt. Hæc, ipsâ contemplatione perficiuntur. Illa verò quidpiam efficiendo, quod miraculorum instar esse possit. Quæ suum actione finem assequuntur, ex certis classibus distincta, suo loco post exponemus, & nunc ea, quæ subtili meditatione fovet intellectus, arcana veritatis aggrediemur. Philosophos olim novimus, non in id solum intentos fuisse, ut rerum naturalium vires expiscarentur, sed ut veritatem in eis agnoscerent, causis videlicet earum intellectis. Aristotelis opera ferunt Alexandrum Regem secretorum loco non revelandorum habuisse. Tanta nempe fuit Philosophiæ dignitas, ut intellectûs vires naturæ miraculis nequaquam postponerentur. Quamobrem si quæ scripsit Aristoteles, ideò censeantur, quod ea paucissimis

cissimis nota fuerint, hæc certè meritò secreta dicentur, quæ sunt à recentioribus inventa subtilissimè. Constat enim Aristotelem quantà modò fuerit subtilitate philosophatus, à veritate tamen aberrasse. Subtilia verò mendacia, perinde secretis annumeranda sunt. Atqui si dicas, Angelicæ radicem collo appensam secretum esse, ut quis angelorum instar invisibilis reddatur. Multa nobis equidem revelata sunt divinitus, quæ sacra secreta nominantur, utpote quibus salutem consequamur: verùm de iis paulò post agemus, quòd ea non omnibus sint notissima Christianis & Theologis. Itaque primùm ea nobis exponenda sunt, quæ cùm omnibus ferè Philosophis & Theologis ratione scrutari non posse videantur, subtili tamen mentis discursu eruta patefaciemus: postea quæ ex Rabbinis antiquis sumta sunt.

De Homine.

C A P. II.

HOMINEM duabus constitui partibus, animà nimirum & corpore, satis ex ejus actionibus liquet. Hoc, cùm omnibus ipso etiam sensu cognitum sit, secretum quidem non est: ex notis tamen ea, quæ latent, investigantur. Efficiens autem hominis causa est pater, & mater, naturà mediante: nam utriusque parentis semen ita constitutum esse oportet, ut substantià, quantitate, qualitate, loco, & cæteris circumstantiis humanum, hoc est, animale & naturalem effectum producere possit. Primùm ergo quæritur, an præter hæc causas, animum nimirum & naturam parentis utriusque, nulla sit alia, cui ortus generis humani adscribatur? Hic veterum Philosophorum sententias expendamus. Quo nunc modo generantur homines, eo modo semper generati sunt. Hæc veterum est Philosophia, quæ nostræ fidei repugnat. Rationis autem non fidei secretum expostulas; Hoc habeto. Si generis humani semper idem ortus fuit, qui nunc est, tum præter patrem & matrem, nulla est alia efficiens hominis causa: Cur ergo primam rerum causam excogitârunt Philosophi? Si rerum vicissitudo & propagatio semper eadem quæ nunc extitit, nulla est præter hominem & naturam efficiens causa admittenda, cùm rerum propagatio planè sit humana, vel naturalis. Dein si species humana semper eundem ortum habuit, quem nunc habet, dum

A 2

filius

filius à patre generatur, in infinitum usque generis humani procreatio extenditur; quod absurdissimum esse rationibus hisce demonstrari potest. Constat metaphysico rectè philosophantium axiomaticè, *Nihil quod prius & posterius, magis & minus suscipit, infinitum esse.* Verùm generis humani propagatio prius & posterius suscipit, cum pater filio prior existat. Præterea novimus, humanam speciem in individuis consistere, nec æternam esse posse speciem, cujus æterna non sunt individua. Cum ergo nullus homo fuerit ab æterno, quî potuit humana species ab æterno fuisse? At si non fuerit ab æterno species humana, certè nec ejusdem propagatio ad æternum aut infinitum usque deducenda est. Nullum autem hominem ab æterno fuisse, liquet hinc, quòd omnes mortui sint, nec ullus eorum superfit, qui ante ducentos annos vixerunt. Itaque si moriuntur omnes, cœpisse consequitur omnes, ut nullus ab æterno fuerit: si quis enim ab æterno fuisset, idem in æternum usque necessariò permanisset, cum interitus in æterna non cadat. Porro generis humani propagationem aliquando cœpisse, patet hinc etiam, quòd in tempore fiat: nam quicquid fit in tempore, principium obtinet necessariò. Generis autem humani propagationem nunc in tempore fieri, nemo ratione præditus negabit. Et semper in tempore factam esse hoc pacto convincitur, quòd eadem, quæ nunc est, hætenus fuerit ratio propagationis, ut Philosophi veteres confitentur. Adhæc omnes homines ita facti sunt, ut antequam generarentur, non existerent. Cum itaque omnes homines cœperint aliquando, certè generis humani propagationem, principium habuisse consequitur. *Nic. Taurellus.*

Homo quoniam pulcherrimum, absolutissimumque Dei opus est & imago, & minor mundus, ideoque etiam perfectione, compositione ac suaviore harmonia, sublimiori-que dignitate omnes numeros, mensuras, pondera, motus & elementa, cœteraque omnia illum componentia, in se continet ac sustinet, omniaque in eo velut in supremo artificio, supremam quandam sortem ultra communem consonantiam, quam habent in aliis compositis, consequuntur, hinc antiqui omnes, digitis olim numerabant, & digitis numeros indicabant, ex ipsisque humani corporis articulis, omnes numeros, mensuras, proportionales ac harmonias inventas fuisse, probare visunt.

LIBER I.

sunt. Unde ad hanc corporis commensurationem, templa, ædes, domos, theatra, insuper & navigia, & machinas, & quodcunque artificii genus, & artificiorum ædificiorumque quæcunque sunt partes & membra, puta columnas, epistylia, bases, antes, stilobates, & huiusmodi cætera omnia partiuntur, atque ex humano corpore deducunt. Quin & ipse Deus docuit Noë fabricare arcam ad humani corporis mensuram, ut qui ipse totam mundi machinam humano corpori symmetram fabricavit; unde ille magnus, hic verò minor mundus nuncupatur. Hinc microcosmologi nonnulli humanum corpus per sex pedes, pedem verò per 10. gradus, & gradum quemque per minutias quinque metiuntur: unde numerantur 60. gradus, qui faciunt minutias 300. quibus æquiparantur totidem cubi geometrici, quibus descripta est arca à Mo-
se: sicut enim corpus humanum est in longitudine 300. minutorum, in latitudine 50. in altitudine 30. sic & longitudo arcae fuit cubitorum trecentorum, latitudo quinquaginta, altitudo triginta, ut sit utrobique longitudinis ad latitudinem superpartiens duas tertias. *Henr. Corn. Agrippa de Occult. Philos. Lib. 2. cap. 27.*

Quomodo cœperit humanum genus.

CAP. III.

CUM cœperit aliquando generis humani propagatio, primos parentes admittere cogimur, qui filios quidem posteros habuerint, sed non fuerint aliorum parentum filii. Sic enim progressus in infinitum usque fieret, quem præcedenti capite confutavimus. Jam verò de primis parentibus quæri poterit, an etiam facti sint, vel ab æterno fuerint. Factos esse fatendum est, cum interierint, & omnium hominum natura sit eadem, quod rebus factis, & non factis adscribi nequit. Quomodo facti sunt igitur, si non eodem, quo nos modo, facti sint? Nec humano certè modo, neque naturali: quo fit, ut nec hominem, nec naturam primorum parentum causas efficientes fuisse confiteamur. Humano quidem modo factos non esse demonstravimus antea: sic enim primi parentes non fuissent, si parentum aliorum filii fuissent. At verò neque naturali modo procreatos esse convincitur hac ratione, quòd ea saltem fieri dicantur naturaliter, quæ fiunt ex com-
moda præexistente materia, hoc est, quæ potentiam ob-
tineant

tineant formæ suscipiendæ idoneam : hominibus autem nondum existentibus , nulla talis materia fuit , ex qua homines procreari possent naturaliter , hoc est , ob potentiam ei materiæ insitam. Quamobrem rectè statuimus , primos homines à principio quodam hominibus , & naturâ priore factos esse , modo nec humano nec naturali , sed miraculoso. *Nic. Taurellus.*

Hominis creatio autem mirifica est , cùm enim summus ille Mundi Artifex , orbe jam condito , hominem producere cogitaret , regemque Universi & suum sibi legatum instituere , divino concilio accito sanctissimæ atque augustissimæ Triadis , Faciamus , inquit , hominem ad imaginem & similitudinem nostram , qui præsit reliquis creaturis , ex cap. 1. Geneseos recognoscendis. Formavit igitur Dominus Deus hominem de limo terræ , & inspiravit in faciem ejus spiraculum vitæ : & factus est homo in animam viventem , ait ibid. cap. 2. Quater autem meminit hujus creationis hominis , ut intelligamus perfectionem creationis ejus , ut Hebræi notant interpretes. Quæ fortè cùm legisset Algazel Saracenus , æmulatus intulit. Ad compositionem hominis veniens natura cessavit , tanquam nihil honoratius componendum præ manibus haberet. Ex quo Sapientes quidam nomen Adam penitus speculati , *cabalisticâ vocis interpretatione* , intulerunt , per Aleph , divinitatem : per Daleth , cœlestem naturam : per Mem denique (quibus tribus figurativis & radicalibus literis hoc nomen constat , & linguæ primigeniæ elementis componitur) corpus hoc corruptibile designari , quòd sit homo trium istorum jam inde ab ortu primo præcipuè particeps. *Nicol. Nancelius, Analogiæ Microcosmi ad Macrocosm. Proëm. pag. 11.*

Deum homines fecisse duos.

C A P. IV.

EXISTIMET fortasse quispiam , primos parentes à principio quodam factos esse , quod inter primam causam & naturam sit intermedium , quales statui possint angeli , vel aliæ mentes à materia liberæ. Sed hoc falsum esse patet hinc , quòd præter primam rerum causam , nulla producere possit opus à sua ipsius substantia diversum. Præterea proprius angelorum & mentium effectus

ctus est intelligentia, quæ nihil per se subsistens efficit. Deus ergò, prima videlicet rerum omnium causa, primos fecit homines, & tot quidem, quot ad humanæ speciei propagationem sufficerent. Mas autem unus, & una fœmina satis erant, ut duobus hominibus plures à Deo non esse factos rationi sit consentaneum. At verò non plures fecisse Deum homines, quàm qui sufficerent ad humani generis propagationem, hinc manifestum evadit, quòd Deus homines ex seipsis fieri vellet, ut postea docebimus. Hoc ipsum ex eo facile conspicitur, quòd Deus (ut in sacris Bibliis legitur) Evam non ex terræ limo, velut Adamum, sed ex ipsius Adami costâ procreare voluerit: nimirum ut omnium hominum exortus ad unam unius hominis scaturiginem deduceretur. *Nic. Taurellus.*

Cur Deus homines fecerit.

CAP. V.

FECIT igitur Deus primos homines: verum & id in dubium poni poterit, an corpora quidem fecerit; animæ verò prius extiterint? Itaque statuendum hoc est, nec primorum parentum, nec nostras animas prius extitisse, quàm corpora fuerint: nam præter Deum nihil ab æterno fuisse, & factum esse aliquando quicquid præter eundem existit, suo loco demonstrabitur. Animas autem non prius quàm corpora factas esse, tum ostendemus, ubi de hac vita disputabitur, an fuerit ante hanc alia, aut alia post hanc sit futura? Cæterum ex humanis facultatibus fines investigari licet, ob quos homines Deus fecerit. Ad hujus vitæ sustentationem vires habemus vitales, animales, & naturales, quibus & vivamus, nutriamur, & nostram speciem propagemus. Cordis vigorem habemus, ut Deum amemus, nobis sanguine junctos, & proximum quemque. Intellectum habemus, ut Deum & ejus opera contemplemur. Voluntatem, ut suum unicuique attribuamus, & Deo obediamus. *Idem.*

Sicuti Deus mundum propter hominem machinatus est, ita ipsum hominem propter se, tanquam divini templi antistitem spectatorem operum rerumque cœlestium; solus est enim, qui sentiens, capaxque rationis, intelligere possit Deum, qui opera ejus admirari, virtutem, potestatemque perspicere: iccirco enim consilio, mente,

prudentiâ instructus est: ideo solus præter cœteras animantes rectus corpore ac statu factus est, ut ad contemplationem parentis sui excitatus esse videatur: ideo sermonem solus accepit, ac linguam cogitationis interpretem, ut enarrare maiestatem Domini sui possit: postremo iccirco ei cuncta subiecta sunt, ut factori atque artifici Deo esset ipse subiectus. *Nic. Nancelius Analog. Microc. ad Macrocosm. p. 2122.*

In omni penè dixerim elemento unus homo velut rex aliquis cœteris animantibus imperat, earumque vel servitio utitur, vel easdem ipsas edules & tergoribus pelli- busque aut lanis vestitas ad cibum & vestitum sibi aptat & accommodat, unde Cicero 2. de Naturâ Deor. Terrenorum commodorum omnis est in homine dominatus, nos campis, nos montibus fruimur: nostri sunt amnes, nostri lacus: nos fruges serimus, nos arbores: nos aquarum inductionibus terris fœcunditatem damus: nos flumina arcemus, dirigimus, avertimus, nostris denique manibus in rerum naturâ quasi alteram naturam efficere conamur. *N. Nancelius libr. cit. p. 2070.*

*An sint homines facti alicujus saltem temporis causâ,
vel ut in æternum viverent?*

C A P. VI.

DEUS, cùm bonus sit perfectissimè, omnia fecit optimè: Homines ergo fecit, non ut aliquando perirent, sed ut in æternum persisterent. Quod enim bonum est (ut sunt omnia Dei opera) id permanere melius est, quàm corrumpi. Licet autem peccato depravata sit humana species, ipsa tamen hominis substantia per se bona est, & bonæ sunt ejusdem facultates, & actiones per se consideratae. Virtus inculpata felicitatem postulat æternam. Poscit ergo peccatum æternam miseriam. Ut autem miseri sint homines, qui peccârunt, eosdem oportet superesse, non interire, cùm, quod non existit, miserum dici non debeat. Cæterum quòd ex operibus Dei aliqua sint aliquando interitura, demonstrâbimus idem de hominibus dici non posse, cùm mundum ostendemus esse perituum.

Nic. Taurellus.

Fece-

Feceritne Deus homines, ut felicitatem necessario consequerentur?

C A P. VII.

DEUS certè, quòd bonus sit, perfectissimè homines fecit, ut æternà fruerentur felicitate. Vires itaque indidit, quibus hanc ipsam consequerentur. Intellectum dedit, ut Deum agnoscerent, & quid sibi faciendum esset, intelligerent, quidque vitandum. Voluntatem fecit liberam, ut virtutes amplecterentur liberrimè, atque adeò Deum jure laudandum, sua sponte, non coacti laudarent. In hac justitia si permanerent homines, Dei consilium & voluntas erat, ut æternam consequerentur felicitatem: sin ab ea recederent, in æternum quidem persisterent, eà tamen felicitate destituerentur. Cùm itaque peccatum sit ab omnibus, non est, ut quisquam speret, se felicitatem esse consequuturum. *Idem.*

An sit post hanc vitam alia futura?

C A P. VIII.

QUOD priùs homines ostenderimus à Deo factos esse, ut in æternum viverent, dubium non est, quin post hanc vitam alia sit. Animas equidem Philosophi statuerunt in æternum esse victuras, sed sine corporibus, cùm hæc interire viderent. Verùm quòd corpus substantialiter sit hominis pars, sine qua homo dici non potest, humanam vitam solis animabus tribuendam esse negamus. Hinc eos errare statuimus, qui hominum animas, antequam corpora nascerentur, fuisse censuerunt. Sic enim sunt ambæ partes factæ, ut nec corpus sine anima vivere possit, nec anima sine corpore suas probè actiones exercere, quod sequentia magis illustrabunt. *Idem.*

Resurrectura esse corpora.

C A P. IX.

CORPORA intereunt: Ergo si post hanc vitam victuri sint homines, solis animabus vivent. Hæc fuit veterum Philosophia: sensus enim superare non potuerunt. At nos consequentiam negamus: posset enim Deus animabus sua restituere corpora, quod planum fiet, ubi primæ causæ omnipotentiam demonstrabimus. An velit igitur Deus corpora suscitare, quærendum fuerat

philosophantibus: ex prima hominum generatione res hæc elucescet. Quærimus itaque, cum Deus omnia fecerit optimè, cur homines ex corporibus & animabus constituerit, si melius foret, animas sine corporibus vivere? Melius esse negamus: sed homines imperfectos esse statuimus, si alterutrâ sui parte destituantur. Quòd autem nugantur Philosophi; materiam vim mentis impedire corporis vitio, id non corpori per setribuendum esse dicimus. Nam nisi successisset peccatum, corpora mentis vim nequaquam impedivissent. Verùm quærent ipsi quoque Philosophi, cur intereant corpora, si facta sint, ut cum animabus in æternum viverent? Respondemus, ut quæ sunt in eis corruptibilia, morte seponantur: hæc enim corpora ob multas naturæ imbecillitates in æternum persistere non possunt. At potuisset (inquier) Deus hoc ipsum exequi sine omnimoda corporis corruptione. Verum est: sed mortem ad hoc elegit, ut peccati pœnam. Urgebunt ulteriùs: Sit ergo hæc peccati pœna, ut homines suis corporibus in æternum destituantur. Paucis ita respondemus: Homines post hanc vitam, aut felicitatem consequentur, aut miseriam. Felicitatem consequi non possunt, nisi eis peccata remittantur: si remittantur peccata, hæc quoque peccatorum pœna remittetur: atque ita sua rursum corpora consequentur: sin autem miseri futuri sint in æternum, corpora quoque consequentur, ut cum toti peccaverint, toti quoque non unâ solum sui parte, miseriam ferant. Sed ex sequenti quæstione patebit evidentiùs, corpora post hanc vitam esse superflua. *Nicolaus Taurellus.*

Ut in eodem agro multæ ac discrepantes proveniunt sementes, & stirpes ex diversis coalitæ feminibus planè dissimilibus, eadem aut diversa manu in terram projectis, huc illuc variè sparsis, & terræ gremio exceptis; quorum unumquodque in suo genere plantam sibi congenerem excitavit, neque de pluribus confusa stirps una adolevit, sed singula femina singulas stirpes produxerunt. Sic mandata humi diversa hominum innumerorum corpora, velut distincta semina suum sibi corpus unumquodque in die magni judicii de integro novum excitabunt, non hoc quidem ab illo, ut de feminibus dicebam, aut illud ab hoc enascendum: ubi semel tuba Archangeli insonuerit, & horrifona vox Dei intonuerit, ut Hieronymo,
 sic

fic bonis & piis omnibus pertimescenda, surgite mortui & venite ad iudicium. Tunc enim vel in momento temporis omnes dissoluti corporis reliquiæ colligentur, aptabuntur mutuò, concreſcent, revivifcent, atque animâ fubeunte in novam vitam, eamque glorioſam beatis, reprobis autem ærumnoſam ingredientur. Non ſi corpora flammis olim concremata fuerint, non ſi cinis crematorum in torrentem projectus ſit, non ſi multa ante ſecula humi reposita corpora computruerint, inque pulverem redacta ſint, non ſi aquis ſubmerſa ſubſederint, non ſi ſublimè pependerit, non ſi piſcibus, feris, aut volucribus cœli eſca fuerint, utique iſtorum reliquiæ ad juſſus Omnipotentis Dei non colligentur, ſimulque aggeſtæ & compositæ, ad ea corpora, à quibus quondam ſingulæ per minutiffimas partes avulſæ & ſejunctæ fuerant, integrandæ & renovandæ revertentur. Huc enim pertinere videtur, quod ſcribit Joannes in Apocalypſi, cap. 20. Et dedit mare mortuos, qui in eo erant, & mors & infernus dederunt mortuos ſuos, qui in iſtis erant. *Nicol. Nancelius Analog. Microcoſm. ad Macrocoſm. pag. 2178.*

Hanc vitam aliquando ceſſaturam eſſe.

CAP. X.


HUJUS vitæ finis primus & præcipuus eſt, quod ex totius mundi actionibus colligitur, ut ſpecies humana propagetur, atque adeò poſt hanc vitam homines plurimi ſuperſint: Philoſophi rerum cauſas ita inveſtigârunt, ut hujus vitæ finem non intellexerint. Animas enim non exiſtimârunt in hoc mundo naſci, & corpora poſt hanc vitam ſuperfutura eſſe negârunt: ut ex eorum decretis intelligi non poſſit, ad quid hæc modò vita proſit. Siquidem hominum propagationem ita admiſerunt, ut ſola corpora, non autem animæ (quas, priuſquam corpora eſſent, extitiſſe indicârunt) in hoc mundo propagentur. Cùm itaque vita hæc animarum cauſa non ſit, & corpora (ut ajunt) non ſint extra vitam, non video, quid Deum moverit, ut hanc vitam conſtitueret. Aliter igitur nobis philoſophandum eſt. Fecit Deus hunc mundum, ut in eo genus humanum propagaretur: humana autem ſpecies non eſt ſolo corpore, vel animâ, ſed

sed utroque definienda, ut Philosophi & Theologorum nonnulli hanc propagationem malè solis corporibus attribuunt. Cùm itaque Deus hunc mundum humani generis causâ fecerit, ut hoc in eo propagaretur, certè si cesset humani generis propagatio, mundus hic atque adeò vita hæc cessatura est. Frustra namque cœlorum motus, & totius naturæ vicissitudo esset, si nulli nascerentur homines. Verùm cessaturam esse generis humani propagationem ita demonstratur. *N. Taurellus.*

Generis humani propagationem esse cessaturam.

C A P. XI.

HUMANUM genus cœpisse suprà demonstravimus, ut hoc sufficiens sit Philosophis argumentum, ejusdem quoque generis propagationem esse cessaturam: nolumus tamen falsis vincere rationibus, cùm adsit ipsius robor veritatis. Novimus enim quod ceu verissimum asserunt Philosophi, falsissimum esse, finem videlicet habere necessariò quod principium habuit, ut suo loco docebimus. Sic itaque philosophemur: Omnium hominum eadem est natura, & finis idem, ut quotquot modo nascentur homines, postquam nati fuerint, victuri sint: nascimur enim ut post vivamus. Quoniam ergo nihil in æternum extenditur, quod posterius aliquid ponitur, nasci desinent homines, ut omnes post vivere possint. Hoc itaque manifestius exponi potest. Lineam ducas ab *A* ad *F* quæ tribus punctis :: terminetur: eodem modo procedas quousque libuerit



Linea hominum nativitates indicet, puncta verò eorundem vitam. Quòd puncta ulterius extendantur, quàm lineæ, fieri non posse patet, ut linea hæc ex multis partibus constituta infinita sit, cùm aliquid post se habeat, quod ulterius extenditur. Eâdem ratione confutaberis, si dicas, hominum nativitates in infinitum usque extendi: cùm enim omnes nostri posterì, postquam nati fuerint, victuri sint, & post etiam morituri, hominum certè nativitas in infinitum produci nequit. Nam si dicas ipsum nasci, infinitum esse, dicam ipsum vivere, & ipsum quoque

que mori, magis infinitum esse, quod vita longius extendatur, quam nativitas; & mors quam vita ulterius. Cum itaque nihil sit infinitum tempore, quo ponitur aliquid posterius, hominum natiuitates tempore infinitas esse negamus, quod eas omnes & vita & mors consequantur. Hunc nobis nodum veteres vel veterum sectatores explacent. *Idem.*

Homines non sine corporibus in æternum esse victuros.

CAP. XII.

HÆC vita suum extra se finem habet, in alia nimirum vita, in qua genus humanum vivet modò; non autem propagabitur amplius. Hæc enim vita eo fine constituta est, ut in ea certa hominum multitudo generetur. Hæc autem hominum multitudo generatur, ut in æternum vivat. Cum itaque hominum generatio suum extra se finem habeat, in vita nimirum, certè hæc vita alterius vitæ causâ existit. Novimus id frustrâ esse, quod suum finem non assequitur, & id frustrâ esse novimus, cujus finis frustrâ est. Hujus vitæ finis est hominum generatio, generationis autem æterna vita finis existit. Quamobrem si quod generatum est, hoc suo fine destituatur, frustrâ generatum esse dicimus: si frustrâ generatum sit, id quoque frustrâ fuisse concludimus, quod fuit eo fine, ut id generaretur. An non patet igitur hanc vitam frustrâ esse, si quod ejus est proprium opus, hominum videlicet, vel (ut veteribus in hoc assentiamur) corporum certa multitudo, suum finem, hoc est, æternam vitam non consequatur? Absit autem, ut Deum aliquid frustrâ fecisse statuamus. *Idem.*

Cur Deus voluerit homines ex hominibus propagari.

CAP. XIII.

VOLUIT Deus certam hominum multitudinem habere, quam suæ quodammodo felicitatis participem faceret. Hanc ut consequeretur, mundum hunc fecit, hancque vitam constituit. Verùm mirari quis possit, cur hæc media fecerit, cum æque facilè tot homines facere potuerit, atque mundum. Omnia nempe fecit Deus optimè: ut major esset hominum felicitas, eos amore mutuo conjungi voluit: ut autem amor is eò major esset, eos ex sese

fese propagari voluit. Notum est, quantum sanguinis conjunctio valeat, & storgæ naturales vehementissimi sunt amoris impetus. Hæc est humana societas hoc amore conjungenda, ut pater filios, & filii patres agnoscant. Hæc autem societas sine corporibus consistere nequit, quocirca futurum esse credimus, ut corpora suscitet Deus, quibus homines sese invicem agnoscere possint. *Idem.*

D E D E O.

Deum esse.

C A P. XIV.

HOMINIS fines varii sunt, ut suprâ ex ejusdem actionibus ostensum est. Eorum autem aliqui hujus vitæ proprii sunt, quibus nimirum in hac vita sustentamur, & speciem nostram propagamus in posteros. Aliqui verò duces sunt, quibus ad aliam vitam dirigimur: ut est Dei & ejus operum contemplatio, & in voluntate justitia. De contemplatione primùm agemus, post virtutes exponemus, quibus felicitatem consequimur. An sit Deus dubitandum equidem non est: ut tamen intellectus in hoc ipso magis confirmetur, Deum esse, subtili ratione demonstrabimus.

Causarum ordo finitus est: habet ergo primam aliquam, cujus effectus sint inferiores causæ: nullius verò effectus existat, & postremam aliquam, quæ superiorum effectus sit, & nullius causa. Sin verò neges, finitum esse causarum ordinem, sed ascendendo & descendendo in infinitum usque progredi posse, nec tamen primam, nec ultimam inveniri, tum hoc consequetur absurdum, id quod penitus non est, alterius causam esse posse, & quod infinitè existit, aliquo minùs existere. Cùm enim causa suo effectû potior sit, hoc est, magis existat, causæ, quæ in infinitum distant ab inferioribus, infinitè potiores existent: hoc est, infinitè magis, & inferiores iisdem infinitè minùs existent: Cumque omnes causæ & superiores habeant causas, & effectus inferiores, sequetur, id quod omnia est infinitè nimirum existens, alicujus effectum esse, & eodem minùs existere. Quodque nihil est infinitè minùs existens, alterius esse causam. *Idem.*

Dei existentia non tantùm ex Sacrà Scripturâ, sed & ex ipsâ rerum creatarum naturâ demonstrari potest. Sic
enim

enim 1. Existentia mentis humanæ Dei existentiam infallibiter præsupponit, & à posteriori demonstrat: nam cum humana mens propriæ existentia ejusque continuatæ certissimè conscia sit, multasque & egregias noscat perfectiones, quas ipsa tamen non habet, non potest certè illa à se ipsâ esse, adeoque nec se ipsam conservare: ergo ab aliâ causâ præexistente erit & conservabitur, & quidem tali, quæ sit à se ipsâ, nec opus habeat conservari ab aliâ, qualis non est nisi Deus. 2. Materiæ existentia indubitato simul Dei existentiam probat & infert, cum enim materia in compositis quibuscunque conspicua, non sit à se ipsâ, nec vel ab ullo corpore particulari, vel ab universâ naturâ, quâ prior existit, proveniat, sicque ex nihilo necessariò producta fuerit, palam erit, factum id esse vi voluntatis efficaciam infinitam, & proinde existentiam materiæ arguere infallibiter existentiam talis potentissimæ voluntatis, nimirum Dei. 3. Dei existentia ex materialibus corporum naturalium formis evidenter elucet, cum enim formarum talium varietas motui partium materiæ debeatur, & verò materia ex se nulla moveri queat, consequens erit, Motorem quendam primum, eumque Omnipotentem, qui motum illum dederit, qui formarum infinitas varietates, mutationes, generationes atque corruptiones per eundem motum instituerit, existere, nempe Deum. 4. Porro Dei existentiam fabricæ artificialium corporum evidenter probant, dependent enim hæ à voluntate hominum mediantibus instrumentis agente, & verò ipsa hominum voluntas infinite variat, intervenientibus quamplurimis motibus, quos ipsa voluntas regere, mutareque nesciat, concluditur, motorem adhuc alium, illumque immensum, nullæ substantiæ alligatum, infinite potentem existere, scil. Deum. 5. Dei existentia ex innumeris Machinæ hujus mundanæ usibus certa quoque redditur; cum enim totus mundus, & singulæ ejus partes lumine, calore, mechanismo passim obvio, motu, mutationibus & vicissitudinibus in orbem euntibus &c. in certos usus constantissimè semper dirigantur, jam autem partes Mundi saltem materiales, ceu consilii ac providentiæ expertes, tales sibi fines præfigere haud potuerint, eo ipso sui Opificem omnisapientem Deum indubie existentem arguunt. 6. Dei existentiam Oeconomia

mia animalis, & quidem humani corporis fabrica incomparabilis ad oculum quasi ostendit. 7. Animæ insuper rationalis unio cum corpore organico, citra comprehensibile quoddam vinculum, indeque resultantes miræ corporis actiones Dei existentiam clarissimè probant. Imò 8. Universa Natura operans mirâ varietate, dum ex se tales operationes suscipere impotens est, arguit manifestè immensam potentiam aliùs Motoris, adeoque Dei existentiam. Quam adhuc clariùs demonstrare videtur duratio rerum continuata, quæ non nisi Infinitæ potentiæ alicujus causæ immensæ ascribi potest. Hæc ex *Renato de Cartes*, ejusque *Affectis*.

Quid sit Deus.

C A P. XV.

EX præcedentibus patet, in causarum ordine primam aliquam esse admittendam, cujus hanc esse proprietatem vox Prima demonstrat, ut rerum omnium causa sit: (hoc namque causarum ordine omnia continentur: & unus non plures sunt, ut paulò post patebit, causarum ordines) ipsa verò nullius sit effectus. Hanc veteres Deum nominârunt. Cùm itaque Deus eis definiendus esset, non existimârunt eum commodiùs posse definiri, quàm si dicerent, Deum primam esse rerum causam. Haud equidem negavero, quin hæc definitio soli Deo competat, ut rectè definitio cum re definita converti possit: hoc tamen à recentioribus quæsiro, qui veterum decreta mordicùs apprehenderunt, an hæc definitio soli Deo, & semper competat? Veteres hoc ipsum affirmaverint: recentiores verò nequaquam: fatentur enim Deum ab æterno fuisse, cùm nihil omninò præter eundem existeret. Rebus ergo non existentibus, quomodo tum prima rerum causa dici potuit Deus? Sed aliâ ratione veteres confutandi sunt: non enim Deum concedunt ab æterno solum fuisse. Relationis prædicamentum Logici inter accidentia numerârunt, & rectè quidem, quòd quicquid per se subsistit, eo ipso quo est, sibi non aliis existat. Cùm itaque causam esse, sub relationis prædicamento contineatur, certè consequitur causæ nomen accidens esse rerum, quibus attribuitur. Ut ergo consistet veterum subtilitas, qui solo accidente Deum definierunt?

Plu-

Pluribus apertè confutarentur, sed errorem, ubi lateat, patefaciamus. In hac veterum descriptione, quia dixerunt, Deum primam esse rerum causam, duo sunt diligenter observanda: vox enim prima Deum ostendit à seipso, non ab alio quopiam existere. Hæc descriptionis pars, quid Deus per se sit, indicat: alia verò, quâ dicitur rerum esse causa, quid ipse per accidens existat, ostendit: hoc enim est non sui ipsius solum, sed aliorum respectu. Quamobrem si Deus verè & simpliciter definiendus sit, altera Descriptionis antiquæ pars amovenda est, ut nihil contineat præter simplicem Dei essentiam, quâ per se non aliorum respectu existit: Deum itaque essentiam esse diceremus à seipso existentem: *Αὐτῶς ὢν* Theologi Deum vocârunt. Quòd si vox in abstractum deduci posset, Deum unicâ voce definiremus optimè, dicentes videlicet, eum esse *αὐτῶς ὢν*: nihil enim genitum præter Deum existit, cui vox ista possit attribui, & Deo soli & semper competit, eaque complectitur omnia & sola, quæ Deus per se, & suiipsius solius respectu esse dicitur. *Nicolaus Taurellus.*

Itaque *Deus* 1. est *æternus* & *immortalis*, quia necessariò est, nec unquam aut potuit, aut potest, aut poterit non esse. 2. Est *independens*, quia summè perfectus. 3. *Vivit vitam perfectissimam*, vivere enim est perfectio, & ipse summè perfectus. 4. Est *liberrimum agens*, quia aliàs foret dependens ab eo, quod ipsi necessitatem agendi imposeret. 5. Est *altissimus*, sive absolutè summus maximusve, quia majus altiusque concipi nequit ipso. 6. Est *simplicissimus*, & omnis compositionis expers, quia est independens. 7. Est *Spiritus*, & *materiæ expers*. 8. In essentiâ, existentia, & cæteris omnibus rebus est *immutabilis*. 9. Est *omnipotens* & *omniscius*, quia posse & scire sunt perfectiones, ita ut in summè perfecto sit summum scire, summum posse &c. 10. Est *sapientissimus* in disponendis aut dirigendis rebus omnibus. 11. Est *optimus*, & *sanctissimus*, *justissimus*, ac *veracissimus*, fallere nescius, quia vel minimus, bonitatis, justitiæ, sanctitatis &c. defectus, aut fallendi alios voluntas, ejus perfectioni statim repugnant. 12. Est *infinitus*, *immensus*, *incomprehensibilis*, *intensive* nimirum, eò quòd ejus partibus nihil addi potest; non *extensive* ad modum corporum. 13. Est *felicissimum* & *beatissimum* Ens, fruens eo omni, quod absolutè boni perfectique aliquid involvit. *Metaphysici.*

Unum esse Deum, non plures.

C A P. XVI.

EX hac definitione liquet, Deum infinitam esse, & omnipotentem essentiam: cum enim à seipso sit, & nihil seipsum definiat, infinitus certè Deus est: cumque causam se superiorem non habeat, è qua definiri poterit, & omnia quæcunque sunt, sub se contineat, Omnipotens utique est: siquidem nihil in eum agere potest, ut ejus actiones impediat. Cum itaque Deus substantia sit infinita, infinitam quoque ad agendum potentiam obtinet: Verùm uno infinito plura statui non possunt; Nam si duo vel plura sint, ea vel planè non different, vel infinite different. Si planè non differant, unum quid erunt: Nam quæ numero separata sunt, quodammodo differunt. Sin autem infinite differant, simplex eis differentia competet, *esse & non esse*, atque ita unum simpliciter erit *omnia*, alterum simpliciter non erit, hoc est, meritò *nihilum* nominabitur. Unicum autem esse omnipotens necessariò hac ratione patet: Nam si duo sint, poterit unum alterius actiones inhibere, vel non poterit: si posse statuas, id certè omnipotens non erit, cujus impediri possunt actiones: sin posse neges, hoc ipso omnipotens esse negaveris. Quoniam ergo non nisi unum statui potest infinitum, & unum omnipotens, rectè unam, non plures causas primas esse concludimus: cumque sub hac causa quæcunque sunt, omnia contineantur, unum quoque causarum ordinem non plures admittimus. Hic tamen ordo in multos inferiores extenditur, de quibus non est nunc scribendi locus. *Nic. Tauvellus.*

Quòd Deus sit trinus & unus.

C A P. XVII.

ID inter cætera recentiores Judæorum maximè nobis obijciunt. Quòd cum Patrem, Filium, & Spiritum sanctum nos confiteri audiunt, tres Deos colere, pluralitatemque Deorum nos ponere ajunt. Quod profectò longè magis, quàm ipsi abhorremus. Eam ob rem Deum esse trinum & unum, ex Prophetarum dictis priscorumque Talmudistarum testimoniis, primùm te probare oportet. GALATINVS. Unum quidem esse Deum substantiæ ac naturæ simplicitate, Christiana credit religio. Tres verò

verò personas, quæ sunt Pater, & Filius, & Spiritus sanctus, quarum proprietates sunt paternitas, generatio atque processio: non essentia, neque natura tres, sed merè unum esse, confitetur. Deus igitur in personis quidem trinus est, in essentia verò unus. Deum autem unum esse, non opus est multis probare verbis, neque ad id probandum diutius immorari. Cùm ipsa Dei unitas sit ita firmissima, ac tam fixa mentis conceptio, ut naturaliter esse non possit, nisi unus Deus. Et Judæi quoque, & quicunque legem credunt, hoc omnes fatentur, & clamitant. CAPNIO. Satis est igitur hic si circa divinæ trinitatis sacramentum, per vetustorum Judæorum sententias, juniorum refellatur error. G A L. In re tam ardua & perdifficili, prius quidem eorum prorsus delendum est fundamentum, deinde verò expositionum, quibus sacras pervertunt literas, falsitas improbanda. Ratio igitur super quam hujusce erroris jaciunt fundamentum, ea potissima est, quòd malè intelligant, ac falsò exponant illud Deuter. 6. cap. scriptum, Audi Israël, Deus, Deus noster, Deus unus est. Quæ licet verba ex se clara sint, ob dictionem tamen unus, quæ ibi ponitur, Judæi nostri seculi, mentis cæcitate perculsi, inde potissimum erroris causam sumunt, ut divinæ trinitatis mysterium negent, unde maximè ipsius notionem nancisci deberent: Ex hoc enim ita Deum unum esse putant, ut ab eo personarum pluralitatem omnino excludant. H O G O S T R A T V S. Hæc quidem verba secus quàm tu transtuleris, textus noster habet. Sic enim dicit: Audi Israël, Dominus Deus tuus, Deus unus est. G A L. Fateor quidem ita esse. Sic enim & Græcus, quem noster in omnibus penè sequitur, textus habet *ἄλλοι Ἰσραὴλ, Κύριος, ὁ Θεός σου, Κύριος ἑὶς ἰσὶν*. Sed clarum profectò est, Hebraicum textum longè melius, quàm noster, sive Græcus sive Latinus exprimat, contra Hebræos ipsos veritatem exprimere. Ratio autem quare, ubi nostra tam Græca quàm Latina editio, hoc in loco Dominus habet, Deus, ego traduxi: ea quidem est, quòd ibidem Hebraicus textus habet nomen Dei illud tetragrammaton, quod Deum non per effectum, sed per essentiam designat. Sed quoniam divina essentia secundum proprium ejus esse, mente nullatenus excogitari potest, idcirco apud Judæos nefas esse censetur, nomen ipsum ore pronunciari, uti literæ ipsæ sonant, ex quibus componitur. Quare

ubicunque hoc nomen comperiunt, illud haudquaquam proferre audent, sed loco ejus hoc nomen Adonai proferunt, quod idem est, quod Dominus: literæ verò ipsius nominis non Dominum, sed Deum per essentiam significant. Autor igitur tam Græcæ quàm Latinæ editionis, nomen ipsum juxta prolationis significatum transtulit, scripturæ verò significatum, quod potius est, omisit. Ego autem cui vel maximè cordi est, veritatem quam Judæi negant, per eorum scripturas patefacere, illud secundum proprium ejus significatum traduxi, ut Deum trinum & unum in supradictis verbis designari, clariùs ostenderem. Neque enim aliam ob causam Moses ille magnus ter Dei nomen ibi posuit, nisi ut divinarum personarum trinitatem distinctè insinuaret. In dictione autem unus, quam immediatè subjecit, innuit tres personas divinas, non tres Deos, sed unum esse Deum. Hoc est (ut Damascenus ait) *μία ὁσία, μία φύσις, μία θεότης*. Id est, una essentia, una natura, una deitas. Quare personarum trinitas divinæ naturæ unitati nequaquam derogat. Quòd autem in eisdem verbis per triplicatum Dei nomen tres divinæ designentur personæ, Pater videlicet, Filius, & Spiritus sanctus, hoc Judæi minimè negare possunt, cum R. Simeon Johai filius, in libro, qui Zoar dicitur, super textum hoc ita dicat: Audi Israël, ait R. Ibba. Hic est ô Israël antiquus Deus, qui est principium omnium rerum, antiquus antiquorum, hortus radicum, & omnium rerum perfectio, & dicitur pater, Elohenu, id est, Deus noster, profunditas fluminum, & fons scientiarum, quæ procedunt ab illo Patre, & Filius vocatur Deus: hic est Spiritus sanctus, qui à duobus procedit, & vocatur mensura vocis. Unus est, ut unum cum alio concludat, & colliget. Neque enim alius ab alio dividi potest. Et propterea ait Schema, id est, congrega Israël hunc Patrem & Filium & Spiritum sanctum, eumque fac unam essentiam, unamque substantiam, quia quicquid est in uno, est in alio. Totus fuit, & totus est, totusque erit. Hæc ille. Ait etiam ibi idem R. Simeon: Hoc arcanum filii non revelabitur unicuique, quousque venerit Messias. Quia tunc (ut dicit Esajas) repleta erit terra scientiâ Dei, sicut aquæ mare operientes. Hæc ille. Multi etiam alii per nomen Dei ter in eodem textu positum, ipsam divinarum personarum trinitatem significari voluerunt; sed quia tantum mysterium à solo Messia reve-

revelandum erat, illud explicare sibi non licere dixerunt. Ut per R. Menahem Rakenad in libro Zochar super eodem Deuteronomii textu, liquidò patet. Quamobrem Talmudistæ non ita expresse de mysterio trinitatis locuti sunt, sicut Cabalistæ: qui non solum super eundem textum, sed etiam multis aliis in locis, Patrem, Filium, & Spiritum sanctum explicitè proferunt. CAP. Cur Deus in vetere instrumento non ita explicitè trinitatis mysterium tradi voluit, sicut illud in futurum per Messiam revelandum reservavit? GAL. Judæorum populus (ut te scire non dubito) maximè ad idololatriam pronus erat, ad quam evitandam, universa lex vetus illa condita fuit. Ne igitur in eorum, qui plures Deos colebant, errorem inciderent, cautè à divina providentia factum est, ut ipsum divinæ trinitatis arcanum non explicitè eis traderetur. Sed quoniam idololatria per Messiam penitus explodenda erat, universusque orbis ad unius Dei cultum reducendus: idcirco sacramentum illud trinitatis explicitè atque apertè revelandum, ad dies Messiæ reservatum fuit. Quod omnis quoque Cabalistarum schola planè testatur, asserens, ipsius divinæ Trinitatis arcana tantummodo usque ad Messiæ tempus recondita latere debuisse. Tunc autem, cùm omnis idololatrici erroris suspicio auferenda esset, & arcana etiam ipsa Trinitatis divinæ palàm retegenda fuisset. HOG. Cùm in præmemoratis verbis, Audi Israël, Deus Deus noster, Deus unus est: ter nomen Dei ponatur, quid est, quòd secundo tantum nomini additur Noster, & non primo, aut tertio? GAL. Id non abs re profectò factum. Ex hoc enim manifestè innuitur, quòd neque quidem Pater, qui prima est in Trinitate persona, neque Spiritus sanctus, qui tertia in eadem Trinitate persona est, sed solus Filius, qui secunda est ejusdem Trinitatis persona, per nostræ humanitatis participationem noster futurus erat. Cui illud quoque, quod in Psal. 67. scribitur, simile est: Benedicat nos Deus, Deus noster, benedicat nos Deus, & metuant eum omnes fines terræ. Ubi in eo quòd ter ponitur Deus, trium personarum divinarum designatur distinctio. In eo autem, quòd secundo tantum loco adjungitur Noster, solum Filium per nostræ naturæ assumptionem, nostrum fore insinuabatur. In eo verò, quòd postremò metuant eum, & non eos dicitur, ipsarum personarum unitas, quod ad naturam, atque identitatem ostenditur. Ut palàm demonstre-

tur, tres personas divinas, non tres Deos esse, sed unum solum Deum. Quod Esajas quoque apertè monstravit, cum 6. cap. dixit, Sanctus, Sanctus, Sanctus Deus exercituum, plena est omnis terra gloriâ ejus. In eo enim quòd ter dicit Sanctus, tres personas divinas expressè designat. Quod per R. Simeonem Johai filium, & per R. Jonatham Uzielis filium, super textum hunc apertè probatur. Nam R. quidem Simeon, sic ait, Sanctus, hic est pater: Sanctus, hic est Filius: Sanctus, hic est Spiritus Sanctus. R. verò Jonathas inquit, Sanctus Pater, Sanctus Filius, Sanctus Spiritus sanctus. CAP. Judæorum juniores hîc dicerent, hoc minime in Jonatha haberi. GAL. Verum quidem est, in his Jonathæ libris, quos nunc ipsi frequentius præ manibus habent, hoc (ut ipse nosti) non haberi, cum illud inde majores eorum deleverint, eoque in loco ita scripserint, uti libri, quos postmodum scribi contigit, continent. In vetustissimis tamen libris, qui rarissimi sunt, ita prorsus habetur, uti ego retuli, quorum ipse unum vidi cum essem Licii, quâ tempestate Judæi ex toto regno Neapolitano, jussu regis Catholici expellerentur. Et ille quidem hoc loco sic omnino habebat, uti ipse retuli. In eo autem (ut ad verba Esajæ redeam) quòd post tria illa nomina Sanctus, sanctus, sanctus immediatè, semel duntaxat ponitur nomen Dei *τὸ θεοῦ* quod est, Deus, per quod divina essentia importatur, clarè innuitur, tres illas personas non tres Deos, sed unum Deum esse. Eam ob rem veteres illi Talmudistæ, qui hujus arcani non omnino ignari erant, statuerunt, quòd tam ista Esajæ verba, quàm illa Deuteronomii; Audi Israël, Deus, Deus noster, Deus unus est: ab uno quòque Judæorum bis saltem in die, mane scilicet & vesperi, dicerentur. Quod apud eos hucusque servatur. Ut dum Judæi ipsi hæc eadem verba ore pronunciant, & divinarum personarum trinitatem, & divinæ essentiæ unitatem, sicut verba illa designant, ita se corde quoque credere protestentur. *Petrus Galatinus.*

Trinum esse Deum non essentiâ quidem, sed personis.

C A P. XVIII.

DIXIMUS suprâ in Dei descriptione duo diligenter esse considerata, quòd nimirum Deus suûpsius sit principium, & aliorum causa. Illud ipsam Dei sub-

substantiam indicare ostendimus, quâ sibi soli non alii cuiquam existit. Jam verò cum Deus agere quidpiam, non autem quiescere statuatur, quærendum meritò fuerit, quid agat Deus. Veteres eum circa mundum, & quæ in eo sunt, occupatum esse crediderunt: credunt hoc etiam Christiani. Verùm etsi non hoc negaverim, aliud tamen agit Deus quâ Deus est ratione. Hoc enim agit Deus quâ rerum causa est ratione. Christianos interrogaverim: si non aliam Dei actionem admittant præter hanc, quâ in mundum occupatus est, quid egisse Deum existiment, mundo nondum existente? Respondebunt ex Augustini sententia, eum iis infernum præparasse, qui talia quærerent: Pulchrè profectò, quasi non sint nobis ex Christi mandato scrutandæ Scripturæ? Quid hoc est, quod Pater de Filio ait, *Hodie te genui*? Quid hæc vox *Hodie* significet, expositum est ab eis optimè: Non enim temporis aliquam partem, sed æternitatem designat: si quæram itaque, quid Deus ab æterno egerit, annon attestante Scripturâ benè respondero, eum sibi filium genuisse? Hæc Theologis scripta sint: Nobis tamen philosophari licebit, modò quæ philosophando volumus, Scripturæ sint consona. *Nic. Taurellus.*

Quod personarum trinitas unitati divinæ essentiae non derogat, per rationem super Judæorum scripturas fundatam.

CAP. XIX.

ET S I cum Judæis nostri temporis ratione pugnandum non sit, quia cum mentis oculos errore perfidiæ perturbatos habeant, rationis lumine, quo veritatem perspicere queant, penitus carent. Veruntamen, quia rationem, quæ super eorum fundatur scripturas, haudquam negare possunt: idcirco ad majorem erroris eorum confutationem, & ad clariorem Catholicæ veritatis expressionem, benè quidem mi Galatine ageres, si ratione quoque Hebraicis testimoniis roboratâ, personarum trinitatem cum divinæ essentiae unitate, absque ulla ejusdem unitatis derogatione, esse posse probares. G A L. Faciam equidem, quàm brevissimè. Nonne igitur ipsi concedendum ducerent, Deum in diversis esse locis? C A P. Ita prorsus. Hoc enim & Talmudistæ passim affirmant, & Scriptura sacra asserit. Quæ præsertim Psalmo apud eos 139. ita ait: Si scandero coelos, illic tu es, & si jacuerò in

inferno, ades. Si portavero alas auroræ, si habitavero in extremo maris, etiam illuc manus tua deducet me, & tenebit me dextera tua. Quibus ex verbis aperte liquet, Deum ubique esse. GAL. Id autem secundum diversas partes verificari nequit. Quia cum Deus Spiritus sit, ac summè simplex, ut ipsi etiam ajunt: omni prorsus partium diversitate atque compositione caret: In libro enim Formationis, quem ipsi Sepher iczira vocant, eo in loco ubi ponuntur decem sephiroth, id est, decem incorporei, abstractique numeri, seu potius decem incorporeæ secretæque unitates, quarum prima tanquam omnium abstractissima, ponitur Deus ipse, sic habetur, Spiritus Dei, sive Spiritus Deus, benedicens & benedictum nomen ejus, qui est vita sæculorum, vox, spiritus, & verbum: hic est Spiritus sanctus, cujus (ut habent alii libri) principium perscrutari nequit, & cujus finis nullus est terminus. Hæc ibi. Neque etiam eum successivè diversis in locis esse dicerent. Quia tunc secundum locum mutabilis esset, quod ipsi omnino negant, cum Deo nequaquam convenire possit. Quoniam cum æternus sit, & immensus, atque summè simplex, neque secundum tempus, neque secundum locum, neque secundum formam mutari potest. Quare ipsi quoque quemadmodum & nos, eum omnino immutabilem asseverant. Cum Deus ipsemet apud Malachiam cap. 3. dicat, Ego Deus non mutor. Eapropter fateri eos oportet, Deum (etsi unus sit) totum cum suæ unitatis veritate, simul & semel in diversis locis esse. Quocirca ita quoque eos concedere necesse est, ipsam divinitatem (etsi una tantum numero existat) totam simul in pluribus esse posse personis. Quid si illud primum concedunt, cur hoc secundum negant, cum non magis unum quàm alterum concedendum sit? Sed hoc minimè certè negare possunt, cum passim illud non modò prisci Talmudistæ, atque Cabalistæ (ut jam ostensum est) fateantur, verum etiam divina quoque attestentur eloquia. Nam ubicunque in sacris veteris instrumenti literis, unius Dei essentia insinuat, semper ferè ibidem & trium personarum pluralitas innuitur. Et contrà, quocunque in loco personarum trinitas exprimitur, semper penè eodem quoque in loco, & divinæ substantiæ unitas explicatur. Ne aut propter singularis Dei unitatem, personarum trinitas à divina natura excludatur, aut
propter

propter personarum trinitatem, plures dii esse credantur. Sed sic in altero tres ipsæ divinæ hypostases absque confusione ab invicem distinctæ creduntur, ut in altero ipsius Dei unitas omnino salvetur: quod in cantico quoque Mo-
 sis liquidò patet. In quo, eo in loco ubi nos habemus: Videte quòd ego sim solus, & non sit Deus præter me: Apud Hebræos hæc tria ponuntur nomina, quæ apud eos divina sunt, Ani, Ani, Hu. Quæ ego, ego ipse, apud nos interpretantur. Quid igitur ibi per tria hæc divina nomina, nisi trium divinarum personarum pluralitas ac distinctio designatur? Et quid per illud, quòd ibidem immediate subicitur, & non sunt Dii mecum, insinuat, nisi quòd tres illæ divinæ hypostases, per tria illa divina nomina designatæ, non sunt tres Dii, sed unus Deus? Nam & si tota divina essentia sit in Patre, tota in Filio, tota in Spiritu sancto; quum Pater sit verus & perfectus Deus, à quo omnia; & Filius verus & perfectus Deus, per quem omnia; & Spiritus sanctus verus & perfectus Deus, in quo omnia: quia tamen ipsa divina natura una omnino est in tribus, ideo Pater, & Filius, & Spiritus sanctus non sunt tres Dii, sed unus Deus, qui fecit omnia, & à quo, per quem, & in quo omnia proveniunt, subsistunt & vivificantur, & ad quem tandem omnia reducuntur. Nam ut Gregorius ille Nazianzenus, Græcorum Theologorum facile princeps ait, Unus Deus est Pater, à quo omnia, & Filius per quem omnia, & Spiritus sanctus, in quo omnia. Hæ enim præpositiones à quo, per quem, & in quo, non naturam quidem dividunt, sed unius atque inconfusæ naturæ proprietates characterizant. Quæ quomodo fiant, Joannes Damascenus ostendit, qui hoc mysterium non minus eleganter, quàm subtiliter eo in libro, quem de divina traditione inscripsit, explanare conatus est, ita c. 49. inter cætera dicens: In divinitate unam confitemur naturam, tres autem hypostases, secundum veritatem esse dicimus. Et omnia quidem naturalia atque essentialia, simplicia animadvertimus. Hypostasium verò differentiam in tribus solis proprietatibus, in improducta scilicet ac paterna, & producta ac filiali, & producta atque procedente, novimus. Inseparabiles autem ipsas, indistabilesque ab invicem, & unitas atque in invicem inconfusè circumincedentes, scimus. Et unitas quidem inconfusè, tres enim sunt, etsi uniantur: distinctas autem indistanter. Licet

nim unaquæque per seipsam subsistat, hoc est, perfecta sit hypostasis, suamque proprietatem, id est, differentem subsistentiæ modum possideat: attamen uniuntur essentiâ, naturalibusque proprietatibus, & eo quod est minimè distare à paterna hypostasi. Ac unus Deus & sunt, & dicuntur.
Petrus Galatinus.

Divina Trinitas.

C A P. XX.

HÆC tria in Deo, quòd non ut reliqua quiescens sit substantia, sed perpetuo vigore subsistat, patent apertissimè. Tria quidem sunt hæc propriis distincta rationibus (quas idiomata vocant Theologi) non autem tres numero separatas constituunt substantias, sed *unum esse infinitum*. Non enim (ut suprà demonstravimus) uno plura possunt esse infinita. Hujus rei aliud habemus argumentum: si quod fit, ab eo, quod agit, numero separatum fit, ut duæ non una sint substantiæ, tum quod fit, prima causa dici non poterit. Non enim prima causa dici quicquam potest, quod causam sui extra se habet. At si prima causa non sit, finitum quiddam est, extra Dei substantiam consistens: non poterit igitur ejus actionis effectus esse, quâ Deum *esse* diximus: Hæc enim agit Deus sibiipfi, non alii cuiquam, quo fit, ut actio, quâ Deus est, in ipsa Dei substantia contineatur, non extra evagetur. Hanc internam Dei actionem veterum nullus philosophando animadvertit, utut de suo Platone gloriantur Platonici. Quid autem nostræ fidei magis potest esse consonum, quâ Deum substantiâ unum, at personis trinum colimus ac veneramur; Deus agens Patrem refert, ejusdem effectus Filium, actio id quod agit cum eo quod fit conjungens inseparabiliter, piè Spiritus sanctus dici potest.

Si quæraturn ergo quid Deus ab æterno egerit: seipsum fecisse dicendum est, tum quòd præter eundem (ut modò patebit) nihil ab æterno fuerit, quod fecisse dici possit, tum quòd sibi ipsi non alii cuiquam Deus

ab æterno fuerit.

Idem.

*De divinarum personarum distinctione, & numero
per earum proprietates.*

CAP. XXI.

NON parum profuturum puto, tum ad clariorem veritatis manifestationem, tum ad majorem Judæorum recentiorum confusionem, si divinarum personarum distinctionem & numerum per earum quoque proprietates, apud eos haberi ostenderis. GAL. Id quoque libenter faciam. Quòd igitur divinarum personarum tam numerum quàm distinctionem adhuc ipsi per earum proprietates apertè demonstrent, primùm ex iis facile patet, quæ in Midras tillim, id est, in expositione Psalmorum habentur, eo in loco, ubi Psalm. 50. sic dicitur, Deus, Deus, Deus, locutus est, & vocavit terram. Ibi enim ita legitur. Quamobrem memoratur nomen Dei sancti & benedicti tribus vicibus? Ut doceretur, quòd his tribus nominibus Deus sanctus & benedictus mundum creavit, juxta tres Middoth, id est, proprietates, quibus mundus creatus est. Quæ sunt, Sapientia, scientia, vel notitia, & prudentia. Sapientia unde, supple, probatur? Sicut dictum est Prover. 3. Dominus in sapientia fundavit terram. Scientia vel notitia unde? Sicut dictum est ibidem. In notitia vel scientia abyssi eruperunt. Prudentia unde? Sicut dictum est, ubi suprà, Aptavit vel ornavit cœlos prudentiâ. Et propter hoc ipse, inquit Exod. 20. Quoniam ego Deus, Deus tuus, Deus Zelator. Ecce tres proprietates loco trium, quibus creatus est mundus. Sic etiam filii Gad & filii Ruben dixerunt, Jehosue 22. Deus, Deus, Deus, Deus, Deus, Deus, ipse scit. Quidnam viderunt, ut hoc idem repeterent duabus vicibus? dixerunt primò, Deus, Deus, Deus: quia his creatus est mundus. Et deinde dixerunt, Deus, Deus, Deus: quia in his quoque tribus data est lex. Sed nunquid potuisset unus eorum ex se solo, separatimque, supple, creare mundum? Nequaquam, sed duo alii uniti, cum eo, necessario creaverunt. Hæc in Talmud. Quæ eisdem ferè verbis ponuntur in Commentariis R. Mosi Hadarsan super illud Gen. 1. In principio creavit Elohim cœlum & terram. Quæ quidem omnia satis fidei Christianæ congruunt, hoc duntaxat excepto, quòd has tres divinas Middoth, id est, proprietates, quibus mundum creatum asserunt, dicunt esse sapientiam, notitiam atque prudentiam. Hæ namque et-
si plu-

si plures proprietates nomine videantur, re tamen non sunt nisi una. Veruntamen alibi tres apud eos proprietates comperiuntur, quæ secundum fidem orthodoxam sunt unus Deus. In positione siquidem R. Mosis Hadarsan in librum Geneseos, super illud 42. cap. Joseph ipse potens super terram: ita legitur R. Eleazar dixisse. Non est creatus mundus, nisi verbo Dei sancti & benedicti. Sicut dictum est in Psalm. 33. Verbo Dei cœli facti sunt. Ubi & R. Simeon dicit, Spiravit Deus spiritum oris sui, & creatus est mundus: sicut dictum est Psalm. 33. Et spiritu oris ejus omnis exercitus eorum: hæc traditio, in quibus tria hæc, Deus, verbum ejus, & spiritus, distinctè & apertè in mundi productione concurrere ponuntur. Hæc autem tria, quid aliud sunt quàm Pater, Filius & Spiritus sanctus? Verbum enim realiter distinguitur à proferente, & Spiritus à spirante. Ergo inter Deum mundi creatorem, & verbum ejus, per quod mundus creatus est, & Deum spirantem, & Spiritum ejus, in quo mundum produxit, realem oportet esse distinctionem. Cum igitur in Deo nullum sit accidens, ut ipsi etiam concedunt, cum omne accidens imperfectionem dicat, & in Deo nulla possit esse imperfectio: sequitur sanè quòd neque verbum Dei, neque spiritus ejus sit accidens. Ergo sunt hypostases, sive supposita, vel personæ realiter distinctæ. Et per consequens juxta veterum Talmudistarum dogma, necessario fatendum est, tres in Deo esse personas, quibus tres Middith, id est, proprietates attribuuntur, Patrem scilicet, Filium & Spiritum sanctum. Qui non tres Dii sunt, neque tres creatores, sed unus Deus, unusque creator. Quod ex eo quoque ostenditur, quod mox ibidem subsequitur, congregans velut in utre aquas maris: dans in cellariis abyssos. In eo enim, quòd singulariter dicit congregans & dans, manifestè innuat, tres personas divinas, quas per tria nomina prædicta dedit intelligi, unum esse tantummodo Deum, mundi universi creatorem. Quod illi Joan. 1. cap. 5. valde consonat: Tres sunt qui testimonium dant in cœlo, Pater, Verbum, & Spiritus sanctus: & hi tres unum sunt. Ad id quoque pertinere videtur, quod in Midras Coheleth, id est, in expositione Ecclesiastis super illud, quod in 4. cap. sic habetur. Et filum trinum non citò rumpitur. Ibi enim dicitur: R. Johanan dixisse: Meliores sunt duo (vir scilicet & mulier) quàm unus, hic scilicet per se, & illa per se, & filum trinum istud

istud est Deus sanctus & benedictus, qui visitat utrumque in filiis, hoc est, dando eis filios. Quod autem subjunctum est, non citò rumpitur: sensus ejus esse videtur, quòd mysterium trini & unius Dei, non faciliè, nec citò discutitur. *Petrus Galatinus.*

Quòd Deus sit verbum, & verbum Dei sit ipse Deus.

CAP. XXII.

ETSI in præmissis verbum Dei ejusdem cum Deo esse substantiæ, satis abundè probaveris. Ex quo & Deum verbum esse, & verbum Dei ipsum esse Deum necessario sequitur: ut tamen magis juniorum Judæorum cervix durissima contundatur, velis obsecro Deum esse verbum, & verbum Dei esse Deum, apertiùs nunc ostendere. GAL. Quòd quidem Deus verbum sit, ex eo potissimum patet, quòd ubi Esajas 45. cap. ait, Israël salvatus erit in Deo (tetragrammaton) salvatione seculorum, vel sempiternâ. Sic targum Jonathæ dicit Israël salvatus erit in verbo, vel per verbum Dei, salvatione sempiternâ. Ubi ergo Esajas dixit, in Deo (tetragrammaton) quòd nomen nulli nisi Deo attribuitur, ibi Chaldaicus interpretes in verbo Dei transtulit. Per quod Deum esse verbum, palàm ostendit. Item ubi apud Hof. 1. cap. dicitur. Et domûs Juda miserebor, & salvabo eos in Domino Deo suo. Sic idem interpretes vertit: Et super domum Juda miserebor, & salvabo eos in verbo Domini Dei eorum. Illud etiam quod Esajas 8. cap. dicit: Et addidit Deus (tetragrammaton) loqui ad me adhuc. Ita Jonathas ipse traduxit: Et adjecit verbum Dei loqui ad me adhuc. Item quod idem Propheta 41. cap. dixit: Nec timeas, quia tecum ego, sic ille transtulit: Ne timeas, quia in auxilium tuum verbum meum. Item quod ibidem dicitur, Ne timeas vermis, vel tineam Jacob, homines Israël, vel qui estis ex Israël, Ego auxiliator sum tui, ait Deus & Redemptor tuus sanctus Israël. Ita ille Chaldaicè exposuit, Ne timeas tribus domûs Jacob, semen domûs Israël, verbum meum in auxilio vestro, Dixit Deus & Redemptor vester sanctus Israël. Illud præterea ejusdem Prophetæ 44. cap. sic ait: Dominus Redemptor tuus ex utero, ego Dominus faciens omnia, extendo cœlos levandi, id est, per me solum firmans terram metiri, id est, per eum qui est apud me. Sic ille in Targum explanat: Sic ait Dominus qui

qui redemit te, & qui formavit te ex visceribus. Ego Dominus autor omnium, extendi cœlos verbo meo, vel per verbum meum. Fundavi terram in virtute vel fortitudine mea: quod valde dicto illi Evangelistæ consonat: In principio erat verbum, & verbum erat apud Deum, & Deus erat verbum; hoc erat in principio apud Deum: omnia per ipsum facta sunt, & sine ipso factum est nihil. Illud quoque Hoseæ nono capite dictum: Reprobabit vel abjiciet eos Deus meus, quia non audierunt eum, & erunt vagi in gentibus. Sic Jonathas in Targum exponit: Abjiciet eos Deus meus: quia non receperunt verbum ejus, & erunt vagi in gentibus. Cum igitur in omnibus his, ac aliis permultis, in quibus Prophetæ dominum vel Deum (tetragrammaton) posuerunt, Rabbi Jonathas prædictus vir apud eos maximæ autoritatis, verbum Dei Chaldaicè transtulerit & exposuerit: consequens planè est, Deum ipsum verbum esse, ac verbum Dei Deum: quod erat probandum. *Petr. Galatinus.*

Quid Deus ab æterno egerit.

C A P. XXIII.

SUBTILITER philosophati sunt veteres, cum naturam, & quæ sub ea sunt, ab æterno fuisse sibi hac ratione videbantur demonstrasse, Deum videlicet, nisi mundus ab æterno fuerit, quiescere oportuisse. Si sit hoc philosophicum: Absit tamen ut id admiserim. Quæ Deus in mundo agit, ea non sibi, sed hominibus agit: si nihil ergo agat aliud Deus, Deo certè sumus & feliciores, & nobiliores. Nam quod est alterius causâ, id eo ipso ignobilius: sic cœli, quod hominum causâ sint, hominibus sunt ignobiliores. Deus autem quod rerum omnium causâ sit, nullius omnino causâ existit: suo namque fine quidvis perficitur, & quod alterius est causâ, hoc ipso, quo propter id est, illud ipsum perficit. Effectus verò est, ut causam perficiat, non vice versâ: maximè verò si causâ sit intelligens & voluntaria, qualis certè Deus est. Non enim facit aliquid ut eidem subjiciatur. Quod si Deus hac perficiatur actione, hoc est, suum finem seu felicitatem consequatur, quâ in hoc mundo agit, quæ vel agenda, vel conservanda sunt, summum certè Dei bonum non ipsius, sed hominum erit. Hic siquidem mundus & quæ sunt in eo, ad hominem per-

perficiendum facta sunt. Nos itaque Deum (ut hæc vitæ absurda) contemplabimur aliter.

In Rebus omnibus duo considerantur, substantia & ejusdem actiones: substantia suis perficitur actionibus, quo fit, ut quies rerum imperfectionem denotet. Deum fatentur Philosophi substantiam esse perfectissimam, quod nisi concederent, multis planum faceremus rationibus: Nullam ergo quietis rationem admittit, sed actione perficitur perfectissimâ. Hæ sunt autem actionis perfectissimæ proprietates, ut ea suum finem in seipsa habeat: ut finis ille sit perfectissimus, hoc est, ut summus existat, non alii subjectus & opus exponat absolutissimum. Substantiæ perfectissimæ proprietates hæ sunt, ut nec ipsa quietem admittat, sed perpetuo vigore subsistat, & actione suâ perfectissimè perficiatur, hoc est, sola & semper, ut nec prius extiterit, quàm perfectâ esset, semperque sit perfectissima futura, nec perfectio hæc alterius sit cujuscpiam. *Nic. Taurellus.*

An Deus contemplatione perficiatur.

C A P. XXIV.

SI Deus mens sit (ut cum veteribus Theologorum aliqui fatentur) contemplatione perficitur: Hoc enim proprium mentis opus est. Nequaquam verò id fuerit admittendum. Non hæc enim Dei est perfectio, sed hominis & angelorum. Felices sumus intelligendo: Deus autem est existendo felicissimus. Hæc veteres non animadverterunt. Contemplatio rebus est contemplandis posterior. Non enim quicquam contemplari potes, nisi res prius existat, quam vis contemplari. Res etiam contemplatæ sunt ipsâ contemplatione potiores. Non enim felicem facit contemplatio, nisi res contemplatas admireris. Actio igitur, quâ res contemplatæ vel existunt, vel factæ sunt, est eâ præstantior, quâ ipsæ contemplantur. Dum itaque non contemplatione perfici dicemus, sed eâ actione, quâ res existunt, quæ beant se contemplantes. Deum videre, Theologi statuunt humanam esse felicitatem: Rectè quidem. At *Deum esse* Dei felicitas est. Hoc pluribus est comprobandum, ut Philosophis etiam fiat conspicuum, Actionis perfectissimæ hanc diximus esse proprietatem, ut suum in seipsa finem habeat: hoc est, ut quamprimum actio fuit, suum finem habuerit, & eum quidem perfectissimè

mè. Actionis etiam perfectissimæ opus esse diximus perfectissimum. At præter unum Deum nihil est, quod dicere liceat perfectissimum. Nihil quoque est præter eundem quod ab æterno fuerit (ut infra demonstrabimus.) Deus itaque quòd ab æterno fuerit, & subsistat perfectissimè, opus est actionis æternæ, & perfectissimæ. Hinc patet, quomodo Deus sit suiipsius principium. Reliqua enim quæcumque sunt, quòd finita sint, ita existunt, ut fieri cœperunt, & fieri desierint: quò fit, ut quietè subsistant, siquidem accidentia sunt, quas exerunt actiones: Deus autem, quòd à nullo existat, non cœpit fieri: quæ causa est, ut nec fieri desierit: sunt enim quæ non cœperunt in æternum necessario. Quamobrem Deum in perpetuo fieri subsistere dicimus: sed ita ut agens non sit extrinsecus: causam enim non agnoscit Deus. Sunt ergo tria, quibus Deum subsistere statuimus, *Actio, quod agit, & quod fit. Idem.*

D E N A T U R A.

Naturam non esse primam rerum causam.

C A P. XXV.

NATURAM fortassis existimet aliquis primam esse rerum causam, quod tamen est absurdissimum, ut multis demonstrari potest argumentis, è quibus unum aut alterum exponemus. Prima causa, quòd superiorem non agnoscat, à qua suum esse acceperit, ipsa suiipsius causa est: Natura verò non à seipsa, sed à principio superiori existit. Cùm enim finita sit (ut ex cœlorum motu patet) ab alio certè definita est, nihil siquidem seipsum definit. Adhæc si natura seipsam fecerit (quæ primæ causæ proprietas est) certè seipsam fecit naturaliter: quæ verò naturaliter fiunt, ex præexistente materia fiunt, ut si natura facta sit naturaliter, eam ex materia præexistente fieri oportuerit. Quod si statuatur, naturâ nondum existente, consequetur aliquid factum esse naturaliter, & naturam aliquid fecisse priusquam ipsamet existeret. Non est ergo Natura prima rerum causa. *Idem.*

Quicunque Axiomata & Epitheta Naturæ hucusque tributa, paulum considerat, facile deprehendet, vulgarem Naturæ notionem hâc vel simili descriptione exprimi posse: Natura est ens sapientissimum, quod nihil facit frustra, quod

quod fine suo non excidit, quod facit optimum semper inter ea, quæ fieri ab ipsâ queunt, idque præstat per vias maximè rectas & brevissimas, neque redundans in superfluis, neque deficiens in necessariis, unicuique operum suorum sui conservandi inclinationem ingenerat, utque in Microcosmo, Homine scilicet, morborum ipsa curatrix est, sic in Macrocosmo, Mundo nempe, ejusdem conservandi gratiâ abhorret à Vacuo, quo efficit horrore, ut quædam corpora privatas contra inclinationes, bonumque boni publici causâ agant. Sed cum hæc Descriptio nullatenus veram Naturæ essentiam explicet, aliam eamque verioreme à me expectas, vocis autem illius ambiguitas tanta est, atque à Doctis etiam ipsa ad res tam varias significandas adhibetur, ut minimè tutum esse videatur, non enumeratis, distinctisque variis ejusdem acceptionibus, illius tradere definitionem, quæ veriùs tradi omnino nequiret, aut certè ejusmodi nequiret, quæ censuræ obnoxia non foret; non mihi itaque assumam, ut definiam id, cujus nulla certa adhuc, stataque apud homines notio est. Ut tuis tamen, quantum ausim, votis paream, scias velim, si quæ mihi quavis hætenus datâ aptior Naturæ definitio proponenda foret, quæque præcipua Naturæ notio habenda esset, universalem, particularemque rerum Naturam distinguere: *universalis* autem *Natura* proponenda à me notio hujusmodi quæpiam foret: Natura est aggregatum quodpiam è corporibus Mundi formam constituentibus consideratum ut principium, cujus vi agunt, patiunturque, conformiter legibus motûs ab Authore Naturæ præscriptis. Quæ quidem Descriptio hunc ferè in modum exponi poterit: Natura, in genere, est effectus quidam materiæ universalis, aut substantiæ corporeæ Universi, spectatæ, ut in præsentem Mundi structuram & constitutionem effectuatæ, quâ omnia, ex quibus constat, corpora apta fiant, quæ agant in se mutuo, patianturque à se invicem juxta statas motûs leges. Hæc jam Descriptio viam ad aliam huic subordinatam notionem, cui etiam subnecti debet, parabit, cum particularis corporis individui Natura posita sit in generali Naturâ, applicatâ distinctæ Universi portioni, aut potius, si ponamus eam, ut reipsâ est in Mundo, instar nostri constitutam à Deo; & dicamus, quòd *Natura particularis* sit conventio quædam mechanarum affectionum, Molis putà, Figuræ, Ordinis, Sitûs,

C

Tex-

Texturæ , Motûs localis , mechanicarum inquam affectio-
num partium sive sensibilibum , sive insensibilibum , quibus
particulare , quod constant , corpus in particulari specie , aut
denominatione constituatur , quatenus harum omnium
Affectuum concursus consideratur ut principium motûs
& quietis , mutationumque eo in corpore. Ut adeò Uni-
versalis Natura Cosmicus sit Mechanismus , sive complexio
mechanicarum affectuum ad Macrocosmi Systema per-
tinentium ; Particularis verò Natura sit peculiaris hujus &
illius corporis in specie considerati mechanismus , sive es-
sentialis modificatio , in complexione modorum sive me-
chanicarum affectuum similiter consistens. *Rob. Boyle*
Tract. de Naturâ.

Mundum aliquando cœpisse.

C A P. XXVI.

NATURA mundum non excedit. De mundo igitur
agemus , ut totum , adeoque naturas omnes hoc no-
mine complectamur. Plures aliqui mundos admi-
serunt : rident hoc Aristotelici , & meritò : quibus id verò
confutaverint argumentis , nostrum non est hic recensere :
Alii tractent aliena. Certè confutatus est error hic , ut con-
sistere possit nihilominus. Nos autem nec sensu nec ratio-
ne moveri possumus , ut alium præter hunc mundum esse
suspiciemur. Phantasticis hoc phantasma tractandum relin-
quimus.

Unum itaque mundum esse , & eum quidem finitum , fa-
tis constat. Hoc autem , ut diligenter examinetur dignum
est maximè , num scilicet mundus hic ab æterno fuerit , aut
aliquando cœperit ? Nunquam cœpisse mundum Cory-
phæus obtinuit Aristoteles : contrarium divinâ revelatione
sumus edocti.

Quisquis es autem , qui Philosophum agis , & te Chri-
stianum esse profiteris , hæc tu mihi conciliato. Prompta
hic est philosophantium agilitas : Mundum (inquiunt) ab
æterno fuisse , verum est philosophicè : mundum etiam ab
æterno non fuisse , verum est theologicè. Duplex ecce no-
strorum Philosophorum veritas , & sibiipsi quidem contra-
ria. Animum attendite Doctores : Mundum ab æterno
fuisse , falsissimum est philosophicè & absurdissimum : Hoc
vos edocebimus.

Mun-

Mundum quod finitum quiddam sit, ab alio, non à seipso existere fatemini. Quærimus itaque sit ne mundus absolutum opus, an verò in fieri consistat? *N. Taurellus.*

Enimverò omnia, quæ in Universo spectantur, creatorem prædicant, & nihil natura mortalium oculis objicit, quod non sui Authorem loquatur, & ad ejus venerationem excitet. Quem non Mundi partium dispositio ad ejus exortum asserendum impellit, faterique cogit, non esse æternum? An casu cœcoque fortunæ ductu prodire hæc omnia, quæ miramur. An Terra, an Cœlum, an Sidera sponte & absque peregrino consilio sua loca occupavere? Quæ Atomis vis? Quæ materiæ potentia, ut Mundum tantâ varietate insignem efficerent? Si solem, si Terram, si Planetas componere valuerunt, quidni urbès, Domos, Tempia, Porticus potuere? quæ minorem operam exigunt & humanâ arte quotidie eriguntur. *Le Grand Histor. Natur. Part. 3. Artic. 1.*

Mundum non fieri, sed factum esse.

CAP. XXVII.

DUPLICES sunt effectus: Quidam enim à sua causa separati sunt, ut domus ab architecto: Quidam in sua causa consistunt, nec ab ea separatim possunt subsistere, ut calor in igne. Ad quos igitur effectus mundum referemus? Si dixeris, mundum à Deo (cujus effectum esse fatentur omnes) substantiâ separatum esse, Deum mundo tempore priorem esse consequetur: hæc enim est horum effectuum proprietas, id autem, quod est alio quopiam tempore posterius, ab æterno nequaquam fuit. Sin verò mundum in sua causa subsistere judices, ut calor in igne; noveris hos effectus substantias non esse, sed accidentia eorum, quibus insunt, ut mundus in hac effectuum serie nullo modo comprehendi possit. Verùm ut hoc melius intelligatur, paucis id exponemus apertius. Mundus à Deo suum *esse* habet, quod hac voce *fieri* exprimimus. Fieri autem effectus tum dicuntur, cum id ipsum, quod sunt, à sua causa accipiunt: eo nimirum tempore causæ cum suis junguntur effectibus. Hæc conjunctio in prima effectuum serie tamdiu durat, dum opus absolutum sit. Dicimus itaque mundum (quod eum ad hos effectus omninò referri fatendum sit) non fieri; sed factum esse.

Perfecta namque substantia est, & suum finem suis actionibus jamdudum est consequuta. Cum itaque mundus non amplius fiat, suum esse non accipit ab alio: Quamobrem si fuerit ab æterno mundus ut nunc est, nunquam certè ab alio suum esse accepit. Dicant igitur Aristotelici, quomodo Deus mundi sit causa, si mundus ab eo suum esse nunquam accepit: sin autem accepisse fateantur, id certò non fuit ab æterno. Nam quæ sunt ab æterno, in æternum sunt necessariò; & quæ finem habent, principium habuerunt necessariò. Mundus itaque cum à Deo fieri desierit, ab eodem quoque fieri cœpit, atque adeò non ab æterno, sed in tempore factus est. *Nic. Taurellus.*

Mundi finis est rerum vicissitudo: Hunc mundus, hominibus etiam non existentibus, consequi posset. Imperfectus tamen hic finis est, non quòd aliunde quàm à mundo perfici debeat. Ut enim genus humanum in certam multitudinem propagetur, rerum vicissitudo est ordinata. Cum itaque mundus rerum vicissitudinem jam dudum nactus sit, perfectam & absolutam substantiam esse consequitur: suprà tamen mundum diximus suum finem nondum assequutum esse: verùm id de alio fine intelligi debere docuimus, qui rerum vicissitudines perficit, hominum videlicet procreatione. *Idem.*

Machina concinnè elaborata non nisi à perito Artifice proficiscitur, & ejus præstantiam, solertiamque arguit. At quid hâc Mundi machinâ admirabilius fingi aut excogitari potest? in quâ nihil iners & otiosum reperitur, nihil temerè aut frustra effectum est. Stirpes contemplare, omnibus peculiaris vis indita est. Animalia intueri, cuilibet suum inest ingenium, & attributa naturæ propensio. In Cœlum mente conscende, illic sidera aspicias, sed locis suis disposita, cursum suum æquali tenore perficientia, & non nisi certâ vicissitudine munia sua obeuntia. *Sicut simulacrum, ait Mercurius Trismegistus, aut imaginem sine sculptore aut Pictore nullus fieri dicet, hoc autem opificium sine opifice factum erit? O multam cœcitatem! Le Grand Histor. Nat.*

Sed lubet etiam Mundi originem ex antiquorum monumentis deducere, & quousque eæ, quas habemus, Historiæ porrigantur, aperire. Nulla hominum gesta ante Thebanum, Trojanumve bellum commemorantur, & quicquid Posteritas novit, nostrorum temporum Scriptoribus debet. At, si Mundus æternus est, omnique principio caruit,

ruit, quomodo factum est, ut, qui præextitere Poëtæ & Historici, facta suorum non cecinere, & scriptis mandavere? quæ tam immenso temporis decursu ab Heroibus suis patrata, aut à legislatoribus in universo fuere condita? Verum cum nihil horum extet, tacite innuitur, Mundum creatum esse, & haud multò ante illa tempora ortum habuisse. *Idem.*


Præterea quis Mundum semper extitisse fatebitur, cum ultra Historiarum fidem, rerum plurimarum cultus, emendatio, sive etiam inventio recentem esse arguat? Cum Barbaros primùm homines, & parùm à ferarum asperitate abhorrentes Antiquitas memoriæ mandet, tradatque, non eundem eis, quo nunc utimur, victum fuisse, sed glande prius & baccis alitos, ut loquitur *Macrobius*, serò de fulcis sperasse alimoniam? Cumque exordium rerum, & humanæ nationis opinemur, ut aurea primùm secula fuisse credamus, & inde Natura per Metalla viliora degenerans, ferro secula postrema foedaverit? Ac ne totum è Fabulis mutuari videamur, quis non hinc Mundum quandoque initium habuisse arbitretur, cum ultra duorum annorum millia de excellenti rerum gestarum memoriâ, ne Græca quidem Historia existat? Quippe supra *Ninum*, à quo progenita *Semiramis* existimatur, nihil in libros celebre relatum est. Si enim ab æterno, ut loquuntur Philosophi, Mundus incepit, cur per innumerabilem seculorum seriem culturâ caruit? Cur rerum plurimarum experienciâ ad aliquas gentes recenti ætate pervenit? Hæc enim Mundi æternitati adversantur, dum opinari nos faciunt, certo Mundi principio singula paulatim, ac successivis annis principium habuisse. *Idem.*

Mundum quòd alterius sit causâ, non potuisse ab æterno esse.

C A P. XXVIII.

HOMINIS causâ mundum existere in confesso est: Quamobrem si non fuerint homines ab æterno, mundus vel non fuit ab æterno, vel frustra fuit. Nullos autem penitus homines ab æterno fuisse suprà demonstratum est, ut cum cœperit humanum genus, mundum quoque aliquando cœpisse consequatur. Verum hoc alio quoque modo discutiemus. Quæ sunt alterius causâ non necessa-

riò , sed contingenter existunt : causam enim se superiorem habent , à qua existunt , cum nihil seipsum faciat alterius causâ. Quod autem alteri causæ subest , ejusdem subest arbitrio : Ea namque causa facultatem habet ejus quod dedit accipiendi. Verum nihil eorum , quæ contingenter existunt , ab æterno fuit. Hoc enim fatentur omnes , finem habere non posse , quod principio caret. *Nicol. Taurellus.*



D E S E C R E T I S A N G E L O R U M

L I B E R II.

De substantia , differentiis & potestate Daemonum.

C A P. I.

MULTA ratione quidem & experienciâ solers hominum adinvenit industria , quæ cum paucissimis comperta sint , meritò secretis & miraculis annumerantur. Hæc humana sunt , vel naturalia. Sed inexpleta hominum libido , nec arte fuit contenta , nec usu : Dæmonum quoque fuit imploranda potestas. Horum ope plurima fieri solent , quæ pariter doctos & imperitos magno stupore afficiunt. Cæterum ut hanc quoque Secretorum partem ratione , quam nostra fides & religio ferat , expediamus , primùm quid Dæmones sint , quibus differentiis discerni possint , & quam in res humanas potestatem obtineant , ostendemus.

Quid sint Dæmones.

C A P. II.

DÆMON quasi δαίμων , id est , sciens à Græcis dicitur : quo nomine simplices intelligentias (ut vocant Philosophi) complectimur , substantias videlicet incorporeas , nullâ corporis mole irretitas , à primo rerum opifice

opifice Deo creatas, ut iustâ Dei, & operum ejus contemplatione felicitatem consequerentur. Iusta autem est contemplatio, quæ non invidiam, aut contemplatæ rei desiderium, sed opificis laudem parit, qualem contemplata res expostulat. Quod verò existimant aliqui Dæmones in hominum gratiam esse creatos, id præter Philosophiæ veritatem est, ut aliàs ostendimus: licet enim Deus Angelorum bonorum, & malorum ministerio sæpissimè utatur ad homines protegendos, aut puniendos: non hic tamen finis est præcipuus, ob quem creati sunt Spiritus: cum omnis intelligens substantia sibi ipsi primùm, non autem alii cuiquam, existat. Humanæ quidem animæ, cum à corporibus separatæ fuerint, immunes sunt à materiæ contagio: sed Dæmones ob id nequaquam meritò nuncupantur, cum earum finis sit, ut corpora informant. Hanc ob causam separatas à corporibus animas Theologi rectè con- quiescere statuunt, ad extremum usque diem, quo mortuorum corpora suscitabuntur, utpotè quarum operationes corporum subministratone limitentur. Sed alia est Dæmonum natura, siquidem absquè omni corporea mole finem suum & perfectionem assequuntur. Nec est ut iis moveamur, quæ Cornelius Agrippa ex Augustino, Basilio, Gregorio, Apulejo, & Psello recenset. Quamvis enim variis corporum, & formarum differentiis Dæmones quandoque conspiciantur: hæc tamen spectra sunt, aut assumpta modò corpora, quibus Dæmonum substantia nullo modo definienda est: Dæmones enim, ut sese hominibus consolandis, aut decipiendis accommodent, formas quæ nostris sensibus idoneæ sint, assumunt, & eas paulò post nullâ sui corruptione deponunt. Porro ad Dæmonum intelligendam substantiam, & naturam, id quoque expendendum venit: Dæmones nimirum nec substantiâ, nec quantitate infinitos esse, quemadmodum aliàs Deum existendo infinitum esse diximus. Licet ergo Philosophis infinitum sit, quicquid incorporeum est: Dæmones tamen, ut alia quæcunque sunt præter unum Deum, finitos esse perhibemus: quod suo loco demonstravimus, ubi Deum ostendimus substantiâ, & unitate infinitum esse: substantiâ quidem, quòd hac ipsa omnia sit: unitate quòd solus in hunc modum existat. Quantitate autem finitos esse Dæmones hinc facilè liquet: infinitum enim est quantitate nihil, quod multum est, nec ulli, quod partem extra partem habet,

competit infinitum. At verò multos esse Dæmones, præter experientiam, hoc ipsum manifesta quoque ratio satis attestatur. Bonum enim, cujus causâ creati sunt Dæmones, non unitatem requirit, sed multitudine præstantius evadit, cum melius sit plurimos, quàm unum modò justâ Dei laude, felicitatem consequi. *Nic. Taurellus.*

Philosophi Spiritus dicunt esse substantias cogitantes, i. e. volentes, nolentes, &c. Spiritus autem creatos hinc faciunt Animas hominum, & Angelos, nunc bonos, nunc malos, quos communiore hodie acceptione nuncupant *Dæmones*. Quanquam enim antiquitùs hoc Dæmonis vocabulum fuerit usurpatum promiscuè ad indigitandos bonos malosvè Angelos; hodiernâ tamen die nihil aliud significatum volunt eâ voce, quàm malos Angelos, à conspectu Dei proscriptos & damnatos, qui in Mortalium perniciem nihil non moliuntur.

De Dæmonum differentiis.

C A P. III.

DÆMONUM Magi triplicem constituerunt differentiam, ut refert Agrippa: siquidem alios supercoelestes faciunt, mentes nimirum penitùs à corpore sejunctas, quæ soli Deo contemplando & colendo addictæ sint, quam ob causam Deos illas nuncupant, propter divinitatis participationem quandam: quia semper sunt Deo plenæ, divinoque nectare ebriæ. Hi Dæmones circa unum Deum versantur, nec mundi corporibus præsent, nec inferiorum ministratiōi adaptantur: sed susceptum à Deo lumen inferioribus ordinibus infundunt, singulisque singula officia distribuunt. Hos ordine secundo proximè consequi volunt coelestes intelligentias, quos Dæmones vocant mundanos; scilicet ultra divinum cultum mundi sphaeris accommodatos, unicuique cœlorum, & stellarum præsidentes: undè eos in totidem ordines distribuunt, quot in mundo sunt cœli, & quot in cœlis sunt stellæ. Tertiò ponunt Dæmones quasi ministros ad ea, quæ sunt in inferioribus disponenda, quos Origenes vocat invisibiles quasdam virtutes, quibus ea, quæ sunt super terram disponenda, credita sunt: sæpè enim nemini conspicui itinera, & negotia nostra dirigunt: sæpè etiam præliis interfunt, clandestinisque subsidiis optatos amicis præbent successus:

fus : quippe conciliare prospera, infligere adversa pro libitu posse dicuntur. Illos simili modo in plures ordines distribuunt, ut alii ignei, alii aquei, alii aërei, alii terrei. Quæ quidem quatuor Dæmonum species, juxta quatuor cœlestium animarum vires, mentem, rationem, imaginationem, naturam scilicet vivificam & motricem computantur. Hæc commentitia est Dæmonum scena (ut rectè Wierus inquit :) Nam nec ratione, nec experienciâ, nec Dei vel veracium autoritate comprobari potest : primus equidem Dæmonum ordo veritati consentaneus est. Deus enim, ut infinitæ bonitatis est & sapientiæ, infinitas penè substantias intelligentes creavit, ad contemplationem, amorem, & venerationem : quarum alias corporibus speciei propagandæ accommodis alligavit, alias verò nullâ materiâ definivit. Hisce primus Dæmonum ordo constitui potest : sed quòd hunc eorum finem esse volunt, ut singulis cœlestium Dæmonum ordinibus susceptum à Deo lumen infundant, hoc præter philosophicam veritatem est, & horrendam in se continet idololatriam : cùm hac ratione Deos nobis obtrudant gentilitios. Quinimò si philosophicè agendum sit, facilè hujus opinionis detegatur absurditas. Quis enim sanæ mentis unquam asseruerit substantias nobiliores ignobiliorum causâ conditas esse ? Cœlestes autem intelligentiæ primis hisce Dæmonibus ignobiliores sunt : Cur ergo cœlestium animarum causâ Dæmones supercœlestes esse statuerimus ? Eâdem etiam ratione cœlestes intelligentiæ confutari possunt. Cùm enim hæ nobis, & nos sphæris cœlestibus nobiliores simus, non videtur verisimile cœlestes intelligentias nostri causâ, sphærarumque cœlestium multò minùs esse creatas. Cæterùm de mentibus cœlestibus aliàs à nobis actum est, ubi docuimus, absurdissimam esse Philosophorum sententiam, qui mentes cœlestes hoc nomine constituerunt, ut materiæ primæ potentiam, quâ corruptibilia sunt omnia corpora, cohiberent, & cursu certissimo sphærarum motus moderarentur. Nam hæc opera ab intelligentiæ naturâ sunt alienissima, & imperfectum opus est, quod externo indiget adminiculo : veluti corruitura domus fulcimento. Verùm quòd hîc à Magis cœlestibus intelligentiis alius finis adscribatur, nimirum ut suis influentiis (ut vocant) Dæmones imbuant inferiores, adeoque variis virtutibus humana negotia gubernent, non minùs hoc veris rationibus

bus adversatur, quàm quod modò confutavimus. Nam si cœlestes influentias admiserimus, eæ tamen solum sunt naturales, nec iis animæ nostræ afficiuntur, nisi quatenus corporibus obnoxia sunt. Sed quis mentium incorporarum effectus dicet esse naturales? Infimus Dæmonum ordo Genios comprehendit, qui ex geniturâ duces, & rectores humanarum actionum, pro vario cœlestium astrorum positu contigerunt. Ecquid hæc de re sentiendum est? Certè si vera sit Astrologorum sententia, non scilicet fortunis, aut infortunio virtutibusque & vitiis obnoxios esse, prout hunc aut illum ex cœlestibus astris dominum obtinuerimus? Nequaquam tamen hoc mediantibus mundanis Dæmonibus fieri concesserim, cum nullus omnino Dæmon cœlestium corporum actionibus subjiciatur. Itaque cum differentias ab ipsâ rerum dividendarum substantiâ desumi oporteat, ut veras species constituent: Dæmonum differentias investigare non possumus, utpote quorum substantiæ subtiliores sint, quàm ut earum discrimina noster assequi possit intellectus. Siquidem verum sit, quod Philosophorum aliqui perhibent, Dæmonum videlicet alios immortales, & alios esse mortales, hinc differentia meritò desumetur, cum quod mortale est, ejusdem nequeat esse cum immortalis naturæ: sed commentitia est hæc hominum Philosophiæ imperitorum opinio, si vel ipse Cardanus voluminosus institerit. Incorruptibiles enim ex sese sunt omnes Dæmones, ut animæ nostræ: nec interire possunt, nisi eodem, quo facti sunt à prima causâ, modo in nihilum redigantur. Hoc autem non velle primam causam, ex eo Dæmonum fine, ob quem creati sunt, evincitur. Is siquidem est, qui subinde magis magisque perficiatur; cum rerum corruptibilium ea sit ratio, ut finem extra se suum habeant, qui suo tempore suam consequatur perfectionem, adeoque opere nacto conquiescant actiones. Mundus ex sese in æternum usque consistere potest: hoc tamen non feret Deus, cum eo fine factus sit, ut ex eo certa hominum multitudo nasceretur. Hunc finem mundus non æternitate, sed definito tempore consequetur, ut aliàs copiosè docuimus: tumque mundi actiones desinent, & mundus alius in hujus locum substituetur, cujus finis sit ab hoc longè diversissimus. Sed Dæmonum & hominum finis ita se habet, ut nullo tempore definiatur, quin perfectus quidem per se, nunquam tamen
absol-

absolvendus, perpetuò magis perfici possit. Porro licet Dæmonum substantia nobis incognita sit, ex variis tamen eorum actionibus differentias elicere licebit. Probè quidem, si modò diversæ sint Dæmonum actiones, & eæ nobis innotescant. Constat hoc multorum experientiâ, & sacrarum etiam literarum autoritate, Dæmones alios bonum; alios verò malum operari. Differentiam hinc ergo sumemus, ut bonitate & malitiâ distinguantur Dæmones. Verùm hoc accidentis esse, non substantiæ discrimen, hinc liquet: siquidem malum, quod in malis est Dæmonibus, non ipsius Dei, sed ipsorummet Dæmonum effectus sit. Quòd verò seipsos non fecerint Dæmones, aliàs ostendimus, ubi solius hoc esse Dei, multis argumentis demonstravimus. Cum tamen nullum hoc ipso discrimen apertius habeatur, ferri poterit. Cacodæmonum multos Theologi constituerunt ordines (ut refert Wierus) novem Angelorum gradibus adversantes, quorum *primi* ψαδδδθεοι, hoc est, *falsi Dii* nuncupantur, qui assumpto divinæ majestatis nomine, pro Diis coli volunt, sacrificiisque & adoratione honorari: sicuti Satan ille, qui Christum tentavit, *Matth. 4. Marc. 1. Luc. 4. Secundo* habentur loco Spiritus mendaciorum: cujusmodi fuit ille, qui egressus est Spiritus mendax in ore Prophetarum Achab. *3. Reg. 22. Hoc* Dæmoniorum genus sese oraculis immiscet, & Pythiorum fatum divinationibus ac prædictionibus homines ludificat. *Tertio* ordine censentur iniquitatis vasa, qui Spiritus sunt malorum inventores, omniumque artium pravarum: qualis apud Platonem Theutus ille Dæmon, qui ludos & aleam docuit. Vasa furoris, *Esajæ 13. Vasa iræ, Jerem. 50. Vasa mortis, Psal. 7. Quarto* loco, ultores scelerum. *Quinto*, præstigiatores, qui miracula imitantur, & magis infamibus, maleficiisque inserviunt, atque ita populum seducunt, *Eccles. 39. Sextæ* classi assignantur aëreæ potestates se tonitruis, fulminibus, ac fulgoribus miscentes, corrumpentes aërem, pestilentias & alia inducentes mala, *Apoc. 13. Septimam* mansionem tenent Furæ, feminatrices malorum, discordiarum, bellorum, & vastationum, *Apocal. 7. Octavam*, criminatores & exploratores. *Postremam*, tentatores, & infidiatores, qui singulis adesse hominibus creduntur, mali Genii idcirco nuncupati, *Apocal. 9. Non* dubium est quin Diabolus, quibuscunque potest artibus, generis humani perniciem machinetur. Ut ergò regnum

gnum ipse suum amplificet, multis hominum myriadibus, ad se pertractis, verisimile est, ad hanc rem certis Dæmonibus certa esse officia distributa: aliàs enim unus & idem Cacodæmon varias potest exercere fraudes. Verùm quòd hæc certis rationibus demonstrari nequeant, non est, ut in iis immoremur diutiùs. *Nic. Taurellus.*

De Dæmonum potestate.

C A P. IV.

ANIMÆ nostræ corporibus alligatæ sunt, quo fit, ut intellectu solo, qui liber est, hanc corporum cœlestium, & elementarium molem superare possimus; nec, nisi quod membra ferunt operemur: sed Spiritus ab omni corporis vinculo soluti sunt, nec ullo corpore, quantumvis denso, impediuntur, quin quò libuerit, ferri possint. Cùm itaque Dæmones substantiæ sint huic mundo nequaquam subditæ, si quid agant, id mediis naturalibus alligatum non est: nam nihil habent naturæ contrarium, ut ab hac afficiantur naturaliter, & substantiæ non naturâ superiores, ut in hæc agant naturalia, licèt ab iis nihil omninò patiantur, cujusmodi cœlestium est in hæc inferiora potestas. At verò limitatam esse Dæmonum potentiam, hinc colligere licet, quòd eorum malignitas tanta proculdubio sit, ut si possent, omnes homines, universamque naturam penitus everterent. Ut autem limitata sit, paucis exponemus, licèt hoc arduum sit maximè, cùm hac in re varia sint hominum judicia. Nam infinitis penè plurimorum authorum historiis, tot tantæque Magicorum vires esse perhibentur, quod quotidiana quoque testatur experientia, ut nihil non posse videantur Cacodæmones. Contrarium existimant aliqui, meras scilicet esse illusiones, quæcunque Magicis, & Lamiis attribuuntur. Non equidem inficior, quin multa Dæmones edant miracula fascinatione, sed id tamen inficiari non possumus, quin reipsâ, quod agunt, quandoque comprobetur, ut post incantationis exempla testabuntur. Dæmones itaque, licèt ob admissum peccatum à bonorum Angelorum cœtu repulsi sint, eorum tamen vires eis ereptæ non sunt, substantiâ manente incolumi. Spiritus ergo sunt, ut ab initio, potentissimi: sed duplici ratione tamen impediuntur, quominus, quicquid lubet, efficere possint. Prima quidem, cùm finitæ sint substantiæ: Dein verò, cùm id ipsum, quod pos-

possunt, id etiam, Deo inhibente, non possint. Licet enim quidvis posse Dæmones admiserimus, non proinde tamen hoc citra limitationem intelligendum fuerit: cur solus Deus simpliciter omnia possit, nullo quod vult, impediēte. Proprium definiunt esse Logici, quod omni, soli, & semper convenit. Cum ergo præ nimia tristitia ridere non possim, ridendi tamen potentiam habeo nihilominus: quis dubitat, quin Cacodæmon hominem enecare possit, vel ei absconditissimos etiam suffurari thesauros? Quis etiam dubitat, quin velit? non fit hoc tamen, quod hæc ejus potentia potentiore potentiâ cohibeatur. Jam verò si permittat Deus, quid possint Dæmones, inquirendum est. Finitæ substantiæ finita etiam est necessario potentia: cum ergo Dæmones substantiâ finitos esse constet, utique potentiam obtinebunt finitam & determinatam. Determinata autem est non ut nostra rebus naturalibus, sed rebus non naturalibus, negatione nimirum, & privatione. Quod sic intelligi volumus, ut ob negationem non possint aliquid ex nihilo facere: ob privationem nequeant aliquid ex aliquo facere perpetuò, cum quidvis ex quovis facere pariter infinitatem denotet, atque si quid ex nihilo fiat. Materia namque nihil ad effectum inducendum conferens, nihili rationem obtinet. Hinc est, ut rectè pernegent aliqui, Dæmones quemquam in lupos transmutare posse, qua de re paulò post agetur. Hoc itaque de limitata Dæmonum potestate licet asserere, substantias nimirum eos facere non posse: nam nec absque, nec cum mediis: siquidem hoc ipsius naturæ proprium; illud verò facere, Dei solius est. Ex Dæmonum coitu mulierculas concipere posse, unde homines nascantur, id absurdissimum est: hoc enim Deus solis concessit hominibus. Et si fortè Dæmon mulierculas subagrans, masculo cuiusdam semen suffurari possit: ineptum id tamen erit ad generationem, cum subito vis ejus evanescat, ubi externum aërem offenderit. Præterea substantias etiam corrumpere nequeunt Dæmones absque mediis naturalibus: nam hoc quoque Dei solius est. Hanc ob causam, non videtur, Dæmones in cœlestia potentiam habere, quod in ea nihil agant naturaliter, nisi fortè astrorum positus immutare valeant. Verum nec id eos posse, hoc universali theoremate liquet: *Deus unicuique substantiæ dedit, quantum ad finem consequendum satis erat.* Sed hoc nihil ad Dæmonum finem facit, ut cœlestia

lestia transmutare possint. De subcœlestibus alia est ratio, in quæ Deus agi voluit naturaliter, ad rerum inducendam vicissitudinem. *Idem.*

De miraculis Cacodæmonum.

C A P. V.

ET SI verò limitata est Dæmonum potestas, ut non quidvis possint; multis tamen historiis, & experientia quoque quotidianâ constat, plurima operari sæpe. numero Cacodæmones: quæ cum nullo rationis discursu assequi possimus, inter miracula meritò recensentur. Verum quidem est, ob inscitiam quandoque miracula nuncupari, quæ non simpliciter, sed alterius respectu, miracula sunt, cum fiant hæc naturaliter. Nequaquam tamen quæcunque Cacodæmones operantur, fieri statuenda sunt naturaliter: cum enim (ut antea dictum est) substantiæ sint incorporeæ, suas absque mediis naturalibus exserunt actiones. Hinc in tenebris videre possunt, & pernici motu feruntur, quò libet, nullâ corporum densitæ motum impediēte: ut loquantur, instrumentis, ad vocem exercendam aliàs necessariis, nequaquam indigent: ut oraculorum ex idolis responsa testantur, & Magi, quos *ἐγγαστριμύθες*, aut *ventriloquos* appellant. Hæc certè mentis nostræ caput excedunt, cum naturali modo non fiant. Aliud autem est miraculorum genus, quod Dæmones per Magos & Lamias exercent. Hujusmodi sunt opera & prædictiones. Hæ præsentia, præterita & futura complectuntur, quæ quidem inscientibus prædici dicuntur. Etsi verò Dæmones multa lateant, (solum enim Deum *καρδιογνώστην* volunt esse Theologi) nec ipsi quoque nôrunt Angeli, quo tempore venturus sit filius hominis, ad hujus vitæ consummationem: nihilominus tamen multa Magi prædicere solent, quæ res ipsa & futurorum exitus, magnâ multorum admiratione, comprobant. Opera verò Magorum varia sunt, & quæ miraculis annumerari possint, licet multi nimis sollicitâ præsumptione Dæmonum potestates, nescio quo rationis discursu, naturæ viribus alligare conentur. Itaque nonnulla referemus, quæ fieri judicamus miraculoso potius modo, quàm naturali. Primùm enim Magos constat, & Lamias per aërem motu ferri velocissimo, & super aquas inambulare: ut Odde pirata, qui absque navi
altum

altum mare pererrabat. Noxias quoque tempestates inferunt. Hoc aliqui pernégant obstinatè, judicantes Cacodæmonem, ut qui bonus sit Astronomus, futuras animadvertere tempestates, & eo tempore, miseris persuadere mulierculis, ut hac aut illâ ratione pluvias aut grandinem sibi causare videantur: aëris tamen dominus appellatur Cacodæmon: nec veritati contrarium hoc esse videtur, si tempestates eum inducere posse crediderimus. Cum enim alia possit plurima, quæ præter omnem nostræ rationis captum existunt, quæ non possit ea, quæ fieri solent, etiam naturaliter? Substantias ipse quidem facere non potest, ut antea diximus: quod tamen non citra conditionem intelligendum fuerit, cum substantias facere possit naturâ mediante. Potest itaque Cacodæmon nubes disrumpere, vel aliò transferre, magno etiam ventorum turbine: aquas quoque fursùm tollere potest, vel eò ubi in grandinem commutentur. Hæc & aliis rationibus, quæ nobis incompertæ sunt, Cacodæmonis ope tempestates inferunt Lamia: Deo tamen hoc ad puniendas regiones permittente. Præterea Magi (quò nomine complectimur omnes, qui Cacodæmonis auxilio fruuntur) præstigiis & fascinatione, incantatione & veneficio plurima præstant. Fascinatione quidem ut spectantium oculos circumveniant, atque adeò invisibiles reddantur, aut varias assumant corporum formas: hinc Manes & mortuorum animas in corpora ab inferis revocare creduntur Necromantici, qualis ea Saga fuit, quæ Sauli desperabundo Dæmonem effigie Samuelis obtulit. Veneficiis autem varios inferunt morbos, & curant modò, qui nobis incognitus sit, aut certè, qui naturalem humani corporis modum superet, methodicamque curandi rationem. Hinc infantes etiam, & varia pecora enecant Lamia, quod utique credendum nobis est experientiâ frequenti, & multorum fide dignorum relatione convictis. At verò si meras esse dicas Dæmonis illusiones, quibus irretitas muliercularum mentes eò dementiæ deducit, ut se facere credant, & fecisse fateantur, quæ nec ipsæ, nec Diabolus ipse fecerint: hac, inquam, ratione si liceat effugere, quidvis etiam manifestissimum pernégare licebit. Cæterùm de morbis illatis, & morborum curationibus dubitari meritò poterit, an naturaliter procedant: cum antea dixerimus, Dæmones substantias corrumpere non posse, quin ad id mediis utantur naturalibus: siquidem

dem hoc folius est infinitæ substantiæ , ut quid absque mediis fiat. Ad substantiarum verò generationem & corruptionem media Deus nulla , præterquàm naturalia constituit. De Duffo Rege Boëtius lib. 11. histor. Scot. historiam refert , quam Cardanus satis ineptè refutavit : mendacium esse volunt , quod fieri non potuisse judicent Cardanus & Wierus , ut ex liquefactâ ad ignem cerâ veneficarum , Duffus rex tabe consumtus enecaretur. Quis adeò mentis impos fuerit , ut hanc vim ceræ liquefactæ tribuendam esse judicet ? de mediis magicarum artium quid sentiendum sit , postea dicetur : hîc autem quæri debet , an Diabolus Duffum regem , modo præternaturali tabe consumere potuerit , causis nimirum & symptomatis , quæ præter naturalem tabis rationem existant ? Duffus rex absque ullo bilis , aut pituitæ , vel alterius humoris noxii signo , vel læsi temperamenti , noctu perpetuis vigiliis , sudoribus , & dolore conficiebatur : integer erat arteriarum motus ; sensuum actiones illæsæ , & frequentior appetitus. Quibus utique signis docetur , nequaquam naturalem fuisse morbum. At verò non ob id existimaverim esse mendacium , quod hîc de Duffo scribitur : Diabolus enim morbos complures inferre potest , quorum nobis incomperta est ratio. Potest & hoc , quòd subtilis existens , facile corporis partes universas pervadat , quas constringat , divellat , aut aliter excruciet : viscerum quoque actiones ad vitam sustentandam necessarias , inhibere potest , ut paulò post de Magorum incantatione dicetur. Quin & tetro halitu , variisque venenis nobis incognitis , pulmones , aliasve corporis partes inficere potest , unde morbi præter naturalem modum exoriuntur. Sed corporis tamen corruptionem inducere nequit , nisi mediante naturâ : cum enim gladio vita abrumpitur , mors hæc propriè corruptio est , sed tum modò , cum corpus emortuum in aliam convertitur substantiam , aut computrescit. Cæterum id etiam à nonnullis in dubium vocatur , an Dæmones morbos , quos ipsi non intulerunt , curare possint ? Hoc negant aliqui , nullis tamen rationibus , aut certè levissimis. Ad hanc rem confirmandam hoc argumentum nonnihil ponderis habere poterat , quòd morborum remedia , causis eorundem oporteat esse contraria : nec curari possint naturaliter , quæ causas habent præternaturales : ut eâdem ratione convinci posse videantur morbos , qui naturalibus ex causis orti sunt , saltem mediis discuti

cuti posse naturalibus. Utut tamen philosophemur, id quotidiana docet experientia, nonnullos esse Medicos, qui magicis artibus, magno multorum stupore, morbos curent, quos ipsi Dæmones nequaquam induxerunt. Sed ad hoc, inquires, naturalibus utuntur remediis? Id quidem inficiari non possumus: quandoque tamen absque mediis curant, & interdum etiam mediis utuntur, quæ Dæmonum afflatu magis, quàm insitis à naturâ viribus, morbos propellunt. Etsi verò morbos naturaliter illatos, remediis oporteat discuti naturalibus: applicationis tamen modus, quo morbi naturales à Dæmonibus curantur, talis esse potest, qui nostras superet vires. Calculum (exempli gratiâ) qui major fuerit urinæ ductibus, confringendum esse novimus, vel aliâs magnâ vi opus esse, ut extrudatur: si neutrum, vel ob magnitudinum, vel ob duritiem vel ob ægrotantis imbecillitatem adhibetur, remediis fieri nequeat, morbus methodicis Medicis censebitur incurabilis, quem Magi tamen facilè Dæmonis ope discusserint: is enim, cum singulas corporis partes citra impedimentum permeet, quid obstitit, quò minùs lapidem etiam durissimum conterere possit? De cæteris idem esto iudicium. Veruntamen, ut aliâs diximus, Dæmonum limitatam esse potentiam, id nunc etiam observandum fuerit: non enim quosvis morbos absque discrimine curant Cacodæmones, ut paucis ostendemus. Morborum curatio, vel naturalis est per alterationem, aut generationem? vel violenta per ablationem eorum, quæ præter naturam in corpore continentur, aut restitutionem eorum, quæ dislocata sunt; vel divina, quæ substantias immutat modo supernaturali. Diabolus equidem usu naturalium medicamentorum, quæ nobis incognita sunt, & violentâ curatione multos curat morbos, qui nobis sunt incurabiles. Sed tamen alia est morborum curatio, quæ solius est Dei, vel eorum, quibus ex singulari gratiâ concessum est divinitus: ut si pars aliqua vel amputata, vel corrupta fuerit, aut emortua, nullâ Dæmonum ope restituetur. Notus est in Helvetia Magus, qui gloriatur, se membra penitus comminuta æquè facilè restituere posse, atque si leviter saltem essent confusa. Sed vereor, ne vana sit arrogantia. Porro maximè admiranda sunt ea, quæ præstant incantatione Magi, dum corporum naturalium, aut animalium actiones præpediunt: ut Faustus, qui rusticis ebriis, & nimiooperè vociferantib. ora dis-

tenta ligavit, ut taciti confisterent. Sic quandoque Veneris opus inhibetur: ignis ligatur, ut urere non possit: sanguis profluens sistitur: animalia, ut talpæ, serpentes aut aves coguntur: vulnerantium vis impeditur, ne vulnus infligere possint. Ad eundem modum ligantur mercatores, lufores ad lucrum, fures aut latrones, fulmina, &c. ad securitatem, & alia plurima, quæ partim ementita, partim ludicra existimat esse Wierus, ut ad illusiones, aut impiam crudelitatem potius, quàm ad vera miracula referri debeant. Sed vereor, ne dum volumus esse creduli, vitium non effugiamus incredulitatis. *Idem.*



DE SECRETIS

LIBER III.

Præcedentibus libris duobus de Deo Homine Natura, & Angelis breviter à nobis actum est, & eâ quidem ratione, ut in his secreta exposuerimus quæ contemplatione, non autem externâ operatione noster assequitur intellectus. Cum nunc igitur ordinis ratio postulet, ut ea quoque tradantur, quæ non sciendo, sed non scienter operando, arte nimirum dextrâ sic efficiuntur, ut plurimis ignorata meritò secretis annumerari possint, ob id hoc libro de præcipuis mundi partibus, Cælo nimirum, & Elementis acturi sumus: sequentibus verò libris ea, quæ in hisce partibus continentur, expediemus.

DE ASTRIS.

CAP. I.

De Sole, & Luna.

SOL proprii ignis ficcitate humidam substantiam exhaurit. Luna verò per se ipsam humectans, convenientem juxta sese mixturam & temperaturam operatur. Sotion illunes appellat dies, à lunâ vigesimâ nonâ, usque ad secundam, iidem interlunares, & silentis

lentis Lunæ ab aliis appellantur, in quibus sub radios Solis Luna occultatur, & hominibus non apparet. *Ptolomæus.*

Solem corpus esse Sphæricum, Lucidum, admodum fluidum & ardens, nemo facile negabit, qui effectus illius probè consideraverit. Rotunditatem conciliare dicunt Materiam subtilissimam, Solare corpus constituentem, quæ dum è corpore Solis pernici suo motu in primâ creatione acquisito, undique rectâ lineâ ferri conatur, à circumstante fluidâ & magnam quoque partem globulosâ Ætheris substantiâ æqualiter per totam Solis circumferentiam premittitur, sicque rotundam necessariò figuram conciliat. Lucidum verò est corpus Sol, quia Materia subtilis, è quâ componitur, undique ex eo, tanquam centro quodam, prorueret tentans circumjacentes, sibi que incumbentes cœli globulos undique premendo, præter eos motus, quos tanquam corpora fluida habent, impressionem illam addunt, quæ requisita est ad oculos nostros afficiendos, sive ad illa filamentorum extrema concutienda, quæ in fundo oculorum nostrorum reconduntur. Sol proin Corpus non est solidum, sed ex materiâ valdè fluidâ & mobili constat, quod non ratio tantum, sed & Mathematicorum observationes suadent. *Quippe Simon Marius* testatur, se corpus Solare per Tubum opticum conspexisse fervens, non aliter quàm Aurum in Fornace liquefactum. *Athanasius Kircherus in Arte magnâ Lucis & Umbræ* scribit, se Solem spectâsse, tanquam mare fluctibus asperum, & fluctuantibus undis crispum. Nonnullos ego novi, qui mihi non semel asseverârunt, totam Solis circumferentiam ebullire, aquæ instar in lebetes ferventis, non semel, dum Romæ agerent, Helioscopio spectâsse. Unde omnes hodierni alicujus notæ Philosophi asserunt, Solem esse Ignem & pro flammâ habendum. Quippe illud corpus, quod calidum simul & lucidum esse experimur, haud dubiè ignis est; verum calorem & lucem Soli inesse experimur vel ipsis sensibus nostris, Tactu & Visu, nec aliquid in Igne reperitur, quod Soli æquo jure tribui nequeat. *Le Grand Phys.*

Quamvis Sol varias in orbe Terrarum procreet tempestates, & præsentîâ suâ calorem ubique producat, contrarium tamen sub zonâ torridâ passim contingit, in quâ Sol perpendiculariter imminens continuè vapores in altum attollit, eosque hinc in mediâ aëris regione coagulatos iterum dissolvit in imbres refrigerantes, quibus verò Sol per-

pendiculariter non incumbit, ob defectum ejusmodi imbrium calidiores longè æstates habent. Solis Eclipsis semper ab Occasu incipit, Lunæ autem ab Ortus: ratio est, quia Luna motu suo in ortum parte suâ orientali partem occidentalem tam umbræ terrenæ, quàm Solis subit. Unde fit, ut ipsa quidem sui parte orientali propter occidentalem Umbræ partem deficere incipiat. Sol verò è diverso occiduâ ob orientalem Lunæ. Et quoniam pars ultimò deficiens lucem ultimò recuperat, fit, ut defectus in Lunâ ad occasum desinat, in Sole autem ad ortum. *Idem.*

Luna Corpus est opacum è Materiâ crassâ compositum. Facies ejus semper eadem telluri objicitur, habetque areas, maculas. & umbras, quæ illam intercipiunt, quæ cum solis radios transmittunt, vel absorbent, tenebras pariunt, & obscuriorem superficiem pariunt. An in corpore Lunæ viventia sint, scire hætenus nemo potuit, verosimile tamen aliquibus videtur, talia quoque corpora in Lunâ existere, crescere, vegetari &c. At certò quid hæc in re dicere non audemus. *Idem.*

Fortuna cujuscunque anni quomodo conjectari liceat.

Fortuna cujuscunque anni ex astris conjectari facile licebit, si XII. XIX. VIII. IV. ac XXX. præcedentes quis consideraverit, & ad præcedentis anni conditionem comparaverit. *Exemplum.* Volo scire, quæ conditio futura sit anno 1554. inchoante mihi 24. die Septembris, usque ad annum 1555. eadem die. Primum considero annum 1542. & eo anno feci iter nullâ causâ, suscepi filium, fui infortunatus in lucro causâ meâ, non quòd multi non me quærent: edidi quædam: igitur cum nunc non habeam uxorem, reliqua omnia proportionem habitâ correspondebunt. Similiter considero annum 1535. in quo fui infelicissimus, ut unquam in vitâ: tristis, anxius, cum timore, parvo lucro; & ita comparabo hunc annum anno 1553. sicut annum 1535. anno 1534. in quo fui satis felix. Idem ego faciam de anno 1546. in quo habui augmentum lucri, sed anxietatem magnam, & oppressus fui multum: similiter ad annum 1550. me referam, in quo fuit etiam anxietas magna, & ita ad annum 1524. in quo suscepi in fine anni honorem cum contentione, sine utilitate, & cum anxietate magna. Causa vero horum est XII. quia Jupiter redit ad eundem locum in natalitio die, & completur ordo XII. signorum in processu: & Ptolomæus multum tribuit huic reditui: nec est

est verisimile, quòd tantùm tribuerit huic circuitui locorum principalium, nisi id experimentis multis comprobasset: ideo hic circuitus est potentissimus, & significat supra vitam, honores, & divitias, ac magistratus principaliter. XIX. est, quia Luna redit ad eundem locum fermè, & quandoque etiam Mars, & ideo significat supra corporis statum, itinera & fortunam, animique qualitates sensusque. Octavo anno redit Venus ad locum suum, ideo significat gaudia, dona & filios, conversationem cum mulieribus fermè similem (ut dixi) comparando tamen semper statui præcedentis anni: nam nec cæcus videbit, nec pauper ditabitur, sed omnia habitâ proportionem sunt metienda. Quarto anno redeunt loca aphetica ad trigonum suum, quod etiam contingit octavo anno: ideo quartus est imbecillior, & hoc processu, propter motum etiam Solis ascendens, & cuspidem ad idem redeunt: ideo tales anni magnam habent similitudinem cum suis correspondentibus, in omnibus: non tamen adeò exquisitam, ut octavus & multò minùs quàm duodecimus. Sed trigesimo anno Saturnus redit ad suum locum, ideo significat easdem actiones in laboribus, & cultu rerum stabilium, sed hæc similitudo est valdè parva propter ætatum mutationem. Hæc autem non sunt semper vera, sed etiam omnes aliæ regulæ rerum naturalium, & eò magis, quòd directiones perturbant omnes istos ordines. Sed directiones significant unam rem tantùm, & non abrumpunt, nisi ordinem duorum annorum, non reliquorum. *Cardanus.*

Quomodo interdiu astra contueri liceat.

Omnibus jam est planum, exiguum lumen potiori vividiorique propinquum evanescere. Si facem, vel flammam aliquam luculento apposueris Soli, dissipatur lumen, & marcescit: delitescunt interdiu stellæ Solis fulgore nimio, quum æquè diu noctuque splendeant: eas igitur intuituri remedio non fuerint destituti. Die magno Solis defectu cum lumine orbatur, & profunda tegitur caligine terra, nec oculi offenduntur luce, sideribus cælum disseminatum conspicitur: quod suis accidisse temporibus Thucydides memoriæ mandavit, nostroque sæpè patuit ævo: nec oculi solum vehementi caligine lucent, sed offenduntur, ut de Xenophontis militibus legitur, & de Dionysio Siciliæ tyranno, qui splendidissimâ luce, carceribus tetrìs obductos occœcabat: cum enim oculorum acies obsistere Soli

nequeat, nec ferat, hebetatur illicò, quique fuerint aliquò conspecturi, ad cilia manus obtendunt, vel propugnaculum aliud. Hinc auspicamur: qui ea conspiciere affectabit, uti è Galeno, & Philopona docetur, in præaltum descendat puteum, vel hujusmodi simile, ut per tenebras multumque intervallum cœlum contueatur, ferenum utique, nec obtectum nebulis inconvenientibus oculis, & sine nictatione clam intueatur astra, & lucentia. Plurimæ enim ibi tenebræ, noctis instar) visum congregant, nec à lumine superfuso dissipari sinunt: non id tamen periclitaberis Sole meridianum occupante: magno enim impedieris lumine: & si profundius descendas, clarius conspicias, & celerius: sin minus, obscurius & tardius.

Si profundo cæcoque aliquis demersus antro, in Sole candelam ardescere conspiciet, quod tamen splendidissimæ lucis occurso repentino non evenit, quia à majori Solis vetatur lumine. Sic quàm plurimos haud minimæ auctoritatis viros hallucinatos reperi, uti sæpè legisse, & audivisse memini, si diu astra conspectari nequeunt, tali ea contemplari aggrediuntur artificio. Speculo aquæ immerso in meridie cœlo stellas se contueri fixas credunt, ostenduntque. Perpendiculares enim Solis radii in aquæ superficiem incidentes, speculum obliquè feriunt, ex cujusmet superficie ad spectantes oculos bene locatos intorquentur, Solisque repræsentant figuram: at radii obliquè aquam percutientes, inde refracti speculum & visum feriunt: videbitur ejusdem figuræ, & minor, propter densioris medii refractionem, astrumque videre putabis, Solis corpus insequens, quod patet in opacis. Ideò Stilbon illud putant multi, quum parum à Solis corpore recedat, eumque semper consequi conspiciunt. Caniculæ aliqui fidus, & æstivis ideò diebus visere properant: quòd si minùs demonstrationi fidem adhibes, sed experientiæ sensuique magis credis: verum illius in æquinoctiali requirito intervallum, nec eandem semper reperies distantiam, ut nunc remotiora, nunc verò propinquiora sidera videantur: quod speculo eandem semper distantiam monstrat, si æquè apposueris: non tamen inficior tali ope non modò orientem, occidentemve Solem, sed meridianum occupantem liberius non posse contueri: prætereo luminarium defectus. Cum enim oculi imbecilli, cominùs Solem conspiciere non sustineant nimio lucis splendore; sic clarâ luce, roborare

re nullo, ac disci cernes similitudine, nec minùs nigro panno, vel papyro, parvo foramine pervio. *Joan. Baptista Porta, de Magia naturali.*

D E I G N E.

C A P. II.

IGNIS cùm nunquam excitetur nisi præviâ corporum attritione, divisione & motu celeriore; cùmque metalla purissima, durissima, & minimos habentia poros, resolvat & liquefaciat, quod certè sine efficacissimo motu particularum subtiliss. minimis illorum poris sese insinuantium perfici nequit, credendum est, Ignem esse congeriem particularum subtilium rapidissimo motu ad se invicem allidentium. *Senguerdus.*

Candela inextinguibilis.

Candelam inextinguibilem sic facies. Imple cannam pulvere sulphureo, & panniculis minutissimè fractis. Deinde cerâ quicquid est investito, ac incendito, multo flabello, aut vento non exstinguetur. Præterea si ex librâ unâ ceræ & unciis duabus vivi sulphuris, calcisque vivæ tantundem, additâ olei nucum unciolâ, formetur candela cum bombace, & in aquam mittatur, ubi primùm calx ardere incipiet, reliquas materias ignis seminaria agnoscentes, ad eundem incendii actum promovebit, etiam in mediis aquis. *Antonius Mizaldus lib. Arcanorum memorabilium.*

Candela sub aqua ardens.

Longum habeto vas, & capacitatis non incommodæ, ori lignum applicetur, quo ardens candela insideat immobilis, & inverso vase lumen fundum feriat: sic totum aquis penitus immergas, nec subintrabit aqua, cùm aëre repleatur, & sub aquâ ardebit multùm secundùm vasis capacitatem. *Joan. Baptista Porta.*

Candela mirabilis.

Referunt, quòd si partem unam halinitri sumseris, addiderisque thuris, olei communis & lactis lathyridis quintam singulorum partem, decimam sulphuris, ceræ dimidium, candelam conficies, quæ calore, odore, motu, ac strepitu erit admirabilis. Alii verò calce dimidium corticis ovi implent, partemque pyrii pulveris suprâ addentes, cerâ concludunt, imponuntque aquæ frigidissimæ: nam persæpè ignis accenditur, emicatque flamma. *Card. de varietate.*

Faces, quæ ventis non extinguantur.

Earum ellychnium falnitro ebulliunt & aquâ, & exsiccatum sulphure & ardenti madefaciunt aquâ, inde Candelas hâc efficiunt mixturâ: constat enim sulphure, inde caphuræ, & terebinthinæ resinæ medietate, colophonix duplo, ceræ autem triplo, quatuor efficiunt candelas: eas componunt simul, in medio autem vivum sulphur injiciunt, & pertinaciùs omnibus resistit. Si candelam aliquam nive circumtexeris, & incendes, in nive flamma ardere videbitur. *Alexius.*

Candela, quæ nequeat extinguui.

Multa sunt mirabilia, quæ tamen cùm noveris causam, cessat omnis admiratio: veluti sulphur cum cera æqualiter dissolutum, eam reddit inextinguibilem: oportet autem sulphur valdè purum esse. Similiter si candela sulphuris pulvere tum carbonis oblita in aqua mergatur hyemis tempore, ex superiore parte contacta papyro, suspendaturque ubi gutta cadit glacie, circumdabitur glacie crassiore, ardebit tum accensa, magnoque miraculo glacies astantibus ardere videbitur. *Card. de subtilitate.*

Ignes, qui aquâ non extinguuntur, artificiosi.

Aqua solet vehementes accendere ignes, quoniam humidum ipsum, quod exhalat, pinguius redditur, nec à circumfuso fumo absumitur, sed totum ignis ipse depascitur, quo purior inde factus, & simul collectus à frigido alacrior insurgit, unde etiam ignes, qui aquâ excitantur, & accenduntur: constat autem pice navali, & græcâ, sulphure, vini fece, quam vocant tartarum, sarcocolla, halinitro, petroleo. Relatum hoc ad Marcum Gracchum. Additur igitur calx viva duplo pondere, & cum ovorum luteis pariter miscentur omnia, & in fimo equino sepeliuntur.

Aliud.

Sulphurei olei, petrolei, juniperini olei, halinitri æquales singulorum partes: nigræ picis, pinguedinum anseris, & anatis, stercoreis columbini, liquidæ vernicis, rursus singulorum tantundem: asphalti partes quinque: excipe ardentes aquâ, & in fimo equino sepeli.

Aliud etiam.

Vernicis liquidæ, sulphurei olei & juniperini, & olei lini, & petrolei, lachrymæ laringæ partes æquas singulorum,

rum, aquæ ardentis tres ac mediam, tum halinitri, ligni laurini sicci, in pulverem redactorum, quantum sufficit, ut omnia simul mixta luti spissitudinem recipiant. Hæc omnia vitreo vase excipe, & in fimo equino tribus mensibus sepeli. Si igitur ex his pilæ lignis hæreant, sponte imbribus accenduntur: sed hoc non omnino semper evenit. Illud autem semper evenit, ut jam accensus nullis aquis extinguatur. Pulvis autem, qui facillime ardet, & cujus flamma vehementer urit, constat pyrio pulvere, & tertiâ sulphuris ac græcæ picis parte. *Card. de subtilitate.*

Ne quid igne comburatur.

Si ichthyocollæ & aluminis æquales partes acceperis, ac invicem miscueris, hisque acetum superfuderis, quicquid eâ miscellaneâ illitum in igne projeceris, non comburetur. Et si trito malvavisco, cum ovorum albumine manus illeveris, atque alumen superinduxeris, ignem absque læsione tractare poteris. *Albertus Magnus.*

Ignea mixtura, quam Sol accendere potest.

Maximè autem ferventis in meridie, & id præcipuè illis regionibus, ubi Sol flagrat, vel sub caniculæ ortum, nec aliunde evenit, nisi accendibilium rerum compositione, hanc tamen sedulo parabis, qualis est, quæ ex his constat: caphura paretur, inde vivi sulphuris terebinthinæ resinæ juniperi & vitellorum ovorum oleum, pix liquida, colophonia, in pulverem redacta, sal nitrum, & omnium duplum ardentis aquæ, arsenici, & tartari pusillum. Hæc omnia benè tusa, & remixta, vitreo condas vase: quod per duos menses obrutum immorari oportet, finum semper innovando, & remiscendo, eodemque, ut docebimus, eliciatur aqua vase: hæc inspissetur, vel nostro pulvere, vel stercore columbaceo, & tenuiter cribrata, ut strigmenti formam habeat, ligna delinito, vel aliqua combustibilia & æstivis Sole utitor diebus. Hæc omnia Marco Graccho adscribuntur. Vim retinet comburendi maximam columbaceum sterco. Refert Galenus in Mysia, quæ est Asiæ pars, sic domum conflagrâsse: Erat projectum columbaceum sterco, in propinquo fenestram tangebatur, ut jam contingeret ejus ligna; quæ nuper illita resinâ fuerant, cui jam putri & excafacto, & vaporem edenti, mediâ æstate, cum Sol plurimus incidisset, accendit resinam, & fenestram: hinc fores aliæ resinâ quoque illitæ, ignem concipere, &

ad tectum usque submittere, incipiunt: ubi autem à tecto semel est accensa flamma, celeriter in totam grassata est domum, cum maximam habeat inflammandi vim. *Joan. Baptista Porta, in sua Magia naturali.*

Faces, quæ ventis non extinguantur.

Pro itineribus fiunt faces, quæ ventis non extinguantur, quod è sulphure evenit; difficulter enim extinguitur, ubi flammam concipit: unde faces cerâ & sulphure vicissim oblinitæ, & confectæ, ventis tempestatibus innoxie feruntur. Pro ducendis autem exercitiis, vel necessariis rebus aliis, utuntur tali: Earum ellychnium salnitro ebulliunt aquâ, & exsiccatum sulphure, & ardenti madefaciunt aquâ, inde candelas hac efficiunt mixturâ: constat enim sulphure, inde caphuræ & terebinthinæ resinæ medietate, colophoniarum duplo, ceræ autem triplo: quatuor efficiunt candelas, eas componunt simul in media, aut vivum sulphur injiciunt, & pertinacius omnibus resistit. *Idem.*

Ignis ut quis non comburatur.

Belbinnus dicit quando accipis albumen ovi, & alumen, & linis cum eo pannum, & ipsum abluis cum aquâ salis siccâ, eum prohibet ignem comburere. Dicit alius, quando accipitur arsenicum rubeum, & alumen, & teruntur, & conficiuntur cum succo sempervivæ, & felle tauri, & linit cum eo homo manus suas, deinde accipiet ferrum ignitum, non comburit ipsum. Similiter si accipiatur ex magna & alumine jamenti & talo, & aceto forti, & althea, & contriveris ea contritione bonâ, & linias cum eo manus, non lædit eas ignis. *Albertus Magnus.*

Lampas mirabilis, in quâ apparent res quantitatis terribilis, habens in manu virgam & territans hominem.

Accipe ranam viridem, & decolla eam supra pannum exequiarum viridem, madefac ipsum cum oleo sambucino, & pone ipsum licinium, & illumina cum eo in lampade viridi. Nam tu videbis nigrum statum, inter cuius manus erit lampas, & mirabile. *Albertus.*

Ignis mixtura, quæ sub aqua ardeat.

Pulvis primò paretur pyrius (ut dicunt) ad bellicas machinas, quibus ab ardenti quasi bombo, nomen bombardarum est inditum, hic mixtiones horum subintrat omnes utpote

utpote basis & fundamentum: cui adjiciatur tertia colophonix pars, communis olivarum olei quarta, sexta autem sulphuris, ritè permisceantur: ex omnibus resiccatis periculum sumunt, si valentiùs uritur quàm quæritur, colophonix & sulphuris; si remissiùs pulveris dicti plusculum suggeratur, horum mixtura in stramentis, & linteis obvolvatur pannis, vel oculis ex iis confectis strictiùs quàm possit. Inde funiculis, & ligaminibus obvolutam ferventi immergunt pici, & resiccari curant, ac denuò straminibus munientes, illiniunt pice, ut eam ab aquæ humiditate tueatur, nec ignis vi disrumpi sinat: ubi autem ritè fuerint insolata, parvo foramine pervia, ignem immittunt, & ardere incipiente, paulo morantur tempore, tum projiciunt in aquam, nec se ab ea extinguere sinit: nunc fundum, nunc aquæ superficiem petens, & in ea obvolvitur. Nec displicet, ut naphtham adjungant iis, quam petroleum vocant: rapacissimus enim ignis est, eoque longè viso dissilire cogit, ut Magnes ferrum, & comburitur, multumque bitumen hoc in aqua ardet, quod à natura artifices mutuati sunt, nec balneorum semper ebullientium alia reddi potest ratio, nisi quòd bitumine intus ardeant, & aqua depascentur, quæ continuæ sit causa ebullitionis. Bellica sæpè instrumenta hujusmodi compositionib. replentur, inde igneas quasdam emittunt pilas eminùs, & disrumpuntur, quas sic parant: pulverem hunc obvolvunt stupâ, ac mixturâ quam diximus, illinunt, & implicant, & concavas machinas replent pulvere, pilis, & mixtura vicissim inspersis, igneque admoto, in hostium congressibus pilæ per aërem projiciuntur accensæ. Quod olei vicem expleat, & ardentius exuratur: immittunt aliqui suillum adipem, anserinum, sulphur ignem non expertum, quod Græci vocant *ἀργον*, sulphureum oleum, & naphthicum, salnitrum sæpè purgatum, ardentem aquam, terebinthinam resinam, liquidam picem, quam omnes kitram vocant, vulgò dictam liquidam vernicem, vitellorum ovorum oleum, & aliquando, ut molem his addat, & liquida inspisset omnia, lauri scrobem immiscet: iis vitreo vase occlusis, illud sub fimo condito, per menses duos vel tres, alternis semper denis diebus innovando finum, remiscendo, exemitæ inde compositioni, si ignem adjeceris, ardere non desinit, nisi tota fuerit absumpta: aquæ enim dispersione non restinguitur, imò accenditur: veruntamen luto, terrâ, pulvere & omninò quibusvis aridis

aridis suffocatur, si cassidi, clypeo, & armatis hominibus injeceris, igne candentes reddit, ut comburi cogantur, aut arma exuere. Aliud trademus, quod est valentioris operationis: Terebinthinæ resinæ, picis liquidæ, & vernicis inde picis, thuris & caphuræ partes potiores, vivi sulphuris sesquitergium, salnitri purgati duplum, ardentis aquæ triplum, & tantundem naphthici olei, sed salicis pollinis carbonum pusillum adjicias: hæc simul conficiantur, & in globulos effingito, vel ollulas reple: sic exurit, ut extinguere sit vanum. *Potta.*

Ignis esca.

Fomes ex minima causâ, ignem concipiens (escam vulgares vocant) sic fit: Fungi arborum maximi, exactè à lignosa parte mundantur, ac sic lixivio longo tempore decoctos siccare facies, ac cuilibet libræ ipsorum addes sulphuris uncias duas, salis nitri unciam mediam: ac sic lixivio eò usque incoques, donec absumatur lixivium, siccatosque in Sole, rorabis aquâ vitæ (alii appellant ardentem) siccabisque denuò: quantò frequentius efficies, eò meliores evadent: servantur aut olibano, vel vulgari sandaracâ. Aliud eo longè paratu facilius: sed minus concipit, etsi multum satisfaciat. Lintea è gossipio, præcipuè nigra, leviter combure, & dum comburuntur, suffoca, & serva. *Cardanus de varietate.*

Ignem trahentia.

Heraclitus professus est, omnia fieri per litem & amicitiam. Sic naphtha trahit ignem, profilitque in eam undecunque visam: similiter aproxis herbæ radix, à longinquo attrahit ignem, ut naphtha. *Cornelius Agrippa de occulta Philosophia.*

Ad ignem Sole accendendum.

Ignis ex rotundâ vitri phialâ, aquæ plenâ & immobiliter Soli oppositâ, facile excitari potest. Cum enim directè Soli objicitur, retrò in lineâ amphoram pertranseunte, objectum illi fomentum combustibile, ignem ex radiis multiplicatis & addensatis, leviter concipit, non sine spectantium miraculo, qui ex aquâ ignem excitari vident. *Jo. Baptista Porta.*

Ut aliquo cubiculum cum accensâ candelâ ingrediunte totus inflammetur aër sine noxâ.

Sumatur quantitas magna aquæ vitæ optimè repurgatæ,
& in

& in eam projiciatur caphura particulatim concisa, quæ brevi spatio in eâ dissolvetur. Jam dissolutâ, fenestræ & fores cubiculi claudantur, ne exhalans vapor foras expiret: vas ubi aquâ vitæ plenum est, sine flammâ carbonibus subjectis ferveat, ut tota aqua in fumum solvatur, qui cubiculum expleat; & adeò tenuissimus erit, ut vix conspici possit. Cogatur hinc aliquis accensâ in manu candelâ cubiculum ingredi; nam aër visâ candelâ totus accenditur, & cubiculum totum inflammatur, ut fornax accensa videatur, maximumque terrorem introëunti incutit, si in Aquâ vitæ moschum, aut minimum Ambraë dissolvatur, post flammam maximus odor sequetur. *J. B. Porta.* Si loco camphoræ aliud Bituminis aut Gummi genus, quod facilè dissolvitur, adhibeatur, idem sequitur effectus. Si non magnum est cubiculum & benè clausum, sufficiet sola aqua vitæ. *J. Casp. Schottus.*

Mixtura, quæ aquâ accenditur.

Si vis facere imaginem aliquam hominis, aut alterius, & quando ponitur in aqua, accenditur, & si extinxeris eam, extenuetur. Accipe calcem non extinctam, & permisce eam aliquantulo ceræ, & oleo sesamino, naphthâ, id est terrâ albâ, & sulphure, & fac ex illo imaginem: nam quando turabis aquâ, accendetur ignis. *Albertus.*

Ignis, qui sputo accenditur: furibus atque latronibus maximo usui.

Recipe Olei sulphurini

Larinici

Cedrini

Picis liquidæ —

} ana unc. XIV.

Salis petræ, unc. xvj.

Salis ammoniaci

Vitrioli

Tartari calcinati

} ana drach. viij.

Magnetis calcinati

Calcis vivæ ex filicibus fluvialibus

} ana unc. v.

Sevi

Adipis anatis

} ana unc. vj.

Aquâ vitæ cooperta omnia sepeliantur in equi ventre per menses tres. Quarto quoque die conturbantur, tum igne

igne decoquuntur , quoad abeat liquor , & remaneat fex. Ea vase rupto extrahitur , ac teritur. Hoc aspersa pulvere si aqua perfundatur , igne concepto ardet. *Scaliger.*

Ut ellychnium pares , quod non absumatur.

Alumen plumæ in ellychnii modum secato : id in oleum immittito , nec unquam consumetur. *Nostradamus.*

Lapis ignem fricatione reddens.

Recipe Styrcis calamitæ

Sulphuris

Calcis vivæ

Picis

Caphuræ drach. j.

Asphalti drach. iij.

} ana drach. iij.

Pulverizata ponantur in vase terreo , optimè clauso ad ignem , donec in lapidem convertatur ; qui panno aliquo fricatus , accenditur ; sputo verò extinguitur. *Ruscellus.*

Candela , quam ventus extinguere non possit.

Ellychnium fumito , sulphur vivum pulverizatum ei linteolo obvolvas ; dein cerâ candelam conficito. Accensa non extinguetur , dum ejus tantillum superfuit. *Nostradamus.*

Ignis ferrum detrahens , inventum filii Amram.

Recipe Picis liquidæ

Gummi juniperi

Olei è lacryma terebinthi

Olei de sulphure

Olei de nitro

Olei ex ovorum vitellis

Olei laurini

Pulveris lauri ficci

Caphuræ

Salis petræ ad pondus omnium.

} an. partes fenas.

} ana in aqua vitæ macerati partes 14.

Indito in vas vitreum oris angusti , bene lutato , & obturato , infodiantur in ventre equino per menses sex : quarto quôque die agitentur : deinde distillantur in Seraphino. *Scaliger.*

Aliud.

Aliud.

Recipe Recrementi lacrymæ laricinæ
quod residet ex olei destillatione

Olei ejusdem

Picis liquidæ

Picis cedri

Camphuræ

Bituminis

Mumiæ

Ceræ novæ

Adipis anatis

Stercoris columbini

Olei ex vivo sulphure

Olei juniperini

Olei laurini

Lini

Canabis

Petrolei

Philosophorum

Vitellini

Salis petræ lib. x.

Salis ammoniaci unc. vij.

} an. lib. v.

} an. lib. 5.

Imbuantur aquâ ardenti omnia ita, ut cooperiantur, tum sepulta in equi ventre tertio quoque die, & lectus renovetur. Post hæc extrahatur anima Seraphino: quam spissabis bubuli stercoreis pulvere tenuissimo. In hoc Semimaurus ille canit miracula, vel Solis radiis ignem concipere. Neque id, in quo est urere, sed admotâ solâ urinâ, aut aceto extingui, injectâve terrâ suffocari posse. In ipsa aqua invictum pertinaciter ardere: tantum abesse, ut ab ea quicquam patiatur. Hos ignes in vasa coniectos etiam nunc in hostes jaculantur. Id vasis genus apud veteres Græcos ἀσίοχον dicebatur. Scaliger.

Multas candelas simul accendere.

Sulphur & auripigmentum cum oleo coque, & in eis postea filum ebullire finito: resiccatum filum per candelarum ellychnia ligetur, transeatque; nam ex uno capite accenso curret per omnes candelas flamma & incendet.

J. B. Porta. Sed Cardanus dicit lib. 10. de varietate c. 49.

tam sulphur, quàm auripigmentum debere esse purgatum.

Ad prohibendum tetrum odorem adjici potest Ambra,

Moschus,

Moschus , aut simile quid odoriferum. Candelæ omnes, antequam candelabris infigantur , debent accendi & extinguï , & carbo ellychnii extincti debet remanere in omnibus ; & huic circumplicari debet filum ab unâ ad alteram candelam ductum , accensâ unâ extremitate ipsius fili possit ignis ab unâ candelâ ad alteram transcurrere mediante filo.
J. Casp. Schottus.

Ignis inextinguibilis.

Recipe Vernicis , quâ coria inaurantur , lib. x.

Sulphuris vivi lib. iv.

Olei resinæ lib. ij.

Salnitri lib. j. s.

Olibani lib. j.

Caphuræ unc. vj.

Aquæ vitæ optimæ unc. xiv.

Misceantur omnia optimè ad lentum ignem : & fiet mixtura , quâ imbutæ stuppæ , & in ollas positæ , atque accensæ , ignem inextinguibilem reddunt , quocunque fuerint projectæ. *Fioravantus.*

Ignis inextinguibilis.

Recipe Vernicis supradictæ lib. xij.

Olei resinæ } an. lib. j.

Olei ceræ }

Olei trebinthinæ un. viij.

Sulphuris vivi lib. ij.

Salnitri lib. iv.

Camphuræ lib. j.

Aquæ vitæ lib. ij.

Picis græcæ pulverizatæ lib. iij.

Misceantur ad ignem lentum , & fiat mixtura. *Fioravantus.*

Lucernæ Sepulcrales inextinguibiles.

Lucernas olim Cadaveribus hominum , dum sepeliebantur , appositas fuisse non inficio , cùm non paucae præ multorum manibus habeantur fictiles lucernulæ , in cryptis inventæ ; atque has crediderim potuisse tam exiguo ellychnio instrui , ut tenuem flammulam , quæ pro sepulchri amplitudine suo ipsius fumo non præfocaretur , emitteret aliquandiu duraturam , fomite lentius absumto. Verùm si fuisse perpetuas lucernas admittamus , adhuc in dubium revocari potest , utrum lucetent tantùm , an verò

verò etiam arderent. Si enim arsisent, vix aliter flammam illam perennare potuisse intelligo, quàm si fieret quidam materiæ in orbem reditus, quemadmodum in vasis chymistarum circulatoriis, ut in Pelicano; ascendens scil. fumus ad summum vasis apicem, ibi iterum cogeretur in liquorem, qui per recurva vasis brachia descendens ad lucernæ fundum, fomitem flammæ denuò subministraret. Hic tamen exardescentis, atque postmodum concrefcentis materiæ circuitus suis non caret difficultatibus; propterea verosimilius videtur, lucem fuisse ab ardore sejunctam, cujusmodi in cicindelis, & quernis lignis putridis observatur, aut in succo expresso ex vermiculis, quos vulgus Ballaros vocat, innascentibus saxo marinæ aquæ immerfo in Portu Anconitano; hujusmodi enim vermiculos contusos, & vitreæ phialæ injectos tantum luminis emisisse, ut in obscuro cubiculo potueris literas legere, mihi sanctè affirmavit non semel Vir fide dignissimus. *Paulus Casatus, Dissert. de Igne.*

Ignem ex poculo aquâ pleno conspiciere.

Recipe ovum gallinæ, à quo vitellum unà cum albumine fuerit exemptum, & imple sequenti pulvere. Accipe sulphuris vivi, calcis vivæ ana quantum sufficit; redigantur in pulverem, & in prædictum ovum ponito, foramen cerâ obturato. Cum ignem ex eo videre voles, in poculum aquæ plenum ponito. *Fallopious.*

Ignem sub aquâ conspiciere.

Recipe Calcis vivæ	} an. q. s.
Sulphuris vivi	
Petrolei	} an. parum.
Ceræ	

Misce: & in aquam ponito. *Fallopious.*

Ignem manu tractare.

Recipe Althææ quantum sufficit, misceatur cum ovi albo, quo manus inungantur, & siccatae ignem tractare poterunt. *Fallopious.*

Lapis ignem humido quovis excitans.

Magnetem lapidem in ollam, vel aliud confimile vas conjice, vivâ calce immerfum, meliusque fuerit, si colophoniam adjeceris cum calce pari: cum vas expleveris, figulari cretâ circumlinito spiramento fornaci indatur, do-

nec percoquatur : inde detrahatur , & in unam ollam conjiciatur , creta denuò illita imponatur fornaci , alterius eadem profequendo , dum vehementer inalbuerit , & rorefiat : cùm opus fuerit , aqua vel faliva superinfusa flammam elevabit : quâ sopitâ , loco calido ad usum recondito. *Porta.*

Alia faciendi ratio.

Si vivi sulphuris , salnitri vocati repurgati pari pondere , caphuræ duplum , novæ calci addantur , ac omnia mortario conterantur usque adeò tenuia , ut in auras evolare possint , simul stricto linteolo deligata convolvantur testaceo vase clausa , superillita argilla , ferventi desiccantur Sole , figulorum imponatur fornaci : cumque figulinum vas fuerit excoctum , in quo maxima est adhibenda diligentia , in lapidis duritiem coeunt & redigantur , extracta ad usum ministrantur. *Idem.*

Aliter.

Sumatur Magnetis lapidis prænarata calx , salnitri sæpè purgati quadruplum , æquali pondere caphura , vivi sulphuris ignem nondum experti , & terebinthinæ resinæ oleum , & vini fæcis concretæ , quas semper tartarum vocabimus posthac : hæc omnia mola vel pila trita cribrentur : quæ infracta supersunt denuò terantur cribrenturque : insuper austeri vini ardentem aquam paratam habeas , eamque infundas , ut superemineat , vitreo vase condito , & operculato , ne halitum expiret ; fimo supponatur duobus , vel tribus mensibus , denis vicissim diebus innovando , donec mellis crassamentum imitetur , nec ullum divisionis indicium præbeat , flagranti inde carbone infervescat , dum humiditas omnis evolet , & penitus siccata in lapidem coeat . Si hoc cognoveris , vas frange & exemptam iterum terito compositionem , aquâ vel humore aliquo leviter superinfuso , flamma erigetur , & inter omnes principem hæc sibi vendicat locum.

Ignis volans.

Accipe libram unam sulphuris , libras duas carbonum salicis , libras sex salis petrosi : quæ tria subtilissime terantur in lapide marmoreo , postea aliquid posterius ad libitum in tunicâ de papyro volanti , vel tonitruum faciente , ponatur. *Albertus.*

Ut ignis Crystallo rotundo accendatur.

Si sphærule perfectè rotunda, vel si planum vitrum pareretur, uti specillum, & aliquantulum soli oppositum retrò partem in adversam radios uniens, uſtulat: tamdiu enim materiam illam ignium conceptricem removebis, & appropinquabis, dum radiorum reflexorum conum inveneris, inde paululum immorando ignis emicat, inde & præcipuè mirabimur, si parva magnæ extet sphære portio. Medici tradunt, quæ in corpore urenda sunt, non utiliùs posse, quàm crystallina pila adversus Solis radios opposita. *Porta.*

Ligna, quæ attritu ignem concipiunt.

Quæ ligna attritu ignem concipiunt, sunt quæ maxime calida, ut laurus, rhamnus, ilex, & tilia. Menester verò morum addit: & conjiciunt, quòd ascias illicò retundant, & hebetent: ex his omnibus terebrum faciunt, ut attritu acriùs resistat, & pertinaciùs opus expediat, conceptaculum verò ex molli, uti hederæ, ferula, sylvestri vite, & similib. arefactis, & penitus humore omni exinanitis: ad summum ea deteriora ad ignarium usum veniunt, & rejiciuntur, quæ umbrosis contactisque locis assurgunt. Et sic commodiùs expedies: nec referre arbitror, si laurum lauro, vel hederâ enudatâ, ferulam ferulâ confricaverit, & quod præstantius est, fune super eam celeriter, & vehementer moto, & ubi fumum elevabit, adjecto minuti sulphuris momento fomitem admoveris, vel arida nutrimenta, quæ ex materia parabis aridi fungi: foliorum excocti velleris, circa tussilaginis radices reperti: ociùs enim ignem concipiunt retinentque. Ex ignariis olea ut inepta rejiciuntur, pinguiori materiâ, & immodico humore referta. *Joan. Baptista Porta.*

Ex carabe ignis quomodo fiat.

Et dixerunt, in Carabe, quando multum teris ipsum, & sufflas versùs lampadem cum sufflatorio, inflammatur ex eo ignis magnus, & ab eo nihil contactum comburitur. *Albertus Magnus.*

Ignem manu tractare.

Si vis portare in manu tua ignem, ut non offendat, accipe calcem dissolutam cum aqua fabarum calida, & aliquantulum magranculis, & aliquantulum malvavisci, & permisce illud cum eo benè, deinde line cum eo palmam

tuam, & fac ficcari, & pone in eam ignem, & non nocabit. *Albertus Magnus.*

Ut quis totus videatur ignitus.

Quando vis ut quis totus videatur ignitus à capite usque ad pedes, & non lædatur : accipe malvaviscum album, confice cum albumine ovorum, deinde line cum eo corpus tuum, & demitte, donec exsiccet : & deinde line te cum albumine, & postea pulveriza super illud sulphur subtile : inflammatur enim ignis in eo, & non lædit, & si facis super palmam, poteris tenere ignem sine læsione. *Albertus.*

Ignitus totus videri.

Prædictâ ubi te liniveris mixturâ, resiccari curato, & tritum subtilissimè sulphur inspergito : flammam admoveas, ubi ardere incipiet, ignitus videberis totus. Si minùs commodum fuerit sulphur, ardentis aquæ irroratus aspergine, quam diximus, ignem admove, & aliquantulum sub ea tutus deges. *Joan. Baptista Porta.*

Ignem tueri aliquid, ne comburatur.

Ea considerato, quæ summè frigida obstupent, & subtilia sunt & ob substantiæ connexionem ab igne non vincuntur, uti Amiantus lapis, quem palmeum alumen vocant, extincta calx, ovi albumen, altheæ succus, hyoscyamus, psyllii semen : hæc cum succis permiscentur, dum liniamenti speciem assequantur, inde manus oblinito, & illæsus ignem detinebis : non sic tamen, ut omninò tutus & intrepidus pertractare possis, vel per ignem ambulare, ex Animante lapide, mappæ texuntur : & si sordidatæ, igni projiciuntur, candori pristino restituuntur. *Porta.*

Ut res in igne non comburatur.

Si vis ut res projiciatur in ignem, & non comburatur, Accipe cutem piscis partem unam, & aluminis tantundem : illi permisceatur totum, & fundatur super ipsum acetum vini, & commisceatur cum eo quicquid vis : projice in ignem, line cum hoc linimento, non comburetur. *Albertus Magnus.*

Candela pavorem inducens.

Accipe pannum lini, novum album, & fac ex eo lincium,

nium, & pone in concavitate ejus cutem serpentis, & salem grossum, & sacra ipsum oleo olivæ, & da cuivis, & statim cum accensum fuerit, ipsum trepidabit, & timebit valdè. *Idem.*

Ut homines in igne non comburantur.

Experimentum mirabile, quod facit homines ire in ignem sine læsione vel portare ignem, vel ferrum ignitum sine læsione in manu. Accipe succum bismalvæ, & album ovi, & semen psyllii, & calcem, & pulveriza, & confice cum illo albumine ovi, succum raphani commisce, ex hac confectioe illinas corpus tuum, vel manum, & dimitte ficcari, & postea iterum illinas, & post hoc poteris audaciter sustinere ignem sine nocumento. *Idem.*

Ut filum igne non aduratur.

Cur filum ovo circumdatum, non solum in prunis, sed nec in flamma ardet? quia non sit ignis, nisi calor ad summum deducatur: at semper prohibetur ab ovo, ne ad summum deducatur: quia ovum comburi non potest: at quod non comburitur, aliquo modo semper refrigerat, quod est maximè calidum. *Card. de subtilitate.*

Ignis, qui oleo extinguitur, & aquâ accenditur.

Hic ea sunt consideranda, quæ facilius in aqua ardent, vel in eâ spontè accenduntur, uti caphura, & viva calx. Unde si cerâ, naphthâ, & sulphure mixtum composueris, ignemque concipiens, ubi oleum injeceris, vel cænum, extinguitur: reviviscit enim, & majorem concipit ignem, infusâ aquâ. Hac fiunt compositione faces, quæ fluminum trajectu, & pluviosis temporibus non extinguuntur. Narrat Livius, vetulas quasdam in eorum ludis, accensis facibus ex his confectis, Tyberim tranâsse, ut miraculum expectantibus, & cernentibus, ostentarent. *Joan. Baptista Porta.*

Aqua ardens.

Vetus, validum, & nigrum vitrum habeas: inde intus vivam immitte calcem, tartarum, sal, vivumque sulphur, vitreis chymistarum organis aquam exugito, hæc mirè ar-

det, nec ardere defierit, nisi tota consumetur, vel parum relinquat, si in patinam, vel aliud patentioris oris vas pones, & flammam admoveas, ilicò ignem arripit: si in murum projeceris, vel è fenestra noctu, innumeris scintillis, & igniculis accensum aërem videbis: ardet in manibus detenta, nec comburit multum, id autem advertito, si pluries distillabis, minùs ardere, id enim aceto contrarium aqua habet ardens. Si minus phlegmate redundet vis, spongiam oleo madidam vasis ori in distillatione accommodato, phlegma autem penetrare non finit. *Idem.*

Flammam eminùs projicere.

Id commodè faciunt colophonia, thus, & succinum præcipuè: nam si flammam concipit, in altum se tollit, eminùs flammam emittens: si inter digitos candelam continebis: in palma autem pinsum pulverem, dumque projicis, evolet pulvis per candelæ flammam. Longè efficacius succedit experimentum, si semen vel pulverem Lycopodii sive Musci terrestris clavati per flammam candelæ ardentis projicias, tum enim similiter ignes admodum flamma excitabitur, sed non nisi momentum temporis durans. *Idem.*

Ignis Græcus.

Ignem Græcum sic facias. Recipe sulphur vivum, tartarum, sarcocollam, picolam, sal coctum, petroleum & oleum commune, fac bullire benè, & si quid imponitur in eo, accenditur, sive lignum sive ferrum, & non extinguatur nisi urinâ, aceto, vel arenâ. *Albertus.*

Manicæ metallicæ ad durissimam igne colliquanda.

Vasa longitudinis cubitorum quatuor, aut saltem trium, latitudinis dodrantis, crassitudinis digitorum trium, in imo flexa, ac ad cubili figuram fermè formata, sine fundo, ex filice nigro maculis albis insperfo fiunt: in medio longitudinis foramen, atque in eo canalis ad unguem collocatus, per quem spiritus folium intus feratur: in imo foramen, per quod liquata materia descendat. Ima pars vasis obstruitur, eo (ut dixi) relicto osculo, argillâ & carbonibus tritis simul tuis, & in formam cæmenti ac tenaciorum redactis. Hæc sic disposita, à similitudine Manicæ metallicæ dicuntur. Implentur intus materiâ, quam liquare propositum est, atque carbonibus alternatim conclusus hic ignis summam habet vim, cunctaque necesse est, si non liquan-

liquantur, uri. Non vulgaris utilitas est spiritus, qui per canalem ex foliis intus immittitur: hic primò, quòd palàm est, ignem accendit, & flammam suscitatur, ipsumque ignem cogit vehementius penetrare. Secundò cum frigidus sit, conceptum à metallo calorem cogit, ac intrò pel- lit, atque sic materiam, in qua est, dissolvit. Tertiò si quid liquatum est, ne uratur, prohibet, caloremque mi- tigat. *Cardanus de subtilitate.*

Qui fieri possit latex in tenebris refulgens.

Tu qui præavidus ad lectionem rerum accedis, quas lar- ga, eademque prodiga natura humano usui liberaliter fœ- neratur, abditas, & delitescentes, eumque curat tenebris innoxium reddere (quod non est profectò aspernabile) ex iis ingeniosè requirere, quæ præstare possunt: pleraque enim habes, quæ in noctibus sensum feriunt & cient, mul- ta Aristoteles, multaque passim experientia demonstrat: seu bestiolæ, ex insectorum genere, quas Græci *πυγολαμπάδας*, Latini nitedulas, sive cicindelas vocant. Sunt fungi, ca- pita & squamæ piscium, ut recentis trichiæ, & vulgò harenagi dicti. Sic milvus, sive milvago, quòd oculi noctu splendeant, lucerna dicitur. Pectinum unguis in tene- bris igne lucentes, & in ore mandentium. Sic luporum & ælurorum oculi. Estque in Germaniæ saltu, in Herci- nia, apparens volucris, cujus lucent pennæ ignium mo- do, earumque splendore viatores, per innumeras illas so- litudines, itinerum dubios moderantur eventus. Sic de spondilis, plerisque ostracodermorum generibus, vel su- per eos insidente musco. Aglaophotidis marinæ, & ter- restris meminit Ælianus, tale nomen à splendore lucis inditum, aliaque maris alumna animalia. Sæpè manibus marinam aquam exagitata, igneis scintillis corruscantem vidimus. Narrat Josephus vallem, in qua est locus Ba- raas, ex eodem radicis nomine dictus, igneo colore ful- gurans. Sic noctegretum, cujus valde miratus est Demo- critus. Jam quercus præaridi caudicis, situque marcidi, argenteo noctu splendore adspectum movent, & vulnerant. Carbunculus in tenebris rutilat, aërem circum secus pro corporis modo illuminando: & multa sunt quoque noctu lucibilia, gravissimorum auctorum testimonio com-

probata. At series admonet, doceamus inde humorem extrahere, ex quo latius diffusiusque proficiscitur lumen, & emanet, ut noctu videri possit. Jam infra patefcit exemplum: Nitedulæ igneo multum colore corruscantes, inter omnia principatum obtinent. Nos earum caudam à corpore rescindimus: præcavendo, ne alieni quippiam nitidis partibus immisceatur porphyretico lapide terendo, diebus quindecim, vel plusculis sub fimo vitro condimus: fueritque præstantius, ne latera contingant, sed pendeant: jam elapsis diebus, furno vel calentis aquæ balneo vase impofito, & accommodato, paulatim luculentum, & stillatitium laticem subjectâ paropside recipias, ac pellucido cryftallino orbe condito: sic conclavis medio, lucigena pendeat aqua, & aërem illuminabit, qui est circa illam, ut majusculæ literæ noctu possint conspectari: dummodo à non magis splendido illustretur: sic enim illius penitus exiguum lumen exolefcit, ut interdiu videri nequeat. Cui congener, nec multum diffimilis est aqua, ex dictorum piscium squamis sedulo extracta, quam sæpè separari vidimus, nec à prima ferè dignoscitur, eademque in reliquis parandi ratio jam patet, eisque utimur in dicendis. *Joan. Baptista Porta.*

Aqua ardens.


Aquam ardentem sic facies: Accipe serpentiam, quam destillabis per alembicum, velut aqua ardens exhibit: etiam misce vino, aut cui vis, & accenditur, si appropinquas ei candelam. *Albertus.*

Comburentia specula.

Verum cum duo videantur esse modi accendendi ignem ex speculo: primus, ut omnes radii in centrum speculi incidentes, colligantur in uno puncto per reflexionem, qui fit cum cavo speculo sphærico. Secundus est, ut omnes æquidistantes colligantur, qui à Sole prodeunt, in punctum unum, qui etiam fit parabole: extare de hoc libros Archimedis, ubi docet comburentia specula parabole constare, Franciscum Maurolicium Meslanensem scripsisse, apud Conradum Gesnerum invenio. Res autem sic se habet: Cum superficies conum rectum fecat, & superficies

ficies dimetiens æquidistat lateri trigoni inscripti superficiei conum per axem vertice secantis, superficies illa parabole dicitur, quæ sit ABC . cujus recta à vertice B . dividens AC . rectam subjectam æquis lateribus, curvis $B.A.$ & BC . vocetur dimetiens BD . AC . autem diameter. basis conì K . medium BD . dico HKL . talem semper habere proportionem ad perpendicularem quamcunque ex latere super dimetiens venientem, qualis est ipsius perpendicularis ad partem dimetientis inter verticem & perpendicularem interceptam. Velut sit perpendicularis FG . talem habebit igitur HL . proportionem ad FG . qualis GF . ad GB . & vocabitur tunc HL . latus rectum, & omnes

lineæ æquidistantes BD . seu radii reflectentur in K . Est verò HL . semper quadrupla BK . Sed si propositum sit facere speculum, quod procul comburat, qualem fecisse Galenus narrat Archimedes, qui hostium triremes deusserit: manifestum est



specula, seu à parabole sumpta fuerint, seu à circulo, ac sphaera, maxima esse oportere, id est, portiones maximarum sphaerarum aut conorum maximorum, parabolis partem non tamen maximam. Velut si ad M . passus extendere ignem libeat, circulum describemus, cujus dimetiens sit duo millia passuum, hujus tantum assumemus portionem, ut rotunditas non lateat, partem scilicet sexagesimam, cui dimetientem pro altitudine in termino uno adjiciemus, & dimetiente fixo circumagemus circuli partem, quæ nobis portionem sphaeræ describet: quam cum expoliverimus, ignem Soli exposita procul & validissimum ad passus M . accendat. Nunc autem non adeò utilis ob bellicas machinas: olim verò tutissima. Quæ verò parabole procedit conflagratio, potentior est. Ea autem sic fit. Sit locus, qui comburi debet mille passibus distans. Facio BK . passuum mille, cui rectam coæqualem adjicio KD . ipsi autem BD . æqualem ad perpendicularum facio BA . & ex altera parte BC . æqualem BA . & ductis DA . & DC . facio D , centrum basis conì, & AE . axem: nam angulus ADC . rectus est, & circumvolvo AC . ut fiat conus, &

Ut in somno omnia revelentur.

Suffumigatio ad videndum in somno, quod futurum est de bono & malo. Accipe sanguinem asini congelatum, & lupi cervini pinguedinem, & stercem, aggrega totum ponderibus æqualibus, & conficiantur, & fiant grana, & suffumigetur cum eis domus. Tu enim videbis in somno tuo, qui narrabit tibi omnia. *Idem.*

Candela, quæ cum accenditur, agitatur.

Si vis facere candelam vel licinium, quæ cum accenditur agitatur, & ambulat: accipe cutem lupi, & cutem canis, & fac utrisque licinium, & accende ipsum cum oleo olivæ, & statim movebitur. *Idem.*

Lumen pedere faciens.

Operatio lampadis est mirabilis, quam si quis tenuerit, non cessat pedere, donec dimiserit eam: accipe sanguinem testudinis, exsicca ipsum in panno lini, & fac ex ipso licinium, & illumina ipsum in lampade, da ipsum cui vis, & dic illumina: nam ipse non cessabit pedere, donec dimiserit illud, & est mirabile. *Albertus.*

Lampas, quæ cum accenditur in loco ranarum, non cantant, sed omnes silent.

Accipe pinguedinem crocodili, & confice ipsam cum cera, albifica in Sole, & fac ex eo licinium, & illumina cum eo in loco, ubi sunt ranæ & cum viderint istud, statim tacebunt. *Idem.*

Candela quosvis referens colores.

Lampas vitrea admodum splendida, & diaphana, quæcunque suo lumine illustrabit crocea reddet, & lutea, aut flava, si pulveri croci oleum ellychnio vicinum respergatur. De aliis coloribus idem erit experimentum: modo cubiculum aliud lumen non agnoscat. *Mizaldus.*

Coloratum cubiculum.

Viride cubiculum sic videbis. Sit viridis lampas, vitrea, & pellucida, ut pertranseuntes radii medii colore inficiantur, & (quod in hoc plurimum conducit) oleo, vel omni, quo vivit humido, immisceatur ærugo, unà ritè terantur, ut humor fiat viridis, lichneus ex linteo, coloris ejusdem, vel è gossipio paretur uncto: lampade in illa peruratur,

uratur, oppositum feriens lumen, viride omne & intuentium vultus ostentat. Nigrum autem omne si videre desiderabis, atramentum immisce omni fuliginem vel simile: melius autem è sepiis immixtum atramentum, nam lucernis admotum, si accenditur, atra lucet flamma. Sic Anaxilaum luisse fertur: sæpè enim ex atramento sepiæ astantes Æthiopes reddebat, & nigros. Flavum si teres omne, uti auripigmentum, crocum, lupinorum cortices, & oleo permiscebis, & accendes in eo funiculum, flavâ lampade, croceum conspicias omne. Viride partim, flavum partim, & nigrum si præoptabis, hæc insimul permisceto: uti quoque tradit Simeon Sethi, si quis thryallida, id est, lucernæ stupam in sepiæ atramento, & æris ærugine intinxerit, homines circumstantes videri, partim æreos, partim nigros, propter mixtarum rerum insersionem. Sed maximè id perpendendum duco lucas omnes amovere, ne lumine illo impediatur, supereturque è lampade color emanans, & frustretur illusio: si die fuerit, claudantur fenestræ, ne aliquod lumen irrumpens præstigium destruat. *Joan. Baptista Porta.*

Ut in palatio omnia videantur nigra.

Quando volueris, ut quæ sunt in palatio, videantur nigra: Accipe de spuma maris, & calcantho, & permisce ea filis, deinde humecta cum ea lichnium & illumina cum eo lampadem. *Albertus.*

Ut Lampade noctu ranæ taceant.

Narrat Albertus delphini pinguedine, ac cerâ ex Sole albâ confecto ellychnio, accenso in lacuum ripis, statim ranas omnes filere. Affricanus autem naturalius & certius in Geoponicis græcis, omne id ait evenire lucernâ: nam si accensum posueris in ipsam, obstrepentes omnes ranæ statim conticescunt. Solent impostores perforato pariete ranam immittere, inde chartâ cooperiunt, & in ea corvum depingunt, accensa extrâ face, vel admoto igne, incalescens rana coaxat, ut corvi voces imitetur, sic depictum corvum crocitantem ostendunt. *Joan. Baptista Porta.*

Ut Lampada quis accendens reformidet.

Linteum fiat licium, cujus meditullio anguis senecta, ac leviter infractum senecta, sal accommodetur, aliqui

cui succendendum præbeto ex oleo: nam flammam sentiens sal diffiliet, anguina pellis distorquetur cum coquitur, ut timorem incutiat pueris: sic canis & lupi, lupi & ovis corium obtortum simul oleo si accendes, commoventur, innatam etiamnum fugientia simultatem. *Porta ex Alberto.*

Ut sine capitibus videantur homines.

Quando vis, ut quæ sunt in palatio, videantur sine capitibus: accipe sulphur citrinum cum oleo, & pone ipsum in lampade, & illumina cum eo, & pone illud in medio hominum, & videbis mirum. *Albertus.*

Ut homines videantur sine capitibus.

Accipe spoliū serpentis & auripigmentum & picem græcam, rheponticum & ceram novarum apum, & sanguinem asini, & tere omnia, & mitte in rudi olla plena de aqua, & facias bullire ad lentum ignem, & postea dimitte frigescere, & facias cereum, & omnis, qui illuminabitur eo, videbitur sine capite. *Albertus.*

Ut astantes sine capitibus videantur.

Auripigmentum subtilissimè tritum novâ ollâ ex oleo finas ebullire: nec ab re fuerit, si sulphur immisceas operculo ollæ imposito, ne croceus evolet vapor, id novâ incendes lucernâ, & astantes sine capitibus & manibus videbuntur, oculos digitis comprimendo dum candela accenditur, idque paulisper videbis ut ut fieri poterit. *Porta.*

Ut equina vel asinina videantur astantium capita.

Difficile aggredieris opus: vincat tamen operis sedulitas rei difficultatem. Equo abscinde caput vel asino, non mortuo, ne languida sit virtus, ejusdemque capacitatis fictilem fabricato ollam, oleo plenam, sui que pinguedine, ut superemineat: os operculato, tenaci que munias luto, ignem subde lentum, ut planè bulliens tribus servetur diebus oleum, elixata que caro in oleum currat, ut nuda spectentur ossa: pila tundito, pulvis que oleo permisceatur, quibus astantium capita perungantur, similiter in lampadibus stupei funiculi in medio statuuntur, nec propè nec longè, ut res postulat, & monstroso spectaberis vultu. Ex iis multa discas componere: fatis enim dixisse videor, si di-

si diligens fuerit intuator. Ex humano capite recenter obtruncato electum oleum, animalibus faciem hominis inducit, sic variis animalium capitibus monstrosiora reddes corpora, si iis accensis liciniis illustretur domus, quod fido claude pectori: nam uti arcana ab antiquis cælabantur, nec ita faciliter ex eorum eruitur dictis. Aliter tamen docet Anaxilaus, nec irritè. Equorum virus à coitu accipitur, novisque lampadibus ellychniis accensum, hominum capita equina visui monstrificè repræsentat, de asinis sic quoque proditur. Sic illud, quod apriam vocant, in suis cum subant. Acceptum enim & accensum idem præstat. Sic animalium reliquorum auricularibus accensis fordibus. Si illud perures, quo dicemus sperma eoque spectatorum facies perunxeris, eorundem animalium conspicias capita, ferva. *Joan. Baptista Porta.*

Ut homines videantur vultum canis habere.

Accipe adipem de aure canis, unde ex eo parum de bombycino novo, pone in lampade nova de viridi vitro, & pone lucernam inter homines, & cernent vultum canis. *Albertus Magnus.*

Ut homines videantur habere quorumlibet animalium capita.

Accipe sulphur vivum & litargyrium, & istis simul pulverizatis, sparge in lampade oleo plena, habeantque candelam de cera virginea quæ permixta sit cum fece illius animalis, cujus caput vis ut videatur habere, tenens candelam accensam de lampadis igne, & da bibere vinum cum valdimonia, & illi, qui inde potabunt, videbunt se habere caput animalis. *Albertus.*

Ut homines habere tria capita videantur.

Accipe de pilis asini mortui, & fac funiculum & sicca, fume medullam de osse principalis dextri humeri, & misce cum virga virginea, & line funiculum, & pone super liminaria domus: ingredienti domum tria capita habebunt, hi, qui in domo sunt intransibiles asini videbuntur. *Albertus.*

Ut caput hominis videatur caput asini.

Tolle de segmine aselli, & unge hominem in capite. *Albertus.*

Can-

Candela, quæ facit homines equinis, aliorumve animalium capitibus videri.

Diu multumque cogitavi, utrum antiquitus arcana huiusmodi ignorarentur, an veritati responderent, quæ de iis dicuntur, & ab impostoribus promittuntur: nec parum gavissus sum, cum inter antiquos multos compererim, quibus hæc fuere curæ, præsertim Anaxilao, Plinianæ assertioni fidem adhibendo: nec parum in his inveniendis dedavimus ad explendam nostram historiam, nec ab re fuerit eorum commemorasse, & in medium afferre, experientiæ accommodando, iis primò assuescat operator, ad alia paulatim deveniens: docenturque primò, quomodo videri possit omne. *Joan. Baptista Porta.*

Ut facies insignis videatur maciei & palloris.

Sic faciliter opus exequeris: vitreo amplioris cratère, valde infundas vinum vel græcum, intus sal injice, quantum pugno quis capere posset, flagrantibus impone sine flammis, ne vas rumpat, illicò ebullire incipiet, candelam admove, & succendetur, reliqua tunc extingues lumina, & tales astantium facies reddet, ut sibi mutuò terrorem incutiant. Idem in fodinis evenit, ubi campanæ conflantur & metallica tam opertum omne diro visitur colore, ut demirari contingat labia squallore perfusa, punicea in lividum & nigrum commeantia. Accensum quoque sulphur astantium modo collocetur, & fortius operabitur idem. Sic quoque Anaxilaum Philosophum ludere solitum esse comperimus. Sulphur enim calici novo immissum carbonibus subditis circumferens, convivis exardescentis re percussu pallorem dirum effundebat. Id mihi sæpe casu accidit, dum Neapolitano in agro Leucogeis collibus noctu deambularem: nam spontè ardens sulphur tales dabat vultus. *Porta.*

Ut homines videantur elephantæ.

Accipe speciem, quæ dicitur Alchachengi, & contere, & confice ipsam cum aliquantulo pinguedinis delphini, & fac ex eo grana sicut citri. Deinde fumiga ex eis super ignem stercoreis vaccæ, quæ mulgetur, & non sit in domo locus, ex quo egrediatur fumus, nisi portas, & sit larga sub terra de intus. Nam omnes, qui sunt in mansione, videbuntur quasi ipsi sint homines magni in formis equorum, elephantum, & est mirabile valde. *Albertus.*

Ut

Ut homines videantur variâ formâ.

Accipe oculos bubonis, & oculos piscis, qui dicitur libinitie, & fel luporum: contrita ergo ea manibus commiscendo, & pone ea in vase vitreo. Cum ergo vis operari eum, accipe adipem cujuscunque vis bestię, quod fiat hoc in forma ejus: liquefac eam, & permisce cum illa medicina, & inunge cum oleo lichnium quodcunque vis, deinde ipsum in medio ædis, videbuntur enim omnes homines in domo illa in forma illius bestię, cujus pinguedinem accepisti. *Albertus.*

Ut homines videantur Angeli.

Accipe oculos piscis, oculos fileæ, id est, frangentis ossa, & contrita eos manibus malleando, & pone eos in vase vitreo septem diebus, deinde in eis aliquid de oleo infunde, & illumina cum eo in lampade viridi, & pone ipsum coram hominibus, qui sunt in æde: ipsi enim videbunt se in forma Angelorum ex igne accenso. *Albertus.*

Ut homines nigri videantur.

Accipe lampadem nigram, & funde super ipsam oleum sambucinum, vel argentum vivum, & funde in illo oleo, vel argento vivo ex sanguine phlebotomantium, & pone in illo sanguine sambucinum, vel argentum vivum. *Albertus.*

Lampas alia, faciens apparere homines in forma sæda.

Et terrentur homines invicem, & faciunt ipsum figentes Dæmonem, accipe pilos ex cauda canis nigri, in quo non sit albedo, & aliquid ex pinguedine ejus: liquefac pinguedinem: deinde accipe pannum exequiarum, & fac deinde licinium, deinde line ipsum cum eo, quod fecisti, & illumina ipsum in lampade viridi cum oleo sambucino, & accende ipsum in domo, & non sit ibi licinium præter ipsum, & videbis mirabile. *Albertus.*

Lampas, quam cum aliquis tenet in manu, non videt aliquos eorum, qui sunt ibi.

Et qui erit post ipsum, videbit tantum. Accipe piscem, qui dicitur Delphinus: deinde accipe pannum lini aut funeris, & sparge super ipsum aliquid extra azimat, deinde stringe manum super ipsum, & involve pannum, & fac ex eo lichnium, deinde accende ipsum in lampade, & eris viridis & fiet quod tibi dixi. *Albertus.*

Domum

Domum argenteam & luminosam videre.

Si præoptabis, sic efficies: Nigris abscinde lacertis caudas, & istilla è fractura emanans lucida excipiat: è multis tamen plures adunabis, & papyraceum licium, vel spartheum inficies, & si poteris, oleo permisceto; sic argenteo colore omne videbis perfusum. Idem in omnibus imitaberis. Nunc ut institutum exequamur ordinem, reliqua trademus experimenta hanc sequentia seriem, ne cupidos legentium animos detineamus. *Porta.*

Ut omnia alba & argentea videantur.

Accipe lacertam, & abscinde caudam ejus, & accipe quod exit, quia est simile argenti vivi: deinde accipe lichnium, madefac cum oleo, & pone ipsum in lampade nova, & accende domum ejus, videbitur splendida & alba, vel deargentata. *Albertus.*

Ut domus videatur tota viridis, & plena serpentibus & imaginibus timorosis.

Accipe cutem serpentis & sanguinem alterius serpentis masculi, & adipem alterius serpentis, aggrega illa tria, & pone ea in panno exequiarum, & accende ipsa in lucerna nova. *Albertus.*

Ut tota domus appareat plena serpentibus.

Accipe de pinguedine serpentis, & parum salis in ea pone, & accipe pannum exequiarum, & scinde ipsum in quatuor frusta: deinde pinguedinem, & pone ipsam in omni panno: sic facias quatuor angulis domus cum oleo sambucino, & in lampade nova, & fiet quod dixi. *Albertus.*

Licinium pulchrum, ut domus videatur tota plena serpentum & imaginum, donec lichnium permanet accensum.

Accipe pinguedinem serpentis nigri, & spoliū serpentis nigri, & pannum exequiarum, & fac licinium ex illo panno: deinde line ipsum cum illa pinguedine & pone spoliū serpentis in concavitate ejus, & illumina cum oleo sambucino in lampade viridi aut nigra. *Albertus.*

Uvæ plenum domicilium videre poteris, & omnes uværum illusionem decipientur.

Cum deflorescere jam incipiet uva, vas puro plenum
F oleo

oleo accommodetur infrà , cui racemum cum frondibus immergas: firmetur , ne hinc inde convellat ventus , feriat illud Sol , operculo gypsato , & pellicato , relicto tamen foramine , quo petiolus intromittatur , ita immorari finito : ubi perfectam receperit uva maturitatem , linteo exprimitur , expressusque humor servatur in oleo , solis diebus paucis , lucernis demum accensum omnia uvis cernes plena , frondibus & arboribus circumvallari videberis , ubi fortasse arbores prorsus carent frondibus : in aliis verò fructibus utitor , idem enim arbitror præstari posse.
Porta.

Ut res virides volantes conspiciantur.

Accipe pannum exequiarum recentem , & pone in eo cerebrum avis , & pennas caudæ ejus , & involvendo fac eis licinium , & pone ipsum in lampade ex nova viridi. Accende ipsam in domo cum oleo olivæ , & quæ res erunt in domo , fient virides valdè , & videbitur quasi volent virides & nigræ. *Albertus.*

Lumen , quo astra vagari videantur.

Sunt qui testudinem vel centauream perurunt , ejusque flammæ fumo spectant stellas sic vagantes , ac loco dimoveri videantur undique per cælum : id quod non ab eo solùm , sed à rei omnis evenit fumo : crassioris enim loco existens diaphanitatis , mobilisque imaginis forma à loco ipso variari videbitur : ideoque fallitur visus , ac moveri putabit. Quod si id mirabilius expetitur , ignem celato , ut spectantem lateat , & pertranseuntes radii refrangantur : hinc multa ingeniosus aucupare poterit oculos fallentia , quæ è libris optidorum excipiet. *Porta.*

*Lampas cum accenditur , vident se invicem astantes
sicut imagines & lapides.*

Accipe zimat , & tere bene , & accipe pannum funeris , & madefac ipsum cum pinguedine piscis , aut cum oleo sisamino puro , pone ipsum in lampade viridi , & pone ipsum ex illo medicamine contrito rem parvam , & fit mirabile. Licinium , quod cum accenditur , non cessant saltare & gaudere , & insanire gaudio , & maximè mulieres : & accipe sanguinem leporis , & sanguinem cujusdam avis , quæ dicitur Solon , & assimilatur turturi , & æquale medietatis ejus ex sanguine turturis maris. Infunde ergo in licinium , & illumina cum eo in medio domus , in qua sunt
canta-

cantatrices & puellæ, & est mirabile, & probatum.
Albertus.

*Lichnium, quo arctâ imminente manu peruratur,
laxâ verò extinguitur.*

E caphura aquam exugito, vitreis chymistarum vasis,
& ritè luto fabricentur spiramenta, ne vi spiritus evolet,
tali aquâ intus perunge manus, & super flammam arctam
pugnum comburitur valdè, si aperitur, debilitatur lumen.
Joan. Baptista Porta.

*Aliud lichnium, quod quando est accensum, & infun-
ditur super ipsum aqua, valet; & quando
oleum, extinguitur.*

Accipe calcem, quam non invenit aqua, & permitte
eam cum æquali pondere sibi ex cera, & medietatis
ejus ex oleo balsami, ex naphtha citrina, cum æquali
sibi ex sulphure, fac lichnium ex ea, & rora super aquam,
& accendetur, & rora super ipsum oleum, & extin-
guitur. *Albertus.*

De multis lampadum experienciis.

Jam aliquas lampadum experientias superesse video,
quas licet visu non tam jucundas & mirabiles, ut res po-
stularet, ne quid omisisse videremur, recensere censui-
mus. Has nec otiosum, vel inutile fuerit primæ addere
seriei. *Porta.*

Mulieres valdè letari.

Cùm leporis adipe lampades accendantur, ac mulierum
medio morentur aliquantulum: nec enim lætantur, ut
saltent: id tamen rarò operatur. *Porta.*

*Ad faciendam carbunculam, vel aliquam rem
lucentem in nocte.*

Recipe nocticulas lucentes quàm plurimas, & ipsas con-
tritas pone in ampulla vitrea, & claude: in fimo equino
calido sepelias, & dimitte morari per quindecim dies,
postea distillabis ex eis aquam per alembicum: quam repo-
ne vase de cristallo, aut vitro. Tantam enim præstat cla-
ritatem, quòd in loco obscuro quilibet potest legere & scri-
bere. Quidam faciunt hanc aquam ex nocticulis, felle te-
studinis, felle mustelæ, felle furonis, & canis aquatici, sepe-
liunt in fimo, & distillant ex eis aquam. *Albertus.*

Recipe ceræ, fulphuris, aceti, ana partem unam, coquantur simul usque ad aceti consumptionem, postea formentur candelæ, quæ accensæ, inextinguibiles evadunt. *Roscellus.*

Ignem ex pluviis construere.

Recipe olei petrolei, fulphuris vivi, fulphuris flavi, calcis vivæ recentis, picis græcæ, picis navalis: misceantur, & hæc mixtura ab humore accenditur. *Fallopianus.*

D E A E R E.

C A P. III.

Vas ventum projiciens.

E GLOBO terraqueo beneficio caloris Solis & subterranei attolluntur quotidie vapores & exhalationes, è quibus oriuntur meteora, atque illæ exhalationes cum aëre, in quo reperiuntur, constituunt illud fluidum, quod proximè ambit terram, & communiter *Atmosphæra* dicitur, quæ vix ultra altitudinem unius milliaris à terrâ extenditur. Aër autem non solis constat vaporibus, sed proprias etiam sibi habet particulas, fluidas & subtiles, quæ non solum, quia plicatiles sunt, elasticâ donatæ sunt, quâ pressæ conantur se restituere, sed & insuper gravitate præditæ sunt, ex qua plurima naturæ phænomena commodè explicari possunt, saltem omnia illa, quæ antiqui ad fugam vacui, & quæ Liqueurum æquilibrium spectant. *Cass. Barthol. Spec. Phil. Nat.*

Qui terræ globo circumfusus est aër, suâ ipsum gravitate & pondere comprimit, tumque magis, cum altior est aëris moles, non secus ac in lanæ ingenti quodam acervo partes infimæ pondus & compressionem superiorum partium magis sentiunt. Ex hac aëris gravitate ratio deduci potest, cur aqua intra antlias ascendat, embolus enim antliæ quando retrahitur, aquæ locum cedit, quæ ab incumbentis aëris pondere pressa ascendit, sed saltem ad certam altitudinem, scil. ad pedes 32. quia tunc fit quasi æquilibrium quoddam aquæ assurgentis, & columnæ aëris prementis. *Idem.*

Vis aëris elastica sive Elaterium est conatus ille resiliendi, quo partes corporis alicujus compressæ conantur ad pristinam redire formam, ac situm suum recuperare, qui restitutionis motus non aliunde proficiscitur, quam ab æthereâ

æthereâ illâ & subtili substantiâ aëri permistâ, quæ elaterium in aliis corporibus efficit, licet ipsa elaterio sit destituta. *Idem.*

Vas ventum projiciens.

Confici potest si fiat æolipila ærea, vel rei alterius, sit cava & rotunda, & in ventre punctum habeat angustissimum, quo aqua infunditur, & si foris arduum fuerit, priori utere experimento: si ad ignem accendens fervere, cumque nullum habeat spiramentum, maximum inde ejicit spiritum, sed vapidæ crassitudinis humectum. *Porta.*

Ad corrigendum aërem pestilentem.

Absque ulla noxa emendant teterrimi odoris pleraque, ejusmodi sunt castoreum, galbanum, sagapenum, sulphur, coriorum cornuumque suffitus, & pulvis bombardicus. Qui ceu præsentiss. discutiendæ pestis remedium, superioribus annis adhibitum fuit (inquit Lemnius) quum apud Tornacenses pestis totâ urbe grassaretur. Nam milites præsidarii, qui in arce excubias agebant, tormenta bellica, pulvere bombardico, sed absque globis repleta, urbi obvertebant, eaque sub diei & noctis crepusculum explodi curabant. Hinc factum fuit, ut sonitu violento, fumique odore teterrimo, contagium aëris discuteretur, & alio depelleretur.

DE AQUA.

CAP. IV.

Aquæ marinæ concinnatio.

AQUAE marinæ quadrat. 1. ex alto fumito, quo aqua dulcis non accedit, sesquilibram salis frigito, eodem indito & rude misce, usque adeo, donec ovum gallinaceum coctum natabit, desinito miscere. Eodem vini veteris, vel aminii, vel miscelli albi congios 2. infundito, misceto probè. Postea in vas picatum confundito, & oblinito. Si quis plus volet aquæ marinæ concinnare, proportionem ea omnia facito. *Cato de re Rustica.*

Aqua à vino ut separetur.

Quòd si linteum vino aquæ mixto imponatur, promineatque extra urceum, aqua è vase tota ascendit per linteum, sincerumque relinquit in calice vinum. Quo experi-

mento proditur lymphatum à puro: nec posset hoc fieri, si vinum & aqua miscerentur. *Cardanus de subtil.*

Aquæ inebriantes.

Aquâ ex Avena distillatâ utuntur Moschovitæ, quòd vino careant: nec minùs excalefacit, aut inebriat, quàm vinum. Cùm enim avena crassioris sit substantiæ, necesse est, ut ex distillatione incalescat, attenuetur, ac exacuetur, & ad naturam aquæ ardentis accedat. Canabis folia in farinam versâ, quòd caput feriant, potum suaviter inebriantem efficiunt. *Cardanus de subtil.*

Glacies ardens.

Si candela sulphuris pulvere tum carbonis oblita in aqua mergatur hyemis tempore, ex superiore parte papyro, suspendaturque ubi gutta cadit glacie, circumdabitur glacie crassiore, ardebit tum accensa, magnoque miraculo glacies astantibus ardere videbitur. *Cardanus de subtil.*

Flumina quomodo quis tutò tranare possit.

Utiliùs flumina tranantur, coriaceo intestino crassiore: quod ubi opus fuerit, inflatur vehementer, & conclusis capitibus sub alis circumligatur: ita tutò equites & pedites in magnis necessitatibus fluminibus sese committunt, quandoque hoc solo tranare auxilio etiam ausi. Securius id fiet etiam tympanis coriaceis sub pedibus, positis, baculoque cui tympanum sit suppositum. Non enim solùm tranare, sed deambulare super aquas, res propè ostentum videri poterit. *Cardanus de subtil.*

Vas inversum ut hauriat aquam.

Quod sic efficies: longissimi colli paretur vas, & quò longius, eò mirabilius: vitreum verò & pellucidum, ut ascendentem inspicias aquam, hoc bullientis aquæ expleatur, & ubi totum efferbuerit, vel igni fundum admoveto, illicò ne frigescat, inverso ore aquam tangat, & intro tantùm absorbeat. Sic naturæ rerum exploratores Solis radiis aquam hauriri, & absorberi ajunt, è terræ concavis locis in montibus, unde fontanea efficitur scaturigo: nec levia insurgunt hinc artificia in spiritalibus mechanicis, ut tradit Hieron, sed uti ab hoc proposito aliena, aliò trans-


transferantur. Simile quoque à Victruvio de veterinorum ortu affertur, nunc verò in domesticum peragravit usum. *Joan. Baptista Porta.*

Aqua fortis.

Recipe aluminis & vitrioli, aut salnitri, aut horum trium simul ustorum, sing. part. j. redigantur in pulverem, misceantur & ponantur in cucurbitam, luto obductam: deinde in vas recipiens duæ unciae aquæ in singulas libras pulveris. Quod cum factum fuerit, collocetur ita sine operculo, cum vase recipiente ori cucurbitæ, farina, & ovorum albis copuletur, ne ullo modo respirare queat. Sitque vas recipiens in aqua frigida situm, & continuè desuper linteis madefactum. Nam sic fiet, ut spiritus cum ipforum aqua melius copulentur, ne adhærescant recipienti. Quibus administratis, ignis accendatur, primò quidem lentus, & sub cucurbita tantum, donec materia dissolvatur: deinde augeatur, atque etiam supra cucurbitam ponantur carbones accensi, augeaturque ignis, usque ad horas quinque, aut sex, tunc finito, ut frigeat: post eximatur aqua, & servetur ad usum, in vase aliquo probè obturato. Verùm ignis ita instruendus erit, ne vas recipiens aliquo modo ab eo corrumpi queat. Quòd si fortiozem aquam conficere voles, addito salnitri partes duas. *Alexius.*

Ad naves submersas.

Cum naves freto merguntur, quas eruere consilium est, cymbæ onustæ faxis per funes alligantur navigio ab urinatoribus, sic ut funes, quantum fieri potest, tendantur, inde totidem cymbis vacuis lapides ex prioribus detracti excipiuntur: quo fit, ut allevatæ cymbæ navigium paululum ex profundo secum trahant. Nam aër cymbas, quæ pondere lapidum fermè mergebantur, cum aquæ subesse nolit, in superficiem aquæ attollit, unde navigium fermè pro cymbæ altitudine superius trahitur. Trahatur igitur ex *A* in *B*. tunc cymbæ, quæ plenæ sunt lapidibus, illi annectantur funibus, transfusisque lapidibus, navigium trahetur in *C*. Rursus priores cymbæ, in quas lapides transfudisti, nectuntur tensis funibus navigio in *C*. existenti, trahentque deductis lapidibus ipsum in *D*. atque perpetuâ transmutatione, ad aquæ superficiem tandem deducetur.



tur. Sed dices : Plurimis cymbis opus erit ad triremem educendam. Verum est, sed ratio sic constat : quælibet navis aut cymba tantum ferre potest ponderis, quantum est pondus aquæ quam continere potest. Velut si triremis capiat in flumine mille amphoras aquæ, quarum pondus sit decem millia talentorum, triremis illa in flumine decem millia talenta feret. Quòd si eadem in mari capiat, ut dixi, easdem mille amphoras, quarum pondus sit duodecim millium talentorum (nam aqua maris gravior est aquâ fluminis) eadem in mari duodecim millia talenta ponderis feret. Atque eâ ratione manifestum est, cur navigia appellare soleamus à mensura, ut, navem mille vel quingentarum amphorarum. Idem enim est, ac si dicas, quæ ferre potest mille aut quingenta ponderis talenta. Nam qualis est capacitas, ut dixi, navis ratione aquæ, tantum est pondus, quod ferre potest, scilicet quantum est pondus aquæ, quam capit. Manifestum est igitur ex hoc, quòd diversa pondera, eadem navis in diversis aquis feret, quoniam & aquarum ipsarum diversa pondera sint. Juxta verò hanc rationem liquet ponderis magnitudinem esse pro ratione impellentis aquæ. Nam si (ut exempli gratiâ dicam) cymba viginti amphoras sustinet : hoc est, quia aër inclusus ab aquæ amphoris viginti superius impellitur, ut
aqua

aqua illa scilicet, quæ in navi contineretur, locum suum recipiat. Bellè igitur convenit hoc experimentum cum ratione, quæ superius dicta est, scilicet vesicam aëre plenam ab aqua sursum pelli, quòd vesica aquæ locum occupet: quare pondus pro magnitudine aquæ, quam vesica continere potest, in aëre sustinebit: id est, ita vesicæ pondere superimposito, ut ipsum pondus totum in aëre sit, non in aqua. Verùm pondus quod in aqua est (ut ad navigium eruendum rursus veniam) tantò levius redditur, quantò aqua ipsa gravior extiterit: unde paucioribus cymbis opus erit, quàm quæ pondus demersi navigii ferre possent. Duplici verò ratione navigia ex gravioribus aquis extrahuntur, quàm levioribus, atque ideò ex mari, quàm ex fluminibus, vel lacubus. Altera, quòd cymbæ in mari plus sustinent ponderis: reliqua, quòd navigium in ea aqua minùs grave est. Oportet autem hanc ob causam animadvertere cùm, ut dictum est, navigium gravius reddatur in aquæ superficie (quia partim est in aëre) quàm in imo, ut quando magis elevatur à cymbis, eò plures ac majores cymbæ alligentur, ne decepti hac ratione non solùm denuò mergatur, sed & impetu adjecto omnes secum cymbas in profundum trahat. Dubitabit autem aliquis, cur exoneratis cymbis *B.* impletis autem aliis, quæ per *A.* significantur, non descendat navis, quæ elevata fuit ab *A.* cymbis vacuis? non enim plenè possunt sustinere pondus. Causa est, quia factis jam funibus æqualibus cymbarum *A.* & *B.* quum jam vacuum seu inane, vel aër, qui in cymbis continetur, potentior sit navis pondere, plus trahet inane cymbarum *E.* quàm remittet gravitas aucti cymbarum *A.* Itaque hac ratione perpetuò navis ascendet, hoc duntaxat observato, ut plenarum cymbarum funes eò sint vacuarum cymbarum funibus breviores, quantò pondus lapidum eas cymbas deprimit. *Cardanus de subtilitate.*

Aqua salsa quomodo reddatur potabilis.

Si vas cereum efformabimus vacuum, & in maris aquas immergimus, quæ per ceræ poros intrò delabitur, fiet potabilis. Sic crudo fictili vase obstructo ore (quod enim intrò permeat, percolatum est, quod falsedinem facit per commixtionem fecernitur.) Fit aliter uberius & celerius: Sabulonem fluminum in salsam aquam immittas,

& paulisper immoraberis, & lineo panno subjecti vasis ori obtento colatur, donec falsamentum amiserit omne, & dulcescet. *Joan. Baptista Porta.*

Aqua adversus locustas.

Cluerch Scytharum Catainorum civitas, in qua stagnum, cujus præsentia locustas arcet. Olim eam ob causam inde petitis à Cypri Rege aquis. Quarum vase stanneo pleno turri appenso, factum est, ut eo tempore non sit à locustis insula tentata. *Scaliger.*

Ut aqua sine igne calefiat.

Si vas æneum, amplum, rotundum, & unico apertum foramine, vivâ calce, ac sulphure, æquis partibus exactè & integrè adimpleatur, & foramen, ne quid expiret, sedulò recludatur, & mox in fontem non excurrentem, vel puteum dimittatur, aquam ejus dies multos calidiusculam conservabit, ac palàm exhibebit. Expertum à multis. *Mizaldus.*

D E T E R R A.

C A P. V.

Terra ardens.

EST inter Lazige Metanaste terra nigra bituminis & Penolei particeps, ceræ lentore & usu non absimilis: nam ut candela ardet, eam vidimus apud Archiepiscopum legatum Pannoniæ regis. Sed hæc olim mihi, & nunc aliis, qui ea, quæ de lapide ac terra Scotica scribimus, non viderint, admiratione digna dici poterunt: at cùm ipsum lapidem candelæ instar ardere viderimus, cessat admiratio. *Cardanus de Varietate rerum.*

Luti sapientiæ conficiendi modus.

Sumito cretæ optimæ, quâ vasa fictilia conficiuntur vel albæ, vel cineritiæ, partes quatuor: cineris communis partem mediam: stercore equini, vel asinini sicci, partem unam: & si perfectius voles, adde laterum contritorum, vel scrobis ferri parum, redigantur in pulverem subtilissimum, cribrentur, & misceantur: deinde ponantur in terra, superspargendo sensim lanæ è pannis detonsæ, quod tomentum dicitur, partem unam: aquæ communis,

munis, quantum satis est, & misceantur: deinde ponantur in terra ordinatè, superspergendo paulatim, primò tomentum, ita ut æqualiter distribuatur, deinde aquam, etiam subigatur probè primò baculo aliquo, dein palâ, & fiat massa. Quæ cum benè subacta fuerit, ponatur super scamnum aliquod firmum, vel murum, subigatur, & palâ optimè tundatur tamdiu, donec satis esse videbitur. Quò enim diutius tunditur, & subigitur, eò etiam melius evadit. Valet autem hoc lutum ad lutanda vitrea vasa, ad formas crassiores formandas, fornaces, aliaque quàm plurima facienda. Quòd si tantum laboris in conficiendo luto consumere fortè nolis, sumito tantum cretam, tomentum, & stercus cum aliquantulo cineris. Quidam absque stercore, quidam absque tomento conficiunt, suum quoddam propositum secuti. Cæterum ad lutanda ora vitreorum vasorum, ne respirare queant, valet suprâ dictum lutum, præsertim si addideris calcis vivæ partes duas, alba ovorum, quot esse satis videatur: nam sic tutius est, atque vitri modo durum redditur, quo fit, ut minus etiam per id respirare possit. Porro lutum tale in loco aliquo humido conservandum erit, ita tamen, ut nec humidum nimis, nec siccum fiat, nam semel induratum, nullius est usûs. Si enim aquâ remollefcere velis, foris parùm humescet, intus suam duritiam retinebit. Quare cum nimium fuerit durum, optimè ficcari permittito: deinde in pulverem redigito, conficitoque, ut prius est dictum. *Alexius.*

Lateres cocti cur graviores.

Sed illud mirum, quod quidam ajunt, lateres coctos graviores esse, quàm antequam in fornacem ponerentur. Causa esse potest, quòd ubi facti sunt, in Sole ficcantur, concipiuntque aëris non parùm, qui intrò latens multò leviolem lapidem reddit, quàm idem fit igne exustus: itaque dum coquitur later, gravior efficitur, quanquam humidum absumtum sit. Qui etiam excoquuntur plusquàm par sit lateres, colorem ferri imitantur: unde gravitatis & coloris causa eadem esse potest: parvitas pro ratione materiæ: at parvitas ipsa fit, coacta per vim, & liquescente terrâ, quæ metallicum quid retinet, unde fermè semper plus, quàm par sit, excocti inflectuntur, atque incurvantur. Illud verò magnâ dubitatione dignum, aut intermisso igne

igne fornacibus, vel brevi momento lateres frangantur. Id verò non semper, sed cùm calor immodicus igne cessante contrahitur, frangit lateres. Idem cùm denuò accenditur, etiam frangit: nam quæ jam sicca sunt, cùm novo calore fervent, disrumpuntur: sicut de vitro patet. Causa est, quoniam antequam liquecat, & molliatur quod durum est, flatu distendente rumpitur. Ob eam igitur inæqualitatem magna jactura figulis. *Cardan. de subtil.*

Phosphorus fulgurans & ardens solidus.

Phosphorus est substantia luminosa, & ardens, è fermentatâ urinâ per distillationem extracta. Præparatur autem sequenti modo:

Collige bonam quantitatem urinæ recentis hominum cerevisiam ordinario potu bibentium; ac igne lento humiditatem è terreis vasis evaporari permitte usque ad consistentiam mollioris extracti, vel mellis spissioris. Omnem postea materiam uni vasi terreo amplo immitte, illudque tectum in cellâ per spatium trium vel quatuor mensium reponne, ut ita probè fermentet atque corrumpatur.

Recipe duas urinæ sic fermentatæ libras, permisce quatuor libras arenæ subtilissimæ vel boli pulverisati. Mixta immitte grandi admodum Retortæ terreæ, vel vitreæ probè lutatæ; atque hinc in furno reverberii collocatæ adapta vas amplum Recipiens longiore collo præditum, cui prius tres vel quatuor libras aquæ communis infuderis, juncturas dein luto exactè muni, atque, cùm furno superius operculum applicasti, ignem lenem subde per bihorium, ut materia insensibiliter calefiat, & simul urinæ spiritus exstillet. Dein verò ignem sensim per gradus auge, & ita prodibit sal volatile multumque olei nigri foetidi. Auge ignem ad summum gradum, sic comparebunt in Recipiente nebulæ albæ, quarum pars sensim adhærescet parietibus Recipientis in formâ pelliculæ flavescentis; alia verò pars ad fundum præcipitabitur pulveris ad instar. Continuabitur sic ignis violentissimus per trihorium, vel usque dum nihil amplius è Retortâ prodeat.

Omnia demum refrigerari permitte, & juncturis apertis: in ablatum vas recipiens aquam adhuc infunde novam, hinc probè agita, ut separetur, quicquid parietibus accrevit, ac denique illud omne in vitrum amplum effunde, quietique trade; sic sal volatile in aquâ dissolutum erit,

erit, materia autem Phosphori, atque oleum præcipitantur ad fundum. Separa dein aquam s. phlegma per decantationem, materiam verò residuam, minori immitte, affunde parum aquæ, impone arenæ, & supposito igne digere, interdum agita leniter cum spatulâ ligneâ. Tum Phosphorus sic ab oleo separatus fundum petet, quem postea adhuc calentem in bacillos redigere potes, transmittendo scil. eum per collum angustum tenuis phiolæ aut cucurbitæ vitreæ. Cumque refriguit, immittes phiolæ aquâ repletæ exiguâ, & in hâc probè clausâ asservabis; absque aquæ affusione autem facilè in auras exhalaret.

Phosphorus idem liquidus.

Ad eundem autem reddendum liquidum, oportet ejus frustulo contrito affundere Essentiam caryophyllorum satis claram & perspicuam, ad eminentiam vel altitudinem unius digiti. Claude hinc vitrum probè, & per biduum ad Digestionem pone in finem, subinde tamen agitando, ut dissolutio materiæ facilitetur. Aufer hinc vitrum, & asserva, quicquid autem ei inerit, Phosphorus est liquidus: omnis autem materia vix erit dissoluta, sed fortè pars remanebit in fundo.

Phosphorus autem tam solidus quàm liquidus lumen in tenebris à se spargunt, quando ipsis liber conceditur per aperta vitra aëris accessus. Si pingas cum illis literas, si faciei, aliique rei eosdem afficies, lucebunt hæc omnia in tenebris.

Observationes circa Phosphoros præcedentes.

Dantur Phosphori naturales & artificiales; naturales sunt v. g. vermiculi lucentes, lignum putridum, aliaque plura. Artificiales fiunt cum Lapide Bononienſe, cum Cretâ, Urinâ, Sanguine, multisque aliis corporibus sulphureis.

Alchymista quidam Hamburgensis, nomine *Brand*, Philosophicum Lapidem Urinæ destillatione producere laborans, hunc casu fortuito Phosphorum invenit Anno 1669. Sed rationem eundem conficiendi secretum tenuit, mortuusque est eodem nemini revelato. Successit dein *Kunkelius*, Electoris Saxonici Chymicus, qui ejusdem inventioni sese applicuit, & voti sui compos tandem redditus,
non

non tantum inde myſterium fecit, quin generoſo animo ſuis amicis illud candidè revelavit.

Circiter annum 1680. Illuſtris ille *Boyleus*, Londinenſis, rem hanc, Dn. *Krafft*, Bresdenſi Medico auditam, ſcripto Tractatu egregio, ſub titulo *Noctiluca Aëriæ*, publicam reddidit. Poſtea autem Nobilis Germanus Dn. *Homburg*, Phosphorum, quem ab ipſo inventore feliciter parari vidit, deſcripſit Lutetiæ Pariſiorum cum magno obſervationum curioſiſſimarum numero, atque Collectaneis Academiae Scientiarum Regiæ, cujus ipſe membrum erat, inferi curavit Menſe Aprili & Majo Anno 1692.

Oportet Urinam recentem, nondum fermentatam, quæ facile ſulphureo-volatiles ex ſeſe particulas amitteret, in hanc rem aſſumere. In evaporatione phlegmatis, & inſpiſſatione Urinæ cave, ne materia admodum rarefacta aheni oras excedat. Materia increſſata nigreſcens manet in ollis terreis.

Recipientis collum deſideratur longum, quò ſic illud à furno magis remotum exiſtens nonnihil frigidiuſculum maneat; nimius enim calor ipſius impediret, quò minùs nebulae albæ, quæ Phosphori ſunt materia, coagulentur facile. Aqua autem Recipienti immiſſa condenſat & reſtinguit Phosphori materiam ad fundum præcipitatam. Arena autem Urinæ fermentatæ permiscetur, ut partes illius ab invicem magis remotæ majorem ignis vim in ſui ſeparatione experiantur. In deſtillationis principio magnum ignis moderamen eſt tenendum, ne materia craſſa integraque nondum probè ſiccata prodeat. Abſolutà deſtillatione, Recipiens ne tollito, antequam furnus & omnia refrigerent, ſi priùs ſeparaveris, phosphorus in flammam erumpere poſſet.

Obſervatum eſt, urinas hominum vino communiter utentium difficulter admodum exhibere Phosphorum, idque propter ſpirituoso-ſulphureas vini particulas facile avolantes. Neceſſaria magis eſt ſubſtantia viſcoſa ad Phosphorum reddendum, quemadmodum eſt Cereviſia in potu.

Phosphorus magis Sulphureo, quàm alio principio gaudet: Aqua enim ipſum condenſat, & oleum diſſolvit. Odor ejus eſt ingratus.

Phosphorus liquidus ob majorem ſui particularum rarefactionem plus ſtatim luminis exhibet, quàm ſolidus.

Quam-

Quamprimum enim vitrum, cui liquidus inest, aperitur, illico in tenebris velut tota flamma comparebit.


Lapis Bononiensis in tenebris lucens.

Lapis hic est exiguus, coloris cineritii, ponderosus, tener, sulphureus, pluribus in locis nitens, magnitudine juglandis nucis, planus & gibbosus, si frangatur, calcis instar fulgens: Quandoque crustâ albâ & opacâ involutus, qui censetur optimus. Reperitur circa Bononiam, & maximè quidem in radice Montis Paterni, quæ maximè sterilis est. Lapis autem hic per se nullum de se spargit fulgorem, sed prius præparari debet. Præparatio hæc fit per Calcinationem Lapidum, à crustis superficialibus prius liberatorum, hinc Spiritui Vini immerforum, denique pulvere similis Lapidis consperforum, ac inter prunas in furno peculiari collocatorum, inibique relictorum, usque dum carbonēs abierint in cineres. Hi lapides postmodum aëri expositi sereno, inprimis calenti ac illuminato, lucemprehendunt, eamque postea in tenebris de se spargunt per aliquod tempus.

Phosphorus Hermeticus Balduini.

Phosphorus hic nihil aliud est, quàm mixtura cretæ & acidæ Aquæ fortis, certâ operatione invicem ita mixtorum, ut inde compositum evadat in tenebris lucens. Verùm hic minùs durabilis, sicut & ipse Lapis Bononiensis vim suam haud diu retinet.

Hæc omnia extracta sunt è *Cursu Chymico Nicolai L'Emery Pharonacopæi Regii Parigiensis.*



DE SECRETIS

LIBER IV.

Mundi partes, quas vocant integrales, præcedenti libro expedivimus: jam verò cùm ea quæ in hisce partibus continentur nobis exponenda sint, omnium primò de homi-

homine acturi sumus, utpotè quòd inter cætera Dei nobilissimum opus existat, & cujus causâ non mundus solùm, sed etiam quidquid in eo est, creatum sit. Cum tamen, quæ ad hominum secreta referuntur, multa sint, & sub diversis contineantur generibus, non uno, sed duobus libris comprehendenda fuerunt: quorum hic animi, quintus verò corporis remedia contineret. Ad animum autem referimus affectus, quos vocant animi passiones, odium scilicet, amor, & alia hujusmodi. Animæ item facultates internæ, memoria nimirum, phantasia & ratiocinatio, quæ nullum extra se opus proferunt, sed externarum actionum rectrices existunt.

DE ANIMO.

Memoria ut confirmetur.

MIRABILE est, quod referunt, dentem taxii, vel sinistrum pedem, brachio dextro hominis alligatum, memoriam roborare. Verisimilius forsan, quod tradit Simeon Sethi, scilicet vel perdicis arteriis temporum illitum, ut penetret semel in mense, ad memoriam confirmandam plurimum prodesse. Sed & melissa confirmat eam, & ingenium acuit, ut hominem comesta facit industrium: quod etiam nasturtium efficere potest. Et gallinæ cerebrum, ingenium & memoriam juvat, adeò ut aliquos qui delirare cœperant, resipiscere fecerit. Sed melissa præter hæc animi tranquillitatem præstat, & hilarem non parum curas pellendo reddit. Sic à cœna comesta, somnos jucundos facit, ut caules tristes, & phaseli turbulentos, & allia, ac cepæ terribiles. Inde ab his natam opinionem Lamiarum, quæ apio, castaneis, fabis, cepis, caulibus, phaselisque victitantes, videntur per somnum ferri in diversas regiones, atque ibi diversis modis affici, prout uniuscujusque fuerit temperies. *Cardanus de subtilitate.*

Ad

Ad Amorem conciliandum.

Scire debes, tantam esse rerum naturalium potentiam, quod non modò cunctas res sibi propinquantes suâ virtute afficiant, verùm etiam præter hoc, infundunt ipsis consimilem potentiam, per quam hâc eâdem virtute ipsæ etiam cætera afficiant, quemadmodum in Magnete videmus: qui quidem lapis non solum annulos ferreos trahit, sed vim etiam annulis ipsis infundit, quâ hoc idem efficere possunt, qualem vidisse referunt August. & Albertus. Simili modo ponuntur annuli per certum tempus in nido passerum, sive hirundinum, quibus postea ad amorem vel benevolentiam utimur. *Cornelius Agrippa.*

Ad dissolvendum maleficium.

Si quæ mulier te ligavit maleficiis ad amorem suum, & vis illud dissolvere: accipe camisiam illius, & per capitium ejus minge foras, & per manicam ejus dextram, & non curabis de ea. *Albertus.*

Aliud ad dissolvendum maleficium.

Si vis solvere vincula amoris, vade in sylvam, & prospice, ubi pica nidum habuerit cum pullis, & quando eris ibi, ascende arborem, & foramen ejus circumliga quocunque vis, quia cùm videt te, vadit pro quadam herba, quam ponit ad ligaturam, & statim rumpitur, & tunc cadit herba illa in terram super pannum, quem debes posuisse sub arbore, & tu sis præsens, & accipe. *Albertus.*

Ad augendam memoriam.

Thus albissimum in pollinem attritum, & cum vino, si frigus erit, vel aqua decoctionis passularum, si æstas, epotum in Lunæ augmento, oriente Sole, nec non in Meridie, & Occasu, mirum in modum memoriam augere fertur, & cerebro ac ventriculo prodesse. *Autor Rhasis.*

Ad perpetuam sponsi cum sponsa concordiam.

Orpheus in libello de lapidibus, jubet sponsum cervinum cornu gestare; sic enim perpetuam ei cum sponsa futuram concordiam pollicetur. *Mizald. memor.*

Cor masculinæ coturnicis à viro gestatum, & foeminæ à foemina, facit ut nec lites, nec jurgia possint inter illos oboriri, aut spargi. *Mizald. memor.*

Quomodo amor conciliari possit.

Nostrium fuit ab operis initio constitutum, omnia tantum naturaliter operari, & præsertim quæ Magorum operibus impiorum evenient, ad eorum scientiam penitus perfundendam: mortalium enim mentes his laqueis, & errorum involucris irretiunt, cum hominum pars magna huic insistet, ac fallaci amoris illecebrâ multos divexari videam, admiratione animos capi, & ingenia ipsa ad perniciem elabi, quæ elevata, ac discendi cupidiora sunt. Nos quæ ex iis poterimus amorum illicia recensere non pigebit, à naturâ postliminiò minimè discessuros: quæso legentes boni consulant. Ut igitur exordiamur, scitu jam dignum est, quòd aliò non intenditur mens, nisi ut in hominum mulierumve animis amoris igniculos accendere, eos mitiores reddere, nostræque voluntati obtemperaturos nitatur, cumque rebus eveniat, in quibus efficiendi potestas latet: iis utamur, quorum aliqua à majoribus nobis experièntiâ comprobata, multaque recentiorum industriâ comparata sunt: & primum Hippomanes, antiquitus ad sidera laudibus elatum, quanquam non defuerint, qui adstruxerint muliercularum figmenta, delirias esse fabulas, demonstrationibus fortasse addicti, nec prodigiosis naturæ miraculis, additisque causis fidem adhibentes: quibus evidens experientia refragatur. Quod duplex statuunt, unum virus, ex equarum obscœnis distillans, libidinis furore nimio stimularum, noster in Georgicis Poëta sic cecinit:

*Hinc demum (Hippomanes vero quod nomine dicunt
Pastores) lentum distillat ab inguine virus,
Hippomanes, quod sæpè male legere novercæ
Misceriq; herbas, & non innoxia verba.*
Unde apud Tibullum,

Hippomanes cupide stillat ab inguine & equæ.

Nec instituto inefficax, ejusque usum alibi tradidimus, & vires cum poposcit locus: alterum autem carica est magnitudine, specie orbiculatum, latiusculum, colore jam nigricante, fronti nascentis pulli adhæret, statimque fœta partu edito secundas devorat, & laborum oblita perlambendo, & abstergendo, eum convellit, Hippomanes appellatum: quod si quis præripuerit, ad ubera partum non admittit,

mittit, odit, & alienum tanquam à se fugat, nunquam amatura : quod idem rectè sensit in Æneidè vates,

*Queritur, & nascentis equi de fronte revulsus,
Et matri præreptus amor.*

Meritò igitur ex carne illa amorem creari, & illius esse irreticulum, non absurdum putârunt, amatoriumque innasci veneficium. Et ut tradit Pausanias, nec Ælianus omittit, tantam in eo vim novit olympiæ Phormis Arcas, quod illo æri mixto, & effuso equam posuit, abscissâ caudâ, ubi Hippomanes incluferat, fabricâ non tam accuratâ, ut ex ea equi eatenus fallerentur, ut tantoperè ad illius conspectum furiis stimulari deberent : sic enim eos alliciebat, tantâque insaniâ ducebantur, ut ruptis frenis in ipsam violentius, quàm in pulchram equam & vivam insilirent. Neque enim quòd ungulæ, cùm æræ statuæ hærent, lubrico lapsu elidantur, idcirco coitum desperant, immò ardentius multo hiant ore imminenteque adhinniunt : neque prius, quàm flagris & magno ductorum robore abstrahantur, ab æreo simulacro depelli possunt. Unde nomen veneno inditum *ἵππομανης*, quòd equinæ cupidinis similitudine, hominibus amores inducit, & effrenatè furere in Venerem facit : traduntque non minimæ auctoritatis viri, quòd hoc cognitum pastores habent, & si amatorias alicui insidias parare velint, ut amoris flammâ conflagret, hippomanes à partu equæ præreptum in pollinem huncque esculentis permiscant, &c. *Joan. Baptista Porta.*

Ad amorem conciliandum.

Diligent te omnes, si cor hirundinis tecum habueris. Et mulier eum perditè amabit, à quo columbini cordis pulverem, in potu vel escâ acceperit. Prætereà, si quis de leporis felle sub capite posuerit, perpetuò dormiet. Excitabitur autem si acetum illi potandum dederis. Ex Alberti fabulosis narrationibus. *Mizald. memor.*

De fascinatione, & quomodo per eam illaqueari quis possit.

Jam de fascinatione est differendum, quique effascinatores fuerint, nec silentio prætereundum? nam nobis pri-

scorum monumenta libeat videre comperimus hujusmodi multa posteritati prodita jam esse, cum nova recentis ævi eventa, antiquæ famæ non prorsus vanæ suffragentur. Nec historiis fidem derogare opus esse censui, si veras rei causas validis rationibus aptare nequimus: præterea cum pleaque sint pervestigationem penitus summoventia. Quod autem ipse ex aliis operationibus senserim, in medium explicandum duxi: multa apud Theocritum & Vergilium reperies, unde

Nescio quis teneros oculus mihi fascinat agnos.

Iligonus & Memphrodorus in Aphrica terra familias quasdam produnt voce & linguâ effascinant, quæ si impensius fortè, quàm liceat, admiratæ fuerint, vel laudaverint pulchras arbores, lætiores segetes, infantes amœniores, egregios equos, pecudes pastu vel cultu opimas, arescere, & emoriantur repentè, hæc omnia nulli alii causæ obnoxia: quod Solinus quoque scriptum reliquit. Idem Iligonus Triballis, & Illyriis ejusdem esse generis, qui pupillas binas in oculis habeant, atque visu exitialem effascinationem faciant, ut interimant quos diutius intueantur, iratis præcipuè oculis tam nocenti visu sunt, ut impuberes maximè noxam sentiant. Hujusmodi scæminas in Scythia esse, quæ vocentur Bithiæ, tradit Apollonides Philarchus in Ponto, Tibiorum genus alterum, multosque alios ejusdem naturæ, quorum notas dicit in oculo altero pupillam geminam, in altero verò equi effigiem esse: quorum meminit quoque Didymus. Nec dissimilis generis Damon prodidit pharmacum in Æthiopia, cujus sudor tabem contactis corporibus afferat: ac scæminas quoque omnes visu effascinare patet, quæ duplices pupillas habeant. Cicero quoque de iis scribit. Sic Plutarchus & Philarchus effascinatrices gentes Palethebeorum Pontum incolentes non pusionibus modò, quorum habitus sit imbecillis, sed adultis, qui solido concretiorique constant corpore, pestilentes esse, & intuitu, soloque habitu in morbos languere, quos perimant, & in tabem resolvant: nec solum qui continuo, sed hospites, & qui ab eorum commercio alienissimi sunt, concutiuntur, tanta oculis vis: & fascinum, quanquam per contactum, & miscellam iniatur sæpè, per oculos tamen perficitur: uti exterminatio quædam per spiritus, per oculos ad fascinati cor deveniens, totumque

tumque inficiens. Sic enim evenit, ut adolescens subtili, claro, calido, dulciq̃ sanguine præditus, tales det spiritus, cum à cordis calore è puriori sanguine exoriantur, quia levissimi in altiori corporis parte perveniunt, & per oculos procidunt, & jaculantur, qui maximè foraminosi & venulenti sunt, omniumq̃ partium nitidissimi: & cum spiritu ipso unà vis quædam ignea radiis emittitur; ut rubentes oculos, & lippos spectantes obvios, simili cogantur laborare morbo: mihiq̃ue accidens detrimentum attulit: inficit enim aërem, qui infectus alium inficit: sic oculis proximus, unà secum vaporem corrupti sanguinis deferens, cujus contagione spectantis oculi rubore simili afficiuntur? sic adimit lupus vocem, sic regulus vitam, qui aspectu venenum excitat, & radiis virulentos infigit ictus: cum speculo autem, reciproco jaculatu in sui auctorem retorquentur. Sic immundæ mulieris intuitum reformidat politum speculum, ut affert Aristoteles, ejusq̃ue aspectu sordescit, & fulgor hebetatur: quod evenit, quia sanguineus vapor in speculi superficiem, propter tersitudinem in unitatem coit, ut quadam eluvieculâ operiatur, & clarè demonstratur: immò sic novitium ægerrimè elues, quod ideò in panno vel saxo non evenit, quia in illo serpit, & in profundum descendit, in hoc verò ex partium inconcinnitate dissipatur. At speculum quia pertinax obstat, quia tersum intactum reservat, quia frigidum coacto aëre guttulas gignit: tali fermè pacto si in clarum vitrum respices, facies salivæ roris aspergine rigatur, tenuisq̃ue evolans pars in salivam relabitur: sic ex oculis radiorum profluvium, qui spirituum vehiculum, ad occurrentis oculos perveniens transverberat, & percussi hominis interiora afficit, propriam quærens regionem, cum è corde exoriantur: sic ipsi in cordis marginibus coguntur in sanguinem, peregrinus hic sanguis ab effascinati natura viri discordans, reliquum tabe conficit, unde ægrotat, eatenus contagione ipsâ permanente, quatenus vis tabidi sanguinis in membris viget, & cum sanguinis affectio sit, ex nunquam interpolari contuetur febris, quæ si in bili, vel pituita esset, per intervalla fortasse sedaretur. Ut autem distinctiùs patefiant omnia, id primò sciendum, duplicem apud autores fascinum reperiri: alterum amoris; invidiæ vel malevolentiae alterum: Si verò pulchri desiderio, formæq̃ue concinnitatis fuerit desiderio irretitum, quanquam minus jaculetur, per oculos vene-

num hauritur, & venustæ spectrum formæ amantis cordi residet, igniculos succendit, unde semper affligi solet, & quia ibi mollissimus amati sanguis vagatur, vultus præsentat, sui quæ ipsius sanguine relucet, in se non quiescit, & sic ab eo trahitur, ut vulnerati sanguis in vulnerem labitur, rectè hoc sic innuit Lucretius:

*Idq̃ petit corpus, mens unde est saucia amore,
Namq̃ omnes plerunq̃ cadunt in vulnus: & illam
Emicat in partem sanguis, unde icimur ictu:
Et si cominus est, os tum ruber occupat humor.*

Si verò invidiæ, vel malevolentia fuerit, quem tale virus infecerit, effascinatio noxia admodum, maximeque in vetulis reperitur. Nec valet aliquis inficiari, quin animo affecto malè habeat corpus: animusque affectus corporis vires firmat, & potiores reddit: nec solum immutat corpus proprium, sed alienum reddit, & tantò id, quantò ardorès interiores vindictæ, vel cupiditatis in corde cient. Nónne avaritia, mœror, vel amor colores, & habitus immutat? Invidia nónne corpus pallore insigni, & extremâ induit macie? Nónne prægnantis aviditas inficit tenerum fœtum rei agnatæ nota? sicubi flagrant invidia oculos, & truces deflexerit, & perniciosè nocendi cupido acrius micat ex oculis, & intestinorum ardor proficiscitur ab eis, astantium corporibus maxime speciosis malum inferunt, & oculorum acies uti telum transverberat, præcordia perurit, & maciei præbet causam. Si cholericus, & sanguineus præsertim fuerint: nam pororum aperturâ, & humorum subtilitate facile depascitur morbus. Nec solum ex passione tale fit corpus, sed venenum humano reperiri posse corpore facile est, quod probat Avicenna: plerique tali sunt naturâ præditi: quod mirum videri non debet, si arte fieri posse sæpius visum est. Mittitur Alexandro ab Indorum Regina insignis specie puella, serpentum veneno delibuta & depasta, ut Aristoteles tradit: & Avicenna Rufi testimonio scribit, Galenus autem alteram fuisse, quæ Hyoscyamum impunè sumeret, alia verò Aconitum, ut nec gallina appropinquaret, & frequenti ejus usu (ut ex antiquorum monumentis accepimus) usque adeò innoxium præbuit se veneno Mithridates Pontici Rex, ut cum vellet veneno sibi mortem consciscere, ne se Romanis dederet, nullam ex assumpto veneno perciperet noxam.

noxam. Gallinæ, anguium, & lacertorum carnibus obefæ, vel tritico cum jure decocto, si accipitri glutindas dabis, accelerat pennarum defluvium, multaquæ præterea fiunt, quæ longum effet recensere: sic plerique viri suapte naturâ sunt, qui tactu infirmitates aliquas curant: multi araneum & oleandrum comedentes, serpentumquæ morsus floccifaciunt, nec tabem sentiunt, si similem fortiuntur naturam: quorum obtutus vel emanans spiratio non homines solum, sed plantulas, herbas, cæteraquæ emaciat, ut exarescant penitus: & sæpè ubi hujusmodi animalia resident, arentes segetes veneni participes factæ, exsiccatae cernuntur, non nisi oculorum vi, & auram quandam eructantes. Nonne mulieres, mensium tempore cucumeres, & pepones tactu visuquæ inficiunt, ut marcescant? nonne pueri innocentius viris, quàm mulieribus tractantur, & plures fœminas, quàm viros effascinatores reperies complexionis ratione: fortiori enim lapsu à temperamento decedunt, plurimisquæ noxiis vescuntur, ut in singulis mensibus superfluitatibus expleantur, & sanguis ebulliat melancholicus, unde vapores orti, sursum elati, per oculos prolabantur, & astantibus venenum expirant, & tali corpus explent. At si formosam deperis juvenem eiquæ vis (vel mulier viro) fascinum inducere, ut si fieri possit, in amorem coarctetur, hic patet

Amatorie illaqueationis modus.

Sint oportet sanguinei, ex parte quadam cholerici, oculos habeant amplos, nitentes, & glaucos, & multum conducit castè vivant, ne frequenti coitu humorum succus exhauriatur, unde frequentissimo intuitu, diutissimâ imaginatione, debitâ approximatione, cum conamine facto aciem aciei dirigant, radii radiis, & lumina luminibus conjungantur, sic ex intuitu ultro citroquæ facto nascitur amor, & combibitur. Cur autem tui fascino detineatur non aliorum, ex superiori, & ex hac videatur ratione: Evenit enim ex fascinantis intentione, qui quidem per spiritus, sive vapores transmittitur ad maleficiû, & spiritu illo affectus ei similis efficitur: existente enim maximè in passione illa, & imaginativâ virtute circa rem valdè fixa, habitus diu permanens, spirituum habet obedientiam & sanguinis: tunc exoptatâ re, potest à virtutibus devinciri, & inflammari. Quanquam animus (ut Avicennæ adscribitur, neque

ab hac sententia illius abhorret auctoritas :) solo affectu , & imperio , tales producere potest affectiones. Placet Musæo , quòd amoris fundamenta oculus jaciat : & præcipuè ad amandum illices sint , & ex aspectu amorem nasci dicit Diogenianus , ubi incognitum amari non posse inquit : & tanquam prodigii loco Juvenalis de amante refert :

Qui nunquam visæ flagrabat amore puella.

Nitidus enim oculorum obtutus visam ad insaniam compellit , amorisque allicitur per oculos rudimentum. Reliqua verò membra non verè dant causam : sed concitant , ut formæ lenocinio cernentem remorentur visis rebus illectum , & immorantem obtutu feriant , & ibi cupidinem excubantem ajunt sua mittere tela , ut emissus ex oculis aculeus in oculos adstantis confugiat , ac præcordia perurat. Apulejus. Isti enim tui oculi per meos oculos ad intima delapsi , acerrimum meis medullis commovent incendium. Jam non parvam tribuimus quærentibus radicem , ni penitus , malæque mentis compos extiteris , multis corroborare poteris. Quòd si aliquibus fortasse mirum fuerit , morbis perpenis , qui ex contagione eveniunt : uti pruritus , scabiem , lippitudinem , epidemiam : si tactu , visu , loquelâ astantem inficiat , facileque tabem contrahat : cur amatoria contagio morborum omnium gravissima pestis , non illicò homines invadat , ac penitus consumat ? Nec in aliis solum , sed in ipsos quoque relabitur , immissumque fascinum ipsi alliciunt. Veteribus quoque scriptis proditur de Eutelida , qui reflexionibus , aquis speculo vel fonte resistentib. in videntem imaginem retorquentibus , sibi fascini perniciem intulit author.

Εὐτελίδου ἀνάγκη Βακαίρειν ἰδὼν ὀλόφησις αἰνῆς.

Διηγέντι ποταμῷ ἅδ' αὐτίκα νῆστον ἀδίκης.

Adeò sibi pulcher visus est , ut eodem , quo alii ipse fascino deciderit : sic pristinum corporis habitum deperdit , peculiarisque morbi pœnas dedit. Sic se proprio pueri vitiabant fascinato ; parentes verò veneficis & fascinatribus causam adscribunt. *Porta.*

Ad ligatos & maleficatos à mulieribus.

Pone de egestione seu alvi excremento ipsius mulieris manè in foculari dextro maleficiati , & statim cum ipse sentiet foetorem , solvetur maleficium. *Alexius.*

In calamum , vel avellanam vacuum pone argentum vivum ,

vum, obturando cum cera: & ponatur sub pulvinari, seu cervicali maleficatorum: vel ponatur sub limine ostii, per quod in domum vel cameram intrat, & solvetur maleficiū. *Idem.*

Aliud.

Ligatus ungat totum corpus ex felle corvino, & oleo sesamino.

Aliud.

Suffumigium ex dente hominis mortui, ligatos solvit indubitanter. Si vir secum portaverit cor cornicis masculi, & mulier cor cornicis foeminae, benè convenient semper. *Alexius.*

Philtrum.

Porro veneficia sunt per se: cerebrum murilegi, lacerataeque: sanguis menstruus meretricis; stellio, cui nomen stincus inditum est; hippomanes. Hæc omnia mentem mutant potius, quàm ad amandum eam à qua sumpserint cogant. Componuntur autem plerumque ex excrementis, aut animalibus quæ putredo genuit, aut ex semine humano: quale illud, quod ex eo & utero catulae ardentis in Venerem fit, cum tamen catulus præsens diuque coram illa detentus ad eam non admittitur, tunc enim quasi rabiosa furit. Sunt & alia philtrea, quæ non eduntur, plerumque à mortuorum vestibis, candelis, mensuris, acubus, & generaliter eorum, quæ funerum gratiâ parantur, sumta. *Card. de subtil.*

Fascini amoris curatio.

Multa enim sunt, quæ prudens instituit vetustas. Si amoris fascinum amoliri conaberis, sic averruncabis. Visum abstrahas, ne tuis aciem oculis adigat, néve lumina luminibus copulentur: unde enim affici solet, inde causam amove: consuetudinem interpolatim remove, otium repelle, gravibus animum adhibe curis, sanguinem, sudorem, & excrementa omnia largè ejicito, ut una noxia ejiciatur aura, & contraria primis extant quoque. Si invidorum fuerit maleficiū, illud sic noscis: colorem deperdit, difficulter oculos elevat, semper inclinatur, crebra jactat suspiria, cor angustiis cohibetur, nec signum conspicitur mali alicujus, lachrymas effundit falsas & amaras. Ad ipsum effascinandum, quia aër contagiosus, & contaminatus est,

odorata suffimenta substituantur, ut aërem instaurent, nec minus aquis irrorando, cinnamomum, caryophyllos, cyperum, xylaloe, moschum, ambram. Ideo prisca ævum ad hoc nostrum se propagavit consuetudo, retinentque hoc mulieres, si noxam pueros contraxisse vident: ad expiandos thure eos suffumigant, & circumvolvunt: claro ferventur aëre, ipsi pendant è collo lapides, carbunculum, hyacinthum, saphirum: alissum in domo suspensum, rhamnum, & phu opiferum putat amuletum Dioscorides, Hyssopum & lilium odorato. Annulus deferatur, ex onagri vel ungulis asini domestici. Satyrion, quæ orchis & foemina dicitur, Rutam sua dote probat Aristoteles. Hæc omnia veneficiorum vires hebetant. Quæ autem experientia comprobata, & ad veritatem propensiora visa sunt incerti generis experimenta, hoc scripsimus libro. *Joan. Bapt. Porta.*

Dementes reddere, ut facile alienentur.

Faciliter efficiunt vino, quod sic constat. Mandragoræ radices accipiunt, & in mustum adhuc fervens, & in bullas tumens demittunt, operculum indatur, aptoque loco tribus servetur mensibus: cum eo indigueris, potui dabis: qui id hauserit, ubi multum profundo fuerit demersus somno, mente capitur, ut per diem non parum deliret: at post somnum solvitur dementia; nec malum defert multum, multumque fuerit voluptuosum videre, periclitanti. Sic de cameli spuma ab ebrio potata fertur, ita tamen, ut dicemus, sævius dementant. Ex menstruorum profluvio sanguinem capiunt foeminarum, perniciosior est tamen biliosarum & sterilium, potiore retinet in se vim, cum sylvestris cati cerebro remiscet, integram sinunt cum sua nocte diem, vitreis inde vasis, aquam eliciunt, & poculentis immiscent, & tamdiu insaniet, quamdiu perniciosum destruet virus, & abiget, quod in mense fiet: & si volunt, poterunt sopitam rabiem excitare. Vel sic: muris cerebrum, cati, ursi, canis spuma, & vespertilionis optime cum myrrha aliquo remixta vase fimo obruunt, & exaggerant octo dierum spacio, per distillationem aquam extrahunt, quâ potionatâ, memoria veneficâ proprietate tollitur, & intellectu carere facit.

Joan. Baptista Porta.

DE SECRETIS

LIBER V.

Hic liber verè medicus est, utpote qui corporis humani, quatenus est mutationibus obnoxium, Symptomata contineat, eorumq; remedia secretiora. In hoc itaque libro de morbis agitur, quorum divisionem brevè tabellâ paulò pòst exhibebimus. Hæc amplissima est materia, tum quòd morborum varia sunt species; tum quòd unius & ejusdem morbi, multa passim à multis remedia proponantur, ex quibus tamen saltem præcipua selegimus. Caterùm quòd mors & vita humano corpori, sanitati, & morborum rationi competerent, prius quàm de morbis ageremus, visum est de vita, morte & sanitate nomihil exponere.

DE CORPORE.

DE VITA. CAP. I.

Vita ut producat.

AMBROSIAM producere vitam in longissimum ævum plerique affirmant. Italia quoque hanc herbam, licèt raram, fert: sed si feratur, non recipiet: facilè dignoscitur, quo sola suo semine, quemadmodum copiosum fert vinum, suaviter redolet: racemosa est ruthæ folio, radice valdè longâ exiliq;e, nunquam floret. Usus igitur herbæ hujus vitam producere creditur, nec ratione caret, quod ex proprietate fit. *Car-*
damus de Variet.

Syrupus ad prolongandam vitam.

Recip. Succī recentē express. & filtrati Herbarum
Mercurialis lib. viij.

Borrag.

Bugloss. ana lib. ij.

Mellis anthosat. sive albi Narbonens. lib. xij.

Misce & coque omnia invicem ad ebullitionem primam,
postmodum cola per linteum crassum; ac iterum

Recip. Rad. Gentian. major. unc. iiij.

Iridis nostrat. flav. unc. viij.

Incisis tenuiter affunde

Vini albi optimi lib. ij.

Stent infusa per 24. horas, sæpiùs agitando; postea colatum sine expressione liquorem misce cum superiori Herbarum succo; coque invicem usque ad consistentiam Syrupi, spumam subinde auferendo. Quòd si de hoc Syrupò quotidie mane cochleare plenum per longum sat tempus, imò per integros annos sumas, insigne tibi præservativum contra morbos omnivarios erit; languentes vires resuscitat, Arthriticis, Hecticis, Phthisicis, Vertiginosis, Hemicraniâ, Cephalalgîâ, Nephritide, Cardialgiâ, Affectione Hypochondriacâ laborantibus apprimè confert. Vitam denique sic ab omnibus morbis præservando prolongat.

DE MORTE. CAP. II.

Mors ut levior reddatur.

MORS homini minùs molesta est ex senio, ut Aristoteles inquit: hoc solo deterior, quòd antè multa perfert incommoda adeò senex. Proxima quæ ex viperæ cujusdam morfu contingit, cujus meminit Plutarchus. Succedit huic, quæ ex potu meconii: nam dormientes pereunt. Quarta fit potu cicutæ, de qua aliàs, authore Theophrasto: sed hæc torquet persæpe, ut & meconium: viperæ autem morsus non adeò cuique in promptu est. Quinta fit dealbatis nuper cubiculi parietibus, accensisque carbonibus, cum quis dormierit. Interrogavi enim jam deprehensos, ac pene mortuos, qui mihi retulerunt, se nil sensisse mali. Ultima contingit his, qui in aqua suffocantur: nam quæ sanguinis profluvio accidit, juxta finem laboriosa est, ut Tacitus refert. *Cardanus de Variet.*

Ut quis ridendo moriatur.

Ranæ, bufones, serpentes & quæcunque venenosa reptilia gaudent in planta, quæ apium risus dicitur, de qua ferunt Medici, si quis comederit, ridendo moritur. *Cornel. Agrippa.*

Ut quis sine cruciatu expiret.

Crudorum porrorum succum Plinius inter deleteria recenset: nam fama est, Melam equestris ordinis reum, ex procuratione à Tiberio principe accersitum, in summa desperatione succo porri ad trium denariorum argenteorum pondus hausto, confestim expirasse sine cruciatu. *Mizaldus secret. hort.*

Oleum suo fœtore necans homines.

Recipe. Terebinthinæ lib. ij.

Sulphuris flavi libr. j.

Assæ foetidæ unc. viij.

Serapini unc. vj.

Stercoris humani unc. xvij.

Sanguinis humani unc. x.

Misceantur, & ponantur in retortam optimè obstructam, destillenturque igne vehementiore, quò usque omnes spiritus exierint. *Fioravantus.*

Mortem metu allicere, & aliter dolose.

Quis credet, quod ajunt, humani cruoris feces detractâ aquâ, & arefactas cum styrace commixtas, & cubiculo in aliquo suffumigatas, lethalem afferre odorem? Sic verò tutus fies: cepam habeto candidam, quam excava, ut excipiendis pulveribus sit apta: intus conjiciuntur aloës partes duæ, tres verò agarici pulveris, claudito, & filo ligato, ne dehiscat; inde ollæ inditur, & acetum infunditur acre, cum mellis dimidio, aquæ fescuplum, è rufi juvenis stercore, & tantundem rosmarini coronarii, ollam operculo & luto stipato, clibano per diei quadrantem calidis infervescat ignibus, & prius quàm refrixerit, fimo quinque mensibus exaggerato: eximito demum, & per colum trajicito lineo panno, & servato: si vini malvatici cyatho guttulas absumes, tribus diebus liberat: si illi cò succurris, semel tantum sufficiet exhibita. Alia autem sic parant venena: Rubetam cum aspide maximè virulento,

to, vipereoque scatente veneno, plumbeo condunt organo, quò aptius extrahi possit aqua; inde ambo acribus verberibus excruciantur, ut ita excandescant: intus euphorbium & cristalli immittunt spumam in tenues pulveres; inde leves subjiciunt prunas, paulatim aquam destillando detrahunt, plumbeâ servant pyxide, cujus si quotidie exhibeant guttulam, in mense necat, sensim corpore tabescente magis vel minus, ut illius erit natura, qui venenum hauserit. Oportet autem, aquæ dum eliciuntur, cavere: pernicialem enim & strangulantem halitum eructant, & spirando noxius extrahitur aer ille, quibus succurres antidotis, quæ suprà diximus. Dolo autem necandi experimenta multa sunt, unde ignorantes sæpe necantur homines. Ut autem ab iis præcavere discant, apponemus aliqua. Æneo vase intus stanno, vel plumbo non illito veterem condunt rubetam: execrabilis enim est virulentia, & cum eo simul lineum immittunt pannum per dies aliquot: & ejusdem sanie inficitur, quæ ore vomitur, quo si naturæ ostium post coitum absterferis, brevi interit ictu, tibi que caveto ab inimicis luxuriatis mulieribus. Surdi aspidis sputum illicò enecat, & marini canis fel. Fit & alia necandi techna: Argenteam pateram accipiunt concavam, quâ rubetam cooperias, inde lentum suprà admovent ignem, paulatimque decoquunt: orti autem vapores & virus, quod eructat noxium, per argenti poros combibitur, si in ea poculum subministrant, lethalia sumentes pocula necabit. Est & apud eos cautior interficiendi modus. Equorum è cauda setæ minutissimæ inciduntur, rebusque aliis permixtæ, esui præbentur, quas cum digerere tentat, ventriculi & intestinorum hærent plicaturis, & putrescunt, & cautè longo occidunt tempore. Sic gallinas, columbas, mulieres, vel animal aliquod cum eo conversari solitum veneno alunt aliquo, dum paulatim in alimoniam convertatur: uti de puella dicitur Alexandro missa, & de gallinis, hyoscyamo, & de coturnicibus veratro depastis, nec dignosci potest. Hæc narrasse sufficiant. Id tamen mirè occurrit, dum hæc agerem. Rubetæ lapidem arte quâdam electum, si quis cum veneno glutierit, innoxium ab eo servat: circuit enim cum veneno, ejusque vires hebetat, inefficaces & irritas reddit. In capite senis & magni bufonis lapis est, cujus gratiâ interficitur. Sed tali elicitur pacto. In cavea reponitur puniceo in panno,

& So-

& Soli exponitur ardenti, & aliquando verberibus aëris paulatim excruciat, dumque ipsi feriando relaxant se, capitis onus ex ore deponunt, hoc è medii foramine in subjectum vas dilabitur, alioquin ea est aliis invidissima natura, ut lapidem, nisi tolleretur, resorbeat, sed os potius est, quàm lapis, fuscum, oblongum, & ex parte cavum, & probatur sic: Bufoni admovetur, hic elevatur contra illud, & si potest attingit, & saltu eripere nititur, sic ab eis experitur. *Joan. Baptista Porta.*

Plagam brevi actu inducere.

Rubetam illam accipiunt, quæ in vepribus vivit, ac veluti in tuberculis dorsum exasperat, quam bufonem aliqui vocant: hæc nocentior, tantoque erit magis lethifera, quantò in opacioribus & frigidioribus locis vitam degerit, sylvis & arundinetis: multum enim venenis iis infamis est: eam oblongum in facculum immittunt, & salem, qui magnitudinem Indicæ nucis impleat, manibus hinc inde captando validè exagitant multum, dum emoriatur: inde salem exitiosum retinens bufonis virus servant. Vel Rubetam in sale sepeliunt, ac per mensis dimidium in fimo detinent, salem servatum esculentis eliquant, qui id esitaverit, internas percurrens partes, lædet, & sanguinem inficiet: & is brevi morietur intervallo. Vel humido loco ad dissolvendum tradunt, taliq̃ue madens linteum aquâ, vel omne nudam carnem contingens, sævissimam inducit plagam. Hæc tamen erit veneni

Antidotus.

Sumito antequam florescat, foliorum hyperici florentium, quantum manibus capi possint, ac veteri oleo Soli per hebdomadam apponito, tunc calentis aquæ balneo per diem immorari finito, ac stramine prælo succum exprimito, expressumque eodem servato vase, & jugem operam impendas, & cum flores depromserit, & semen pepererit, tria hæc misceas: & ubi inferbuerit igni, scorpiones centum projicito, viperam & rubetam, detracto capite & cruribus, id sub æstum Caniculæ igni detrahe, & operculatum vas, & pelliculatum Soli quindecim diebus apponito; cui deinde gentianæ radicis, dictamni albi, utriusque aristolochiæ, tormentillæ, & rhabbari pares addito portiones: sic boli Armeni præparati,

rati, & smaragdi pulverati pusillum, vas tribus mensibus fimo obruito, nec tamen deficiat theriacæ optimæ duplum: inde per colum trajicito, & in vas servato stanno sublitum: eo cordis perungatur regio, hypochondria, pulsus omnes & dorsum, & illicò ferarum omnium ictus facit irritos: unde in iis, & inferius scribendis non aliud præsentius exhiberi poterit remedium. *Jo. Baptista Porta.*

DE SANITATE.

CAP. III.

Ad corporis robur augendum.

OMNIA animalia longæva ad vitam conferunt longævam: & quæcunque habent in se virtutem renovantia, conferunt ad nostri corporis renovationem, & juventutis restitutionem, quod Medici se nôsse multoties ostenderunt; sicut manifestum est de vipera, & serpentibus. Et notum est, quòd cervi renovant senectutem suam comestione serpentum: eodem modo phoenix renovatur per rogum, quem sibi construit: & similis virtus est in pellicano: cujus dexter pes si sub fimo calido ponatur, post tres menses regeneratur ex eo pellicanus. Idcirco Medici quidam quibusdam confectionibus ex vipera & elleboro, & ex quorundam ejusmodi animalium carnibus confectis, promittunt restituere juventutem, & restituunt quandoque nonnunquam etiam talem, qualem Medea Pelix seni promissam restituit. Creditum quoque est, ursi sanguinem applicato ore è recenti vulnere haustum, hoc potionis genere corporei roboris incrementa præstari: quia id animal robustissimum sit. *Cornel.*

Agrippa.

LIBER V.

DE MORBIS CAP. IV.

113



DE MORBIS UNIVER-

salibus internis.

Recip. Opij drach. semis.

Sulphuris vivi.

Myrrhæ.

Agarici.

Rutæ.

Cassia fistulæ ana drach. j.

Cum succo absinthij fiant pilulæ ad ciceris magnitudinem.

Dosis drachm. semis ante paroxysmum. *Roscel.*

Ad quartanam.

Recip. Aquæ theriacalis.

Aquæ gentianæ.

Liquoris tartari ana unc. j.

Olei piperis gutt. iij.

Misce. Exhibeatur tribus horis ante paroxysmum, corpore prius evacuato. *Innominatus.*

Ad quartanam pilulæ expertæ.

Recip. Rutæ.

Myrrhæ ana drach. vj.

H

Opij

Opij drach. j.

Croci.

Cassiae fistulæ.

Sulphuris vivi ana drach. ij.

Hyoscyami drach. j.

Fiant pilul. Dosis earum drach. j. cum aqua Fumar.

Ad quartanam optimum.

Recip. Theriacæ optimæ uncias tres.

Olei juniperini unc. iv.

Olei antiqui unc. ij.

Caryophyllorum unc. j.

Spicæ nardi drach. j.

Vini electi unc. j.

Bulliant ad vini consumptionem, & adde parum ceræ, si vis, & fiat unguentum, quo inungatur spina dorsi per horam unam vel duas, ante adventum paroxysmi. *Ex libro manuscripto.*

Ad quartanam.

Recipe Piperis nigri gr. iv. cum succo gentianæ, fiat pilula una, auro cooperta. Capiat cum vino, vel aqua theiacali tribus horis ante paroxysmum. *Innominat.*

Ad tertianas & quartanas.

Narrat Plin. quòd ex ægro ressegmina unguium à pedibus manibusque cera permixta, ita ut dicatur quartanæ, tertianæ, vel quotidianæ feбри remedium fieri, atque si ante solis ortum alienæ januæ affigantur, remedium fore his morbis. Simili modo omnia ressegmina unguium, si ad cavernas formicarum adjiciantur, nam quæ primò cœperit trahere, correptam collo subnecti, atque ita discuti morbum: è ligno fulgure icto, rejectis post terga manibus, aliquid demorbâri ferunt: & in quartanis fragmentum clavi è cruce involutum lanâ, subnectunt collo, aut spartum è cruce, liberatoque condunt caverna, quam Sol non attingat. *Cornel. Agrip.*

Ad quartanam.

Et in libro Hermetis oculi ursi ambo cùm ligantur in panno lini super adjutorium sinistrum, removet quartanam. *Albertus.*

Ad quartanas.

Quartanas bubulus unus, cum laserpitii obolo potus fertur excutere. *Mizald.*

Ad

Ad quartanam.

A quartana etiam non paucos liberavi, sed inter alios filium Bartholomei Cressi Pistoriensis civis: cum autem septem mensibus eâque duplici detineretur, incredibili celeritate: ut & uxorem ejus, matremque quartanâ laborantes, & diarrhœa totidem mensium: ambo enim in lecto jacebant. Cura fuit, vomitibus, abstinentiâ cibi in diebus accessionis, purgatione cum pharmaco Hamech, inunctione dorsi horâ frigoris ex oleo de scorpionibus, & pinguedine anseris, & gentianæ succo. Alios verò curavi succo radicum verbasci, in potu dato. *Cardanus.*

Ad quartanam.

Dicunt, quòd os hominis mortui, qui nunquam habuerit febres, suspensum supra patientem, liberat à quartana. *Cornelius Agrip.*

Ad quartanam.

Si accipiatur cor recenter extractum ex animali, & adhuc calens atque vivens, suspendatur supra patientem febrem quartanam, tollit eam. *Cornelius Agrip.*

Ad quartanam.

Cantharides telæ aranearum indutæ, & quartanario suspensæ, eum perfectè liberare traduntur. *Mizald.*

Ad quartanam.

Vermiculi in medio echino plantæ dipsaci reperti, adversus quartanas plurimum pollere traduntur, si in aluta clausi brachio alligentur aut collo appendantur. *Mizald.*

Ad quartanam.

Cimices lectularii septem, folliculo uvæ majoris, aut pruni spolio excepti, & ante febris accessionem vivi devorati, non solum quartanariis remedio sunt, sed etiam percussis ab aspide. *Dioscor.*

Ad quartanam.

Succus polygoni cum septem granis piperis ante accessionem quartanæ haustus, eam abolet. Sed ajunt colligendam esse plantam & exprimendum ejus succum, die Jovis, Luna decrescente. *Mizald.*

Ad quartanam.

Sunt medica aliqua Solsequii secreta paucis intellecta, quæ cum plerisque hæcenus desideratis ex tenebris tibi in lucem aliquando proferemus. Hanc solsequii narrationunculam claudebam, dum medicinæ candidatus quispiam familiaris meus, familiariter, ut solet, me invisit. Qui posteaquàm legit hanc facultatum solsequii historiam, fidem mihi fecit, se cognovisse monachum quendam, qui quartanas curabat, propinato ante accessionem vino albo, in quo vij. grana solsequii detrita fuerant, repetito dies aliquot haustu: quod hic te scire libenter volui. *Mizaldus.*

Ad quartanam.

Succus plantaginis cum mulsâ exhibitus duabus horis ante accessionem quartanæ, illam emendat, & repetitione factâ tandem abolet: sicuti à multis observatum intellexi. *Idem.*

Ad quartanam.

Quando os hominis mortui suspenditur in aliquo, juvat à quartana, & si suspenditur os hominis mortui super illum, qui conqueritur de ventre suo, sanatur. *Albertus.*

Ad Quartanam & Tertianam Febrim intermittentem.

Primò corpus purga granis duobus Tartari emetici, cum scrupulo uno cremoris tartar. & granis quinque salis absynth permisti. Dein mane ac vesperi extra Paroxysmum exhibe dosin sequentis pulveris in iusculo:

Rec. Salis Centaur. min.

Card. bened.

Ocul. Canc. ppt.

Antim. diaph. ana drach. j.

Piper. alb. scrup. j.

M. F. pulv. subt. in 8. dos. æqu. ad chart. dividend.

Quòd si Febrim Paroxysmi minuantur & evanescere incipiant his remediis exhibitis, tunc repeti ipsa possunt. Et si neque tum Febris solvatur, protinus dabis Infusum Chinæ s. Corticis Peruviani, sequenti modo parandum:

Recip. Cortic. Peruvian. opt. drach. vj.

Cinam. opt. drach. ij.

Salis absynt. drach. ij. fem.

M. F. pulv. subtiliss. cui affunde in vitro Vini albi veteris optimæ notæ libr. iv.

Benè muniatur vitrum, subinde per diem agitetur, atque hinc mane ac vesperi extra Paroxysmum propinetur haustus unciarum quatuor vel quinque. *Zwinger.*

Ad febres.

Et dicunt, si acceperis caninum dentem crocodili ex palato ejus superiore sinistro, & suspendis eum supra febricitantem, sanat, & redibit ad ipsum nunquam. *Albertus.*

Ad tertianas.

Simili modo oculos ranarum ante Solis ortum adalligatos ægro, ita ut cæcas demittant in aquam, tertianas abigi promittunt. *Corn. Agrippa.*

Ad febres.

Cæterum nunc in natura quantas virtutes possideant numeri, patet in herba, quæ pentaphyllon, hoc est, quinquefolium dicitur: hæc enim virtute quinarij resistit venenis; pellit Dæmonia; confert expiationi; atque ejus folium bis quotidie unum vino sumtum, curat ephemeram: tria, tertianam: quatuor, quartanam. Similiter seminis heliotropii grana quatuor pota, quartanis; tria verò tertianis prodesse dicuntur. Simili modo vebenaca febribus in vino mederi fertur, si in tertianis à tertio geniculo, in quartanis, à quarto incisa fuerit. *Corn. Agrippa.*

Ad febres.

Tradidit etiam Serenus Samonicus inter præcepta Medicinæ, quòd si scribatur hoc nomen Abracadabra, videlicet diminuendo literam post literam, juxta ordinem regressionis ab ultima usque ad primam, sicut hic ostenditur, quicumque æger hemitriteo laborans, sive aliâ febris, hanc schedulam alligatam, & à collo suspensam gestaverit, valere illi contra adversam valetudinem, morbumque paulatim declinando transire. *Corn. Agrippa.*

Ad puerorum febres.

Si febricitanti infanti, qui adhuc lacte nutritur, paris longitudinis cucumeres dormienti apponantur, & quasi condormiscant, statim sanabitur; nam febrilis calor omnis illos transilit. *Mizaldus.*

Ad puerorum febres.

Memorable fanè est, quod in Græcis quintiliorum Georgicis legi, & à multis non infelicitè expertum audi. Quid illud, inquires? si febricitanti infanti, qui adhuc lacte nutritur, aut paulò grandiori, paris longitudinis cucumeres dormienti apponantur, & quasi condormiscant, statim sanabitur, febrili omni ab illo presso, hausto & extincto calore. *Mizald.*

Ad febrim excitandam.

Febris accenditur, si cornuti scarabei in oleo decoquantur, atque ex eo pulsus inungantur. Confert enim non parum quandoque febris superveniens, ut in convulsione & arthritide, cum ex materia frigida fuerint, nonnunquam etiam in resolutione. *Card. de Variet.*

Ad tertianas febres.

Amat buglossum illud, quod tres emittit thyrsos, cum femine & radice tritum, potumque contra horrores tertianæ valdè prodesse: quod verò quatuor, quartanarios juvare in vino coctum & potum. *Autor Dioscorides.*

Ad febres putridas.

Nolim insuper omisium, quod qui impleverit fictile floribus perficis, & obturato ore permiserit dies aliquot sub terra macerari, vel in fimo putrescere, exprimet oleum; quo si inungat pulsus, tempora & spinam, ante accessiones febrium putridarum, certo experimento illas curabit. Quod à Germano Medico ingenuè acceptum fero. *Mizald.*

Ad pestem.

Addam ex Anton. Ludovico Ulissiponensi Medico præstantissimo, quod Lampetræ, pestis tempore frequenter comestæ, innatà vi contra tam diram luem summè efficaces habentur. *Mizald.*

Placenta contra pestem.

Recipe Arsenici albi cristallini partes sive uncias duas. Rubei partem, sive unciam unam. Fiat placenta rotunda crassitudine digiti cum albo ovi, vel mucilagine Tragacanthi. Insuatur linteolo lineo, superaddito serico & admoveatur cordi. Nec opus est indusium interjici (nam etsi arsenicum intrò sumtum sit lethiferum, nec etiam occultâ vi,

tâ vi, sed solâ rofione, ut proinde venenum non fit dicendum) tamen admotum extrâ, venenis refiftit certâ experientiâ. *Jacobus Carpenfis.*

Ad peftem facculus.

Rec. Saphyri, Smaragdi, Hyacinthi, Rubini, Corallo-
rum rubeorum & alborum fingulorum drachmam. Croci
fcrupulum, Margaritharum drachmam femis, Arfenici al-
bi drachmas duas, Ambari grana fex, Radicis iridis ficcæ
& odoratæ unciam femis, Cornu cervini ufti drachmam,
Auripigmenti unciam femis: terantur omnia, & fiat fac-
culus cum findone purpurea, cordisqûe regioni appona-
tur. Nonnulli ad præfervandum propriâ urinâ utuntur.
Alii odore radicis enulæ campanæ, aceto maceratæ, aut
angelicæ, aut granis juniperi, vel lauri. Multi non prodeunt
in publicum, nifi cibati. Si quis tamen hac lue infectus
fuerit, expurgato quàm primùm fieri poffit, ventriculo,
communibusqûe viis pulvere fudatorio non priùs tamen,
quàm naturæ propenfionem ad sudorem cognoverit, &
clyftere utatur. Deinde Theriacam, Mithridatium, cæte-
raqûe remedia morbis peftiferis adverfantia adhibeat; ita
tamen ne hæc remedia femel, ut fit, vel continuè fumat,
fed ter quaterve eodem die, femper intervallo fex horarum
interjecto. Si bubo fefe oftendat, aut carbunculus, fan-
guifugas non procul à loco affecto, fi fit in membro igno-
bili, applicet: præftabit tamen priùs cucurbitulas amplas,
& magnas cum multa flamma, vel gallum, aut catulum,
vel pulmones animalium fubinde admoovere. Cæterum in-
ter initia peftiferi morbi, antequam pharmaca fumerit,
fomnum fugiat, eiqûe nullo modo indulgeat, ne veneni
vis aut peftilentia virus, unâ cum fanguine membra prin-
cipalia invadens, protinus interficiat: cor cæteraqûe mem-
bra confortantia adhibeat, quantum fieri poteft, cibis ven-
triculo fuo maximè congruentibus fe reficiat, Deoque vi-
tam fuam, & omnia reliqua, ardentibus precibus com-
mendet, nec non Medici periti confilio, reliqua commit-
tat, ut divinâ fua clementiâ gratiâqûe ille; hic verò arte
fuâ ipfi fuccurrere velit. *Rantzovius.*

*Electuarium præfervativum contra peftem, &
alios morbos.*

Rec. Cinamomi electi drach. dimid. Zedoariæ drach. j.
H 4 Boli

Boli Armeni. præparat. drach. iij. Camphoræ grana vij. feminis citri excoriati, Acetosæ, Corticis citri ana drach. j. & dimid. Radicis dictamni, Tormentillæ, Pimpinell. aa. drach. dimid. Rasuræ eboris, Offis de corde cerv. aa. drachmam j. Auri & argenti præparati ana scrup. dimid. Fragmentorum Saphyri, Rubini, Smaragdi, Granatæ ana scrup. j. Misce, fiat pulvis, cui adde Conservæ rosarum, Acetosæ, Buglossæ an. drach. duas. Sacchari albi lib. unam dissoluti in aqua Buglossæ & Endiviæ, & fiat Electuarium. Modus utendi hoc præservativo contra pestem talis est. Pars magnitudinis duarum fabarum cultello accepta comedatur: incensa verò jam peste semiuncia cum vino acetosæ detur omni die. Contra pleurisin semiuncia cum accommodato jusculo, succo vel aqua bene diluta detur laboranti. Ego autem huic electuario nonnunquam addere soleo ungulæ Alcinæ, cornu bestię unicornis sive monocerotis, succini ana drach. j. *Priscian. de Corduba Medic. Leonis decimi, Pontif.*

Trochisci præservativi à Peste & Febris malignis.

Rec. Radic. Angelic. drach. j.

Doron.

Cinam. elect.

Semin. Fœnic. ana drach. j.

Antim. diaph. drach. ij.

Myrrh. elect. drach. semis

Sacch. aqu. ros. solut. unc. iij.

Mucilag. femin. psyll. Aquâ ros. fact. q. s.

M. F. l. a. Trochisci d. ad scatulam, subinde lambantur, & deglutiantur. *Zwinger.*

Aliud remedium contra periculosos & pestiferos morbos puerorum.

Nostræ matronæ pueris, si malè se habere cœperint, solent exhibere paululum offis de corde cervi, offis bestię unicornis, Corallorum rubeorum, Succini albi, Margaritarum, Ramentorum auri, Ungulæ Alcinæ æquali portione. Hæc omnia in mortario contrita, miscent simul in morbis calidis cum aqua rosacea; in frigidis verò cum aqua Lavendulæ. Exhibetur autem ad mensuram cochlearis. *Rantz.*

Pila odorifera contra pestem.

Rec. Rosarum rubearum unc. ij. rad. ireos, radic. cyperi an.

an. unc. f. rad. Angel. drach. vj. Foliorum lauri, rorismar.
ana drach. vj. Bacc. Lauri drach. iij. Caryophyll. Lig. aloës
Nuc. mosch an. unc. fem. Union. unc. j. Styr. Calamitæ, Ladani
an. unc. j. mosch. in aqua rosar. dissoluti gr. xij. Ambr. scrup.
ij. cum gummi tragacanthi in aqua ros. dissoluti fiat massa.
Ex lib. manuscript.

Ad pestis præcautionem.

Rec. Conservæ rosar. Conf. violar. Conf. bug. Conf. nenuph. an. unc. f. Confect. alchem. unc. j. rad. angel. drach. ij. zedoar. scrup. ij. Elect. de ovo drach. j. Theriacæ Venetæ scrup. iv. syrupi de limonibus q. f. fiat opiata. Utatur quotidie semel, vel bis. *Ex lib. manuscript.*

Ad pestem remedium.

Rec. Cæpam albam, & magnam, intusque excavatam, quam reple theriacâ optimâ, & aquâ vitæ; cooperiatur benè operculo suo, & in cineribus coquatur: deinde expressus succus ægroto bibendus detur; quod reliquum est, contundatur, & buboni superponatur. *Roscellius.*

Contra pestem optimum.

Matutinâ horâ tempore contagioso, priusquam à domicilio tuo longius recedas, os tuum aquâ & aceto simul mixtis collues; deinde prædicti liquoris cochlearis quartam partem hauries, naresque ita restringas, quò cerebrum ab omni qualitate aëris externi liberum existens, minori cum difficultate à vapore & halitu in palato detento, irrorari queat: præsidio quoque maximo fuerit, emuntoria viscerum principalium subinde abluere, ut puta tempora, axillas, & inguina, partes raras, & laxas præ reliquis, ut hac de causa omnibus injuriis aëris infecti expositæ magis esse censeantur, quæ ut magis adhuc ab omni labe pestifera præserventur, familiaris fuerit pilæ argenteæ multis in locis foratæ usus, in cujus cavitate frustum spongiæ continuo isto liquore madentis detineatur. Hac enim ratione ambiente alterato, meipsum multoties à quavis epidemia in hodiernum diem (laus Superis) præservavi. *Egidius Bruxel. D.*

Ad pestis præservationem.

Accipe sacchari in aqua theriacali, per infusionem facta, dissoluti ad perfectionem cocti unc. tres: tincturæ
H 5 sulphu-

fulphuris drachmam unam , fiant tabulæ secundum artem , quarum usu à peste , quàm plurimos servatos esse cognovi.

Ad pestem probatum.

Recipe Aceti acerrimi } ana drach. ij.
Succi allii }

Theriaca Alexandrinæ drach. j.

Misce , & offer patienti illico. Quo sumto , ut optimè succedet , cura. *Ex libro manuscript.*

Ad venena antidotus.

In sanctuariis , inquit , Mithridatis maximi Regis devicti, Cneus Pompejus invenit peculiari commentario , ipsius manu descripto , compositionem antidoti è duabus nucibus ficcis , ficis totidem , & rutæ foliis viginti simul tritis , addito falis grano. Qui hoc jejunos sumit , nullum venenum illo die timeat. Prodest eadem antidotus mirabili successu adversus grassantis pestis contagia , jejuno ventriculo devorata. Testes sunt multi cum noti , tum ignoti , hac antidoto per multas & deploratas pestilentias me admonente & ministrante , servati. *Mizaldus.*

Adversus venena.

Lapidem efficacissimum esse adversus venena , testes sunt magnæ autoritatis & antiquitatis Medici quamplurimi : talem gloriantur se vidisse Jul. Scalig. & Amatus Lusitanus : traduntque peste correptis efficaciter dari cum vini momento. Nam tantus illius vi & præsidio cietur sudor , ut penè totum corpus eliquari credas : quo uno pestilens virus foràs truditur. Lapidem hunc Arabes Medici *Bezoard* vocant , & ab eo Alexipharmaca , remedia adversus venena , *Bezoardica.* *Mizald.*

Ne quis veneno afficiatur.

His accedet ex Didymi sententia , quòd si quis miliarem panem præsumsit , nunquam à veneno noxam incurrit. *Mizaldus mem.*

Medicamentum Regis Mithridatis adversus omne venenum & præcipuè pestiferum.

Plin. lib. 23. cap. 8. scribit, Cn. Pomp. in sanctuariis Mithrida-

thridatis maximi Regis devicti invenisse in peculiari commentario ipsius manu conscripto, compositionem antidoti è duabus nucibus siccis, item ficubus totidem, & Rutæ foliis xx. simul tritis, addito salis grano & ei, qui hoc jejunus sumat, nullum venenum nociturum illo die. *Rantzo.*

*Experimentum Medici antiquioris Regis Angliæ, est-
que pulvis mirabilis contra toxicum, & contra
omne venenum.*

Recipe Pimpinellæ, Rad. tormentillæ, Cinamomi ana unc. dimid. Lig. aloes. Gran. juniperi, zingiber. an. drach. j. Interdum additur Cardui benedicti, Radicis angelicæ, an. drach. dimid. Fiat ex his omnibus pulvis subtilis, & occlusus in pixide, usui benè servatur. *Rantzo.*

Antidotus Nicomedis Regis contra venena.

Recipe Baccar. juniperi drach. ij. terræ Lemniæ drach. duas & obolos totidem. Hæc, ubi in pulverem redegeris, oleo aut melle commiscebis reponesque, ac ubi opus fuerit, ex aquæ mulsæ cyathis duobus in magnitudinem avellanæ dabis. *Idem.*

Ne hæcticâ quis corripiatur.

Aquam ex his præbent: plumbum in tenuem vertunt pulverem, vel in calicem, & cum sale acetum peracrefundunt, aquam igne stillatim capiunt, cujus in mense cyathum exhibent, idque sexies innovant, & hæctica eum invadet tristis. Quod si exitialem longo moliuntur tempore morbum, sic faciunt, cerussam, æruginem, lithargyrium & minium, singulorum pares portiones capiunt: squillæ succi, quantum satis sit ad ea cogenda, vitreo in vase ponunt, quo fimo quadraginta immoretur diebus, extrahunt: deinde hominis sudorem remiscent, & esum morituro præbent, sic diuturno languore, & in longam temporis intercapedinem exitiosam detinent vitam. Tali autem infirmitate liberandi via hæc est.

Antidotus.

Sic illicò morbus deprehenditur: si in glycyrrhizæ decocto scammonii pusillum redactum pulverem hauritur, liberat illicò ægrotum. Si venenum præcefferit, sic facito: Aquam vitreis chymistarum organis exsugito, è columba-
ceo

ceo stercore, & ex corticibus ovorum, quarta piperis parte, & thuris pauculo lixivii, duplo è farmentitio cinere confecto remisceto, & primo mense septem diebus cyathus fumatur, undecim secundo, quatuordecim verò tertio, usque ad sextum: & veneni extinguit vim. Maciem verò sic pelles: Aquam haurito ex herba personantia cum remixtione nucleorum pinearum diebus singulis ante prandium, donec sanitati fueris restitutus. *Joan. Baptista Porta.*

Ad tabem.

Ex tabe autem simplici innumeros sanavi: atque inter reliquos, filios duos fabri lignarii, qui apud portam tonsam habitabat. Erat autem præter victus moderatam rationem, ex pane cocto cum seminibus peponum contulis ac colatis, aut ptisana, cochleis, cancris, testudinibus & potu vini albi unicum hoc præsidium: sanguinem suillum, & cochleas purgatas, & ranas cum germinibus rubi in balneo Mariæ distillabam, & aquæ hujus pro ætate quantitatem dabam, donec pingues efficerentur. Sic etiam sanavi filium Jacobi Mariæ Astolphi, tabellionis summæ fidei, amicique nostri. *Card. de Curat. admirand.*

An periclitetur æger?

Morbus, qui cœperit, cum Luna fuerit in eo signo, quod maleficia aliqua tenuit genitura, sive in quadrangulo, aut diametro ejus, gravissimus futurus est: si autem maleficia respicit, periculosus. Sin in loco, ubi genituræ tempore benefica fuerit, sine periculo erit. *Authores Ptolemaeus, & Galenus ex doctrina Egyptiorum, & maxime Mercurii Trisnegisti.*

Mortis vel salutis præsagium.

Tradunt urticam viridem horis viginti quatuor, in lotio decumbentis maceratam, ejus salutem præsagire, si ibidem viridis perstat: sin contrà, mortem, vel ingens periculum. *Mizaldus.*

An victurus sit æger, necne?

Volentibus experiri victurus sit æger necne, præcipiunt radicis chamæleontis albi diluto eum triduo perfundi ternas vices: qui pertulerit, morituum negant. *Theophr.*

Mortis prædictio.

Addo in libris Aruspicum traditum esse Servio authore,

re, abietem è cælo fulmine tactam domini aut dominæ interitum prædicere.

An convaliturus sit æger ?

Illud planè non absurdum, ægros, qui imaginem è pupilla reddunt, posse sanari: qui non, non. Eorum tamen, qui sanari possunt, multi moriuntur, quòd nondum vis lethalis eò obreperit: periturorum autem vix unus aut alter servatur. Cùm etenim vitalis calor manet, pupilla reddit nitore imaginem. *Cardanus.*

DE MORBIS UNIVER-

salibus externis.

Lepræ Cura.

Referunt, leprosos balneo ejus aquæ, in qua cadaver ablutum sit, sanari. Sed de qua lepra agatur, haud compertum est: quædam enim scabiei pessimæ species est, alia ipsa elephantiasis. Similiter neque observatum est, an semper id contingat, an forsan aliquando fortuitò: ratione tamen res ipsa non caret: nam materia, quæ ad cutim propelli solebat, antipathia cadaveris à natura non amplius propellitur. Indita enim est hæc ratio contrarietatis, etiam in insectis, & eò magis in perfectioribus animalibus, & maximè equis & canibus, ut odorem mortuorum sui generis refugiant: quantò magis humana natura, quæ admodum sensu prædita est, atque eò exquisitissimo. Itaque occulta in natura, non amplius audet transmittere exterius humorem peccantem: atque eò magis si hæc patiente, hæc sciente fient. *Cardanus de varietate.*

Ad elephantiasin dignoscendam.

Elephantiasin correptos deprehendes ex lotio, cui plumbi usti cineres inspersi sint. Nam si subsidunt, nullum inest contagium, sin fluitant, & in urinæ superficie hærent, certissimæ labis signum ostendunt. *Lemnius.*

Ad Elephantiasin.

Nonnulli elephantiasin ac leprâ inquinati, morbum vicerunt frequenti ranarum palustrium usu: nimirum mitigato sanguinis fervore, ac melancholiâ adustione emendata. Quod de ranis intellige quæ saliant, & non repunt aut lentè progrediuntur, nam venenatæ sunt. *Mizald.*

Ele.

Elephantiasis remedium salutare.

Gallinæ viperis faginatæ & elixatæ, salutare sunt elephantiasi labe infectis, ex quorundam experimento. *Mizaldus.*

Ad lepram unguentum.

Rec. Terebinthinæ lotæ }
Olei laurini. } ana unc. iv.

Aceti unc. vij.

Cerussæ

Lithargyrii

Aloës hepaticæ

} ana unc. viij.

Albuminum ovorum N. ij.

Misce & fiat unguentum. *Roscellus.*

Lepræ cura.

Sed & balneum primogeniti filii, ubi illius sanguinis sunt reliquiæ, ut experimento vidi, leprosos mundat. Causa à sympathia mea sententia quærenda est. Corruptior enim sanguis per arterias & venas ingressus, corruptum attrahit. Est autem sanguis, qui à partu effunditur, & potentia qualis noster, & corruptior, & viribus adhuc partus ac pueri calidior: quocirca vehementer urget & purgat & extinguit, velut radii Solis ignis flammam obruunt, & evanescere cogunt. Sed qualis lepra sit, & ut ab elephantiasi ac pfora scabieque differat, alias dictum est. *Card. de subtilitate.*

Leprosus hominem reddere.

Leprosi sanguis vel capitur, in quibus si triticum diu steterit, ut affatim saturetur, eoque gallinæ vel columbæ obese, cui esui præbentur, leprâ corripitur, & idem in morbis aliis contagiosis considerant. Vel aliter: Cantharides capiunt, amianthum lapidem, & auripigmenti quintuplum: hæc tapsiæ radicis, vel scyllæ succo conficiunt, ut linimentum imitentur: & caligas vel lineas tunicas perfricant, & inflationem, ulcerationem & lepram inducunt inevitabilem: proinde ab iis maximè caveo, & si atrocius quærunt, ut pertinaciùs operentur, humanum adiungunt sudorem ex alis rufi viri & cholerici, aconiti succos, bufonum virus, vel consimili, brevi lethiferam inducunt plagam. Si ferrum horum maduerit succo, virulentos & insanabiles infigit ictus. Sed talis erit optima

Anti-

Antidotus.

Ad elephantiasin : panis è clibano calidus infundatur endiviæ, lupulorum, & absinthii succo, aceti, & sulphuris in aceto infusi & exsiccati tantundem, & in eo sesquifexta succi pars eupatorii, galangæ, id est, rutæ caprariæ, viperæ carniū pares portiones, aristolochiæ rotundæ duodecima pars, citri corticum sexta, seminis ejusdem dimidium, & theriacæ par pondus conjicito, hellebori, & scammonii pauxillum : omnia remisceto, & igni apponito dum evolet humidum, ad usum reponitur, tribus semper diebus fumatur. Si quid verò cuti remanserit, hoc uteris linimento. Viperarum adipem habeto, sevi hircini dimidium, ursi pinguedinis pars quarta, caparorum olei tantundem, vivi sulphuris pars sexta, lichenis quadruplum, acetum infundatur, & decoque dum strigmentosum fiat, inde cerâ linimentum effingito, & alternis diebus inungatur : dum pustularum squamæ decidant. *Joan Baptista Porta.*

Ad serpiginem.

Adversus faciei serpiginem & aliarum partium corporis (Galli Dartas vocant) accipito radicem lapathi, seu rumicis, eamque particulatim concisam, diem unum in albo & acri aceto macera; deinde extrahe, & serpiginosum locum ter vel quater omni die sedulò confrica, & in acetum toties remitte; vel, quod satius erit, novas radices substitue. Experimento frequenti probatum. Sunt qui idem certò promittant ex radicibus borraginis à jejuno laborante præmansis, & diu identidemque illitis. Facilis erit experientia. *Mizaldus.*

Ad scabiem.

Rec. Pomatæ unc. ij.
 Styracis liquidæ drach. vj.
 Lithargyrii arg. unc. sem.
 Salis communis drach. ij.
 Succu limonum, quantum sufficit.
 Fiat unguentum. *Roscellus.*

*Ad omnis generis scabies unguentum præstantissimum,
 quo ipse scabies, lepræ similimas, sanare vidi.*

Majo mense fumatur Ocimastrum herba cum radice, sordibus diligenter expurgata, & lota, eaque contundatur,

tur, post succum inde expressum in angusto vitro probè obturato per annum conservetur. Cumque unguentum parare volueris, tum expressi succi ceræ & olei æquis portionibus tantum accipe, quantum unguenti parandum erit, quod ubi feceris, conjunctim illa super carbones decoquantur, & eò usque temperentur, donec unguentum fiat. *Hieron. Tragus.*

Ad cancerum.

Rec. Aquæ rosarum unc. viij.

Aluminis

Viridis æris singulorum an. q. f.

Misce & lava quotidie ter cum tela filata. *Ex lib. manuscr.*

Ad morbum Gallicum unguentum.

Rec. Unguenti aragonis

Unguenti Agrippæ

Unguenti marciati

Unguenti dialtheæ singul. unc. j.

Olibani

Masticis ana unc. ij.

Olei laurini.

Olei salicis

Olei liliorum ana unc. ij.

Lithargyrii

Argenti vivi singul. unc. sem.

Theriace unc. j.

Saxifragiæ drach. ij.

Unguenti Santalini unc. sem.

Axungiae porcinae veteris sine sale unc. xiv.

Cineris farmentorum unc. j.

Misce, & fiat unguentum. *Roscellus.*

Balneum ad consumptos & resolutos.

Recipe Capita vitulorum recentia N. vj. unà cum eorum mesenteriiis & pedibus.

Capita ovina totidem, omnia benè mundata, acsi pro cibo pararentur. Coquantur in aqua in vase magno, vel duobus, & fiat balneum, quo alternis diebus utatur æger, mane per unam vel alteram horam, & totidem vespere. Hujusmodi autem balneum novies postea iterandum est, & semper recens parandum. *Ex libro manuscripto.*

DE MORBIS PARTICULARIBUS.

DE MORBIS CAPITIS.

Doloris capitis præcantatio.

Miland Vah Vitalot CAPITIS dolorem levare vidi suspensum chirographum, ut à latere vides, cum patiens qui nullum ex medicina præsidium sentiebat, ter Dominicam, quam vocant orationem, recitasset. *Cardanus.*

Ad capitis dolorem.

In olea mirabile est, quòd opem quandoque fenserunt, & à capitis dolore absque ullis medicamentis levati sunt, qui folio ejus hoc nomen (Athena) scripserunt, ipsumque folium capiti circumligârunt: quemadmodum tradit Zoaroastres in suis de Agricultura commentariolis. Quod unum, quia superstitionem redolet, tibi æstimandum relinquo. *Mizaldus.*

Ad capitis dolores.

Magnes ipse capiti admotus dolores, omnesque querelas ejus obliterat. Quod ex veterum commentariis se transulisse scribit noster Hollerius.

Ad capitis dolorem.

Rec. Summitatum Salicis, q. f.

Rosmarini parum.

Coquantur in aceto, usque ad tertiæ partis consumptionem, quo lavetur caput. *Roscellus.*

Ad oblivionem & cruditates in stomacho pro senibus.

Rec. Trium piperum, Galangæ, Cassiæ lignæ, Calami aromatici, Croci, Spicænardî Indicæ, Cardamomi, Carpobals. Afari, Zing. sem. Myrti sicci, an. dr. ij. Mastic. dr. j. f. Trita & cribellata conficiantur cum melle optimo despumato, & fiat electuarium Dosis dr. j. tempore somni. *Ex lib. manuscr.*

*Pilula languenti cerebro convenientes, senioribus
præsertim ac frigidis.*

Rec. Succini odorat. seu ambrae delectæ drachm. j. ligni
Aloës scrup. sem. Cubearum scrup. ij. cum vino meraciss.
pilulas confice N. xv. Da binas ante cœnam. *Guil. Gratar.*

Catapotia ad memoriam efficacia.

R. Cubeb. Calam. Nuc. mosch. Caryophyl. singul. dr. j.
f. Thuris opt. Myrrhæ electæ, Ambari orientalis, singulo-
rum drach. j. Moschi gran. quinque. Cum aqua majoranæ
pilulas confice, præbe unam horâ decubitûs; duas verò in
Solis ortu & horis quinque ante cibum. *Idem.*

Ad memoriam.

Tradit Simeon Sethi, fel perdicis arteriis temporum il-
litum, ut pënetret semel in mense, ad memoriam confir-
mandam prodesse plurimùm.

Gallinæ cerebrum ingenium & memoriam jûvât, adeò ut
aliquas, qui delirare cœperant, resipiscere fecerit. *Guil. Grat.*

Antidotum mirabiliter conferens memoriæ lethargiæque
vel oblivioni: ventriculum confortat, & omnia debilitata
membra ex phlegmate & frigore.

R. Zingiberis

Galangæ

Mastiches

Cumini

Origani

Nucis moschatæ

Calami aromatici

Asari

Carpesiorum, i. e. cubearum.

Ligni aloës

Maceris

Seminis apii

Ammios

Thuris albi

Caryophyllorum

Cardamomi

Zedoariæ

Pyrethri

Castorei

Piperis longi & nigri

Costi

Cyperi

Menthæ siccæ unc. v.

} ana drach. vj.

} ana drach. ij.

} ana drach. iij.

Teran-

Terantur & pulverisentur omnia, ac cum penidiarum, & mellis despumati quantitate sufficienti fiat Eclegma. *Guliel. Gratarol.*

Ad memoriam.

Si suspenditur cor upupæ aut oculus aut cerebrum supra collum, confert oblivioni, & subtilizat intellectum hominis. *Cornelius Agrippa.*

Ad augendam memoriam.

Si quis transglutit cor upupæ, vel hirundinis, vel mustelæ, vel talpæ, eâ adhuc vivente & palpitante, confert ei ad memoriam, reminiscenciam, intellectum & divinationem. *Cornelius Agrippa.*

Ad epilepsiam.

Tradunt eum, qui in picato vase biberit, comitalem morbum expugnaturum. *Mizald.*

Ad epilepsiam.

Si herba, batrachion dicta, cervici lunatici vel epileptici ex filo rubro deligetur, Lunâ decrescente, in prima parte tauri, vel scorpionis, magnum ac insperatum levamen hinc sentiet. Sunt qui ejus radicem in vino maceratam peste infectis propinent ad sudorem eliciendum. Quod valde periculosum puto, si febricitent: sin contrâ, opportunum, modò vires constant. *Idem.*

Ad epilepsiam.

Aqua stillatitia ex floribus tilix, epilepticis pueris mirandum in modum confert, quocunque modo ministratur. Sunt qui ei sociant viscum quercinum, successu admodum felici & optato. *Idem.*

Ad epilepsiam.

Dissectis ante plenilunium pullis hirundinum ex prima fœtura, duo lapilli reperiuntur in illorum ventriculis, quorum unus concolor, alter verò discolor habetur. Hi priusquam terram attigerint, si in buculæ, aut cervi aluta includantur, & brachio, & collo aptentur, comitiales sanabunt, nedum juvabunt. Ex relatione cujusdam Itali, qui se id expertum fuisse, mihi afferebat. *Mizald.*

Ad epilepsiam.

Cùm primùm infantes ex utero prodeunt, si priusquam aliquid gustent, corallii scrupulum dimidium diligenter

tritum cum lacte nutrito hauserint, nunquam Epilepsiam incurrent. *Arnoldus Villanovanus.*

Ad epilepsiam.

Accensis utrislibet cervorum cornibus, odore illorum fugante serpentes, & comitiales deprehenduntur morbi. Idem etiam præstat lapis gagates incensus, suffitu suo: sed ne odor dispergatur, stragulis circumdari debet quisquis est. Nam tum, si epilepsiæ est obnoxius, cadet. *Dioscor. Galen. Plinius. Apulejus.*

Ad epilepsiam.

Orbiculi è visco querno, vulgari filo transfixi, idem præstant in amolienda & præcavenda epilepsia, quod pœoniæ masculæ radix, aut smaragdus è collo pendens. *Mizaldus.*

Ad epilepsiam.

Addunt Magiæ naturalis professores, verbenam Sole per Arietem spaciante collectam, & granis pœoniæ sociatam, tritam, & ex vino albo percolato haustam, epilepticos miraculo quodam sanare. Res me dictante, multis experta, quam ex vetustissimo libro de herbis septem planetarum, Hermeti ascripto, fideliter decerpsi. *Mizaldus.*

Ad epilepsiam.

Addit Conradus Gesnerus, se os illud, quod coronalem futuram describit, epilepticis exhibuisse, & optime cessisse. *Mizaldus.*

Ad epilepsiam.

Fel testudinis naribus epileptici illitum in morbi paroxysmo; prostratos statim erigere facit. Sunt qui ad ferocem hunc morbum expugnandum, tres clavos in vigilia natalis B. Joh. Bapt. fabricatos, defigant in loco, ubi epilepticus ceciderit, idque tam profundè, ut non appareant, nuncupato, dum id fit, patientis nomine. Quod pro certo mihi traditum est. *Idem.*

Ad comitalem.

Ungula Alcis magnâ vi pollet adversus comitalem morbum. Nam ejus particula annulo inclusa, & digito, qui proximus est minimo, ita commissa, ut in palmam convertatur, collapsos in ipso paroxysmo plurimum recreat, & confestim excitat. Idem efficit portiuncula ejusdem nuda & manui in pugnum complicatæ inserta: repente enim

enim morbum expellit, & prostratos erigit. Quod uno & altero experimento se probâsse tradit Lemnius. Nos portiunculâ ejusdem in aurem sinistram missâ, & aliquandiu veluti scalpendo motâ, idipsum feliciter experti sumus in verè epileptico; idque miraculi loco habitum est. Joh. Agric. Ammonius idem effici tradit suspensâ vel gestatâ particulâ ejusdem ungulæ, modò cutim attingat. Quod etiam amuletum ad præcautionem morbi plurimùm valere certum sum. Audio etiam ramenta, vel scobem adversus eandem noxam in Polonia propinari. Cæterùm eligenda est ungula dextri pedis posterioris, cavendumque ab impostoribus, qui bubulas pro alcinis vendunt. *Mizaldus.*

Ad epilepsiam pulvis optimus.

Rec. Rad. Gentianæ.

Pœoniæ

Antimonii cum urina præparati ana unc. iij.

Cranii hominis unc. f.

Moschi gran. iij.

Fiat pulvis, cujus detur drach. j. singulis diebus. *Roscel.*

Ad epilepsiam.

Dicitur quoque, quòd si radix pœoniæ cum castoreo & litura pannorum menstruorum detur patienti, sanari morbum comitalem. *Cornel. Agrippa.*

Ad epilepsiam.

Sic & è nido hirundinum lapillus collectus recreare confestim dicitur comitiales: & alligatus perpetuò tueri, potissimùm si sanguini vel cordi hirundinum fuerit involutus. *Idem.*

Ad epilepsiam.

Aqua distillationis ceraforum non multò antè ex arbore decerptorum, vi ignis mediocris excepta, si in os epileptici infundatur, quoties eum paroxysmo laborare contigerit, inhibetur impetus morbi violentissimi. Res preciosa, & sæpenumero probata à Johanne Manardo Ferrariensi Medico præstantissimo. *Mizald.*

Epilepsiæ remedium.

Hac ratione radicem pœoniæ maris recentem, & anagallidem rubro flore contra epilepsiæ minas suspendimus. *Wierus.*

*Medicamentum Regis Daniæ contra morbum
caducum.*

Rec. Cranium sive calvariã hominis præsertim furis suspensi, nulliusque morbi interventu mortui (nam huic plus efficaciam, quàm reliquis, tribuunt) hanc calvariã in craticula tostam ad pulverem redigito. Deinde accipito tria grana Pœoniæ, atque hæc cum una drachma prædicti pulveris & aquæ Lavendulæ ad quantitatem unius cochlearis ægroto, tempore matutino exhibeto. Postero & tertio die fac idem. Sumet autem ægrotus hunc pulverem jejuno stomacho, ac tres continuos dies domi se continebit, paucopotu, & cibis levis ac facilis digestionis utetur, ut sunt ova. Non abs re etiam fuerit, ut ægrotus postea singulis diebus mane per aliquod tempus cochlear aquæ Lavendulæ exhauriat. Os bestię unicornis etiam contra hoc morbi genus conducit. *Rantzovius.*

Ad paroxysmum epilepticum.

Orpheus & Archelaus tradunt, Plinio Autore, morbo comitiali lapsos confestim liberari à convulsione, si in paroxysmo eorum labra humano sanguine irrigata fuerint, aut pollices pedum fortiter puncti & vellicati. *Mizald.*

Ad Comitiales.

Comitialibus morbis (nam nulli alii magis debentur auxilia illa, quæ Physica vocantur) Alexander scripsit, pinguedinem Chamæleontis in oleo decocti, ventræque ac dorsì spinã inunctis adeò prodesse, ut à morbo statim surgant, & post septimam inunctionem liberentur. Nicolaus prodidit insufurrando in dextram aurem illud, Oremus præceptis salutaribus moniti: adjunctâ dominicâ oratione post completam supplicationem antequam absolvantur hæc ambo, ægrum à morbo surgere: vel forsan quandoque ita contigit, vel susurrus ille in eam aurem prodest, vel cum à flatu fiat, ut multi Medici credunt, interim ille consumitur. Rinaldus magis ad rem: cum Luna Jovi juncta est, dato patienti tribus diebus Maceris, Pœoniæ feminum, & radicis dimidium drachmæ, foliorum Caryophyllatæ, & primulæ veris (quæ est bellis) drach. unam, teratur, ac partiatur. *Cardanus de Varietate.*

Contra epilepsiam.

Et dicitur, quòd si fiat annulus ax albis ungulis asini,
qui

qui induit ipsum epilepticus, non patitur epilepsiam. *Albertus.*

Comitialis morbi præcantatio.

Annulum dicunt, quem ego vidi, si conficias argenteum hoc modo intus scriptum † Dabi † Habi † Haber † Hebr † ne comitali morbo laborantes cadant, prohibebit, in digito positus. *Cardanus.*

Convulsione à flatu remedium.

Nodos ligneos è visco, qui quercui adnascitur, id genus convulsione sanare, quod à flatu fit, nostri Gramphum vocant. Debet superponi loco patienti, ut statim diffugiat: pingui succo tenuique præditum est id lignum, aut occultâ ratione.

Ad melancholiam.

Melancholiam non parum iuvat, corpus urticis perfrire. *Cardanus.*

Ad metum & phantasmata.

Qui urticam in manu habuerit cum pentaphyllo, securus erit ab omni phantasmate & metu. *Mizald.*

Ad hydrophobiam.

Hydrophobi, qui ex canis rabidi morfu aquam appetunt, & eandem reformidant, si inopinato subitoque impulsu aquis mergantur, metus metu discutitur, & tali symptomate liberantur. *Lemnius.*

Ad hydrophobiam.

Refert *Aëtius*, quod si coagulum catuli semel tantum ex aceto ederint hydrophobici, statim capiet eos cupiditas potus aquæ, & ob id medicamentum hoc miris laudibus ab eo commendatur. *Mizald.*

Ad ebrietatem.

Ebrietati absynthium, amygdalæ caules præmansî conveniunt. *Cardanus.*

Ad ophthalmiam.

Est quidam piscis, sive serpens maximus, nomine myrus, cui si eruatur oculus, & alligetur fronti patientis, ophthalmiam sanare dicitur, pisci verò oculum renasci: sed altero illum capi lumine, qui viventem non dimiserit. *Cornel. Agrippa.*

*Unguentum vel Balsamum ophthalmicum
Zvingeri.*

Rec. Butyri recent. non salit. Vino albo aliquoties loti
unc. j. f.

Tutiæ ppt.

Lapid. Calamin. ppt.

Bezoard. miner. vel Magist. Ant. diaph.

Mercur. præcipit. alb. ana drach. unam.

Axung. serpent. drach. ij.

M. F. Unguent. d. ad ollam. Mane ac Vesperi, vel ter de
die portiuncula ejus canthis oculorum inungatur.

Ad oculorum vitia.

Ad oculorum vitia, unguem, nebulam, albuginem, &
alia, sequens remedium præstantissimum esse, mihi nar-
ratum est. Caput cati omnino nigri in nova olla aduritur,
& cineratur, eoquæ ad levorem & tenuissimum pollinem
deducto, nonnihil per tubulum pennæ mundæ, in ocu-
lum quotidie ter insufflatur. Si quis verò ardor, noctu
maximè, oculum infestet, folia quercûs aquâ madentia,
bina vel terna simul oculo superponuntur, & identidem
invertuntur. Dicebat secreti hujus autor, visum posse re-
stitui hoc remedio post cæcitatem unius duntaxat anni;
experientiæ proponimus. *Mizald.*

*Collyrium præstantissimum contra omnis generis
passiones oculorum.*

Rec. Fœniculi,

Absynthii,

Apii,

Rutæ,

Steinwurk, unâ cum radicibus,

Euphrasiæ,

Salviæ,

Betonicæ,

Auripigmenti,

Pimpinellæ,

Carduibenedicti singulorum partes æquales.

Hæc omnia simul in mortario contusa misce, ac urinam
pueri infunde, deinde

Rec. Granor. Piperis triti num. xiiij.

Mellis cochlearia duo,

Camphoræ drach. j.

Hæc

Hæc omnia simul in mortario contusa per linteum exprime, & colaturam, seu succum in vitreo vase conserva, ac inde singulis diebus, vesperi & manè guttam unam in oculum patientis instilla. Animadvertendum tamen est, quòd hæc aqua per spacium ix. dierum Soli est exponenda, & destillanda, antequam in usum transferatur. *Henr. Rantz.*

Aqua ophthalmica, vel Collyrium Zvingeri.

Rec. Aqu. Flor. Cyan.

Ros. alb. ana unc. j. sem.

Succ. Hieracii. recent. unc. sem.

Offis Sepiæ ppt.

Antim. diaphor. ana scrup. ij. sem.

Mercur. præcipit. alb. scrup. ij.

Mucilag. semin. Cydon. Aqu. rosar. factæ drach. j. s.

M. d. ad Vit. subinde lintea huic liquori calefacto impressa oculis imponuntur.

Ad narium fetorem.

Rec. Xyloaloës crudi,

Rosarum,

Caryophyllorum, singulor. unc. ij.

Spicæ,

Calami aromatici,

Myrrhæ,

Stor. Calamithæ. ana drach. j.

Confice cum bono vino antiquo aromatico, addendo moschi grana x. fac pilulas quantitate ciceris, & dissolvatur una pro vice cum oleo nardino, & stilletur in nares; aut imponatur cum tenta, factâ prius collutione cum vino odorifero. *Alex.*

Ad narium obstructionem.

Rec. Succi betæ,

Succi majoranæ ana unc. j.

Olei amygdalarum amararum drach. j.

Misce, & per nares attrahantur. *Fioravantis.*

Ad sanguinem sistendum.

Sanguis ex quacunque parte corporis immodicè fluens, illicò sistitur, si subtili & raro bombace involutum stercus suillum adhuc calens, in nares, pudendum muliebre, aut locum alium, sanguine manantem, intrudatur. Quod ru-

sticis potius quàm aulicis scriptum erit, ut similes habeant labra lactucas. *Mizaldus.*

Ad sanguinem sistendum.

Si sanguis fluat è naribus, constricto ejusdem partis digito persæpè sistitur. Alii in fronte patientis ex illius sanguine scribunt CONSUMMATUM est. *Card.*

Sanguis ut cohibeatur.

Sic mihi contigit, ut aliquando præciso labio, sanguis nullâ arte posset cohiberi; tum maximè, quia comedebam, falem imposueram, perstrinxeram, nihil proficiebat, præcantatione usus sum illâ, quæ à passione Domini sumpta est, & illicò, me admirante, cessavit, neque loquente, nec comedente apparuit sanguis, etsi locus egregiè tum doleret, & vulnus appareret. Miraberis, nescio ego, an fides, an verba profuerint: verba hæc sunt; SANGUIS MANE IN TE, SICUT FECIT CHRISTUS IN SE. SANGUIS MANE IN TUA VENA, SICUT CHRISTUS IN SUA POENA. SANGUIS MANE FIXUS, SICUT CHRISTUS QUANDO FUIT CRUCIFIXUS, ter repete. *Cardanus.*

Ad surditatem.

Rec. Axungiae canis
Succi absynthii,
Olei veteris. ana q. f.
Misce & in aures instilla. *Sextus Platonicius.*

Ad surditatem optimum.

Rec. Salviæ,
Majoranæ,
Flor. rorismarini,
Hyssopi,
Arthemisiæ,
Mentastri,
Calamintæ,
Chamomillæ,
Millefolii,
Hypericonis,
Abrotani,
Saturegiæ, ana M. j.
Coquantur in aqua, in olla vitreata, supra quam aures collocen.

locentur ita , ut fumus ingredi possit , masticando rem aliquam , ut fabas , continuo , ut pori melius aperiantur , & tandiu , donec decoctum frigescat. Quo facto , sumito oleum colocynthidis , & unam vel alteram guttam instilla ; mox bombace in dicto oleo imbutâ , obstrue : demum aliquantum supradictarum herbarum supra ponito , somni tempore ; iteretur singulis diebus , & perfectè sanabitur. *Roscel.*

Ad dentium dolorem & stuporem.

Dentium stuporem , quem Græci αἰμοδία vocant , portulaca mansa dissolvit, *Aphrodisæo* teste. Quod etiam præstat salis defricatio ; vel quippiam recentis casei ovilli dentibus stupefactis attritum. Addo , quòd in ὀδονταλγία seu dentium dolore , nullum præsentius invenias remedium emplastello , factò ex pice vulgari , aut resina liquefacta , cum pulvere aluminis , & nucis , quam gallam nuncupant , modò arteriæ temporali paulò supra dentem excruciatum calidum apponatur , & ibidem pernoctare sinatur , vel dies aliquot gestetur. Sed id maximè locum habet in exscarificatione dentium maxillarium , & superioris ordinis. *Experimento* (ut dicunt ,) crede *Roberto. Mizaldus.*

Dentium dolor mirè sedatus.

Nuper dolor acerrimus duos ultimos maxillæ sinistrae superiores dentes vexabat : unde consensu quodam & alios omnes superiores ejus partis dentes affligebat , & maxillam totam adeò , ut os excuti videretur : tum etiam oculum & aurem , & nasi partem eandem vehementer urgebat , nec ullo auxilio abscedebat , sed intermittens quandoque revertebatur. Dexterâ manu dentes apprehendebam , distrahebam , nihil proficiebam. Tandem casu aliquo inveni , quòd ubi sinistra manu leviter apprehendissem dentem , qui magis vexabat , ita ut pollice partem exteriorem , indice interiorem comprehenderem , statim non solum dolor illius dentis , sed & totius partis sedabatur. Illud verò mirabilius , quòd quantò levius tangebam , tantò celerius ac perfectius dolor sedabatur. Fiebat autem sedatio hæc confestim : & hoc cum rediret dolor , sæpius plusquam vicies sum expertus , donec sic spontè abscessit , & liberatus sum , *Cardanus.*

Ad dentium stuporem.

Dentibus qui stupore obtorpescent ab esu acidorum , austero-

sterorum, vel frigidorum, portulaca mansa remedio esse solet, ignibusque sacris auxiliatur, ac Veneris impetus & somnia frangit, &c. *Mizald. in Horto medico.*

Ad dentium dolores.

Dente talpæ vivæ exempto, ea demissa, sanari dentium dolores, inquit *Cornel. Agrip.*

Ad dentium dolorem.

Dentium dolori prodest plerunque, si dentes coxarum ossibus bufonis tangantur: antipathia enim est. *Cardanus.*

Ad dolorem dentium.

Rec. Ligni guajaci M. j.

Aquæ ardentis q. f.

Misce, & in ore contineatur. *Ex libro manuscripto.*

Ad dentium dolorem.

Rec. Piperis longi,

Masticis,

Origani,

Saturegiæ,

Xylobalsami,

Pyrethri, ana unc. sem.

Trita in unc. j. aquæ vitæ infundantur. De hac aqua parum dentibus instilla. *Roscellus.*

Ad anginam.

Adeò est salutaris humanus sanguis, ut elephantiasis conspurcati folia in balneis ex illo temperaverint, & Orpheus atque Archelaus illitu ejus anginam curari tradiderunt.

Ad anginam.

Cataplasma ex pulvere combustarum hirundinum, & nidi earundem, efficaciter prodest discutiendis tumoribus gutturis, & curandæ anginæ. *Mizaldus.*

Squinantia remedium.

Squinantibus bufo seu rubeta cocta, & pro emplastro imposita adeò prodest, ut quendam hoc auxilio, cui jam tanquam morienti, de more candelæ accensæ fuerant, liberaverim. Crediderim & filum, quo suspensa interierit, posse conferre. *Cardanus.*

Pulvis

Pulvis pro Botio vel Strumâ, Zvingeri.

Rec. Spongiar. ustar.

Lapid. spongit. ana unc. j.

Piperis alb.

Macis. ana drach. j.

M. F. pulvis subtil. d. ad sc. singulis noctibus horâ somni capiatur dosis drachmæ unius in iusculo, aut Aquâ ordinaria, decrescente Lunâ.

Ad strumas.

Pedes omnes magnæ rubetæ, ab ea vivente abscissi, dum Luna vacua ad conjunctionem properat, colloque strumas patientis suspensi adeò conferunt, ut persæpè etiam morbo patientem liberent. *Cardanus.*

Ad columellam suffocantem.

Si contigerit à destillatione columellam in gutture laxari, succus crudæ brassicæ summo capiti admotus, illam in sublimem oris partem revocabit, solitumque locum repetere coget: quod naturæ arcanis & secretis abscribendum est. *Mizald. in Horto medico.*

Ad Columellæ inflammationem.

Excrementum pueri aridum cum melle Attico tritum, præstantissimum est remedium ad columellæ inflammationes, quæ suffocationem minantur. Sed puer ille pascendus est biduo lupinis cum optimo pane, satis fermentato & salito: eique vinum vetus bibendum mediocriter dandum, ut quàm optimè concoquat. Tertio die sumtum excrementum desiccandum est, & quo dictum est, modo usurpandum. Gallinarum & perdicum caro in jure elixa posset exhiberi, nisi excrementum magis foetidum redderet. Hoc Galeni secretum est, à quopiam precibus magnis impetratum, ut ipse scribit.

Ad infantulorum siriasin.

Urticæ in mortario contusæ, addito momento unguenti populeonis, arteriis temporum, ac metacarpîi applicantur: remedio præstantissimo ad extinguendum ardorem siriasis infantulorum, plus minus biduo, modò singulis quaternis horis innoventur. *Langius.*

Infans ut non sternutet.

In domo, in qua ciconiæ pennæ fuerint, infantem non sternutaturum, inquit Aetius.

Ad

Ad animi defectum.

Animi defectu collapsi eriguntur vellicato articulo digiti annularis, seu medii: nec non attritu auris ad eundem cum croci momento: per hunc enim vis quædam refocillatrix, ad cor vitæ fontem dimanat. *Lernius.*

D E M O R B I S P E C T O R I S.

Ad tussim puerorum.

Dicit Tabariensis, quod si suspenditur lapis spongiæ in collo pueri, qui tussit tussi vehementi, sedatur tussis ejus: & quando intromittitur in caput asini, aut anum scarabeus, sincopizat, & vertitur, donec extrahatur ab eo. *Albertus.*

Ad difficultatem spirandi.

Clavenzanus adolescens, nomine Jacobus, qui jam per septem annos spirandi difficultate laborabat, frequentibus & longis sævisque accessionibus, desperatus ab aliis Medicis à me in duobus mensibus planè sanatus est, factusque pinguis: sed aliâ ratione. Dropace enim Pauli ad coxendicum dolores, addito melle anacardi, superimposito futuræ coronali, unâ die fermè libras duas aquæ detraxi, inde sequentibus diebus idem actum est: sed non tanta defluxit aqua: sicque liberatus est. Existimo cantharides idem posse, quod anacardi mel, & euphorbium etiam. Miscebam etiam elateri granum unum unciiis tribus lactis, jubebamque eo tanquam errhino uti: & conduxit multum. Atque hæc omnia prius præpurgato corpore cum catapotiis; ficcatoque victu tenui, sed humido tamen, parumque alente, tum decocto Indici ligni pro potu exhibito. *Cardanus de Curationibus admirandis.*

Ad pleuritidem.

Scobis, vel rasuræ dentis apri uncia semis in pollinem redacta, & cum aqua hordei, vel cicerum rubrorum, aut decocto pectorali à pleuritico hausta, vero & comperto remedio illum ab imminente periculo liberat. *Mizaldus.*

Optimum facillimumque remedium ad pleuritidem, quo, ut alios taceam, fabrum quendam semimortuum, duobus diebus mirabiliter præsanavimus.

Accipe pomum odoratum & flavum, ab interioribus nem-

nempe feminibus mundatum, atque olibano eum impleto: deinde operculo ejus superaddito, sub cineribus calidis coquito, donec perfectè, & absque uestione coquatur. Hoc pomum in quatuor partes secato, ægroque ad comedendum præbeto. Quod cum ritè factum fuerit, statim aperietur apostema, tum apostematis pus expuetur, & sic æger liberabitur. Quoniam faber quidam, cujus dentes jam erant clausi, ut instrumento aliquo pro injiciendo pomo aperire conaremur: qui cum injecto pomo per semihoram quievisset, statim magnam puris copiam expuit, deinde dormivit, cibum petiit, sanusque Dei auxilio, evasit. *Alex. Pedemont.*

Ad pleuritidem.

Limatura seu pulvis dentium majorum apri, detur in cochleari cum oleo lini. *Octavius Landus.*

Ad pleuritidem unguentum.

Rec. Olei rosati unc. vj.

Terebinthinæ unc. j.

Sulphuris tenuiss. triti

Millepedum contus. ana unc. j.

Coquantur omnia simul per horam unam, deinde coletur oleum, quo affecta pars inungatur. *Roscellus.*

Ad empyicos.

Si quis pleuriticus, empyicus, vel suppuratus, scrupulum pulveris feminum urticæ cum syrupo violaceo, aut alio quopiam ex iis, quos pectorales vocant, paulatim, & veluti lambendo deglutiverit, viscosum humorem ac tenacem nullo negotio expectorabit. Secretum cujusdam non vulgaris Medici Parisiensis.

Ad phthisim aqua optima.

R. Tussilaginis

Limaciarum purgatarum

Hyssopi

Capillor. Veneris

Consolidæ majoris ana q. f.

Ponantur in cucurbitam plumbeam, & in balneo Mariæ de-

destillentur, de qua sumat patiens singulis diebus in aurora poculum unum, stomacho jejuno. *Roscellus.*

Aliud ad idem.

Rec. sulphuris sublimati, & super lapide porphyrio cum aqua rosarum in tenuissimum pollinem triti quantum sufficit. Conservæ rosarum quantum satis est ad conficiendum electuarium. Dosis unc. sem. jejuno stomacho. *Innominatus.*

Ad phthisin electuarium optimum.

Rec. Herb. Pulmonariæ.

Rosmarini

Betonicæ

Capill. Veneris ana drach. ij.

Mellis despumati lib. j.

Consolidæ minoris unc. viij.

Tussilaginis unc. j.

Violarum drach. j. Misceantur, & fiat electuarium secundum artem. *Roscellus.*

Ad phthisin remedium probatum & facile.

Accipe Tussilaginis

Lardi porcini benè contusi ana quantum satis est,

Ovorum recentium num. j.

Misce & coque pro placenta, quâ cum per novem dies manè usus fuerit æger, effectum admiratione dignum videre licebit. Valet etiam ad impinguanda corpora macilentia. *Alexius.*

Ad phthoen.

Sanavi neptem adolescentulam à Pontificis libellis (Datarium vocant) Francisci Alciati, postquam velut phthoe pessimâ laborantem, ipse ego pro deplorata reliqueram; aderat febris vehemens, spirandi difficultas, maxima tussis, puris sputum copiosum: itaque cum cætera præsidia non valerent, jussi ut solâ ptisanâ pro cibo uteretur aquâque cum saccharo confectâ, acciperet autem singulo mane unc. iiij. decocti caudarum & chelarum cancrorum in aqua hordei cum drach. ij. sacchari. convaluitque perfectè, & sanata est: hoc eodem auxilio multos admodum curavi, qui

qui integræ sanitati restituti sunt: erat autem illa , filia unius , qui ex phthoe vera obierat. *Cardanus.*

Pulvis Antiphthificus Zvingeri.

Rec. Pulver. Fol. Lichen. petræi. unc. f.

Pulmon. Vulp. ppt.

Bol. armenat. ana drach. ij.

Specif. Antihect. Poter. drach. ij. sem.

Sacch. cand. alb. unc. j.

Misce F. Pulvis subtil. d. ad chart. de quo mane ac vesperi drachma dimidia vel scrupuli duo sumantur.

Ad empyema & phthisim.

Ex pessimo Empyemate , à Medicis egregiis derelictum juvenem , Adrianum Belgam , optimorum morum : nam neminem illo gratiorem expertus sum. Erat autem à libellis Don Alfonsi Pezoni , regii quæstoris. Hunc itaque febre , tussi assiduâ , sputo saniei , difficultate spirandi laborantem , miris modis curare aggressus sum , anno abhinc 4. coactusque sum sanguinem mittere , quod magis periculum , etiam morbum vereret , inde testudinum usu , & syrupo etiam ex illis confecto , exquisitâque victûs ratione : in qua alii Medici non observanda peccaverant , carnes & ova concedentes , tandem eum liberavi sic , ut uxorem duxerit : & nunc etiam sanus , mei memor vivat. Usus autem sum in eo distillatis aquis , cujusmodi suprâ docui : tum decocto ligni Indici , cum humectantibus & expectorantibus , melle siquidem , althææ , & symphyti radice , scabiosâ , glycyrrhizâ , foliisque longæ aristolochiæ. *Card.*

Anhelosis bonum remedium.

Ozymi succus ex semiuncia epotus cum dimidio croci scrupulo , mirum in modum confert anhelosis , ac spiriosis. *Idem.*

Ad interna vulnera.

Si quis internè vulneratus decoctum radicis caryophyllatæ biberit , sanabitur. Et si externa vulnera eodem colluuntur decocto , summopere juvabuntur. Valet præterea ad lateris & pectoris dolores , nec non ad internas cruditates discutiendas. *Mizald.*

D E S E C R E T I S D E M O R B I S V E N T R I S.

*Ad dolores stomachi, & appeti-
tum conciliandum.*

Cochlear pulveris electri, seu ambari albi ex vino, vel brodio sumatur. *Ex Reverendiss. Nuncio protonotario Biglia Mediolanensi.*

Ad dolorem colicum, & apostemata interna.

Os calvariae hominis radatur, vel limetur in ea parte, in qua commissura in sincipite est, in superiore velut crux: ex eo pulvere cum brodio, vel aqua aut vino, si desit febris, detur ægroto drach. j. vel semidrach. in haustu, movet vomitus vehementes, & sedes: propterea dandus est, antequam vires ægrotantis omnino labefactentur. *Idem.*

*Ad os ventriculi corroborandum, & con-
stringendum.*

Rec. Pul. Coriandri præparati unc. j.

Anisi unc. sem.

Coralliorum rubrorum.

Cinnamomi ana drach. sem.

Conservæ rosaceæ exiccatae unc. v.

Fiat pulvis, quo utatur à cibo cochlearis mensura. *Ex lib. manuscripto.*

Ad ventriculum corroborandum.

Rec. Spec. diarrhod. abbatis drach. iij.

Pul. trium fantalorum drach. ij.

Pul. corticis citri sicci scrup. v.

Aromat. ros. drach. j. sem.

Sem. iv. frig. major. ana unc. sem.

Syrupi de pomis unc. j.

Sacchari albiss. q. s.

Fiant tabulae, singulae duarum drach. pondere, ex quibus unam quotidie sumito, duabus ante prandium horis, adjectis adianthi conservæ, aut rorismarini unc. sem. myrobal. chebul. unc. ij. *Vincent. Laureus.*

*Medicamentum contra ardorem stomachi, quem
Germani den Eod vocant.*

Rec. Vetus saccharum rosar. & lapides Cancrorum quos
con-

contusos & in pulverem redactos saccharo rosar. insperge, adde paululum de bolo armenat. Misce hæc omnia simul. Observetur tamen ut lapides Cancrorum dimidiam sacchari partem quantitate suâ adæquent. *Rantzovius.*

Aliud.

Rec. Sesquiunc. cretæ.

Tres nuces muscatas, sive myristicas.

Sesquiunc. sacchari electiss. quod ex Insulis Canariæ advehitur. Fiat pulvis, dos. drach. f. *Rantzovius.*

Ad pituitam è ventriculo discutiendam.

Recipe Caricarum pinguium per setaceum expressarum unc. vj.

Medullæ Carthami unc. j. sem.

Rhabbari electi drach. iij. sem.

Caryophyllor.

Cinnamomi

Nucis moschati sing. drach. j.

Misce omnia simul, & cum syrupo de corticibus citri fiat solidioris formæ electuarium: utatur unc. sem. bis in septimana, horis tribus ante prandium. *D. Lepor. Dal.*

Ad nauseam à mari.

Absynthium & pulegium tere cum oleo & aceto, & nares interiùs frequenter frica. Idem facit semen apii cum bibitum fuerit: prohibet enim nauseam, ne commoveatur, & sedabit eam cum commovebitur, & absynthium similiter faciet. *Alex. Pedemont.*

Ad colicam.

Radix hyoscyami albi, quando suspenditur super patientem colicam, confert ei. *Aristot.*

Ad colicam.

Dixit Alexander, quando accipitur aliquid de umbilico infantis, qui egreditur, si inciditur, & ponitur sub lapide annuli de argento, vel auro, tunc ei, qui nescit eum, non advenit colica passio penitus. *Albertus.*

Colico cruciatui remedium.

Animalium calcanei combusti summè pollent adversus colicos cruciatus, ut scribit *Rhasis.*

Ad idem.

Sperma ceti humidum & recens confert ad colicos cruciatus; & omnes interaneos dolores, cum aliis, quæ flatus dissipent, exhibitum. Sed cavendum, ne quis eo vtere utatur, aut nimio usu ei assuescat: nam alioquin periculosum est. *Ex quodam Medico Germano.*

Ad idem.

Novi, qui bubulum stercus aridum in juscule ignarus bibit, & à colico dolore statim evasit. Audivi etiam à viris fide dignis, non paucos rusticos ejusdem potu liberatos. Quidam non ipsum excrementum, sed expressum inde succum bibunt, & melius habent. *Gesner.*

Ad idem.

Corculum galeritæ femori adalligatum, summè prodest adversus colicum cruciatum. Nec defuerunt, qui illud recens eam in rem etiam devorârunt optato successu. *Ex quodam Hispano.*

Colicis doloribus experimentum optimum.

Si juvenum cervorum tenerrima cornua, dum adhuc lanuginosâ cuticulâ operiuntur, in taleolas scindantur, & in fictili novo diligenter operculato, torrefacienda clibano committantur, factus ex iis pulvis, addito pipere & myrrhâ, coli cruciatibus cum vino generoso mirificè confert. *Scribon. Largus.*

Ad colicam.

Officulum hominis quodcunque appensum, ut carnem attingat, doloribus ventris, qui certâ periodo repetunt, prodesse existimatur. *Mizaldus.*

Ad eandem.

Illud certum est, lupi stercus, intestina, corium comesta, vel etiam solum gestata, colicam tollere: confirmant enim hæc intestinum illud. *Cardanus.*

Ad colicam.

Umbilicus infantis, qui præcisus est, dum nascitur, in argenteo annulo gestatus, ut carnem tangeret, multis, me vidente, profuit coli doloribus afflictis, ut hoc præsidio integrâ valetudine per multos annos fruerentur: forsan illis

illis profuit fides: nam omnibus contingere hoc minimè credendum est. *Idem.*

Ad ventris tormenta.

Tradunt, in torminib. anate vivâ appositâ ventri transire morbum, anatemque emori. *Corn. Agrippa.*

Ad colicos & nephriticos cruciatus.

Recipe Acerrimi raphani unc. j.

Ossium mespilor. drach. ij.

Blandè conquassata macerentur horis octo in vini albi generosi unciis quatuor, deinde percolata, & modicè calentia propinentur in egressu lecti, & ejusdem ingressu: itereturque potio, si opus fuerit dosim ejus augendo, vel minuendo, pro corporum & ætatum modulo. Non deerunt, qui pro tam salutari munere, mihi summam sint habituri gratiam. *Mizaldus.*

Rec. Amygdalarum amararum

Sem. Persicorum

Allii

Lumbricorum terrestrium sing. lib. j.

Gentianæ M. j.

Dictamni albi

Radic. Fraxini

Rad. graminis

Rad. imperatoriæ

Rad. Pœoniæ, Croci,

Calami aromatici

Caryophyllorum

Aloës hepaticæ

Galbani, Colocynthidis

Zingiberis

Nucis moschatæ

Cinnamomi

Piperis nigri

Piperis longi

Carpobalsami

Olibani sing. unc. iv.

Corall. rubrorum unc. iij. s.

Theriacæ lib. j.

Menthæ Absynthii	}	ana M. j.
Abrotani, Centaurii minoris		
Fol. perſici		
Herbarum porri		
Pulegii, Plantaginis		
Rutæ, Marrubii		
Apii, Salviæ		
Anethi, Camædryos		
Majoranæ		
Roriſmarini		
Betonicæ	}	ana lib. ſem.
Foliorum lauri		
Corticum mal. aurantiorum		
Cort. mali granati ſing.		
Sem. apii.		
Sem. portulacæ		
Sem. raphani		
Sem. caulium		
Sem. plantaginis		
Sem. porri		
Sem. centaurii minoris	}	ana lib. j.
Sem. mal. cotoneorum		
Sem. Fœniculi		
Sem. petroſelini ſingul.		
Lupinorum		
Baccarum lauri		
Phaſeol. rubr. ſingul. ana lib. j.		
Cornu cervi unc. vj.		
Fellis taurini lib. j.		
Aceti albi lib. j.		
Olei maſtichini	}	ana lib. j.
Laurini		
Nardini ſingul. ana lib. j.		
Olei communis veteris lib. xiv.		

Trituranda triturentur: contundenda contundantur, miſceantur, & ponantur in loco calido per dies quindecim: deinde coquantur uſque ad tertiæ partis conſumptionem: demum coletur, & ſervetur oleum ad uſum. Quo ſi uti voles, tempora, nares, pulſus manuum, orificium ventriculi, umbilicum inungito, iterando inunctiones aliquoties, videlicet ſingulis duabus horis. *Roſcellus.*

Ad

Ad vermes electuarium.

Rec. Seminis cinæ unc. j.

Dictamni albi unc. j. sem.

Croci drach. sem.

Mellis colati lib. ij. vel, q. f.

Fiat electuarium. Dosis unc. sem. *Roscellus.*

Ad vermes.

Nihil efficacius ad exigenda ventris interanea, & lumbricos ejiciendos, exiccatis in tegula ignita vermibus, exhibitoque illorum pulvisculo, verminantibus pueris. Nam confestim reliquos corpori inhærentes excludit. *Lemnius.*

Aliud.

Experimento probatum habeo, puerorum lumbricos, uvarum passarum esu expurgari, si jejunis absque ullo alio edulio, illas exhibeas. Nam ut amarulenta, ita dulcia affluenter hausta, vermibus sunt inimica: distendi enim, ac rumpi illos contingit, suavioris edulii copiâ. *Lemnius.*

Ad dysenteriam.

Rec. Coaguli leporis

Sanguinis leporini singul. qu. satis est.

Misce & da patienti. Omnia enim alvi profluvia compescit. *Alexius & Mizaldus.*

Aliud.

Multi dysenterias exitialiter grassantes curaverunt hausto decocto Indicæ alceæ ex vino, si quidem febris aberat: vel plantaginis, hordeive, si præsens erat. Id fuisse inter arcana doctissimi cujusdam Hispani Medici, pro certo accepi.

Ad dysenteriam.

Dysenterias, & alias ventris profluvies, quantumvis effrenes, compescunt Ossa humana, ad lævorem pulverata, & ex vino rubro subaustero sumta. *Mizaldus.*

Ad fluxum hepaticum.

Docet *Rhasis*, hepata anatum proprietatem habere sistendi fluxum, qui ex debilitate hepatis nascitur.

Ad icteritiam.

Jusculum ex decoctione fragariæ herbæ cum sua radice,

ce, ab icterico jejuno dies aliquot haustum, illum perfectè sanat. Secretum hoc cujusdam est monachi, ex quo ingentes pecunias corradebat.

Ad aquas hydropicorum.

Pulvis Magnetis triobolari pondere epotus ex succo fœniculi, hydropicis aquas detrahit. *Mizalil.*

Ad hydropicorum aquas.

Mirum est, quod affirmant: coluber fluviatilis funiculo à cauda præligatus suspenditur, subjecto vase, aquâ pleno, in quod dehiscat ore, aliquot post horis vel diebus lapidem eructat, qui exceptus vase, quod subjacet, totam aquam ebibat. Alligatur lapis hydropicorum ventri, atque in totum exhausta aqua liberat. *Hollerius.*

Ad hydropem.

Clysteria ex decoctione Cardui benedicti in urina, omne genus hydropis curant sæpius infusa. *Ex lib. manuscripto.*

Rec. Spicæ nardi Indicæ.

Hepatis lupini singul. drach. fem.

Trita misceantur cum syrupo de absynthio, fiant pilulæ N. 8. auro coopertæ. Capiat pilulas iij. singulis diebus stomacho jejuno. *Innominatus.*

Ad hydropem.

Rec. Liquoris tartari

Aquæ gentianæ sing. unc. j.

Spiritus vitrioli gutt. iij.

Olei sulphuris gutt. iv.

Aquæ theriacalis unc. f.

Misce. Capiat ante ingressum laconici, & fudet. *Innominatus.*

Ad calculum, Imp. Max. II.

Rec. Rhabarbari electi drach. ij.

Galangæ

Granorum paradisi

Anisi

Fœniculi

Agarici

Masticis

Cinnamomi ana drach. j.

Gly.

Glycyrrhizæ unc. sem.
 Lapis Judaici drach. iij.
 Mithridatii drach. v.
 Macis drach. iv.
 Caryophyllorum drach. sem.
 Vini ardentis part. j.
 Vini malvatici part. ij.

Ponantur omnia in vitro optimè obturato per dies 14. postea destillantur. Utatur bis in hebdomade ad quantitatem cochlearis, stomacho jejuno. *Ex libro manuscripto.*

Ad calculum pulvis.

Rec. Gummi ceraforum
 Milii Solis sing. drach. ij.
 Sem. Petroselini
 Sem. Melonum
 Sem. Malvæ
 Glycyrrhizæ rasæ sing. drach. iij.
 Sacchari candidi drach. x.

Fiat pulvis subtilissimus. *Ex libro manuscripto.*

Ad lapidem, & phlegma vesicæ.

Rec. Rad. Fœniculi
 Restæ bovis
 Chamædryos
 Betonicæ
 Parietariæ
 Florum Cheyri
 Rorismarini
 Salviæ
 Baccharum lauri
 Juniperi sing. drach. sem.
 Sem. genistæ scrup. j.
 Violaris
 Altheæ
 Anisi sing. scrup. j.
 Sem. frig. majorum
 Cinnamomi
 Nucis moschatæ sing. drach. j.
 Glycyrrhizæ rasæ drach. ij.

Fiat pulvis subtilissimus. Dosis scrup. j. cum decocto cicerum rub. *D. Blesius.*

Ad calculum pulvis.

Rec. Sem. melonum drach. j. l.

Gummi ceraforum unc. sem.

Sem. Milii Solis drach. ij.

Liquiritiæ rasæ drach. j. sem.

Sacchari candi unc. ij. sem.

Misce, & fiat pulvis. Dosis unc. sem. cum brodio cicerum rub. *Isabella Cortesa.*

Ad calculum syrupus.

Rec. Saxifragiæ

Milii Solis

Sem. ceraforum

Gran. alchekengi

Gentianæ

Cicerum rub.

} ana q. sufficit.

Coquantur in aqua cotoneorum usque ad tertiæ partis consumptionem, deinde coletur, & de colatura accipé lib. j. Mellis optimi lib. j. Aceti unc. j. coquantur, despumentur, fiatque syrupus; de quo patiens quotidie in aurorâ capiat cochleare unum, stomacho jejuno. *Ex lib. manuscripto.*

Ad calculum balneum optimum.

Recipe Hyssopi, malvæ, petroselini, parietariæ ana M. j. Seminis lini unc. sem. saxifragiæ M. j. Ponantur in sacculo omnia, & in aqua sufficienti coquantur, & fiat balneum. *Ex lib. manuscripto.*

Ad calculum pulvis.

Rec. Sanguinis hircini præparati unc. sem.

Lapidis Judaici

Lapidum cancerorum

Sem. persicorum singul. drach. j.

Sem. petroselini drach. ij.

Fiat pulvis subtilissimus. *Ex lib. manuscripto.*

Ad calculum.

Granorum juniperi drach. v.

Corticum cassiæ unc. sem.

Anisi drach. j.

Fœniculi drach. j.
 Lapidis Judaici unc. sem.
 Agarici
 Zingiberis
 Cinnamomi
 Galangæ singul. drach. j.
 Macis scrup. ij.
 Mithridatii drach. ij.
 Liquiritiæ rasæ drach. vj.
 Vini optimi part. ij.
 Vini ardentis part. j.

In vase vit. Utatur bis in mense cum cochl. *Ex lib. manuscr.*

Ad calculum probatum.

Rec. Anisi unc. iv.
 Cumini Romani, in aceto per diem integrum ad Solem infusi, & resiccati unc. iv.
 Sem. apii
 Petroselini
 Sacchari albissimi singul. unc. iv.

Fiat pulvis subtilissimus, quo utatur æger stomacho jejuno, singulis diebus cochlearii dimidii dosi cum pane tosto, vel brodio ciceris per mensem integrum, curabitur perfectè. *Ex lib. manuscripto.*

Ad calculum pulvis.

Rec. Rad. enulæ, rad. pimpinellæ, sem. anisi, sem. petroselini, sem. fœniculi, granorum juniperi, sem. saxifragiæ albæ an. unc. sem. Fiat pulvis subtilissimus, quo utatur cum vino calido manè stomacho jejuno, singulo die ultimo plenilunii, hoc est, uno die ante novilunium. *Ex libro manuscripto.*

Ad calculos.

Brasavolus vim incredibilem tribuit pulveri mespiloum ad deturbandos è renibus calculos, & ciendas urinas.

Ad calculum probatum.

Raphani in salis cumulos & salinas projecti, vel confecti, in aqueam falsuginem massam totam deliquesce-re ac resolvi cogunt. Ex quo multi adversus calculum & tophos arenaceos in corpore concretos, aquam ex corticibus, vel toto corpore raphanorum expressam, cum vino al-

albo, & pulvere terebinthinæ ex adustione, vel resiccatione ad Solem salubriter & successu admodum felici, exhibent. Res probata, & nullo auro æquiparanda. *Mizaldus.*

Aliud ad idem.

Ajunt nonnulli, baccas leucacanthi, seu albæ spinæ ex vino albo sumtas, deturbandis calculis admodum efficaces esse. *Idem.*

Ad calculos.

Si in lamina auri purissimi figura leonis sculpatur, Sole versante in Leone: & Lunâ non aspiciente sextam domum, nec domino ascendente Saturnum, vel Martem, Lunâque ab illis recedente, valebit sigillum hujusmodi circa renes gestatum, ad sævissimos illorum dolores, & cruciatus. Et si componantur trochisci ex pulvere selecti olibani cum hircino sanguine, imprimanturque in dicta Lamina, & siccati solvantur in vino albo, quod à jejuno bibatur, mirabilem effectum habebunt adversus calculos renum, & vesicæ lapidem. *Andreas Cordubensis, ad summum Pontif. Gregorium, & Albertus Magnus.*

Aliud ad idem.

Omnia genera lapidum, qui in capitibus piscium reperiuntur, trita, & cum vino exhibita, colicum dolorem compescunt; & calculum, qui in renibus defixus jacet, attenuant, & comminuunt. *Galenus & Avicenna.*

Aliud ad idem.

Adversus calculum multi de experientia magnificant pulverem pellis lucii piscis cum aqua parietariæ ex vino albo haustum. Alii idem pollicentur de pelle piscis barbatuli, & stillatitia aqua herbæ, quam argentariam vocant. *Mizald.*

Aliud adversus calculum.

Pulvis vitri ab Abenzoare in hunc fit modum. Frustum vitri crystallini densum & perspicuum terebinthinâ resinâ illinitur, & prunis imponitur, donec candescat. Aquâ extinctum, iterum illinitur, excoquitur & restinguitur. Ubi id septies iteratum erit, in subtilissimum pulverem atteritur. Ex eo pondus aurei, vel drachmæ unius ex vino albo, calculos efficaciter comminuit. *Galenus & Avicenna.*

Aliud

Aliud optimum.

Passerculus troglodytes vocatus, qui omnium avicularum, excepto regulo, minimus spectatur, & juxta sæpes ac muros victum quæritat, volatumque perbreve facit, naturalem vim, admiratione dignam habet. Sale enim conditus, & crudus in cibo acceptus, concretos calculos latio expellit, & ne renascantur prohibet, ac morbum perfectè sanat. Conditur optimè pennis evulsis, atque inde largo sale adobrutus, arefactus comeditur. Si plures adfuerint, coqui possunt more aliarum avicularum. Possunt etiam non deplumes uri in olla operta, & cinis unius usti, cum pauco pipere & cinnamomo exhiberi. Sunt qui vivum pennis prævulsis sale condiant, quod melius est. Alii affatos edunt integros, ita ut nihil ex eis præter pennas abjiciant. *Aetius & P. Ægineta.*

Ad calculos.

Gummi ceraforum in vino albo solutum, contra calculum profuisse, certo experimento compertum est. *Mizaldus.*

Aliud optimum.

Accipe aquæ vitæ optimæ, olei amygdalarum dulcium, singulorum unc. ij. misce, & bibe stomacho jejuno. *Ab amico experto.*

Ad calculum remedium bonum.

Ononis seu Anonis (quæ & acutella & resta bovis vulgò dicitur) contra calculos plurimum laudatur. Nam ab illorum cruciatu celerrimè liberat, ac eos expeditè educit, pulvere ex cortice radicum ejus hausto cum vino albo. *Mizaldus.*

Aliud ad idem.

Hoc loco mihi sanè quàm opportunè in mentem venit secretum cujusdam doctissimi Medici, facilè admodum & familiare, ad deturbandos è renibus calculos. Id solùm constat syrupo de Hyssopo cum duplo vel triplo aquæ parietariæ. Quo remedio per dies decem, aut duodecim hyeme propinato adolescenti cuiquam, & aliis, jejuno ventriculo, ille mihi fidem fecit, se multos calculos è corporibus eorum exclusisse. *Mizaldus.*

Calculosis & podagrosis amuletum.

Illud absque superstitione: radix pœoniæ masculæ Majo colle-

collecta, & crescente Lunâ, pro amuleto suspensa, podagricos, & calculosos juvat. *Cardanus.*

Ad renum dolorem, & tenesimum.

Pulli columborum occultâ proprietate renum dolori conferunt, & corruptum sanguinem emendant: sed dum interficiuntur, capite truncari debent. Eorundem carnes facultatem habent sanandi tenesimum, quem cucurbita, frequenter comesta, generare solet. *Rhasis.*

Ad vesicæ lapidem.

Constat hac ratione aquam fieri posse, quæ lapidem vesicæ per catheterem immissa, ilicò confringet. Nam cum duo sint necessaria, & quòd lapidem atterat, & quòd vesicæ sit innoxia, primum præstabit modus ac materia: nam extremos vapores è scorpionum cinere, vel macedonici petroselini, vel tecolitho, aut lapidibus cancrorum excipiemus: sic enim aqua fiet, quæ etiam porphyritem comminuat. *Cardanus.*

Ad renes expurgandos.

Si semen inventum in pilulis & globulis Lappæ minoris, in levissimum pulverem redigatur, & cum paucò vino albo generose exhibeatur, renes ab arenulis efficacissimè repurgabit, sed aliquanto celerius, si cum aqua vitæ hauriatur. *Mizaldus ab experto.*

Ad urinam ciendam.

Rubeta discissa & renibus superposita, urinam ciet vehementer, atque adeò, ut nonnunquam ascitici hoc medicamento liberentur. *Cardanus.*

Ad urinam movendam.

Scolimi, seu cinaræ radix decocta in vino, & pota, copiosam & graveolentem urinam prolicit: eodemque modo virulentæ & venereæ gonorrhœæ auxiliatur. *Dioscorides, Oribasius, Paulus & Langius.*

Ad lotii difficultatem.

Centipedæ in cellis vinariis repertæ, lotii difficultates egregiè solvunt, si vino albo intritæ hauriantur: vel siccatum pulvis ex eodem vino exhibeatur. Constat experimento cujusdam, qui sicuti id secreti liberè mihi impertivit; ita ego aliud ei candidè commune feci. *Mizald.*

Ad

Ad stranguriam.

Lapilli ex capite limacum & grandiorum cochlearum eruti, stranguriosis urinam moliantur, illius meatus lubricando, si comminuti ex vino exhibeantur. Auxiliantur etiam parturientibus, laxando & dilatando probè muliebres locos. *Mizaldus.*

Stranguriæ remedium.

Ad stranguriam lingua anseris ebibita mirabilis est, inquit *Cardanus.*

Ad vesicæ morbos.

Quædam à similitudine miro modo liberant: à similitudine, velut vesicæ bovis tres coctæ in aqua, ebibita aqua, siccatisque vesicis, ac cum aqua ebibitis, dicunt omnes morbos vesicæ sanari, præcipuè verò urinæ incontinentiam. *Cardanus.*

Ad vesicæ scabiem.

Decoctum herbæ, quam Hippurim vocant, scabiei vesicæ, malo intolerabili medetur, facta in multis experientia. *Mizaldus.*

Ad gonorrhæam.

Cinaræ radicem in vino coctam, & potam, venereæ gonorrhœæ præsens esse remedium felici successu se probasse scribit. *Joan. Langius.*

Ardoris urine medela.

Rec. Radicis malvæ,

Altheæ,

Petrofelini, ana M. j.

Coquantur in aqua fluviali usque ad consumptionem tertiæ partis, deinde coletur: cui adde butyri recentis ad quantitatem nucis, & bibendum præbe duabus horis ante prandium, stomacho jejuno. *A quodam Equite Ferra.*

Ad mingentes in lecto.

Accipe Succi foliorum cupressi,

Olei sesamini, sing. unc. ij. Misce & da in potu manè, & eundo dormitum tribus diebus, & non comedat acetositatem, neque olera, & valet propriè in mulieribus. *Bayrus, si recte memini.*

Ad effluvium urine.

Vesica ovilla, aut caprina cremata, & ex posca bibita,
vel

vel leporis testiculus ex vino odorato coctus, & potus, iis qui urinam inviti reddunt, benefacit. *Mizaldus.*

Ad dolorem hemorrhoidum.

Rec. Folior. Malvæ, Violariæ, Althææ an. M. j. f. Meliloti, Fœnigræci, florum Chamomillæ, feminis Lini ana M. j. Tapfi barbati M. ij. Paretur decoctum in aqua & vino rubro, pari portione. *Ex lib. manuscript.*

Ad hemorrhoidum dolorem.

Rec. Micæ panis, si fieri potest, hordeacei & in lacte muliebri, vel caprino madeat, addito vitello ovorum, & croco. *Ex lib. manuscr.*

Ad menstrua alba unguentum.

Rec. Corall. rubrorum,
Myrrhæ,
Corticum thuris,
Succi rosarum,
Nucum cupressi,
Balaustiorum,
Masticis,
Olibani,
Carabæ,
Spicæ nardi,
Galliæ moschatae,
Coriandri præparati, singul. scrup. j.
Olei rosarum,
Olei mastichini,
Olei nardini,
Olei rutæ, singul. unc. sem. cum pauca cera, fiat unguentum. *Roscellus.*

Ad uterum loco movendum.

Bardanæ majoris folium (quæ & Arction, & Personata dicitur) summo capite gestatum, matricem sursum tollit, sub planta pedis, deorsum. Quod remedium præstantissimum habetur adversus suffocationes, præcipitationes, ac dislocationes matricis. De folio brassicæ scribit Cato, quod vertici capitis impositum, vulvam ex defluxu pendulam, vel aliter affectam, sursum rapit. *Mizaldus.*

Ad

Ad mulieres utero strangulatas.

Experimento certissimo compertum est, bituminis suffitu, sive crudum sit, sive uratur, mulieres utero strangulatas extemplò revocari. Quamobrem nonnullæ hoc morbo obnoxia, lanâ exceptum illud, collo appendunt: ut crebro olfactu suffocationis paroxysmum arceant. *Lan-
gius.*

Ut mulieres fiant steriles.

Si dentes pueri inprimis cùm cadunt, suspendantur antequam veniant ad terram, & ponantur in lamina argenti, & suspendantur super mulieres, eas prohibent imprægnari & parere. *Albertus.*

Ad idem.

Si mulier accipit singulis mensibus de urina mulæ pondera duo, & biberit, ipsa non concipiet. *Cleopatra.*

Aliud ad idem.

Si semen acetosæ ligetur in panno, & suspendatur super tympanum sinistrum, non concipiet, donec permanet super ipsum. *Albertus.*

Aliud ad idem.

Quando bibit mulier urinam arietum, vel sanguinem leporis: vel, si stercus leporis suspendatur super mulierem, nunquam concipiet. *Albertus.*

Aliter ut steriles fiant mulieres.

Quòd si quis extraxerit calcaneum mulieris mustelæ, ipsâ existente vivâ, & suspendatur super mulierem, non concipiet, donec maneat super eam: & quando removetur, imprægnatur. Vel, si accipiantur duo testiculi mustelæ & stringantur, & ligentur in crucem mulieris, & habeat eos secum, mulier non concipiet. *Albertus.*

Ut homo semper eunuchus sit.

Ut homo semper eunuchus sit, accipe ex vermiculo, qui in æstate lucet, & da ei bibere. *Albertus.*

Adversus sterilitatem mulierum.

Semen rumicis, seu sylvestris lapathi, sinistro brachio alligatum, sterilitatem in mulieribus emendat. *Africanus.*

Mulier ut concipiat.

Si mulier non potest concipere, accipe cornu cervinum pulverizatum, & misceatur cum felle vaccino, teneat mulier super se, coëat, & statim concipiet. Vel detur mulieri nescienti lac jumenti, eâ horâ coëat, & statim concipiet. *Albertus.*

Conceptum juvantia.

Juvatur natura similibus, lac equæ bibitum à mensibus, uterus leporis, hirci testiculi adjuvant ad conceptum: Quædam certa ratione, phu, scobs ligni cupressi, cortex mori, & artemisia. *Cardanus.*

Abortum prohibentia.

Existimant foetus contineri, si vermis qui in gramine invenitur vivus, & antequam terram tangat, collo suspendatur: diximus aliàs de ætite lapide. *Cardanus.*

An mulier gravida sit?

Si experiri voles an mulier sit gravida, fac ut lotium reddat in vase æneo: & per noctem unam acum ferream, & perpolitam in illud demerge. Si prægnans erit, maculis rubris distinguetur: sin minùs, nigrescet, vel ferruginea, aut æruginosa evadet. *Expertum fuisse intellexit Mizaldus.*

Filiorum, quos habitura est mulier, numerus ut cognoscatur.

Caret autem ratione quod dicunt, nodos in umbilico ostendere filios ex eadem matre nascituros: aut enim simpliciter: atque hoc superstitiosius Astrologorum prædictionibus. Fieri enim potest, ut moriatur, aut casta vivat, quæ plures sit habitura filios: aut non simpliciter, sed quia potest, hoc autem modo plures nodos habebunt, atque uni conjuncta viro plures alteri cautiores: quod esse non potest, ut simul diverso numero comprehendatur, aut maximum numerum continebit, quomodocunque conjungatur. Cum ergo rarissimè contingat, hanc potestatem non fru-

frustrari : aut enim non commodè juncta erit , vel etiamsi commodissimè morbis aliisque occasionibus impediatur : quomodo igitur sciri hoc potuit , quod nunquam fermè accidit ? Dicendum igitur erit , fœcundos uteros plerumque plures nodos parere in umbilico, steriles autem paucos, nec ad unguem distinctos , ut eventui persæpè concordare videatur : atque hoc modo problematum veritas exquiratur. *Cardanus.*

Ad fœtus retentionem optimum.

Rec. Olei myrtini ,

Mastichini ,

Terebinthinæ singul. drach. j.

Sandali rubri & citrini ,

Hypocystidis ,

Acisë singul. drach. v.

Spodii ,

Rosarum rubr. ana drach. iv.

Boli Armeni ,

Terræ sigillatæ ,

Rasuræ eboris , singul. scrup. ij.

Masticis ,

Myrrhæ ,

Vernicis ,

Sanguinis draconis ,

Styracis liquidæ ,

Picis Græcæ ,

Mumiæ , sing. drach. j.

Picis navalis ,

Picis Græcæ , ana quantum sufficit.

Fiat ceratum , quod partim supra renes , partim supra matricem , vel supra regionem vesicæ ponatur. *Roscellus.*

*Ut mulier citò pariat , & sine dolore ,
expertum.*

Rec. Gallithrici quantum satis est , contundatur benè , & exprimatur succus : de quo accipito poculum dimidium , & cum vino mulieri parturienti ad bibendum dato. Mox herbam expressam calidam supra umbilicum ligato. *Alexius.*

Ad partum accelerandum.

Spolium serpentis quando stringitur super ancham mulieris, accelerat partum; sed cum parit, illico removeatur. *Albertus.*

Ad partum.

Filia quæque septima nata miro modo partum adjuvare traditur. *Corn. Agrippa.*

Ad partus facilitandos.

Si ex partu laborans mulier, ocimi radiculam cum penâ hirundinis tenuerit, absque dolore illico pariet, quod ab amico probatum intellexit *Mizaldus.*

Aliud ad idem.

Pastinacæ piscis radius adalligatus umbilico, fertur faciles partus facere, si vivente ablatum sit, ipsâque denuò in mare demissâ. *Corn. Agrippa.*

Et narrat *Democritus*, linguam chamæleontis, si viventi erepta sit, ad judiciorum eventum pollere, eandemque salutarem esse parturientibus circa domum: cavendum autem, ne domo inferatur, quia esset perniciosissimum.

Ad secundas movendas.

Calendulæ aquam omnibus oculorum morbis conducere tradunt: adhæc capitis dolores tollere, suffitumque ex ejus floribus pudendo muliebri per infundibulum, vel aliter exceptum, secundas morantes faciliè evocare, & profugas reducere. Hoc secreto vetulam quandam obstetricem mirâ arte emunxi, dum meâ egeret operâ, in enixu puerperii cujusdam locupletis matronæ. *Mizaldus.*

Unguentum purgans.

Rec. Olei rosati,
 Olei violacei,
 Olei amygdalarum amararum,
 Olei rutæ,
 Olei sambuci,
 Olei cataputiæ, singul. unc. j.
 Fellis vervecis,
 Fellis taurini, ana unc. f.
 Fellis porcini, unc. j.
 Cera, quantum satis est.

Misce,

Misce, & fiat unguentum, quo inungatur ventriculus, & umbilicus, &c. *Roscellus.*

DE MORBIS MANUUM.

Ad manuum tremorem.

Artemisia in aqua rosarum macerata, tremulas manus emendat, si inde laventur. *Mizald.*

Ad extrahendas spinas è digitis.

Rec. Abrotanum quantum satis est, tere, & cum aceto misce, & superponito. *Ex lib. manuscripto.*

DE MORBIS PEDUM.

Podagræ remedium, quo Rex Daciæ utebatur.

Rec. Turpeti,

Hermodactylorum, ana drach. ij.

Zingiberis,

Salis gemmæ,

Cinnamomi, ana drach. iis.

Diagrydii,

Anisi,

Fœniculi, ana drach. j.

Sacchari candidi unc. ij.

Fiat pulvis, de quo sumatur ad quantitatem drachmæ unius, & dimidiæ, usque ad duas, si non sufficeret prima quantitas, & in æstate sumitur cum aqua endiviæ: in hyeme verò cum brodio pulli, per horas quinque, vel sex ante prandium dormiendo per unam horam post, vel quiescendo, & potest sumi bis in mense, vel saltem semel, & hoc penultimâ die Lunæ; præmittantur autem per tres dies omni mane uncia sex aquæ mellis ad modum syrupi; hoc enim disponit vias pulveri: tempore verò intermedio, omni sero cum itur dormitum, sumantur pilulæ duæ, vel tres de Iua, quæ conficiuntur ex pulvere ipsius Iuæ, & terebinthina quantum satis est. Patiens verò pro posse sobriè vivat, ut tanto remedio gaudere possit. *Ex lib. manuscripto.*

Ad podagram.

Rec. Picis navalis lib. ij.

Colophonæ,

Ceræ , ana lib. v.
 Semin. Nasturtii ,
 Baccarum Lauri ,
 Sulphuris vivi ,
 Cimimi ,
 Croci ,
 Absynthii ,
 Anisi ,
 Pulegii ,
 Masticis singul. unc. ij.
 Cinnamomi drach. j.
 Zingiberis drach. ij.
 Caryophyllorum drach. v.

Fiat emplastrum secundum artem. *Ex lib. manuscr.*

Pilulæ ad podagram.

Rec. Aloës ,
 Myrrhæ electæ , ana drach. j.
 Rhabarbari electi ,
 Agarici trochiscati , ana drach. v.

Cum syrupo rosato laxativo fiat massa. Ex drach. j. fingantur pilulæ v. Capiat per duas horas ante cibum, singulis quindecim diebus. *Ex lib. manuscripto.*

Ad dolores podagricos in principio.

Rec. Olei papaveris lib. ij.
 Spicæ nardi unc. ij.

Misce & macera per octo dies ad Solem , deinde exprime & serva. Tempore usus adde aliquantulum aquæ ex opio destillatæ. Idem facit oleum Hyoscyami. *Henr. Wolffius.*

Pilulæ ad Podagram.

Rec. Succi Hellebori nigri ,
 Succi fumi terræ ,
 Succi Colocynthidis ,
 Succi Gentianæ ,
 Succi Petasites ,
 Succi Rhabarbari ,
 Agarici ,
 Rhabarbari pulverizati ,
 Masticis , singul. drach. j.

Misce

Misce omnia bene, & fiat massa, ex qua formentur pilulæ. Dosis drach. j. ex qua tres pilulæ parentur. *Henricus Wolffius.*

Podagræ remedium.

Rec. Olei cinnamomi,
Olei ceræ,
Olei salis, sing. part. j. Misce. *Andernacus.*

Ad podagram in principio fluxionis.

Rec. Farinæ hordei unc. iij.
Farinæ lentium unc. ij.
Terræ sigillatæ,
Sanguinis draconis ana drach. ij.

Coquantur farinæ lento igne cum posca, deinde misceantur pulveres, cui adde olei rosati unc. ij. Ceræ novæ unc. j. fiat in modum cerati. Et ubi fluxio sedata fuerit, adde pulveris florum Chamomillæ unc. sem. Croci drach. j. Vitelli ovorum num. ij. *Ex lib. manuscr.*

Ad podagram.

Experimentum Regii cujusdam Chirurgi adversus podagras & chiragras: Habe manipulum Artemisiæ, defervefacito in oleo dulci olivarum, donec decrescat ad tertias: eo dolentem locum inunge, senties brevi tempore dolorem sedari. *Mizaldus.*

Aliud ad idem.

Milvi caput deplume ustum, & quantum capi potest tribus digitis cum aqua sumtum, podagricis auxiliatur. *Mizaldus.*

Ad podagram.

Si acceperis dextrum pedem testudinis, & suspenderis eum super dextrum pedem podagrici, confert ei. Similiter si sinistrum sinistro, & sic manus ejus confert manui, & digitus digito. *Albertus.*

Ad dolores podagricos.

Nec mirum videri debet, quòd corium calcanei dextri
L 4 vul-

vulturis super pedem dextrum, & sinistri super sinistrum podagrici levare possit dolores. *Cardan.*

Ad Ischiadis dolores.

Decoctum corticis populi albæ Ischiadicos summè recreat. Quod etiam præstat succus frondium genistæ in aceto maceratarum. *Mizald.*

Ad articulorum affectus.

Oleum, in quo decoctæ fuerint ranæ usque ad separationem carnis ab ossibus, plurimum valet ad omnes nervorum & articulorum affectus, perfrigeratque membra, si eo calente ungantur. *Mizaldus.*

Ad arthritidem.

Ex arthritide autem & articulorum morbis primum Joan. Antonium Scazosum, Joan. Baptistam Mareschalcum è Senatus libellis, & filiam Joan. Angeli Linati, tum alios innumeros liberavi. Sed juvat horum trium insigniorum curam narrare. Laborabat ergo Jo. Antonius Scazosus biennio arthritide, nil proficientibus Medicis, quem ego exhibitione decocti ex ligno Guajaco cum betonica, & catapotiiis ex hermodactylis, curavi. At Joan. Bapt. Mareschalcus iiij. jam mensibus (eratque mensis ille, quo curare aggressus sum illum, Decembris) conflictabatur: præterea duabus febribus: unâ intermittente, alterâ continuâ; & quod omnium deterrimum fuit, cibum omnem averfabatur, & fermè immobilis cum esset, meritò à Medico suo vel pro insaniabili habebatur: vel expectandum ver ad curam contendebat, ob idque diffidebamus. Ego enim non existimavi hoc faciendum, quandoquidem affectæ particulæ indies fiebant imbecilliores, neque enim in humano corpore quicquam quiescit: sed si non in melius proficiant, necesse est, ut in deterius prolabantur. Itaque colocynthidem in melle coxi puro; mel autem odoratis mistum, velut offam devorandum dedi: decoctumque interim ligni ex aqua propinans, ante finem hyemis perfectè sanavi, ut nunquam postea in eum morbum reciderit, & adhuc vivit. Filia autem Angeli Linati jam biennio experta non solum omnes Medicos, sed etiam circulatores, sumferat vinum, aquam, unctiones, & suffumigia ex cinnabari factitiâ, nec sanari poterat. Dolebant ei crura, ac tremore vexabatur ita, ut totas noctes

noctes vigil persæpe duceret, absque spe, ut par erat tot frustra tentatis potentissimis auxiliis. Itaque exhibito vino cum optimo cortice, curandam interim particulam ipsam suscepi, excogitatoque præsidio, quod & causæ morbi, & morbo adversaretur, ipsum confirmaret membrum, lachrymæ ligni magnam quantitatem excipi jussi: quâ cum thure, ligno aloës, semine balsaminæ, styrace odorata, cortice citri mistis, & sæpe cruribus eo suffumigio calefactis (aderat & lapis gagates copiosus) sanata est perfectè, convaluitque: liberavi etiam Pet. Ant. Besutium, juxta ædem sacram Breram, non procul à Porta Beatrice laborantem arthritide, eisdem penè auxiliis, quibus etiam Scanzosum, cum hic à Medico suo, omnibus in deterius labentibus, destitutus esset.

Ne pedes aut manus à frigore ledantur.

Si quis nolit pedes, vel manus à frigore offendi, pinguedine vulpis inungat. *Mizaldus.*

Torpori sanando.

Cum membra compressa detinentur, spirituum transitus prohibetur, unde torpent adeò, ut non tutò homo illis se committat, sentiturque stupor: at verò præter id vellicationem quandam, velut formicarum: ea fit, quoniam partes inæqualiter afficiuntur; stupidæ enim sanis cohærent: quamobrem hic affectus & ob impotentiam, & ob doloris speciem quandam, gravis persæpè homini est. Nichil autem præsentius, quàm membrum totum vehementer extendere, ac fricare, vel alterius lateris manu, pollice apprehenso, pedem patientis cruris elevare. *Cardanus.*

DE MORBIS PARTICULARIBUS externis.

Ad capitis vulnera.

Rec. Aquæ vitæ lib. ij. sem.

Masticis triti,

Myrrhæ pulverizatæ,

Aloës tritæ, sing. unc. j.

Bulliant bullitione unâ ad ignem, deinde coletur aqua, cum vulnera fuerint lota, sequens pulvis inspergatur. Accipe Olibani, Myrrhæ, Aloës ana unc. j. Misce & fiat pulvis subtilissimus. *Roscellus.*

Aliud ad idem.

Rec. Olibani ,
 Myrrhæ ,
 Aloës ,
 Resinæ singul. unc. j.

Fiat pulvis, quo vulnera prius aquâ vitæ lota , aspergantur.

Ad vulnera, spasnum, & dolores, oleum.

Rec. Terebinthinæ claræ lib. j.
 Olei communis unc. j.
 Olibani ,
 Myrrhæ ,
 Sarcocollæ ,
 Masticis ,
 Croci singulorum unc. j.
 Panis porcini ,
 Caudæ equinæ ,
 Rubiæ tinctorum singulorum unc. j.
 Vermium terrestrium unc. iij.

Ponantur omnia in retorta, & destillentur secundum artem. *Fallopious.*

Ad omnis generis vulnera, oleum mirabile.

Rec. Terebinthinæ lib. j.
 Olibani
 Masticis
 Myrrhæ
 Sarcocollæ singulorum unc. j.
 Aquæ vitæ unc. viij.

Misce, & destilla in retorta, postea oleum ab aqua separa, & serva. *Fallopious.*

Aliud, præsertim ad nervorum vulnera.

Rec. Terebinthinæ claræ lib. j. sem.
 Cerae flavæ lib. j.
 Nucis moschatae
 Caryophyllorum singulorum unc. j.
 Cineris lignorum combustorum unc. vj.
 Laterum tritorum q. f.

Misce, & in retorta destillentur. *Fallopious.*

Aliud

Aliud ejusdem, ad idem.

Rec. Olei abietini lib. j.

Albuminum ovorum coctorum lib. j.

Resinæ unc. vj.

Gummi hederæ unc. ij.

Misce, & destilla in retorta secundum artem.

Balsamum ad vulnera, Ejusdem.

Rec. Terebinthinæ claræ lib. j. sem.

Olei laurini

Galbani

Gummi Arabici

Gummi hederæ, singulorum unc. j.

Olibani

Ligni aloës

Galangæ

Caryophyllorum

Nucis moschatae

Consolidæ minoris

Cinnamomi

Zedoariæ

Zingiberis

Dictamni albi sing. drach. vj.

Styracis liquidæ singul. unc. ij.

Moschi

Ambrae singul. drach. j.

Pulverizanda pulverizentur, misceantur: quibus adde aquæ vitæ lib. viij. pone in vase vitreo optimè obturato per dies octo; deinde destillentur primò igne lento, quousque oleum manare incipiat, tum augeatur, donec totum destillaverit; deinde oleum ab aqua separa, & serva.

Oleum ad vulnera.

Rec. Terebinthinæ lib. ij.

Olei lini lib. j.

Resinæ pini unc. vj.

Olibani

Masticis

Myrrhæ

Sarcocollæ

Macis,

Macis , Croci

Ligni aloës sing. unc. ij.

Ponantur in retorta , & destillentur primò igne lento, postea fortiori. *Fallopious.*

Oleum ad vulnera 24. horis curanda: ℞ ad rupturam, &c.

Rec. Olei communis lib. vj.

Olei abietini lib. j.

Myrrhæ electæ unc. vj.

Aloës lotæ

Olibani singulorum unc. vj.

Mumiæ unc. ij.

Glutinis communis unc. vj.

Granorum tinctorum unc. iiij.

Picis navalis unc. vj.

Gummi arboris sycomori unc. ij.

Amurcæ olei lib. ij.

Rad. Althææ unc. vij.

Omnia in cucurbitam vitream robustam ponantur, & per horas xij. in balneo Mariæ coquantur: postea coletur, colaturæ addatur

Serpentariæ

Balaustiorum

Consolidæ majoris cum floribus, herba & radicibus,

Betonicæ,

Nicotianæ sing. M. iiij.

Balsaminæ, cum herba & fruct.

Foliorum Cypressi ana M. iiij.

Vesicarum ulmi n. xl.

Millefolii,

Brassicæ marinæ singul. M. iiij.

Dactylorum maturorum n. xxv.

Hypericonis,

Perforatæ,

Centaurii minoris,

Bursæ pastoris sing. M. iiij.

Coquantur iterum in balneo Mariæ per horas 18. deinde ponantur ad Solem per æstatem integram, in vase optimè obturato. Quo factò, omnia eximantur, colentur, exprimendo fortiter, oleo denique addantur croci triti unc. iiij. coquanturque simul per horas tres, & oleum fervetur

tur ad usum. Hoc oleo ad rupturam si uti voles, prius pili abradendi, deinde per 15. dies ruptura bis quotidie inungenda: mox vesicâ porcinâ, & fasciis firmiter & ritè liganda. Curandum verò, ut in lecto æger per dies xv. quiescat. *Roscellus.*

Ad vulnera.

Ad vulnera quævis præstantissimum est, ac paratu facile, sequens remedium. Sumuntur picis Græcæ, sulphuris & olibani albi singulorum partes æquales, teruntur, ovorum albuminibus excipiuntur & vulnerum labris ritè obductis, abstersoque sanguine, super linteolo imposita eidem vulneri applicantur, fasciâ deligantur, & dies aliquot ibidem manere permittuntur. Res mira & probata. *Mizald.*

Ad ulcera maligna.

Mirabilis & citò probabilis aqua, nullo auro comparanda, ad hunc fit modum. Aqua pura & limpida in vas, nullo antea liquore imbutum, mittitur. Ubi effervescit ilicò in vivam & recentem calcem, alteri vasi novo impositam effunditur: ac ibi tamdiu quiescere permittitur, donec detracta spuma, clara & pellucida appareat subsidente ad imum vasis calce, pultis modo diluta. Tum demum aqua supernatans excipitur per vasis inclinationem, sed calce immotâ, & phialâ mundâ, aut alio vasculo diligenter obturato, ad usum servatur. Vix credi possit, quantum habeat energiæ & miraculi in ulceribus quibuscvis, & maximè à lue Venerea obortis. Nam fotu ex linteolo in ea tepente madefacto, & vice emplastri post hæc ulcere imposito, ac subinde renovato, saniem deterget, dolores sedat, ulcus carne replet, ac inflammationes pauco tempore extinguit: non absque ingenti miraculo, cum sui caloris vehementiâ alioquin incendat calx viva. Fruere hoc excellentissimo secreto, quod multâ prece, precioque multo, multis recusavi. *Mizaldus.*

Preciosum oleum Balsaminum, quod instillari potest vulneribus, quæ non capiti, sed alioqui corporis partibus sunt inflicta.

Accipe Olei rosati uncias novem.

Rhabarbari minutim contusi uncias sex.

Hæc

Hæc firmiter contexta in ampulla sive lagenâ stannea per tres dies stare facito. Deinde lagenam unâ cum prædictis in balneum Mariæ immittito, & ad horæ medietatem probè bullire finito. Postea in lagenam injice Masticis subtiliter contusi drachmas sex. Item thuris, bdellii, opopanax, camphoræ, ana sive partes æquales, verb. gr. unc. dimid. postea illud oleum per mundum panniculum laneum excolato, ita ut omnis virtus prædictarum specierum inde exprimatur, habebisque in usum paratum oleum præstantissimum. *Rantzovius.*

Insigne cataplasma vulnerarium, contra quemvis ictum, quo usus est Christianus II. Rex Danie.

Rec. Cerae uncias tres cum semisse.

Colophoniam seu picis Græcæ

Aschenschmalz

Mumia, ana sesquiunciam.

Myrrhæ unciam unam.

Minii unciam dimidiam.

Corallorum alborum drachmas tres.

Magnetis unciam unam.

Ceram unâ cum colophonia primùm dissolvi facito, deinde mumiam adjice, postea das Aschenschmalz. Hæc ad lentum ignem collocato, & probè versato. Deinde reliquis quoque prædictis speciebus immixtis, ad lentum ignem paulisper stare finito, probè frequenterque moveto, sæpè etiam periculum facito, num satis sit decoctum, & in fundo subsidere incipiat. Stilla ex alto guttulas aliquas ex calida spatula in frigidam. Quòd si illud in frigidari, & spatulæ adhærescere senseris, ab igne removeto, tamdiuque versato, donec suâ sponte sit frigefactum, & in solidam coeat massam, ne sequentia tria gummi in eo adurantur. Adde insuper Thuris & Masticis ana unc. unam, Camphoræ sesquiunciam, & in olla tamdiu moveto, ut in frigidatum durtiem contrahat, & manibus tractari, prædictoque adipe subigi possit. Et hoc modo cataplasma ritè paratum habes. Quòd si igitur vulnus inflictum est recens, panno lineo crassiori illito, & parti affectæ applicato. Quibuslibet etiam vulneribus, sive cæsim gladio secante, sive punctim mucro-

mucrone sint inflicta, hoc cataplasma rectè adhiberi potest.
Idem.

Potio vulneraria ejusdem.

Rec. Limonii sylvestris, id est, Wintergrün, & Betonica ana drachmam unam, faniculæ & pedis leonis, id est, Sinnamon ana drachmam dimidiam, cum duabus mensuris vini in nova olla vitreata firmiter occlusa, quæ farina subacta probè obturetur. In medio autem operculi foramen relinquatur, per quod vapor egrediatur. Coctura hujus potionis ad spacium duarum horarum continuetur. Ex hac potione homini sauciato singulis diebus manè & vespèri ad quantitatem unius cochlearis exhibe bibendum, & loco affecto brassicæ folia, vel præcedens cataplasma impone.

Alia vulneraria potio, quâ vulnera mirum in modum curantur.

Accipe duas mensuras cerevisiæ vetustissimæ, injice manipulum clematis sive pervincæ, cauliculum artemisiæ rubæ, paulum herbæ, quæ dicitur Rodicheil, vel in defectum hujus sume meram pervincam, decoque ad medietatem in vase fictili, operculo probè tecto. Deinde excola in ollam lapideam sive lagenam, sic ut orificium ejus probè obstrui possit, ne aër ingrediatur, postea usui serva. Ex hac potione dabis homini vulnerato sive læso mane jejuno ventriculo, in meridie post sumtum cibum, vespèri cum discessurus est cubitum, singulis vicibus ad quantitatem trium cochlearium, jubebisque ut læsus postea duabus aut tribus horis abstineat à cibis, & quoties inde biberit, paululum instillet in vasculum, & hoc vulnus abluat. Folium etiam brassicæ rubrum, aut maximè fuscum liquore hujus potionis imbutum, vulneri imponat, ita tamen ut asperius folii latus, versùs vulnus sit coaptatum, quod linteo firmiter involvatur. Quòd si vulnus poterit constringi acu, fiat id quoque, ne magna cicatrix inde remaneat, alioqui nihilominus tamen vulnera consolidat hæc potio.
Idem.

Vulnus ut sine dolore infligatur.

Magneti non absimilis videtur alius magnes candidus, cujus ego experimentum tale vidi. Attulerat *Laurentius Guasens*

Guasclus Cherafcus, provinciæ Taurinensis Medicus empiricus, his diebus hunc lapidem, pollicebaturque posse, si vel stylum aut acum tangeret, carnem totam absque ullo dolore penetrare: quod cum nobis, ut par est, ridiculum videretur, rem experimento in meis contubernalibus confirmavit. Ego tandem, ut tam incredibilis rei periculum facerem, acum ipsam prius lapidi affricatam, cuti adjutorii brachii intuli, sensique primò levissimam punctiōis imaginem: post, cum totum musculum quasi directâ penetraret, acum quidem in profundum, quâ penetrabat, penetrare sentiebam, dolorem nullum penitus sensi: tumque familiaribus, quod in me fueram expertus, credidi. *Cardanus*.

Cataplasma præstantissimum, quod cum in Comitatu Tyrolensi apud Carolum V. Oenoponti commoraretur, Joannis Friderici quondam Saxonie Electoris Chirurgus, Illustrissimum Holsatiae Ducem Adolphum docuit, & contra quemvis ictum, & ad vulnera à tormentorum globulis illata, mirabilem curandi vim habet.

Recipe Galbanum,
 Ammoniacum,
 Opopanacum,
 Bdellium,
 Ceram,
 Olei communis sing. lib. ij.
 Argyritis seu argenti spumæ præparatæ,
 Silberglett lib. unam.
 Olei laurini unciam dimidiam.
 Myrrhæ,
 Thuris,
 Mastichis,
 Aristolochiæ,
 Terræ cadmiæ, sive lapidis calaminaris præparati,
 Tutie ana unciam unam.
 Camphoræ unciam dimid.
 Terebinthinæ drach. unam.

Redige ad pulverem, quem fac igne excandescere, & quicquid dissolvendum est, dissolve, & in morem cataplasmatidis forma, modo sequenti. Quatuor gummi macera nocturno

cturno tempore in aceto acerrimo ex vino confecto, in vase ex orichalco fabrefacto, aut olla incrustata, ita ut acetum gummi quantitatem excedat, postea decoque gummi tantisper, donec sordes, excrementa aut ligna iis separantur. Deinde exprime sive excola per linteum in cacabum aut lebetem, & gummi iterum coque usque ad consumptionem aceti, & donec gummi à lebete segregentur.

Fac colliquescere oleum & ceram in pelvi ex orichalco, immitte argyritim sive spumam argenti, & versa rudiculâ, ut argyritis in fundum subsidat, & cum colorem fuscum induere cœperit, fac periculum lato cultro aut spatulâ. Quod si non adhæserit cultro tenaciter, sed inde resolvitur, perfectæ decoctionis est signum. Ab igne igitur remove statim & paululum infrigidari finito, non tamen nimis citò. Postea de quatuor gummi maceratis in aceto singulis vicibus ad quantitatem fabæ, vel nucis avellanæ, immitte in decoctum cataplasma pedetentim, donec gummi propius ingressa fuerint. Nam si simul injicerentur, cataplasma nimis ebulliendo ascenderet: fortassis etiam omnino effunderetur. Verum ad maiorem cautelam pelvim cum aqua in promptu habeto, ut si nimis forsitan bulliat, supra aquam teneri, & infrigidari possit: illudque rursum emplastro adjice, quod in aquam effusum est. Et postquam gummi planè in emplastrum ingressa fuerint, cocturam ejus de integro repete, parumperque decoque. Deinde adjice Myrrham, Masticem, Thus, Terram cadmiam, Aristolochiam. Redige iterum in pulverem tenuissimum paulatim supra ignem, non nimis calidè tamen, ne pulvires ardore conflagrent vel consumantur. Extremò **in**ijce Terebinthinam & oleum laurinum, & cum planè ab igne remotum, & infrigidatum fuerit, adjice camphoram. Deinde effunde in aquam calidam, donec aptum efficiatur, ut manibus tractari, & subigi possit. Postea macera oleo artemisiæ, ut nitidum & purum reddatur. Immitte in pellem hinnuli benè præparatam. Tunc ad 40. aut 50. annos usui conservari potest. Conducit hoc cataplasma adversus omnia vùlnera sclopetaria, contra ictus, & vulnerum inflammationem. *Henricus*

Rantzovius.

*Ratio conficiendi pulveris utilis contra dissectionem
nervi alcujus, qui à Chirurgo est
conglutinandus.*

Rec. Oculos cancri, subtilissimum pulverem comminutos in parvo linteolo. Hunc pulverem nervis insperge, & siccis fasciis ex linteolo confectis, locum obliga, ne humiditas aliqua ad nervos penetrare possit. Hanc ligaturam per spatium 24. horarum intactam relinquito. Elapso prædicto temporis spatio Chirurgus nervum inspiciat, ipsiusque conglutinationem exploret, & deinceps vulnus illud calidis vinculis deliget, instar alterius vulneris recentis, & post diem unum aut alterum ligaturam dissolvat. *Idem.*

*Ratio certa, quâ fluxus sanguinis ex quovis vulnere
erumpentis, cohiberi potest.*

Ineunte Vere, cum ranæ semina prima sive ova projiciunt, tunc accipe crassioris linei panni ulnas tres, vel quatuor, plus minusve, quantum satis est. Hunc pannum cum hujusmodi ovis ranarum probè abluito, Solique siccandum exponito. Deinde secundo tertioque lotum, similiq̃ue modo in Sole siccatum, usui diligenter servato. Cum autem hoc uti volueris, partem vulnere duplo majorem, inde præcisam instar cataplasmatidis vulnere imponito, sanguinis effusio statim supprimeretur, quod certo experimento in plurimis est comprobatum. *Idem.*

Escharoticum sine dolore.

Fit escharoticum absque dolore facilè, quod cutem percutit in horis 24. Si sana est cutis ipsum solo corio circumdatum imponitur: sin autem sanies, ut in suppurationibus subest, locus aceto acerrimo lavatur. Constat medicamentum è tenero sapone & calce viva tenuissimè mixtis, adeò ut in unguenti formam transeat. *Cardanus.*

Ulceris maligni prodigiosa curatio.

Gallorum Regis frater, natu minor, laborabat ulcere pessimo, prodigiosæque turpitudinis: curatus est afflatu perpetuo pueri annum agentis duodecimum. Nec absque ratione: spiritus enim à corde impubis, ætate firmâ tamen, sincerus est, ac corruptos humores emendare potest. *Cardanus.*

Ad

Ad ulcera.

Novi, qui antelucano medii Veris tempore, mense nimirum Majo, stratis super gramina lintheaminibus, rorem exciperent, expressum decoquerent, despumarent, & tum demum panniculos in ejus decocto madefactos, successu admodum felici, ulceribus phagædenicis applicarent: & sic aspersa, ficcataque roris acrimonia ad unguem consolidarent, una incocto aluminis, & olibani momento. *Mizaldus.*

Escharoticum cutim celerrimè perforans.

Sæpe nobis contingit, ut cutim seu carnem erodere ac perforare celerrimè velimus, non satis fidentes sectioni: alias mollissimum medicamentum descripsimus, nunc efficacissimum: ex aqua enim saponis, aut lixivio tinctorum, quod ex cineribus fit, conficitur hoc modo, lib. xij. lixivii acerrimi super calcem vivam & roboris cinerem superfunduntur, permittunturque destillare, inde super aliam calcem, & cinerem, denuò infunditur, repetiturque donec ovum sustineat aqua. Inde adduntur chalcanti unc. singulæ in sing. libras, aut dimidium, & in æneo lebetæ sensim spissatur, donec extractum cogatur in pastillos: cochleari enim sensim extrahitur, hoc in octava parte horæ, si rectè præparatum fuerit, perforat. *Cardanus.*

Ut scias an membrum aliquod sit sideratum.

Si quis experiri volet, num membrum aliquod amputandum, verè sideratum fuerit, & sphacelismo tactum, partem eam porrorum, quæ virescit, contundat, & unâ nocte membro superponat. Id si postridie livorem aut nigrorem nonnihil exuerit, significabit vitale adhuc esse, sin minus mortuum & justè amputandum, ne pars sincera trahatur. Experimentis multis confirmatum fuisse mihi fidem fecit Hispanus quidam, arcanorum naturæ explorator indefessus, quod posteris impertitum volui. *Mizaldus.*

Ad extrahenda è vulneribus spicula.

Sagittæ spiculum, vel ferrum quodvis ex vulnere detrahes, si specillum vulnerarium succo valerianæ imbutum, ipsi vulneri indideris, & contusam herbam superligaveris. Sic enim non solum revelletur ferrum, sed etiam unâ vulnus sanabitur: nisi insigniter mentiatur Italus, qui hujusce rei periculum se fecisse, mihi affirmavit. Idem præstant folia

hormini fativi, quæ nostra est orvalla, trita, aculeos ac spinas corporibus detrahunt. *Mizald.*

Ad membra resoluta.

Recipe Pinguedinis vervecis optimæ pocula duo, coquantur ad medietatis consumptionem; deinde addatur olei rosacei poculum unum, & iterum ad consumptionem medietatis coquantur, quo partes resolutæ inungantur. *Roscellus.*

Aliud ad idem.

Rec. Rosmarini

Majoranæ

Menthæ

Sabinæ

Menthastri

Salviæ sing. quantum sufficit.

Contundantur optimè, & cum medulla pedum bovis fiat unguentum. *Roscellus.*

Ad Resolutionem nervorum.

Rec. Sanguinis humani qu. f. destilletur septies secundum artem, quousque aqua omnis exierit, quâ nervi resoluti inungantur. *Fallop.*

Ad Rupturam.

Rec. Foliorum & florum anthos.

Foliorum myrtillorum sing. unc. sem.

Resinæ

Emplastri de betonica sing. unc. ij.

Terebinthinæ claræ q. f.

Fiat emplastrum. *Ex lib. manuscr.*

Ad Pediculos pudendorum.

Rec. Axungiae porcinae

Argenti vivi

Salviæ

} ana quantum sufficit.

Misce omnia simul benè, fiatque unguentum, quo partes pediculis obsessæ inungantur. *Fallop.*

Ad pediculos pudendorum.

Accipe saponis veneti qu. f. cui adde argentum vivum mortificatum. Misce & agita probè, ut ad unguenti formam

mam uniantur, quo inunge postea partes pediculofas, & quamprimum morientur. *Casparus Schuencfeldius.*

Aliud ad Pediculos capitis.

Amaranthi flores in lixivio decocti, si cum illo caput abluatur, pediculos enecat, nec non furfures capitis & poriginem expellit. *Hieron. Tragus.*

Ut pars aliqua sine dolore plurimum intumescat.

Si quis aquâ destillationis, vel decoctionis crabronum, aut vesparum cutem alicujus attigerit, sic intumescet locus, ut hydropis, aut veneni, magnæve alicujus ægritudinis, suspicionem ingerat, sed absque dolore. Remedio est Theriaca pota, vel loco illita. Hac fraude meretriculæ quædam gestationem uteri, etiam apud circumspēctos, & cautos artificiosè mentiri solent: & suam miseriam credulæ plebi falsò attestari, qui stipem vicatim emendicant. Est id togati Parisiensis Archimedici, & blitteorum, canariorum, ostiariorum, templariorumque ludimagistri incomparabilis & locupletissimi artificium, è multis unum, à quodam ejus contemporaneo, & familiari mihi indicatum. *Mizaldus.*

Ad Morsum canis rabidi.

Folia Brassicæ, uti etiam semen, cum Sylphio & acetotrita, ac imposita, morsum canis tum rabidi, tum non rabientis perfectè sanant. His addere absurdum non erit, quod oraculo quodam ostensum est, radicem cynorrhodi, vulgus asglænterium odoratum nuncupat, unicum & singulare esse remedium adversus morsum canis rabidi, nisi Plin. & Galenum abjurare velis. *Idem.*

Ad Morsum canis rabidi, scorpionumq; ictus.

Homini à scorpionibus icto remedium est cinis eorundem ex vino potus. Et rabidi canis morsum curari testantur multis pilis ejusdem animantis exustis, & ex vino propinatis. *Plin. & Lemnius.*

Ad Morsum canis rabidi aliud.

Ad canis rabidi morsum, cancri in patella deurantur, ut pulverari possint. Exhibeatur cochlearis mensura cum pulvere radice gentianæ ac thuris momento. Debet autem antidotus ista frequenter iterari, & per sesquimen-

continuum assumi, quo rabies & aquæ pavor propulsetur. Probatum audiui. *Mizaldus.*

Aliud ad canum rabiem.

Herba, quæ Alyssum vocatur, valet certo experimento adversus canum rabiem, & ob id (Galeno & Aëtio teste) à λυσση, id est, rabie, alyssum nominatur. *Mizaldus.*

Ad morsum canis rabidi.

Cancris fluviatiles morsus à rabido cane mirificè profunt. Sed ii post canis fideris exortum, Luna xiv. cum Sol Leonem est ingressus, vivi in patella sunt adurendi, & in pulverem tenuissimum atterendi. Cujus cochleare unum ex aquæ cyathis propinatur, dum adhuc recens est morsus, augendaque quantitas, si inveteraverit. Eo remedio vim adeò efficacem inesse scribit *Galenus*, ut nullos periisse dicat, quibus in tempore exhibitum fuit.

Ad viperæ morsum.

Miraculo est trifolium, herba hyacyntho similis, quando flores vere emittit, & semen habet κριθὸν ἀγρία simile. Hæc enim decocta multum, & moribus phalangis, aut viperæ ex aquæ fotu admota, benè medetur, & dolores statim sedat. Eodem verò fotu in alio non morso, parti sanæ sensum similem, & dolores similes his, quos morsus invêhit, omnes excitat: morsus itaque sanat, & ferarum more partem affligit. *Jacobus Sylvius Medic.*

Ad scorpionum ictus.

Semen agrestis croci manu tritum, vel collo suspensum, plurimum pollet adversus ictum scorpionum. In quam rem etiam prodesse ajunt radicem lauri & ireos. *Mizaldus.*

Ad scorpionum ictus, aliud.

Adeò venena plerunque venenatis sunt venena, ut aconitum ex vino tepidum datum, percussis à vipera, aut scorpione, salutiferum esse expertum sit à nonnullis Medicis præstantissimis. *Idem.*

Aliud ad eundem.

Illud de multis videtur memorabile, quòd qui raphanum prægustaverit, si à scorpione feriat, citra vitæ aleam evadit, & si scorpionibus inspergitur raphanus, illos ad mortem adigit. *Idem.*

Ad

Ad bubones.

Sunt qui affirmant, aquam ex humano stercore destillatam ardere: pinguior enim est, & satis tenuis, minus tamen quam ex vino: constat sanè adversari eam bubonibus, maximè gulæ. *Cardanus.*

Ad transferendos bubones pestiferos.

Ostrea viva pestiferos bubones loco transferunt, & virus omne ad se trahunt: sunt autem adglutinanda brachio, quâ axillaris decurrit, siquidem bubo in alis est; si verò inguen oblidetur, lineamentis femoris, quæ vena cruris describit. *Hollerius.*

Ad bubones pestiferos.

Hyoscyamus pestiferis bubonibus admotus, illos fertur disperdere, vel, ut quibusdam placet, dispergere. Et si quis ante illorum emersum plantam eam secum habuerit, nusquam à bubonibus corripietur. *Mizaldus.*

Ad carbunculos.

Pulvis coriandri cum melle mixtus, & super carbunculum positus, illum destruit. *Arnoldus Villanovan.*

Ad anthraces pestiferos.

Galbanum emollitum, & ex lineo panno anthraci pestifero coextensum, & appositum, si curabilis est, adeò illi adhærebit, ut revelli non possit, nisi radicitus eum extirpet: si verò incurabilis erit, ne tantillum quidem adhærescet. *Idem.*

Ad ictus venenatos.

Si quis ictus, vel demorsus ab animali jobolo & venenoso, instillet ilicò tres vel quatuor guttas lactis ficulnei supra vulnus, mirum inveniet præsidium. Poterit etiam imponere grana sinapi, cum aceto detrita. *Mizald.*

Ad strumas.

Si pedes magnæ rubetæ, seu bufonis viventis abscinduntur, quando Luna vacua ad Solis conjunctionem properat, & collo patientis strumoso circumduntur, adeò profunt, ut sæpè à morbo liberent. *Cardanus.*

Ad Scrophulas.

Mirum de septenario experimentum, quod masculus omnis septimus absque foemella intermedia natus, vim habet curandi scrophulas, solo tactu, vel verbo. *Cornel. Agrip.*

Ad Arthriticorum tophos extirpandos.

Si caseus putris & vermiculosus subigatur ex jure, in quo suilla perna diutius coxerit, detrahet arthriticis absque ferro tophorum particulas, emplastri modo illi appositus, ut tradit *Galenus*. Quod etiam praestat, (quasi miraculo,) coccus gnidius, cum myrrha & aceto tritus.

Ad quævis Apostemata.

Veterem anserem masculum triduanâ inediâ macera: deinde illi objice frustra anguillæ, recenter occisæ, & excrementum ejus collige: habebis praesens remedium ad quævis apostemata. *Ex quodam peritissimo Chirurgo.*

Ad Verrucas.

Verrucæ foliis ficulneis contactæ aboleri, ac evanescere traduntur, si folia ipsa postea sepeliantur. Sunt qui cordi columbi idem tribuunt. *Mizaldus.*

Ad Verrucas.

Si porros aut verrucas abolere volueris, abscinde caput anguillæ viventis, & eas, manantē illinc cruore, defrica, & inunge: deinde caput ipsius anguillæ profundè sepeli. Ubi marcidum erit, omnes protinus decident. *Joan. Bapt. Porta.*

Contra Verrucas experimentum bonum.

Pone pedes gallinæ sub prunis calidis, donec excoquantur, & cum corio separato ab ossibus, frica verrucas ter aut quater calidè, & delebuntur. *Alexius.*

Contra Clavos.

Hermodactylus ac semina in pulverem redacta, atque oxymeliti scyllitico, vel succo calendulae commixta, clavos callosque abolent etiam in partibus pudendis, quum à foedo concubitu contracti sunt. *Idem.*

Ad

Ad Verrucas.

Nulla in parte Medicina superstitiosior, quàm in abolendis verrucis. *Serapio* refert, contactas singulas singulis ciceribus in mensium Calendis, ciceribusque post terga rejectis, deleri.

Ad Verrucas.

Rec. Cepam rubram, contunde optimè, & misceatur cum sale: quo verrucæ inungantur. *Roscellus.*

Aqua ad Callos & Verrucas.

Rec. Salnitri,

Vitrioli,

Viridis æris, ana unc. ij.

Aluminis Zuccharini unc. j.

Calcis vivæ unc. sem.

Destilla in retorta. Prima aqua inutilis, secunda verò effi-
cax ad clavos & verrucas. *Fallopins.*

Ad Clavos in pedibus, probatum.


Allium contusum superligetur, quotidie renovando. Pedes autem clavosos alternis diebus lixivio lavare oportet, quibus siccatis allium superligandum, donec cadant. Foramen denique unguento aliquo abstergente & consolidante curandum.

Adversus Cicatrices.

Cicatrices constat proprio semine abscondi, & quasi delitescere. *Cardanus.*

DE FORMA CORPORIS.

C A P. V.



DE FORMA, SEU PULCHRI-
tudine totius corporis.

C A P. VI.

Homines ut pinguescant.

SI cum lacertæ sepo, halinitro, cyminoque farinam tritici miscueris, gallinæ hoc cibo saginatæ, adeò pinguefaciunt homines, qui eas ederint, ut disrumpantur. *Cardanus.*

DE FORMA SEU PULCHRITUDINE partium corporis, & primò de Capil- lis tingendis.

Ad capillos deaurandos.

Capillos aurei coloris æmulos, unà cum barba, ad hunc facies modum. Accipe frustula Rhabarbari, quæ à pharmacopæis deraduntur, & tanquam inutilia abjiciuntur. Ea in lixivium decoctionis foliorum & ramorum visci ex quavis arbore detracti, tamdiu infunde & macera, donec emollescant. Factâ expressione post levem ebullitionem, spongiam ex lixivio imbue, & capillitium identidem intinge, aut barbam, si visum erit. Tum demum utrinque calidis linteis sicca, quod tutius est, quàm igni, vel Soli exponere. Id ubi sæpius egeris, absque ulla offensa optatum assequeris. *Ex quodam Italo.*

Ad colorem argenteum capillis conciliandum.

Rec. Aquæ fluvialis lib. xxv.

Radices & foliorum Centaurii unc. iij.

Coquantur simul usque ad consummationem tertiæ partis, deinde cùm ad Solem per dies quindecim fuerint, addantur

Gummi Arabici,

Tragacanthi,

Aluminis sing. unc. ij.

Smegmatis, five Saponis Veneti,

Aluminis ex vini fecibus albi sing. lib. j.

Misceantur, & coquantur aliquandiu, fiatque aqua, quæ Italarum vulgò, *Bionda*, hoc est, flava Veneta appellatur. Quando autem uti voles, manè capillos tinge benè, eosque in panno linteo involvito: deinde vesperi caput lixivio, in quo herba, Vitriola appellata, cocta fuerit, lavato atque ad Solem, vel ignem siccato. Quod cùm bis terve in hebdomade factum fuerit, capilli albi, splendidi, & argento similes reddentur. *Alexius.*

Capilli ut flavescant.

Capilli ut aurum flavescent, si acceperis aluminis rupei unc. vj. vitrioli unc. iv. salis nitri unc. ij. & ex iis stillatitiam aquam

aquam extraxeris, capillitiumque, vel cæsariam spongiâ in ea madefactâ, & tantillum expressâ, tinxeris, ac identidem repetiveris. *Mizaldus.*

Ad Capillos rubro colore tingendos.

Rec. Foliorum nucis M. j. destillentur in cucurbita vitrea, quâ solum capilli canescentes laventur diebus quindecim, & rubri fient: durabitque tinctura mensem unum. Faciem autem eâ aquâ ne tingito: nam nigra fieret. *Alexius.*

Capillos flavos tingere.

Flavos reddes multum mellis oleo, & vitellorum ovorum. Nec minus lixivio è sarmentitio cinere, hordei palea, liquiritiæ corticibus, rasura, & frondibus buxi, croco & cumino, si sæpius capillos laveris, maximè flavescent, auriq̃ue colorem imitabuntur. *Porta.*

Pili & capilli, ut virides videantur.

Capparorum aqua destillata virides verè pilos & capillos efficit. *Cardanus.*

Ad Capillos denigrandos.

Capillos aut barbam sic denigrabis: Accipe lixivii communis quantum voles, cui infunde folia betæ, salviæ, & lauri, cum myrrha & corticibus juglandium viridium. Tum demum coque omnia, & ex eorum lixivio barbam, vel capillitium lava: aut madefactâ ibidem spongiâ, & nonnihil expressâ, identidem tinge: miraberis effectum. *Mizaldus.*

Ad Capillos nigro colore tingendos.

Nigricabunt valdè capilli, corticum ficus, gallæ, elatines, rubi, cupressi, & similium lixivio. Hoc tamen commodè tinges modo barbam & capillos, si cui canescunt, argentea spuma, combustum æs fortis lixivii quadruplo permiscetur, dumque levibus prunis in bullas erumpit, lavabis, & resiccatos calidâ perlues aquâ. *Joan. Bapt. Porta.*

Supercilia nigra tingere.

Sic nigrescunt supercilia: Fricantur oleo gallæ, eas sale ammoniaci pusillo tritabis: deinde aceto immiscebis, quo rubi, & mori cortices ebullierint, illinantur supercilia, & per noctem immoraberis, inde ex aqua lavabis. *Idem.*

Ad Pi-

Ad Pilos denigrandos.

Rec. Lixivii mensuras v.

Lithargyrii unc. vj.

Salviæ,

Foliorum fici nigræ, sing. M. j.

Misceantur, & coquantur usque ad consumptionem quartæ partis, & fiat lixivium, quo cum caput bis in hebdomade lotum, deinde siccatum fuerit, sequenti unguento utitor:

Rec. Succi salviæ quantum satis est,

Tartari nigri unc. j.

Lithargyrii unc. sem.

Misceantur, & fiat unguentum, quo plumbeo pectine sæpius inuncto, capilli pectantur, & statim nigri reddentur. *Alexius.*

Capilli ut nigri fiant.

Rec. Succi corticum nucum viridium unc. iij.

Vini rubri mensuram dimidiam.

Coquantur simul usque ad tertiæ partis consumptionem; deinde addantur olei communis lib. v. Misce bene, & unge capillos. *Marinellus.*

Aliud ad idem, Ejusdem.

Rec. Myrobalanorum Indorum,

Gallarum ana unc. j.

Lithargyrii drach. j.

Salis petrae,

Aluminis rochæ,

Æris usti, ana unc. viij.

Salis gemmæ,

Tragacanthi ana unc. j.

Omnia in pulverem redacta cum aqua, in qua nuclei dactylorum fuerint cocti, misceantur, quâ capilli inungantur.

Aliud Ejusdem.

Rec. Succi papaveris rubri,

Succi corticum nucum viridium,

Olei myrthini,

Olei de costo, sing. q. s. est.

Coquantur aliquandiu simul, & servetur in vase aliquo ad usum.

Lixivium capillos nigros tingens.

Accipe nuces cupressi, & coque in vino & aceto vini rubri, fiatque lixivium, quo caput lavetur. *Marinellus.*

Unguentum capillos nigros tingens.

Rec. Gallarum in oleo communi frixarum unc. ij.

Aluminis rochæ drach. ij.

Salis gemmæ drach. j.

Olei de costo q. s. est.

Misce, & fiat unguentum, quo capilli inungantur. *Idem.*

Lixivium ad capillos nigros tingendos.

Rec. Spumæ argenti,

Aceti, vel succi citri, ana q. s. est.

Coquantur per semihoram, fiatque lixivium, quo caput lavetur. *Idem.*

Remedium capillos nigros tingens.

Rec. Foliorum capparorum q. s. est, coquantur in lacte usque ad consumptionem tertiæ partis, & capilli inungantur. *Idem.*

*Unguentum ad capillos nigros tingendos,**Ejusdem.*

Accipe flores nucum, contunde optimè, & cum oleo communi misceantur, fiatque unguentum, quo inungantur capilli.

Lixivium optimum ad tingendos nigros capillos.

Rec. Baccarum myrthi,

Sumach,

Salviæ,

Nucum Cupressi,

Myrobalanorum citrin.

Myrobal. chebulorum, sing. q. s.

Coquantur omnia in lixivio, usque ad tertiæ partis consumptionem, fiatque lixivium, quo caput lavetur. *Idem.*

Aliud capillos nigros efficiens.

Rec. Lumbricorum terrestrium, ustorum vel foliorum ficus nigræ, in pulverem redactorum. Olei amygdalarum dulcium, singulorum quantum satis est. Misceantur, fiatque unguentum ad capillos. *Alexius.*

Aliud,

Aliud, quo matrona quaedam Veneta est usa.

Rec. Olei tartari calidi quantum satis est, inungatur spongia vel pecten, quo capilli pectentur ad Solem, capite prius loto. Quod cum ter quotidie factum fuerit, fieri nequit, quin septem diebus capilli nigri reddantur. Cæterum si odoratos eos facere voles, postremo capillos, oleo beniofino inungito: quoniam capillos non solum odoratos, sed etiam nigros reddit, & est rarum. *Alexius.*

Ad præcavendam canitiem.

Lacte canino caput & capillos inungito. Res experta est. *Nostradamus.*

DE CAPILLIS AUGENDIS.

Ut pili renascantur citò.

Combustarum apium cinis, cum foricis stercore, si rofaceo illeveris oleo, nascentur, & in manûs palmâ: quibus & addere ritè poteris avellanæ, castanæ, dactylorum, & reliquorum fabalium cinerem: ex omnibus enim renascendi vis destruitur, vel prodeunt meliores. *Joan. Bapt. Porta.*

Ad barbam & capillos gignendos, qui postea non defluant.

Rec. Apes in cinerem combustas, quot volueris,

Semin. lini usti & triti tantundem,

Olei lacertarum viridium. (fit autem hoc, si lacertæ virides vivæ in phialam aliquam vitream, olei communis plenam, ad ignem, usque ad resolutionem ponantur: deinde ad Solem per quindecim, vel viginti dies sinantur) quantum satis est: misceantur, & fiat unguentum, quo partes pilis nudæ, mane & vesperi inungantur, & sic brevi renascentur capilli, & non decident. Verum caput sequenti lixivio prius lavandum erit.

Rec. Lixivii ex cineribus quantum satis est,

Capillorum Veneris,

Agrimoniæ,

Hederæ arboreæ, sing. M. V.

Misceantur, & coquantur: deinde coletur & servetur ad usum coopertum, quo cum caput bis vel ter in septimana lotum, deinde siccatum, mox leviter prædicto unguento illitum

illitum fuerit, fieri nequit, quin plurimi longissimique capilli generentur, firmiterque hæreant. *Alex.*

Ut Barba, vel Pili nascantur.

Apes in canistro ad ignem exiccentur, dum in pulveres redigi possint: hos pulveres oleo contempera, & locum, ubi producere pilos volueris, illinito: mira experieris. *Nostradamus.*

DE CAPILLIS MINUENDIS.

Ad partem aliquam depilandam.

Ut pili cadant ex quocunque loco, nec amplius renascantur, efficiet sterqus felis siccum, tritum, & forti aceto ita mixtum, ut fiat veluti spissamentum. Quo locus pilosus multoties in die defricabitur ac inungetur, & in paucō tempore glaber, depilisque evadet. *Experimentum à rustico.*

Aliud ad idem.

Urina murium, foricumve, pilosum locum depilem reddit. Restituitur verò, ac emendatur talparum sanguine, aut earundem pelle, si ei affricetur. *Mizaldus.*

Ad partem depilandam aliud.

Si ita glabram & depilem velis habere partem aliquam corporis, ut nunquam pilos redivivos emittat, tere formicarum ova cum hyoscyami & cicutæ succo, aut vespertilionis, & testudinis sanguine, & eo linimento locum inunge. Sunt qui aureâ laminâ candente, pubescentem sylvulam absque ulla noxa ita perurant, ut pilorum, ne unum quidem, vestigium supersit. *Alexius.*

Psilothrum, quo perlitus locus glabrescit illicò.

Si vulgari decocto perunxeris, vivæ calcis auripigmenti tertio, fortique lixivio, & dum coquitur, plumâ experimentum capias. *Columella* verò jubet ranam luridam in aqua coquere, usque dum ad tertiam partem decoxeris, eaque corpus ungere, si quod glabrum facere voles. Sunt & infinita, uti hederæ, & vitium lachryma, quæ veluti gummi est & psilothri effectum habent. Sed illud ut commodum satisfaciet. Et si nunquam redivivos quæris, glabras ritè partes tali radicitus erues illitu: uti formicarum ovorum, hyoscyami succi, cicutæ, & psyllii feminis, vespertilionis, & testudinis sanguinis. *Port.*

Pueri

Pueri ne pubescant.

Ut pueri puellæque non pubescant, sanguine tynni illine pudenda: frigidus enim est, ac crassus: & si alibi illiniatur, idem præstabit. Facit & ad hoc lomentum fabarum, si assiduè eo in loco laventur: detergit enim, atque ita prohibet, donec cutis solidetur humore glutinoso: talia autem, ut omnia fermè alia, minimè sunt perpetua.

Ad pilos expellendos.

Rec. Calcis vivæ recentis unc. iv.

Auripigmenti contriti unc. j.

Lixivii fortissimi, mensuras ij.

Misceantur, & in olla coquantur, donec inspissentur, vel anatis penna immissa ardeat, miscendo continuè: deinde in vase aliquo vitreo, vitreatove servetur. Quando autem uti voles, primò partes, oleo amygdalarum dulcium (quò minùs calor sentiatur) deinde unguento leviter inungantur. Verùm si quis cutem subtiliorem habeat, ita ut ardorem aliquandiu ferre non possit, aquà sequenti partem illiniat, & statim ardor cessabit:

Rec. Aquæ rosarum unc. ij.

Aquæ plantaginis unc. j.

Sacchari albißimi unc. sem.

Misceantur, & fiat aqua. Poteris autem hac uti alternis tantùm diebus, prout videbitur, quòd si à tali unguento abhorrueris, sequenti utitor:

Rec. Salis ammoniaci,

Fellis hircini, quantum satis est.

Misceantur benè, & fiat unguentum, quo partes hirsutæ inungantur. *Alexius Pedemont.*

Aliud ejusdem.

Rec. Succis radicis Chelidoniæ,

Auripigmenti,

Hederæ, singulorum quantum satis est.

Ovorum formicarum,

Aceti singulorum part. j.

Misceantur optimè, fiatque unguentum, quo si partes pilosæ sæpius inunctæ fuerint, absque dubio, capilli decident. Quòd si dolor postea successerit, supradictâ aquâ loca affecta illini debent.

Ut Pili cadant & non renascantur.

Rec. Stercoris cati q. f. pulverizetur subtilissimè , cribretur , & cum aceto distemperetur ad formam unguenti, quo pili inungantur. *Ex lib. manuscript.*

DE FACIE COLORANDA.

Roseum faciei colorem conciliare.

Ex granis Paradisi , Cubebis , Caryophyllis , Brasiliæ rassa , & Ardenti aqua sæpius exstillata (ubi aliquantulum fuerint immorata , vel igni lento , vel putri fimo) aquam elicies , quâ sæpe facies madeat , dum operari incipit. *Joan. Baptista Porta.*

Ad conciliandum faciei ruborem.

Radix Polygonati , seu Sigilli Salomonis , pallentes virginum genas , solo affrictu rubicundas ac floridas efficit. *Mizaldus.*

Ad diluendum faciei nimium ruborem.

Accipe uncias quatuor nucleorum Persicorum & sem. Cucurbitæ excorticatorum unc. ij. tere ac fortiter exprime , ut oleaginosum liquorem elicias , quo mane & vespere , faciei carbunculos ac rubores tange , & paulatim disparebunt , vel ut plurimum emendabuntur. *Idem.*

Aliud Ejusdem.

Cepacei Liliorum bulbi in aqua decocti faciei ruborem tollunt , si matutinis & vespertinis horis illinantur. Acceptum à quadam matrona mangoniorum artifice ad unguem facta.

*Aquæ ad faciem mangonizandam , ut lævorem
splendeat.*

Ovi albumina coquantur , & durescant , inde aquam exstillabis , eritque usui apta : sic Rorismarini , fabæque florum & limonum succo. Hac autem aqua omnium præstantissima , solerti que curâ excogitata : Talcum in minutissimum redigatur pulvisculum , & ollæ indatur , & item cochlearum multam immittes copiam , & operculato , ne fugiant , nam alimento fraudatæ , immissum vorant talcum , concoquunt , ubi omne vorasse noveris , cum testis tufas vitreo accommodabis organo , aquam exstillabis , & servabis ad faciem. *Joan. Bapt. Porta.*

Aqua

Aqua cutem splendidam reddens.

Accipe Aquæ fontanæ destillatæ quantum voles, Myrrhæ, in sing. hujus aquæ phialas, unc. j. Cort. ovorum non coctorum n. iv. Gummi juniperi cochleare dimidium, Medullæ panis, in lacte caprino molliti M. j. Misceantur, & destillentur, quousque omnis aqua exierit: quo facto sumito Sevum, quod Pomatam vocant, si haberi potest: sin minus, Adipem caprinum, vel gallinaceum, vel agninum, vel vitulinum, quæ tamen semel bisve in pura aqua sunt percolanda: mox in ollam ad lentum ignem ponenda, ut liquefiant, addendo sensim supradictæ aquæ destillatæ tantum ut frige factum olei unguentive speciem referat: verum cum aqua adipe permisceri non possit, sed potius olei modo supernatet adeps, aliquantulum tartari usti, sed non multum, vel salis alcali, vel Boracis in aqua dissolvi oportet, quò exactè permisceri queat. Quod cum factum fuerit, unguentum in vasis vitreis servetur. Quum verò odoratum efficere voles, addito Caphuræ, Benjovini albi, Moschi, vel Ambræ, quæ in Aqua rosarum dissoluta & percolata sint, sive oleum Jasmini, quod idem erit. *Alexius.*

Oleum cutem pulchram, splendidamq; reddens.

Rec. Tartari albi, lib. j.

Talci,

Salis sing. lib. sem.

Misceantur, & in fornace laterario, vel calcario ponantur, donec comburantur. Quo facto super marmore terantur materies, deinde in sacculo aliquo, in conum, sive acumen desinente, in loco humido, ab aëreque remoto, per quindecim vel viginti dies ponantur, supponendo vas aliquod, ut oleum distillans recipiat, & servetur tanquam res pretiosa. Quum autem uti voles, cutis prius lixivio lavanda, atque siccanda: deinde oleo prædicto, cum panno aliquo linteo inungenda & fricanda leviter erit: quoniam omnis generis maculas delet, cutem mollem nitidamque efficit. *Idem.*

Ad faciem purpurandam.

Ad purpurandam faciem pallidulam, & decolorem venustandam, fume Santali rubri, & aceti acerrimi bis distillati, utriusque quantum voles, misce & igni lento coque, addito Aluminis momento, habebis rubricam tingendæ

faciei perfectissimam. Quam si odoratam voles reddere, injice moschi tantillum, vel odoris alterius, qui tibi ardebit. *Mizaldus ex artificiis cujusdam Itali.*

Ad faciem decorandam.

Alumen tritum, & cum albumine recentis ovi agitatum, fervefactum, & continuo motum, in unguenti spissamentum transit. Quo, si biduo, vel triduo facies mane & vesperti inungatur, non solum emaculabitur, & erugabitur, sed summe & pulchra, & grata reddetur. *Idem.*

Faciei decoratio.

Rec. Succī limoniorum unc. is.

Aquæ rosaceæ unc. ij.

Argenti sublimati drach. ij.

Cerussæ drach. is.

In modum unguenti misce, & line locum vesperi, mane butyro inunge. *Cardanus.*

Smegmata mulierum.

Smegmata mulierum, quæ nitorem, & lævorem faciebus inducunt: uti mica panis in caprinum lac aut serum injecta, exstillata inde aqua faciem penicillabis, mirum admodum ad eam dealbandam, & nitorem cuti conciliandum valet. Nec minus asininum candori confert; nam cutem erugat, polit & molliculam facit. Ideo non temere Pompeja Sabina, Neronis uxor, quingentas habuit secum asinas, ac balnearum folio lacte illo corpus totum macerabat. *Joan. Baptista Porta.*

Aqua reddens faciem juvenilem.

Accipe sulphuris vivi unc. j. Olibani albi unc. ij. Myrrhæ unc. is. Ambræ drach. vj. Redigantur singula in pulverem, deinde commisceantur, & additâ librâ unâ aquæ rosaceæ, destillantur in diplomate, seu balneo (ut vocant) Mariæ. Excepta aqua fervetur in vase, ad unguem obturato. Cum uti voles, tinge in ea linteolum album, quo faciem ablue ante somnum, & mane hordeaceâ aquâ, aut fontanâ deterge: adeo venusta & limpida erit facies, ut omnes mirentur, & exosculari eam desiderent. *Ex quodam lib. decoris mulieris.*

Ut cutis candore præstet.

Recipe Aceti destillati lib. j.

Spumæ argenti unc. j.

Misce,

Misce , & in phialam aliquam vitream , super laterem ad ignem per horam unam , deinde ad Solem per dies octo ponantur , & fervetur , deinde sumito

Aquæ cucurbitæ lib. j.

Salis gemmæ unc. j.

Misceantur , & in phialam aliam similiter ad ignem per horam unam ponantur , ut supra , & fervetur. Quando autem uti voles , sumito hujus aquæ cum sale supradicti aceti cum argenti spuma , sing. part. j. Commisceantur , & fiat aqua lacti similis , quâ cum cutis , vel facies spongiâ fuerit subtiliter lota , alba , mollis , & lævis reddetur.

Alexius.

Ut facies fucata palleſcat.

Crocum dentibus commanducabis , & ore propius mulieri inter alloquendum apposito flatus deturbat faciem , & subcroceam reddit : si autem nullo fuerit circumlita fucis , innoxia remanet. *Joan. Baptista Porta.*

Aqua faciem denigrans.

Juglandis calloſo , herbidoque putamine illo , quod guliocam dicunt , & gallis , chymistarum organis clarissima eliciatur aqua , quâ si facies , vel manus maduerint , nigrescunt paulatim , ut Æthiopes videantur. Quod si abjicere , & pristinae albedini restituere velis : Acetum , limonis succum , & colophoniam exstillabis , talisque lotura nigrum illud abjicit , & propulsat. *Idem.*

Ad mulierum fucos deprehendendos.

Purpureus mulierum color si fucatus est , deprehenditur commansis granis cymini , vel nucleolo allii demorso ab ipsis. Nam si natus est , durabit : si verò cerussatus , hydrargyratus , aut citrini unguenti illitu conquisitus , statim obsolescet. *Langius.*

DE FACIE DETERGENDA & emaculanda.

Ad faciei maculas , & omnes lentigines.

Rec. Myrrhæ contritæ q. s. est.

Ovorum alb. n. j.

Aquæ vitæ parum.

Misceantur & contendantur optimè , deinde destillentur ,
N 3 donec

donec aqua omnis emanarit; cui deinde tantum lactis virginei addatur, quantum dicta aqua appenderit, & fervetur in vase vitreo. Lac autem virgineum fit, quando Lithargyrium in aceto coquitur & colatur; deinde aliquid olei tartari additur, & erit aqua lacti similis. Quando autem uti voles, faciem prius aquâ, in qua furfur aliquandiu fuerit, abluito cum linteo, vel panno rubro, quod melius est, fricando benè, deinde cum linteo albo mundo facies exsiccata fuerit, supradicto unguento faciem ungit, manè & vesperi, & per se sicari permittito, atque hinc rem, admiratione dignam, videre licebit. *Alexius.*

Aliud ad idem.

Si aurum candens, & ignitum in vino generoso sæpius extingatur, & sic cum tantillo tartari misceatur, omnes maculas, quamlibet fœdas, ex quavis parte corporis abstergit, & cohonestat: imò verò faciem leprosam ac rubicundum nasum & verrucosum emendat. *Lemnius.*

Aqua ad faciei Serpignes, nævos aliasq; hujusmodi maculas.

Rec. Salnitri,

Tartari albi, sing. lib. j.

Terantur per se singula, deinde permisceantur, cribrentur, & fiat pulvis subtilissimus. Quo facto in catinum aliquem collocetur pulvis, ex quo massa formetur, sacchari modo alta: deinde carbo accensus super acumen ejus ponatur, & sic per se comburetur. Quoniam cum sal nitrum tenuium humidarumque sit partium, tartarum verò crassarum, per se comburi, atque in massam quandam mutari necesse est. His sic se habentibus, in scutellam aliquam massa vel placenta illa immittatur, superinfundendo aquam calidam, digitisque frangatur, quousque optimè dissolvatur: deinde cum per philtrum colatum, & in ollam novam ad ignem, ut vix ferbeat, posita fuerit, donec siccet, pulvis (in quo vis omnis continetur) in fundo relictus fervetur. Quo facto sumito ampullam, cui indantur Aceti destillati unc. iiij. Aquæ vitæ ter destillatæ unc. j. mox pulvis supradictus infundatur, permisceatur; atque ad Solem per dies tres collocetur, vase optimè cooperto & fervetur. Quum verò uti voles, mane & vesperi serpignes, aliasque hujuscemodi maculas lavato, &

paucis

paucis admodum diebus integrè sanabuntur, cutisque candida venustaque reddetur. *Alexius.*

Aliud ad easdem maculas.

Rec. Feces vini albi, easque siccabis, & siccās in vase ferreo in cinerem rediges. Quo factō in sacco, in loco humido, per dies viginti vel triginta maneant, supposito vase aliquo vitreo, donec in oleum omnis commutetur, & fervetur in vitreo vase. Quo cū maculæ, vel serpigines inunctæ fuerint, citò evanescent, cutisque mollicula evadet. Quod si odoratum cupias, addito Caryophyllos n. xx. *Idem.*

*Ad Maculas, Pannos, Lentigines, Vitiligines,
& incipientes Impetigines.*

Rec. Chalcanthi unc. iv.

Halinitri unc. iij.

Scobis chalybis unc. j.

Camphoræ unc. sem.

Distilla. *Cardanus.*

Ad Maculas & Lentigines.

Maculas peculiari medicamento faciei sic delebis: Ova recentia quindecim, aceto acerrimo cum cortice integra infunde, inde fracta excipe eodem aceto, & sinapis uncia additâ, vitreo vase destilla: aquam superpone cottodum dormitum vadis. Tolluntur maculæ, quas Lentigines vocant. *Idem.*

Ad Faciem lentiginosam.

Albæ gallinæ sanguis in faciem lentiginosam effusus, ibique resiccatus, & deterfus, omnes ejus maculas obliterat. *Ex quodam Italo.*

Furfures à facie abstergere.

Vaccinum, hircinum, & caprinum lac vel cum nitri pulvere immisceantur, & mollis facies illinatur, & eam maximè purgat, & faciem venustat: Draconteæ autem succus maculas omnes emendat, præcipuè si eis os dehoneſtetur. *Joan. Baptista Porta.*

Ad faciei Tubercula.

Meminit *Conr. Gesnerus* se vidisse mulierem, quæ à tuberculis faciei liberata est, solâ lotionē aquæ destillationis

nis fragorum : cùm tamen illa , priusquam destillarentur , sub fimo in vitreo vase essent putrefacta.

Ad faciem detergendam, maculasq; omnis generis delendas.

Rec. Terebinthinæ venetæ lib. ij.

Ovorum recentium alb. n. xij.

Misceantur, & in cucurbita vitrea bis destillentur , & fiat aqua , cui addantur caphuræ contritæ scrup. x. & dissolvatur bene , serveturque. Quum autem uti voles , sumito hujus aquæ unc. ij. aquæ testudinum unc. j. misce , sæpiusque faciem lava. *Alex. Pedemont.*

Genarum livorem abstergere.

Genarum livorem abstergere sic poteris , præcipuè mulieribus , tempore quo menstrua patiuntur : Locus illinatur cerussâ , fabarum pulvere , aceto immixto , vel ovorum boletis melle mixtis. *Porta.*

Ad faciem elephanticam.

A tuberculis elephantia , & faciei leprosa multi liberati sunt solâ lotione aquæ destillationis fragorum , illis prius in vase vitreo sub fimo putrefactis. *Gesnerus.*

Ad faciei pustulas , ex hepatis calore venientes.

Rec. Axungia porcinæ mundatæ ,

Sulphuris vivi sing. part. j.

Aquæ perfici , & filicis destillatæ , sing. q. s. est.

Misceantur ad ignem lentum , & fiat unguentum , quo pustulae inunctæ sanabuntur. Verum à vino cæterisque rebus calidis abstinendum. *Alexius.*

Mixtura odorata,

Rec. Mosch. drach. iij.

Ambræ drach. ij.

Zibeti drach. j.

Triturentur super lapide porphyrio cum oleo amygdalarum dulcium , & fiat unguentum odoratum , & pretiosum. *Isabella Cortesa.*

DE OCULIS COLORANDIS.

Oculorum colorem permutare.

Si oculorum colorem pueris permutare velis , sic assequeris :

queris: Putaminum coryli nucis cinere, ex oleo finciput illinatur. Puerorum albos oculos denigrari contigit, operationem iterato. Pleraque extant experimenta, albos & glaucos oculos nigrefaciendi, & varios inducendi colores: sed hæc missa faciant, cum non tam leviter egentes oculis periculum capiant, nec experientiæ, uti quæritur, respondeant. *Joan. Bapt. Porta.*

DE DENTIBUS ABSTERGEN- dis sive dealbandis.

Ad dentes dealbandos pulvis.

Rec. Coralliorum rubrorum,
Balauftiorum,
Pumicis,
Aluminis usti,
Gallarum,
Acaciæ,
Galliæ moschatæ, sing. drach. iij.
Cyperi,
Spumæ maris,
Cardamomi,
Salis Ammoniaci,
Salis mineralis,
Salis gemmæ, sing. drach. ij.
Spicæ nardi,
Ligni aloës
Nucum cupressi,
Costi,
Spodii, vel feminis myrtillorum,
Masticis, sing. drach. j.
Caryophyllorum, unc. sem.

Fiat pulvis. *Ex lib. manuscripto.*

Pulvis ad conservandam albedinem dentium.

Rec. Putamina trium ovorum,
Corallorum rubrorum drach. iij.
Fili ferici albi, in olla nova in cinerem exusti drach. ij.
Cinamomi drach. is.
Caryophyllorum
Pirethri, ana drach. ij.

His ad subtilissimum pulverem contusis, dentes singulis diebus vesperi & manè fricato. *Rantz.*

Aliud Ejusdem.

Rec. Cornuum cervi ustorum in ollam novam ad cinerem redactorum unc. j. sem.

Masticis chiæ unc. sem.

Salis ammoniaci drach. vj. Misce.

Alius pulvis dentifricius.

Rec. Corallorum alborum, & rubrorum an. unc. j.

Pyrethri,

Maceris,

Masticis, sing. unc. j.

Pumicis,

Boli armen. sing. unc. j.

Fiat pulvis subtilissimus. *Henr. Rantzovius.*

Aliud.

Dentifricia optima parabantur antiquitus, ex purpurarum, & buccinarum testis crematis, nunc autem citò poteris uti combustis Panis micis, Pumicis polline, Corallis rubeis, Sepiarum testis, Cervino cornu, & iis similibus, quorum unumquodque ritè expolit, & abstergit. Sic Cocci granulis seu purpura perfricabis. Omnium tamen optimè Sulphuris oleo, nam expolit, lævigat, & maculas propulsat omnes. Fit quoque aluminis & salis aqua exstillata. *Porta.*

DE DENTIBUS EXTRA- hendis.

Ut absque dolore dentes eradicentur.

Tradunt nonnulli, radices Asparagi siccatas, & dentibus infixas, illos absque dolore eradicare. *Mizaldus.*

Ad dentes sine dolore extrahendos.

Colocynthidem sylvestrem coque, priùs tamen tritam, & in aceto infusam, donec mellis acquirat crassitudinem, & scarifica gingivas circa dentem, & intinge hoc phar-maco circa dentem, & jube claudere os per modicum temporis: postea accipe dentem cum digitis, & sequetur sine dolore. *Alexius.*

Aqua

Aqua dentes extrahens sine dolore.

Accipe sal Ammoniacum, & destilla per alembicum, tange cum ea aquâ dentem, & cadet sine dolore. *Idem.*

Pulvis ad idem.

Pulvis coralli rubri concavitati dentis immersus, dentem eradicat. Dissolve ammoniacum cum succo Hyoscyami, tange dentem, & cadet. *Idem.*

Dentes ut audire videantur.

Illud sanè mirum, quod quisque tamen potest experiri, lanceam ad lyram appositam, ut tangat vel ad hominis os, si quis caput lanceæ reliquum dentibus teneat, tanquam in dentibus sit auditus, sonum, voces, ac verba procul exaudiet, quorum nec sonum secus audire posset. *Cardanus.*

DE MAMMILLIS MINUENDIS.

Mammillæ ne crescant.

Melissa contusa in emplastri formam, & mammis mulierum superposita, earum incrementum prohibet. *Fallopious.*

Mammillarum incrementum.

Condurantur Cicutâ, ejusque magmata cum aceto virginum uberibus imponatur, & sic coërcet, ut crescere non patiatur, præcipuè hoc in virginitate, quanquam solito lac deneget tempore. Molles autem & relaxatas sic coërces. Alba argilla, ovi albumen, omphaticis galla, mastix, thus, tusa omnia calido aceto immisceantur, & illinantur mammæ, & integrâ nocte commorari oportet, & finito illic esse: si parum fuerit efficax, opus innovato. Juvant & ad hoc Mespili ossa, immatura Sorba, sylvestria Pruna, Acacia, & Malicorium, Balauftium, immaturæ nuces pineæ, sylvestria Pyra, & Plantago, si aceto ebulliantur omnia, & mammis apponantur, aut alia. *Porta.*

Ut mamma mulierum mammis virginum similes fiant.

Tradit *Rondeletius* post *Plin.* experimento compertum esse Squatinam piscem mammis mulierum superpositum, illas adeò constringere, ut Virginum mammis assimilentur. Poterit & genitalibus partibus earundem similiter facere. Arrigant aures cultui & voluptati studentes.

Ventris

Ventris rugas à partu abstergere.

Diu aquâ immatura coquantur sorba, oviq̃ue immiscens alborem, nec desit aqua, cui arabum gummi sit solutum, tali linteum pannum madeat aqua, & ventri accommodetur: vel combustum cervinum cornu, amiantus lapis, ammoniacus sal, myrrha, olibanum, mastix, in pulverem redacta omnia, cum melle permisceantur, & erugat omne. Sed quærens Naturæ ostium restringere: ex ~~partu~~ enim relaxari solitum est, quod & si viro displicuerit, sic refarcies: Omphacites gallas tritato tenuissimè, quibus caryophyllorum pulveris parum admisceatur, vino ebulliant, quo pannum madeat, & loco applicetur. Vel sic meretricum & popularium restringes & coarctabis. Gallis, gummi, alumine, bolo draconis sang. acacia, plantagine, hypocistide, balauistiis, lentisco, symphyto majori minorique, cupressi nucibus, uvarum acinis, glandium costis, vel cavo illo, quo glans prorumpit, & dehiscens nucleum ostendit, mastiche, & lemnia terra. Si hæc omnia rubro vino, vel aceto decocta sint, & sæpè madeat vulva, coarctatur & supprimitur valde. Vel hæc in pulverem redacta, intrò per arundinem trajiciatur, vel iis suffimenta substituantur. At si defloratam mulierem integræ virginitati restituere vis, tali pillulas constitues pacto: Alumen combustum, mastix, adjecto chalcanthi & auripigmenti momento in tenuissimum redigantur pulvisculum, ut ferè tactum effugiat: pluviali aquâ pillulas ubi coegeris, digitis comprimito, & tenuem resiccati curato, ac naturalium ostio hymenæi loco accommodetur, ubi prius fuerit rupta, senis quibûsve horis immutando, pluviali, vel cisterninâ semper aquâ fovendo, per naturalem id diem, & hinc inde vesiculas inferunt, quæ contactæ sanguinis inducunt profluvium, ut ferè dignosci nequeat. Hirundine aliqui locum mordicus capi curant, sic crustulas inducunt, & fricatæ sanguinem movent, ubi prius prælatis arctaverint. *Porta.*

D E M A N I B U S D E A L B A N D I S.

Manus dealbande.

Rec. Succi limoniorum q. s. Salis communis aliquantum. Misce, quo manus inungantur: deinde per se siccati sinantur: postea aquâ communi laventur. *Ex lib. manusc.*

Ad ma-

Ad manus denigrandas.

Pulvis ejus nucis , quam gallam vocant ; projectus in aquam , manibus lavandis prolatam , illas summè denigrat , tantum abest , ut dealbare queat. Remedio erit cortex , aut succus mali aurantii. *Mizaldus.*

Ad graveolentes alarum hircos.

Scolimi , seu cinaræ radix graveolentes alarum hircos , & reliqui corporis virosus odorem cocta & emplastrata emendat. Idem etiam potest decocta in vino , & epota. Nam ita copiosam & graveolentem urinam prolicit : eoque modo virulentæ & venereæ gonorrhœæ auxiliatur. *Dioscorides, Oribasius , Paulus , & Langius.*

DE CIBO. CAP. VI.

Farina ut perennet.

FARINA , quæ Augusto mense molita est , perennare in Italia solet. *Cardanus.*

Cocta uva , ut servetur.

Quum vinum coctum erit , & quum legetur , facito uti servetur familiæ primum suisque , facitoque studeas bene percoctum siccumque legere , ne vinum nomen perdat. Vinaceos quotidie recentes succernito , lecto retibus subternito , cribrum illius rei parato , eos conculcato in dolia picata , vel in lacum vinarium picatum ; id bene operito , jubeto oblini , quod des bubus hyeme. Indidem , si voles , lavito , paulatim erit lorea familiæ , quod bibat. *Cato.*

Caro ut vermicularis videatur.

Liræ chordæ minutatim concisæ , nuper excoctæ carni rejectæ , vermiculari videbuntur. *Porta.*

Caro ut sanguinosa videatur.

Leporis excoctum , & congelatum sanguinem in pulverem versum , super carnem inspergendo , sanguinosa videbitur caro , ut nauseabundus ejicias , & multa , quæ gulosis relinquimus. *Idem.*

Ad facile perferendam inædiam.

Avicenna refert , quendam peregrè profecturum , libram unam olei violacei cum adipe mixti bibisse , & inædiam
abique

absque ulla fame decem dierum sustinuisse. Quod & oleum amygdalarum, ac adipem vaccinum, ex viscedine præstare idem tradit. *Avicenna*.

Contra Famem.

Peregrinationes & bella sæpe hominem in inopiam rerum omnium conjiciunt, ita ut ingenti vehementique fame laborandum sit. Quare non abs re fuerit, pauca contra hanc subjungere. Fame igitur dominante, omnium animalium jecur assatum, in penuria panis fatiat magis. Item panis coctus ex amygdalis dulcibus & saccharo plurimum nutrit. Panis quoque nauticus, sive biscoctus, eò quod propter siccitatem situm minimè contrahat, & diutius reliquo incorruptus servetur, in hunc usum circumferendus est. Legimus quoque quendam ruinis ædificiorum obrutum, cum nullam vitæ spem reliquam haberet, septem dies noctesque, solâ urinâ epotâ, famem ac sitim tolerasse. *Rantzovius*.

Globuli contra famem.

Avicenna globulos contra famem composuit, qui sunt conservandi, ne Solis calore colliquescant,

Rec. Amygdalarum dulcium excorticatarum lib. j.

Adipis vaccini liquefacti lib. j.

Olei violarum unc. ij.

Mucilaginis, Radicis altheæ unc. j.

Terantur omnia simul in mortario, & fiant pilulæ, sicut globuli nucis instar Italicæ.

DE POTU. CAP. VII.

Vinum corruptum ut emendetur.

Solent corruptum vinum in vas mundum transferre. Lactisque partem decimam sensim adjicere; inde post octo dies, referato vase, minutim vendere, cumque clarum & bonum videatur, si tamen diutius moretur in calice, vel vase, denuò corrumpitur. Relinquit etiam, quod effusum est, in calicis margine butyrosam pinguedinem, ob quam fraus detegitur. Est autem lucrosa fraus. Si tamen prohibere potius consilium est, antequam conturbetur, ne putrescat, decima pars Ardentis aquæ immixta efficit: melius longè sulphur, sed odore prodit dolum. *Cardanus*.

Vinum

Vinum corruptum ut emendetur.

Sed hoc loco in mentem mihi venit secretum multo argento cœnopolis comparandum, quod gratis libenter illis impertiam. Si dissectum in particulas Raphanum dolioli vini immergas, foetorem omnem, ac graveolentiam (si quæ insit) ad hæc acorem in se recipiet, ac contrahet. Qui ne ibi tabescat, & vitium trahat, confestim eximendus est: & si opus fuerit, recens injiciendus. *Mizald. de Secret. hort.*

Vinum ne corrumpatur.

Ne vina corrumpantur, cutis vitis sympathiâ, & quia exiccat, nec non alumen, dum novum est, & antequam ferveat, immixta, efficiunt. *Cardanus.*

Vinum corruptum ut reparetur.

Tacendum non est, quòd sicuti è Brassica vini sapor in dolioli facile corrumpitur; ita odore Betæ, foliis ejus demersis, facile reparatur. *Mizaldus in Horto medico.*

Vinum pendulum quomodo corrigatur.

Vinum pendulum sic corrigitur. Sumito ceræ virgineæ lib. j. vel quantum sufficit, incidatur minutim, & in vino ponatur, & brevi tempore pristinam suam naturam acquirat. *Ex lib. manuscript.*

Ad vinum reparandum.

Vinum vitiatum reparabis, si in aliud doliolum illud transfundis, quod prius derafum, & à fecibus detersum fuerit, nec non decocto calido foliorum Lauri, Myrti, Hormini hortensis, quæ nostra est Orvalla, Juglandis, aut radicis Ireos, vel baccarum Juniperi, probè ac diligenter elotum. Ubi in usum voles depromere, colorem ac saporem sanè quàm gratum exhibebit. *Mizaldus.*

Aliud.

Vinum foetidum & corruptum emendatur, si pro vasis magnitudine, justa portio mundi Tritici ex sacculo in eo suspendatur, & exinde retrahatur. Nam quidquid erit foetoris, ad se alliciet, ac ita vinum sincerum & clarum reddet. *Piclorius.*

Aliud.

Vinum perversum ac turbidum sic emendabis. Accipe aliquot ovorum albumina, quæ ubi diu ac multum agita-
veris,

veris, & despumaveris, in dolium projice, & move. Idem assequeris, si per vetustos juglandium nucleos duodecim filo transfixeris, sub cineribus coxeris, & dum adhuc calent, pendulos in vino demerferis, tamdiuque demiseris, donec solito colore accepto, vinum tibi arriferit. Nam tum demum excludendi erunt. *Secretum hoc cujusdam est ænopolæ.*

Ad tollendum vini acorem & corruptelam.

Acorem & corruptelam omnem sic depones à vino. Accipe justam quantitatem cicerum, & ea oleo munge, coque, tere, ut fiat crassamentum, velut maza & pasta. Ex ea projice libram mediam in vinum, quod tendit ad acedinem, & sapor ille intra diem naturalem emendabitur. *Mizaldus.*

Ad vini acorem.

Vino, quod acorem conceperit, medetur ollula aquæ bonæ plena, (ut tradit *Tarentinus*) modò operta sit diligenter, & in dolium vini demergatur. Post triduum enim si pristinum robur resumferit, aqua olebit, & vinum perplacebit.

Vinum acidum ut emendetur.

Si vinum vehementer ace scat, triticum tamdiu in aqua coquatur, donec crispetur, inde postquam frigefactum fuerit, immittatur in vinum, concludaturque vas, modus est ex centesima parte. *Card.*

Vinum ne pervertatur, præcantatio.

Si in vase hæc verba scribantur: GUSTATE, ET VIDE-TE, QUOD BONUS EST DOMINUS, vinum impositum, nunquam eo anno pervertetur. *Aphricanus.*

Vinum ne ace scat.

Semen porri in vinum projectum efficit ne ace scat: imò verò, ut acetum in vinum redeat, hoc est, acorem omnem exuat. *Petrus Crescentius.*

Vinum asperum lene fieri.

Vinum asperum quod erit, lene & suave si voles facere, sic facito. De ervo farinam facito lib. iv. & vini cyathos iv. conspergito sapa: postea facito laterculos. Sinito combibant noctem & diem, postea commisceto cum eo vino in dolio, & oblinito dies 40. Id vinum erit lene, & suave, & bono colore, & bene odoratum. *Cato.*

Ad

Ad gravem Vini odorem.

Coci acetum suis obsoniis apio, & cellarii gravem odorem vino, in faccis eximere solent. *Plin.*

Vini pravus odor ut emendetur.

Tegulæ crassæ & puræ partem calefacito igne, siccatoque inde resti alligatam in vas immittito, conclusoque vase, post biduum experieris an sit emendatum: aliter repetes: donec oportuerit. Et odore enim & duplici calore nil mirum est, præsertim repetendo sæpius emendari. *Cato.*

Vinum si voles experiri, an duraturum sit.

Vinum, si voles experiri an duraturum sit necne, polentam grandem dimidiam acetabuli in caliculum novum indito & vini sextarium de eo vino quod voles experiri, eodem infundito, impone in carbones, facito bis, aut ter, inferveat, tum percolato, polentam adjicito. Vinum ponito sub dio. Postridie manè gustato, si id sapiet, quod in dolio est, scito duraturum. Si subacidum erit, non durabit. *Cato.*

Vinum ne ace scat.

Lardum è vasis operculo suspende, pinguedine & falsedine prohibebit separationem, & attenuationem, à quibus causis acetum generatur.

Ad Vinum corruptum.

Vinum corruptum ac glutinosum lacte bubulo modicè salito restauratur. Sunt qui Calce, Sulphure, & Alumine id moliuntur, quo ne homini infesta sint, ac noxam inferant, Iridis radicem, & grana Juniperi commiscenda suadeo. *Lemnius.*

Vinum per totum annum ut duret.

Mustum si voles totum annum habere, in amphoram mustum indito, & corticem oppicato, demittito in piscinam, post xxx. diem eximito, totum annum mustum erit. *Cato.*

Vinum album ut rubrum evadat.

Alba vina in rubra absque ullo detrimento statim convertes, si pulverem mellis ad lapideam consistentiam decocti & siccati, in vinum album projeceris, & transvasando miscueris. Idem minore negotio præstabit radix omnium Lapathorum, si recens vel sicca in vinum mittatur. *Mizaldus.*

Vino sapes, & odores diversos quomodo concilies.

Herbæ, semina, aut aromata quævis infunduntur in aquam ardentem per horas viginti quatuor, sic vis illorum extrahetur. Tum aquæ sic imbutæ modicum vino bibendo miscebitur. *Euonymus.*

Ut Vinum palato arrideat, atque odore & colore gratum sit.

Malum Medicum, seu Malum Citrium Caryophyllis undique stipatum cado inferas ita, ne vinum attingat: nullum nec vapidum nec mucidum saporem contrahet. *Alexius.*

Vinum novum turbidum, ut citò fiat clarum.

Rasuræ latæ subtiles, levis nemoris Fagi, quæ fiunt cum ascia, seu cum instrumento applanante lignorum inæqualitatem, ponantur in vase, & duobus diebus clarescit. *Idem.*

Ut neque tonitrua neque fulgura pervertant Vina.

Ferri lamina, cum sale, aut filicibus doliorum operculis imposita, noxam à fulgure & tonitru detrahunt. *Idem.*

Mustum ne ebulliat.

Ex Pulegio, vel Origano coronam confice, & collo vasorum circumpone. Vel interiora doliorum labia lacte vacino perunge, detinebit enim intus bulliens mustum. *Idem.*

Ut Vinum novum vetus fiat.

Rec. Meliloti unc. j.

Glycyrrhizæ,

Nardi Celticæ, sing. unc. iij.

Aloës hepaticæ unc. ij.

Contundantur & misceantur cum vino. *Euonymus.*

Vinum ne florem habeat.

Oenanthem siccata in Vinum inspergito, aut farinam Ervi Vino admisceto. Ubi verò infrà secesserint flos & farina, vinum in aliud vas transfundito. *Alexius.*

A vino aqua quomodo segregetur.

Vas ex hedera conficiatur, vinum injicias, & si quæ mista fuerit aqua, brevi tempore foras exstillabit. *Idem.*

Vinum ab aqua quomodo separetur.

Liquidum alumen in Vini dolium mittito, deinde spon-

gia

gia uncta oleo vasis os obstruito, & inclinans effundi finito, & effluet solum aqua. *Idem.*

Aliter.

Licia vel penicilli ex gossipio, vino in dolio immergantur, ut superemineant: ab ea enim aqua secernitur.

Vinum an habeat admixtam aquam.

Mala vel Pyra sylvestria vino immergantur, si perfluitantia supernataverint, meri; si verò merguntur, diluti indicium est. Vel Canna græca, vel palea, vel simile aliquid oleo inungatur, deinde in vinum ponatur, & extrahatur, quòd si guttæ aliquæ adhærent, aquam habet. *Democritus, Florentinus, & Sotio.*

Vinum an aquâ sit infuscatum.

Si voles experiri an musto remixta sit aqua, ovum imposito: si statim descendit, aquosum est: sin contrà, purum. Præterea, si vini in dolio ferventis impetum frangere voles, minimam casei particulam in illud projice, vel immitte, videbis rem miram. Cur autem id fiat, docebit *Georgius Valla Placentinus.*

Ut Aqua Vino mixta supernatet.

Sanguis gallinæ galli siccatus, pulveratus, & vino aquâ diluto mixtus, aquam supernatare cogit. *Ex relatione cujusdam Monachi.*

Ad Aquam à Vino secernendam.

Scirpus siccatus & vino lymphato immixtus, quidquid inest aquosi ad se rapit, relicto vino. Quod ad exploranda vina dilutiora erit, ac utile. *Mizaldus.*

Ut Vinum reddatur gratissimum.

Vinum palato arridebit, & cum odore tum colore perplacebit, si Malum medicum, seu citrium Caryophyllis undique compunctum & armatum ita in dolio suspendatur, ne vinum attingat. Sic enim nullum saporem vapidum, aut mucidum contrahet.

Ne Vinum vappescat.

Oleum Vino, vel alterius generis liquori superinfusum, præpedit ne vappescat, aut corrumpatur. Nam omnis halitus, qui putredinem inferre posset, unâ cum externo aëre, veluti quodam tectorio, excludit. *Plin.*

Aliud.

Si desit commoditas æstivis mensibus vinum in subterraneas, & profundas apothecas mittere, prohibebis ne vappescat, detrudendo in ejus dolium lardi, & suillæ carnis falsæ sesquilibram lino involutam, aut majorem capacitatem, pro vasis capacitate. Sed ita ut dum unum depromis, id unâ ad fundum usque descendere patieris, donec vas exhaustum sit. Fiet ita, ut nec vinum à se degeneret, nec vappescat. *Lemnius.*

Ad Vini fervorem citò restinguendum.

Theophrastus scribit, quòd si quis bullientem vini urceum pumicem injecerit, illius fervorem statim sedabit.

Ad Vinum refrigerandum.

Ne vinum æstivis mensibus, & per Caniculæ incendia, citò in congiis & amphoris vappescat, sed suave sit, ac summè frigidum: collocentur vasa œnophora in labro aquâ frigidâ oppleto, deinde salpetræ, aut nitrum illi inspergatur. Tantâ frigiditate vinum imbui continget, ut vix dentes ferre possint. *Lemnius & Langius.*

Vinum Græcum ut fiat.

Qui ager longè à mari aberit, ibi vinum Græcum sic facito: Musti quadrantalia 20. in ahenum, aut plumbum infundito, ignem subdito, ubi bulliet vinum, ignem auferito, cumque vinum refrixerit, in dolium quadragenarium infundito, seorsim in vas aquæ dulcis quadrant. j. injicito salis M. j. finito muriam fieri. Ubi muria facta erit, eodem in dolio infundito Schoenum, & Calamum in pila contundito, cujus sextarium unum eodem in dolio infundito, ut odoratum fiet. Post dies 30. dolium oblitito. Ad Ver diffundito in amphoras: Biennium in Sole finito positum esse: deinde in tectum conferto. Hoc vinum deterius non erit, quàm Coum. *M. Cato.*

Vinum Coum ut fiat. -

Vinum Coum si voles facere, aquam ex alto marinam sumito, mari tranquillo, cùm ventus non erit, dies 70. ante vindemiam, quo aqua dulcis non perveniet. Ubi hauseris de mari, in dolium fundito, nolito implere, quadrantalibus quinque minus sit, quàm plenum: operculum imposito, relinquito, quo interspiret. Ubi dies triginta præterierint, transfundito in alterum dolium puriter & leviter: relinquito in imo quod defederit, post dies viginti in alte-

alterum dolium idem transfundito: ita relinquito usque ad vindemiam. Unde vinum Coum facere voles, uvas relinquito in vinea: finito, benè coquantur, & ubi pluerit, & siccaverit, tum deligito, & ponito in Sole biduum, aut triduum sub dio, si pluviae non erunt: si pluvia erit, in tecto in cratibus diligenter exponito, & si qua acina corrupta erunt, depurgato. Tum sumito aquam marinam q. s. in dolium quinquagenarium infundito aquæ marinæ Q. X. Tum acina de uvis miscellis decerpito, de scopio, in idem dolium, usque dum impleveris manu comprimito, ut combibant aquam marinam, ubi impleveris dolium, operculo operito, relinquito, quâ interspiret. Ubi triduum præterierit, eximito de dolio, calcato in torculari, & vinum condito in dolia lauta, & pura & sicca. Ut odoratum benè fiet, sic facito: sumito testem picatam: eo prunam levem indito suffito, ferta & schœno & palma quam habent unguentarii, ponito in dolio, & operito, ne odor exeat, antequam vinum indas. Hoc facito pridie, quàm vinum infundere voles, de lacu quàm primum vinum in dolia indito, finito dies 15. operta antequam oblinas, relinquito, quâ inspiret vinum. Postea oblinito. Post dies xl. infundito in amphoras, & addito in singulas amphoras sapæ sextarium unum. Amphoras nolito implere nimium ansarum infimarum vini, & amphoras in Sole ponito, ubi herba non fiet, & amphoras operito, ne aqua accedat, & ne plus quatrimum in Sole siveris. Post quatrimum in culleum componito, & instipato. *M. Cato.*

Ut Vinum malvatici gustum præ se ferat.

Flore hortensis Hormini, & semine in dolio vini posito, dum adhuc fervet, tanta gratia ipsi vino conciliatur, ut Cretici, aut malvatici gustum præ se ferat. Arrigite aures œnopolæ, sed neminem obsecro vestris improbis miscellaneis defraudate. *Mixaldus in Horto medico.*

Vinum Borriginatum utile melancholicis, & cardiacis letitiam affert, amentias tollit, &c.

Rec. Florum Borriginis quantum volueris, ponantur in musto novo usque ad perfectam depurationem: deinde postquam confederit, in aliud vas sensim fundatur, & ad usum fervetur. *Arnoldus Villanovanus.*

Vinum ex Halicacabi granis educit materiam calculosam à renibus & vesica manifestè, & urinam retentam ducit.

Rec. Granorum Halicacabi contritorum, quantum fatis est, coletur vinum calidum, vel frigidum super ipsa aliquoties, donec saporem & vim eorum recipiat, saccharo vel melle condiatur. *Arnoldus & Dioscor.*

Vinum Cydonites prodest stomacho, dysenteria, hepaticis, renum vitiis, difficultati urinæ, adstringit, &c.

Rec. Malorum cotoneorum mundatorum, & incisorum lib. xij. ponantur in Musti cadum per xxx. dies; deinde reponatur. *Alexius.*

Vinum Hippocraticum.

Rec. Corticis cinnamomi interior. drach. vj.

Zingiberis unc. dimidiam.

Nucis moschatæ drach. ij.

Caryophyllorum,

Granorum Paradisi, sing. drach. j.

Cardamomi, scrup. js.

Piperis,

Calami aromat.

Coriandri præparati, ana scrup. j.

Vini optimi lib. iix.

Sacchari albi q. s. est.

Pulverizanda pulverizentur, deinde misceantur, & colentur secundum artem. Cæterum hoc vinum lacte amygdalarum clarificari potest. *Euonymus.*

Aliud ad Imbecillitatem stomachi.

Rec. Cinnamomi electi unc. sem.

Zingiberis albi drach. ij.

Caryophyllorum,

Piperis longi,

Nucis moschatæ, sing. scrup. ij.

Sacchari albi lib. dimidiam.

Omnia bene trita in meri albi mensuris tribus commisceto, ac percolato. *Idem.*

Aliud.

Rec. Cinnamomi electi unc. j. sem.

Zingiberis unc. dimidiam.

Caryo-

Caryophyllorum drach. ij.
 Galangæ drach. j.
 Granorum paradisi drach. js.
 Vini rubri mensuras js.

Misce, & coletur secundum artem, lacte Amygdalarum clarificando. *Alexius.*

Vinum Hippocraticum facili ratione.

Rec. Cinnamomi electi unc. ij.
 Zingiberis unc. j.
 Carpesii unc. dimidiam.
 Sacchari albi lib. sem.

Trita hæc omnia in fiscum ponantur, & ex eo vini optimi mensuræ duæ liquentur aliquoties, ut vinum transeundo quantitates eas combibat. *Idem.*

Vinum Hippocraticum laxativum, contra Quartanam, Quotidianam & Tertianam notam; concoquit & præparat humores, & eosdem mox per alvum educit.

Rec. Cinnamomi electi,
 Passularum, sing. unc. dimidiam.
 Zingiberis,
 Zedoariæ,
 Caryophyllorum,
 Masticis, sing. unc. j.
 Polypodii drach. iv.
 Epithymi drach. vj.
 Esulæ drachm. j.
 Sacchari, quantum satis est.

Misce, & confice secundum artem, fiat potus & bene servetur ad usum. *Euonymus.*

Vinum Hippocraticum cum aqua ardente.

Rec. Cinnamomi electi unc. ij.
 Zingiberis unc. dimidiam.
 Granorum Paradisi,
 Piperis longi, sing. drach. j. f.
 Caryophyllorum drach. j.
 Nucis moschatæ drach. dimid.

Trita omnia in vas aquæ ardentis ter quaterve destillatæ, plenum & clausum per quatuor dies ponantur, & bis aut ter quotidie agitentur, demum coletur, & servetur. Hujus

mediocre cochleare plenum immittes in generosi vini rubei mensuram & sacchari libra addatur. Si tamen vinum dulce sit, saccharo opus non est. *Euonymus.*

Malvatici apparatus.

Rec. Galangæ optimæ,
Caryophyllorum,
Zingiberis,
Macis, sing. drach. j.

Hæc omnia crassiusculè trita in vase ligneo, benè operculato, infusa in aqua ardente relinquito horis 24. deinde in linteo suspendito ex filo in vas capax summæ ut vocant, aut dimidiæ summæ vini clari per tres dies. Et habebis vinum tam bonum & forte, quàm ipsum nativum malvaticum. *Idem.*

Vinum malvaticum.

Rec. Moschi,
Agallochi sing. drach. j.
Cinnamomi,
Cardamomi,
Caryophyllorum, sing. drach. ij.
Sacchari candidi unc. dimid.

Contundantur leviter, & in sacculo in vino suspendantur. *Idem.*

Vinum de Romania.

Rec. Cinnamomi electi,
Succi glycyrrhizæ, ana drach. ij.
Anili drach. j.
Macis drach. dimidiam.
Sacchari drach. iij.

Hæc omnia trita crassiusculè in sacculo suspende in vino.

Vinum Græcum.

Rec. Zingiberis,
Galangæ singul. lib. dimid.
Granorum paradisi,
Caryophyllorum, sing. unc. iij.

Redigantur in pulverem non tenuissimum, deinde in sacculo suspendantur in dolio vini mediocri (in ein Fuder) *Euonymus.*

Vinum muscatellum.

Rec. Glycyrrhizæ,

Poly-

Polypodii ,
 Anisi , fing. drach. ij.
 Nucis moschatæ , drach. iij.
 Calami aromat. drach. j.

Terantur leviter, & in facculo suspendantur in vino. *Idem.*

Vinum sapore Rhætici.

Rec. Cinnamomi ,
 Zingiberis ,
 Caryophyllorum fing. drach. dimidiam.

Crassiusculè trita misceantur: deinde linteolo illigentur ,
 & in vase vitreo , aquæ ardentis pleno , atque optimè
 obstrueto , per horas duodecim suspendantur. Cùm uti
 volueris , linteolum exprime in magnum aliquod pocu-
 lum vitreum , cui infundendum est vinum , ita ut latera
 poculi aromatica illa aqua ardente conspergantur , ut li-
 quor in fundum expressus , inclinato poculo latera undi-
 que madefaciat. Deinde vinum infunde , quod habebit
 saporem Rhætici vini. *Idem.*

Vinum Zedoarticum.

Rec. Cinnamomi unc. iij.
 Caryophyllorum ,
 Nucis moschatæ ,
 Granorum paradisi ,
 Cardamomi , fing. unc. dimidiam.
 Zedoariæ drach. vj.
 Cubebæ ,
 Piperis longi , fing. unc. ij.

Contundantur crassiusculè , & in facculo , in mensura vi-
 ni, quæ vulgò Oma vocatur , suspendantur. *Idem.*

Claretum.

Rec. Cinnamomi unc. ij.
 Galangæ ,
 Zingiberis , fing. unc. j.
 Granorum paradisi ,
 Piperis longi , fing. drach. j.
 Caryophyllorum drach. ij.
 Mellis lib. j. fem.
 Sacchari lib. vj. vel viij.
 Vini albi mens. xvj.

Pulverizanda pulverizentur, deinde misceantur, & aliquoties colentur, cum albuminibus ovorum clarificando.
Idem.

Claretum.

Rec. Cinnamomi unc. j.

Zingiberis,

Granorum paradisi, sing. drach. j. sem.

Caryophyllorum drach. ij.

Coriandi præparati drach. iij.

Sacchari albi unc. iv.

Omnia trita & colata, reserventur in vase stanneo. *Idem.*

Aliud.

Rec. Cinnamomi unc. dimidiam.

Caryophyllorum drach. j.

Zingiberis unc. ij.

Sacchari albi lib. dimidiam.

Mellis unc. j.

Vini albi mens. iij.

Misceantur, & fiat Claretum secundum artem. *Idem.*

Aliud.

Rec. Cinnamomi electi unc. j.

Zingiberis unc. dimidiam.

Galangæ,

Caryophyllorum,

Granorum paradisi, sing. drach. ij.

Croci drach. j.

Mellis opt. despumati lib. ij.

Vini optimi mens. ij.

Omnia trita per sacculum colabis, cujus pars superior lineæ sit, inferior lanea. Hoc vino, si mulier uti debeat, aut delicatus aliquis, pro melle saccharum pones. *Idem.*

Claretum laxativum.

Rec. Cinnamomi unc. j.

Galangæ drach. vj.

Efulæ,

Turbith,

Pilularum Hermodact. sing. drach. dimidiam.

Redigantur in pulverem, & fiat Claretum cum melle, saccharo & vino secundum artem. *Idem.*

Vinum

Vinum saccharatum, senibus frigidis & debilibus convenit, & quibus humor natus, & calor naturalis minuitur. Nutrit enim, & sanguinem generat, & replet partes principales spiritibus.

Rec. Vini Malvatici,

Sacchari albissimi, sing. lib. iv.

Coquantur ad lentum ignem usque ad syrupi consistentiam: deinde ad usum fervetur. Usus ejus est, cum duabus aquæ partibus. *Idem.*

Vinum ut alvum bonam faciat.

Vinum si voles concinnare, ut alvum bonam faciat, secundum vindemiam, ubi vites ablaqueantur, quantum putabis ei rei satis esse vini, tot vites ablaqueato, & signato, earum radices circumsecato, & purgato. Veratri radices contundito in pila, eas radices dato circum Vitem, & Stercus vetus, & Cinerem veterem, & duas partes terræ circumdato, radicibus vitis terram insuper injicito. Hoc vinum seorsim legito. Si voles servare in vetustatem, ad alvum movendam servato, nec commisceas cum cætero vino. De eo vino cyathum sumito, & misceto aquam, & bibito ante cœnam. Sine periculo alvum movebit. *M. Cato.*

Vinum ad alvum movendam.

Vinum ad alvum movendam concinnare si voles: vites cum ablaqueabuntur, signato rubricâ, ne admisceas cum cætero vino. Tres fasciculos Veratri circumponito circum radices, & terram insuper injicito. Per vindemiam de iis vitibus, quod delegeris, seorsum servato, cyathum in cæteram potionem indito: alvum movebit, & postridie purgabit sine periculo. *Idem.*

Vinum ad alvum movendam.

In Vinum mustum veratri atri manipulum conjicito in Amphoram, ubi satis efferbuerit, de vino manipulum ejicito. Id vinum servatur ad alvum movendam. *Cato.*

Vinum ad lotium.

Vinum concinnare, si lotium difficilius transibit, Capreidam, vel Juniperum contundito in pila, libram indito in duob. congiis vini veteris: in vase aheneo vel in plumbeo defervefacito. Ubi refrixerit, in lagenam indito. De hoc mane jejunos cyathum sumito, proderit. *Idem.*

Vinum

Vinum ad tormina, si alvus non consistat.

Ad tormina, si alvus non consistat, & si tineæ & lumbrici molesti erunt, 30. mala punica acerba sumito, contundito, indito in urceum, & vini nigri austeri congios tres; vas oblinito, post dies 30. aperito, & utitor: jejunus heminam bibito. *M. Cato.*

Ad Dyspepsiam & Stranguriam.

Ad Dyspepsiam & Stranguriam mederi malum punicum, ubi florebit colligito. Tres minas in amphoram infundito; Vini qu. c. veteris addito, & Fœniculi radicem puram contusam minam. Oblinito amphoram, & post dies xxx. aperito, & utitor. *M. Cato.*

Ad Vinum ementiendum.

Flos Amaranthi in aqua maceratus vinum ementitur, grata febricitantibus impostura. *Mizaldus in Horto medico.*

Ne quis à vini potu oleat.

Iris troglodytis manducetur, & vinum potatum non exhalabit. *Alexius.*

Ut quis citò inebrietur sine nocumento.

Lignum Aloës Indum infundatur in vino, aut coquantur cortices Mandragoræ in aqua, donec rubeat, & diluatur vinum ex eâ. *Alexius.*

Ut ex multo vini potu quis non inebrietur.

Rec. Succi caulium alborum,

Succi granatorum acrium, sing. unc. ij.

Aceti unc. j.

Bulliant simul aliquandiu, & fiat syrupus, de quo sumatur unc. j. antequam bibatur. Vel Amygdalæ amaræ quinque vel septem à jejuno comedantur. Pulmo caprinus vel ovis affatus, & comestus, & semen Caulium, & Absinthium, & Sal naphticus, & Amethystus gestatus, omnia hæc ab ebrietate præservant. *Idem.*

Vini haustu nimio ne inebrietur accumbens.

Potator vini non inebriatur, si Chamæpytios, vel Hederæ ramulis fuerit coronatus: vel si initio cœnæ crudæ Brassicæ quatuor vel quinque cymata comederit. Hirundinis rostri cinis, vel Hirundinum combustarum pulvis in
vino

vino potatus cum myrrha, in æternum non finit inebriari. Idem facit succus foliorum Persici expressus, & cyathus jejune sumtus. *Idem.*

Ut ebrii rursus sobrii fiant.

Sobrios reddit ebriosos Acetum affatim haustum, & Braslica comesta, & dulciaria ex melle ac Placentæ. *Idem.*

Ne quis ebrietatem sentiat.

Qui caprinum pulmonem tostum ederit, ebrietatem non sentiet, etiam si bibendi certamine provocetur. *African.*

Vinosos abstemios reddere.

Multi sunt, cum vinum liberalius hauriant, ut nil eis perniciosius sit, sed in morbos, denique in mortem incidunt: at eos aspernari, & abhorrescere si voles, & Clitorius fons longè abest: Anguillas tres, vel quatuor vino immerfas finito, dum emoriantur: ebrioso vinum propinato, & pertædescet, semperque oderit, nec amplius bibet, vel quam minimè modestius degens. Mullum quoque vino suffocatum (Athenæus memoriæ prodidit) si protinus à viro absumatur, Veneris impediendæ potestatem habere: si à muliere, nunquam eam concipere. *Porta.*

Vinosos abstemios reddere, aliter.

Observato, ubi noctua niduletur, illius ova præripias, elixata infanti in comestatione præbeto, semper inde vina perosuro. *Jarcas.*

An futura sit Vini copia.

Upupa si cecinerit antè quàm vites germinent, futuram vini copiam prælagire ajunt. *Mizaldus.*

Cerevisia ut per totum annum incorrupta & integra maneat.

Cerevisia, apud Germanos, quæ Martio fit mense, sine vitio per totum servatur annum. *Cardan.*

Ad languescentem Cerevisiam.

Cerevisiam ubi à genuino sapore degeneravit, aut ubi languescit, medicatis odoratisque rebus restituimus, ac saporis gratiam conciliamus, nempe Iridis radice, Zingibere, Nuce myristice, seu moschata, Caryophyllis, Lauri baccis, ejusque aridis foliis, Calamo odorato, Origano, Betâ. *Lemnius.*

Aqua lactis fontanæ similis.

Aqua lactis fontanæ perlimilis sic habetur: fervefactæ vespe-

vesperi Acetum album, aut Aurantii succum, aut Omphacium inspergito: sed cave ne bulliat, post lintheo in facculi formam confuto, ac spissiore percolato: turbida primum exhibit; id verò sæpius cum repetieris, ut aqua fontis tandem exhibit. *Cardanus.*

Acetum ut fiat acre.

Quarta aut quinta pars aceti ad ignem fervefiat, deinde reliquo addatur, & ad Solem per dies octo exponatur, & acerrimum & jucundum erit. Cæterum Graminis radices vetustæ, & Uvæ passæ, & Pyri sylvestris folia contusa, & Rubi radix, & Lactis serum, & Glandes ustæ, Prunæ ignitæ, & Cicerum decoctum, & Testæ ignitæ, singula ex his in acetum conjecta, ipsum acre faciunt. *Alexius.*

Ut illicò forte reddatur Acetum.

Acetum validum & forte illicò reddes, si in illud recentis hordeacei Panis frustula injicias; nam intra biduum valdè acefcet. *Mizaldus.*

Vinum ut illicò in Acetum vertatur.

Si illicò velis convertere Vinum in Acetum, projice in illud Sal cum Pipere & Fermento subacido confusum, & id celerrimè præstabit. Si properantiùs perfici velis, Latorem aut Chalybis partem ignitam, semel atque iterum in vas demerge: aut Raphani radices, vel immatura Mespila, Corna, Mora, aut Prunula. Idem etiam præstabit Violæ altilis, quæ Caryophyllata dici solet, flos spectatissimus vino immiffus. *Porta.*

Acetum ut subitò fiat.

Si Acetum subitò facere voles, tusam Betæ radicem in vinum conjicies, post horas tres in Acetum degenerabit. *Mizaldus.*

Ut Acetum Vini naturam adfciscat.

Ut Vinum subacidum, aut Acetum Vini naturam adfciscat, Porri semine effeceris, aut injectis Pampinis, ac Capreolis vitis. *Lemnius.*

Acetum ut fiat arte.

Acetum fit sale imposito, & re quâcunque acri, quæ putrescat (expertus sum ego Piper) lucro ingenti si Siliquastrum fervetur. Fit & igne: cum enim fervet, inde expo-

exponitur Soli, aceto jam admixto, totum facilè acescit.
Cardanus.

Acetum ut ex aqua fiat.

Pyra agrestia triduo servantur in cumulo, inde aqua superfunditur pauca, singulisque diebus usque ad dies xxx. Licet etiam post hæc repetere: nam sublatâ dulci parte, tum putredinis auxilio aqua in acetum transit. Dactyli enim & Caricæ, & Uvæ expresso dulciore succo, inde aquâ additâ, primò quidém ac secundò Vinum, tertio verò Acetum acerrimum detrahitur. *Cardanus.*

Contra Sitim ex calore.

Contra Sitim ex calore proveniente; detineantur in ore CrySTALLI, Corallia, Argentum, Saccharum candidum, aut Silex, qui aliquandiu in frigida aqua fontana jacuit. Julepus etiam rosarum, & violarum cum aqua. Imo quoque radix Glycyrrhizæ recens è terra evulsâ, & manducata, sive ex aqua pota, sitim sedat. Quemadmodum & vigiliæ extinguunt sitim à calore ortam; sic somnus ortam à siccitate. Frigidâ etiam aquâ os colluere prodest. Fici recentes sitim levant, caloremque refrigerant. Nuclei nucis Pineæ, Portulacæ folium linguæ subditum, Fraga, Pyra, Pruna, Cerasa, Malorum cydoniorum grana, Lactucæ & Cucumeris semina ad minuendam sitim sunt præstantissima. Perfusus aquâ frigidâ panis, & cum vino sumtus contra sitim prodest. Vinum refrigeratur, si in aquam frigidam unâ cum cantharo collocetur, panisque tostus in aquam fontanam frigidissimam immittatur, cui postea inde exempto vinum infundatur, illudque hoc modo bibatur, aquâ interim sæpiùs permutatâ.

DE VENERE.

CAP. IIX.

Veneris in castris fortiter militare.

SI quis Veneris in castris fortiter militare vult, tali muniaturo cibo, præcipuè bulbis: Omnes enim Venerem stimulant. Sic Eruca largè sumta, Cicer, Cepæ, Pastinaca, Anisum, Coriandrum, Pinearum nucum nuclei. Deinde Satyrion largè movet semen, & fortiùs venerea in re adstat, & mulieribus inde libido acriùs excitatur, Venerisque urtica est. Si que nobis esset herba illa, quam Indus attulerat
(cujus

(cujus meminit Theophrastus) ut non solum edentibus, sed tangentibus jam genitalibus adest vis, quæ incresceret, ut valerent quoties coire vellent, & ea usi fuerant, duodecies perfecissent, illum autem ad septuagesimum coitum pervenisse affirmat, ut tantum guttatim esset spermatis emissio, & in sanguinem deveniret. Unde si ex omnibus vel aliquibus Venerem vis ciere, tali remedio utere: Satyræ sumito radices, Pineæque nucis nucleos, Anisum & Eruca, ut æquali certent pondere, Scincorum medietat. Moschi parum, si electo & despumato melle conficiantur, nec removendum Passerum cerebrum, Ornoglossum, sylvestris Eruca, & iis similia. Si quis autem certando vellet mulieris semen movere, coli glandem, Moschi, & vulgò dicti Zibeti, Castorei, Cubebarum, & Olei benè aspergine irrigato, vel horum unum: coeuntes enim largè movent. Uterque autem sic delectabitur, longum Piper, Pyretium, Galanga contundantur, pulveris pusillum cum Melle conficiatur, eoque utantur. *Joan. Bapt. Porta.*

Ad Venerem excitandam.

Mirum est, quòd digitus magnus dextri pedis, cinere Stellionis cum oleo, vel melle inunctus, latè sufficere potest iis, qui ætate, vel aliter, mortuum ferè habent penem, & rebus venereis peragendis parum sunt idonei. Authores sunt prisca illi rerum naturæ indagatores solertissimi, cum plerisque recentium.

Ad Venerem fœminis excitandam.

Si testes Anserum, mensibus sedatis illicò à muliere comedantur, non solum ad excitandam libidinem conferre dicuntur, sed etiam ad sobolem procreandam. Idem etiam effici ab utero leporis lectum est. *Rhasis & Albertus.*

Ut mulier virum suum admittat.

Quando mulier non vult virum suum admittere, tunc accipiat vir ejus aliquid de sebo Hircorum mediorum inter parvos, & magnos, & liniat cum eo priapum suum, & coeat: ipsa enim amabit eum, nec coibit postea cum aliis. *Albert.*

Ut mulier viro suo delectetur.

Si mulier non delectetur cum viro suo, accipe medullam Lupi de pede sinistro, & porta eam, & nullum diliget præter te. *Idem.*

Ad

Ad Venerem augendam.

Rec. Castanear. vino Cretico maceratar, deinde coctar.
num. xx.

Satyrionis num. x.

Pinearum mundat. unc. iv.

Scincorum num. ij.

Amygd. dulc. rec. exc.

Pistaciarum ana unc. iv.

Sem. Erucæ unc. ij.

Cubearum unc. j.

Cinnamomi unc. sem.

Sacchari unc. xij.

Fiat Electuarium. *Ex lib. manuscript.*

Ad Venerem augendam.

Rec. Castanearum in vino optimo coctarum n. xx.

Pistacearum mundat. unc. iv.

Scincorum n. ij.

Satyrionis n. x.

Cinnamomi electi unc. sem.

Sem. Caulium drach. vij.

Cubearum unc. j.

Sacchari albissimi, qu. sufficit.

M. fiat Electuarium, de quo sumat æger ad castaneæ quantitatem, ante vel post coenam. *Roscellus.*

Aliud Ejusdem ad idem.

Rec. Sacchari albissimi unc. iv.

Pistaciarum unc. j.

Zingiberis drach. ij.

Piperis longi drach. j. f.

Scincorum drach. ij.

Pinearum mundatarum unc. v.

Contundantur optimè, misceantur, & fiat Electuarium.

Tabule ad idem.

Rec. Cinnamomi, Zingiberis, Piperis.

Sem. Nasturtii, sem. Erucæ, Sinapis sing. drach. f.

Lingæ avis, sem. Coepæ, Scincorum, ana scrup. j.

Sacchari albiss. in aqua ros. dissoluti unc. iv.

Fiat confectio in Morsellis. *Roscellus.*

P

Ut

Ut mares vel fœminæ gignantur.

Plantæ Mercurialis masculæ (nam in marem & fœminam discriminant) decoctum, vel succus diebus quatuor à primo purgationis die mulieribus bibitus, procreandi maris vim utero confert: Fœminæ verò Mercurialis, similis succus totidem diebus, pariçue modo assumtus gignendæ prolis Fœminæ vires suppeditat, si cessantibus menstruis & composito utero, vir & mulier debitè congregiantur, & mutuo amplexu concalescant. *Dioscor. & Plin.*

Ut mulieres pulchros pariant filios.

Hinc solerti evenit ex cogitatu, quonam pacto mulieres pariant filios: prodidit *Empedocles* mulieris in conceptione visionem fœtum conformare; nam subinde imagines & statuas adamarunt mulieres, quibus similes fœtus ediderunt, & sæpè scriptis proditur, mulieres nigros & villosos peperisse filios: & causam homines rimati, quæ multa divexa vera ingenia, picturas in parietibus reperiëre ex adverso existentes, quibus fœminæ dum venereo fungerentur munere, oculi detinebantur, eaçue cogitatione animus affectus, similes fœturas referebant. Unde quod usu venit, memoriæ mandandum judico, & quod maximè salutare remur esse, & sæpè occurrens omnibus præcepi, ut in earum conspectu, Cupidinis, Adonis & Ganimedis effigies pendeant, vel è materiâ parentur solidâ, inde Venerem exercentes mulieres, animo versent, ut fortissimâ imaginatione animus rapiatur, & gravidæ diutiùs contemplantur, & partus inde genitus eum imitabitur, quem ipsæ coëuntes, mente conceperint: nec parum id profuturum scio. Cùm id sæpiùs præcepissem, audivit mulier, statimçue candidum marmoreum puerum, beneçue formatum ante oculos sibi proposuit: talis enim exoptabat formæ puerum coëundo, & uterum gerendo, quàm sæpissimè animo eum devolvebat, enatumçue postea fœtum ostendit mater obesulum, nec illi marmoreo simulachro dissimilem, ita pallentem, ut verum imitaretur marmor: & veritatis experientia patuit, aliquæ artificio sunt laudatæ, successusçue fovit. Ne sint præterea inordinati coitus, nève in latera, sursumçue fiant: plerisque enim hoc in causâ fuit, ut diversa orientur monstra. *Porta.*

Quo-

Quomodo discolores, & pulchri fœtus gigni debeant.

Magnus est animi effectus, vel vis imaginationis: maximus verò dum sui in excessum fertur, ut id assequi cogitatione minimè queas. Gerentes uterum mulieres, cum avidissimè cupiunt, vehementer excogitant, spiritus immutant interiores, & in his excogitatæ rei pinguntur imagines, ii sanguinem movent, unde in mollissima fœtus materia rei imagines exprimunt: sic partus in perpetuum maculis variisque notis inficiunt, nisi desiderio refricato quiescant. Ideò non impunè rerum exploratores exquisivè, ita signari fœtus, uti cogitat anima, & maximè in præcipuis actionibus, ut in maris congressu, spermatis ejectione, & aliis. Ideò homini cum insit cogitationis velocitas, animique celeritas, & ingenii varietas multiformes imprimit notas: plures idcirco in homine, quàm in cæteris animalibus differentiae: aliis enim cum immobiles sint animi, singulis in suo genere Similia procreandi datur facultas. Hanc animi & cogitationis vim rectè novit Jacob, uti sacrae testantur literæ.

Monstra quomodo gignantur, & de mira vi putrefactionis.

Nec ita facilior dabitur monstra producendi modus, quàm è supradictis. Si quis autem id summoperè affectârit, multas patefaciamus talia producendi vias. Principio putabat *Democritus* ex plurimorum commixtione feminum, cum hoc antè, illud postea jactatum uteri partes subingreditur, & simul confunduntur, dissidentque membris, ut biceps homo, & multi-membra gignantur animalia. *Empedocles* autem responsa omnia præoccupando verum concepisse visus est. Ipse enim ob feminis redundantiam, aut defectum, aut ob principium motus, aut in plura distributionem, aut ob imprægnationem, monstrosa ait animalia gigni. *Straton* autem ab adjectione, ablatione, transpositione, aut sufflatione id venire tradit. At Medici quidam, id vulvæ adscripserunt, quæ sæpè flatu imbuta, subvertatur. Natura sagax in animalium efformatione membra primùm effingit, quæ in corpore principatum obtinent: postea ex impertienti materie, nunc parcius, nunc profusius operatur, ut se sibi suggerit: sic defe-

ctu coërcita, vel redundantia superata ab incepto impeditur opere, unde partus producit monstrosam labem affectos: ut in arte sapientius perspicitur: nunc mutilata, ut claudos, monoculos: nunc superflua, ut hermaphroditos, quaternis oculis, totidem brachiis, totidemque pedibus: sic quæ fortuito, vel arte ordinantur, adjuvat ipsa, & inchoatis dat finem. Tibi autem, qui cupidus arte quadam monstra in lucem proferre desideras, ut exemplis condiscas, multa horum *lib. 6. § 8.* trademus principia: cogitato & exoriri, quæ consequi possibilia fuerint: subscribit enim natura votis, opereque delectaberis, eaque evenient, quæ nunquam putaveris, ansamque præbent conficiendi, quæ vetitæ descriptionis, & potius admirandi, quam profani sunt operis. *Johan. Baptista Porta.*

*Utrum mulier intacta, an coitu, vel puerperio
maculata sit, noscendi ratio.*

Aliqua hujus rei experimenta attulit prisca ætas illa; aliqua verò & posterior, paratu facilia, mirandaque: ut homines visis potius sensum negare, & se stultos fateri, quam veritatem comprobare audeant, quique desiderio hujusmodi demulcentur, investigationis oblectatione tenentur, & doctrinam hanc avidissime sitiunt, capiant conficiendi normam, videantque experimentum: Gagatis lapidis (qui frequens est nobis, quo globulos effingimus in coralliis precariis, ad numerandas, vel explendas preces) rasura, vel ipse pilâ tundatur, ac setaceo cribro transmissus, in tenuissimum redigatur pulvisculum: inde ex aqua vinove hauriatur, si ciet illico lotium, & retinere nequit, corruptæ virginitatis indicium, eamque defloruisse prodit: si viri non adhuc congressus: vel puerperium passa fuit, eam compercit, & arctius cohibendi datur facultas. Nec minus invalidè id manifestat Succinum album, seu CrySTALLUM, quod Electrum vocant, si in pulverem reductum jejune ex vino sorbeatur, & ad interiora feratur: nam si carnis senserit maculam, movet urinam. Possumus sic expeditius hujus rei capere experimentum idem suffitu: si Portulacæ semen, vel Personatæ folia, quam vocant nostrates Lapathium, ardentibus prunis inspersa, ad suffimenta substituantur, & virginitatis fumus proditor furgat, tunc infundibulo, aliove instrumento patulo vulvæ ore sursum permeet, projiciet extemplo urinam, & mejet,
nec

nec retinere valet, si veneream passa est labem. Si veneris ignara, fumum irritè recipit, urinam tenet, & virgo esse deprehenditur. Si quis autem joci gratia, non mēgere solūm, sed semen mulierem emittere velit, hoc efficit: Agallochum, quod Xyloaloe dicunt, ferretur, vel præcidatur, ejusque ferraturam vivis carbonibus affatim inspergito, ac peruri curato: recipiat fumum mulier, ac vulvæ meatus subiens, effluet latè semen, nec injucundum erit specimen. *Idem.*

Ad Ligatos.

Ligatum à quopiam malefico sanare creditur Picus uvis commissa: adhæc suffitus ex dente hominis mortui: & si corpus totum inungatur felle corvino, & oleo Sefamino.

Ex Cleopatra.

Vel si Argentum vivum in calamo, aut Avellanæ nucleo vacuo cum cera occlusum sub pulvinari maleficio læsi collocetur, aut sub limite ostii, per quod is in ædes, vel cubiculum intrat. *Hæc Vujerus.*

Ad Ligatos solvandos.

Si sponsus, inquit *Varignana* nec non *Nicolaus* & *Arnoldus*, per nuptialem annulum mingat, solvi ab impotentia Veneris & fascino. Quòd si in amantis calceum stercus amatæ ponatur, ubi odorem senserit, solvitur amor: nam odiosa est hæc res, & ab Ovidio deducta in lib. 1. de Remedio amoris.

*Illæ tuas redolent Phineu medicamina mensas,
Non semel est stomacho nausea facta meo.*

Impotentium cura.

Quidam dum erubescunt aut timent, à Veneris usu prohibentur, & se veneficiis petitos existimant. Multa sunt, quæ huic malo occurrere creduntur: & Formicæ volantes oleo sambucino, ut dicunt, exceptæ, & membro virili illitæ: multaque alia, de quibus suprà dictum. *Cardanus.*

Ut Mulier à coitu abhorreat, Virq; ad Venerem excitetur.

Si Tauri omninò ruffi aridum genitale in pulverem convertatur, & ex eo pondus aurei unius mulieri in vino vel juscūlo quopiam propinetur, fastidium coitūs illi adferet, sicuti scripsit *Rhasis*. Idem pulvis idoneis medicamentis

commixtus languidam ac sopitam Venerem in viris excitat. *Marcello empirico autore.*

Homines & mulieres ligare, ut ad concumbendum sint impotentes.

Si virgam Lupi viri vel mulieris nomine ligaveris, adeò ad Veneris munus explendum imbecilles fiunt, ut ferè videantur eunuchi, donec fuerit solutus nodus. *Albertus.*

Mulier ut alium virum non admittat præter suum.

Accipe fel Hirci, & adipem, & exsicca, utraque deinde tere, & calefac ambo cum puro oleo, priapumque cum eo illine in circuitu horâ coitus, & nullum alium expetet præter te. *Albertus.*

Veneris desideria obtundere.

Veneris desideria obtundere sic poteris: Rutam comanducato, & Camphoram: destruit enim flatum, quo erigitur virga, ut eunuchus Vir evadat. Sic Vitex etiam inhibet Venerem, & si substernatur, bibatur, vel manducetur semen desiccatur. Unde Matronæ in Thermophoris Atheniensium, foliis iis cubitus sibi substernebant, nec minus Lactuca, si ea continuò comeditur, coeundi adimit facultatem: ideò Pythagoras vocabat *ευνυχοι*, quod verborum involucris innuunt quoque Poëtæ: Callimachus cecinit, Adonidem, cum Lactucam comedisset, ab apro interemptum, atque à Venere sub Lactuca conditum, quòd olere tali (Athenæus ait) Venus elanguescat, & impotentes Viri ad concumbendum fiant. *Joan. Bapt. Porta.*

Ne quis illicitâ Venere afficiatur.

Cor masculinæ Coturnicis à Viro gestatum, & foeminæ à Foemina, facit ut nec lites nec jurgia possint inter illos oriri, aut spargi. Et si in corio lupi deferatur cor turturis, gestans non capietur illecebroso appetitu rerum Venerearum. *Mizaldus.*

An Mulier sit casta.

Exploraturus an mulier sit casta, sic fiat: Fortè castitatem conjugis prodit ille Magnes lapis: diu enim seduli diuturnâ exploratione conquisivimus, & experientiis clarè cognovimus, non eos temerè sic protulisse, ut quædam quoque alia de lapidibus experimenta, quæ sæpè admirati sumus,

mus, sæpeque irrisimus. Magnes lapis, si dormientis conjugis capiti supponatur, si casta est, dulcibus virum detinet complexibus, sin minus, tanquam manu pulsa è cubili projicitur. *Porta ex Alberto.*

Ut Mulier cum aliquo adulterare non possit.

Mulier, ut cum aliquo adulterare non possit, incide de capillis ejus, & pulverem illorum tibi super feretrum sparge: ante tamen unge feretrum cum melle, & mox coëas cum muliere, & cum volueris solvere ex tuis capillis, fac similiter. *Albertus.*

Ut corruptæ ab incorruptis vix dignosci possint.

Stillatitia aqua Asteris Attici, vel potius Actici epota aut vulvæ indita, mulierum alba profluvia mirificè sistit, adeò ut ejus quoque diutinâ injectione, corruptæ, ab incorruptis vix dignosci possint. Quod efficacius & celerius fiet, si ejus decocto insideant, ut mihi retulit, qui se expertum dicebat. *Mizald.*

DE SOMNO. CAP. IX.

Tabulæ ad Somnum conciliandum.

Rec. Corticum Radicis Mandragoræ M. j.

Sem. Hyoscyami unc. j.

Sem. Papaveris albi & rubri ana unc. j.

Omnia trita coquantur in Aquæ fontanæ lib. ij. usque ad tertiæ partis consumptionem, deinde coletur, addaturque

Sacchari albissimi lib. j.

& cum iterum ad perfectam ferè sacchari consistentiam cocta fuerint, adde

Nucis moschatæ,

Galliæ moschatæ,

Ligni aloës

Corticum Mandragoræ,

Seminis Hyoscyami,

Sem. Papaveris albi & rubri,

Opium drach. j.

} ana drach. ij.

} ana drach. is.

Fiant Tabulæ secundum artem. *Roscellus.*

Somnos conciliare.

Si quis somnos conciliare voluerit, sic poterit: E re-

centi opio, nudisque Allii capitibus aquam vitreis organis stillatim accipias, permisceantur aliis, ac dormituro detur, quantum capiet nucis testa: potionato enim illicò medicamento caput vaporibus oppletur, ut in soporem cadat: nec minus operabitur Mandragoræ aqua, fervente extracta aqua balneo, ne potator nidore offendatur. *Joan. Baptista Porta.*

Aliud Ejusdem.

Aliud ad somnos violentius ex his fit. Opium paretur electum, cum Metellæ nucis æquali pondere, nigri Hyoscyami semen, dissolventur Lactucæ succo, præstantius autem aqua sub fimo obruta aliquantulum dimisisse oportet: inde vasis destillationi aptis accommodato. Ubi autem incipiet fervere, aquam elcito, feces servato, calidisque cineribus exsiccat, ut in tenuem vertas pulverem, cribro excutiente, dulci aquâ: deinde lixivium acre conficito, inde omnis igne vapor evolet residens, cum prius reservata immisceatur aqua, & esui vel potui accommodetur, non eâdem, sed pauciori quantitate, quàm quæ supposita est abundè & sumfisse, nec aliquibus exhibeatur, nisi magna necessitas urget. Vel Mandragoræ aqua, Opium, & Papaveris semen cum Allio, vel rebus caput ferientibus remisceantur; è quibus quod fabæ magnitudinem æquat, fatis est sumfisse.

Pomum somnificum.

Fit quoque sic ex omnibus pomum somnificum, quod constat ex his: Opio, Mandragora, Cicutæ succo, Hyoscyami feminibus, vini fecibus, quibus Moschum adjiciatur, ut odore electum olitorem feriat: in pilas conglobato, quantum pugno quisprehendat, hoc sæpius odorando lumina somno demulcet, ac ligat. Qui id autem statim efficere certant horis, frustra conantur: variæ enim sunt hominum temperies: qui verò effectârunt, similibus periculum capto, paremque operam impendendo inops fruaris. Ad retundendam eorum sævitiem satis est præsidii, si tali ex aceto dissoluto, vel destillato tempora, nasum, & testiculos perunges, ut eorum vi somnos propellant, ac soporantem excitent. *Idem.*

Ut in somno mirabilia videas.

Referunt, si quis dormiturus tempora illiniat Upupæ fan-

sanguine, visurum in somnis mirabilia, quod à ratione alienum minimè est. *Cardanus.*

Ad Somnum inducendum.

Somno conciliant auxilia physica, Hyoscyamus positus sub cervicali. Fructus Junci caulis pinguioris epotus. Oleum, in quo oculus sinister Erithaci coctus sit, in aurem instillatum. Vel apposita Hirudine in angulis oculorum, atque abducta, meconium intilla, potens est. Validius adhuc, si ex eodem fiat suppositorium, sed auferatur somno jam inchoato. Vel plantam pedis inunge pinguedine Gliris, aut unguento ex aqua & aceto rosaceis, atque Argilla. Dicitur etiam, quod vix credi potest, dentes inunctos ex sorditie aurium canis, somnum profundum provocare. *Cardanus.*

Insomnia clara & jucunda, & obscura, meticulosaq; inducere.

Cibus ex concoctione (quod pro explorato haberi debet) in vaporem solvitur, tabescitque, quem caliditate juncta in leve desciscere par est: cumque natura in sublimem feratur, aliquatenus attolli, & in cerebrum per venas redundare, ubi natura cerebri perpetuo obrigans rigore, ad instar imbrium generationis, ut in majori mundo sæpe visitur, sit humifica, & nebulescit; sic intestinâ reciproca-tione denuò redditum incalescit: & ad cor defertur principis sensus domicilium: interim caput opplet, gravedinosum reddit, ut profundo demergatur somno. Quod si noctis conticinio magis soporari contigit, imagines descendendo aliorum occursum interpolentur: ut præpostera monstruosæque videantur: si matutino ubi excrementum fæculentusque sanguis, à puro, & frugi discretus, & ipse refrixit, & deferbuit, meracæ, absolutæque visiones demonstrantur, & gratæ. Non ergo irrationabile duximus, cum immoderato tumefacta potu, virtus sopita langueat, & natura edulii vapores attollantur, & ex iis, quæ corpore abundant, in somno exultari, & immoderatè jactari, ut diversa incendia, tenebræ, grandines, putredines: ex flava atraque bile, frigido putridoque humore. Sic aliquem trucidare, vel impiè cruentari sanguinis abundantiam habere: imò temperiei ejusdem præsagituram elici posse, Hippocrati & Galeno placet. Unde cibus vescentes fla-

tuosis, eorum vi salebrosæ imagines, menstruosæque, quæ itidem attolluntur, si tenuis modicæque exhalationis, gratis animum exhilarant simulachris, & incolumes videntur. Sic extrinsecus applicando simplicia, secum illius rei phantasmata infecta sensuum principi deferunt: arteriæ enim nostri corporis (*inquit Galenus*) ad se intus quodcunque trahunt, proximè circumdans eas, dum continuo dilatantur, sic ea somniemus, quæ præoptabimus. *Joan. Bapt. Porta.*

Somnia grata excitandi ratio.

Ut non minùs pervigiles, quàm soporantes lætemur, en somnia grata excitandi ratio. Coenæ somno, cùm cubitum pergimus, si leniter mandimus Hippoglossum, Melissam, iisque simillima, consopiti variis illudimur imaginibus, quibus lætiora non percuperet animus, agros, viridaria, arbores, flores, terram in virorem conversam cernet umbrosis operculis opacam, ac denique oculos circumlustrando, vernat undique mundus, & arridet. Vel Eleoselini, populnearum novellarum frondium, Acori vulgaris, Solani hortensis, Stramonii, Aconiti, maximeque viridantium succo si tempora perunxeris, collum vel jugulum, per quem venæ adscendunt soporariæ, loca ubi maximè venæ sunt conspicuæ, manibus pedibusque. Confert & jecur perungere: nam à ventriculo sursum evaporando, permeat sanguis ad jecur: à jecinore ad cor subit: sic reciprocantes tinguntur vapores ejusdemque coloris imagines referentes. *Idem.*

Somnia obscura & tumultuosa excitare.

Si quærimus somnia obscura & tumultuosa: fabas edimus, quia siccæ ac flatuosæ, & ideò à Pythagoricis abominantur, quòd talia pariant insomnia. Plerosque legisse meminimus, à Fabâ abstineto, ejusque usum interdixisse, & ferè legumina omnia, Phaseolos præcipuè, quos Smilaces vocant hortenses, Lenticulas, crassum & melancholicum humorem excitantes, Allia, Cepas capitatas, Porra, Brassicam inter olera, Raphanos, & tandem radices ferè omnes: inter hæc vina, quia spirituosa, vaporulentaque sunt, inflationem calidam, mordacem, & noxium humorem parientia, insomnia ingerunt, in quibus phantasmata deluxata, laceffita, tortuosa, turbida. Sic per aëra delatus, maria, fluentaque transnare videberis, civitates multas lustrare, casus, mortes,

tem-

tempestatum sævitiam, nubilos dies, videre imbres decidere, Solis fulgorem infusari, cœlum hyemare. Sic prædicta loca illiniendo fuligine, vel omni adusto, acetoque (quod ideò addimus, ut penetrandi vim medicamentum adsciscat) ignes, incendia, fulgura, coruscationes, & omnia tenebris involuta. *Idem.*

Somnia tumultuosa suffitu edere.

Interfecti recenter Viri calcaneum in pulverem redigimus, cui Magnetis parum addimus; porro simul commixta, si accensis carbonibus injeceris, ut locis pluribus fumus domicilii culmina petat, dormientes larvarum occurfaculis, deterrimis spectris, horribilibusque afficies. Sic quoque si dormientis capiti vivæ Simiæ nuper extractum cor supposueris, non nisi feras in somnis cernet, & ab eis dilaniari, ut terriculamenta, & timorem incutiant magnum. Idem præstabit Onyches, si collo ligaveris. *Idem.*

Insomnia mala ut arceantur.

Referunt, dentes Equi masculi, seu collo appendantur, seu brachio sinistro, eos, qui mala somnia videre sunt soliti, curare. *Cardanus.*

Ut quis non dormiat.

Dicit *Pfellus Platonius*, quòd Canes, & Corvi, & Galli conferunt ad vigiliam, etiam Philomela, & Vespertilio, & Noctua, atque ex his maximè caput, cor, & oculi. Ideò dicunt, si quis cor Corvi, vel Vespertilionis super se portaverit, non dormitabit, donec deponatur. Idem facit caput Vespertilionis aridum alligatum in dextro brachio vigilantis. Nam si ponantur super dormientem, fertur non excitari, donec depositum fuerit. *Albertus.*

Ut quis dormire nequeat.

Oculus Hirundinis positus in lecto, non permittit jacentem dormire, donec auferatur. *Albertus.*

DE EXERCITIO.

CAP. X.

Ut homines longâ saltatione torqueantur.

Si vis homines longâ saltatione ut torqueantur, vel risu,
plo-

ploratione, cantu, aliisque affectibus, sic ritè poterit evenire, naturalesque magis habet causas. Sed ut relinquere possit experimenti ratio, prius pauca dicenda sunt.

Est Phalangii genus quoddam, quod à Tarento in Apuliæ partibus Tarantula dicitur: universa enim regio sic eis laborat, ut perpauca sint qui evadant: eorum morsus acerbior est, quàm Vespæ ictus, & homines, qui ab eis iciuntur, diversis affliguntur casibus: multi enim perpetuò canunt, illachrymant, delirant: sed omnes ferè saltant. Messores enim dum operi accumbunt, ignarique dolli, sæpè acriter percutiuntur, musicisque adhibitis modulis, animum delinientibus permulcentur, eisque in sanitatem restituuntur. In quibusdam enim cavernulis vitam degunt, easque in segetibus condunt, sic facilè capies: Arundinum foliis ore sibilum effingas, ut muscæ voces imiteris, ubi illud animal senserit, exit illicò: nam sæpè eis depascitur, ut aranei, qui amplissimas ædificiis in nostris telas contexunt, & muscis pandunt. Captum in pulverem ritè vertas, illius pusillum, quantum quis digitis duobus prehenderit, aliis remisceto pulveribus, ne fumentem offendat: venenum est enim: ubi illud absorpserit, ad tripudium saltationemque concitabitur, præcipuè si sonis fuerit allectus. *Joan. Bapt. Porta.*

Iter facientes ne fatigentur.

Iter facientes, si secum portant Artemisiam, ex itinere non fatigantur: & ipsa Artemisia contusa cum Axungia, & applicata tollit dolorem pedum ex fatigatione itineris. *Petrus Bayrus.*

DE SECRETIS

ANIMALIUM TERRE- STRUM.

LIBER VI.

Secreta animalium terrestrium	Integrorum : vel	Domesticorum in	Specie : tum	Genere, Cap. I.	
				Majorum, ut	Equorum, Cap. II.
					Afinorum, Cap. III.
					Boum, Cap. IV.
					Taurorum, Cap. V.
				Minorum, ut	Ovium, Cap. VI.
					Hircorum, } Cap. VII.
					Caprarum, }
					Porcorum, Cap. VIII.
				(Canum, Cap. IX.	
				Sylvestrium, Vide literam A.	
Partium, vel	{	Offium, Cap. XXVIII.			
		Cornuum, Cap. XXIX.			
		Pilorum.			

A Sylve- strium in		Genere, Cap. X.	
		Specie, tum	
		Majorum,	
		Simpli- cium : ut	
		Cervorum, Cap. XI.	
		Aprorum, Cap. XII.	
		Leporum, Cap. XIII.	
		Vulpium, Cap. XIV.	
		Luporum, Cap. XV.	
		Mixtorum, Cap. XVI.	
		Minorum,	
		Gressi- lium : ut	
		Murium, Cap. XVII.	
		Talparum, Cap. XVIII.	
		Mustelarum, Cap. XIX.	
		Formicarum, Cap. XX.	
		Scorpionum, Cap. XXI.	
		Cimicum, Cap. XXII.	
		Pulicum, Cap. XXIII.	
		Pediculorum, Cap. XXIV.	
		Cochlearum, Cap. XXV.	
		Repti- lium : ut	
		Erucarum, Cap. XXVI.	
		Serpentum, Cap. XXVII.	

DE ANIMALIBUS TERRE-
stribus, ac domesticis in genere.

CAP. I.

Bestiæ ut domum redeant.

Si vis ut bestia ad hospitium suum redeat, line frontem ejus cum Sebo & Squilla & redibit. *Albertus.*

Bestiæ ut Hominem sequantur.

Aristoteles in libro de Animalibus inquit : Si ponat aliquis ceram contritam super cornua vituli vaccarum, vadit cum eo ubicunque vult, sine labore.

Ut Bestiæ non ampliùs comedant.

Si lingua Bestiarum inungatur cum Sebo aliquo, non gustant cibum, nec comedunt, sed priùs moriuntur fame, nisi abstergetur cum Sale & Aceto. Item si cauda Lupi, aut pellis, aut caput suspendatur supra præsepium, non comedent Bestiæ.

Ad impinguandum quadrupedes.

Animalia omnia, non solum quadrupeda, maximè & celeriter impinguntur post tridui inedia cibis, qui maximè illis conveniat: existimant equis Hyoscyamum & Testudinum carnem convenire, tum Hordeum, ac talia. Ovibus cum cibo salem, quia potu præcipuè impinguntur. Causa hujus est, quòd fames in his animalibus superfluum humidum absumit, caloremque auget, & appetentiam cibi per plures dies excitat. Porro Belluæ non nisi naturali appetitu urgente cibos assumunt. *Cardanus.*

Jumenta ut appetant cibum avidiùs.

Amurcæ tanta vis est, tanta utilitas, ut etiam Boves præservet à morbis & cibi avidiores faciat, immixta sensim cibis atque potui quarto quintoque die. Ita etiam exterius cum fece vini ac Lupinorum cremore mixta illataque jumentis, tum Ovibus servat pilum ac lanam, & cutim à scabie & ricinis, imò lanam auget etiam: præstat autem inunctas Oves lavare salis aqua. *Cardanus.*

Adver-

*Adversus omnia genera morborum
Animalium.*

Adversus omnia genera morborum salutaris confectio est talis:

Accipe Myrrhæ,
Thuris masculi,
Malicorii tusi, sing. lib. j.
Piperis unc. iiij.
Croci unc. ij.
Acaciæ,
Casmiaë butyri,
Resinæ ustæ,
Absinthii Pontici,
Pulveris serpilli,
Betonicaë,
Centaureæ,
Sagapeni,
Saxifragiæ,
Peucedani, sing. femilibram.

Quæ omnia bene tusa, & cribrata in Mellis optimi sextariis tribus miscebis, & ad carbones leviter paululum coques, post in vase stanneo vel vitreo condita servabis, ex qua confectioe morbidis, etiam si feбриunt, singulis diebus cochlearia singula majora cumulata cum hemina aquæ tepidæ & olei floris tribus unciis dabis. Quod si absque febre sunt morbidi, vel convalescere etiam coeperint, cum vino & oleo plurimis diebus dabis, donec animal liberetur, quam validissimam & approbatam noverit potionem.
Publius Vegetius.

Ut Jumentorum urina reddatur.

Si Allio trito Jumentorum natura tangatur, urinam impeditam reddere, & nullo modo torqueri ajunt. *Mizald.*

Si Jumentum sanguinem minxerit.

Si Jumentum sanguinem minxerit, vel adsellatum fuerit, hac ratione curabitur. De superiori vena sanguis aufertur; Aphodilli quoque herbæ radix teritur, & cum Vini albi dulcis duabus cotylis per os infunditur, quæ glutinosa videatur. Prodest etiam farinam triticeam cum Adipe suilla, & pulvere corticis Mali granati decoquere, & non
crassas

crassas potiones, sed liquidas per os fundere: & non solum è cursibus, sed etiam ab ambulatione abstinendum est, ut glutinetur vena, quæ interrupta est. Contingit enim cursu, vel saltu, ut intrinsecæ venæ rumpantur: quapropter rebus stypticis, & his, quæ consolidationem faciunt, curentur. Super renes hoc anacollema oportet imponere: bulbos tascedeas vivas contusas, Allia quinque, Anagallidis libram, quæ omnia pariter benè trita commiscebis, & renibus ejus impones. Quod prodest etiam illis, quibus evulsi, vel emoti sunt renes. His autem, quibus per nares effluit sanguis, poscâ frigidissimâ caput fovebis, modicum salis adjicies, post anacollema in capite, & in temporibus oblines, & in medicamento constrictis venis fluxum sanguinis reprimes. *Publius Vegetius.*

De Dysenteria Jumentorum.

Si Dysenteria jumentum prehenderit, reversatur ejus extalis, quæ ut curetur, circumsecanda est cautissimè, ne intestinum, quod præpositum est extali, frangatur. Procidit intestinum à contactu, vitæ periculum facit si tangatur: quod semel non redit, sed sic remanebit, & paululum erit extalis supra. *Idem.*

Si Animal sanguinem vomat.

Si verò sanguinem vomat, oportet Genistæ succum cum Vino, atque Porri succo, Lixivio, Oleoque permixto faucibus infundere. Aliquando animalia sanguinem vomunt, quibus hac potione succurritur: Absynthium ponticum, & Spicam nardi æquis ponderibus in cacabo novo cum aqua decoques, & dabis in potu. *Idem.*

Ad Tussim animalium.

Tussim quoque insanabilem, cura cum hemina Passi, & tribus unciis Olei, & Ovo crudo, si per triduum defundis faucibus, addito Fabæ polline, & Foenogræco binis cochleariis. Propterea valdè tussientibus prodest Fabæ frixæ sextarius sine sale coctus, Sebi caprini uncix tres, Butyri unc. tres, Allii purgati capita tria, decocta cum succo ptisanæ, data per triduum. *Idem.*

Ad Verrucas animalium Ejusdem.

Aliis quoque partibus corporis nascuntur Verrucæ aliquando,

quando, & vitium deformitatis important, quæ hac ratione curandæ. Lino subtili constringentur ipsæ Verruæ, inde causticum crudum imponetur, & spontè decidunt. Ferro etiam præcidunt, & hinc cauterio leviter adusta sanantur.

Ad Spasnum animalium.

Spasnum certum est animalia sustinere, quæ necessitas his declaretur indiciis: subito concidunt, & articuli eorum extensi sunt, & toto corpore palpitant; aliquando etiam ex ore spumam emittunt. Quibus escam dabis poscâ nitroque conspersam, Cucumeris quoque sylvatici pulverem, & nitrum tritum per septem dies in potione dabis, ut purget. Sanguinis quoque marinæ Testudinis dimidiam cotylam, aceti & vini tantundem, Laferis aliquantulum pariter miscebis & suffundes in nares. Utile dicitur terga eorum oleo & aceto, & nitro frequentissimè confricari. *Idem.*

De Podagra Jumentorum.

Podagra nonnunquam solet occupare Jumenta, cum hominum vitium transit in pecudes: cujus passionis hæc sunt signa: nec stare potest, nec ambulare, sed si cogatur, claudicat, & sæpè se projicit, sicut indigesta ex hordeo animalia faciunt, quæ propter dolorem non coquunt cibum, & ideo fit horridum, & corpus ejus calebit, venæ etiam extabunt, natura submissa erit, in pedibus stercus hærebit propter nimium eorum calorem, sicut subtritis solet evenire: cui proderit, si non sinatur accumbere, sed minutim deambulare, & loco sicco, donec sudet, multorum manibus confricandum est, ut vehementius sudet: sanguinem ei detrahes à capite, à superioribus venis; sed non multum, sequenti die de posterioribus locis detrahes supra talos, tertio de gambis, vel sub ipsis dolorum locis. Memineris semper parum oportere detrahere. Aquam calidam dabis in potu, in qua abicies pulverem nitri & triticeam farinam, pollinis quoque Thuris acetabulum plenum in vino maceratum infundes, & triduo per nares singulas cotylas: Betas etiam excoques, & aquam earum ad tres cyathos suffundes, & exercebis eum singulis diebus, ventrem quoque eodem expurgabis, ut auferatur humor pessimus qui descendit in venas. Hoc genus purgationis adhibebis: Thymi acetabulum plenum in Vino veteri dulci macerabis, & sin-

& singulas cotylas per nares eidem infundes, fœnum viride oppones. Quod si fuerit siccum, nitro aspersum dabis. Si nihil profeceris, castretur, & vitio carebit: nam Podagra rarò vexat Eunuchos. *Idem.*

Ad Strumas Jumentorum.

Plerumque Strumæ, vel Parotides, aut Scrophulæ jumentorum guttur infestant, & faucium tumorem producunt. Nam & subrecto sunt capite, & tanquam à stranguria præfocantur. Hoc primùm fomentis calidis, & cataplasmate ex polline hordeaceo, & resinæ unciis tribus mero valido coctis, curari expedit: & cùm collectio fuerit maturata, scalpello secari opus est, & quicquid collectum fuerit, emittere, hinc aceto & sale & oleo infusos Lemniscos subjicere: cæteris quoque diebus traumatico, & medicamentis aptis solerter curare, si Vulnus pateat, dum sanetur. Nam in his locis ex præclusionione citò solet Fistula fieri: quæ si evenerit, papyro, & collyrio poterit sanari. *Idem.*

Ad Fascinatum animal, Ejusdem.

Fascinatum animal triste est, gravatur incessu, marcescit, & nisi subveneris, incidet in morbum, Bitumini-igitur, & Sulphuris parum cum granis Lauri ex aqua des fundis per nares. Præterea Coriandrum vel semen ipsius cum Sulphure & teda carbonibus circumferes, ex aqua ferventi animal consperges, & suffumigabis. Universis quadrupedibus remedium præstat ista suffumigatio: curat, atque morbis resistit.

Ad Cossos, Vermes vel Tineas.

Cossos, Vermes, vel Tineas, cæteraque animalia Ventris extinguit, si heminam cineris ex Olivæ ligno arido collectam cum hemina olei viridis per triduum dabis ad cornu. Alia quoque confectio, sed aquæ sæpè mortiferam liberat passionem: pulveris Santonici, itemque Absynthii pontici, nec non Lupini crudi, & herbæ Centaureæ, & Ervi pollinis, & seminis Raphani binas uncias mittis, addisque Cornu cervini unciam, sem. Apii unciam unam, Sinopidis pontici pastillos tres, Opopanacis semiunciam, Vini tenetani, vel alterius austeri sextarios duos, Olei viridis sextarium; quæ tepefacta ita animali infundes, ut per os cornu accipiat in clivo constitutum, quatenus succus facilius ad interiora

perveniat. Postero die idem animal constituatur in cli-
vo & per clysterem intestino illius tepidæ potionis sexta-
rius ingeratur, quatenus alternis diebus ex utraque parte
injecta potio, coagulare quod appellatur, possit infunde-
re, in quo illæ noxiæ bestiolæ gignuntur, & pertuso
ventriculo excruciatâ doloribus animalia pereunt. *Idem.*

De Impetigine animalium.

Impetigines quoque in articulis, vel genibus inter ner-
vos commissuralibus locis aliquando nascuntur, & fit vul-
nus simile Rhagadi, & non facilè sanatur, nisi stalticis,
vel stipticis rebus, non sine alligatura, vel interdum ad-
ustione curetur. Malagmas quoque convenientes oportet
imponere. *Idem.*

Ut Pili Jumentorum renascentur.

Quòd si pili tardius crescunt, vivam testudinem supra
sarmenta combures, & cineres ejus in novum cacabum
mittes, additis unciis tribus Aluminis crudi, Medullæ cer-
vinæ quod sufficit, & Vino infuso decoques, & diebus
plurimis impones, revocare pilos creditur. Pulvis de
Fabis combustis vel de Lupinis crudis, vel de foliis Fici
combustis Sevo commixtus superponitur assiduè. Quòd si
nullâ præcedente causâ decidunt pili; Spicam nardi, Uvas
passas pariter tundes, & ex aceto decoques, calidumque
medicamentum glabro corpori impones. *Pub. Vegetius.*

Ad denigrandos Pilos albos.

Si album pilum nigrescere cupias, atramenti sutorii scrupulos septem, odolaphinis, alias Rhododaphnidis succi
scrupulos quatuor, Sepi caprini quòd sufficit, pariter
temperabis, & uteris. *Idem.*

Ut Pili nigri albescant, Ejusdem.

Si è diverso albos Pilos facere volueris, Cucumeris
sylvestris radicem libram unam, Nitri scrupulos duodecim,
in pulveres coges, heminam Mellis adjicies, qui-
bus permixtis uteris.

Idem.

LIBER VI.
DE SECRETIS ANIMALIUM
in specie.

245

DE SECRETIS EQUORUM.

CAP. II.

Ut ferox Equus mitescat.

EQUUS calcitrosus, vel quodvis aliud animal, patienter sinet se cicurari in stabulo, & ferreis apud fabrum calceari soleis, si exiguum & rotundum filicem alterutri aurium immiseris, & apprehensam auriculam manibus perstrinxeris, ac retinueris: sic enim stabit immotus, & quantumvis vorax, quiescet. Si in utramque aurem singulos filices intruseris, tam mitem habebis, quam est ovis. Expertum accepit à quodam equifone & stabulario Regis Navarrae *Mizaldus*.

Ut Equi cursu non fatigentur.

Luporum dentes maximi, equis adalligati infatigabilem cursum illis conciliare traduntur. *Plinius*.

Ad Equum clamosum.

Si nimis clamosus erit Equus, ligetur capiti ejus lapis perforatus, sic enim emendabitur. Addo quòd equus aures retrò projiciens, plerumque est furdus, qui nunquam in turba aliorum hinnit, natus. *Autor Simoneta Cardinal.*

Equus ut fiat gradarius.

Equorum gressum, quem aliqui vocant tolutarium, alii gradarium, seu asturconem, qua ratione fiat sæcundum à Gallis, haud dubium est: cum enim equus bifariam moveatur, vel extremam pedis juncturam flectendo, vel genu. Itali ligatis binis, & binis pedibus, dextris invicem, atque sinistris invicem, cogunt eos binos & binos simul movere, spatula etiam mota, sed genu præcipuè agitato, atque flexo. Galli ultimam pedis juncturam arcto vinculo omnium pedum devinciunt: ita fit, ut cogatur equus genua movere. Atque ita patet ad Asturconis disciplinam pertinere, ut genua flectat. Nam si juncturam solam inferiorem moveat, etiamsi ambas dextras simul atque sinistras, non perfici gradarium gressum constat. Sunt igitur duo genera gradarii incessus equorum: Gallicus & Italicus. Mollior

est incessus, quicumque fit altiore juncturâ, quoniam modico intervallo mochlii multum spatii superatur. Mulæ tum molliter incedunt, motâ inferiore juncturâ, vocaturque incessus ille Traina: cum autem genu Asturconis concutit, magis genu flexum, quàm pes, quod altius cadat, dum figitur. *Cardanus.*

Ut Equi variis coloribus nascentur.

Varii coloris nascentur Equi, si tantisper, dum masculus init foeminam, stragulo discolore illa operiatur. Nam quales oculis equi ineuntis colores objeceris, tales procul dubio referet pullus. *Author Absyrtus.*

Illud ipsum etiam in Canibus experiri poteris, ac aliis animalibus.

Equos vel pecudes discolores progignere.

Equos vel pecudes discolores progignere quærens, id effecit, quod imitari omnes jubeo, qui idem cupiunt: ipse virgulta ac perticas populneas, amygdalinas, quæve facilè corticibus spoliari possunt, edolatas corticibus interseptas, circulis redimitas & sinuatas, uti colubros albo nigrove interstinctos colore, in canalibus juxta aquas in pascuis, & præsepibus fixit, ubi grex ovilli pecoris stabulabatur, & coitum ineundo, & oculos circumlustrando, nil nisi virgas aspiceret, ut quos dabant foetus, diversè essent colorati, & passim candida vellera pullis infuscerentur maculis, non injucundum visu, sic lanigera omnia animalia, vel universum pecus. Valet hoc in Equis, idque plurimum observant, qui ejus curam habent, & ad coitum equas admittunt, & equilia, ubi coitum explent, tappetis & pannis, variis depictis coloribus exornant, unde discolores equos, rutulatos, spadiceos diverseque coloratos efficiunt. *Porta.*

Equi, ut habeant parvum caput, & jubam pulchram.

Caput Equini pulli, si sæpiùs frigidâ lavetur, extenuatur & marcescit. At contrâ si collum calidâ, crassescit, crinesque crescunt, jubaque pulchrior evadit. *Card.*

Ad Equos obstinatos.

Si Equus vel fessorem respuat, vel navim ingredi nolit, vel timeat rotas, aut alia, id quod maximè contingit castratis, & qui malè vident, & timidis, lapillum ex filo suspensum

sum in aurem immittito. Si hoc non profit, quòd illorum sensum perturbat, oculi vitta vinciantur; profuit hoc sæpè. Virgâ etiam si cædantur crura, quæ retrò agit vel elevat: ignis quoque caudæ submissus, tum instrumentum ferreum, quod dum retrò cedit, illum pungit, & fauciat: optimum enim hoc est: item si humi procumbat, infra ventrem sint aculei. Quòd si moderatè solùm obnitatur, non sit autem reses, leviter castigandus, & rei, quam timet, admovendus: nam acriter ubi impellatur, durior sæpè fit, quòd majus periculum subesse existimet. *Idem.*

Ut Equi ceu mortui procidant, & postea alacriores fiant.

Lingua Serpentis virgineâ cerâ inclusa, & in aurem sinistram cujuscunque equi dimissa, illum veluti mortuum humi procumbere cogit: ablata, non solùm eum expergeficit, sed etiam multò alacriorem reddit, *ut retulit quidam Angelus.*

Equi ut in furorem agantur.

Certum quòd Laferes Equi naribus illiti, eum in furorem agant, imo etiam homines. At nostrum Lafer imbecille est, aut aliud: nam Laferpitium herba olim erat. *Cardanus.*

Ne Equi vel Oves transeant.

Si ex Lupi intestino funiculum feceris, & illum sub arena, aut terra sepeliveris, Equos & ovile pecus hac transire prohibebis, etiamsi fuste adigantur. *Albertus.*

Equi ne à muscis molestantur.

Si quis succo foliorum Cucurbitæ pilos equorum & aliorum animalium æstate mediâ intinxerit, & madefecerit, non parvo rei miraculo muscarum tædiis, ac molestiâ carebunt. *Cardanus.*

Ad Equos clavo læsos.

Cùm usus Equorum maximè sit necessarius, contingit iter agentibus, præcipuè tædiosa jactura, si vel ferream soleam amittant, vel clavo pes lædatur. Afferre solent clavos, & malleolum, idem tenaculæ vices gerit. At si jam ex clavo Equus claudicat, exemto illo, & ungula excavata molliter, ne corona lædatur, aut fordes aliqua lateat, Sulphur liquefactum repurgato, ulceri indito: soleam exterius, ne locum læsum premat, incurvato: reliqua pingue-

dine & cerâ oblinito, tum soleæ foramina, quæ clavis non complentur. Sic mihi contigit asturconem Archiepiscopi Amulthonis dono datum, confestim è claudio sanum reddi, inquit *Cardanus*.

Ad Equos clavatos, probatum.

Ferrea solea ab Equo quamprimum auferatur, affectusque vino optimè lavetur. Quo facto, sumito Sambuci mediam pelliculam, quam supra affectum locum ponito, mox aliquot guttas sevi, ferro calido liquefacti, instillato supra pelliculam, & soleam ferream probè adaptato, & equita quò voles. *Ex lib. manuscripto.*

Ad Cæcitatem Equorum.

Rec. Vitrioli romani unc. fem. Salis armoniaci drach. ij. Zingiberis triti unc. fem. Camphoræ drach. ij. Caryophyllorum unc. f. Aquæ rosar. unc. j. Aquæ fœniculi unc. f. Vini optimi drach. ij. misce, & pone in vase vitreo ad Solem per dies triginta. Cum uti voles, cum penna molli & parva, in hac aqua intincta, Equorum oculos inunge, & cura ne equi oculos fricent. *Ex lib. manuscr.*

Ad Equorum Tussim.

Ova quinque sub vesperam, in acerrimo & forti Aceto macerata, & diluculo, ubi exteriorem putaminis callum intabuisse observabis, in fauces equi tussientis, linguâ exertâ, projecta & devorata, tussim illius curant. *Ex cuiusdam Hippiatri secretis.*

Ad Scabiem Equorum, probatum.

Rec. Axungiaë porcinaë lib. f.

Olei laurini unc. j. fem.

Argenti vivi unc. ij.

Ellebori albi unc. j.

Misce benè. *Ex lib. manuscripto.*

Ad Unguem oculorum pulvis, hominibus & equis idoneus.

Rec. Ovum gallinaë, extrahe albumen totum, vitello adde tantum salis, quantum albuminis spacium prius continebat, misce benè: deinde accipe lignum Alni viride brachii magnitudine, & dimidiaë ulnæ longitudine, facque in eo foramen secundum longitudinem satis longum, ut vitellum cum sale imponi possit. Imposito vitello, foramen
clavo

clavo ligneo ejusdem arboris obtura optimè , ne quovis modo expirare possit. Igni impone , & ure , donec in carbonem vertatur, vel donec mixtura, imposita à carbone secernatur, quam aufer, & serva. Quòd si uti voles, in tenuissimum pulverem redigito, & per cannulam pennæ ad ciceris magnitudinem in oculum insufflari curato. *Ex lib. manuscripto.*

Ad Equorum Dysuriam.

Si Equi Dysuriâ, seu mejendi difficultate laborent , foliatis Sambuci ramis undique illorum corpus diu ac blandè verbera, & tum demum folia ipsa collo eorum, & capiti, nec non corpori universo coapta. Nam jumentorum impedimentis arbuscula hæc maximoperè confert. *Simoneta Cardinal.*

Ad Urinæ difficultatem Equorum.

Quidam Cepam ablato cortice circum vesicam ponunt. Alii Apii semen tritum cum Vini heminis duabus, aut Cepæ semen eodem modo cum Vino, aut Columbinum stercus, aut Polii folia, aut Smyrnii corticem siccum, aut Nitri drachmam, cum Allii capite contuso, infundunt cum vino. Alii Vino nigro solo utuntur. *Absyrtus.*

Ad Sanguinis mictum.

Si sanguinem mingat Equus, lomento Fabæ purgato, cocto, adipem cervinum miscebis & cum modico vino per os ad triduum infundes. Aut lactis Caprini hemina, Amyli hemina dimidia, Ova decem, Olei cyathi tres, omnia mixta simul per cornu infundantur. *Idem.*

De Pulmonis vitiis.

Vitia in pulmone hærentia, & consistentia Acetum acre tepefactum, & infusum sanat: aut Urina hominis cum Adipis suilli liquefacti drachmis xx. Cavendum autem, ne ex muliere sit urina, cui naturales subeunt purgationes. *Idem.*

De Tussi Equorum.

Incipienti Tussi, farinam hordeaceam immixtis Fabis, aut Ervo, in potu exhibere oportet. Invalescente autem tussi Mellis cyathos duos, Picis liquidæ tantundem, Olei tantundem, Butyri drachmas xxiv. calefacies, & Adipis suilli veteris modicâ parte adjectâ exhibebis. Quòd si neque sic detur, Marrubium teres cum Oleo & Sale, Vinoque

diluta infundes. Alii Marrubii succo, & Oleo, & Rutæ sylvestris radice utuntur, quidam Thus immiscent, aut ipso cum Oleo utuntur. *Idem.*

Ad anhelos Equos.

Agaricus pro medicamento maximè anhelosis Equis convenit, & Fœnogræcum, sic Equum meum curavi. Laudant veteres sanguinem catuli, qui decem dies non excefferit, in potu. Item potens auxilium: ex amaris Nucibus, Hydromelite & sylvestris Cucumis radice fiant pastilli, & cum melle dentur: radix quoque herbæ Linariæ pectori vel aurium, vel narium radicibus impacta, vel ex Mori radice Errhinum, & capitis frictio cum Vino, modico olei adjecto. Cæterum familiaria auxilia acria, & valida esse solent, cujusmodi Sulphur, Nitrum, Piper, Castoreum, Ruta quoque in plurimis morbis convenit: victus plerunque abstinentiam Equi sibi instituunt. Exhiberi debent omnia cum Lacte aut Vino. Sed & Gentianæ radix utilissima est. *Cardanus.*

Ad Equorum herpetem.

Herpeti verò, quem vermem vocant Veterinarii, vermiculum, qui in Cardui fullonum vertice nascitur, pennæ anseris inclusum absque offensa, discissâ cute frontis, inserto, confutoque vulnus: solet viginti post dies emori, totidemque diebus equus liberatur. Alii Hellebori fructum recondunt: Urtica foetida in potu & cibo data (Scrophulariam vocant) est proprium hujus morbi auxilium. Curant alii igne, alii sectione venæ atque purgationibus, quæ duo fermè omnibus morbis equorum conveniunt: cum enim parum dormiant, plurimo verò cibo utantur, atque exercitio, tum absque ordine, utroque auxilio indigent. Ex purgationib. maximè convenit medicamentum, quod ex Myrrha, Gentiana, Aristolochia longa, radicibus Ebuli, & Baccis lauri constat. Cursu à purgatione exercentur, in qua autem ab ustione, liberis in pascuis ab utroque nutriuntur. Generaliter verò si in pascuis non sint, loco calido ægri Equi alendi sunt, bonisque cibis. Sanguis castratis non admodum minuendus, quia minus abundant: eo & plus etiam, si abundant, læduntur. *Cardin.*

Ne Equi aut Boves morbis premantur.

Equi & Boves aliquo morbo non prementur, si illis Cornu cervinum appenderis. *Absyrthus.*

Reme-

Remedium contra omnes morbos Equorum.

Adversus universas infirmitates Equorum vel Boum, ubi primùm cœperint ægrotare potio ista succurrit: Radix Scillæ, radices Populi, quæ Græcè appellatur *πάμπος* (nam est fuscior, & rubellula) & sales communes quantum sufficit mittes in aquam, eamque animalibus usque ad sanitatem dabis in potu. Quòd si desperatas valetudines præocupare volueris, ne unquam accidant animalibus tuis, incipiente Vere hanc illis præparabis potionem, & per 41. dies continuos dabis in potu. *Pub. Vegetius.*

De Oculorum Inflammatione.

Si oculus cui sit inflammatus, Thuris masculi, sive ut alii habent, Medullæ agninæ utriusque drachmam unam, Croci, Ossis Sepiæ, utriusque drachmam sem. Aqu. rosaceæ drachmas decem, candida Ovorum decem, miscebis simul, & sublimes. Aliud ad oculum inflammatum medicamentum constat ex Thure, Amylo, & Melle attico. *Absyrtus.*

De Albugine Equorum.

Sal Ammoniacum tenuissimum ad mel Atticum aut aliud bonum misceatur & illinatur, aut Butyri tantundem adjiciatur. Aut Sepiæ os tritum per arundinem insuffletur. Aut Silphii radix cum oleo tusa bis in die sublinatur. Aut Erucae semen integrum, velut est, insuffletur in oculum, & sinatur, donec semina attenuatoriâ suâ acredine extenuent & extergant ipsas albugines. *Idem.*

De Profluvio alvi Equorum.

Si Alvus fluat, sanguis ex venis in capite auferatur: bibat Aquam tepidam farinâ hordeaceâ permixtam. Si inde nihilo mitius malum fiat, oleum per nares infundatur. Cohibent autem & Mali punici putamina alvum profluam, unâ cum Rhoe syriaco contusa, & per os exhibita. *Idem.*

De tormine Equorum.

Equus torminosus lavetur aquâ calidâ, & contegatur. Deinde Myrrhæ drach. v. Vini veteris heminas vj. Olei heminas iij. simul diluta, & in tres partes divisa, infundito. Venter insuper Aquâ calidâ marinâ, aut Myrthi baccis, in aqua coctis, calefiat. Polii etiam folia, aut Abrotanum, aut Amygdalæ amaræ, immixto Vino nigro austero infundantur, aut Mali punici putamina cum Aqua. Prodest & Apii semen,

femen, & Cucumeris pari portione, utrumque cum Mel-
lis & Vini pari mensura in potu datum. Aut Cardamo-
mi semen tritum cum aqua; Medica etiam herba madida
objicitur, itemque Hordeum. Volvulosi porro equi infu-
so per sedem immisso eluuntur, quod ex Beta aquæ in-
cocta, & Nitri drach. 40. additis Olei drach. 30. constat.
Eodem modo & nitrum tritum cum vino infundere per
anum potes. Similiter etiam si ad terram minxeris, & lu-
to inde accepto ventrem illeveris, tormina sedabis. *Idem.*

De febriente Equo.

Febricitans Equus calido lavacro curetur; hyeme verò
foveatur, ne frigescat. Alimentum potissimum Ervi, aut
Tritici farinæ exhibeatur. In potu aqua tepida offeratur,
Vino cum Oleo tepefacto totum corpus inungatur, ven-
terque purgetur, & sanguis ex collo, aut venis circa gut-
tur, sive pectus, aut de pede detrahatur. Genua autem
calidè confricentur, ubi verò convaluisse videtur, aquâ
calidâ lavetur. Si verò ex lassitudine febricitet & maci-
lentus reddatur, Lactis caprini heminam, Amyli mensu-
ram, Olei heminam dimidiam, Ova quatuor, admixto
Portulacæ contusæ succo, ad dies tres, aut plures infun-
de, donec sanus fiat. Si verò ob humorum impressionem
in tonsillas, aut partes circa caput factam, febrierit, con-
fovendus est ipse, & palatum ejus sale cum Origano tu-
so, & per oleum excolato illinatur. Pedes & genua a-
quâ calidâ calefiant. Partes circa os Solano trito, & vi-
ni fece confricentur. Algis aut viridi gramine, seu fœ-
no, absque hordeo nutriatur. Si verò sanguis per nares
ipsi feratur, Coriandri succus, aut Laseris succus dilutus,
per nares infundatur. *Idem.*

Ad impinguandos Equos graciles.

Si gracilescat Equus, frumentum torrefactum, aut Hor-
deum pinfitum dupla mensura ipsi objiciatur: ter in die ad
potum ducatur. Si verò perseveret macies, furfur frumen-
to misceatur, & levibus gymnasiis exerceatur. At verò si
non sit edax, Solani & Polii folia aquâ potabili trita, &
diluta, naribus infundunt. Hordeum verò & Ervum aqua
macerata proponunt: aut Melanthii cyathos duos terunt,
& admixtis Olei cyathis tribus, cum Vini hemina faucibus
ingerunt. Nauseantem curabis Allio trito, & Vini hemi-
na af-

na affusa, ac data. Si urinæ emittendæ teneantur, ovorum decem candidum ad prædicta admixtum per os infundimus. *Constantinus Cæsar ex Absyrto.*

Malagma ad nervos claudos Equorum.

Accipe Sebi hircini libr. j.

Mollicidinæ semilib.

Resinæ libr. j.

Æruginis semilib. Misce. *Pub. Vegetius.*

Compositio Pulveris quadrigarii.

Quadrigarium pulverem vocant qui ex diverso pigmentorum genere mixtus, & per se adjuvat equos, & alia animalia, & aliis potionibus pro modo, vel curatione miscetur. Hujus Chiron talem compositionem saluberrimam credit:

Rec. Tragacanthi pondera iij.

Aloë unc. vj.

Myrrhæ unc. vj. & scrup. j.

Costi unc. j. & scrup. j.

Armoniaci unc. j.

Cassia unc. j. & scrup. j.

Gentianæ,

Aristolochiæ longæ,

Centaureæ,

Betonicæ,

Saxifragiæ,

Sambuci,

Opii,

Abrotani, singul. lib. j.

Eupatoriæ unc. vj.

Cardamomi unc. vs.

Folii unc. iij.

Spicæ nardi unc. iis.

Spicæ Celticæ unc. vj.

Afari lib. j.

Dauci unc. iij.

Castorei,

Opopanacis,

Galbani,

Strutii, sing. unc. vj.

Panacis radicis unc. j.

Liqui-

Liquiritiæ unc. vj.

Absynthii fascēs iij.

Succi herbæ peristerei siccæ & cribratæ unc. v.

Hæc omnia pariter conteres, & diligentissimè in vase vitreo, vel stanneo servabis. Cùm opus fuerit singula Cochlearia, vel amplius, si vires patientur, Equis vel Jumentis singulis dabis, addito Vino & Oleo. Interdum aliis potionibus miscebis, si ratio artis, vel cura mandaverit. *Publ. Vegetius.*

Ut Equæ abortiant.

Aristoteles dicit, quòd Equæ, quando odorant fumum lampadis extinctæ, abortiuntur, & indignantur: similiter hoc accidit quibusdam mulieribus prægnantibus.

DE SECRETIS ASINORUM.

CAP. III.

Ut Asinus non rudiat.

ASINUS lapidem habens caudæ alligatum rudere non potest. *Simoneta Cardin.*

Asini animo delinquentes.

Illud silentio nequaquam involvam, quod *Plutarchus* tacitum noluit, quid illud, inquires? Asinos & Equos linqui animo, qui ficos dorsuarii comportarint, sed majore miraculo dignum est remedium, quo & ipsis, & hominibus quoque succurritur. Exanimata ferè jumenta, extinctosque penè deliquio virium homines objectus panis revocat: namque si pauxillum hujus voraverint, protinus cibo sese recolligentes roborantur, & pristinum iter prosequuntur. Nec fecus in hominibus evenisse idem prodidit *Plutarchus*. Brutum, inquit, per altas nives in Apolloniam proficiscentem cùm animus defecisset, panis ab hoste muros urbis defendente projectus ex tempore creavit.

Claudicatio Asinorum ut sanetur.

Cæterùm claudicantes Asinos curabis, si aquâ calidâ totum pedem circumlaveris, & scalpello expurgaveris: quod postquam feceris, Urinam veterem calidam, in qua Adeps maximè caprinus eliquatus sit, aut si is haberi nequeat, bubulus, circumfundes, atque hoc facies usquequò sanitatem adipiscatur. *Constantinus Cæsar ex Absyrto.*

DE SECRETIS BOUM.

CAP. IV.

Boum cicuratio.

NOVELLOS cùm quis emerit juvencos, si eorum colla in furcas destitutas incluseris, ac dederis cibum, diebus paucis erunt mansueti, & ad domandum proni. *Varro.*

Boves ne pedes subterant.

Boves ne pedes subterant, priusquam in viam quôquam ages, Pice liquidâ cornua infima unges. *M. Cato.*

Boves ut valeant.

Boves ut valeant, & curati benè fient, & qui fastidient cibum, ut magis cupidè appetant, pabulum quod dabis, amurcâ spargito, primò paululum dum consuescant, postea magis, & dato rarerè bibere commixtam cum aqua æqualiter quarto vel quinto quoque die. Hoc si facies, Boves & corpore curatiores erunt, & morbus aberit. *Idem.*

Boves ut non fiant debiles.

Ervum maceratum tritum singulis mensibus in potu exhibe, plagam boum curabis Malvâ sylvestri tritâ. *Democr.*

Boves laborantes ut non lassentur.

Oleo & Terebinthinâ invicem coctis cornua illinito. *Idem.*

Boves ne à muscis infestentur.

Lauri fructum tenuissimè tritum, & in Oleo coctum Bobus illinito, aut ex saliva propria ipforum Boum eos inungito. Tauri illinito naribus rosaceo oleo, tenebris offusis vertiginosi fiunt. *Aphricanus.*

Boves ut pingues fiant.

Boves pingues facies, si redeuntibus à pascuis primâ die Brassicam concisam, & acri Aceto maceratam objeceris: deinde paleas excussas, & furfuribus triticeis mixtas, ad dies quinque. Sextâ autem hordei moliti heminas quatuor, & sex sequentibus diebus paulatim alimentum auxeris. Et hyeme quidem circa gallicinii horam nutries, deinde circa diluculum, & quando potum dabis. Reliquum alimenti circa vesperam. Æstate autem primum pabulum sub diluculum: secundum ad meridiem offeres, deinde novum exhibebis, & sic tertium pabulum circa ho-

ca horam nonam dabis : & rursus potum hyeme quidem aquam calidiorem, & æstate autem tepidam. At verò ora ipsorum urinâ colluunt incumbentem pituitam extrahente, & linguam à vermibus purgant volsella ex-
 emtis. Nascuntur enim vermes in linguis ipsorum, quos deinde sale confricant. Sed & stramenti ipsorum curam habere oportet. *Sotio.*

Bos si ægrotare cœperit.

Bos si ægrotare cœperit, dato continuò ei unum Ovum gallinaceum crudum, integrum facito ut devoret. Postridie caput ulpici conterito, cum hemina vini, facitoque ebi-
 bat, sublimiter terat, & vase ligneo det, Bosque ipsius, & qui dabit, sublimiter stet. Jejunus, jejuno bovi dato.
M. Cato.

Bobus medicamentum.

Si morbum metues, sanis dato

Salis micas iij.

Folia lauri iij.

Porri fibras iij.

Ulpici spicas iij.

Allii spicas iij.

Thuris grana iij.

Herbæ sabinæ plant. iij.

Rutæ folia iij.

Vitis albæ caules iij.

Fabulos albos iij.

Carbones vivos iij.

Vini hem. iij.

Hæc omnia sublimiter legi, teri, darique oportet. Jejunus fiet, qui dabit. Per triduum de ea portione unicuique bovi dato. Ita dividito, cum ter unicuique dederis, omnem absumas. Bosque ipsius, & qui dabit, facito, ut uterque sublimiter stet, vase ligneo dato. *Idem.*

Boves ut pinguescant.

Bobus ex equis roboreæ plantæ cum stramine supponantur : sic enim jacentibus molle, stantibus durum fiet. Pinguescunt boves dulcibus frondibus Ulmi, Sale, & lotionem aquæ. *Cardanus.*

De capitis dolore Bovum.

Dolorem capitis Bovis prius cognoscere oportet. Quando

do igitur demissis auribus non comedit, capitis dolor ad-
est. Lingua igitur ipsorum Thymo trito cum Vino & Al-
lio & sale tenui confricetur. Ptisana etiam cruda vino
diluta prodest. Quin & Lauri foliis manûs plenæ mensu-
râ acceptis, & in os immixtis, aut Mali punici putamini-
bus medeberis. Et Myrrhâ magnitudine fabæ in duabus
Vini heminis dilutâ, & per nares infusâ curabis. *Demo-
critus.*

De Profluvio alvi Boum.

Rhamni folia contusa, & bitumine intacta edenda da-
to. Alii Mali punicæ folia tusa, Polenta obducta in ci-
bo exhibent. Alii farinæ Frumenti sive Tritici torrefacti
heminas duas, cum aquæ mensura dimidia subactas ex-
hibent. *Idem.*

De Tormine Boum.

Qui Torminibus vexatur Bos, in uno loco non persistit,
neque cibum attingit, sed suspirat, ac gemit. Modicum
igitur alimentum ipsi objiciendum est, & caro circa un-
gues perpungenda, ut sanguis inde promanet. Quidam
circa caudam aperiunt, ut sanguis effluat; & panniculo
obligant. Alii Cepas, & Salem simul uniunt, & coacta
in sedem, quàm penitissimè protendunt, & ad cursum
cogunt. Alii Nitrum tustum per os ingerunt. *Idem.*

De febriente Bove.

Bos febriens non admittit cibum, deorsum nutat, la-
chrymatur, fordes in oculis habet, circa oculos cavatur.
Eum curabis hoc modo: Ex opacis locis Gramen capito,
& lavato, ei que edendum præbeto, aut Vitis folia. In
potu exhibeatur aqua quidem frigidissima, verum non sub-
dio, sed maximè loco umbroso, aures verò & nares
spongiâ aquâ imbutâ detergantur. Quidam cauterio fa-
ciem ipsius perurunt; & partes sub oculis itidem, eas-
que spongiâ urinâ veteri calidâ imbutâ bis per diem con-
fricant, donec crustæ excidant, & vulnera cicatricem re-
cipiant. Lancinantur etiam aures, ut sanguis effluat. Qui-
dam Polentam vino subigunt, & edendam præbent: alii
Muria dissolvunt, & amiculis concalefaciunt: alii Cyti-
sum præbent cum vino, id quod non Bobus tantum, sed
& alii pecori auxiliare est. *Didymus.*

De tussiente Bove.

Hordeum molitum maceratum, & palearum tenerrimas partes repurgatas, & Ervi moliti heminas tres, in tres partes divisas, singulatim edendas præbeto. Quidam Artemisiam herbam tritam, ac dilutam aquâ exprimunt, & ante pabulum ad dies septem infundunt. *Constant. Cæsar.*

De suppuratis Bobus.

Si ulcus suppuratum collegerit Bos, Urinâ bovis veteris calidâ ipsum purgare ac eluere oportet, & lanis extergere, deinde emplastra ex Sale tenui, ac Pice liquida imponere. *Idem.*

Ad Boves claudos.

Si ob perfrigeratam partem Bos claudicet, pedem lavare oportet, & affectam partem scalpello aperire & Urinâ veteri fovere: deinde salem inspergere, & spongiâ aut panniculo extergere: postea Adipem caprinum, aut bubulum, ferro calido affrictum dolenti parti instillare. Si ex calcata spina, aut ejusmodi quopiam claudicaverit, aliâ quidem similiter facienda sunt: Verum Cera cum Oleo vetere, & Melle, Erviqûe farina colliquata, & refrigerata ulceri indatur, deinde testa tenuis cribrata, ad Ficus aut Mala punica tusa admixta imponatur, & panniculo integatur, obligeturqûe diligenter, ut nihil temerè subeat, donec stare potuerit, sic enim sanus evadet. Tertiâ autem die resolve, eademqûe adhibe. Si verò ob influentis materiæ impetum claudicârit, pars ipsa cum oleo & passo cocto calefiat: deinde cruda hordeacea farina calida imponatur. Quum verò matura facta fuerit & mollis, dividatur ac eluatur: elotæ autem parti divisæ Lili folia, aut Scilla cum Sale, aut Polygonum, aut Marrubium tufum imponatur. *Florentinus.*

De Scabie Boum.

Scabiem & Eruptiones Urinâ bubulâ veteri, & Butyro quidam oblinunt; Alii Resinam aut Picem liquidam cum Vino cataplasmatibus modo imponunt, & sic ipsos sanant. *Constantinus Cæsar.*

De Vermibus Boum.

Aquâ frigidâ quidam irrorant Ulcera, & sic enecant vermes. *Idem.* Melius est, si Oleo Absynth. ac Tanacetii cum Essentia Aloës & Myrrhæ subinde extergas.

Ad Pediculos Boum.

Bovem supinum deicere, ac prosternere oportet, & capite sursum spectante, linguam contemplari, an bullas habeat. Has autem ferramentis acutis & ignitis inurere oportet, deinde sylvestris Oleæ foliis contusis cum Sale ulcera illinire, aut Sale tenui cum Oleo, aut Butyro cum Sale: aut Cucumeris sylvestris aridi radix contusa, simul cum Ficubus ad edendum præbeatur. Aut Polentæ heminæ duæ & farinæ frumenti torrefacti tantundem, Vino madefacta exhibeantur. *Idem.*

Si Bovem serpens momorderit.

Si Bovem serpens momorderit, Melanthii cætabulum, quod Medici vocant Smyrnum, conterito in vini veteris hemina. Id per nares indito, & ad ipsum morsum ster-
cus suillum apponito. Et idem hoc (si usu venerit) homini facito. *Marcus Cato.*

DE SECRETIS TAURORUM.

CAP. V.

Ut Tauri cicurescant.

TAURI indomiti & feroces fico alligati cicurantur, & immobiles conquiescunt. Quod & Caprifico illorum collis circumdato Plin. adscripsisse mihi videtur.

Taurus ut mansuescat.

Ælianus tradit Taurum mansuescere, si dextrum ipsius genu fasciâ deligetur. Accedat ex Senecâ, quod sicuti Tauros rubicundus color excitat, ita mappa alba

Ursos ac Leones pro-
ritat.

DE SECRETIS OVIUM.

CAP. VI.

Ut Oves aliquem sequantur.

OVES eum sequi solent, ut scripsit *Didymus*, qui vel-
lere illarum aures obturaverit.

Ut Aries non incurrat, ac impetat.

Cornua ipsius propè auriculas ejus perforato. *Constantinus Cæsar.*

*Ut prægnante Ove cognoscatur, qualem colorem
habeat fœtus.*

Aperito prægnantis os, & siquidem inveneris linguam
ipsius nigram, nigrum agnum pariet. Si verò albam, al-
bum. Si autem variam, varius erit & partus. *Didymus.*

Ut Agni non ægrotent.

Hederam ad dies septem edendam exhibe, & non ægro-
tabunt. *Idem.*

Oves ne scabræ fiant.

Oves ne scabræ fiant, Amurcam condito, puram benè
facito, aquam ubi Lupinus deferbuerit, & fecem de Vino
bono inter se omnia commisceto pariter. Postea cùm de-
truseris, ungito totas, finito biduum aut triduum consu-
dent, deinde lavato in mari: si aquam marinam non ha-
bebis, facito aquam falsam eaque lavato. Si hæc sic fe-
ceris, neque scabræ fient, & lanæ plus, & meliorem ha-
bebunt, & ricini non erunt molesti. Eodem in omnes
quadrupedes utitor, si scabræ erunt. *M. Cato.*

Oves ut à cibo deterreantur.

Lupi sterces in stabulis pecudum occultatum, non so-
lùm eas à consueto cibo deterret, sed etiam veluti œstro
quodam maleficii actas, ultrò citroque exagitari, balare, &
continenter trepidare cogit, ac si præsens esset, aut cum
eis diversaretur infensissimus, ac voracissimus illarum ho-
stis lupus. Quem vel ex solo odore latitantis ejus fimi
sibi insidiari putant. Nec iis rebus desistunt, donec ablatum
senferint dictum sterces. Hoc sanè aucupio vidi quosdam
impo-

impostores circumforaneos jactitantes, se pecoris ægrotantis, vel aliter affecti, summos esse Medicos & magnâ pecuniâ simplices rusticos emunxisse, vel pro pecuniâ præpinguem oviculam secum asportasse. Idem posse Lupi caudam tradunt *Rhasis* & *Albertus*. Imò verò quidvis ex eo animali ad caudas translatum, tanta est ejus antipathia, & naturalis discordia cum ovillo pecore universo. *Mizald.*

Ad Ovium morbos mirum remedium.

Ventriculum Arietis in aqua & vino coctum, plerosque Ovium morbos sanare in potu datum, haud immeritò proditum est; nam sympathia est. *Cardanus.*

Quando, & quomodo Oves tondendæ.

Neque frigore adhuc existente, neque æstatis tempore, sed medio Vere oves tondere oportet. Vulnere quæ inter tondendum contingunt, Pice liquidâ illinantur: reliquum corpus ex vino & oleo, aut succo Lupinorum amarorum decoctorum. Præstat tamen vinum pari amurcâ mixtum, aut oleum & vinum album, cerâ & adipe commixtâ, illinere. Hoc enim & lanæ nocumentum non affert, & scabiem fieri non permittit, & ulcerationem fieri prohibet. Observare autem oportet, ut probè deterfæ, post primam diei horam, resiccato rore, per noctem in lanas illapso, tondeantur, magis utique in Sole. Exudante enim dum tondetur, oviculâ, sudor lanis excipitur, lanaque coloratior & mollior redditur. *Didymus.*

Ut Oves & Capræ pestilentia non laborent.

Si Ciconiæ ventriculo aquâ contrito, cochlearis unius mensuram singulis infuderis, pestilentia non tentabuntur. *Constantin. Cæsar.*

Ut Pecora multum lac faciant.

Omnia pecora immensum lac dabunt, unaque foetum nutrient, si Cytisum comederint, aut Dictamnium ventribus ipsarum alligaveris. *Aphricanus.*

Pestilentia Ovium medela.

Providere oportet, ut Oves primùm in pestilentem morbum non incidunt. Vere itaque incipiente Salvia montana, & Marrubium herba, simul tusa in potu misceantur, ad quatuordecim dies. Idem & autumnò totidem diebus facien-

dum est. Si verò eas corripiat morbus, iisdem remediis utendum. Cytisi quoque fœnum prodest in pabulo sumtum, & Arundinis radices tenerrimæ in potu maceratæ. Ægrotantes insuper in aliam regionem transferendæ sunt, ut neque sanæ ipsis permisceantur, & ipsæ aquâ & aëre alio participantes convalescant, & corroborentur. *Leontius.*

Ad Ovium scabiem.

Scabies ne ab initio quidem accesserit, si quis post tonsuram ex his, quæ diximus, illinat. Si verò negligentia tuâ contingat, curabis ipsam hoc modo: Amurca infusa excolatur, & aqua in qua Lupini amari macerati sunt, & fex Vini albi, singula pari copiâ mixta in vasculo calefiant: & his illita Ovis ad biduum permaneat. Tertiâ deinde ex aqua marina calida lavatur, & postea etiam ex aquâ potabili. Alii Cupressi pilulas simul cum aqua affundunt. Alii Sulphur & Cyperum, cum Cerussa & Butyro tusa illinunt. Quidam mingente Asino in via, id quod consistit lutosum illinunt. Quidam adhuc diligentiores melius faciunt, & non prius quicquam prædictorum remediorum scabiosæ adhibent, quàm pars affecta sit detonsa, & Urinâ veteri conficta. Scabiem porrò Ovium curabis etiam Urinâ lavando, & Sulphur illinendo.

Ad diversos Ovium morbos remedia.

Si Solis ardor Oves læserit, cadantque assidue, & non edant, Betæ sylvestris succus exprimatur, & infundatur: coganturque etiam Betas edere.

Si difficilem haberent Spirationem, aures retro incidantur, & in alios locos transferantur.

Si Tussis vexet, Amygdalæ purgatæ, & tufæ, Vini cyathis tribus mixtæ per nares infundantur.

Si ex nocentiore pabulo venter intumescat, sanguinis detractio curabis ipsas, lancinatis & apertis supra labra venis, & his, quæ sub cauda sunt, juxta sedem, sed & hominis Urinam sesquiheminæ mensura infundere oportet.

Si Vermes cum herba comederint, idem faciendum est.

Si Hirudinem glutiverint, Acetum acre calidum, aut oleum infundatur.

Si Abscessum in superficie habeat, dividatur, & in vulnus Sal tenuis torrefactus cum Pice liquida imponatur.

Si à reptili quopiam morfa sit, aut percussa, Melanthium cum

cum vino præbeatur, fiantque & objiciantur ea quæ in Bobus & reliquis prædiximus.

Lupi in pecora non faciunt incursum, si Scillam ei, qui dux gregis appellatur, alligaveris. *Anatolius.*

DE SECRETIS HIRCORUM. & Caprarum. C A P. VII.

Ne Hirca fugitivi fiant.

HIRCI fugitivi non erunt, si barbas illis præcideris. *Florentinus & Zoroaster.*

Ut Capræ multum lac præbeant.

Herbam Quinquefolium, Pentaphyllum Græcis dictam, antequam bibant, ad dies quinque edendam præbe. Capræ multum lac faciunt, si Dictamnnum circum ventres ipsarum alligaveris. *Florentinus.*

DE SECRETIS PORCORUM. C A P. VIII.

Ad impinguandos Porcos.

PINGUESCUNT Porci furfuribus frumentaceis, & quisquiliis arearum, & frumento. Hordeum autem supra hoc, quod pinguefacit, etiam ad generationem indifferens animal facit. *Florentinus.*

Pestilentia Suum medela.

Porci pestilentem affectionem non incurrent, aut illa ipsi sanabuntur, si in aquam, unde bibunt, Asphodeli radices conjeceris, aut etiam ubi frequenter lavantur. *Idem.*

Sues ne ægrotent.

Sues non ægrotabunt, si novem Cancros fluviatiles edendos præbueris. Cognoscuntur ægrotantes Sues, evulsis e cervice pilis. Si enim ipsi pili puri fuerint, sani sunt. Si vero cruenti aut saniem quandam crassiore[m] circa pilos habuerint, ægrotant. *Democritus* igitur *Physicus* Asphodeli radicis modicè tusæ minas tres, singulis Suihus in cibo admiscere jubet, & ante septimum diem firmam sanitatem inde recuperare testatur. Si febricitent, sanguis ex cauda detrahendus est. Si tonsillæ infestentur, ex scapulis

sanguis auferatur. Si verò ignotus morbus occupet, per diem & noctem totam includantur, neque cibus neque potus ipsis offeratur. Verùm radices Cucumerum fylvestrium tusæ in aquam mittantur per diem ac noctem, ipsaque aqua postridie in potu præbeatur: postquam enim largius biberint, paulò post morbi causam simul evoment. Quandoquidem verò edax animal est, spleneque maximè ægrotat, prunas Tamaricis in aqua extinctas in potu exhibe. Sed & homines vinum pro aqua supra Miricæ prunas fustum, ac potatum sanabit. Cui rei evidens testimonium *Democritus* præbet. Idem *Democritus* hominis spleni medelam promittit, si ferrum prunis candefactum aquâ extinguas, deinde aquam aceto misceas, & bibendam dolenti splenem præbeas. Quum verò à reptilibus commorsæ fuerint Sues, iisdem auxiliis, quæ ad pecora prædiximus, curabuntur. *Didymus*.

DE SECRETIS CANUM.

C A P. IX.

Canis ut quemvis sequatur.

PINGUEDINEM de matrice canis sumito, & cum pane ad comedendum cani præbeto & sequetur. Eadem etiam pinguedine calceamenta inuncta efficiunt, ut canes omnes sequantur. *Fallopius*.

Canis ne te deserat.

Cani, si Ranam coctam dederis, efficies, ut nunquam à te discedat. Verùm ego Ranas plures dedisse canibus coctas obiter me existimo, qui tamen mihi non paruerunt. At si cum discedunt, ab alio verberantur: si cibum à te solum accipiunt, non deferent. Existimant quidam, exhibito pane sub ala contento, ita ut sudore maduerit, fieri obsequentiores amantioresque Domini. *Cardanus*.

Canes ne latrent.

Si vis Canes non latrare, nigri canis oculus viventi adhuc ipsi detrahatur, si tecum detinueris eum, alij canes tibi adhærenti, vel juxta eos ambulanti, nec allatrabunt, nec foras voces emittent: quod fortassè evenit odore oculi. Violentiùs operabuntur, & tutiùs deges, si oculis vel luporum corde comitaberis. Sic quoque dicitur de Hyænæ lingua in manu

manu detenta , nec solum illa canes elingues , sed gestantem ab eis incolumem reddit. *Joan. Bapt. Porta.*

Canes ut obtumescant.

Similis virtus est in oculis Hyænæ , quæ quodcunque animal lustraverit , è vestigio hæret , stupefcit , & movere se non potest : similis virtus est in oculis Luporum quorundam , qui si quem prius viderint , stupefcit , & raucescit adeò , ut si clamare voluerit , non habeat vocis ministerium. *Agrippa.*

Ut aliquem canes fugiant.

Cor canis habentem fugiunt canes. *Idem.*

Canes ut quàm celerrimè venationi se accommodent.

Primum resolvendum est , cui generi eos applicare velis , & eorum animalium , quæ venationi sunt destinata , sanguinem cum offis statim post ablactationem subministrare : nempe si ad Cervos , & Lepores , cervinum , vel leporinum : si ad Apros & Vulpes , aprinum & vulpinum sanguinem dabis. Si ad Perdices , cor & intestina , & caput porriges. Hac ratione fiet , ut statim horum animalium vestigia insequantur , nec aliis aviculis , aut animalibus obviis animum applicent , & à recta venatione avertantur. *Ex libro manuscripto.*

Canes ne Rabie corripiantur.

Subest linguæ Catellorum nervus , vermiculi effigiem præ se ferens , rotundà & tereti formâ : qui si eximatur , eos à rabie immunes reddit , facitque ut minimo latratu sint infesti , nec quenquam lethali morfu impetant. *Colum. & Plin.*

Ad Canum rabiem.

Rabientes Canes concludantur , cibusque non præbeatur ad diem unum , deinde ex Veratro quippiam in potum misceatur. Quum fuerint purgati , hordeaceo pane nutriantur. Eodem etiam modo commorsos à rabiosis canibus curabis. *Theomnestus.*

Canum morbi curatio.

Canum venena sunt , Spongia frixa cum adipe , devoratur quidem sed reddi nequit (tumet enim ,) nec concoquitur , (est enim contumax.) Eadem ratione , sed minùs occi-

cidunt pelles animalium: nux item illa, quam Vomicam vulgus vocat levis, atque duratum vitrum: nam reliqua venena vomere solent, curantur autem Oleo copioso ebibito, quod & in morbis sponte nascentibus plerunque utile est. *Cardanus.*

Ad Canum pulices, scabiemq̃.

Pulices Canum perdes aquâ marinâ vel muriâ, deinde Cyprino illito cum Veratro, aquâque & Cumino, & Uva acerba. Aut Cucumeris radice illitâ cum aqua. Præstat autem Amurcâ corpus illinire, scabiosis enim medebitur. *Theomnestus.*

DE SECRETIS ANIMALIUM

sylvestrium in genere.

C A P. X.

Animalium feritas ut mitigetur.

CRATEVAS Hippocratis herbarius tradit, aspersu plantæ Oenotheræ ex Vino, omnium animalium feritatem, nedum hominum, mitigari. Quod de radice intellexit *Theophrastus*. Sic *Ælianus* Oenuttam Cervos, & Canes inebriare scribit.

Feras ut arceas.

Ut à feris tutus sis, præter arma, hæc sunt auxilia. Ignis, eum enim horrent: non ita Serpentes, nam quidam seu ob lucem, seu ob calorem sponte accedunt. Fumis attractus: vel si desit, figat lignum in medio: nam ubi viderint, insidias timent. Retro etiam euntes versus illos, absconso capite, sed jumenta præcipuè timent. Et cornu, si quis insonet vehementiùs. Constat ergo machinas igneas quadrifariam illas arcere, aspectu ignis, strepitûs auditu, foetoris olfactu, tum demum si attingas. Odore etiam maximè tetro abigerentur, si vis odoris, aut sonitus, aut lucis augeri adeò posset. *Cardanus.*

Ut à Feris tutus sis.

Si quis Leonis pinguedine perunctus sit, à feris est tutus, cum odorem illum seu viventis, seu mortui expavescant:

Hoc

Hoc autem maximè intrepidus obviam iveris : nam si fugam arripueris, vix odorem percipient. *Cardan.*

DE SECRETIS ANIMALIUM
sylvestrium in specie.

DE SECRETIS CERVORUM.

C A P. XI.

Cervi quomodo senectutem renovent.

NOTUM est, quòd Cervi renovant senectutem suam comestione Serpentum : eodem modo Phoenix renovatur per rogum, quem sibi construit. *Corn. Agrip.*

Ad Cervos fugandos.

Cervi formidant funiculum, qui pennas quasdam circumscitas & appensas habet, nimirum pennarum motum imaginantes. Contemnunt autem ejusmodi terriculamenta, ubi homines ipsis astantes viderint. *Democritus.*

Ad Cervos alliciendos.

Cervi tibias, & fistulas concinnas audientes, non augiunt, sed jucunditate tonorum capti permanent, atque sic capiuntur. *Idem.*

DE SECRETIS APRORUM.

C A P. XII.

Ut quis à sylvestribus Suibus sive Apris securus sit.

SI velis ab incurfu sylvestrium Suum securus esse, Cancris ungulas, ac pedes pro amuleto alligatos habeto. *Democritus.*

DE SECRETIS LEPORUM.

C A P. XIII.

Ætas Leporum quomodo sciatur.

ANNORUM quot sint Lepores, si quis velit scire, inspicere oportet foramina naturæ : quòd sine dubio alius alio habet plura. *Archelaus.*

Lepo-

Lepores quomodo impinguandi.

Hoc nuper institutum, ut faginarent plerique, cum exceptos è leporario concludunt in caveis, & loco clauso faciunt pingues. *M. Varro.*

Ad Lepores congregandos.

Succus Hyoscyami cum sanguine juvenis Leporis mixtus, & in leporina pelle confusus, fertur omnes lepores congregare, qui fuerint in eo tractu, ubi sepultus jacuerit: non secus quàm matrix Canis alios canes. Ex vetustissimo commentario. Sunt qui mihi affirmarint id verum esse.

D E S E C R E T I S V U L P I U M .

C A P . XIV.

Ne Vulpes gallinaceos vorent.

VULPES gallinaceos non attingunt, qui vulpinum jecur comederint. *Corn. Agrippa.*

D E S E C R E T I S L U P O R U M .

C A P . XV.

Ad arcendos Lupos.

QUOD si Lupi cauda in villa sepeliatur, prohibet ab introitu ejus Lupos. *Rbasis & Albertus.*

Lupi ne bestiis noceant.

Si cauda Lupi supra præsepio vaccarum, aut pecudum suspendatur, non appropinquabit Lupus, donec auferatur. *Albertus.*

Ad Lupos capiendos.

Lupos venaberis hoc modo. Blemmi pisces sunt parvi marini, quos aliqui Lupos appellant: hi venationem terrestrium Luporum perficiunt hoc modo. Vivos ipsos quàm plurimos piscaberis, & conteres in mortario, aut pila, & prunam plurimam excitabis in monte, in quo Lupi versantur, vento videlicet spirante; accipiesque ex his piscibus, & in ignem mittes, cruorem deinde, & carnes agninas tenuiter concisas, probè permiscebis, & ad contusos pisces adjicies, secedesque ex illis locis. Postquam enim rogus gra-

graviter olere cœperit, Lupi ejus regionis omnes congregabuntur. Ubi autem participaverint de carnibus, aut odore, tenebris offusis vertiginosi redditi soporabuntur. Itaque velut torpentes ipsos reperiens mactabis. *Diophanes.*

DE SECRETIS ANIMALIUM.

CAP. XVI.

Animal è diversis commixtum.

ANIMAL è diversis commixtum sic generare possumus: Animalia quære multipara, id est, quæ plures edunt uno nixu foetus, & quæ maximè salacia sint, & in quibus vincat coeundi voluntas, mares foeminis obsequia sollicitent, commiscere inter se curabis, quibus par quoque sit corporis magnitudo, gestationis tempus æquum, vel sanè non longè diversum: sic ex alienigenorum inter se animalium congressu, diversa prodeunt semifera monstra, multiplici naturæ varietate. Ex Lupo enim & Cane generatur fera, quæ Crocuta dici solet, producendique ejus modum docet *Aristoteles*. Leæna cum Pardis coit, unde ignobiles generantur Leones, non jubati, & maculosi foetus, ut refert *Philostratus*. Cum Pantheris quoque coeunt Lupi, sic animal gignitur bigenere, quod Thoes dicitur, maculosâ pelle Pantheram referens, facie autem patrem, quod tradidit *Oppianus*. Sic à Vulpe, Lupo, Tygride, Simiâ, Leone & similib. talia fiunt. Ut crebrò græcè dici soleat, semper novi aliquid Africam afferre; ob aquæ enim inopiam egestatemque siticulosis in regionibus, è longinquo coguntur bibendi gratiâ in unum congregari, vi aut voluptate ad commiscendum cogente, & inibi è varia feminum mixtura, varias subinde animalium nasci formas. Nec tales foetus Africæ in regionibus tam prodigiosi habentur, cum familiares sint incolis illius partus. In novis igitur procreandis exemplis utitor. Item in *Æliano* legi, apud Sybarim pastorem fuisse nomine Crathin, qui cum Capellam omnium formosissimam deperire cœpisset, & libidinis œstro acrius excrucietur, eandem mirè inibat, ac uti amicam amplexabatur, non citra suaviatorem crebram: idemque capellarius amator, pabulum lætius amœniusque objiciebat, ut illi suavior fieret anima: inde ex concubitu brutino natum ferunt infan-

infantem, cruribus matrem qui referebat, facie autem patrem. Pullus autem è diversis commixtus sic eveniet: marem Palumbum cum gallinâ coire curabis, pullusque emerget non injucundus visu. Sic quoque è Perdicibus, Gallinis, Phasianis eveniet, diversisque Accipitribus & Pavonibus. Dabit mixtum foetum Gallina, sibi que similem admodum, eique à quo prolificum acceperit semen. *Johan. Baptista Porta.*

DE SECRETIS MURIUM.

C A P. XVII.

Mures ut necentur.

MURES necantur Veratro cum Polenta objecto, aut sylvestris Cucumeris semine cum Veratro nigro, Colocynthide, & Polenta. Si verò Calcanthus, & Origanum, & Apii semen, & Nigella suffumigentur, fugabuntur. Si porro cinerem quercinum cavernæ apposueris, incinerati scabie infestantur & necantur. Si ferri limaturam, hoc est, ramenta lima detrita, fermento immixta posueris, ubi abundant, ea gustata morientur. *Paxamus.*

Mures ut excæcentur.

Si libeat Mures excæcare, Tithymalum contusum & cum Polenta, & Vino mulso mixtum, ipsis appone: ubi enim ederint, excæcabuntur. *Idem.*

Mures ut fugiant.

Si unico Mure apprehenso caput ipsius excoriaveris & dimiseris, reliqui fugabuntur. Item Mures fugantur Hæmatites lapidis suffitu, & Myricâ viridi suffumigatâ. *Paxamus.*

Mures ut congregentur.

Anatolius Amurcam in pelvim æream infundere jubet, & in media domo noctu deponere, eo que pacto omnes Mures etiam in aliis domibus congregari adseruit.

Ad congregandum Mures.

Habe duos Mures vivos vel plures, quos in prælatum fictile missos, igni ex fraxineo ligno excitato expone. Ubi con-

concalescet fictile, jucundo spectaculo videbis ad pippitum & sibilum incarcerationum, Mures è proximo omnes accurrere, & se in ignem rectâ præcipitare, ac si obsessis auxiliatum venirent. Quod Fraxini fumo adscribendum arbitrarer. *Mizald. ex Alberto.*

Adversus agrestes Mures, nec non domesticos Auxilia.

Mures jacta femina nullo modo persequi tradit *Apulejus*, si Bubulo felle macerata fuerint, antè quàm spargantur. Necabuntur, si foliis *Rhododaphnes* illorum additus clauferis. Non desunt ex Græcis, qui sylvestris *Cucumeris*, aut *Hyoscyami*, vel *Amygdalarum* amararum, & *Veratri nigri* pares portiones contusas *Polentæ* immisceant, ac Oleo subigant, agrestiumque *Murium*, aut domesticorum cavernis, & cuniculis apponant. *Plinius* abigi scribit Cinere *Mustelæ*, aut *Felis* diluto, & feminibus resperfo.

Ut Mures à Cinaræ radicibus arceantur.

Cinaræ radices à *Muribus* summè expetuntur: quarum voluptate allekti semel turmatim, vel è longinquo accurrunt: sicut in suis *Agriculturæ* selectis præceptionibus annotavit *Varro* Græcus: sed non absque auxilio, & remedio. Tradit enim insultantem illorum aciem lanâ radicibus obvolutâ arceri, aut stercore *Suillo*, vel cinere *Ficulneo* eisdem apposito.

Ne quem Mus araneus mordeat.

Ne *Mus araneus* animal mordeat, *Mus* ipse vivus captus cretâ circumdatur: quæ cum induruerit, suspenditur in collum, & sic non contingetur à morfu, certissimum est. *Vegetius.*

Ne caseus à Muribus edatur.

Si cerebrum *Mustelæ* coagulo addatur, negant à *Muribus* attingi caseos, nec corrumpi præterea vetustate: tantum inter *Mures* & *Mustelas* est diffidium. *Corn. Agrip.*

Ne Mures literas vorent.

Atramentum librarium diluto *Absynthii* temperatum, literas à *Muribus* tuetur. *Dioscorides.*

DE SECRETIS TALPARUM.

CAP. XVIII.

Talpa quomodo capiendæ.

SI Talpas capere voles, illorum foraminibus & ostiolis Porrum, aut Cepam debes objicere. Nam forâs ac si stupidi essent, confestim profiliunt. *Albertus.*

Talpa ut congregentur.

Talpa fictili inclusa cum accenso Sulphuris pulvere, socias ad se evocat alias, ceu flebili voce illarum auxilium implorans. *Albertus, si rectè memini.*

Talpa quomodo expugnandæ.

Paxamus Nucem, aut vasculum quodpiam angustum & solidum perforari jubet: ibique paleas & cedriam, vel (ut legit *Palladius*) ceram quantum opus fuerit, cum sulphure includi, omnesque Talparum aditus, & spiramenta diligenter obstrui, ne per ea fumus penetret. Ita tamen, ut unum tantum os vel foramen relinquatur, quod amplum sit: in cujus ostiolo, dicta nux, aut vasculum intus accensum sic collocabitur, ut ab una parte flatum possit accipere, qui cedriæ & sulphuris nidorem in Talpæ tumultum diffundat. Eo artificio impletis fumo cuniculis, talpas omnes vel protinus fugere, vel enecari deprehendes. Sunt qui Veratrum album, aut Cynocrambes corticem tustum, & cribratum, & cum Polenta, & Ovis rigatum, Vinoque & Lacte subactum in offas, & pastillos cogunt, ac eos Talparum cavernis immittunt. Plerique ad has abigendas Feles in hortis educant, ac Mustelas cicurant, ut suo venatu pestem hanc arceant, cuniculorum faucibus ac spiraculis admotæ. Alii foramina earundem Rubricâ, & succo Cucumeris sylvestris implent, ac saturant: vel captam unam cum accenso Sulphure in ollam projiciunt, putantes eò convenire alias omnes. Non desunt, qui illarum ostiolis laqueos fetaceos adhibent. Rusticis fatis est virgam, aut foliaceum Sambuci ramum defixisse. *Plinius* autem solâ Amurcâ necat.

DE SECRETIS MUSTELARUM.

CAP. XIX.

Ut Mustelæ & Sciuri cicures fiant.

MIRABILE quippiam occurrit, quod hoc loco non tacendum: mirum quòd Mustelæ & Sciuri tentato Allio dentibus, non audent in posterum mordere, cicuresque hoc modo fiunt. *Mizaldus.*

Mustelæ quomodo necandæ.

Mustelas vel occides, vel fugabis, si Salem ammoniacum, & frumentum, seu (ut alii legunt) fermentum commaceraveris, & ad locum, ubi frequenter discurrunt, projeceris. Vel captam unam, caudâ & testiculis amputatis, vivam dimittunt, unde reliquæ emigrabunt. *Africanus.*

Mustelæ ne noceant.

Mustelarum genus omne pellitur nidore Felis exusti, quâ ratione infecta omnia à sui generis. *Cardan.*

Ad Mustelas congregandas.

Fel stellionum in aqua tritum, fertur congregare mustelas, ut inquit *Cornelius Agrippa.*

Feles ut ab aviariis arceantur.

Feles ab aviariis arceri traduntur pullis gallinaceorum succo Rutæ perfusis: aut illâ, ut multis placet, undeque armatis. *Mizaldus.*

Felis ut sine masculo concipiat.

Non solum animalium inter se amicitia est, sed etiam cum aliis rebus, ut cum metallis, & lapidibus & cum vegetabilibus: sic Felis, sive Catus gaudet Nepetha herba, ad cujus affricationem concipere traditur, & defectum masculi supplere. *Agrippa.* Credat Judæus apella.

DE SECRETIS FORMICARUM.

CAP. XX.

Ad Formicas fugandas.

SI Formicas captas ufferis, reliquas formicas fugabis, quæ res experimento constat. *Diophanes.*

Formicæ ut expellendæ.

Expelles Formicas è cavernis suis, si Cochlearum tegmina

S.

na

na cum Styrace ufferis, & confusa in agmen ipfarum consperferis. Similiter expelles Formicas Origano, & Sulphure tritis, & circum acervos ipfarum adspersis. Penitus autem intereunt Formicæ, si succum cyrenaicum, oleo dissolutum, ipsis affuderis. *Idem.*

Formicæ ut plantas non contingant.

Formicæ non contingent plantas, si truncos obleveris Lupinis amaris cum Amurca tritis, aut coctis. *Idem.*

Formicæ ut mellarium vas non contingant.

Vas mellarium non contingent Formicæ, etiamsi operculo caruerit, si albam lanam circumdederis, aut terra alba, aut rubrica circumscripseris. Quidam succum Lase-ris Aceto dilutum truncis illiniunt, & in foramina ipfarum infundunt. *Idem.*

Formicæ ut interimendæ.

Intereunt penitus Formicæ radice sylvestris Cucumeris suffumigatâ, aut Siluri, maximè Alexandrini, suffitu ad lentum rogam. *Idem.*

Formicæ ut arceantur.

Arcebis Formicas Felle taurino & Pice cum Amurca mixtis, indeque illito trunco. *Idem* facit & Rubrica, & Pix, mixta & illita. Quidam piscem appellatum Coracium ex arbore suspendunt, atque Formicas disperdunt. Quod si Formicæ exurantur, aliæ odore ipfarum diffugient. *Idem.*

Formicæ quomodo abigendæ.

Palladius contra Formicarum agmina hoc monstrat propugnaculum. Si Formicæ, inquit, habent in horto foramina, cor Noctuæ admoveto: si foris veniunt, omne horti spacium Cinere aut Cretæ candore vel Oleo obsignato. Et paulò post: Formicas abiges, si Origanum & Sulphur trita ad illarum foramina resperferis. At *Plinius* præstantissimum adversus Formicas remedium esse ait limum marinum, aut Cinerem pro obturandis illarum foraminibus, si non sint rigui. At omnium efficacissimè Heliotropio herbâ necantur. Quidam aquam diluto latere crudo eis inimicam putant.

Aliter.

Accipe Sulphuris libram dimidiam, lique scat ad ignem in vase terreo, adde salis Tartari, vel salis Cinerum unc. iij.
vel

vel iiij. Misce benè agitando, donec subrubeum acquirat colorem, auferatur ab igne & fundatur supra asserem prius aquâ humectatum: & cum induratum fuerit, tere minutim & superfunde aquæ fontanæ quantum sufficit, relinquaturque in vase vitreo, donec aqua fiat colorata. Hac tincturâ acervi ipsarum aspergantur, vel arborum trunci, & peribunt, ac diffugient. Probatum. *Alexius.*

Formicæ ut locum suum amittant.

Accipe Origanum ficcum, pulveriza subtiliter, & super locum, ubi degunt Formicæ, asperge, & deferent locum suum. *Albertus.*

Formicæ ne arbores ascendant.

Ne Formica arbores conscendat, Lupinus cum Fracibus teritur, eoque ima linea circumlinitur. *Columella, Plin. & Palladius.* Simili modo Formicæ fugiunt, ex corde Upu-
pæ, non ex capite, pede, vel oculis. *Agrippa.*

Aliter.

Lupinum cum oleo terito, arborum ac plantarum radices, sive caudices illinito. Plurimi solâ Amurcâ necant. Optimum penè, si caudices arborum vasculis è laminâ confectis circumdantur, juncturæ vasculorum cerâ muniuntur & hinc vascula aquâ repleta semper teneantur; ita enim Formicæ in caudicem assurgentes vasculum prætereire nequeunt, nisi in aquam delapsuræ. Alii papyro caudices circumvolvunt, Formicæ enim papyrum transgredi surgendo nequeunt. Alii iterum cretâ caudicis partem circumquaque fricant; dum Formicas non credunt cretâ obductos locos transcendere.

Adversus Formicas.

Cor Vespertilionis prohibere exitum Formicarum affirmant, sed Sulphur illas magis prohibet, credo odoris magnitudine & pravitate. Nihil, ut expertus sum, in arboribus aquâ tutius: circumdantur cerâ cavatâ, quæ dein aquâ impletur. *Cardanus.*

DE SECRETIS SCORPIONUM.

CAP. XXI.

Adversus Scorpiones.

SI Scorpionem unum captum exusseris, etiam reliqui fugabuntur. Si quis autem Raphani succo manus suas dili-

diligenter illinat, intrepidè & citra periculum scorpiones, & reliqua reptilia, apprehendere potest. Ipsi verò Raphani Scorpiis impositi, statim ipsos interficiunt. Scorpii plagam curabis argentei annuli sigillo ad locum appresso. Sandaracha cum Galbano & Butyro, sive Adipe caprino suffita, Scorpiones & omnia reptilia fugat. Si quis Scorpiones in oleo coquat & locum à scorpione percussum inungat, dolorem sedabit, ictumque curabit. *Diophanes*. Præsentissimum contra ictus Scorpionum est remedium, si vivum hoc animalculum puncto loco affricetur, apprimatur, & ita compressione necatum aliquandiu in parte vulneratâ teneatur; sic enim felicissimè virus omne educitur, vulnusque inflictum promptè sanatur.

Scorpiones ut domicilia non obrepant.

Scorpius in domicilia non obrepit, quoties Coryli nucula laquearibus appensa cohærebit. *Plutarchus*.

Ad Scorpiones fugandos, & interimendos.

Si locum in quo versantur, furculo aut ramulo veri Heliotropii circumscripseris, illos hinc egredi posse negat *Plinius*. Si verò herba ipsa imponatur, aut respergatur, protinus emori tradit. Idem fieri ajunt tactu radicis herbæ, quam *Scorpioidem* dicunt: imò verò à Scorpione minimè lædi, qui herbam gestabit. Afri promittunt, ad manipulum Ocymi cum Cancris decem marinis, vel fluviatilibus tritum, è viciniâ omnes convenire. Tradunt iidem, si à Scorpione quispiam percussus, asino infideat, spectans ad ejus caudam, perniciosum fessoris virus in asinum transire. Indicium erit, si deflaverit, & pepederit Asinus. *Mizaldus*.

Scorpiones ut innocenter tractes.

Si quis Sideritim, vel Scorpionum herbam tenuerit, Scorpiones innocenter tractare poterit. *Tarent*.

Ad ictus Scorpionum.

Scorpionibus contrarius est Stellio, in tantum, ut visu quoque pavorem eis afferat, & torporem frigidi sudoris: itaque in oleo putrefaciunt & interficiunt, cum eo ictus inungentes Scorpionum. *Corn. Agrippa de Philosophia occulta*. Vide alia remedia contra ictus Scorpionum etiam suprà pag. 182.

Crocodilus ut reddatur immobilis.

Si quis Crocodilum Ibidis penna tangat, immobilem reddet. *Idem Agrippa.*

DE SECRETIS CIMICUM.

CAP. XXII.

Cimices necantia.

PIX liquida, & sylvestris Cucumeris succus, in lectos missa Cimices necant. Similiter & Scilla confecta, atque aceto trita, si inde lectus per spongiam illinatur. Similiter Citriorum folia cum oleo coquito, & lectorum commissuras illinito. Aut fel Tauri, vel Hirci acri aceto dilue, indeque lectum & parietes illine. Idem contingit, si Oleum antiquum, & Sulphur vivum triveris, ac lectis illeveris. Non erunt Cimices, si gluten piscium coctum, grabatis illeveris. Eos verò, qui jam sunt, perdes, si Amurcam coctam felle Bubulo mixtam cum oleo ipsis adsperferis. Aut Hederæ, aut Capparis folia oleo dissoluta lectis illeveris. Hoc medicamine, etiam qui in pariete sunt Cimices tollentur. Efficax autem pharmacum præparatur hoc modo: Staphidis sylvestris acetabulum, Scillæ in tenues partes sectæ tantundem, Aceti acris cochlearium unum: simul teruntur hæc, deinde calefiunt, & sic locis illinitur. Vel Cedriæ partem unam, passi partibus quatuor permisce, ac illine. Idem facit & Capræ aut Vituli fel, cum pari dosi passi ac aceti. *Didymus.*

Ad Cimices perimendos.

Cimices suffitu Hirundinum necantur, si grabatum operimentis contegatur, ut vapor transpirare non possit, & viceversa Hirundines interficiuntur Cimicum suffitu. Scolopendria etiam siccata, & suffumigata idem facit. Et Hederæ folia trita admixtis Hirundinibus decem. *Florentinus.*

Cimices ut perimendi.

Pedes Leporis aut Cervi circa fulcra lecti alligati, juxta dorsum, quo te reclinas, non sinunt Cimices nasci. At verò in profectionibus, si vas aquâ frigidâ plenum sub lectum posueris, cimices te non contingent dum dormis. Etenim calidæ effusio, qua omnes utuntur, eos quidem qui occurrunt, perdit: verum non est impedimento, quò minùs velociter regenerentur. *Democritus.*

Ad Cimices.

Facias fumigium cum fimo bovino, & fugabit Cimices. Omnium autem optimum ad fugandos Cimices remedium est, si lectum viridi colore probè tingas, & undiquaque perungas. Alii Tanacetum, Absynthium, Helleborum, Centaurium minus, Persicariam, Folia nucum oleo incoquant, hinc Terebinthinam permiscent, & lectos inungunt.

Ad Cimices necandos probatum.

Accipe Absynthii, Rutæ, Olei communis, Aquæ singulorum quantum sufficit, coquantur omnia benè usque ad consumptionem aquæ, deinde coletur oleum, cui misceatur Axungiae quantum satis est, & fiat Unguentum, quò lecticarum juncturæ inungantur. *Alexius.*

Aliud ad Cimices interficiendos expertum.

Accipe Axungiae porcinae, Argenti vivi, singulorum quantum satis est, misceantur optimè, ut fiat unguentum, quo lecticarum juncturæ & rimæ inungantur. Idem facit tinctura Sulphuris, de qua suprà in capite Formicarum mentionem fecimus. *Idem.*

Ad Cimices.

Recipe Absynthii M. j. Ellebori albi unc. j. Coquantur in lixivio, usque ad tertiæ partis consumptionem, quò juncturæ lectorum inungantur. *Roscellus.*

D E S E C R E T I S P U L I C U M.

CAP. XXIII.

Pulices quomodo perimendi.

SCROBEM facito: & Rhododaphnes contusas in ipsum mittito, isticque omnes concurrent. Absynthium, aut Cucumeris sylvestris radix, aquâ marinâ vel salitâ quavis irrigata, ac respersa, pulices necat. Disperdit autem ipsos penitus Melanthium aquâ maceratum, ac respersum. Aut Conyzæ coctæ decoctum irroratum. Disperdit eosdem similiter semen Sinapis, & Rhododaphnes, ambo fervefacta, & in domo respersa. Calcem vivam cribrato, & postquam locum verteris, inspergito, indeque necabuntur. Idem continget ex Amurca pavementis assiduè irroratâ. Cyminum item sylvestre tritum, & aquâ mixtum, ac seminis Cucumeris sylvestris

vestris drach. x. triti & in aquam demissi, indeque domo respersa pulices emori faciunt. Idem Chamelææ radix, & Populi nigræ folia tusa, & aquâ macerata, & Tribulus ex aqua cocta. Pulices etiam muria acris vel aqua marina pavimentis inspersa enecat. Quod si in medio domûs quis pelvim deponat, & circulum machærâ penitus ferreâ circumscribat (præstat autem ad hanc rem machæra, quâ homo occisus est) & reliquam domum præterquam locum circumscriptum cremore Staphidis sylvestris, aut Lauri foliorum tusorum conspergat, aut etiam muriâ, aut aquâ marinâ coctâ, omnes Pulices in pelvim congregabit. Fictile quoque vas defossum, ita ut labra æqualia pavimento habeat, & adipe taurino oblitum, omnes Pulices in sese congregabit, etiam eos, qui adhuc in palliis delitescunt. Sub lecto parvulum scrobem facito, & in ipsum sanguinem caprinum mittito, congregabitque Pulices isthic, & ex aliis vestibibus ad se alliciet, ac evocabit. Cæterum ex Amphimallis, & densissimis tapetibus, in quibus pluri mi pulices delitescunt, eximi ac evocari possunt, si sic in urna aut dolio ipse Sanguis caprinus deponatur. *Pamphilus.*

Ad Pulices & Cimices necandos.

Abfynthium, Ruta, Abrotanum, Mentastrum, Saturegia, Juglandis folia, Filix, Pseudonardus, quæ nobis Lavedula dicitur, Nigella, Coriandrum viride, Psyllium, Anagyris: omnia, vel aliqua culcitris supponantur: aut coquantur in Aceto scillitico, ac inde toralia conspergantur. *Alexius.*

Aliud ad Pulices & Cimices, Ejusdem.

Decoctio Tribulorum, aut Persicariæ, aut Colocynthis, aut Rubi, aut foliorum Caulium, sparsa per domum, fugat eos.

Pulices omnes in unum locum ut convenient.

Inunge parvum baculum ex pinguedine Ericii & plantae eum in medio cubiculi, & omnes Pulices baculo adhærebunt. *Alexius.*

Adversus Pulices.

Si sanguis vel pinguedo Ursi in scrobe aut vase sub lecto ponatur, convenient in eo loco Pulices, ac morientur. *Arnoldus de Villa Nova.*

Ad Pulices.

Cum Lixivio , in quo Persicaria , Ruta , & Tanacetum cocta sunt , & lacte Caprino simul mixtis , cubicula conspergito per aliquot dies , & Pulices disparebunt. Quòd si finum Equinum per cubiculum dispergas , & post aliquot demum horas iterum auferas , simul omnes pulices tolles. *Zwingerus.*

Pulices quomodo depellendi.

Rec. Lupinorum fabas , & Absynthium , quæ duo in aqua coquantur , quâ cubicula inspergantur. Idem præstat aqua , in qua Absynthium , Colocynthis , folia Persici , Verbena , & Coriandrum fuerint cocta. *Fallopins.*

Adversus hortenses Pulices.

A Pulicibus plantæ non lædentur , si naturali auxilio Erucam herbam pluribus locis admiscueris. Juvat etiam acre acetum , succo Hyoscyami contemperatum & bestiolis illis inspersum. *Anatolius.*

DE SECRETIS PEDICULORUM.

C A P. XXIV.

Ad Pediculos Palpebrarum.

PALPEBRÆ cum aquâ maris , vel aquâ falsâ , aut sulphureâ fricentur , aut epithementur : vel ex Aceto scillitico cum Alumine & Aloe liniendo pilos palpebrarum. *Alex.*

Ad Pediculos pudendorum.

Accipe Pomum ad mollitiem coctum , & mundatum à corticibus seminibusque , Argenti vivi parum , misceantur simul ad formam unguenti , quo partes pediculosæ inungantur , & purgentur. *Ab Italo quodam.*

Ad Pediculos & Lendes capitis.

Interficit eos hoc unguentum : Accipe

Olei communis unc. iiij.

Ceræ unc. j.

Staphisagriæ ,

Argenti vivi extincti cum saliva jejuni hominis , sing. drach. iiij.

M. Fiat unguentum , quo utamur loco Saponis , quando caput lavatur. *Bayrus.*

Aliud

Aliud ejusdem ad Pediculos & Lendes.

Accipe Sandarachæ, Nitri, singul. drach. j. Staphisagriæ, drach. ij. cum Aceto & Oleo confice, & unge. Helleborus albus, Nitrum, Staphisagria, Sumach, radix Lapathi acuti & oleum Sabinæ, conjunctim & divisim valent.

DE SECRETIS COCHLEARUM.

CAP. XXV.

Ad Limaces.

QUOD ad Limaces attinet, si vel Amurcam recentem, vel ex caminis Fuliginem illis insperferis, oleribus non minus commodabis, quàm si inter illa Cicer conseveris, ad hortensium multa portenta utile. *Mizaldus.*

DE SECRETIS ERUCARUM.

CAP. XXVI.

Adversus Erucas.

QUOD ad Erucas & Campas attinet, sunt nonnulli qui resperso ficulneo cinere illas persequuntur; sunt qui in hortis Scillam areatim ferunt, aut hinc inde suspendunt. Alii fluviatiles Cancros clavis, pluribus locis affigunt. Si verò obstinatè restiterint, & præscriptis auxiliis repugnaverint, hanc oppones machinam. Urinam bubulam, & amurcam æqualiter mista, igni, donec ferveant, admovebis, & ubi refrixerint, illorum imbre olera ac arbores consperges, quod Anatolii est experimentum. *Plinius* Virgis sanguineis, quæ his sunt obnoxia, tangenda præcipit. *Palladius* fusticulos, vel fasciculos alliaceos sine capitibus, per omne horti spacium comburit, non secus ac Vespertilionum stercora, ut nidor è fumo pluribus locis excitetur, quæ res præstantissimum habet miraculum. Easdem tradit *Plinius* ab oleribus arceri, si Cicer unà feratur, & illis remisceatur: aut Cancri ramis arborum à cornibus locis pluribus suspendantur. Nasci quoque prohibentur, imò verò præsentibus collectim perduntur, ex Græcorum observatione, si aliquot de vicino horto sublatas, in aqua cum Anetho coxeris, eaque perfrigeratâ herbas aut arbores

res resperferis, quæ nidulantes Erucas, & ad fotum incubantes, sustinent. Sed valdè cavendum erit, ne aqua illa faciem, vel manus contingat. Porro remedium certum ac paratu facile erit, si circa arborum crura, aut arborum brachia Bitumen & Sulphur incendas. Vel fungos sub nucis arbore nascentes, fumum dare ibidem cogas, Galbanumve aut Caprarum ungulas, vel cervinum Cornu, à venti flatu averfus, comburas. Sunt qui cinerem urtigineum per triduum in aquam mittant, qua postea olera, & arbores copiosâ aspergine lustrant. Multi in ficulneo lixivio projicienda semina præmacerant. Nostrates hortensium coloni, arte admodum facili easdem sic hodie passim expugnant. Ubi apricis locis illæ post pluvias incesserunt, matutinis horis frutices olerum, aut ramos arborum succutere solent: sic enim, dum adhuc nocturno torpent frigore, facilè decidunt, nec amplius ad superiora perreptant: præbentque occidenti viam admodum pronam, ac præsentem. Cæterum si cujuscunque generis animalcula oleribus & arboribus nocentia, perdere voles, Diophanem Græcum ausculta. Ventriculum Vervecis (inquit) recentissimè mactati, & suis adhuc sordibus excrementiis pleni, diligenter tibi comparato: eumque spatio illo, quo bestiolis scatet hortus, terrâ leviter adobruito. Peraçto biduo, ibi blatas, & animalcula alia gregatim congesta reperies: quæ vel aliò deportabis, vel eo loco altissimè defodies, ne resurgant: id cum bis, vel ter feceris, genus omne, quod nocebat, extingues, ac verè perdes. Rustici apud nos paleis intortis arborum truncos armant, & crura coronant: quibus summa arborum petentes Erucæ implicantur, veluti objectis laqueis, & compedibus, vel profligantur, vel sic à cœpta via actutum revocantur. *Hæc ex Mizaldo de Secretis hortorum.*

Adversus Erucas.

Animalia noxia ab oleribus arcentur, aquâ insolationis dierum decem Cancrorum, aut Pagurorum. *Card. de Subtil.*

Adversus hortensia animalcula.

Stercus omnium optimum herbis ac oleribus censetur esse Cinis tenuissimus, naturâ calidus. Nam Pulices hortenses, Vermes, Erucas, Limaces, ac animalcula alia, stirpes depopulantia, occidit vel abigit. *Mizald.*

DE SECRETIS SERPENTUM.

CAP. XXVII.

Adversus Serpentes auxilia & secreta.

F*lorentinus* rerum agri interpret, apud Græcos summus, & diligens, scribit, serpentes in hortis, aut alibi nequaquam stabulatueros, si Absynthium, aut Artemisiam, Abrotanumve per ambitum plantaveris, vel in angulis commodè disposueris. Qui si alicubi versari fuerint assueti, suffitu radice Lili aut Cornu cervi, vel Ungulæ caprinæ actutum abigi tradit. *Palladius* omni austeritate eosdem fugari, nocentesque spiritus, graveolentis fumi innocentiam exagitari scribit. *Democritus* mori penitus affirmat, si quercina folia superinjiciantur, aut si quis jejunos in illorum os expuerit. *Apulejus* Arundine semel duntaxat percussos obstupescere contendit: sæpius verò roborari. *Tarentinus* Græcæ agriculationis peritus, eum à Serpente affici posse negat, qui succo Raphani oblitus fuerit, aut Raphanum ipsum gestaverit. Quod *Athenæus* & *Galenus* cum plerisque aliis, malo Medico, seu Citro ascribunt, & pulcherrimam historiâ confirmant. Præprimis Ruta, in angulis & finibus hortorum, pratorumque hinc inde sata & culta, procul Serpentes arcere observetur. Sed serpenticidam Florentinum rursus audire molestum non erit. Serpentes (inquit) nunquam accedent, ubi Cervi adeps jacuerit, aut Centauræ radix, aut Gagates lapis, aut Aquilæ, vel Milvi sterco; fugabiturque omne reptile, si Nigellam, Pyrethrum, Galbanum, Cervi cornu, Hyssopum, Sulphur, Peucedanum, & Caprarum ungulas miscueris; deinde triveris, & Acetum acerrimum affuderis: compositisque ex ea miscellâ sphaerulis, fumum ac vaporem excitaveris. Nam diffuso per aërem rerum istarum nidore, reptile quodvis, ac si flagello ageretur, procul fugere, vel expirare animadvertes. Quidam prodiderunt, Punicæ ramum venenata omnia, nedum serpentes, fugare. Quapropter stragulis consultò imponi solet iis ædibus, in quibus versari solent serpentes, & venenosa quævis animalcula. Quorum agmina in unum locum, ceu pisces in nassam, idem Florentinus cogebat, dolio à falsamentis inveterato, & circa hortum, agrum,

aut

aut locum alium, Serpentibus ac venenatis bestiolis obnoxium, defosso. Nam in id reptile omne confestim accedebat, accedensque ultrò illabebatur. *Plinius* de Silere loquens hæc tradit: Serpentes & hunc fruticem refugiunt, baculumque rustici ob id ex eo gerunt & circumferunt. Cæterum experimento certissimo probatum, & confirmatum est, ustis & accensis coriis, quæ veteramentorum sunt, Serpentes efficaciter fugari: neque eos modò, qui in hortis, agris, aut domibus oberrant, sed & qui in hominum corpora ingrediuntur, dum per æstatem alto somno oppressi, aperto ore in campestribus obdormiunt. Quod *Marcus Gatinaria Medicus* celebris memorat accidisse cuidam homini, suo tempore. Cui cum frustra adhibita essent innumera medicamenta, & præsidia, alioquin efficacissima, de omnibus præsentissimum & mirabilissimum fuit veteramentorum fumus, & nidor infundibulo haustus, & exceptus. Nam cum primùm immanis fera (erat enim vipera prægrandis) fumi nidorem præsensit, visa est à circumstantibus egredi per anum, magnâ omnium admiratione, & incredibili stupore. Quod hic scriptum, & annotatum volui, ceu secretum magnum, & paratu facile multisque profuturum. Sed hic non est omittendum, quòd serpentes ignem valdè oderunt: non solum, quia oculos illorum hebetat, sed quòd natura ignis veneno adversatur. Oderunt etiam validum odorem exhalantia, qualia sunt Allia & Cepæ. Aliàs amant Sabinam, Hedera, & Foeniculum: sicut Bisontes Salviam, & Viperae Erucam. Omnium pessimè, & infensissimè averfantur ac oderunt Fraxinum, adeò ut ne matutinas quidem occidentalesve umbras ejus, quàm sunt longissimæ, attingant, sed procul fugiant. Quin experti prodimus (inquit *Plinius*) quòd si gyro ex fraxinea fronde claudantur Ignis & Serpens, in ignem potius, quàm Fraxinum statim fugiet ille: mirâ naturæ benignitate, quæ prius quàm serpentes prodeant, sicuti florere Fraxinum permittit, ita ante conditos illos folia nequaquam deponere sinit. *Virgilius* omnis eruditionis parens, Cedro vel Galbano incensis, illos persequitur & exagitat:

*Disce (inquit) & odoratam stabulis incendere cedrum,
Galbaneoque agitare graves nidore chelydros.*

Hæc Mizaldus ex Priscis supra nominatis.

Ad

Ad Serpentes stupefaciendos.

Aristolochia rotunda cum campestri Rana diligenter trita, additâ Atramenti scriptorii parte aliquâ, facit ut Serpentes ceu mortui illicò subsistant, & hæreant, si ex illa miscella aliquid scribatur, & coram illis projiciatur. *Autor Albertus.*

Serpentes ut absque periculo tractari possint.

Succo Raphani perunctis manibus diligenter, facit ut tutus tractare possis serpentes. *Cardanus ex Tarentino.*

Ad ictum seu morsum Serpentum.

Si à Serpente quispiam demorsus fuit, nisi febricitet, bibat succum è foliis Fraxini, Vino albo generoso exceptum: foliisque ipsis tegat morsum: miraculum à multis felici successu probatum & expertum demirabitur. Nec temerè, nam certam contra serpentes *antipathiam* habet Fraxinus. *Mizaldus.*

DE SECRETIS OSSIUM.

CAP. XXVIII.

Ossa ut molliantur.

REFERUNT, ossa molliri succis Apii, Millefolii, Raphani, Prasii cum aceto, si in his immersa, fimo obruantur equino. *Cardanus.*

Ossa ut dealbentur.

Ossa dealbantur mirum in modum, decocta cum aqua & calce, si perpetuò despumaveris. *Idem.*

Ossa ut mollia reddantur.

Rec. Vitrioli Romani.

Salis communis, ana quantum fatis est.

Trita destillantur aquaque ad usum fervetur. Cùm uti voles, ossa in dicta aqua macerentur, & mollia reddantur. *Isabella Cortese.*

Ossa viridi colore tingere.

Rec. Aceti acerrimi mensuram j.

Viridis æris,

Lima-

Limaturæ orichalci ana unc. iij.

Rutæ M. j.

Terenda triturentur, contundenda contundantur, & misceantur: in quo ossa per dies xv. macerentur. *Isabella Cortese.*

Ossa alba nigro colore tingere.

Rec. Lithargyrii,

Calcis vivæ ana unc. vj.

Aquæ fontanæ quantum sufficit.

Misce. In hac aqua ossa coquantur, & nigro colore tingentur. *Isabella Cortese.*

Ad tingenda ossa quævis, & ligna,
probatum.

Accipe Acetum fortissimum, ponatur in vase vitreo, cui addantur limaturæ Æris, Vitrioli Romani, Aluminis, floris Æris, singulorum quantum satis est. Misceantur, & relinquantur sic per dies septem: deinde ad ignem bulliant in vase recipiente ossa, vel ligna, addendo parum Aluminis, & quo volueris colore tingantur. *Alexius.*

Ad Ebur emolliendum.

Si Ebur molle ad omnem impressionem recipiendam vis facere, elixatur in aqua cum radice Mandragoræ sex horis aut minus, & fiet molle sicut cera. *Idem.*

Ad Eborā poliendā.

Sed ne omittamus, quod Eborā perbellè expoliri fertur, & Salis cumulos in aqueam falsuginem transmutari, & redigi, si raphanis conssepeliantur. *Mizaldus.*

DE SECRETIS CORNUUM.

C A P. XXIX.

Cornua ut molliantur.

EST & chymicæ artis opus mollire Cornua, quod longâ coctione fit, addito præsertim Cineris modico in aquam: contingit hoc non ante octavam horam, fiunt ex his capuli ac manubria gladiatorum, pectines, latrunculi. Aromataria autem pyxides, thecæ, vasaque alia etsi eodem modo fiant, aliud tamen est Gallorum hac in arte inventum, ac longè præstantius. *Cardan.*

Cornua quomodo denigrentur.

Manifestum est, quod Aceto & Aquâ ardente, & Calchan-

to

to cornua frigida, vel molliter tepida denigrantur. Adduntur etiam, quæ coloris substantiam retineant. *Cardan.*

De Secretis Pilorum, vide suprâ de Secretis Equorum.



DE SECRETIS

LIBER VII.

De Homine dictum est hætenus, quantum secretorum nobis exponendorum ratio postulavit. Cum itaq; de reliquis etiam animalibus nobis agendum sit, hoc libro eorum secreta proponemus, quæ in aquis degunt, sed sequenti volucrum, & eorum quæ aëris attractione vitam sustentant.

DE SECRETIS PISCIIUM

in genere. CAP. I.

ACCIPE Origani, Thymbræ, Sambuci sing. drach. iij. Corticis Thuris, Myrrhæ, Sinopidis, sing. drach. viij. Polentæ vino odorato dissolutæ minam dimidiam, hepatis Porci asfati unc. iij. Adipis caprini atque Allii tantundem. Singula seorsim tundito, deinde arenam tenuem admisceto, & horam j. aut alteram in locum antea immittito, retiaque circumdato. Alii Delphinium herbam masculam contusam & cribratam immittentes provocant pisces, ut manibus prehendant. Quidam Allii minam dimidiam, & Sesami torrefacti tantundem, Pulegii, Origani, Thymi, Sambuci, Thymbræ, Staphidis sylvestris sing. drach. xxxij. Polentæ minam, Alicæ tantundem, corticis Thuris drach. xvj. cum terra & furfuribus commiscant ac injiciunt. *Florent.*

Pisces omnigeni, ut in unum locum cogantur.

Accipe Sanguinis bovini, Sanguinis caprini, Sanguinis Ovini,

Ovini, stercoreis Bovini tenuium intestinorum, stercoreis Caprini tenuium intestinorum, stercoreis Ovini tenuium intestinorum, Thymi, Origani, Pulegii, Thymbrae, Sambuci, Allii, Vini odorati fecis, sing. part. j. Adipis aut medullae eorundem animalium, quantum satis videbitur. Omnia singulatim, aut simul contundito, in massas redigito, easque locis ante horam injicito, retibusque eisdem cingito. *Democritus.*

Fluviales pisces ut capias.

Accipe Adipis ovilli, Sesami torrefacti, Allii, Vini odorati, Origani, Thymi, Sambuci aridi, singul. moderatas portiones, tundito, & pane exceptas injicito. *Didymus.*

Ad omnes Pisces capiendos.

Accipe Sanguinem Caprae nigrae, Vini odorati fecem, Polentae massam, simul misceto, & pulmonem Caprae tenuissime concisum, simul subigito, ac utitor. *Democr.*

Pisces ne quis capiat.

Si circum funiculum piscatorium salem asperseris, nemo piscem venabitur. *Idem.*

Ad Pisces capiendos inescatio.

Accipe Siluri virosi unc. j. Paphorum fulvorum volatilium, Anisi, Casei caprini, sing. drach. iv. Opopanacis drach. ij. Sanguinis porcini drach. iv. Galbani drach. iij. Omnia diligenter terito, & simul mixtis Vinum sincerum austerum affundito, & collyria instar suffimentorum formato, atque in umbrâ siccato. *Tarentinus.*

Ad fluviales Pisciculos capiendos inescatio.

Accipe Sanguinem vituli, & vitulinas carnes valde concisas, in vas fictile mittito, ac finito per dies decem, postea pro inescatione utitor. *Idem.*

Inescatio, quâ pisces in promptu habentur,

Ejusdem.

Polentam subige, & massas inde factas ipsis objice.

Ad Pisces pelliciendos.

Semina Rosae cum grano Sinapis, & pede Mustelae circa retia posita, aut his appensa, pisces ad se pelliciunt. *Albertus.*

Ad Pisces capiendos.

Cicindelas, id est, muscas noctu lucentes in cucurbita vitrea

vitrea igne lento destilla, donec aqua omnis exierit : deinde aquâ extractâ, unâ cum Argenti vivi unciiis quatuor in phialam, vel aliud vas vitreum rotundum, & optimè obturatam, ne aqua ingredi queat, ponatur. Quo factò, vas in rete aliquo collocetur diligenter, ne frangatur : deinde cùm in aquis demersum fuerit, ita splendet, ut pisces, lumine allekti, cumulatim concurrant. *Alexius.*

Ad alliciendos pisces.

Si Urtica cum Pentaphyllo teratur, & cum succo Semperivi, seu Aizoi, & ex eo manus inungantur, projiciaturque magma in aquam piscosam, missæ manus in eam piscium agmina ad se allicient. Idem fiet, si in piscatoriam fiscellam, vel fagenam, aut reticulum imponentur hujuscemodi miscellanea. *Hermes.*

Pisces quomodo alliciendi.

Pisces agminatim confluent, pacato flumine, aut maris littore, si aquam decoctionis Aristolochiæ rotundæ admixtâ calce resperferis. Quòd si ejusdem pulverem degustent, velut exanimati supernatantes comprehenduntur. *Plin.*

Ad Pisces capiendos.

Si ex Cocculis ab oriente allatis, cum Cymino, Caseo vetustissimo, Farina tritici & Vino in spissamentum coactis, formentur sphaerulæ magnitudinis pili, & piscosis omnibus quietâ aquâ, injiciantur, quotquot pisces degustabunt, illico stupefacti, & velut inebriati ad ripas dissilient, & ita manibus capi facile poterunt. Experimentiâ multoties probatum est. *Ex Mizaldo.*

Pisces ut facile capiantur.

Pisces cibo capiuntur : cibus igitur quatuor debet habere conditiones : ut sit odoratus, nam procul allicit eos ; qualia sunt Anisum, Panacis succus, & omnibus melius Cuminum. Sit jucundi saporis, ut edentes invitet, & fallat ; talia sunt sanguis, præsertim suillus ; Caseus præcipuè caprinus ; panis, maximè triticeus ; papiliones, melioresque inter eos fulvi. Sit caput feriens, ut celeriter vim veneni ad illud ferat : aut aqua ardens, fex vini. Sit demum veneficum, quod attonitos reddat : ex quo genere est Calthæ flos (calendulam vocant) quòd singulo mense floreat : nam herba hæc, cujus lutei sunt flores in frusta concisa, prægrandes etiam

horæ spatio reddit attonitos. Est calx, quæ etsi aquam corrigat, occidit tamen pisces. Est Tithymali cujuscunque succus, est utraque nux Vomica, & quæ *methel* seu *somnifera* dicitur. Sed nihil præstantius eo fructu, qui ex oriente vehitur, *quem vocant Cocculam*: nigra bacca est, persimilis laurinæ, sed minor ac rotundior. Compositio nostra ad pisces capiendos experta sequens est; Baccarum orientalium, sive Coccularum quadrans unciae, Cymini & Aquæ ardentis, sing. sextans, Casei uncia, Farinæ unciae tres, digerantur contula in pastillos. *Cardanus de Subtil.*

De Nassis.

Recrementum, quod ab expressa Myrobalano reliquum est, sterco humanum, panem purum, singula seorsim terito, indeque hæc tria simul misceto, & in nassam mitto, utitor & succedet. *Tarentinus.*

Aliud de Nassis.

Inescatio, velut scriptum reperi, Ichthyophagorum qua piscantur, cape opercula sive testas, & carunculas in petris nascentes, & cum his venare. *Idem.*

Ad capiendos omnis generis Pisces, omni tempore.

Accipe Nardi celticæ folia iv. Cyperi unum, Smyrniæ magnitudine fabæ Ægyptiæ, Cumini, quantum tribus digitis prehendi potest, seminis Anethi pusillum, tusa ac cribrata in Arundinem indito. Visu verò expetiente, lumbricum sive intestina terræ abluere, & in vasculum mitte, & soleam de loco humidam in manum exprime, & ex pharmaco, quod satis est, admisce, & adjectis lumbricis ad massam tere, & inescat. *Idem.*

Ut Pisces in mari in unum locum conveniant.

Accipe Testas marinas iij. quæ circa petras nascuntur, & expressâ ipforum carne, in testam ipforum inscribe subscripta, & è vestigio videbis pisces in unum congregatos, ut admireris. Sunt autem omnia: Jao, fabaoth, hoc nomine Ichthyophagi utuntur. *Idem.*

DE SECRETIS PISCIUM.

CAP. II.

*Ad magnos pisces capiendos, omniaq; marina, velut
Glaucos, Orphos, & similes.*

GALLI testiculi cum Nucibus pineis torrefactis ac tritis commiscentur, ita ut sint testiculorum drach. viij. nucum Pinearum drach. xvj. teruntur autem in farinæ speciem, fiuntque collyria, quorum escâ pisces illectantur. *Tarentinus.*

Ad Mullos Scarosq; magnos capiendos.

Accipe Phœni fluvialis carnis drach. viij. Lentis integræ torrefactæ drach. vij. Squillorum fluvialium drach. iv. Malabathri drach. j. trita hæc albumine ovi gallinacei excipe, & collyriis utere. *Idem.*

Ad Murænas capiendas.

Accipe Siluri fluviatilis drach. xvj. Seminis Rutæ sylvestris drach. viij. Adipis vituli drach. vij. Sefami unc. xvj. ex tritis collyria facito ac utitor. *Idem.*

Ad Polypos ac Sepias capiendas.

Accipe Salis ammoniaci drach. xvj. Butyri caprini drach. vij. terito, & collyria liquida facito, eaque feminibus, aut linteis non fimbriatis illinito. Sic circum depascent, & non discedent. Tu verò celeriter attrahe & Locustas, & Murices, & quæcunque habes, in scapham mitte. *Idem.*

Testudines & testacea quomodo capienda.

Accipe Salis ammoniaci drach. vj. Cepæ drach. j. Adipis vituli drach. vj. ferramenta formâ fabarum facito, eaque pharmaco illita admoveo, & sponte ad odorem progredientur, seque ipsa tradent. *Idem.*

Ad Mugiles capiendos.

Accipe Hepatis Thymalli drach. iv.

Squillorum marinorum unc. j.

Sefami drach. iv.

Fabæ fressæ unc. j.

Hamiarum crudarum drach. ij.

Trita hæc, sapâ adstillatâ excipe, & collyriis inde formatis inescationis loco, utere. *Idem.*

Aliud, ad Mugiles marinos capiendos.

Accipe Arietis membrum, in ollam crudam mitte, & aliâ ollâ impositâ obturato, ut nullibi transpirationi sit locus, & in fornacem vitriariâ mitte, ut affetur, à matutino in vesperum, & reperies ipsum molle redditum velut caseum, ex eo itaque inescabis. *Idem.*

Ad capiendos Mugiles marinos, Scaros, Mullosq̃ ejusdem.

Accipe Sepiarum testam cum Sifymbrio viridi, quod est muscus, & aqua & polline, & caseo bubulo, mixta, utere.

Ad Mugiles marinos capiendos.

Accipe Folii Malabathri pilulam unam; Piperis grana x. Melanthii grana iij. Floris junci odorati, Allii internæ partis parum quid. Omnia trita misceto, deinde medullam panis puri in vini Mareotici hemina una madefacito, aridaque eo excipito, unitisque inescato. *Idem.*

Ad Mugiles Capitonesq̃ capiendos.

Accipe Panem ex polline, Caseum caprinum, & Calcem vivam ana quantum fatis: misce simul, tundeque, ac marinam aquam affunde, collyriisque inde formati inescat. *Idem.*

Ad Pagros marinos capiendos.

Accipe Melanthii decoctum cum locustis & lumbricis, tere, additoque polline frumenti, & affusâ aquâ, ad mellis spissitudinem redige & utere. *Idem.*

Thynni quomodo capiendi, ex eodem.

Accipe Nuces juglandes, ad cinerem exurito, & cum Majorana terito, & cum pane puro aquâ madefacto, & caseo caprino in massas cogito, atque utitor.

Ad Cerros capiendos, ejusdem.

Accipe Allium tritum cum pane, & caseo vitulino, ac caprino, & polline tritis simulque mixtis, in massas redige, & locum inescat.

Pastinacæ marinæ, ut capiendæ.

Accipe Hirundinis fimum, & cum similagine madefactum subigito.

Aliud.

Lactuæ semen coquito, affusoque butyro, & similagine, simul terito.

Ad

Ad Scapas.

Accipe Muscum viridem ex petra, in oleo coquito, eoque inescato. *Idem.*

Ad Glaucos capiendos.

Amias & pulchros itemque alosas affato, ipsosque exofato, & adjecto musco, & hordei farinâ crassiore, massas facito, eisque inescato. *Idem.*

Ad Trachuros, Melanurosque capiendos.

Asininum stercus in Coriandri succo madefacito, & cum similagine massas inescatrices facito. *Idem.*

Ad Polypodes ejusdem.

Vocarim, Mormyras, aradas, circumligato, & inescato.

Ad Sæpias capiendas.

Fecem vini sine aqua cum oleo terito, & ad locum progressus in mare mittito, ubi videbitur Sæpia atramentum dimisisse, & progredientur in locum, in quo apparuit oleum, & sic ipsas prehende. *Idem.*

Ad Locustas capiendas.

Mormyram ad robustum quiddam alligato, & Purpuras numero decem terito, modicoque musco admixto, in petram exponito, & sic prehendes. *Idem.*

Ad capiendos Melanuros, ex eodem.

Hepar caprinum accipe, eoque hamos tuos inescato. Si vero aliam quandam prædam in mari reperimus. Itemque ad multos alios pisces. Ungulâ caprinâ, aut asininâ pro esca uteris.

Ad Gryten fluvialem capiendam.

Accipe Furfuris hordeacei minas duas, Lentis integræ chœnicem unam, misce, & garo sincero sufficienti macera, & sesami chœnicem adde, indeque paululum disperge, & circum circa objice. Simul enim ut disperferis, omnis tenuis Gryte adveniet, imò etiamsi stadiis quinque absit in unum convenient omnes. Cæterum magni pisces ab odore diffugient. Sic igitur utaris, & succedet. *Idem.*

Ad Porcos capiendos.

Accipe Sesami drach. iv. capitum Alliorum drach. ij. Coturnicis falsæ carnis drach. ij. Opopanacis drachmam unam, excipe parietum gymnasiarum stigmatum, & collyriis inde formati, utitor. *Idem.*

Ad capiendas Anguillas.

Accipe Scolopendriæ marinæ drach. viij. Squillorum fluviatiliū drach. vij. Sefami drach. j. excipe , utere. *Idem.*

Anguillæ ut reviviscant.

Anguillæ defectu aquæ mortuæ reviviscunt , si corpore integro existente ponantur sub fimo in aceto , & addatur de sanguine Vulturis , post paucos dies omnes recuperant vitam. *Cornelius Agrippa.*

Cancri quomodo capiuntur.

Cancri capiuntur virgulis divisīs in summitate , quibus intestina aliqua , aut Ranarum corpora inserta sint , ordine dispositis , juxta gurgites , aut loca quæ habitare solent , denis duodenisve : inde reticulo circumit piscator virgas singulatim elevans , subjectoque reticulo , cū cancer non adeo celeriter possit se explicare , decidit in reticulum , ita piscator magna cum voluptate centum aut ducentos refert domum benè robustos , & vivaces ac magnos : nam parvi ad escam sublimem non tam facile accedunt , sed & quæ avertant. *Cardanus.*

Ad Cancros capiendos.


Accipe Ranas , in partes divisas , quas in plures immitte nassas : colloca in loca , ubi cancri degere solent , & ingredientur nassas. *A quodam piscatore.*

Ad Ranas congregandas.

Referunt sepulto Capræ felle , Ranas ad illum congregari. *Agrippa.*

Ad molestum Ranarum clamorem.

Cessabit Ranarum garrula coaxatio , ac nocturnus ululatus , & clamor plerisque ingratus ac molestus , si lacuum , & fluminum ripis , ubi inhabitant , accensa adhibeatur una lucerna , vel plures , pro loci amplitudine , & ranarum copia , quemadmodum *Aphricanus* in Geoponicis testatur , & nos Parisiensi cuipiam præfidi de illarum molestia conquerenti , certo & optato experimento confirmavimus. *Mizald.*



DE SECRETIS ANIMALIUM AERIUM, feu volatiliū.

LIBER IIX.

Secreta animalium volatiliū, in	Specie vel	Integrorum	Genere, Cap. I.			
			Terra contentorum	Domesticorum.	Majorum, videlicet	<div> Gallarum, Cap. II. Columbarum, Cap. III. Pavonum, Cap. IV. </div>
					Minorum, ut	<div> Hirundinum, Cap. V. Vespertilionum, Cap. VI. </div>
				Sylvestrium	Majorum: scilicet	<div> Phasianorum, Cap. VII. Perdicum, Cap. IIX. Turturum, Cap. IX. Coturnicum, Cap. X. Turdorum, Cap. XI. Graculorum, Cap. XII. </div>
						Minorum, Cap. XIII.
			Amphibiorum: videlicet			<div> Anserum, Cap. XIV. Anatum, Cap. XV. </div>
			Insectorum, vide signum A.			

A. Insectorum: ut	Apum, Cap. XVI.
	Fucorum, Cap. XVII.
	Vesparum, Cap. XIIX.
	Muscarum, Cap. XIX.
	Curculionum, Cap. XX.
	Locustarum, Cap. XXI.

DE SECRETIS ANIMALIUM volatilium in genere.

C A P. I.

Ad Aves congregandas.

VISCUM quercinum sylphio conjunctum, & ad arborem quampiam cum hirundinis alâ fuspendum, aves ad se congregat. *Albertus.*

Ut Aves manibus comprehendas.

Accipe grana quævis in fece vini; & succo cicutæ imbibita, & avibus objice: omnis avis, quæ inde gustat, inebriatur, & perdit vires. *Idem.*

Avicularum jucunda educatio.

Docentur mirum in modum aviculæ canere, & maxime Cardueles. Filum pedi annectitur, sicque alligatur semicirculo ligneo, semicirculus speculi tabulæ intruditur, alius infra ambitu majore, ita ut ascendere descendereque possit: ludit cum propria imagine, sibi similem in speculo esse existimans, à lateribus superioris circuli, duæ parvæ fitellæ altera milio vel panico, vel nucibus: altera aquâ plena, eaque ratione constructæ, ut unâ dimissâ altera trahatur: miraberis aviculæ industriam, cum nunquam aliàs hoc studio opus fuerit ei. *Cardanus.*

Aves ut capiantur.

Veratrum album cum cibis avibus consuetis mixtum, atque eo cibo aves pastæ, moriuntur, & sic capiuntur, & tamen tutò edi possunt. Certius, quòd aviculæ si panicum, aut milium cum auripigmento albo coquatur, statim intereunt: & tum tutò eduntur; bis enim infringitur vis veneni. Sed experto crede Roberto.

Ad Aves à fructibus arcendas.

Allia arborum ramis suspensa, accedentes ad fructuum deprædationem aviculas longè arcent, ut in Græcorum georgicis adnotavit *Democritus.*

Ad Alites à semente fugandos.

Magi putant Rubetam fictili novo inclusam, medioque defossam agro, arcere alites à semente. Verùm instante messis tempore effodiendam esse volunt, & extra limites agri abjiciendam, ne fruges fiant amaræ. *Plin.*

Aves

Aves quomodo capiantur.

Nux vomica aves reddit attonitas, si cibis earum immisceatur. Memini aliquando cornices manu cepisse, cum inter carnes nucem illam tritam miscuissem. Aviculæ si edant grana, quæ vel in fece vini cum Cicutæ succo, vel in aqua ardente, vel etiam in fece sola potentioris vini, vel in decocto albi Ellebori cum felle antiqui bovis, attonitæ redduntur. Quæ verò gregatim incedunt, gregatim etiam capiuntur: ut Perdices, magis his Anseres, omnium maximè Anates. Cicuratas enim ex suo genere præcisus alis juxta aquas vallo circumducto alere oportet copioso jucundissimoque illic cibo. Id Anatibus inter reliqua est Sorgum incocturn aquæ: nocte cum cicures clamant, agrestes descendunt ad cibum: nam animalia omnia consensum habent in quatuor vocibus, cibi, venereorum pugnae ac timoris, seque mutuo intelligunt. Retibus igitur, quæ coopertoria vocant contractis, hærent enim palis involuta, clauduntur, ut quandoque mille uno impetu Anates captas referant. Et quanquam mirum videatur, certum tamen est, nullum esse felicius aucupium. Eliguntur verò è cicuribus, quæ colore agrestibus sint simillimæ. *Cardanus.*

Aves quomodo doceantur loqui.

Loqui docentur aves tenebris, ac lucernâ, fame, ac Vino, eligunturque juvenculæ, & linguâ latiore, & ex Psittacis, qui quinos habent in pedibus digitos: aptiores enim hi ad sermonem. Porro fames præcipuum est necessitatis discendi vinculum, ut *Persius* dixit:

Quis expedit Psittacum suum χαῖρε,

Picasque docuit nostra verba conari?

Magister artis ingeniique largitor

Venter negatus, artifex edi voces.

Tenebræ aves magis reddunt sollicitas, ac sensum & memoriam colligunt. Unde etiam homines melius in tenebris recordantur & cogitant atque deliberant. Lucerna verò adhibetur, quia in exquisitis tenebris aves dormiunt, timentque, ut sensus excutiat, non augeatur. Tenui igitur lucernâ opus est. *Idem.*

Ad Avium pediculos.

Si Aves pediculis detinentur, oleo lini illito, curantur. *Idem.*

Avium voces ut intelligantur.

Si vis Avium voces intelligere, associa tecum duos focios in quinto Calendas Novembris, & vade in quoddam nemus cum canibus, quasi ad venandum, & illam bestiam, quam primò inveneris, defer tecum ad domum, & præpara cum corde vulpis, & statim intelliges voces avium, vel bestiarum, & si vis, ut aliquis intelligat, osculare cum, & intelliget similiter. *Albertus.*

Rapaces aves, ut pennas mutant.

Quòd si plumas mutare velis ac pennas, carnes Muris cum pulvere pisciculorum dato; vel carnes Gallinæ, Serpentum carnibus nutritæ. *Cardanus.*

D E S E C R E T I S A N I M A L I U M
volatilium in specie.

DE SECRETIS GALLINARUM.**C A P. II.**

GALLINAS sic farcito. Gallinas teneras, quæ primum parient, includas, polline vel farinâ hordeaceâ aquâ conspersâ rotundos globulos facias, sicces, hinc eos in aquam intingas, Gallinarum faucibus ingeras, paulatim quotidie addas; ex gula consideres quod satis fiet. Bis in die farcias, & meridie bibere des. *Cato.*

Gallinæ & Capones, ut pinguescant.

In culina facias tibi fieri capsam, pluribus interstinctam capsulis, singulis cum suis foraminibus, per quæ capita foràs extrudere possint Gallinæ, cibumque capere. His itaque capsulis Gallinæ juvenes, vel Pulli vel Capones incarcerentur singulis: cibusque singulis horis offeratur, parum pro vice, potu interdicto. Cibus autem sit Triticum in aqua modicè elixum. Oportet autem capsulas inferius esse pervias, ut excrementa permeare possint, quæ singulis diebus diligenter sunt auferenda. Cæterum ultra tres hebdomadas inclusas esse Gallinas non oportet: præ nimia enim pinguedine interirent. *A quodam Hollando.*

Gallinæ ut pinguescant, aliter.

Pinguescunt maximè Gallinæ, & crassissimæ fiunt, in domo

mo tenebricosa, & calida nutritæ, pennis præpetibus, quas Græci *ὀρυζα* vocant, evulsis, oblatoque cibo farinæ hordeaceæ, aquâ subactæ. Alii hordeaceâ & lolia-
ceâ farinâ utuntur, aut Hordei & seminis Lini crudâ fa-
rinâ. Quidam etiam polentam admiscunt. Aliqui his
& Vinum affundunt. Quidam panem frumentaceum
bonum, madefactum præbent. Plurimi Milio enutriunt.
Florent.

Ova ne comedant Gallinæ.

Ovi candidum evacuetur, ad vitellum autem, hoc est, croceum ovi gypsum liquidum infundatur, ut in testæ duritiem transeat. Etenim à gulositate stimulabuntur, & si nihil ampliùs reperient, citò abstinébunt ab ovorum comestione. *Florent.*

Gallinæ ut magna pariant ova.

Si cupias ut Gallinæ magna tibi pariant ova, Rubricam dissolutam cibo earum admisceto, & maiora ova gignent. Item magna ova parient tibi gallinæ, si testam laconicam tusam furfuribus & vino admiscueris, & subacta gallinis objeceris. *Leont.*

Gallinæ quomodo sine strepitu capiantur.

Sunt, veluti mendici Ægyptii, qui Gallinas, Anates, Anseres, Cuniculos hamo suffurantur, dum statim trahunt: neque enim concutiendo aut voce furtum prodere possunt, dum sensim ac celeriter ad se trahunt. *Cardanus.*

Gallinæ ut à Pulicibus defendantur.

In cubilibus cum pepererunt Gallinæ, tollere substramen oportet, & recens aliud subicere, nè Pulices, & cætera animalia nascantur, quæ gallinam conquiescere non patiuntur. *Varro.*

Gallinæ ut sint à Vulpibus securæ.

Referunt, decoctam Vulpem, & in frustra divisam, datamque in cibis Gallinis illas securas reddere à Vulpibus per bimestre temporis spatium: idemque in Anatibus atque Anseribus: Id verò expertum in valle Anguscis nomine Glemores in Scotia, cum Vulpium maxima sit copia. *Cardan.*

Gallina ut non sit gravedinosa.

Origanum madefacies, & cremorem in potu exhibebis
aut

aut urinâ lavabis, aut allio nares illines, aut in aquam conjectum allium potandum præbebis. *Leontius.*

Gallinæ ut non abortiant.

Gallinas non abortire facies, si ovi candidum assatum, & Uvæ passæ tostæ tantundem, simul triveris, & propo- fueris ante alium cibum. *Pamphil.*

Gallinæ tenebris offusis, ut fiant vertiginosæ.

Lafer & Mel misceto, & in ipsis frumentum macera- to, idque gallinis objicito. *Berythius.*

Gallina ut à fele non ledatur.

Felis Gallinam non continget, si sub Alam ipsius ruta sylvestris suspendatur. Similiter autem neque Vulpes, ne- que aliud aliquod animal ipsas continget, & multò ma- gis, si Vulpis aut Felis fel cibo admixtum exhibueris. *Africanus & Democritus.*

Ad vitia oculorum in Gallinis.

Oculum Gallinæ curabis muliebri Lacte, aut Portula- cæ succo, oculis forinsecus illitis. Aut Salem Ammo- niacum, & Cuminum, & Mel æquis portionibus contu- sa similiter illinito. Ipsas verò sub umbram deducito. *Paxamus.*

Ad Gallinarum profluvium alvi.

Alvi profluvio medeberis, polentæ manus plenæ men- suræ, & ceræ pari copia, vino admixtis, & in massas coactis, si has ante reliquum cibum præbueris. Aut Ma- lorum, sive Cotoneorum decoctum in potu exhibueris. Eadem etiam assata profunt. *Idem.*

Ad Gallinarum pediculos. Ejusdem.

A morbo pediculari Gallinas liberabis Cumino tosto, & Staphisagria paribus portionibus tuis, illita inde gal- lina ex vino: & si lupinorum sylvestrium decoctorum aquâ ipsas prolueris.

Ad Gallorum gravedinem.

Gravedinem inducit eis sordidus potus, quare potus pu- ræ mundæque aquæ quotidie exhibeatur. Medeberis au- tem gravedini sive mucosæ, ac pituitæ, allio in frusta conciso, & in oleum fervens coniecto, ita ut perfrigerato oleo os eluatur. Quòd si etiam ederint Allium ipsum, magis sa- nabuntur. Staphisagria autem & per se, & Ervo ammixta pro-

prodest. Item Scilla purgata, & Aquâ macerata, deinde cum Polenta objecta. Quòd si gravius infestet Gravedo, partes sub genâ ferro lancinantur, & partes circa oculos exprimuntur, & Sale tenui confricantur ipsa ulcuscula. Quidam Origanum & Hyssopum, ac Thymum suffumigant, caputque Gallinæ supra vaporem detinent, rostrum item Allio confricant. Alii in lotio hominis Allia coquunt, & rostra quàm acutissimè defricant, ut oculos non contingant. *Paxamus.*

Gallus ut non calcet Gallinam.

Si quis inungat anum Galli oleo, non calcabit Gallinam, nec poterit. *Idem.*

Ut Gallus non vociferet.

Si quis vult ut Gallus non vociferet, caput ejus inungat oleo, & frontem. *Idem.*

Ut Pulli sine Gallinæ fotu excrescant.

Pulvinaria duo reple stercore Gallinorum tenuissimè trito, inde Plumas gallinarum annecte consuendo utrique molles ac densas, Ova verò capite, tenuiore supra extante, colloca super alterum pulvinar, deinde reliquum superpone in loco calido, permittèque immota duobus diebus, post verò ad vigesimam usque diem illa sic verte, ut undique æqualiter foveantur, inde statâ die, quæ juxta vigesimam primam est, Pipillantes jam ex Ovo sensim educito. Nec mirum, cum Aristot. narret Syracusis sub terra foveri: in Ægypto verò nullo auxilio prorsus. Nostrâ ætate compertum est, supposito igne levi atque fimo edi Pullos, sed è pluribus tamen paucos. Supponunt ignem, ne fimo refrigeretur. *Cardanus ex Democrito.*

Ovorum excubatio citra Gallinam.

Ova tepido demergas fimo, senisquæ diebus recens subjicito, ne senescat, sed tempore suo foveat, & Gallinæ calorem imitetur, vertendo semper, donec excludant, qui quærentur Pulli. Sic & tepente clibano. *Joan. Bapt. Port.*

Utrum ex Ovis mares, vel feminae sint orituri, dignoscendi ratio.

Si quis cognoscere affectarit marem progigni, an feminam, sic cognoscet. *Aristoteles ait & probat Avicenna,*
ex

ex orbiculari brevique ovo mas; ex oblongis acutisque foemina progignitur: suffragatur ratio; nam virtutis perfectio in masculis ovis æqualiter abit, & continet extrema: in oblongis à centro longius abit materia, in qua est vitalis calor. *Idem.*

Ut pullus fiat visu jucundissimus.

Si palumbum marem cum gallina coire procurabis, aut Perdicem, vel Phasianum, pullus emerget, non injucundus visu. Et albam sobolem dabunt Pavones, Phasiani, Perdices & alites hujusmodi, si aviaria vel caveas, quibus includuntur, congregiuntur, pariunt, incubant & excludunt, undiquaque & ex omni parte albis velaminibus obtenderis, & ornaveris. Artificium hoc acceptum fero Ornitotropho cujusdam Principis viri, licet etiam à multis descriptum fuerit, sed nescio an probatum. *Mizaldus.*

Ut Pullus quaternis pedibus & alis nascatur.

Quonam fiat modo ut Pullus gallinaceus quaternis alis enascatur, quaternisque pedibus. Quod docet *Aristoteles.* Ova illa seligito, quæ bina comperies retinere boleta, pelliculâ quadam non tenui intercurfante, sed albumina continuentur, quæ foecundiores sæpè gallinæ assolent parere, ex magnitudine cognosces, patetque intuentibus Soli exponendo, exsuperante jam materiâ productum, ex plurimum feminum commixtu, semenque habeat pullorum, gloriæ gallinæ jam excubanda supponas, ut suo infessu foveat ea, elapso jam debito tempore, tales excludet foetus pedibus, alisque quaternis, curabisque ut commodè educentur. Si autem membrana disternabitur, gemini discreti pulli generantur, sine ulla supervacua parte. Sic enim & biceps nascetur serpens, & animal omne, quod ovo excluditur: si tale evenerit, non mediocris erit admirationis: sæpius enim monstra in prolificis animalibus & multiparis quàm in minùs foecundis & imperfectioribus animalibus, in aliis verò facilitas generationis prævalet: unde in vilioribus animalibus facilius monstra prodeunt, quàm in nobilibus. *Porta.*

Animal visu & tactu inficiens.

Nec inficior artificio ingenioque enasci posse animal visu & tactu inficiens, ac si Regulus vel Catoblepa esset, caveto.

vetoque, qui producere tentas, ne in te periculum recidat, quod facile eventurum judico, si illicò nefanda lues in lucem prodiens, vi tabidi aëris matricem infecerit. Fœcunda mergito ova, ubi Arsenicum, vel Serpentum virus eliquaveris, venenaque cætera mala, per dies aliquos immorari finito: validius operatur intus, si ritè apposueris, glocis subjicienda curato; manibus ne conquasses, ne inutile perdas, quod prævaliturum speras. Nec dabitur occasio major monstra producendi diversa, quàm ovis: & hujusmodi sæpe gallinæ partus inter cætera efficiunt, atque etiam ex se fiunt: ideò *Leontius* ferri laminam aliquam, clavorum capita, laurique ramulos, ubi nidiculantur, afferre jubet, ne prodigiosos & monstrosos edant partus. Fimo commodè uti possumus; est enim naturali calori simillimus, nec spernendam retinet putrefactionis vim, mirabilium rerum parens: totque genera ex putrefactione animalium proveniunt, quot ea, quæ putrescunt: quod si quis rectè consideraverit, & mente perpenderit, non minimorum eliciet secretorum principia. *Joan. Baptista Porta.*

Caporum mores ut variè mutantur, & pinguescant.

Capos & gallos referunt, & jure, edito Allio ferociores reddi ad pugnam. Capi etiam deplumati & urticâ tacti, pullos fovēt, & curant: consutis etiam oculis mirum in modum impinguantur. *Cardanus.*

Ut Pullus etiam jugulatus sanguinem non mittat.

Referunt, collo pulli cinerem Bufonis suspensum efficere, ut jugulatus sanguinem non mittat. *Idem.*

Ut Pullus in mensa saltet.

Si vis ut pullus saltet in disco: Accipe Argentum vivum, & pulverem Calamenthæ, & mitte in ampullam vitream figillatam, & illam pone intra pullum calidum: cum enim Argentum vivum incalescit, movet se, & faciet ipsum saltare. *Albertus Magnus.*

Ova ut serventur.

Ova ipsa servabis hyeme quidem in paleis, æstate in fufuribus. Alii aquâ abluta ova sale tenui integunt, & sic conservant. Quidam ad iij. aut iv. horas in muriam tepidam mer-

mergunt, deinde extracta in furfures, aut paleas deponunt. *Leontius.*

An Ova sint plena, vel vacua dignoscendi modus.

Cæterum plenum Ovum, aut non plenum, cognosces ex immisso in aquam, defectuosum enim innabit; plenum deorsum demergetur. *Idem.*

Ovorum excubatio citra Gallinam.

At si defecerit matrix, sic dabitur Ovorum excubatio citra Gallinam, ut docet *Democritus*: Gallinarum vel columbarum stercore tuso, atque in cerniculo subtiliter succreto obruantur Ova, non irrita tamen, ne simul collidantur, substratis eorum pennis, & circumpositis cubilia extruantur: turbinatio ovorum pars sursum vergat, & vicenis quaternisque horis, alternis vicibus innovato circumvolvendo, ut æquabiliter concalefiant, sic effoetæ efficere sunt solitæ, loco calido, & tepente servantur: ubi bis deni dies elapsi, & completi foetus, & Pulli rostris Ova percutere incœperint, ausculta num pipiant: sæpe enim propter eorum putaminum crassitudinem erumpere nequeunt, vel rimis fatiscunt testa tollito, & gallinam inducito. Et si collibuerit aliter potes: Ova tepido demergas fimo, senisque diebus recens subjcito, ne senescat, sed tempore suo foveat, & gallinæ calorem imitetur, vertendo semper donec excludant, qui quærentur pulli. Sic & tepente clibano. *Joan. Bapt. Porta.*

Ova ut mollescant, & ampullis includantur.

Ova acri Aceto infunde tamdiu, donec cortex eorum mollescat, deinde cum in angustum urceum fuerint immissa aqua frigida superinfundatur, & pristinam duriem acquirunt. Acetum enim emollit ovi corticem, ut in angustum urceum immitti possit: aqua verò durefcit. *Cardanus.*

Ova ut inscripta facies.

Gallas & Alumen cum Aceto terito, donec Atramenti spissitudinem habeant, & ex hoc quicquid libuerit, Ovo inscribito, & postquam Scriptura in Sole fuerit exiccata, Ovum in muriam acrem demittito, & resiccatum coquito, & decorticato, & reperies inscriptionem. Si verò cerâ
inte-

intexeris ovum, & stylo inscripseris, donec testa apparuerit literas exarando, deinde permiseris aceto macerari per noctem, & sequenti die ceram abstuleris, reperiens literarum figuram de aceto conspicuam, & transparentem redditam. *Africanus.*

Ovum ut hominis caput magnitudine superet.

Decem vel plura boleta & albumina invicem separabis, boleta leviter commisceto, & in vesicam immittito, rotundamque ligando imitaberis figuram, in ollam aquæ plenam immittas, & cum bullis intumescere cernis, vel cum duritiem traxerint, exime, & albumina addito, accommodando ut in medio infideant, & iterum coqui sinas, si corticibus enudatum habebis, quas sic effinges. Ovorum cortices albos & elotos conteres, ut in tenuissimum pulvisculum volent, forti aceto, vel destillato emacerari finito, dum mollescant: nam si ovum in aceto diutius fuerit appositum, cortex ejus dissolvitur, & tenerescit, ut facile per strictum os phialæ (ut antea dictum) possit immitti: ubi fuerit intromissum, clarâ aquâ in pristinam redit duritiem, ut demirari contingat. Cortices cum unguenti formam præse tulerint dissolutæ, penicillo aliquo super excoctum ovum corticem inducas, & clarâ durefcit aquâ, tunc verum & naturale habebis ovum. *Joan. Bapt. Porta.*

Ovum ut in aërem ascendat.

In Majo mense Ovi corticem vacuum rore impleto, Solique in meridie apponito, & ab eo elevabitur: & si difficilis aliquando fuerit ascensus, baculi vel tabulæ adminiculo dum ascendere incipiat facilius elevabitur. *Idem.*

DE SECRETIS COLUMBARUM.

C A P. III.

Ut Columbæ non fugiant, sed sobolem amore complectantur.

JANUAS & fenestras, & angulos columbarii oleo Balsamino illine, & manebunt. Non fugient Columbæ, si Cuminum & Lentem in aqua mulsâ macerata objeceris. Et si aquam mulsam dederis in potu, aut Lenticulam per se passo coctam edendam præbueris, amorem prolis in ipsis excitabit. *Didymus.*

Columbarum philtrum, ut non fugiant.

Præparatur, ut Columbæ non fugiant, ejusmodi philtrum. Testæ tufæ, ac cribratæ, & Costus, & Vinum vetus odoratum simul mixta exhibentur prodituris ad pascua; Quidam farinam hordeaceam coctam ficibus aridis admiscent, & additâ Mellis parte proponunt. Alii Cumini ad pascua ituris offerunt. Columbæ permanent, si Vespertilionis caput supra turrem posueris, aut Vitis sylvestris ramos unâ cum floribus pro temporis occasione in columbarium deposueris. *Idem.*

Esca ad alliciendas Columbas, ut alias secum ducant ad columbarium.

Rec. Argillæ antiquissimæ & in furno pistoris usque ad rubedinem combustæ, vel Luti antiqui ex furno unc. j.

Verbenæ foeminæ unc. sem.

Tritici in vino sublimato macerati & triti drach. iij.

Cardopatiæ drach. vj.

Camphoræ drach. sem.

Cumini drach. iij.

Vini sublimati unc. j. sem.

Mellis quantum fatis ad formandas pilulas ad magnitudinem pisorum, quæ inter Columbarum edulia ponantur. Quidam addunt Urinam & Sanguinem humanum: deinde recipe herbæ Verbenæ quantum volueris, & impendatur in domicilio columbino. *David Vezelius Pharmacopæus Colmariensis.*

Ut multiplicentur Columbæ.

Si Cranium hominis senis in peristerotrophio, seu columbario suspendatur, multiplicabuntur ibi Columbæ, ac quietè vivent. Idem præstabit lac mulieris puellam à bimatu lactantis, si in vitreo vase ibidem suspendatur. *Albertus.*

Columbæ ut ad columbaria trahantur.

Columbæ alliciuntur hoc pastillo: Maizi, seu Sorgi lib. 40. Cymini lib. vj. Mellis lib. x. Costi lib. j. feminis Viticis lib. v. Coquantur omnia in aqua ad illius consumptionem, inde additur Vini odorati optimi quantum sufficit, cum lib. xv. cæmenti vetusti, & fiat tumulus in columbarii medio: Columbæ aliæ cum odorem senserint, ad locum veniunt:

niunt: sentiunt enim, & cum ipsis commiscantur indigenis columbis: cum semel adierint locum, relinquere nequeunt, suavitatem cibi allectæ. *Cardanus.*

*Columbæ ut maneat, & alias peregrinas
secum adducant.*

Si unguento illeveris Columbas, & alias externas inducent. Si verò Cuminum objeceris ad pascua exituris, tum ipsas retinebis, atque alias multas cum ipsis venire facies, unguenti odore ductas. Si verò Viticis semen acceperis, & vino veteri per triduum maceraveris, deinde autem Ervum vino illo rigaveris, & Columbis objeceris, ipsasque statim evolare permiseris, externæ Columbæ spiritus fragrantia percepta, omnes in columbarium venient. Citiùs autem ingredientur, si Salviam cum Thure in columbario suffumigaveris. *Didymus.*

Feles ut Columbas non infestent.

In fenestras & ingressus, aliosque plures columbarii locos Rutæ ramulos deponito, & suspendito. Habet enim Ruta naturalem quandam contrarietatem adversus bestias. *Idem.*

Serpens ut non accedat ad columbarium.

Serpentes non infestabunt columbarium, si in quatuor angulos columbarii inscripseris Adam. Quòd si fenestras habuerit, etiam in ipsis scribes. Serpentes autem eliminabuntur Peucedani suffitu. *Democritus.*

Feles ut Columbas non ledant.

Neque felis, neque aliud animal Columbis insidias struere potest, aut eas aggredi, cum non sint domus in propinquo, è quibus insidiari queant. *Quintil.*

Reptilia ut columbarium intrare non possint.

Neque possibile est reptilia per columnas ascendere posse, cum sint valde diligenter oblita, tectorioque induto explanata. *Quintiliorum.*

Columbæ ut conserventur adversus noxia animalia.

Lupi caput seu odore seu specie creditur suspensum in columbario arcere Viverras & Mustelas. *Card. & Agrip.*

Palumbum recentem sic facito.

Palumbo recenti, cum prensus erit, fabam coctam totam primum dato, ex ore in ejus os flato item aquam; hoc dies septem facito. Postea Fabam fresam puram, & far purum facito, & fabæ tertia pars, ut infervescat, cum far insipiat, puriter facito, & coquito bene. Id ubi coxeris, deslito bene, oleo manum ungito. Primum pusillum, postea magis despes, oleo tangito deslitoque, dum poteris facere rotundas. Ex aqua dato escam, & temperato. *M. Cato.*

DE SECRETIS PAVONUM.

C A P. IV.

Pavones reliquique pulli ut albi generentur.

PAVONES reliquique pulli albi generantur, si aviaria vel caveas, quibus includuntur, eorumque cubilia tectorio inalbentur opere, vel albis linteis & velaminibus protegantur & exiguis cancellis præpediantur, quò minus iis locis fugiant: rectè pavimenta sunt everrenda, ne nisi alba penitus conspiciant: cum coitum ineunt, excubant, ovaque fovant, sic albicantem dabunt sobolem: idem in aliis facito. *Joan. Bapt. Porta.* Cæterum natis Pavonibus biduo cibus non est dandus. Tertiâ verò ex hordei farina vino subacta, & tritico pinsito, Zea pinsita, in aqua pura macerata, cibantur, & nutriuntur. *Didymus.*

DE SECRETIS HIRUNDINUM.

C A P. V.

Hirundinum pulli ut albescant.

OVA Hirundinum oleo illita, cum quindecim diebus jam cubaverit Hirundo, pullos edere albos: qui tamen processu temporis, mutatâ plumâ, more aliarum hirundinum nigrescunt. *Cardanus.*

DE SECRETIS VESPERTILIONUM.

C A P. VI.

Ad Vespertiliones.

IN viis publicis Platani folia suspendas, & Vespertiliones non

non ingredientur. Occidit quoque ipsas Hedera suffumigata. *Africanus.*

DE SECRETIS PHASIANORUM.

CAP. VII.

Phasiani ut fiant pingues.

PINGUESCUNT inclusi, ita ut primâ die accipiant cibos, sequenti verò aqua mulsa, aut vinum potens apponatur. Cibus sit cruda hordeacea farina, quâ subactâ, particulatim autem apponatur, & paulatim, deinde Faba fresa molita, & Ptisana, & Milium integrum, & semen Lini coctum, & siccum crudâ hordeaceâ farinâ mixtum detur. His etiam oleum adjicere potes, massasque ex ipsis facere, easque cibi loco offerre, ut inde saturentur. Quidam etiam Fœnum græcum ad dies quinque aut sex objiciunt, bilem purgare ex volucris his cupientes. Pinguescunt ut plurimum diebus sexaginta. Curantur autem & hæc gallinarum genera, medelis ac remediis domesticis gallinis datis. *Varro.*

DE SECRETIS PERDICUM.

CAP. IIX.

Ad Perdices capiendas.

PERDICES naturâ calidissimæ, ad coitum ferventissimæ existunt: unde mares ipsarum zelotypiâ moti inter se decertant. Quâncunque igitur fœminis præsentibus duo mares reperiuntur, statim ad pugnam deveniunt, neque prius certamen dissolvitur, quàm alter ipsorum superatus secedat. Qui igitur superior apparuit, hunc omnes fœminæ de cætero sequuntur, atque hic superbiens victam velut fœminam salit, & de cætero ille in fœminarum ordinem redactus sequitur victorem. Perdices faciliè venaberis, si farinam vino madefactam objeceris. *Berytius.*

DE SECRETIS TURTURUM.

CAP. IX.

Ad impinguandum Turtures.

PINGUESCUNT quidem Turtures Milio & Panico, itemque largo potu. Gaudent autem & Tritico, & purâ aquâ. *Didymus.*

DE SECRETIS COTURNICUM.

CAP. X.

Coturnices ut pingues fiant.

COTURNICES Milio, Frumento, Lolio & aquâ purâ saginantur. Quandoquidem verò Coturnices Veratro vescentes non tutè satis in cibo accipiuntur, quia earum esus, & distensionem, & vertiginem inducit, eâ sanè gratiâ Milium cum ipsis coquere convenit. Si verò quis ab earum esu jam prehensus sit his affectionibus, Milii decoctum commodè biberit: eandem verò vim & Myrti baccæ habent, quæ etiam in lethalibus fungis acceptis magnificè profunt. Verùm Milium quoque aliam quandam virtutem habet naturalem. Si quis enim panem miliarem comedit, nunquam à veneno noxam incurret. *Idem.*

DE SECRETIS TURTURUM.

CAP. XI.

Turdi quomodo impinguentur.

TURDI in calida domo nutriuntur, Perticis domunculæ ejus partibus infixis, & Lauri ramulis, aut etiam aliis in angulos positis. Verùm in pavimento puro cibibus objiciatur, hoc est, Ficus aridæ aquâ maceratæ & expressæ, tufæque, & farinæ triticeæ aut hordeaceæ admixtæ. Myrti etiam baccæ & Lentisci, & Hederæ fructus, itemque Lauri & Oleæ, & quæcunque ejusmodi. Pinguiores autem ipsos reddet Milium, & Panicum, & purissima aqua. *Idem.*

DE SECRETIS GRACULORUM.

CAP. XII.

Ad Graculos fugandos.

GRACULOS fugabis, si unum captum suspenderis: reliqui enim eo viso fugient, laqueis in possessione eum teneri, putantes. Graculos, omnemque aliam avem prohibebis accedere, si Veratrum nigrum madefactum unâ cum Hordeo objeceris. Rectè facies, si priusquam desident Graculi in arvo, ipsos strepitu quodam propulsaveris. Sufficiens est autem ex crepitaculis & taurino tergorè strepitus ad has aves perterrefaciendas atque abigendas. *Leontius.*

Acci-

Accipitres quomodo capiantur.

Accipitres columbarii interficere solent duabus virgis viscatis defixis in terram, inter se curvatis, cum inter eas posuerint obligatum animal, quod idem petere solent accipitres, qui ita decipiuntur, cum se obseverint visco. *Varro.*

DE SECRETIS PARVARUM
avium. CAP. XIII.*Aviculæ ut pinguescant.*

PARVÆ aviculæ milio & panico gaudent. Avicularum præcipuè Philomelarum, & melanocephalarum cibus medicinalis, *Paston* Italicè dictus, Cicerum excorticatum & subtilissimum in pulverem redactorum, lib. ij. Butyri unc. v. Mellis unc. iij. Amygdalarum unc. vj. Croci dimidium quadrantis: sunt qui cum Ovorum luteo conficiant. Si ægrotent, abscissâ pustulâ, quæ super caudam jacet: si intumuerit, effluente sanie, cibum oblatum capiunt, debent autem loco satis libero, & calido emitti: sic sæpè sum expertus. Calidum enim omnibus parvis animalibus sanguineis, & præcipuè avibus utile. *Cardanus.*

DE SECRETIS ANSERUM.

CAP. XIV.

Anseres quomodo saginentur.

Anseres ipsi pinguescunt in domibus calidis Polentæ partibus duabus, & Furfurum partibus quatuor aquâ calidâ subactis, & objectis, ut inde, quantum velint edant. Ter autem in die cibum sumunt, & circa mediam noctem. Bibunt largiter. Verum postquam magni evaserunt, Caricas siccas in tenuia segmenta concisas, & aquâ subactas, per dies viginti in potu exhibe, ut magnum faciant hepar, indeque fiat Anser pinguis ac nutriens: inclusis nimirum frumentum maceratum obijciunt, aut hordeum eodem modo; Frumentum enim citò pinguefacit, Hordeum verò carnem albam facit. Pascantur autem prædictis speciebus singulatim, aut etiam utrisque, ad dies viginti quinque, bis per diem oblati, & collyriis inde factis, ita ut septem collyria singulis primis quinque diebus offerantur, conse-

quenterque paulatim numerus augeatur usque ad dies viginti quinque, ut sint dies ex toto triginta. Quibus impletis Malvas fervefacias, & decocto isto adhuc calido fermentum madefactum exhibebis, atque id facies per quatrimum. Iisdem etiam diebus aquam mulsam offeres, ter singulis diebus ipsam permutans, & non eadem utens, & sic in sequentibus usque ad sexaginta dies. Aridis Ficubus confusis cum prædicto fermento utaris in eorum alimentum; contingetque tibi post dies sexaginta, & ipso Anser, & hepate ejus tenero ac albo uti, quod sanè exemptum in vas amplum mittendum est, in quo calida sit aqua, quæ etiam iterum atque iterum est permutanda. Præstant autem foeminarum tum corpora, tum jecinora. Sint verò Anseres non anniculi, sed duorum annorum usque ad quatuor. Porro statim ut ex ovis prodeunt pulli, Polenta & Frumentum madefactum cibi loco objiciantur, & Nasturtium viride. *Quintilii.*

Anserum saginatio.

Eodem modo Anserem, quo Gallinam farcito, nisi prius dato bibere, & bis in die, sicut bis escam. *Cato.*

Ad saginandum eligunt Pullos anserinos, circiter sesquimensum qui sint nati: eos includunt saginario, ibique Polentam, & Pollinem aquâ madefactum dant pro cibo, ita ut perinde se faturent. Post Cibus, largè ut bibant, faciunt potestatem. Sic curati duobus circiter mensibus fiunt pingues. Quotiescunque autem sumserunt, locus solet purgari, quod ipsi ament locum purum, neque tamen ullum, ubi fuerint, relinquant purum. *Varro.*

Anser vivus excoctus.

Anser, vel Anas, vel aliud vivacius animal (sed in hoc Anser omnibus antestat) sit toto corpore implume, capite colloque relicto, sit hinc inde obvallatus igne, & circumseptus non arctè, ne suffocetur fumo, nève igne torreatur citius: non largè, ne impunis evadat: intus passim pocilla & ollulas aquâ plenas, cui sal & mel adjicias, ibique lances elixatis malis sint plenæ, & tessellatim disco concisis, ipse cum est totus liquamine obductus & laridatus, ut esculentior sit, & facilius decoquatur, ignem admove. Festinare nolito, ubi calore effervere cœperit, circumambulando & fugiendo præsepit ignis, & iter includit, sic improbus aquam absorbendo com-

compescitur, cor, cæteraque membra refrigerando, medicamenti vi laxat alvum, abstergit, & exinanitur: & ubi inferbuerit, interiora decoquet, spongiâ continuò cerebrum, & cor humectato: ubi verò infaniâ ferri, & cespitare conspexeris, deficit cordi humidum: remove hinc, convivis appone, evulsis semper partibus vociferantem, ut ferè prius comestatus, quàm mortuus videatur. *Joan. Bapt. Port.*

DE SECRETIS ANATUM.

CAP. XV.

PINGUESCUNT Anates largiore alimento, quemadmodum pleraque volucrum genera, Frumento, aut Milio, aut Hordeo. Cæterùm aliqui magis cicures habere Anates volentes, ova ipsarum circa stagna perquirunt eaque Gallinis supponunt, exclusosque pullos educant, & mansuetos habent. *Didymus.*

Anates ut manibus facilè capiantur.

Si quis locum observet, ex quo potum sumunt Anates, & everfa aqua vinum nigrum immittat, ubi id hauserint, cadent, & prehendi facilè possunt. Idem & vini fex facit. *Idem.*

DE SECRETIS APUM.

CAP. XVI.

De Apibus, & morborum earum medelis.

LOCUS in quo Apes futuræ sunt, ad hybernium, aut vernum Solis exortum conversus esse debet, quo & hyeme & æstate calefiant, & auræ inspirantes ipsas recreent. Aqua optima Apum examinibus est, quæ per asperos calculos defluit, incorruptaque ac minimè turbida existit. Nam & sanitatem, & bonum Mel facit. Verùm petrarum saxa, itemque ligna collocare oportet, aquæ paululum supereminentia, quibus insidentes absque labore bibant. Si verò non sit fluens à terra aqua, à puteo exhauriatur, aut è fonte, & per canales inducatur. Sint autem hi prope Apes, ne ex aquæ gestatione ægrotent. Pabulo Thymi maximè gaudent, & ex eo abundè pastæ, & plurimum Mel faciunt & sobolem pariunt. Salvia quoque & Thymbra, ac Cytisus, jucundissima sunt apibus pabula, & recentia exami-

na Cytiso maximè adhærent, eoquè minore labore fruuntur. At verò claustra, hoc est, vasa, quibus excipiuntur, optima sunt ex tabulis oxineis, aut ficulneis, similiter & ex pineis, aut fagineis. Latitudo sit cubitalis: longitudo duorum cubitorum. Forinsecus autem calce, & bubuli stercoreis tectorio oblinantur: minùs enim sic putrescent. Perforantur ea ipsa obliquè, quò venti leniter inspirantes, tum aranearum telas, tum alia marcescentia resiccent, & perfrigerent. Gaudet maximè quiete hoc animal, & ægrè fert hominum accessum. Quare oportet Apum custodem murum circum extruere ex raris lapidibus: quo ipsæ per cavernas involantes, tum aves insidiantes, tum rorem effugere possint. Amant consueta pascua, & si habitationes innovent ac mutant, non volentes ad pabulum exeunt, & ob id in regione ipsas servare oportet. Porro Tithymalum depastæ, & succo gustato ex alvi profluvio laborant. Quare si quis in vicinia nascatur, extirpandus & evellendus est, ipsæque curandæ Mali puniçi tegmine, hoc est, cortice tuso, & tenui cribro excusso, admixto Melle, ac Vino austero. Pedunculos autem ipsarum curabis, ramulis Mali arboris & Caprifici incensis ac suffumigatis. Hebetudinem verò videndi sanabis foliorum Origani suffitu. *Florentinus.*

Apium comparandarum formula.

Cùm Apum examen exiturum est (quod fieri solet cùm adnatæ prosperæ sunt multæ, ac progeniem veteres emittere volunt in coloniam: ut olim crebrò Sabini factitaverunt propter multitudinem liberorum) hujus quòd duo solent præire signa, scitur. Unum, quòd præcedentibus horis dierum maximè vespertinis, Apes multæ ante foramen, ut uvæ, aliæ ex aliis pendent conglobatæ. Alterum, quòd cùm jam evoluturæ sunt, aut etiam interceperunt, consonant vehementer, perinde ut milites faciunt, cùm castra movent. Quæ primò tum exierunt, in conspectu volitant, reliquas, quæ nondum congregatæ sunt, respectantes dum conveniant. Cum à mellario id fecisse sunt animadversæ jaciundo in eas pulverem, & circum tinniendo ære perterrefaciet eas & manere coget, præprimis si non longè ab hinc ramum, vel quid aliud oblinunt Erithace, atque Apiastro, cæterisque rebus, quibus apes delectantur. Ubi consederunt, afferunt alveum propè eisdem illiciis illitum intus,
in

in quem propè appositum fumo levi circumeundo cogunt eas intrare, tanquam in novam coloniam: cùm introierunt, permanent adeò libenter, ut etiam si proximam posueris illi alveo, unde exierunt, tamen novo domicilio potius sint contentæ. *M. Varro.*

Apes quomodo transferendæ.

Si emptori cuipiam, aut etiam ob aliam causam necesse sit apes transferre, noctu ante diem & placidè, obligatis cum pellibus vasis, eas tollat. Hac enim fallaciâ neque favos perturbabis, neque animalia contristabis, ipsa molestando. *Florent.*

Apes ut non fugiant.

Apes non fugient, si Vituli recens nati sterces loculorum osculis obleveris. Fixo autem, in habitante adhuc examine regem leviter alisprehendito, ejusque extremâ infrigito. Ipso enim intus manente, non discedent. Non fugient apes, si sylvestris & fativæ Oleæ folia simul trita alvearibus ad vesperam illeaveris, aut aquâ mulsâ parietes & alvearia obleveris. Recens porrò editis, cibum in pelvibus apponere oportet, Vinum mulsum, in quo sint Thymi, & Thymbrae multum floridæ, ne suffocentur. Alii ex Uvis passis contusis, & modica Thymbra admixta, massas faciunt, eisque examina optimè enutriunt, quum propter Hyemem, aut æstum domi manentes famelicæ sunt, prætergressis autem decem diebus vernis, fimi bubuli aridi fumo ipsas ad pascua expelles, & purgabis atque evertes ipsa vasa. Stercoris enim foetor segnitiam eis inducit, & Araneorum casses ipsas impediunt. Si verò multæ favorum structuræ in vasis fuerint, deteriores eximere oportet, ne ob loci angustiam ægrotent. Favos autem ex uno vase plures quàm duos auferre non oportet. Macilentæ enim & debiles evaderent. *Didymus.*

Quo tempore Apum mel in alvearia congestum eximere liceat.

Optimum tempus vindemiæ Mellis & favorum est Pleiadum ortus, secundum Romanos verò mensis Maji principium. Secunda vindemia est incipiente Autumno. Tertia
Pleia-

Pleiadibus occidentibus circa Octobrem mensem. Non tamen definitis, ac certis diebus, sed juxta favorum perfectionem. Si enim antequam perfectè concepti sunt favi, mella eximantur, ægrè ferunt, & cessant præ siti. Idem faciunt etiam si avarior omnem fructum ademeris, & alvearia penitus evacuâris. Oportet enim decimam partem ipsis relinquere tum vere, tum æstate: hyeme verò duabus relictis ipsis partibus, tertia tantum est auferenda. Sic enim neque præ tristitia animum despondebunt, & alimentum abundè suppetet. Cæterum bubuli fimi fumo ipsas expellere oportet, aut Malvæ sylvestris masculæ suffitu, quam *Dendromalachen* Græci appellant. Ejusdem succo vindemiatores illini oportet, ob ipsarum morsus. Prodest & *Melitteon*, quæ & *Molittena*, & *Melissophyllon* vocatur, illita, & flos Lentisci. *Idem.*

Nē Mellis vindemiator ab apibus pungatur.

Ad farinam Foenigræci torrefacti Malvæ sylvestris succum affundito cum Oleo, factaque Mellis spissitudine, faciem & nudas corporis partes largiter illine. Indidem etiam sorbeto, & in alvearia ter aut quater insufflato. Fimum item bubulum aridum in ollula accendito, & admotum fenestellæ alvearii fumum ad dimidiam horam irrumperere finito, & postea elevatam ollam foris teneto, quò fumus foris redundet, atque sic vindemiam perface. Similiter autem & fucorum nidos ac cellas extirpabis, si ad bubulum finum farinam fabaceam admiseris. *Paxamus.*

An Mel sit adulteratum, dignoscendi ratio.

An adulteratum, aut integrum sit Mel, ipso accenso cognosces. Quod enim adulteratum non est, purè ardebit. *Diophanes.*

DE SECRETIS FUCORUM.

C A P. XVII.

Ad tollendos Fucos.

SI Fucos tollere libeat, vesperâ incipiente opercula vasorum intrinsecus aquâ irrorato, & circa diluculum vasa aperito, inveniesque fucos guttis operculorum insidentes.

dentes. Semper enim Melle repleti siticulosi sunt, & aquæ appetentiâ insatiabili ab humore operculorum non discedunt. Quare possibile fuerit ipsos omnes disperdere, ita ut ne unus quidem aufugiat. Sunt autem magni, aculeoque carentes, & ignavi. *Democritus.*

DE SECRETIS VESPARUM.

CAP. XVIII.

A Vespis ne impetaris.

MALVÆ sylvestris succo adversus vesparum impetum illinaris. *Paxamus.*

Ne quis à Vespis pungatur.

Si quis sylvestris Malvæ succo perunctus erit cum Oleo, vel plantam ipsam secum habebit, à Vespis non pungetur. Quòd si recenter punctus fuerit, etiam infixio aculeo, idem opitulabitur succus, aut oleum simplex. *Mizaldus.*

DE SECRETIS MUSCARUM.

CAP. XIX.

Ad Muscas.

MUSCAS *Berytius Græcus* hoc flagello procul arcere docuit. Si Veratrum (inquit) addito Auripigmento cum lacte maceraveris, & illius rore ac imbre locum à Muscis obsessum resperferis, omnes vel fugabis, vel perimes. Quod etiam præstabit Alumen cum Origano, & Lacte tritum, quâ miscelâ quæcunque illita fuerint, à Muscis non contingentur. Prodest etiam Laurus, cum nigro Veratro tusa, & in lacte, aut aquâ mulsâ macerata: ejus enim aspergine, ceu quodam toxico necantur, aut nunquam redituræ aliò confestim evolant.

Generalis ratio fugandorum, & arcendorum Insectorum.

In universum Insecta omnia quinque modis arcentur: aut prohibendo generationem; sic in Locustis ova conterere solemus: aut ad ventum, locis conclusis, clausis fenestris, quoniam Muscæ obscuro loco non volant, ut ab earum tædio

tædio finus tuti. Quædam apertè Insecta pellunt, & occidunt, ut duo extrema illa, ignis & præsertim flamma, ac immensum frigus. Inde sapor acris, & amarissimus, velut Acetum, Fel tauri, decoctum Cucumeris asinini, Ellebori albi, Colocynthidis, Lupinorum. Quædam odoris propriâ quadam vi, ut Sulphuris, Atramenti, Calcanthive, florum & foliorum Sambuci, utriusque Coriandri, Cornuum & Ungularum. Quædam multiplici genere incommodi illa afficiunt: ut Ruta, Ærugo. Antiqui verò duobus maximè, quorum nunc obliti sunt homines commodissimè ad omnia servanda utebantur, Pice atque Amurcâ olei. Pix ab aëre tutatur, Amurca ab animalibus. Invenio inter odorata Styracem suffitu omnia fermè Insecta animalia pellere. *Card.*

Ad Muscas congregandas.

Si Muscas in unum locum congregare velis, scrobem facito, & Rhododaphnes contusas in ipsum mittito, isticque universas congregabis. *Anatolius.*

*Ad Muscas, Araneas, Scorpiones, aliaq; similia
adibus expellenda.*

Pennas Upupæ quot volueris in cubiculo accendito, ita ut fumum sentiant. Quæcunque enim fumum percipient, effugient, & nunquam redibunt. *Alex.*

Contra Muscas.

Si vis ne approximent Muscæ domui, misce decoctum Hyoscyami, Colocynthidos, vel Centaurii minoris cum Calce, & inde albifica domum, sic non ingredientur Muscæ.

Ne Muscæ Boves infestent.

Muscæ non infestabunt Boves, si Lauri fructum oleo incoquas, & hinc ipsos illinas. Ex toto autem Brutis non insidebunt, si Leonino adipe illinantur. *Anatolius.*

Ad perimendas Muscas.

Veratrum cum Lacte, aut Sapa, Auripigmento addito, maceratum & respersum, Muscas perimit. Si verò Alumen, & Origanum trita illeveris, non insidebunt. *Idem.*

Ne Muscæ Equos & Mulos molestant.

Si quis succo foliorum Cucurbitæ, Mulorum aut Equorum pilos intinxerit æstate mediâ, non parvo rei miraculo Muscarum molestiâ immunis erit. *Cardan.*

Ut Muscæ congregentur ac moriantur.

Arsenicum pulverisatum in Aquâ solvatur, & hæc aqua Melle ulteriùs edulcoretur, hincque exponatur in apertis vitris hinc inde per conclavia, sic bibent omnes Muscæ de hâc aquâ & morientur.

Vel Bacillos visco illitos expande super ollam Aquâ ad medium repletam, hanc verò in Cubiculum sepone, ita videbis paulatim muscas numerosè advolantes, ipsique visco adhærentes, è quo sese extricare ampliùs nequeunt.

Ad Culices.

Cuminum mansum probè in ore, succum gignit, quo si facies, manus, totumque corpus (siquidem fieri potest) inunctum fuerit, minimè tibi molesti erunt. Nam hujusmodi odor eis valdè adversus est. Cæterum, si Vino, in quod Cuminum contritum injectum sit, fenestræ, vel cubiculorum portæ, atque etiam parietes aspersi fuerint, cubicula minimè introibunt, odorem, ut antea dictum, vitantes. Quòd si Muscas quoque è domo depellere voles, fumito Saturegiæ, foliorum Sambuci, Cumini sing. quantum satis est, misceantur & coquantur in aqua, quâ, cum domus, vel cubicula aliquantulum madefacta fuerint, Muscæ omnes evolabunt. Verùm nihil cibi eis permitendum, ne eo allectæ odorem alterum contemnant. *Alex.*

Ad Culices.

Si Cannabis humidæ ramum florentem juxta te pones dormiturus, Culices te non contingent. *Democritus.*

Ad Culices.

Culices perdit pilus equinus extensus juxta januam, & per mediam domum, & non permittit ipsis introire. Expellit eosdem Calcanthum & Nigella suffitu. Si spongiam acri Aceto imbutam de capite suspenderis, & sub pedes, Culices te non contingent. Fugabis eosdem si Rutæ vel Conyzæ decocto parietes domûs & lectorum resperferis: vel si Galbani, Sulphuris aut Cumini suffitu eosdem imbueris. Fugantur item Aceti simplicis, & Origani vapore ac nido. Stercus bubulum vel muris illitum vel suffitu admodum Culices eliminat. Idem continget si Muricum ustorum Bdellii, vel Sagapeni pulvere amicula suffumigaveris.

Spon-

Spongia aceto imbuta si ex fastigio domûs suspendatur, omnes Culices illic congregabit. Culices molesti non erunt ei, qui Cannabem in lecto substratum habet. *Democritus.*

Musca & Apes submersæ, ut reviviscant.

Muscæ submersæ si ponantur in cineribus tepidis, reviviscunt: & Apes submersæ similiter vitam recuperant in succo Nepetæ. *Corn. Agrip.*

DE SECRETIS CURCULIONUM.

C A P. XX.

Ad Curculiones perimendos, expertum.

ACCIPE Salsuginis, Allii singul. quantum satis est, coquantur simul, & hac salsugine pavimenta ac parietes irrigentur. *Alex.*

Aliud, Ejusdem.

Accipe Sagapeni, Amurcæ, Castorei, Sabinæ, Sulphuris, Cornu cervini, Hederae, Galbani, singulorum quantum sufficit, misce & contunde in pulverem, cujus suffitus Curculiones fugabit.

Frumento ne Curculio noceat, néve Mures tangant.

Lutum de Amurca facito, Palearum parum addito, finito ut marcescant benè, & subigito, eo granarium totum oblinito crasso luto, postea conspergito Amurcâ benè omne quod lutaveris. Ubi aruerit, eo frumentum refrigeratum condito. *Cato.*

DE SECRETIS LOCUSTARUM.

C A P. XXI.

Adversus Locustas.

SI quasi nebula Locustarum accedat, vel omnes in terrâ manebunt delitescentes, vel præteribunt regionem, & nihil attingent depascentve, si Lupinis amaris, aut Cucumeribus sylvestribus in muria fervefactis conspergantur, è vestigio enim morientur. Similiter præteribunt sub

subjectam regionem, si captas Vespertiliones, è sublimibus regionis arboribus suspenderis. Si autem captas Locustas exufferis, ab odore vertigine afficiuntur reliquæ & partim moriuntur, partim demissis alis venatorem expectant, & à Sole corrumpuntur. Fugabis Locustas, si confecto ex ipsis garo scrobes effoderis, eosque garo resperferis, ac madefeceris. Antequam enim præterierit dies, si accesseris, reperiēs ipsas in scrobibus somno aggravatas, quomodo verò ipsas perimas, tuæ curæ relinquo. Nihil omninò eorum contingent Locustæ quæ Absynthio, aut Porro, aut Centaureâ, aquâ tritis resperferis. *Democritus.*



DE SECRETIS PLANTARUM.

LIBER IX.

Genere. De his agit, Cap. I.

Secreta
plantarum
in

Specie vel

Integrarum

Arborum: in

Genere. Cap. II.

Hortensium, Cap. III.

Sylvestrium, Cap. IV.

Fruticum, Cap. V.

Partium videlicet: vide signum A.

A. Partium: videlicet	{	Radicum, Cap. VI.	{	Genere, Cap. VII.
		Foliorum, in		Specie, Cap. IIX.
		Florum, in		Genere, Cap. IX.
	{	Fructuum in	{	Specie, Cap. X.
				Genere, Cap. XI.
				Arborum, Cap. XII.
	{	Seminum in	{	Fruticum, Cap. XIII.
				Herbarum, Cap. XIV.
				Genere, Cap. XV.
	{	Lignorum, Cap. XVII.		Specie, Cap. XVI.

D E S E C R E T I S P L A N T A R U M

in genere. CAP. I.

Plantæ ut majores evadant.

GENERALITER fata semina Lunâ crescente robustiores plantas, & insipidiores generant: sicut contrâ Lunæ Lumine deficiente; id est, ab oppositione, tenuiores, & aciores proferunt. Hinc natum existimo, cur magni fructus, aut radices, seu herbæ, raro odore & sapore præsent. *Cardanus de varietate rerum.*

Plantæ steriles quomodo fructiferæ reddantur.

Si omninò sterilis planta sit, *Aristot.* consulit, ut divisæ radici lapis interponatur. Nam si densus sit Cortex plantæ, temperato calore fructifera redditur.

Plantas ut à rubigine tuearis.

Cornu & stercus bubulum crematum tuetur (ut dicunt) plantas à rubigine. *Cardan. de subtilit.*

Plan-

Plantæ ut à Vermibus tutæ maneant.

Si plantæ Vermibus laborent, æneo clavo purgandæ: Æs amarorem firmum in planta relinquit, similiter Fel bubulum super radices sparsum: vermes enim dulci aluntur, fel autem illud amarissimum. *Idem Cardanus de Varietate.*

Quæ plantas emori faciant.

Referunt Nucis florentem ramum, dentibus morsum ab eo, qui prius lentes manderit, totam arborem interimere. Cujus rei non alia est ratio, quàm quòd his temporibus tota planta violetur, aut cortex medullave ejus vehementius lædatur. Evidentior tamen causa est, cur viva calx radiceis trunco principali infixa mortem plantæ inducat. Sunt qui Fabarum putamina juxta radicem sparsa, interitum arboribus plerisque parere existiment. Cæterum arbores seu plantas occides, si terebrâ sub diebus caniculæ ad medullam perforaveris, Petroleumque cum Sulphure, aut Argentum vivum injeceris: nam æstu lauciæ facilius pereunt: quamobrem & cortice circumsecto, vel ferrâ circumcirca diviso, similiter sub eodem tempore intereunt. Certum est enim, animam plantæ vel in cortice, vel in medulla contineri: hæc autem utraque, & in trunco, & in ramis, & in radice. Si etiam alias herbas vulneraveris magis sylvestres ac inutiles his temporibus, sulphurque ac cinerem insperferis, similiter morientur. *Idem.*

Ut Planta fiat Draconi similis.

Lini semen radicibus Raphani immissum, & mox terræ optimæ stercoreatæ mandatum, plantam Draconi similem producit. Cujus gustus acetum & sale præ se fert, & ob id mirè expetitur in acetariis. Nam eâ præsentē nec aceto, nec sale opus est: quemadmodum mihi retulit Regiorum hortorum Præfectus quidam. *Mixaldus.*

DE SECRETIS ARBORUM IN genere. CAP. II.

Arbores ut citò crescant.

CIRCUM arbores, quas plantaveris, quotis mensibus, usque dum trimæ erunt, fodere oportet, si voles ut citò crescant. *Cato.*

Arbores ut reddantur fecundæ.

Semina Rosæ, cum feminibus Sinapis & pede Mustelæ, suspenſa inter ramos infœcundæ & parum feracis arboris, illam mirum in modum recreare, ac fœcundare traduntur. *Mizaldus.*

Ut omnes Arbores fructus multò majores solito ferant.

Sumito bracteam antiquam, & æruginosam, hancque in cornu Bovis effigiem conformato, ita ut, quâ in acumen definit, parvum foramen habeat. Ea ergo Bractea cùm intrinsecus muriâ lota fuerit, vel Mali, vel Pyri, vel Perfici, vel alterius fructûs semen immittito, sed ita, ut ea pars feminis, quâ germinare incipit, ad foramen tendat. Deinde alteram bractææ extremitatem ampliorem aliâ bracteâ optimè claudito, ne alia ex parte, quàm parvo foramine exhalare queat. Quibus factis, forinsecus quoque eadem muriâ irrigetur: deinde Septembri, vel Octobri plantetur, ut terra interim aliquo modo ferrum bractææ exedere possit: cùm enim semina inclusa humiditatem percipere incipiunt, ac deinde satis humectata fuerint: foris emittunt germina & radices, hinc inde per bracteam repentes ac flectentes tamdiu, donec ipsam permeent. Quoniam radices naturâ duræ & acutæ hinc inde repentes pungunt, donec (adjuvante etiam terrâ, quæ exedendo perforat, attenuatque) foramina aliquot, per quæ radices erumpunt, effecerint. Germen autem crescendo, & circumoberrando saporem muriæ, tum etiam colorem ferri in se recipit. Cæterùm cùm germina egredi coguntur, simul in unum coeant, & agglutinentur necesse est, & ex pluribus unum germen efficiatur maximum, & per consequens fructus suos multò majores solitis proferat, quod visu pulcherrimum erit. *Alexius.*

Ut Arbores feraces fiant meliores.

Amurcâ cum aqua mixtâ Arbores feraces circumfundito, & meliores fient. *Cato.*

*De Arborum insitione, quæ fit sub cortice
& in trunco.*

Tres sunt modi Insitionis, & unus quidem ex eis propriè *Insitio* appellatur: alter verò *Insolatio*: tertius denique *Inoculatio*.

enlatio. Arbores igitur crassi corticis, & humiditatē refer, tas, quarum cortex multam humiditatem ex terra haurit- qualis est Ficus & Cerasus, & Oleæ planta, juxta corti- cem inferere convenit. Oportet autem ante insitionem pa- xillum ex forti ligno præparatum habere, ut eum inter corticem & lignum paulatim demittamus, & ita infractus permaneat cortex. Hoc enim maximè observare necesse est, deinde sensim ablato paxillo, furculum statim adhibe- re. Vocatur autem hic modus *Infoliatio*. In arboribus ve- rò tenuis corticis, & siccis, nimirum quæ non in cortice, sed intra medullam humiditatem habent, qualis est Citrus & Vitis, & quæcunque ejusmodi, ipsam partem succulen- tam mediam findunt, & furculos immittunt. Appellatur- que hic modus *Infitio*. In utrisque autem prædictis modis compendiarium Inlitionem facere oportet, ne furculus, qui inferendus est, dilatione factâ, resiccetur. Oportet autem furculos ex generosis, & vigorosis, ac fructuosis arboribus, acutis falcibus auferre, idque à partibus Boream spectanti- bus, sintque teneri, & leves, & densis oculis, tria cacumi- na habentes, aut duo: ad fundum verò unimembres, ha- beantque crassitudinem digiti parvi, & sint duorum annorum: anniculi enim promptè quidem excurrunt, verum sunt infru- ctuosi. Acuantur autem furculi acutâ falce ex una parte ad medullam usque, quemadmodum scriptorium calamus exa- cuere solemus, cavendo tamen, ne medullæ imminutio contingat. Adhibere autem furculum oportet eâ figurâ, ut lignosum quidem ad lignum, corticosum verò ad corti- cem vergat. Sitque derafus & exacutus furculus paris ma- gnitudinis ad fissuram, & cavitatem, in quam est immit- tendus. Sit igitur derafus ad digitos duos. Post insitionem verò nihil de furculo auferendum est, sed sinendum, quic- quid habet. Locus insitionis dein luto infracto argilloso in- tegatur. Fulva enim terra ad hanc rem inepta est, truncos quippe exurit. In tantum verò utilis est Infitio, ut etiam si quis ipsas plantas in se ipsas inferat, habitiores, & præstan- tiores fiant. Cæterum furculi desinente Lunâ accipiendi sunt, decem aut pluribus diebus ante insitionem, deponendique in vase cooperto, ac probè munito, ne perslentur & trans- pirent. Oportet enim furculos acceptos conclusos esse per aliquot dies, arbusculam verò in quâ infitio fit, jam ad germinationem festinare. Causam verò, ob quam non statim, ut accepti sunt furculi, ipsos inferimus, discere

convenit. Si enim adhuc fervens, & tumidus furculus, statim in id, quod eum suscipiet, immittatur, hinc necesse est, antequam unctio fiat, parum quid de furculo marcescere, & laxationem fieri inter immissum & suscipiens lignum: & de cætero aër in locos intermedios cavos ingrediens, concretionem fieri non permittit. Si verò ad dies aliquot furculi in vase quopiam antea deponantur, tum in ipso vase sustinent, quod aliàs passuri erant post citam nimis insitionem; & de cætero, ubi tardius insiti sunt, neque amplius laxatio fiet vinculorum, neque aër ingreditur, sed citò & faciliter coalescent. Surculi præterea non Boreâ spirante inferendi sunt, sed Austro. Atque illud prorsus manifestum est, quòd imber insitioni quidem commodus est, Infoliationi autem inutilis. Nosse item expedit, quòd post Æquinoctium autumnale, usque ad Solstitium hyemale, Insitio ritè fieri potest: item post Favonii flatum, hoc est à septima Februarii mensis die, usque ad Solstitium verum. Quidam verò optimum tempus Insitionis esse ajunt, statim post Caniculæ ortum, & rursus in æstate post subcanniculares æstus. At verò si ex longinqua aliqua distantia locorum afferantur furculi, portentur sanè in vase aliquo in lutum infixi, ipsumque vas diligenter oblinatur, ne persilentur, & transpirent dum apportantur. *Florentinus.*

*De Insitione, quæ fit per Inoculationem, seu
Emplastrationem.*

Inoculatio ante Solstitium æstivum commodè, & opportunè perficitur. Ego verò etiam circa Æquinoctium verum in die serena, cùm in principio germinationis essent arbores, inoculavi, & vehementer successit res. Purganda est arbor, in quam Inoculatio fit, à sobole, hoc est, propaginibus, & comâ, relictis perfectioribus & adultioribus ramis, in quos infoliaturus eris; deinde accipienda arboris fructuosæ progenies, & anniculum germen, ex eoque oculus inferendus juxta exactam scalpturam præparati trunci. Ipsum autem corticem purum exactè excoriare oportet: lignosum verò integrum, & intactum sinere, ac servare, hoc enim valdè necessarium habetur. Præstat autem oculum, qui est in immittendo germine, in oculum, qui est in trunco, incidere. In ipsum enim positus omnino coalescit.

lescit. Licet etiam citra oculum in alteram trunci partem in loco levi Infoliationem facere. Oportet autem & cortices utrorumque truncorum æqualis crassitudinis esse. Factâ autem concretione, statim quod supra commissuram est, rescindo, ne in hoc ipsum alimentum edat, sed in id, quod est coaptatum. At verò ubi furculi insiti tria folia adepti fuerint, vincula dissoluta auferantur. Ego verò sæpenumerò non ipsum oculum ex anniculo germine acceptum ipsum per se ipsum infoliavi, sed relicto oculo in ipso germine illæso, & parte retro oculum sitâ corticem derafi, & conspicuâ ligni parte, quemadmodum in calamo scriptorio fieri solet, sculptâ, sic oculum cum parte ligni residuâ infoliavi, & generosiorem ex hujusmodi Infitione arborem adeptus sum. Cæterum, si sinistrae ramorum partes Inoculationem susceperunt, duplum fructum producent. *Didymus.*

Ad transferendas & transplantandas Arbores.

Quod ad Arborum positionem attinet, raris intervallis ponendæ sunt arbores, ac plantandæ: ut cum creverint, spatium habeant, quo ramos extendant. Nam si spissè posueris, nec infra ferere quid poteris, nec ipsæ fructuosæ erunt, nisi intervulseris. Dum transferre volueris, antequam id aggrediaris, sedulò tibi notandum erit, quibus ventis expositæ erant, ut simili situ illas componas, & implantes. Quod dum facis, in imum usque scrobem sarmentorum fasciculos crassitudine brachii debes demittere, ita ut supra terram paululum extent. Nam æstate parvo labore aquam radicibus per illos subministrare poteris. Sed optimum erit medium, antè quàm plantare voles, scrobem fodere, ut terra Sole & pluviis opportunè maceretur, & quod positum est, citò comprehendat. Quòd si eodem anno & scrobem facere, & arbores ferere voles, minimum ante menses duos scrobem fodies, postea stramentis incensis calefacies. Quem si latiore patentioreque feceris, lætiores uberioresque fructus percipies. Scrobem verò clibano similem aperies: cujus imum summo patentius sit, ut latiùs radices vagentur, ac minus frigoris hyeme, minusque æstate calidi vaporis per os angustum penetret. Generatim autem sic arbusculas, & arbores dispones, ne imbecilla à valentiore prematur: quia nec viribus, nec magnitudine par esse potest, imparique temporis spatio adolescit. Porro summè cavendum est, ne post rigidas tempestates, & violentas

coeli injurias, arbores ferro vulneres, & amputes, præsertim quæ fructiferæ sunt. Cavendum præterea, ne una arbor alterius stillicidium quatiendo vento excipiat, præsertim si diversæ fuerint genere. Adhæc ne æstate radices contra Solem nudentur, ut ab eo feriantur, & ne hominis manu cacumina duriter tractentur: aut à pecoribus prærodantur: nam in posterum capere incrementum nequeunt, maximè si tenellæ fuerint. Arbusculæ omnes priusquam transferantur, rubricâ sunt notandæ, ut cum transponuntur, easdem coeli partes aspiciant, quas in suo seminario videbant: alioqui frigore, vel calore laborabunt ab his partibus, quas præter consuetudinem, sub alio tractu expositas habuerint. Erit ergo plaga coeli in translatis similis retinenda, ne aquiloniæ partes Meridianis oppositæ Solibus findantur, aut algeant meridianæ aquilonibus obversæ. Plerique arborem nec minorem bimâ, nec majorem trimâ transferri præcipiunt, censentque non negligendum ne radices morâ inarescant: nève à Septentrionibus, aut ab ea parte coeli usque ad exortum brumalem, vento flante, effodiantur arbores: aut iis ventis radices exponantur: nam ita emoriuntur, ignaris causæ agricolis. Proderit etiam quàm plurimum terræ, in qua vixerint arbores, radicibus cohærere, ac totas cespites circumligari. Rigari debent, quoties cœlestis imbris negabitur arrosio, & ingens æstus perseveraverit: nam ita majoris incrementi fructus dabunt, ac vegetiores, lætioresque evadunt. *Mizaldus ex Columella, Catone & Plinio.*

Ad instantem Arborum Rubiginem & Pruinam.

Si instanti & prævisæ Rubigini, ac Pruinæ obviam ire voles, paleas multas, si adsunt, aut horti, vel agri evulsas herbas, frutices, & spineta, pluribus locis combures: maximè quâ parte ventus spirabit: ita enim impendens malum averti scripsit *Diophanes*. Berytius in Græca Geoponica Schola celebris, ubi illam in aëre congregari animadvertibat, Bovis cornu sinistrum cum bubulo stercore illicò incendebat, & fumum multum per horti vel agri ambitum excitabat, ventoque opponebat. *Apulejus* fumum trium Cancrorum ustorum cum bubulo vel caprino stercore, aut paleis, auxilium præsentissimum esse scripsit. Quòd si illa anticipaverit, rubigo inquam, damnum hoc modo resarcies, ut tradit *Berytius*. Cucumerum sylvestrium, aut Colocynthis radices, vel folia contunde, & aquâ

aquâ macera: indeque à rubigine prehensa vegetabilia ante Solis exortum irrorâ, ac resperge. Idem assequeris ficulneo aut quercino cinere, aquæ infuso, & quo dictum est modo, asperfo. Proderit (eodem *Apulejo* teste) ramos Lauri multos per hortum, vel agrum defigere, ac plantare: nam in illos, sicuti & plurivariam observavi, rubiginis noxa omnis transit, & abit. Quæ frequentissima solet esse in roscido tractu, convallibusque ac locis perflatum nescientibus. *Mizaldus*.

Adversus Carbunculum & Pruinam arborum.

Adversus Carbunculum, qui Vitibus peculiaris esse solet, *Plinius* tres Cancros vivos cremari jubet, Vitibus aut arboribus appensos. Græci contra Pruinam in horto, vel agris fabas intus & extra ferunt. *Idem*.

Ad Arbores agrotantes.

Quod si ægra fuerit arbor quævis, illius radicibus affundi debet Amurca aquæ remissa æqualiter: item summum præsidium esse ajunt, fecem Vini aut aquam Lupini decocti circumfundere, vel Lupinum ipsum circa radices ferere. *Didymus & Plin.*

Ad Arbores emaciatas & languidas.

Si emaciata fuerit arbor, & languida, habitior fiet, si radices circumfossas, & item truncum, veteri urinâ humanâ, eaque virili, vel pecorum lotio, imbueris. *Paxamus*.

Ut Arbor stet illæsa.

Illæsam, & à vitiis arborariis immunem habebis Arborem quamvis, si Bubulo, Taurinove felle radices illius perfuderis, aut Fabarum, vel aliorum leguminum paleis circumpositis, acerbisve frumenti respersis, easdem radices vestiveris & regeßtâ terrâ adjuveris. *Mizaldus*.

Adversus Caniculæ æstum, & siderationem.

Si Caniculæ æstu fatigatur arbor, & ob id siderari periclitatur, trium fontium singulos sextarios post solis occasum radicibus jube influere: sed ita, ne remedium Luna deprehendat. Vel herbam Symphoniacam, (quæ *Apulejo* eadem est cum Apollinari, & Hyoscyamo) circa truncum arboris, coronæ modo intorque. Vel ex ea juxta imum caudicem cubile facito. Si fuerit siderata arbor, & veluti tabe ægrotans, unguento delibutam, quasi reviviscere observabis, ut scripsit *Democritus*. *Idem*.

Aves ne arborem impetant.

Arbor ab Alitibus non impetitur, quæ Alliorum fasciculum suspensum habet: aut falce putatoriâ Allio perlitâ, expurgata est. *Democritus.*

Ad Arbores infrugiferas.

Si florum largo proventu luxuriando Arbor nullum ferat fructum, querno, vel fagineo palo radicum foramini impacto, & terrâ occultato, velut inita fœcundabitur. Pro sunt & fabaceæ paleæ trunco radicis circumjectæ, ut scripsit *Zoroaster*. *Columella* arborem terebrare præcipit, & in foramen viridem Oleastri taleam demitti: nam ita arbor velut inita fœcundo semine fertilior evadet. *M. Cato* Amurcam æquis partibus cum Aqua remiscendam censet, deinde arbori circumfundendam. Quæ si maxima erit, commisti amphora una sufficiet: si minor, pro ratione fundendum erit. Si arbores etiam feraces fuerint, hac miscella meliores quoque fient. *Africanus* Portulacam & Tithymalum probè contusa, & mista, arborum truncis illinebat, ut fœcundiores adolescerent: hisque Columbinum fimum nonnunquam addebat. *Mizaldus.*

Ad Arbores habentes fructus defluos.

Arbores si veluti ægrotantes, fructum defluentem habebant, nec retinere poterant, *Sotion*, Græcorum hortulanus diligens & peritus, Lolium, quod zizaniorum nomine venit, cum radicibus evulsum in coronæ figuram efformabat, & arboris trunco circumdabat: vel marinos Cancros, Paguros nuncupatos, eidem circumligabat: aut plumbeâ eundem coronâ amplexabatur. Præterea radicem ablaqueabat, eamque perforabat, & cuneum ex Corno immittebat, terrâ circumaggestâ. Quidam nudatas radices aliquot crassiores ac majores findunt, & fissuræ Silicis fragmentum immittunt; deinde ligant, & accumulâtâ terrâ rursus adobruunt. *Palladius* Rubricâ, aut Amurcâ insulsâ, aquæ remistâ arborem illinit. Vel Cancrum fluviale cum Rutæ ramo, aut Lupinorum fasciculum eidem suspendit. *Idem.*

Ad Arbores, quæ deciduos flores vel folia habent.

Arboribus si Flores, aut Folia decidant, hunc in modum auxi-

auxiliaberis ex Quintiliorum Græcis Georgicis. Circumfossis radicibus, palearum fabearum, aquâ temperatarum, & maceratarum mensuram magnam magnæ arbori, parvam verò parvæ circumpones, & ita defluvio laborantem curabis. *Idem.*

Adversus Vermes arborum.

Si à Vermibus infestabitur arbor, *Florentis* consilio sic illam defendes: Lemniam terram, quam figillatam vocant, & Origanum cum aqua tere, eâque miscellâ radices illine, aut Scillam in circuitu planta. Si verò piceos paxillos circa arborem defixeris, tabescent vermes, ac decident. A quibus etiam Suillum sterminus vino dilutum illæsam servabit, sicut scripsit in suis Græcis Georgicis *Didymus*, modò illud circa arborem frequenter injiciatur, quod etiam præstare potest Columbinum sterminus, nudatis radicibus circumpositum. Adhæc Taurinum fel, iisdem frequenter ingestum: nam ita neque citò senescet arbor, neque vermes facilè producet. *Palladius* feces veteris Vini per triduum affundit. *Hæc ex Anton. Mizaldo. Auxilia verò contra arborum vitia lib. 6. alia videbis.*

Arbores ne à Jumentis ledantur.

Cancros & fortè etiam Gammaros, Salicibus suspensos, tum etiam aliis arboribus, jumenta ab illarum injuria arcere, pro constanti traditum est: id verò contingit partim formæ absurditate, partim odoris foeditate: nam jumenta odorem omnem animalis mortui, plerunque etiam viventis, si ejusdem speciei; refugiunt. *Cardanus.*

Ad Arbores necandas.

Arbores necare si volumus, Corticem in orbem detrahimus, cortice enim spoliata, interit omnis arbor, sed tardius & celerius: ut Tilia, & Robur ocius, tardius autem infirmiores. Refert quoque quibus fiat anni temporibus: Martio & Februario statim emoriuntur: hyeme autem robustis arboribus diuturnior est interitus. At Subere corticem detrahare oportet, ne deterior fiat. Sic Pastinacæ marinæ radius omnium caudici præfixus occidit. Et menstruatus pannus radicibus admotus, præsertim Juglandi Nuci, ut placet Democrito. *Porta.*

Ad

Ad Arbores extirpandas.

In trajectam terebro arborem Puerile lotium, vel Ceba, vel cuneus myrtæus immittatur, præsertim dum floret: vel radici ablaqueatæ Dictamnus, Faba vel pannus menstruo muliebri imbutus admoveatur: nam ita arbor tabidâ ariditate conficietur. Sunt qui in terebratam medullam Vivum Argentum injiciant. Sylvæ extirpandæ rationem Democritus prodidit, Lupini flore in succo Cicutæ uno die macerato, & radicibus ablaqueatis resperfo.

Arbores necare.

Oleum commune radicibus fundatur: & peribunt brevi. Vel fac foramen usque ad medietatem, seu medullam, in quo infundatur Argentum vivum & Oleum, & obturetur cerâ & cretâ, brevi temporis spatio siccabitur. *Fallopins.*

Arbores ne à Pecoribus ledantur.

Cancros, hoc est, Paguros fluviales, aut marinos, non pauciores quàm decem in aquam coniectos ad dies octo finito, & conclusos sub dio exponito, ut ad dies decem insolentur, & aquam hanc instillato super ea, quæ illæsa manere velis, ad dies octo, & admiraberis efficaciam. Idem facit Caninum stercus urinâ putridissimâ mixtum, & circumspersum. *Democritus.*

DE SECRETIS ARBORUM HORTENSIVM. CAP. III.

Adversus Vermes arboris Mali.

MALUS omnium maximè vermiculationem sentit, hoc est, vermium erosionem. A quibus immunis erit, si Scilla circumposita fuerit. Quos si hæreditarios habuerit, felle Bubulo vel Suillo stercore misto Humanæ urinæ, & radicibus affuso extinguentur. Si verò negotium exhibere perrexerint, cortex æreo clavo, vel scalpro fodicandus, atque vellicandus, donec mucrone vermes tacti radantur, & deturbentur: sed ulceratum locum Bubulo stercore obducere licebit. Porro si generosissimæ quæque Malorum plantulæ Taurino felle radicibus admoto, ita scrobibus imponantur, ut Cacumen tantum super terram extet, à ver-

à vermibus immunes prorsus erunt, cum fructibus, qui inde nascentur. *Mizaldus ex Palladio, & Anatolio.*

Ut Malus sobolem proferat numerosam.

Si fructum multum eam parere cupis, & sobolem numerosam proferre, sectum plumbei tubi seu canalis os patulum, sic ut circulum ducat, caudici altitudine pedis à terra circumducito: & cum Mala coeperint adolescere, vel arbor ipsa florescere, torquem illum, & circulum eximito: idque quotannis facito, ut fecunditatem arbor concipiat. *Mizaldus.*

Ne Pomifera Arbor rumpatur pondere gravata.

Quia Pomiferis arboribus, uti etiam aliis, frequenter usu evenire solet, ut degravatæ foetuum pondere, laborare videantur, adeò ut nonnunquam rumpantur incurvati rami, furcis suppositis oneri portando impares fulciendæ erunt. *Idem.*

Ad Mala caduca.

Si caduca fuerint Mala, fissæ radici lapis impactus illa retinebit.

Ad Pyros steriles.

Si sterilis fuerit Pyrus & languida, fecundabitur eo artificio, quod superius expressimus. Plerique ubi adoleverit arbuscula, altè solent ablaqueare, & juxta radicem truncum findere, ac fissuræ cuneum Tedæ pineæ, aut ex Fago, vel Quercu adigere, atque ita obruere. *Idem.*

Ne lapidosos fructus pariat Pyrus.

Si lapidosos fructus emittit Pyrus, jubet *Quintilius* agricultura arborem ad imas usque radices retegì, & quicquid lapidosum invenitur, secerni ac excludi: alterâ terrâ cribro excretâ, alterius loco suffusâ, & addito stercore repositâ, quod summè proderit, si rigare non cessaveris. *Idem.*

Ut Pyrus copiosum & dulcem ferat fructum.

Si dulciora & copiosiora Pyra arborem tibi exhibere voles, trunco proximè radicem terebrato, cuneum ex Fago, vel Quercu, ut scripsit *Diophanes*, defiges, aut Vini fecem nudatis radicibus instillabis.

Reme-

Remedium ægrotantis Pyri in flore aut à Vermibus infestata.

Si dum floret ægrotabit Pyrus, curabis fece Vini veteris affusâ radicibus ablaqueatis per triduum: regeſtatum demum terra. Si à Vermibus infestentur arbor & fructus, radicibus felle Bubulo, vel Taurino frequenter imbutis & perunctis morientur omnes, ac in posterum gigni prohibebuntur. *Mizaldus.*

Remedium pro ægra aut sterili arbore Cotonei, vel aliter laborante.

Si ægra fuerit arbor Cotoneorum, Amurca æqualiter aquæ remissa, radicibus affundatur. Aut Calx Viva cum creta & aqua temperetur, arborisque trunco illinatur. Si sterilis fuerit, infœcunda, vermiculosa, aut aliter laborans, recurre ad ea, quæ superius tam generali, quàm particulari secreto scripsimus.

Pruni languida, & minus feracis remedium.

Si languida fuerit Prunus, & minus ferax, Amurca æqualiter cum aqua temperata radicibus infundi debet. Vel Bubulum lotium solum, aut Humanum, idque vetus, mistum æquis partibus aquæ. Vel cineres è furno, maximè sarmentorum. *Palladius.*

Adversus vermes Prunum infestantes.

Prunus si à Vermibus vel Formicis infestatur, Rubricâ & Pice liquidâ illini debet.

Cerasi putrescentis remedium.

Quòd si humore nimio concepto putrescere observabitur, foramen in trunco excavari debet, quo ille possit educi. Si Formicas patitur, succum Portulacæ licebit affundere, cum Aceti media parte mistum: aut fecibus Vini truncum florentis arboris illinere. *Pallad.*

Cerasa ut fiant præcocia.

Præcoces fructus dabit, si ante florum exortum Calx viva radicibus circumponatur, aut aqua calida sæpiùs infundatur: sed postea parvo temporis tractu inarescit.

Cerasus ut Uvas ferat.

Si quis Ceraso nigram Vitem inferat, verno tempore uvas proferet. *Florentinus.*

Morus ut fiat feracior, & candidos ferat fructus.

Nonnulli scripserunt arborem Mori feraciorem & proceriorem fieri, si forato prorsus trunco, cunei inferantur Terebinthi hinc inde, vel Lentisci. Eadem si Populo albæ inferatur, vel inoculetur, candida mora proferet. *Berytius.*

Persica Malus, ut lætior evadat.

Habitu multò lætior evadet, si simul atque poma Persica ederimus, illorum ossa ponamus, & conseramus, carnis parte aliquâ in eis relictâ. *Florent.*

Languidæ & tabescentis Persicæ remedium.

Persica si languida videbitur, veteris Vini feces aquæ mistas oportebit infundere: & frequenti aggestione cumulare, vespertinoque humore juvare, ac objectis umbraculis defendere, si ardore Solis siccata contabescat. In quam rem etiam proderit serpentis spoliū appendere. Si Vermibus infestatur, cinere Amurcæ misto extinguuntur: vel Bovis urina cum Aceti tertia parte confusa. Si à Pruinis periclitatur, sterqus illi ingeratur, vel Vini feces cum aqua permistæ. Vel quod magis prodest, aqua, in qua Fabæ fuerit incocta. Contra vitia omnia prospicit Spartum alligatum: vel suspenso ramis sparteæ. *Mizaldus.*

Ne caduca & deflua sint Persica.

Si caduca & deflua fuerint Persica, nudatis radicibus cunei lentisci vel terebinthi adigantur: aut arbori terebratæ in medio talea salicis imprimatur. *Idem.*

Ut è Persico, & Nucipersico Malum componas.

E Persico & Nucipersico Malum componere benè per Inscriptionem poteris, quam *Emplastrationem* vocant agricolæ, ut si è Persico, & Nucipersico ramos abstuleris novellos feraces, & qui adolescendi, magnumque germinandi præsagium dabunt, ipsis duobus digitis circumsignatis, gemmæ ut in medio collocentur, sic cortices acuto scalpello à ligno leniter, ne lædantur, evellas: has per medium findito, ut simul compactæ ritè coalescant, & cicatricis locus non appareat, sed gemma una videatur, alterutrum inferere ex ea arboris parte, quæ maximè nitida, ac præcipuè hilaris conspicitur, reliquis amputatis, ne alimentum furripiant,

piant, ut omne infito serviat: corticem aperi, ne ligno ferrum inferat plagam, ac circumcidito ejusdem gemmæ quantitates, ac ita gemmam aptato, ut circumcisæ parti par sit: circa eam vincito, ne lædas: ac luto munire plagam oportet, supra aliquid imponendo, ne pluvia dilabatur, sic germinabit, & sobolem dabit mediam retinens ab utroque genitore naturam, quam nunquam arbores peperere: erit enim Malum persicum, & Nucipersicum æmula facile repræsentans. Sic Mala Punica ex uno dulcia, ex alio latere acida videntur. Et Mala Pyris odoratis comprehendi jubet *Diophanes* & ea *Mirapidia* nominari. Et Mala cotoneis misceri observantur, & pulcherrima eveniunt Mala, apud Athenienses *Melimela* vocata, ut *Diophanes* quoque scriptum reliquit. Et invicem diversis generibus commixta, Citromala Limonibus, & Medica mala cum Acidis, sic semiacida, & semidulcia. Persicum ex sanguineo, & albo sic mellita mala, & reliqua multivario proventu evenisse constat. *Joan. Bapt. Porta.*

Amygdalo-persicum.

Exoritur summa quoque cum diligentia Malum, quod foris Persicum æmulabitur, intus verò dulcem mentitur Amygdalam, quod rectè nominare possumus Amygdalo-persicum. E Persico arbore decerpas furculum, quem si dulci Amygdalæ inferueris, inde enatum germen, denuò inferueris alteri, idque ter, quaterve effeceris, Malum dabit intus dulcem nucleum continens, pleraque poterit ingeniosus artifex componere: mihi viam ostendisse sufficiat. *Idem.*

Mespilus quomodo à Vermibus sit expurganda.

Vermibus in senecta crebrò infestatur Mespili arbor: qui prægrandes, & majores, quàm in cæteris arboribus diversis cernuntur: purgandi æreo stylo, atque Amurcâ, vel Humanâ urinâ veteri, aut vivâ Calce perfundendi, sed parcius, propter arboris noxam. In quam rem plurimum etiam proderit decocti Lupini aqua. *Mizaldus ex Palladio.*

Ne labantur poma Mespili & molestæ sint Formicæ.

Si labuntur poma Mespili, frustum de ejus radice præcisum in media trunci parte figatur. Si molestæ sunt Formicæ,

micæ, Rubricâ cum Aceto, & Cinere temperatâ necabuntur. *Idem.*

Quomodo nuciferæ arbori, quæ ætatem tulit, succurratur.

Quòd si Nuciferæ arbori, quæ ætatem tulit, voles succurrere, eamque fertiliorem reddere, lixivio per annum continuum ter in mense rigabis. *Idem.*

Quomodo ex amaris dulces fiant Amygdalæ.

Theophrastus tradit, & post illum *Plinius*, ex amaris dulces fieri amygdalas, si stipite circumfosso, & ab ima parte perforato, defluens undique pituita detergatur. Quod *Africanus* in suis Georgicis Græcis etiam monuisse videtur, hunc in modum scribens: Ex amaris dulces fient Amygdalæ, si circumfosso stipite quatuor digitis à radice cavernula imprimatur, per quam lachryma quotannis effluat, donec dulcescat fructus.

Ut fructum copiosum ferat Amygdalus.

Quòd si Amygdalus perseveraverit folia ferre, fructum verò nullum dare, partem trunci juxta terram forato, vel potius radicem, & pinguis tedæ cuneum in foramen transfigito, Humanaque urinâ affusâ obruito: aut silicem sic inferere, ut libro tegendo claudatur. Item copiosorem fructum dabit, si ferreus palus arbori adigatur, impressoque foramini querneus inferatur paxillus. *Mizaldus ex Palladio & Theophrasto.*

Adversus pruina Amygdali.

Ubi à pruina metus erit, antequam floreat Amygdalus, radices nudentur, & albi lapides minutissimi, arenis remissi congerantur: atque ubi jam tempus videbitur, ut debeat germinare, effossi submoveantur. *Idem.*

Ficus ne fructus amittat.

Arietis cornua circa radices obturentur. Vel truncus ipsius arboris, quâ parte turget, scarificabitur, ut possit humor effluere. *Idem.*

Adversus vermes Ficuum.

Si vermibus laboraverit Ficus, ramum Terebinthi, vel Lentisci taleam cum plantis Fici, cacumine inverso ponemus. Perdentur verò Calce vivâ radicibus inspersâ, vel in

cavas trunci partes missa. Sunt qui æreis uncinis illos tollant. Alii Amurcam, alii veterem Urinam ablaqueatis radicibus miscent; vel etiam Bitumen & Oleum. *Idem.*

Fici ut grossos teneant.

Fici ut grossos teneant, facito omnia quo modo in Oleâ dicetur, & hoc amplius: cum ver appetet, terram adaggerato benè, & grossi non cadent, & Fici scabræ non fient, & multò feraciores erunt. *Cato.*

Olea ut fructum ferat.

Oleam si fructum non feret, ablaqueato. Postea stramentum circumponito. Ad hæc Amurcam cum aqua commisceto æquis partibus. Deinde ad Oleam circumfodito, ad arborem maximam urna commixti sat est. Ad minores arbores pro ratione indito. Et idem hoc si facies ad arbores feraces, eæ quoque meliores fient. Ad eas stramenta ne addideris. *M. Cato.*

DE SECRETIS ARBORUM

Sylvestrium. CAP. IV.

Ad Arbores sylvestres extirpandas.

LUPINI florem in succo Cicutæ uno die macerato, & ablaqueatis radicibus respergito. Vel sub diebus caniculæ illas ad medullam perforato, & Petroleum cum Sulphure injicito. *Democrit. & Plin.*

DE SECRETIS FRUTICUM.

CAP. V.

De Vitium insitione.

QUI Vitem inferere velit, crassum truncum deligat, qui unum atque alterum sarmentum suscipere queat. Quidam in terra inferunt, ad semipedis altitudinem descendentes, & ferè in Vitis fundo insitionem faciunt. Quidam in planicie inferunt, id quod optimum existit. Quod verò in alto inferunt, difficulter coalescit, à ventis agitatum. Si autem necessitas cogat in alto Insitionem facere, propter levitatem existentem in profundo, præparatum palum habeto, cui alliges, quod in alto insitum est, propter ventos. Quidam etiam in hume-

ros trunci infitionem faciunt. Quòd si in Cerasum Vitem inferas, valdè præcoces Uvas habebis. Quo tempore enim Cerasus proprium fructum ferre solet, eodem & Uvas dabit, hoc est Vere. Tempus Infitionis Ver est, glacie jam cessante, quando dum inciditur Vitis, humorem neque multum, neque aquosum, sed crassum & glutinosum remittit. Sarmenta ad Infitionem accipienda sunt rotunda, solida, densis oculis, maximè è brachiis. Sufficiunt autem sarmento oculi duo, aut tres. Si verò terra obruatur, tres aut quatuor. Cæterum ab uno sarmento plures quàm duos furculos secare ad Infitionem non convenit. Quod enim post primos septem oculos superest, sterile & inutile existit. At verò firmiùs coalescent nova sarmenta perisyni sarmenti partem habentia. Neque verò statim, ut ablata sunt à Vite sarmenta, inferemus, sed post sectionem obtectâ plagâ, in dolio deponemus, ne transpirent priusquam tamen germen fundere incipiant, & dum adhuc clausa sint, inferemus. Quæ igitur ad terram ad ipsum Vitis fundum inferimus, firmiùs utique inferentur, elevatâ simul terrâ ad ipsorum enutritionem, verum fructum tardiores reddent, velut alia in terra plantata sarmenta. Quæ verò in altiore parte insita sunt, difficulter coalescent à ventis conquassata: citius tamen fructum producent. Oportet autem ea, quæ in alto inferuntur, esse levìa & plana, crassitudine pollicari: aspretudinem verò à ferra, acutâ falce lævigare expedit. Porro sarmentum, quod inferendum est, ad duorum & dimidii digiti longitudinem ex una parte detrahere oportet, quemadmodum videmus sculptos, & formatos calamos, cum quibus scribimus, ita ut ex una parte medulla appareat illæsa, ex altera verò ipse cortex. Deponendum est autem sarmentum totum, quatenus derasum est, ne, quod inter truncum & sarmentum medium est, hiet, explendumque Calce, aut Argillâ. Prohibebitur enim ita ut humor effluat, & is, qui in ipso est humor, custodietur. Cæterum pars trunci, quæ ad plagam spectat, vinculo liganda est, simplici quidem, sed infraçto, deinde luto glutinoso illinenda. Quidam etiam Bubulum stercus ad lutum admiscent. Quæ igitur hoc modo insita sunt, eorum vinculum aquâ per spongiam irrigamus, sub crepusculum verspertinum in æstatis maximè vigore. Ubi autem jam germi-
nans quatuor digitorum fuerit, ridicam juxta defigere oportet,

tet, & alligare, ut à ventis sit immunis. Quum verò germen auctum fuerit, vinculum falce diffecare convenit, ut à coarctatione liberetur, & humor ex trunco in farmentum distribuatur. At verò Lunâ deficiente farmenta decidere oportet ad insitionem. Ita enim robustiora erunt. Quidam non solum Vere, sed & post Vindemiam Insitionem faciunt. Tunc enim Vitis intensiorem impetum & concitatio-
torem habet. *Florentinus.*

De Insitione per terebrationem.

Optima mihi esse videtur Insitio per terebrationem. Neque enim Vitis, in qua Insitio fit, interim ociosa manet, sed similiter fert fructum: & farmentum coalitum simul au-
gescit, Vite nihil offensâ ex terebratione, neque compressâ ex coarctatione. Fit Insitio per terebrationem hoc modo: Truncum Vitis terebrâ, gallica appellatâ, perforato & præstantioris in proximo sitæ Vitis ramum attractum in foramen immittito, non ab antiqua matre decisum. Sic enim farmentum vivet, tum à veteri parente nutritum, tum Viti, quæ ipsum suscepit, coalitum & concretum. Intra duorum verò annorum spatium unietur. Tunc igitur post cicatricem inductam, farmentum decidere oportet, quod adhuc ex veteri matre detinetur, & truncum Vitis, in quam Insitio facta est, quantum supra terebrationem extat, ferrâ defecare. Et de cætero farmentum insitum principalis Vitis pars existet.

Ut idem Racemus diversos habeat acinos, hoc est, singulares uvas, alios albos, alios nigros, aut fulvos.

Accipienda sunt duo differentia diversi generis farmenta, eaque findenda per medium, cum animadversione, ne in oculos fissura perveniat, neque quicquam de medulla excidat, atque ita alteri alterum jungeré oportet, & adglutinare ut oculi coincidant, & quantum possibile est se mutuò contingant, & duo oculi quasi unus fiat. Inde verò validè constringere farmenta cum papyro oportet, & argillâ integere, aut glutinosissimâ terrâ, atque ita plantare, & interjectis diebus tribus, aut quinque irrigare, usque quo germen producant. *Didymus.*

Vitis ut serotinas uvas proferat.

Racemos qui primùm enati fuerint auferre oportet, rur-
sus

fus enim alii pro ipsis nascentur. Insuper & plantæ multam curam habeto, iterumque racemos producet, hi verò maturi facti ferotini erunt. Eos itaque racemos in vasa fictilia infernè perforata imposito, & supernam partem diligenter contegito, ipsaque vasa ad Vitem alligato, quò à ventis immota permaneant. *Tarentinus.*

Uva ut absque vinaceis generetur.

Uvam absque vinaceis quidam sic faciunt: Sarmenti quod plantaturi sunt tantam partem, quantam terrâ adoperire oportet, leviter ex æquo findunt, & auriscalpro medullam omnem eximunt; deinde papyro humida obligatum sarmentum deponunt. Præstabilius tamen fuerit, totam sarmenti partem, quæ in terram deponitur, Scillæ insertam deponere. Scilla enim tum ad nascendum, tum ad unendum conducit. Alii ipsas vites jam fructiferas incidunt & sarmenti fructiferi medullam auriscalpro eradunt, quantum fieri possibile est, eam ex alto eximentes, sarmento non fisso, velut est indicatum, sed integro dimisso, & Lase-
ris Cyrenaici succum aquâ dissolutum, ad sapæ spissitudinem coctum, infundunt, & erecta sarmenta ad radices alligant, ne videlicet succus effluere possit. Singulis autem deinde octonis diebus succum eundem sarmento infundunt, donec germen emittat. Idem facies & in Punica Malo, ac Ceraso, siquidem & harum poma absque granis ac nucleis nasci velis. *Democritus.*

De Vite Theriaca, & purgatoria.

Quòd ad multa conferat Vitis Theriaca manifestum est, & maximè ad Serpantium plagas. Modum autem quo paratur nunc dicemus. Ramuli Vitis, quem plantare volumus, inferiorem partem findimus ad trium aut quatuor digitorum mensuram, & exemptâ medullâ, Theriacam antidotum in ipsum sarmentum indimûs, deinde papyro obvolutam fissam partem plantamus. Qui diligentiores circa hanc parandam haberi volunt, etiam in radices antidotum diffundunt. Similiter autem & purgatoriam Vitem eodem modo faciemus. Veratrum videlicet in fissum sarmentum subdentes. Verùm nosse oportet, quòd sarmentum à Theriaca Vite ad plantandum acceptum, non eandem vim habet. Elanguescit enim transplantatum, aut translatum & insitum, nimirum antidoto per tempus tran-

spirante. Quapropter convenit antidotum opportunè radicibus illinire. *Florentinus in suis Georgicis.*

Ut Vitis pedunculos aut Erucas non acquirat, neque à glacie affligatur.

Ursino adipe corticem illinito & vitis pedunculos non producet: aut adipe Ursino falces ungito, nemine sciante, quibus videlicet vitem putaturus es, & neque pedunculi, neque glacies vitem injuriâ afficient. Aut falces oleo, in quo Allium contritum sit, illinito. Si verò Erucas, quæ in Rosis reperiuntur, in oleo coxeris, & inde falces illeveris, neque ab alio animalculo, neque à pruina Vitis injuriam perpetietur. Aut adipe Hircino, aut sanguine Ranarum falces ungito. Aut coticulâ cinere cum oleo prælità falces acuito. Vitis sarmenta usta, & vitis lachrymâ permixta, cum vino in mediam vineam deponito, & Vermes non enascentur. *Aphricanus.*

Vites, ut neque à pruina, neque à rubigine lædantur.

Stercus aridum per diversa spatia in vinea deponito, secundum vineti ventum: & ubi incumbentem Pruinam videris, stercus succendito. Fumus inde elatus pruinam dispergit. Quæ verò facilè à pruina aduruntur Vites, tardius putare oportet, quum ad germen fundendum concitantur. Sic enim tardius efflorescent. Quemadmodum igitur & Hippuris Vitis credita est pruinam minùs curare, quòd ut opinor, tardè germinat calido jam Sole existente. Quidam Fabam in vineta feminant, & vites à Pruina illæsas futuras credunt. *Diophanes.*

Adversus pruinam Vitium, Ejusdem.

Si contigerit Vites à Pruina lædi, & manifestum est fructum periisse, incidendæ sunt, & valdè breviter præsecandæ, ut vis earum permaneat. Nam & sequenti anno priorem fructum reddet. Quidam experienciâ in Bithynia edocti affirmant, quòd ubi suspecta fuerit Pruina, conveniet Myricæ quidem maximè, aut si haberi non possit, cujuscunque tandem ligni cinerem in Vineâ diventilare. Sic enim nfidens oculis Vitis cinis illabentem pruinam depellit.

Adversus Rubiginem Vitium.

Simul ut videris Rubiginem in aëre congregari, statim
Bovis

Bovis cornu sinistrum unà cum Bubulo stercore urito, & fumum multum per ambitum arvi, secundum ventum facto, quò ventus omnem fumum ad rubiginem ferat. Disperget enim omne aëris vitium fumus. *Apulejus* tradit trium Cancrorum ustorum cum bubulo stercore aut paleis, aut stercore caprino, fumum sufficienter juvare. *Berytius*.

Ad Vites steriles.

Truncum scalpro, aut ferrâ, aut quod melius est, cuneo quercino findito, & lapidem in fissura indito, ut partes trunci ab invicem disparentur, & in ipsum urinam humanam veterem infundito, ad mensuram heminarum quatuor, ita ut eam sensim omni trunco circumfundas, sic etiam radices inde perfusæ in integrum restituentur. Deinde injice ster-
cus terrâ mixtum. Oportet tamen eos, qui lapidem in truncum imponunt, defodere, & verrere ea, quæ sunt circa radicem. Hanc verò curam Autumno facere opportunum est. *Democritus*.

Ad Vites sideratas.

Sideratas vites cognoscas quidem ex eo quòd folia valdè subrubra habent. Curabis autem, si terebro truncum valdè perforaveris, & per foramen quernum paxillum indideris, aut si parum de radice abruperis, similiterque palum intru-
seris, & terram circumagges-
seris. Atque sic sanè vitem curabis. Alii autem hujusmodi Vites marinâ aquâ rigant: alii & has, & quæ à quocunque instrumento percussæ sunt, Oleo cum Bitumine cocto oblinunt. Alii velut in Bithynia experimento deprehenderunt, quomodo sideratis sit subveniendum, clavo nimirum truncos penetrant. Alii verò urinam humanam trunco, & radicibus affundunt. *Cassianus*.

Ad Vites egrotantes.

Ægrotantem Vitem cinere sarmentitio, aut quercino cum aceto mixto ad truncum consperso, curabis. Valdè prodest & Urina hominis radicibus affusa. Quidam verò ægrotas Vites exscindunt juxta terram, deinde leviter ob-
ruunt terrâ adjacentem, modico stercore ipsi admixto, & quum turiones egerminaverint, debiles quidem extirpant, generosos verò sumunt, & rursus sequenti anno commodiorem ex relictis eligentes, reliquas tollunt. *Demageron*.

Ad Vites lachrymantes.

Vites multam lachrymam emittentes, quantum vix credi

par est, & in totum corpus Vitis non distributum abjiciunt. Falce igitur truncum incidemus, & exulcerabimus, sinu videlicet in ipso facto. Si verò nihil profuerit hoc factum, etiam radicum crassitudinem exsculpemus, aut aliquo modo ulcerabimus, & Amurcâ ad medietatem coctâ, ac perfrigeratâ plagas illinemus, subjectum verò cæsurae oculum foris inungemus, quod multò melius esse experimento constat. *Sotion.*

Ad Vites defluas, quas Rhyadas Græci appellant.

Vites Rhyadas, quæ latinis defluæ sive fluxæ vocari possunt, ex foliis cognoscas subalbidis & subarefactis, sed & sarmentum latum, & instar lori tractile, ac molle habent. Medeberis igitur cinere Aceto acerrimo subacto illinens stirpes, & irrorans, quæ in ambitu sunt trunci. Ipsæ etiam vites cinere liquido facto respergendæ sunt. Quidam verò marinam aquam radicibus affundunt. Alii racemorum summas partes auferre, & impedire studio habent. Vocatæ autem sunt Rhyades fructum non continentes, à defluxu. *Idem.*

Ad Vites fructum putrefaciētes.

Sunt quædam Vites, quæ fructum recens productum putrefaciunt, priusquam racemi connutiantur, & maturescant. Talibus igitur medeberis Portulacæ folio. Alii autem Polentam Portulacæ folio admixtam trunco circumlinunt. Alii Portulacâ dimidiam racemi partem illinunt. Quidam cineris veteris heminas quatuor radicibus injiciunt, aut etiam arenam. *Varro.*

Ad præsciendum, utrum Vini ubertas, & bonitas, aut contra pravitas futura sit.

Acinum, hoc est, uvam particularem de racemo leniter per digitos detrahito. Siquidem igitur quiddam exilierit. ubertatem ostendit. Quidam si multum fermentum provenit, etiam liquidum fructum abundaturum pollicentur. Cæterum vinum bonum & potens futurum conjectamus, si per vernum tempus imbres plures fiant. Idem futurum indicant imbres oborti quum Ervi magnitudinem Uva habet & adhuc acerba existit. At verò quæ ad ipsum vindemiæ tempus oboritur pluvia, non solum aquosum, sed & depravatum vinum ac vappam faciet. *Democritus.*

DE SECRETIS RADICUM.

CAP. VI.

Rapæ ut maximæ fiant.

RAPÆ maximæ evadunt, si profunditate digiti germen eruatur, inde sulcis rariores obruantur, atque terrâ injectâ calcabis. *Cardanus.*

Raphanus ut dulcescat.

Si Raphanos dulces habere cupis, semina mulso, vel passarum Uvarum succo, aut saccharatâ aquâ biduo præmacerare debes, & siccata terræ committere. *Florentinus.*

Raphani ut majores fiant.

Si Raphanos majores fieri peroptas, sublati foliis omnibus, solo caule tenui demisso, terrâ sæpè operies. *Pallad.*

Ad agrestes Pulices Raphanos infestantes.

Quia ab agrestibus Pulicibus infestantur plurimum Raphani, ne illis noceant, remedium est, Ervum interserere. *Theophrastus.*

Allium ut dulcescat.

Allia dulciora fient, si in plantando Olivarum nuclei illis commisceantur, & conferantur: aut fractæ leniter Spicæ, terræ tradantur: vel in pangendo, Olearum fraces adhibeantur. *Sotion.*

Allium ut odoris virus deponat.

Si Allia terræ committantur, & ex eadem eruantur, Lunâ sub horizonte latente, virus odoris exuent, & mandentium halitum nullo modo vitiabunt. *Sotion & Palladius.*

*Tædium halitûs è manducatis Alliis conciliatum
quomodo aboleatur.*

Tædium halitûs à manducatis Alliis conciliatum, aboletur, si cruda faba illis superedatur. Alii Betæ radicem prunis tostam supermanducant. *Didymus.*

Porrum ut ad prodigium usque excrescat.

Si Porri caput acutâ arundine, vel ligneo stylo pupugris, & Raporum, vel Cucumerum semen in foramine oc-

cultaveris, adeò intumescet Porri caput, ut prodigium videatur. *Mizaldus.*

Ad tetrum Porrorum odorem.

Qui Cuminum prægustaverit, fœdum & tetrum Porrorum odorem nunquam exhalabit, etiamsi largâ manu Porrum ipsum manducaverit: nam ejus esu gravis halitus extinguitur. *Sotion.*

Mandragoram fingere.

Factitiam illam, quæ sæpè mulierculis ab impostoribus, & circulatoribus venditur, Bryoniæ radicem habeto ingentem, acutaque scalpri acie fœminam vel virum effingito, adjectis genitalibus, cum absolutam noveris, inguina, vel pilorum loca stylo perforato, ibi Milium, vel aliud condito, quod radículas projiciens, pilos imitetur, breviq̃ue effossâ scrobe, tamdiu ibi finito, quamdiu & cortice quadam fuerit induta, & radículas projecit illa. *Joan. Baptista Porta.*

DE SECRETIS HERBARUM
in genere. CAP. VII.

Herbæ ut à Pulicibus non corrochantur.

O L E R A à Pulicibus non corrochantur, si seminibus ipsorum parum Ervi in seminando admiscueris. Hæc verò vel maximè Raphanis & Rapis conveniens existit. Alii magis naturali auxilio utuntur, Erucam simul ferentes, aut plantantes, & præsertim cum Brassicis. Hæ enim magis à Pulicibus infestantur. *Anatolius.*

Adversus herbarum Erucas.

Cinerem vitigineum per triduum in aquam mittito, & olera inde aspergito. Aut Bitumine & Sulphure vivo olera suffumigato. Similiter non erunt Erucæ, si semen in lixivium cineris ficulnei missum maceraveris, & ita seminaveris. Cæterum Erucæ, quæ jam sunt, perdentur Urinâ, & Amurcâ ex æquo mixtis, & igne fervefactis, deinde refrigeratis, & sic oleribus adspersis. Si verò etiam alterius horti Erucas acceperis, & in aqua cum Anetho coxeris, & refrigeratam aquam oleribus irroraveris, præsentis Erucas perdes. *Anatolius.*

Ad

Ad Herbas juvandas.

Omnia olera in universum juvantur, si Eruca juxta ipsa conferatur. *Fronton.*

Ad Olera disperdenda.

Anserum sterco muriâ dissolutum, oleribus aspergito, Est enim Anserum sterco oleribus nocivum. *Idem.*

DE SECRETIS HERBARUM

in genere. CAP. IIX.

Lactuca ut lata fiat.

IN latitudinem sese diffundet, si vel rarior pangatur, vel cum caulem faciet, eo leniter inciso, glebâ, aut testâ prematur, quò minùs in scapum erumpat. Nam eo pondusculo velut coercita, cum non possit in altum surgere, in latum perreptare, effundi que cogitur. *Mizaldus, Florent. & Columella.*

Lactuca ut fiat candida, & speciosa.

Si Lactucas bonâ specie velis habere, duobus diebus antea, quàm es ablaturus, comas ipsarum, hoc est, supernam partem ligato. Sic enim albæ & speciosæ erunt. Inalbat ipsas etiam arena supernè infusa. *Florentinus.*

Lactuca ut sessilis seu pomata fiat.

Sessilem facies, quæ in caulem pomat, sed convolutis foliis in globum extuberet, vel in orbem circumagatur, (*Pomatam* nostrates nuncupant) si translatae radix, ubi in palmæ altitudinem adoleverit, ablaqueata, bubulo Fimò recenti oblinatur, & congesto aggere irrigetur, dumque ad incrementum venerit erumpens germen, ferri acie præscindatur: & ei fictilis testa non picata, imponatur, ne longitudinis, sed latitudinis augmentum capescat. *Idem.*

Lactuca ut fiat suavis.

Suaviores habebis Lactucas, si coercitis caulibus, restibili pullulatu prodire compuleris. *Idem.*

Lactuca ut fiat odorata.

Odoratae nascentur Lactucæ, si illarum semen in Citri semen imponatur, & ita terræ committatur. Quam rem etiam præstabit lactucarium semen diebus aliquot in aqua odorata maceratum. *Florentinus & Mizaldus.*

Lactu-

Lactuca ut sapore & formâ multiplici fiat.

Caprinum aut ovillum sterco accipito, & quantumvis parvum sit, perforato, & industriè evacuato, semenque Lactucæ, Nasturtii, Ocymi, Erucæ, Raphani aut quæcunque velis in evacuatam partem densè indito, & in profunditatem non minorem duorum palmorum parvorum deponito, stercore tenero ac raro præsubstrato, deinde tenui terrâ aggestâ, sensim aquâ rigato, atque etiam ubi enatum fuerit semen, irrorato, assidue sterco inspergendo, & postquam in caulem excreverit, multò plus diligentiae adhibeto, nasceturque Lactuca cum injectis simul feminibus concreta. Alii duas aut tres caprini aut ovilli stercore pilulas confringunt, & semina ipsis admiscunt, eaque simul in linteolum mittunt, & rigata defodiunt, aliaque item curâ adhibitâ Lactucam multiplicem, & variarum specierum habent. *Didymus.*

Lactucam feminibus multis consitam nasci.

Si Lactucæ folia, quæ juxta radices sunt, evellimus, singulisque gradibus semen condimus, Ocymi scilicet, Erucæ, Nasturtii, & similibus, admixtoque fimo obruimus: enascetur ita ab omnibus coronatus Lactucæ thyrsus. *Joan. Bapt. Porta, ex Palladio.*

Beta ut albidior & major fiat.

Si majores & albidiores facere Betas velis, radices ipsarum fimo Bubulo recenti intege, & quemadmodum in Porro, germen finde, & lapidem latum, aut testam impone. *Sotion.*

Brassica ut fiat sapore & magnitudine insignis.

Brassicam & sapore & magnitudine præcipuam reddes, si omnium primò cum Pastinacâ seras: deinde si terram fugientes cauliculos feces & à terra proceritate luxuriosâ attollentes se, exaggerando aliam accumules: ita ne plus quàm cacumen emineat. Sæpius sarrita, & stercoreata melius convalescit, pleniorisque incrementi cauliculum facit, & cymam. *Mizaldus.*

Apium ut folii latissimi fiat, & crispum.

Magnum evadet Apium, si feminis ejus, quantum tribus digitis apprehendi potest, in panniculum vetustum illigaveris: deinde stercore intectum statim rigaveris. Similiter
ma-

maximum erit Apium, si circumfossis radicibus paleas adjeceris, & rigaveris. Crispum autem erit Apium, si semen ejus priusquam plantetur, in pila leniter tundatur, atque cylindrus ipsi inducatur. *Florentinus.*

Apium hortense ocysissime producere.

Sint semina hornotina, ac æstate ingruente, aceto immerge, sine immorari aliquantisper tepente loco, subinde semina, in solutam terram convolve, cui combustarum fabarum cinerem admisce: ubi verò levi imbre ardentis aquæ irroraveris, etiam crebris irrigationibus panno operi, ne calor evanescat: sic pauculo temporis curriculo, paucis elapsis horis terram discutiet: amove pannum, irriga, & caulis elongabitur, maximamque spectantibus admirationem ingeres. *Joan. Bapt. Porta.*

Asparagi ut in magna copia proveniant.

Si velis Asparagum multum provenire, Arietum sylvestrium cornua tenuissime contusa, fulcis committito, & rigato. Quidam magis præter opinionem tradunt, quòd si integra Arietum cornua non in tenues partes tusa & secta, perforentur, & pangantur, Asparagum producent. *Didymus.*

Asparagi ut toto anno edules inveniantur.

Si velis Asparagum per totum annum habere, cum fructum adimis, statim sarcito in superficie radices. Sic enim tractata planta brevi Asparagum rursus emittet. *Idem.*

Convolvulus in vinea ne fiet.

Convolvulus in vinea ne fiet, Amurcam condito, puram benè facito, in ahenum indito congios duos, postea igne levi coquito, rudiculâ agitato crebrò, usque adeò dum fiat tam crassum, quàm mel. Postea sumito Bituminis tertiarium, & Sulphuris quartarium. Conterito in mortario seorsum utrumque. Postea infriato quàm minutissime in Amurcam calidam, simul rudiculâ misceto, & denuò coquito sub dio. Nam si sub tecto coquas, cum Bitumen & Sulphur additum est, excandescet. Ubi erit tam crassum, quàm viscum, finito refrigescat. Hoc Vitem circum caput, & sub brachia ungito, Convolvulus non nascetur. *M. Cato.*

Gramen

Gramen ne germinet.

Referunt, bidente cupreo extincto in sanguine hirci, gramen erutum, non amplius repullulare. *Cardanus.*

DE SECRETIS FLORUM in genere. CAP. IX.

Flores & fructus temporius adducere.

ELIGE florem, quem vis: nam quod uni convenit, omnibus aliis credendum est convenire. Si autem Rosa fuerit, tempore anticipato circiter Octobrem, calcem inter fictilia vasa in terram serito per cribrum transmissam, eamque pinguiorem mollioremque admixto stercore factam bis quotidie calidâ fovebis aquâ: & si aër vento exagitatus, vel immoderata pluvia erit, in contactam inferes domum, aliàs noctu sub dio relinques. Ubi verò gelicidia, & hybèrni temporis imbres cessavère, atque hinc aëris moderata temperies redit, Solis radiis, si diei permittet apricitas, expones. Cumque primum ver affulserit, & Rosarum calices germinare incipient, calidiore tum aquâ perfundes, jugi enim & lentâ scaturigine gaudent. Sic prima erumpet, quæ erat inter vernos flores novissima. Considerandum præterea, intempestivam fieri germinationem placidâ hyeme, austrove sequente; non horridâ & nivali, uti è Theophrasto elicitur, cum vis generandi, humorque fecundus aggregatur, aliàs per se, aliàs ex parte residua humoris, quò fructus prodierant. *Porta.*

Flores ut vernos aut æstivos ad brumam deferas.

Si florum plantulas cum radicibus, in vinaceis, quibus cortices sunt exempti, sepeliveris, aut in fimo equino identidem reparato, flores pulcherrimos tibi edent sub brumam. *Mizaldus.*

DE SECRETIS FLORUM in specie. CAP. X.

Ut Rosæ vegetæ serventur.

LEGANTUR Rosæ, reliquique flores, non tam fativi, cum jam patefacti perennant; sed flore jam dehiscente, cæsura sic liquidam in picem immergito, & arundine fissâ condantur, ritè picentur, & sub dio obruantur

tur acclivi loco, ne labens aqua pluvia noxam afferat. Vel arundinem jam viridem findito, Rosam vel florem intus condito, & fissuram ut coeat, curato, sic ovans habebis quod optas. Vel sic aliter: Vas fiat quernum, floribus reple, & Rosis, quæ nondum oscitant, benè operculato, & picato, ne intrò fortasse aqua permeet; hinc putei vel cisternæ aquis immergito, vel currentibus, quò minùs putrescant; ibique multum durabunt virides, occlusis. Cum omnes dehiscant velis, pediculum in Malum figito, aut aceto immergito, sicque Soli exponito. *Joan. Bapt. Porta.*

Rosæ ut vegetæ ad annum usque servari possint.

Rosæ vegetas servabis hoc modo. Rec. Vini & Salis q. s. in ollam fundito, post Rosas, quas servare vis, eam impleto: (oportet autem ut colligas Rosas adhuc clausas) ollam operculo obturato, & in cellam reponito. Quibus cum uti voles, eas vase detecto eximito, & ad Solem vel fornacem exponito, ut dehiscant. Habebis autem Rosas tam pulchras & odoratas, quasi recenter essent decerptæ. *Caspar Schwenckfeld.*

Rosa ut odoratiores fiat.

Rosæ odoratiores fiunt, si Allium juxta eas plantaveris: nam quæ ex frigiditate languescunt, calore exacui solent. *Didymus.*

Rosa ut præcox fiat.

Si præcoces Rosas habere velis, duabus palmis in gyrum effodies, & calidâ aquâ mane ac vesperi irrigabis. *Idem.*

Rosa ut omnibus mensibus comparetur.

Si mensibus omnibus Rosam tibi comparaturus es, mensibus omnibus plantare, stercoreare & rigare debes. Verùm id in borealibus Regionibus haberi non potest. *Idem.*

Rosa præcox.

Præcoces Rosæ aliter fiunt, tum in cophinis, tum in fictilibus plantatæ, si eadem curâ tractaveris, quâ præcoces Cucurbitas & Cucumeres suo loco tractari debere dicemus. *Idem.*

Rosæ ut recentes & virides servantur.

Conservabis Rosas recentes, & in vigore, si ipsas in Amurcam

cam immiseris , ita ut liquor eis supernatet. Alii herbidam adhuc Hordei segetem unà cum radicibus avulsam, in dolium non picatum mittunt, & Rosas clausas adhuc imponunt, tegunt, ac conservant. Alii viride Hordeum in pavementum consternunt, & Rosas superinjiciunt. *Idem.*

Rosa ut Januario mense fructum ferat.

Si Rosa in æstate media bis per diem rigetur, Januario eam mense fructum ferre, ait *Democritus.*

Rosa ut tempore Malorum fructum ferat.

Si Rosa cortici Mali inferatur, & inoculetur, tempore Malorum Rosas nasci ait *Florentinus.*

Rosæ ut albæ fiant.

Rosas dum aperiri incipiunt, Sulphure suffimigabis, & candidas, sed & mortuas è vestigio habebis. *Didymus.*

Rosæ & Gelsemini sive Jasmini flores ut flavescant.

Insitione doceamus, quomodo Rosa & Jasminus flavescant: quia Genistæ flos inter cæteros maximè flavus enitet, nos cum Rosa & Jasmino æmulari rem contendimus; & cum Sociatio non sit jugabilis per furculum, vel infoliationem, ideo Rosam juxta Genistam ferimus, hinc eam cum genitali terra transferimus, libentiùs enim flores in sinu parentis, quàm novercæ adolescunt: postea terebramus plantam, cumque plagam purgavimus, ipsam undique abrasam inferimus, luto circumlinimus, & ligamus: mox ubi crescentis trunci vi fuerit coercita, à radice separamus, & supra insitionem truncum rescindimus; sic Rosa non illepidâ venustate flavescet. Ita quoque Jasminum apud nos adeò eleganti, lucentique colore lucet, ut oculorum aciem perstringat, ac undique diversis quibuslibet coloribus delectet, quibus scilicet adaptabitur. *Joan. Bapt. Porta.*

Rosa ut fiat viridis, lutea, & cœrulea.

Nunc perscrutemur, an fieri possit Rosa viridis, lutea, & cœrulea? Id sic exequemur; foris caudicem Rosæ juxta radices, & ramos omnes findimus, & colore ubertim infarcimus, quem si desideramus viridem, Ærugine, si cœruleum Indico, vel Lapide sic dicto, si flavum Croco, priùs tamen in pollinem redactis, inspergimus: præcave tamen,
ne

ne Auripigmenti, vel alterius rei hujusmodi quidquam immisceas, enecat enim virus plantam: mox stercore, & limo bonum quippe nutrimentum afferentibus plantam inficiet.

Ad Rosas, vel Caryophyllos, vario colore brevi tempore tingendos.

Sumito terræ pinguiſſimæ quantum volueris: ſiccetur ad Solem probè, donec in pulverem tenuiſſimum redigi queat, deinde cùm in vas aliquod poſita fuerit, germen aliquod florum arborum implantetur. Verùm cavendum, ne terra aliâ aquâ, quàm ſequentibus madeſiat. Itaque ſi ex albis floribus rubros efficere voles, ſumito ligni Braſilii minutim inciſi quantum ſufficiat, & coquatur in aqua, uſque ad conſumptionem tertiæ vel quartæ partis, & fiet aqua rubra; quâ refrigeratâ terra bis in die, manè ſcilicet & veſperi, paulatim humectetur. Hoc autem tamdiu faciendum, donec creſcere incipiat plantula; nempe per quindecim, aut viginti dies. Quòd ſi virides cupis, ſumito loco Braſilii Spinæ cervinæ acinos maturos: ſi flavos, Spinæ cervinæ acinos immaturos: ſi nigros, Gallas & Vitriolum, & coquantur in aqua, quâ terra, ut jam antea eſt dictum, madeſiat. Cavendum autem ne ſub dio noctu relinquatur, propter rorem, quem facilè imbibit. Verùm undequaque flores non tinguntur, niſi partim naturali, partim eo colore quo inficiuntur, ita ut duobus coloribus immerſi videantur. Quòd ſi tribus coloribus eos tingi voles, manè altera pars terræ aquâ, colore aliquo infectâ, humectetur; veſperi verò altera pars eâdem aquâ: ſequenti verò die, manè, rurfus altera aquâ, alio quodam colore tinctâ madeſiat: deinde altera veſperi, eadem idem ſic, ut manè & veſperi duobus coloribus madeſiat, ſed ita, ut latera varientur: quod fiet, ſi quam tinctam, & manè poſitam, in eodem latere veſperi non ponas, ſed aliam, & ſic planta hæc, unâ cum proprio ſuo colore tres acquirat colores: de qua deinde plurimæ aliæ poſſunt propagari. *Alexius Pedemontanus.*

Betonica coronaria flos, ut in cæruleum commeat.

Intubum, vel Cyanum, ſed melius Intubum erraticum, antiquum, craſſum, & pollicarem excedens latitudinem; radicem tenuis ſecamus, ac per medium ſindimus, ut in ex-

centrifmo, & sobolem floris radice vulsam infigimus, vimine constringimus, ac terram putri fimo circumaggeramus, sic florem pariet, qui cyaneo blandietur colore, quo gratus nil oculis visitur. Sic si Anchusæ radici album aliquem infiges, florem purpureum habebis, inde in puniceum vergentem. *Port.*

Betonica seu Vetonica ut hyeme floreat.

Si ad Calendas Octobris Vetonicæ, Violarum, & similium plantulas cum radicibus, in vinaceis, quibus cortices sint exempti sepeliveris, aut in fimo equino identidem reparato, flores pulcherrimos tibi edent sub brumam: atque ita de Fragis ac Melonibus se res habet. Sed à frigore externo servari debent, plurimum enim cum foetibus emoriuntur. *Cardanus.*

Vetonica ut uno ramo diversos flores emittat.

Vidimus ramum eundem niveum, purpureum, ac vermiculatum florem expromere. Quod culto studio, aut foli commutati ubertate fieri solet. Quanquam multos id affectos vidi, defixis in ovillam, aut caprinam baccam, vel cannulam fragilem, detritumve linteolum, diversis Vetonicæ seminibus arte compositis, & terrâ, ac stercore diligenter opertis. Nam femina illa in unam coalescent radicem, quæ ramos florum varietate illustres emittit. *Mizaldus.*

Unica Violarum planta ut omnium colores referat.

Si omnes omnium colores unam plantulam Violarum referre cupis, singularum semina confusa, in tenuem cannulam, aut detritum linteolum include, & terræ optimè subactæ, ac stercoreatæ, ut fieri solet, immitte. Experimentum mihi sæpenumero probatum, summa cum voluptate, & pari admiratione miraberis. *Idem.*

Lilia ut fiant purpurea.

Si Lilia purpurea facere velis, dum florent, cauliculos ipsorum acceptos decem, aut duodecim simul colligato, & super fumum suspendito: remittunt enim ex caulibus radículas parvas similitudine bulborum. Ubi igitur plantandi tempus affuerit, cauliculos ipsos in fecem Vini nigri immis-

immissos macerato, donec purpurea, & probè tincta appa-
ruerint tibi ipsa distrahenti. Deinde hoc modo illos plan-
tato singulis fece sufficiente affusâ, hinc Lilia producta pur-
purea floreant. *Anatol.*

Lilia rubra ut fiant.

Rubrum Liliū facies, si intra cortices Cinnabarim
fundas, cavendo ne bulbos saucies. Si verò etiam alio
colore ipsa oblinas, cujuscunque coloris volueris Lilia gi-
gnentur. *Florentinus.*

Lilia ut per annum recentia permaneant.

Lilia per totum annum recentia permaneant hoc mo-
do: Auferunt ipsa unâ cum ramulis nondum aperta, sed
adhuc conclusa, imponuntque in vasa fictilia nova non pi-
cata, deinde vasa cooperta reponunt, atque sic recentia
totum annum durant. Si quando autem medio tempore
quis eis uti velit, Soli exponat, quo concalescentia aperien-
tur. Quò verò alio atque alio tempore Lilia florem pro-
ducant, dum bulbos ipsorum plantas, alios in altitudinem
digitorum xij. alios iix. alios v. deponito & diu Lilia habe-
bis. Idem etiam in aliis floribus facere licet. *Anatolius.*

DE SECRETIS FRUCTUUM

in genere. CAP. XI.

Fructus ut habeas præcoces.

UT fructus habeas præcoces, irriga sæpe calidâ aquâ,
Soli expone, stercore columbino, equinoque fove,
aut calce, quæ illam admittunt, ut Cerasia & inu-
tiles ramos sensim ac inutilia quæque præcide. *Cardanus.*

Fructus ut serotinos habeas.

At si ferotina velis, contrariâ ratione ages, in umbra,
& multis operta foliis finito, præcidito jam natos fructus
cum ramis, antequam maturescant; denuò enim flore-
bunt, & alios fructus mittent: quos ut ad maturitatem
deducas, hyeme vasis fictilibus, quæ ex arbore pendeant,
includito. *Idem.*

Fructus ut suaviores odoratioresq; fiant.

Semina vel grana triduo Mulso, lacte Ovillo, vel Aquâ,
Z 2 ubi

ubi Saccharum eliquaveris, quod veteres præstare existimarunt, sunt maceranda, & insolata ponenda, & majorem fructus contrahent suavitatem. Si odoratiores quæris: Semina Nardino oleo, succo vel stillatio Rosarum liquore, aquâ dissolutis in ea Moscho & Zibetho appellatis, ubi aliquantulum madefeceris, jam siccata serito, & suaveolentes fructus, mirâ quidem illius odoris fragrantia delibuti orientur, cujus semina combiberint. Sed si seminum cacumina confringes, pauculo ibi morantur tempore. *Porta ex Florentino.*

Fructus omnes ut augeantur.

Si fructus velis fieri majores: Fictilis olla aquæ plena circa radices obruatur, in ea flos cum ramo sequaci flexu imponatur annexus, néve dimoveatur, arctè ligetur: ollam in terram conjicies, & obteres circa ramum, ne extrinsecus afflet spiritus: sic completis fructibus elapso tempore miræ magnitudinis pomis exuperabit, & majoribus, quam in arbore unquam pependerit, nimiâ corticis crassitie: humorem enim, quem Sol & aër ab eo furripiunt, servat olla, & coercet, surgentesque vapores fructus incrassant, & augescunt.

Fructus ut formam quam voles, assequantur.

Formam quam assequantur desideras, finge in ligno magnitudine fructus perfecti: huic circumpone gypsum aquâ dissolutum crassitudine digiti minimi, bifariam divisam. Siccam hanc figuram (celeriter enim siccatur) auferes à ligno: id facile fiet, si prius lignum oleo illeveris. Detractam hanc formam cavam è gypso bifariamque divisam, fructui crescenti, qui justæ magnitudinis medium excesserit, arctissimè circumligato, demittitoque donec fructus ad justam pervenerit magnitudinem. Habebis fructum formâ eâ, quâ lignum dedolatum erat, liceat & inscribere quæcunque volueris: ut verè dicere possis:

Crescite, & in titulos surgite ritè meos. Cardanus.

Fructus ut vim purgandi nanciscantur.

Si ad radices Helleborum, aut Cucumerem sylvestrem, vel Scammoneam posueris, Pruni aut Cerasi, magis etiam Vitis cum ablaqueatur, fient fructus illarum purgantes. *Cato.*

Fru-

Fructus è diversis compositus , quomodo fiat.

In monstrificis naturæ compositionibus, ac transmutationibus, haudquaquam meliore, quàm Insitionis viâ proceditur. Atque suprà hanc satis laudavimus, longè secus laudaturi posthac, mutuò postquam diversorum complexu indissolubilem unum efficiat nexum, mirandique præbeat rationem: & si Insitiones laboriosas, ac impossibiles aliquis existimabit, facilè convincetur eventu sive effectu laboris. Quin imò ferè impossibiles insitiones solerti emendabis curâ, nec te ab eo rudis agriculæ, & inscii artificis dimoveant dicta in eo, quod demonstratur experientiâ, sed animo volve, quæ à priscis memoriæ prodita sunt, v. gr. Ficum Platano inferi, & Moro, Morum Castaneæ, Terebintho, & albæ Populo, inde alba nasci Mora: Castaneas Nuci & Quercui. Punicam variis gaudere adulteriis, & omnibus immisceri lætatur; Cerasum Persico, & Terebintho; sicut vicissim Ceraso Terebinthum, & Persicum. Cotonea oxyacanthæ: Vitem in Oleâ fructus dare, & Elæostaphylos appellari, quos *Olivam* latinè dicimus: Talem Florentinus se apud Marium Maximum vidisse perhibet, fructum gustâsse, & æstimâsse, quòd verè Acinum & Olei baccam simul gustaret. Myrtum Salici insertam, & Punica quoque retulisse mala ferunt, & cæteris, quas intueri par est, longè tamen nostris difficiliiores: & tandem omne genus furculi omnibus arboribus inferi posse autumat *Columella*, docetque. Hinc omnis fructuum compositio, hinc omnis eorum adoptatio, hinc insueti subinde producuntur per naturam arte mutatam fructus. *Joan. Bapt. Porta.*

Fructus crescentes ut figuras omnes, vel impressiones sumant.

Si Humanum caput, Equinum, aliorumve animalium mentiri affectas, magnitudine perfecti fructûs Argillâ, Gypso molli, ac siccescente formabis, & styli acie findito, ut archetypum ejicias, & iterum possit aptè conjungi. Si lignea erit persona, sit intus excavata, si ex argilla, ubi torrueris, & fructus validi sint incrementi, fictilibus typis (aperto loco, quâ petiolus intromittitur) claudantur, ac forti ligentur vimine, ne pomi auctu aperiantur, idque ab ipsis eorum incunabulis, & in eam adolescere, ubi impetraveris,

ris, & ad debitam fructus fuerit restitutus magnitudinem, figurâs, & effigies dabit, quas effingere placuit, valetque id maximè in Cucurbitis, Piris, Struthiis, ut placebat *Democrito*, Citreis, punicis, & Malis infanis. Ex *Quintiliorum* placitis scriptum video: si arundine in longum fissâ excavabimus internodia, in ea nuper Cucumeris, vel oblongæ Cucurbitæ partus editi includantur, improbo crescens auctu, arundinem implebit, in oblongam, & teretem figuram nimirum protensus. Quòd si inter duos discos compressam apposueris Cucurbitam, in orbem planum excrefcit, & maximè figuras præstat omnes, quibus cogitur. Si in vitilem vaginam, postquam defloruerit, conjeceris revolutam ostendet anguis figuram. *Joan. Bapt. Porta ex Apbriano & aliis priscis.*

Fructus quomodo exos, & enucleatus evadat.

Vetus est Philosophorum dictum, præcipuè qui selecta agriculturæ præcepta tradidere, si inferendis furculis, vel vivis radicibus medullam auriscalpro, vel osseo abstuleris cultro, fructum exossem, ac sine ligneis nucleorum putaminibus proditurum, siquidem altrix ipsa, ac parens est ossæ substantiæ. Arcades autem huic refragantur opinioni; omnis enim, ajunt, arbor, cui aliquatenus demta est, vivit: sed omninò si medulla subtrahatur, non solùm non enucleatos fructus protuberare, sed vitâ viduari, ac exarescere penitus necesse est, ratione hac suffulti, cum pars illa humidissima, maximeque vitalis sit: alimentum enim quod à solo ministratur, transcurrit, dum ad omne alimentum viventis, quasi quædam anima, per trunci medullam, veluti per siphonem hauritur: id monstrat materies expers medullæ, quæ recurvatur, & in orbem redigitur, usquequò omninò resiccetur: idque prisci pertinaciter reformidârunt. Nobis autem, quos *Theophrasti* veritatis & experientiæ commovent placita, multum erit usui, nec parum commoditatis affert. *Idem.*

DE SECRETIS FRUCTUUM in specie. CAP. XII.

Poma ut in vigore diu maneant.

PRÆCOCIA Pyra, Mala, Cotonea, sed mustea spernenda,

da, Ficus, Tuberes, & Zizipha, cum suis frondibus legito, omnia immatura, non tamen percruda, caduca sunt separanda, undique diligenter inspiciendo sintne integra, nec manibus quassentur, incisos eorum tenaces calidâ cures amburi pice, parum tangendo: nam facilius principium putrefactionis exhiberent, inde cannabi stupave involvendo, ferventi cerâ circumline, & circumlita melle demergantur, ut sint omnia submersa, & separata custodi, ne simul commisceas, ne se mutuò contingant: alterum enim ab altero corrumpitur operculo imposito, operculatumque vas pellicolato, & per annum viridia semper habebis: & sic omne pomum in melle servari potest, quod in vetustatem reponitur. *Joan. Bapt. Porta.*

Mala ut diu conserventur.

Mala in multum tempus durant, si in vigore sunt decerpta, id quod manu faciendum est, & cautè, ne quassentur, singula verò in algas, hoc est, maris muscum, seorsim involvantur, ut undiquaque sint cooperta, & imponantur in ollas crudas, apponantur etiam algæ unâ cum lignis Malorum, ut se mutuò non contingant: deinde ollis opercula obdantur, & deponantur in loco sublimi perfrigerato, extra fumum, & omnem graveolentiam. Si algæ non sint, in valde minutas ollulas crudas singula mala indantur & addito operculo reponantur. Quidam terrâ figulinâ singula mala oblinunt, siccant & reponunt. Servantur etiam integra mala, substratis ipsis nucum foliis. Melius autem feceris, si singula mala in folia nucis involuta reposueris. Conservabis etiam Mala, si in ollas intrinsecus inceratas reposueris, & diligenter ipsas cooperueris. Imputrida perdurant Mala, si in Hordeum immittantur. Conservabis eadem & hoc modo: Accipe vas fictile non picatum in fundo perforatum, idque Malis manu decerptis, incolumibus, non inveteratis exple, & vas Myacanthâ, aut aliquo alio securè obtura, & in quacunque arbore suspende & per totam hyemem sine, & talia permanebunt, qualia sunt injecta. Quod ipsum etiam experientiâ condidici. Servantur etiam Mala sic: unumquodque Malum ficulneis foliis siccis involvito, inde luto vel argillâ albâ tege, & perfrigerata in Sole repone. Permanent etiam conservata à vini fece, & ipsum quoque Vinum conservabunt omnium

miraculo. Sed in ollam novam immiffa, & olla in dolium vini immerfa, ita ut ei innatet, & dolium oblinatur, recentia erunt Mala, & Vinum ipfum odoratum. Quin & in finuofas capfas componuntur cum tomentis puris, & confervantur. Hyemalia Mala optimè in feminibus fervantur. *Apulejus.*

Mala quomodo fervanda & reponenda.

Mala circa autumnale æquinoctium funt legenda pro cœli, foli, & arboris cujufque naturâ, nec ante xv. Lunam, ut fcribit *Plinius*: idque cautâ manu, ne contufione, aut vulnere aliquo lædantur, feparatis cadivis, putrefcentibus, ac vermiculofis, à præftantibus & generofis. Servabuntur optimè tabulatis extra fumum, & graveolentiam in loco frigido, & feptentrionalibus feneftris aperto: quæ fereno die patentes lucem accipere debent, exclusis auftris: nam aquilonibus multò nocentiores fructibus effe folent: à quibus poma quæque rugis deturpari certum eft. Servantur præterea in frigido & arido loco fupra paleas, ut fcribit *Varro*. Ideò qui oporothecas faciunt, ad aquilonem, ut feneftras habeant, & aëre perfientur fumme curare debent. *Mizaldus.*

Poma ut in arbore diu immorentur.

Ramulos intorqueri jube, ne maturefcens humor in ipfa dilabatur, ea incolumbia fervabuntur contra æftiva caloris blandimenta: tali maxime pacto Punica fervantur, ne hiantia difperdantur. *Joan. Bapt. Porta.*

Poma ut imaginem quamvis referant.

Gypfo, aut figulari luto, quamcunque voles inſculptam imaginem tege: & in duas partes apto inftrumento, eâ induſtriâ feca, ut iterum illæ ritè conjungi poſſint ac committi. Deinde in figulina excoque: cumque Malum, ad dimidium peculiaris incrementi pervenerit, hiſce formulis include, validisque vinculis firmiter obſtringe, ne fictiles typi divellantur incremento obvoluti Mali. Quod ubi capacitatem illorum expleverit, tales animalium figuras repræſentabit, quorum & habitum & imaginem ibidem mentiri viſum tibi fuit. Quæ res in effingendis Malis non ſolum locum habebit, fed etiam in Pyris, Cotoneis, Perſicis, Citriis, Punicis, Aurantiis, & reliquis pomorum generibus. *Mizaldus ex Apbricano.*

Malis

Malis lineamenta imprimere.

Si ex cocto gypso, ac liquidiore aquâ redacto, supra Mali cortices, notas graphio descripseris, cum ad debitam ipsa creverint crassitiem, atque decerpseris, graphidis vestigia depressa extabunt ac refricata nobis erunt perspicua. *Joan. Bapt. Porta.*

Mala ut fiant dulcia.

Si dulcia fieri desideras, stercus caprinum urinâ humanâ dissolutum cum veteris vini fece, radicibus infunde. *Mizaldus.*

Mala ne putrescant.

Si imputrida mala habere voles, felle viridis Lacertæ inungatur caudex: erit & hoc adversus Formicas remedium præstantissimum. *Idem.*

Mala ne caduca evadant.

Si caduca fuerint mala, fissæ radici lapis impactus, illa retinebit. *Apbricanus.*

Mala ut fiant rubra.

Arbor urinâ rigetur, & rubescet fructus. Quidam verò malorum fructus hoc modo rubicundos efficiunt. Palos in terram depangunt, & incurvatos ramos, qui fructum habent, citra conquassationem palis religant, & scrobes in propinquo ipsorum, aut alia vasa aquâ implent, conjectatione factâ, ut in meridie Solis splendor in aquam illa-bens, calidumque vaporem remittens, & per refractionem in fructum incidens, coloris bonitatem, & rubedinem operetur. Quidam rosas seminant sub plantas, hoc modo fructus rubicundos efficientes. *Berytius.*

Poma ut fiant rubra, Aliter.

Si Citri Mali vel Pyri furculum rubro inferamus Moro, inde enata rubra dabunt Poma. Sic Rhodacena insigni calore sanguinea ex Mori insitu evenisse constat. *Porta.*

Pyra quomodo fiant rubicunda, & effigiata.

Pyrus Moro insita, rubicunda Pyra feret, ut tradit *Tarentinus*. Modum effigiandi Pyri, in quas volueris formas, requires supra ex Pomis.

Pyra quomodo legenda, & custodienda.

Legenda sunt Pyra eo modo, quo Mala, eaque methodo,

nimirum die sereno, & blandâ manu, ne vulnerentur, caducis & vitiatis, à sanis & integris seclufis decrefcente Lunâ, & vegeto Solis calore. Quod ubi factum erit, in picato vafe diligenter includentur: cujus os deorfum reclinabitur: atque brevi fcorbe eo loco obruetur circa quem perennis aqua decurrit. Alii optimè fervari affirmant, fi ilitis pice furculis vel pediculis fuspendantur. Alii Sapâ, vel Paffo, aut dulci Vino merfa, vafis plenis custodiunt. Sunt qui inter fcorbes obruant. Plerique ficcatis frondibus juglandis involuta reponunt. Nonnulli in vinaceis difcreta, ne fe contingant, fepeliunt. Rustici inter paleas, aut frumenta fervant. Alii ftatim lecta cum tenacibus fuis picatis urceis condunt, & oribus vasculorum gypfo, vel pice claufis, fub dio obruta, fabulove tegunt. Servantur omnium optimè, ut reliqui fructus, Melle, modò fe non contingant. *Mizaldus ex Democrito & Palladio.*

Cotonea quomodo fiant effigiata.

Mala cotonea animalium fpeciem præ fe ferent, fi in formas typorum indita augefcere ipsis permiferis. *Democritus.*

Cotonea quomodo legenda, & confervanda.

Imprimis Cotonea mala quàm maturiffima & integerri-
ma, fine macula, fereno cœlo, ac decrefcente Lunâ col-
ligere debes: & in lagena nova, quæ fit patentiffimi oris,
deterfa, quâ canefcunt lanugine latè ac leniter compone-
re, ne collidi poffint. Deinde cùm ad fauces ufque fuerint
composita, vimineis furculis, aut circulis fic erunt arctan-
da, ut modicè premantur, ne cùm humore fuerint imbu-
ta, fuffollantur. Tum quàm optimo, & liquidiffimo Melle
vas ufque ad fummum ita replebitur, ut Pomum quodvis
ibi fubmerfum videatur. Sed fummoperè tibi cavendum
erit, ne immaturum illud & crudum reponas, alioquin ita
indurefcet, ut ufui effe non poffit. Audio nonnullos Coto-
nea offeo aut ligneo cultro (quod ferrum metuunt) ape-
rire priusquam Melli fervanda committant: adhæc femina
eximere, à quibus Pomum vitiari putant. Res ridenda
potius quàm audienda. Alii lecta Cotonea doliis musti ad
fecem ufque mergebant atque ita claudebant, vinum hinc
odoratius reddi promittentes. Alii in novam ollam dolio
vini innatantem illa recondunt, & dolium oblinunt. Sunt
qui

qui foliis Fici obvoluta custodiant. Plerique stupis, tomentove mundo vestita, in cistis concinnant, & disponunt. Multi in scrobe, vel Miliò, Hordeo, aut Avena longo tempore incorrupta servant. Sed in domo nec sunt condenda, nec reponenda, ubi reliqui fructus fugaces, vel alii quoque tenelli custodiri solent. Nam illos suo acerri-
mo odore vitiant, ac labefactant. Non desunt, qui Ficis, aut Nucis foliis involuta servant. Alii Cretâ figulinâ illi-
nunt, siccataque in Sole, suspendunt, & dum usus postulaverit Cretam deluunt. Plerique arculis ligneis separa-
tim includunt, & in tabulato siccissimo, ac frigidissimo loco, ubi neque fumus, neque teter sit odor, collocant: ita ut flosculi sursum, pediculi verò deorsum spectent, nec alterum ab altero corrumpatur: deinde scobe populneâ vel abiegnâ interpositâ, luto paleato opercula munita superpo-
nunt, ne introire possit spiritus. *Mizaldus ex Democrito, Catone, Varrone, Columella, Palladio & Plinio.*

Pruna ut sine officulis nascantur.

Prunum absque officulis tibi comparabis, si tenellam arborem ad binos pedes recisam usque ad radicem findas, abrasâque & excavatâ scalpro utriusque partis medullâ, confestim sejunctas partes vinculo constringas, superioremque partem ac divisuras laterum fimo, vel argillâ, cerâve obducas, & chartâ madidâ munias: elapso anno obfirmatâ cicatrice omnia coaluisse perspicies. Hanc deinde arborem furculis, qui fructum non tulerunt inferes, & sine officulis Poma proferet: sive illa fuerint Pruna, sive Cerasia, Persica, Mespila, Palmulæ, lapidosave Corna. *Idem.*

Cerasia quomodo officulis carentia fiant.

Si exossata habere cupis Cerasia, teneram adhuc arborem ad binos pedes recides, & usque ad radices findes, abrasâque ferro partis utriusque medullâ, illicò sejunctas partes vinculo perstringes: & summitatem ac divisuras laterum fimo oblines: post annum ductâ cicatrice dum divortia coalescent: eidem arbori furculos, qui adhuc fructum non tulerunt, inferes, & hinc sine ossibus Cerasia recipies. *Idem.*

Mora ut fiant alba.

Mora ipsa si alba reddere optabis, in albam inferantur
Popu-

Populum , vel inoculentur , & albescentia dabunt Poma. *Berytius.*

Mora ut reponenda , & servanda.

Mora in vitreo vase diligenter condita plurimo tempore durant, proprio ipsorum juscule, & vino demersa, ac diligenter operata: modò non fuerint nimium matura, vieta, & flaccida seu languida. *Idem.*

Persica ut inscripta & figurata nascantur.

Persica inscripta sic faciemus. Postquàm Persici fructum comederis, officulum ad dies duos sive tres aquâ macerato, & leniter aperito, & repertam intra os amygdalam sive nucleum accipito, in ejusque cortice stylo æreo inscripto, quicquid tandem libuerit, non profundè, deinde papyro involutum plantato. Quicquid sanè in amygdalâ inscripseris, hoc ipsum dein in fructu reperiēs. Quidam etiam hoc ipsum in verâ amygdalâ faciunt eodem successu. *Democr.*

Persica ut fiant rubra.

Rubra facies Persica Rosis sub ipsas plantas confitis. Facies & juxta alium modum rubicundum fructum. Si enim obrutum Persici os post dies septem detexeris. In his enim diebus sua sponte aperitur, & Cinnabarim intra officulum infuderis, & hoc ipsum rursus obrutum curâ & diligentia dignatus fueris, inde rubra Persica habebis. Fortassis etiam alium colorem si infundere libuerit, eundem quoque similiter fructui affricabis. *Idem.*

Persica ut fiant miræ magnitudinis.

Ut Persica miræ magnitudinis tibi compares, Amygdalas item & nuces, & similia, accipies tres, vel quatuor nucleos ex illis, quos ita coaptabis, ut corpus unum constituere videantur. Hos junctos, & si opus fuerit, colligatos, in vas aliquod terrâ stercoreatâ plenum immittes, plantabis, ac sepelies: sed ita ut vas illud foramen habeat in operculo, per quod nucleorum germen exire cogatur. Sic fiet, ut nuclei illi in unam coalescant arborem, quæ suo tempore fructus eximiæ magnitudinis ac pulchritudinis edet ac profert. Sunt qui nucleos non in vas, sed fistulam, aut tubulum terrâ saturatum mittant. Sed id multò leviùs & faciliùs tibi
si com-

si comparare studes, diligenter interlegenda erunt Persica illa, quæ parva & languida apparebunt, nimiaque ubertate matrem onerabunt: ut arboris succus ad reliquorum nutrimenta convertatur. Sic enim salivæ copia in pauciores foetus se conferens, illos altili faginabit incremento, ac majores reddet. *Mizaldus.*

Persica ut sine osse producantur.

Perficum sine osse producere possumus, novo insitionis modo. Circa Salicem Persici plantam ferimus, loco riguo, humido, & superfoetante: sin minus aquationibus adjuva, ut lignum turgescat, & sibi, & advenis furculis succum porrigat superfluentem. Si salix brachii magnitudine in medio terebretur, Persici capite relicto, ramos omnes amputabimus, ac per foramen saligni trunci inducimus: foramen luto diligenter operimus, ac vinculis astringimus: anno subinde elapso, ubi jam cohæserunt, ut è duabus arboribus una fiat, quantum mox prominet supra terebrationem, & compagem, ressecamus, ne eò feratur alimentum: & ab Insitionis coalitu succus avocetur, & arbos alia gravata stirpe adaptatis frugibus incurvetur. Vel capite salicis in terram demerso, in arcûs similitudinem flectatur, & coalitis Persica malus succiditur, transfertur, & in terra exaggeratur, sic Persicus Salici nupta, & maritata mirâ jucunditate sine ossibus fructus pariet. *Joan. Bapt. Porta.*

Persica ut sine osse proveniant, aliter.

Truncum arboris infernè perforabis, & medullâ excisâ, Salicis aut Corni paxillum impinges. *Aphricanus.*

Nux ne lignosum fructum progignat.

Si prædorum & lignosum fructum nux progignat, cortex in orbem vulnerandus erit, ut noxii humoris vitium deducatur. Alii radicum summa præcidunt. Plerique terebratæ radici buxum cuneum imponunt, aut cupreum, ferreumve clavum. *Mizaldus.*

Nuces ut absque putaminibus gignantur.

Nuces nudas sine putaminibus facies, si contractâ nucis testâ, internoque nucleo illæso conservato, ei ipsi lanam, aut recentia vitis seu platani folia, ne nudus existens fructus à formicis corrodat, circumdederis & sic plantaveris. *Idem*

Idem in Amygdala *Florentinus* tradit, si cinis assidue trunco & radicibus circumfundatur. Imò & in reliquis fructuum generibus, quæ testam forinsecus habent, si juxta eundem modum fuerint plantati. *Apfricanus*.

Aliter.

Loco, quo Juglandem plantare destinaveris scrobem defodito, & pulveratam imposito terram, ac Ferulæ semen pangito: cum enata increverit, aperi, & in ejus medullam nudum Nucis nucleum cælato, & sic habebis longo tempore præoptatos fructus. Sic possumus & Tarentinam efficere, alii *Molusca* vocant: Nam & Tarentinam dicunt, quæ est molli ac fragili putamine, ac manibus attrectata facile frangitur. Hanc lixivio per annum sæpè irriga, & cinerem radicibus injice, ut prodidit *Damageron*. Et arborem quoque penitus perforando, duras & masculas nuces friabiles facies. Sic de Avellana nuce, & Amygdala, antequam florem protruserint ablaqueatis radicibus, per dies aliquot calida infundetur aqua, & teneras dabunt Noces, ut *Africanus* ait: fit priori modo, ut nudum nucleum, & friabilem testam afferat, ut non putamine, sed verius integatur cute adeò tenellâ, ut simul mandatur, & tandem de fructibus omnibus qui testâ integuntur. *Joan. Bapt. Porta*.

Amygdalæ amaræ ut fiant dulces.

Dulces autem facies amarulentas Amygdalas antea, si perforato trunco in quadrangulo palmi parvi altitudine lachrymam quotannis effluere sinas, donec dulcescant. Quidam melius faciunt, & circumfodiunt, suillum sterco apponentes, & urinam affundentes, deinde aggestâ terrâ rigant singulis annis, donec dulces fiant. Omnis autem truncus Amygdali excisus fructum abjicit. Teneram verò & dulcem ex dura, & amara facies, si truncum usque ad radices in superficie existentes nudaveris, & aquâ calidâ assidue rigaveris, antequam flores emittant. *Apfricanus*.

Amygdalæ inscriptæ ut fiant.

Amygdalæ testam industriè confringito, ita ut internum nucleum integrum conserves, apertâque testâ in nucleum quicquid libuerit, scribito, rursusque colligatam papyro plantato, lutoque circumlitam ac intactam stercore suillo aggesto obruito. *Idem*.

Puni-

Punica mala ne hient.

Dum Punicam Malum plantas, Tilices in scrobem præmitte. Si verò priùs plantatæ fuerint, Scillas juxta plantato. Hæ enim contrarietate naturali ipsa Mala hiare non permittunt. Similiter autem si secundum caput plantatæ fuerint, non hiant. *Aphricanus.*

Punica mala ut dulcescant.

Radices arboris circumfodito, & sterco Suillum aggerito, & superingesta terra, cum Urina hominis rigato. Vel Mala sic dulciorem efficiunt fructum, si Urinâ assidue, Caprino stercore, & Vini veteris fece radices plantæ rigaveris. *Paxamus, & Anatolius.*

Malum punicum, ut sine granis facias.

Si exemeris quemadmodum in Uva, conspicuam medullæ partem, & fissum lignum obruas, & post tempus recideris supereminentem Plantæ partem, quæ jam germen emisit, fructum ipsum sine granis Punica Malus producet. *Aphricanus.*

Punica mala, ut fiant rubicundiora.

Si Punicum malum rubicundius efficere velis, plantam aquâ cum lixivio balnearum permixtâ rigabis. *Idem.*

Ut sciatur, quot grana habeat Malum punicum.

Unum punicum Malum aperias, & numeres grana, & quot in ipso grana reperiens, tot in singulis esse judica. *Idem.*

Punici mali acinos augere.

Punici mali acinos augere sic possumus, ut nimio videantur mirabiles incremento. Punicam juxta Cornum fedito, Cornique truncum terebrato, ac per foramen immitto Punicam: ubi autem trimatum expleverit, è radicibus separabis, inde Cornum juxta coalitum ressecabis, ne advenæ arbori succum adimat, & evocare possit, ut ne cui magis, quàm insito serviat: sic enim fructum præbebit, cujus acini Corni fructus æmulabuntur, saporeque insignes, ut speciosiores videri nequeant. *Porta.*

Punica quomodo in miram magnitudinem excrescant.

Tradunt, in miram magnitudinem Punica mala protuberare, si olla fictilis circa arborem ita aptetur, ut ramus cum flore in illa claudatur, ad palum, ne resiliat, alligatus, ipsaque olla contra aquarum incursus operata mu-

ta muniatur: nam suo tempore poma ejusdem magnitudinis quâ fuerit, opportunè reddet: imò verò ad illius rei figuram efformata, quam ollæ aut vasculo imprefferis. *Mizaldus ex Gargilio Martiali.*

Punica, ut in arbore servantur viridia.

Cùm matura fuerint Punica, antequam rumpantur, petioli, quibus dependent sunt intorquendi, toto anno viridia in arbore servantur. *Pallad. & Plin.*

Punicorum multitudo quomodo comparetur.

Punicorum multitudo comparabitur, si Tithymali & Portulacæ succus æqualiter mistus, trunco arboris, antequam germinet, illinatur. *Palladius.*

Punicorum acini, ut candidi fiant.

Candidi fient Punicorum acini, si argillæ & cretæ miscueris quartam gypsi partem, & toto triennio hoc genus terræ radicibus insperferis. *Gargilius Mart.*

Punica ut ad hybernos usus servantur.

Punica ad hybernos usus servabuntur, si leni manu decerpseris, ne tactu asperiore vitientur, aut vulnus sentiant, deinde pediculis in coctam & liquidam picem demerferis, refrigerata ex ordine suspenderis. Sunt qui tota in picem mergant, & ubi refrixerint, suspendant. Item si integra collecta in aqua marina, vel fervente muria tamdiu demergantur, ut liquorem combibant, & madscent: deinde Sole triduo resiccentur (sed ita ut nocte sub dio non maneant) postea loco frigido suspenduntur: cum volueris uti, aquâ dulci macerabis. Alii argillâ, vel figulari cretâ induunt, siccata, loco frigido suspendunt: atque cum usus exegerit, in aquam demittunt, & cretam resolvunt. Alii fœno, vel culmo singula involvunt, & insuper luto paleato crassè linunt: atque ita majoribus ramis alligant, ne vento commoveantur. Alii in siccam arenam distincta, & secreta deponunt: aut in frumentario acervo ad umbram, donec rugosa fiunt, diligenter condunt. *Mizaldus ex Berytio, & aliis.*

Malum citrium, ut effigiatum nascatur.

Citrii fructum simulachri formam reddere facies, vel humanæ faciei, vel alterius animalis, hoc modo. Gypso aut luto quicquid voles integis, perfrigeratum in duas par-

partes instrumento quopiam acuto fecas, ita ut anterior, & posterior pars coaptari & committi queant, indeque ficcatum in figulina torres. Quum verò fructus ad dimidiam partem sui augmenti pervenerit, formas illas circumdatas vinculis diligenter munies, ne ab augmento ejus, quod circumdatum est, divellatur, & suscipiet omnino circumdatas formas. *Aphricanus.*

Citria quomodo fiant rubra, & medium illorum dulce.

Si rubra Citri poma voles efficere, furculum Moro inferito, & rubrum pomum dabit. Medium pomi dulce fiet, ut tradit *Palladius*, si truncus obliquo foramine ab imo terebretur, ut alterâ parte non exeat: sic humor effluere permittetur, donec poma formentur: mox foramen luto replendum erit. Idem fieri affirmat, si femina, priusquam ponantur, ovillo lacte, aut mellitâ vel saccharatâ aquâ maduerint. *Mizaldus.*

Citria mala quomodo conservanda.

Si Citri fructum gypso subactò probè illeveris, illæsum, & per totum annum integrum conservabis. Citria in Hordeo occultata, & obruta non putrescunt. *Sotion.*

Citria mala ut per totum annum habeas.

Citria si toto vis habere anno, eum servabis morem, qui in Assyria peculiaris, multisque etiam locis frequens est. Quum legendi tempus aderit, partem à genitali rescindes stirpe, & luxuriam ferro corripies: partem relinques, qua parte strinxeris genuina arboris ferocitate, alia substituet, eisque adultis, poterunt & priora illa decerpi, atque nova foetura invitari. *Porta.*

Ficus ut inscriptæ fiant.

Oculum Fici, quem infoliaturus es, inscribito, quomodo-cunque velis, & Ficus inscriptæ germinabunt. *Democritus.*

Ficus quomodo fiant præcoces.

Maturefcent Ficus ante tempus, si Columbæ stercus & Piper, & Oleum juxta adjeceris. *Idem.*

Ficus ut fiant purgatorie.

Quum Ficum plantas, ad summas radices Veratrum nigrum contusum simul cum Tithymalo mittes, & habebis Ficus ventrem emollientes. *Idem.*

Ficus quomodo æquè alba, & nigra fiat.

Diversa farmenta accipito, & prius colligatos ramos ejusdem temporis ac ætatis existentes, in scrobe deponito, stercoretoque & rigato. Cum verò germinaverint, rursus utrosque oculos in idem colligato, quò in unum truncum coalescant, & post duos annos, si ita visum fuerit, transplantato, & gemini coloris Ficus habebis. Quidam majori securitate idem faciunt hoc modo: Duorum ficorum diverforum semina sive grana linteolo illigata plantant, & transplantant. *Leontius.*

Carica ut durent.

Ad multum tempus bonæ perdurant, si in sportis in clibano suspendantur, ubi panis est extractus, & in fictile novum non picatum indantur. Oportet autem Ficus decerpere unà cum fundo & pediculo, ex quo dependet, & muriam cum Oleo fervefactam in Sole irrorare, & in vas mittere, idque luto oblinere. Noctem tamen unam antea rori exponere, & postea vasi committere. *Paxamus.*

Ficus ut virides servantur.

Ficus servari possunt virides, si in melle ita disponantur, ut neque se invicem, neque vas contingant: quod operculo diligenter tegi debet. Idem continget, si singulæ intra cucurbitam viridem claudantur, loculis unicuique cavatis, & suspensâ in umbroso loco cucurbitâ, ubi nec ignis, nec fumus inspiret. Verum cum petiolis legi debent: nam sic diutius integræ durant. *Apbricanus & Palladius.*

Olivæ ut dulcescant.

Accipe Cineris quercini sextarium unum: Calcis vivæ recentis tertiam sextarii partem, misceantur benè, addendo aliquantulum aquæ ut humectentur nonnihil, coeantque in unum: deinde cum sic per horas duas relictum fuerit, in vas aliquod ligneum cum foramine in fundo ponatur, subigendo benè, & superinfundendo fitulas tres, vel quatuor aquæ, & per foramen coletur lixivium. Quòd si ad duas fitulas non pervenerit lixivium, alias duas aquæ superinfundito, ut duas lixivii colligere queas. Quibus sic se habentibus, olivas virides recentes, & incorruptas sumito: deinde cum lixivio tamdiu, donec fundum petant, vel dentibus caro ab ossibus flavis secernatur, in aquam frigidam injicito, mutando aquam ter quaterve. Caven-
dum

dum omnino, ne absque aqua remaneant: quoniam subito nigrescunt, coloremque illum suum nativum cum sapore amittunt. Præter naturam enim videtur, atque idcirco jucundissimum est videre, ut tam folia, quam fructus, naturalem colorem conservent. Cæterum per tres aut quatuor dies in aqua recenti sinendæ sunt. Quod si autem aqua quotidie quater, aut quinquies mutetur, biduo dulces evadent, ita ut cum sale & aceto ediqueant. His peractis, muria erit superinfundenda, & sic quoque bidui spatio esui erunt aptæ. Verum hoc notandum, Olivas, quæ aquam non tetigerint, pelliculam tenuiorem obtinere, esuique jucundiores esse. Si verò tetigerint, diutius erunt macerandæ, nec tamen unquam adeò erunt delicatæ, propterea quod pelliculam sive corticem habebunt asperiores, etiam si virides pulchræque existant. Porro aliter etiam Olivæ parari possunt: Olivæ siccæ, aquam nunquam ingressæ, in muriam per mensem unum ponantur: deinde in aliam per dies xv. vel xx. postea rursus in aliam efficaciorẽ, & erunt dulces: sed modus hujusmodi rarus est. *Alexius.*

DE SECRETIS FRUTICUM.

CAP. XIII.

Uvas Vere producere.

SI verno tempore Cerasum arborem suos gerere fructus conspicimus, nos tunc Uvas optamus, sic non deerit copia, uti è *Tarentini & Pamphili* elicitur dictis. Quando ab iis gummi effluere desiit, ne putrescat, & vermicultetur, emuscari jube lanuginem quandam, quæ obvalat arborem: officiet enim insitis multum. Sit Insitio, quam *Emphyllismon* vocant: sic enim facilius coalescit: Arboris inde cortex relaxetur, & tenuis, & validus cuneus inter lignum & librum adigatur, sed sensim levi manûs libramento, ne corticis fascia lædatur, cuneo subducto furculus præacutus nigræ, & feracis vitis immergatur: & ligetur: sic Vere, consueto Cerasorum tempore, foenerabitur Uvas, cum cogatur subjecti trunci alimoniam surripere. *Joan. Baptista Porta ex Tarentino & Pamphilo.*

Uva vinaceis vacua.

Sarmentum & flagellum obruendum ex æquo diducito,

to, lapilloque discuneabis à summo capite; hinc inde medullam omnem osseo stylo eradendo in parte illa, vel quam abscondet terra: vel quantum fieri possit altè excavato: subinde arcto vimine, vel papyro diligenter alligato humido, ac præpingui solo unam defodito scrobem, & deponito, illudque fixo ligetur calamo, ne possit intorqueri, sic compages una, ut prius coagmentatur: & præstabilius fuerit, si quantum sarmentum erit excavatum, in scillæ bulbum demerferis: veluti enim glutino quodam adjungit, humore humectat, & calore fovet, ut Insitio quædam. Vel idem etiamnum eveniet, si inferendo furculo universa medulla subtrahatur. *Idem ex Democrito.*

*Vitis ut Botryones albos afferat, & nigros
Acinos.*

Palmes idem, ut Uvam candidam simul, & nigram afferat, & in eadem uva, acina alia nigra, alia candida, & ea æquè divisa appareant: Malleolos tres, quatuor, vel plures diversorum generum & colorum sumito, facileque auciles, quos æqualiter compositos, atque arctissimè colligatos, in tubulum, vel arietinum cornu inserito, ut ab utraque parte superemineant, subter sarmenta resolvito, ac in scrobe stercoreatâ terrâ obruito, dum germina agant, rigato: at biennio vel triennio exacto, cum una compages ex illis coagmentata fuerit, tubulum frange, si cornu jam emarcuit: ubi maximè cohæserunt, terrâ præcidito, ac pulveratam terram supra exaggerato, terraque pinguis truncum operiat, & cum coles germinaverint, unum relinque, reliquos amputa, ne relictis omnibus, sarmenta succum ministrare nequeant: tunc ex compositarum virgarum coitu, arbor una exurgit, versicolore uvas præbens. *Joan. Bapt. Porta.*

Aliter.

Sint sarmenta, ut nigrum alterum, candicans verò alterum: & cum putantur, per medium sunt findenda, præcavendo, ne quicquam de medulla excidat, & sic inter se junges divisa, ut utriusque oculos æquando coincident, ut duo ferè unum fiant: inde arctius ligabis, & glutinosâ terrâ adlinire curabis, ternisque diebus crebra sibi succedat irrigatio, donec ex utroque unicum erumpat germen,
uvasque

uvasque producat, in quibus diversi generis, & coloris sint acini. *Didymus.*

Uvæ ut ad Ver usque serventur in vite.

Circa ipsam vitem, quæ fructu plena est, loco umbroso scrobem fodies, altitudine trium pedum, latitudine duorum, & mittes arenam, & ibi calamos figes, in quibus recoques assiduè sarmenta fructibus plena, & illæsis botryonibus alligabis, ut solum non contingant: etiam cooperies, ne imber eò penetrare possit. *Berytius.*

Uva ut fiat odorata.

Si odoratam Uvam facere volumus, Sarmentum obruendum ac odoriferum omne conjicimus, vel unguentum quo volumus Uvam olere, & aliquantulum maceratur ejusdem odoris aqua, & Uvam dabit absorpto humore olentem. *Paxam.*

Uvas ut ab avibus & gallinis tuearis.

Ut Gallinæ atque ejusmodi aves Uvis abstineant, Labruscæ acinos edendos dato: idem enim fermè contingit, quod hominibus qui acerbos fructus devoraverint; obstupescunt enim dentes. *Cardanus.*

Uvas & alios fructus ne Vespa contingant.

Oleum sorbeto, & velut insufflans ad Vites, & Uvas atque alios fructus accedito. *Democritus.*

DE SECRETIS FRUCTUUM herbarum. CAP. XIV.

*Cucurbitæ quomodo fiant longæ & vastæ
& crassæ.*

SEMINA de collo Cucurbitæ sumta recto cacumine feres, stercoreabis, ac rigabis. Si vastioris incrementi optas, de medio ventre extractum semen, inverso cacumine, telluri depone. *Columella, Palladius & Plinius.*

Cucurbitæ ut latæ & ample fiant.

Si latas & amplas habere tibi cordi fuerit, semina quæ in fundo latitant, inversis cacuminibus terræ mandabis. *Idem.*

Cucurbita ut sine semine nascatur.

Non habebunt semen Cucurbitæ intra se, hoc modo:

Sarmentum, aut virgultum primum, mox ubi increverit, cucurbitæ, five Cucumeris in terram defodito, quemadmodum Vitis sarmenta solent, ut summa pars tantum virgulti emineat, & postquam auctum fuerit, rursus idem iterum ac tertio defodito, & exortus juxta medium, & super terram extantes secato, solumque postremum tertium videlicet relinquito, & habebis tum Cucurbitas, tum Cucumeres semine carentes. Similiter sine semine eadem facies, si triduo antequam semines, semen ipsum oleo Sesamino maceraveris. *Quintilius.*

Cucurbitæ ut fiant præcoces.

Præcoces Cucurbitas & Cucumeres sic reddes: In cophinos, aut in fictilia inutilia terram cribratam mittes, stercore admixto liquidiorum factam, & anticipato consueto tempore. Vere videlicet inchoante semina implantabis, & cum sol fuerit, & calor, & moderata pluvia, cophinos sub dio expones, circaque Solis occasus eos in domum contactam inferes. Atque hoc assidue facies, aquam irrorans, quando usus postulârit. Postquam verò perfectè cessabunt frigora, & glacies, cophinos, five dolia in locum subactum & excultum deportata defodies, ita ut labra æqualia sint terræ, & deinde reliquam curam adhibebis. Si verò abstuleris ipsorum virgulta, citius fructum producent. *Quintilius.*

Cucurbitæ, aut Cucumeri quomodo formæ variæ & characteres imprimantur.

Transfigurabuntur Cucurbitæ in quamcunque velis figuram, si testacea feceris vasa, eaque parvis adhuc circumposueris, & obligaveris: formas enim & characteres implebunt. Quare & Arundine in longum sectâ, excavatâque & compositâ, ac coarctatâ, si in eam Cucurbitam, aut Cucumerem, dum adhuc parva est, immiseris, augescens per omnem longitudinem Arundinem explebit. *Quintilius.*

Cucurbitæ quomodo fiant purgatorie.

Purgatorias facies, & dejectorias, ut alia pleraque, si illarum semen noctem ac diem, cum Rhabarbaro, Agarico, Scammonia, Colocynthide, aut aliis purgantibus medicamentis simplicibus præmaceraveris, deinde seminaveris. *Idem.*

Cucur-

Cucurbitæ quomodo conserventur.

Cucurbitas servabis sic: Has teneras acceptas concide, deinde aquam fervefactam affunde, & per totam noctem sub dio perfrigera, indeque muriæ acri impone, & diu permanebunt. Hodie per hybernos menses omnes laquearibus & tabulatis ædium appensæ, virides & cibus non ingratae à nostratibus ubique custodiuntur: maximè quæ *Citrulli* nuncupantur. *Quintilius & Mizaldus.*

Cucumeres ocysimè producere.

Si eorum femina recentia, ætivo tempore humano cruori immiseris, non infirmi, sed sani, adulti, & fulvi fient, retinent enim in se calidiorem efficaciorèque vim. Crebrò permuta, ne contabescant, ut autem immarcedi maneant, oportet remorentur per hebdomadam: sic infolata femina scrobiculis effossis, in fœcundam & pulveratam terram pangantur; & cave ne inversa. Nec obfuerit, si viva Calx subternatur: subinde calidâ aquâ, vel ardenti rigatus caulis foris emicabit: pannis tege, ne calor elatus evolet, eum serpere spectabis; si propius non admiseris, cui caducus hæreat, & in immensam monstrificè crescet magnitudinem: quamquam brevi temporis processu vitam ascititiam expirabit. Idem de Peponibus & Melonibus faciendum est. *Joan. Bapt. Port.*

Cucumeres & fructus omnes serotinos facere.

Si velimus Cucumeres & fructus omnes serotinos efficere: scimus eos maximè gelicidia, & imbres horrere ac frigora pertimescere: unde semina in æstate plantabis lætamine circumaggerata, sic frigori maximè obstabunt, nec ab eo necabuntur. Aliter quoque vegetes perdurare valent, si apud puteum serantur, & tam tempestivos in puteos dimitte, ac suprâ rectè operi, ne Sol, ventique noxam exsiccando deferant: juvant & aquæ surgentes vapores, ut diu viridi maneant habitu. Vel stercoreoso loco, & aprico, ubi semina positurus eris. Si rubros aut ferulas habere volumus post autumnæ æquinoctium his juxta terram recisis, excavatis, & ligneo stylo inter medullas lætamen immittimus, atque Cucumeris semen addimus: hinc nasci apparet fructus, qui possint & inter frigora non necari. *Idem.*

Melones quomodo dulces & odoratos reddes.

Melones Rosarum fragrantiam spirare facies, si semen
A a 4 ipsum

ipsum cum Rosis aridis posueris, & mixtim plantaveris. Dulces verò efficies, si semen ipsorum Lacte & Melle maceraveris, & refrigeratum seminaveris. *Florentinus.*

Cinara ne spinis horreat.

Cinaræ spinis non horrebunt, si pangendorum seminum lapidis attritu retundantur cacumina. Vel si Lactucam scindamus in partes, & singulis singula condantur, sic non hispidæ nascentur Cinaræ. *Varro.*

Cinara quomodo fiant odorata.

Suaves & odoratas habebis Cinaras, hac videlicet viâ ac modo: si semina in odorato liquore aliquo, aut succo triduo præmaceraveris, & ficcata terræ commiseris: nam saporem eum referent, cujus humorem combiberint. Unde Laurum redolebunt, si illa cum Lauri foliis maceraveris, aut in Lauream baccam intruseris, & ita plantaveris. Simile erit experimentum in reliquis. *Mizaldus.*

Cinara quomodo fiant dulces.

Dulces provenient Cinaræ, si semina in Lacte, Melle aut Aqua saccharata, vel Vino aromatite maduerint, & siccam tellurem intraverint. *Idem.*

DE SECRETIS SEMINUM

in genere. CAP. XV.

Semina quomodo à frigore, pruina, & ardore defendenda.

SI timor fuerit, ne frigoribus, pruinis, ardoribusve perurantur semina, paleis contegi poterunt: quibus transversæ virgæ imponentur, & virgis arundines, aut farmenta. *Idem.*

Semina quomodo innoxia in terra servantur.

Si semina terræ mandanda succo Sempervivi paulò ante sationem madefacta fuerint, ab avibus, formicis, agrestibus muribus, & aliis hortorum prædonibus non solum illæsa servabuntur, sed quæ inde nascentur, etiam præstantiora evadent. *Apbricanus.*

Sata ut incolumia servantur.

Satis omnibus incolumitatem tueri licebit, si collecta fuligine, quæ supra focos hæret, pridie quàm satio fiat, cum feminibus misceantur: vel Portulacæ aquâ semina ipsa

ipsa conspergantur, ut totâ nocte succum trahant, ac ebibant. *Mizaldus.*

Semina ne Aves depopulentur.

Ait *Plin.* esse Allium in arvis, Alum nuncupatum, quod adversus improbitatem Alitum semina eruentium ac depopulantium, coctum (ne possit renasci) utiliter obicitur: Hoc quæ devoravere, stupentes manu capiuntur. *Apbricanus* ad eam rem modicum Frumentum, vel Hordeum vino incoctum, aut infusum Veratro admiscet, ac foris per arearum horti ambitum disseminat, fata quævis ab Avium injuria hoc modo vindicans. Sed eas mortuas, vel inebriatas Arundini ex pedibus suspendi jubet. Nec omittit Cancrorum fluvialium decoctum, quo si semina consperferis, ab Alitibus (res mira) nunquam aggredientur: imò verò quæ ex his nascentur, durabunt salva & immunia ab omnibus bestiolarum injuriis. Sunt qui plantas solâ decocti hujus aspergine, felici successu tantum perfundunt. Quæ res mihi & amicis plus millies fuit probata, sed certâ lunari periodo. *Mizaldus.*

Semina ut ab omni corrosione liberentur.

Nonnulli confusa Cyparissi folia feminibus remiscent, eamque miscellaneam subactæ & stercoreatæ terræ committunt, & ita ab omni corrosione inde nascentia liberant. Alii Cervi, aut Elephantis cornu siccum & concisum, vel derafum, aut limatum, feminibus remiscent: vel aquâ madefactionis illorum spargenda semina imbuunt. Sunt qui Cucumeris sylvestris radices totam diem & noctem aquâ macerant, eamque feminibus, repetitâ aspergine suffundunt, & postridie, pallio velata semina illa terræ committunt: hinc arbitantes meliora evasura, & à malis omnibus certò eripienda.

Sata ne à jumentis & pecore ledantur.

Paguros, seu Marinos cancos, vel fluviales, non pauciores quàm decem, in vas aliquod aquâ plenum missos, legito, & sub dio exponito, ut diebus decem insolentur: postea semina, quæ voles in terrâ illâsa permanere, aquâ illâ ad dies octo perfundito, idque octonis diebus peractis repetito, donec quæ optaveris solidi adolescant, experimentum miraberis. Nam ex feminibus illis quæcunque

nascentur, non solum à se jumenta & pecora arcebunt, sed etiam bestiolas quasvis. *Mizaldus ex Palladio & Africano.*

Fertilitatis prædictio.

Quod attinet ad prognosticon fertilitatis, aut sterilitatis feminis cujusque, tam sati, quam seminandi, hac viâ procedes ex Zoroastris, & veterum Ægyptiorum experimento. Diebus xx. aut xxx. ante Caniculæ exortum, in quopiam loco diligenter subactò, de unoquoque semine legitimo & recenti, probationis gratiâ, divisis spaciis, ac signatis paululum seres, & si aëris urgebit incendium, opportunè rigabis: projectum in aridam commodius pululabit, & ante cosmicum dicti sideris exortum tempestivè se prodet. Hoc peractò, sedulus observabis exorto Procyone, quodnam è jactis feminibus incolume, vegetum ac illæsum emerferit, & duraverit: atque illud fertile ac fœcundum evasurum prædices: reliquum verò, quod non prodiit, aut vietam, languidamque, & flaccidam plantulam emisit, inutile ac sterile futurum tibi persuadebis. Nam certo certius est, insanum & æstuans Caniculæ fidus per illa sua canina incendia, quædam satorum lædere, alia minimè. Ex quo noxæ, vel beneficii indicium per annum futurum unicuique sementis generi fidus naturâ aridum ac fervens, præsentì exitio, vel salute nunciabit, ac prædicet. *Zoroaster.*

Fertilitatis præsagium.

His utcunque positis non prætermittam pulcherrimum fertilitatis, vel sterilitatis præsagium, & prognosticon, quod ex nucis arbore *Virgilius* posteritatem latere noluit; licèt *Amygdalæ* adscribant:

*Contemplator item [inquit] cùm se nux plurima sylvis
Induet in florem, & ramos curvabit olenteis.*

Si superant fructus, pariter frumenta sequentur

Magnaque cum magno veniet tritura calore.

At si luxuria foliorum exuberat umbra;

Nequicquam pingueis paleâ teret area culmos.

DE SECRETIS SEMINUM

in specie. CAP. XVI.

Frumentum ut valde excreſcat.

FRUMENTUM ſupra menſuram augmentum ſumet, hoc modo: Nitrum & ſpumam nitri terito, tenui terræ admifceto, & ſic acervis adjicito. Eadem res etiam integrum & illæſum frumentum ſervabit. *Apbricanus.*

Farina ut incolumis ſervetur.

Farinæ incolumes perfeverant ad tempus, tædis pinguibus contufis, & in ipſas injectis. Quidam verò Cuminum & ſalem ex æquo terentes, & maſſas aridas inde facientes, eas farinæ imponunt.

Hordeum quomodo incolume ſervetur.

Hordeum incolume ſervabunt Lauri fertilis folia ſicca, & omnis cinis, præſertim è Lauri ligno, impoſitus. Similiter ſervat Hordeum Sempervivum herba ſiccata cum Calamentha, & unâ cum gypſo Hordeo admixta. Quidam vas aceto plenum & conſectum operculo in medio Hordei ponunt. *Damageron.*

Faba ut incolumis ſervetur.

Fabæ marinâ aquâ rigatæ, & reſperſæ, integræ, & illæſæ permanebunt. *Didymus.*

Fabæ ut ad cocturam commodæ fiant.

Quò ad cocturam Fabæ commodæ fiant, pridie quàm conſeras ipſas, in aquâ nitroſâ macerato. *Idem.*

Cicera ut majora fiant.

Quorundam ſupervacanea cura eſt, qui majus Cicer eſſe volentes, cum corticibus ipſum ſimiliter præmaceratam addito Nitro in aquam ſerunt. *Florentinus.*

Cicer præcox.

Quòd ſi præcox Cicer habere velis, ipſum circa Hordei tempus feminato. *Idem.*

Lentes ut citiùs melioresq; naſcantur.

Lentes bubulo ſtercore arido ante ſementem oblitæ, meliores, & citiùs naſcentur. *Idem.*

Lentes

Lentes ut majores nascantur.

Lenticula in vaginulis major fit, si aquâ tepidâ, addito Nitro, macerata feratur. *Idem.*

Lupini ut dulcescant.

Lupinum dulce fit aquâ marinâ, & fluviali, ad tri-duum maceratum. Ubi verò cœperit dulcescere, siccat-ur & deponitur, pecoribusque cum paleis pabuli loco exhibetur.

Legumina ut facilè coquantur.

In feminando unâ cum stercore & Nitrum admiscebis. Sic enim parata ipsa ad cocturam facies. Quod si non succedat, ubi hoc feceris velisque legumina brevi per-coqui, parum Sinapis in ollam injice, & statim quæ co-quentur, dissolventur, sive carnem, sive legumina coxe-ris. Si verò amplius quid de Sinapi injeceris, penitus dissoluta evanescent. *Democritus.*

D E S E C R E T I S L I G N O R U M.

C A P. XVII.

Ne ligna igne ardeant.

L I G N A & tabulata Alumine illita, non ardescunt, ut nec postes, fores aut lacunaria Ære viridi imbuta, modo crusta durior iis obducatur, & Alumen, Plumbique albi cineres, pigmentis copiosè misceantur. Cujus rei specimen edidit *Archelaus Mithridatis præ-fectus* in ligneâ turri contra Syllam, quam frustra in-cendere conabatur, eo modo quo Cæsar castellum ex larigna materia constructum circa Padum, ut tradit. *Plinius.*

Pulcherrima ratio ligna tingendi variè, quibus fabri lignarii utuntur ad mensas conficiendas variis tes-sellis & figuris insignes.

Manè sumito stercoreis equini recentis, & adhuc humi-di, cum stramine, quantum satis est, supra quod ligna ali-qua transversa collocentur, cui subjecito vas aliquod, li-quorem recipiens. Quòd si uno die tantum, quantum sa-tis est, extrahi non possit, altero, & tertio, & quarto die colligas,

colligas, donec satis esse videatur: deinde coletur addaturque in singulas menfuras ejus liquoris, Aluminis, & gummi Arabici, singulorum fabæ instar. In eo liquore, quos voles, colores temperabis, variaque vasa faciès, si varios colores habere velis. His comparatis, frustra lignorum in vasis, ut lubet condes, eaque ad Solem, vel ignem pones: post ubi uti voles, frustra aliqua extrahito, reliqua finito. Nam quò diutius in vasis manent, eò magis colorem mutant. Et sic habebis ligna variè colorata, alia reliquis clariora & dilucidiora, alia magis fusca, alia media, qui colores nullâ unquam elui ratione possunt. *Alexius.*

Modus conficiendi Hebeni, ut videatur naturalis.

Omnis generis ligna Hebeni formam acquirere possunt, præsertim dura, quæ sunt lucidiora, ut Buxus, Cedrus, Morus tam alba, quàm nigra: quæ ligna omnium sunt ad hoc opus præstantissima, quamvis nigra Morus aptior. Sumito itaque hujus generis ligna, atque in aqua aluminosa per tres dies, vel ad Solem, vel propè ignem ponito, ut tantum calefiat: deinde in oleo communi, vel Sesamino, in quo Vitrioli Romani, Sulphuris, singulorum tantum, quantum Avellanæ respondeat, sit solutum, coquito aliquandiu: nam quò magis coquantur, eò etiam nigriora fiunt, modò ne nimium coquantur: Nam tunc & ambusta, & fragilia fiunt. Rite autem cocta si fuerint, nihil pulchrius desiderari posse videtur. *Idem.*



DE SECRETIS METALLORUM.

LIBER X.



DE SECRETIS METALLORUM

in genere. CAP. I.

Metalla ut in calcem & aquam transmutantur.

QUÆ metalla in aquam transmutantur, primò in calcem reducta (deducuntur autem igne in fornacibus, sola vel aceto superinfuso ardenti materiæ, vel fale juncto, dum coquitur) inde aqua sublato fale, vel liquido æri trita, & infusa, sed & metalla fale, & igne in calcem transeunt, vel aqua separationis, vel attenuata, & Hydrargyro copulata, post trita cum fale, inde igne sublata Hydrargyro & fale cum aqua. *Cardanus.*

Metallo quomodo friabilitas adimitur.

In calcem redigito, sub fimo condito: post hæc facito, cum incanduerit igne, ut restinguatur: vel liquatum projiciatur, ubi ardens aqua sæpè purgata, Terebinthinâ resinâ, ipsius Oleo, Cerâ, Sebò, Euphorbio, Myrrhâ, factitiâ Chryfocollâ, quâ utuntur Aurifabri, ut celeritatem dent fundendo, auriq̃ue ferrumini: nam si inhabile metallum fuerit tundendo, quia unctuosâ sæpè corpora præmollire solent: Si omnibus, vel aliquibus iis liquore subacto in pastillos digerimus, & ubi metallum vis folium ignibus cedit, intus projiciemus. Vel hæc limi modo crassescant, & uti luculenta reddantur, metallum igni apponito, ut accensis carbonibus ignescat, & exemptum restinguatur, ac finito semissem horæ combibere. Vel canicula perungantur, illaq̃ue infundantur, & suppriment fragilitatis multum, & hujus adminiculo malleo cedunt, & sub eo extenduntur, ubi prius tacti in partes dissiliunt multas. *Joan. Bapt. Porta.*

Metalla in corpus reducere.

At si volueris Metalla in corpus reducere, quia in calcem versa, non denuo levi junguntur artificio, consentaneum fore duximus id docere, cum crebro in nostris operationibus usu veniat. Hæc hujusmodi retinent vim: Chryfocolla, Tartarum, Alumen, ovorum Vitella, Sal Alkali, Ammoniacum, Salnitrum, & quem Saponem vocant, ex omnibus iis, vel eorum quibusdam globulos effingimus, ac fusorio in vase,
ubi

ubi calces liquefcunt, igni injiciuntur, & in priftinum revertuntur ftatum: cum hoc probè noveris, extrahito. Id tamen animadverfione dignum eft, fi calx Auri fuerit, cum Ovorum vitellis & fimilibus: cum Albumine & Tartaro Argentum: Amurca verò olei maximè in hoc prævallet, id ne ex corporum reductione coloris nitore defraudentur, fed magis concinnum præbeant. *Idem.*

Metallum nobilius in cutem trahere.

Nunc verò reliquum dicturus video, quonam modo poffit quis nobilius metallum in cutem trahere, quod idiotæ dicunt Chymiftæ: putant enim fe partes in meditullio pofitas poffe impofturis foras elicere, ac extrahere, & internas partes folis vilioribus conflare. Sed à veritate difcedunt, quia in fuperficie tantum remiffiores exeunt partes, & aliquantulum vivum Argentum foras elicitur. Res enim corrodunt omnes, quæ medicamentum fubintrant, duriores relinquuntur, expoliunt, & dealbant: antiquorum fortaffe numifmatum fide ducti, intus meracum Æs, foras autem simplex Argentum confpicientes: fed hæc fimul ferruminata funt malleis tufa, tum demum typis excufa, id tamen artificio fimili fic fieri poffe penitus eft arduum, nec fieri poffe judico. Quæ tamen expoliunt, hæc funt: communis Sal, Alumen, Calcanthum, Sulphur vivum, & pro Auro tantum Ærugo, & Sal ammoniacum: cum opus obeundum eft, eorum partem in pulverem redigunt, & cum metallo vafi alicui immittunt, fictili luto circumlito, & operculato, exili pervio fpiramine lento igni accommodant, ac peruri permittunt, & ne Metallum liqueatur, follibus ignem haud vexes: cum pulveres perufti refident, quod fumo dignofcunt, laxato obthuramento vifunt, fed metallum igne accenditur, donec ignefcat, & ignitum iis immergunt. Vel aliter: Aceto metallum accommodant, dum ftrigmentofum fiat, & ubi circumlitum opus linteaminibus involveris, conjectum in fictile acetum continent, diu hinc decoquunt, extractum in urinam conjiciunt, Sale & Aceto ebullire finunt, donec nulla prorfus fordes emergat, & foedæ metallorum maculæ aboleantur: & fi candidiffimum non deprehenderis, idem munus rurfus obeas, dum perficitur. Vel fic aliter ferietim procedas: opus cum Sale, Alumine, & Tartaro ex aqua in olla finas ebullire, quum tota fuperficies inalbuerit, finito

tri, Salis, æquis portionibus ebulliant tribus horis, ut in eorum pendeat medio, nec vasis latera contingat, eximito: & cum arenula perfricabis, dum Sulphuris virus evanuerit: demum ut prius ebullias denuò, & sic inalbescit, ut ab igne se tueatur, nec uti vitiosum improbabitur: utile reperiēs, si ritè peregeris, & gaudebitis, nisi in vestram perniciem eritis abusuri. *Idem.*

Ad Metalla inauranda.

Aureum colorem Metallis ac Lapidibus sic induces. Accipe Salis ammoniaci; Calcanthi albi, singulorum partes quatuor æquales, Salis lapidei, & Æruginis partes tres ex unoquoque. His in tenuissimum pulverem reductis, anulum, lapidem, aut metallum quodvis ita obrue, ut à dicto pulvere circumtegatur. Postea sic in ignem per horam impone, & extractum recenti urinæ immerge, ablue & deterge. Ex cujusdam ingeniosi artificis experimento. *Cardanus, & Mizaldus.*

Ceratum seu Elixir ad Metalla transmutanda.

Sume inprimis de Sulphure extracto à specie, quam tu voles, albificato, vel rubificato, & tere ipsum benè in tabula vitrea die uno, aut duobus, & imbibe ipsum ex oleo illius speciei destillato & albificato quatuor diebus vel quinque, cum desiccabitur: tere & imbibe ipsum, & assa inter duo vasa; & ita facias donec fiat sicut cera. Deinde sume ipsum sicut ceratum, & pone super omnes duas partes ejus, & mediam, quatuor partes Argenti vivi de lapide, ex quo extraxisti Sulphur, & fac unamquamque speciem cum sua specie, & quodcunque genus cum suo genere, neque diversifices ea; quoniam errabis. Tuum quoque Argentum vivum sic congelatur cum Aqua lapidis: Ambo verò cerata simul junge, & tere benè imbeque ex oleo, & diu tere, & assa ea cum igne parum fortiori, fient enim dura. Deinde tere rursus ea benè, & pone super ea Salem ammoniacum, qui fuit rubificatus cum igne lapidis, & imbibe postea benè, & renova quaque die stercus inhumando, solvetur enim, & fiet aqua rubicunda, sicut sanguis, fac ipsum congelari in vase vitreo cum tenui igne, & quum congelabitur, tere ipsum probeque imbibe ex aqua Sedinæ, hinc dissolve & postea congela ipsum, & ita facias ter: proveniet enim tibi Ceratum, quod super Lunam projice, quoniam ipsa fiet Sol,

aut projice super duo Plumba aut super Ferrum, & convertet ea in Solem. Et hæc quidem est via, quâ coloramus rubificando. Scias ipsum. Via autem quæ albificando colorat, est isti opposita: Et hæc est, utumas de ejus Argento vivo albo sublimato quatuor partes, & de Sulphure albo partes tres, tere ea benè, & pone super ea de Sale ammoniaci albo extracto ex lapide partes duas: iterum tere hoc totum benè, & imbibere ex aqua Salis ammoniaci probè soluti, & assa ipsum levi assatione, & hoc fac ter, sed qualibet vice sit assatio vehementior. Deinde post hæc tere illud denuò benè, & imbibere ex aqua salis ammoniaci, sine stare cum suo humore, & pone in vase vitreo, post inhuma & muta sterco quoque die, hocque age, donec solvatur. Postea tere ipsum & congela: ignis verò sit tenuis, donec congeletur, & fiat album, sive cineritii coloris. Et si color ille fuerit in eo, redi ad terendum, assandum, & congelandum, donec congeletur, & evadat album: prius tamen ipsum solve, ut fiat aqua currens, & non sit massa, neque turbidum, & egredietur ceratum multum album. Cujus unam partem super decem millia veneris rubeæ projice, & fiet Luna. Hæc est sententia eorum, qui operati sunt cum Argento vivo & Sulphure. Eorum verò, qui cum Argento vivo solum operantur, operatio talis est, ut sequitur. Sume de Argento vivo sublimato fixo, & de Argento vivo soluto partes æquales, fixum verò tere, & imbibere ex soluto, hinc tere ipsum benè, & assa leviter: hoc fac, donec bibat illud solutum totum: deinde tere ipsum, & imbibere ex soluto terendo, donec fiat sicut medulla, & tamdiu imbibas ipsum donec tantum bibat, quantum ipse est, & assa ipsum inter duo vasa cum igne forti: & si emiserit fumum, redi ad terendum ipsum, & reduc ipsum ad opus sublimationis, donec fundatur in vase inferiori: fiet enim rectum, & non emittet fumum. Ex ipso projice, quoniam colorem bonum efficiet: postea imbibere ipsum etiam ex sua aqua, tere benè, & solve. Solvetur parvo tempore, postea congela ipsum: & projice ex ipso super quodcunque corpus volueris: faciet enim mirabilia, & præcipuè super Ferrum, utpote quod mollificabit & convertet in Lunam veram. Eorum verò, qui cum solo Sulphure operantur, operatio est talis: fume de albificato & sublimato quatuor partes, & imbibere ipsum ex sua aqua, aut ex aqua Argenti vivi. Quòd si volueris,

volueris, ut ipsum solum sit ex sua aqua solummodo : fac de ipso sicut fecisti, & non diversifices : ipsum enim faciet Plumbum, Stannum, Æs, & Lunam : & ipsum similiter facit Argentum vivum ac Lunam in sua hora. Scias autem quod Argentum vivum congelatur in duobus Plumbis, videlicet congelatur Sulphur præparatum in Ferro. Scias ergo quomodo, quia est magnum arcanum : modus autem operandi cum Sale ammoniaco est, ut sumas ex eo destillato & Cerato partem unam, & imbibe ipsum ex sua aqua fortiter terendo : solve ipsum, & si ejus solutio difficilis fuerit, imbibe ipsum ex sua aqua, & tere benè : solvetur enim ; & quum factum fuerit aqua clara, fac ipsum congelari in vase vitreo cum igne debili in Sole, aut cineribus calidis, & hoc est maximum secretum. Et isti sunt quatuor modi albificandi. Quod si rubificare volueris, ponas pro quaque re alba rem rubeam, terere verò & imbibere, & assare, & solvere, & congelare est in hoc unum, ut in alio. Et si conjunxeris Argentum vivum Sulphuri, & præparaveris ea cum Sale ammoniaco, erit optimum. Et iterum si conjunxeris Argentum vivum, sulphur, atque Salem ammoniacum, & præparaveris cum suis aquis, erit bonum. Lauda ergo Deum. *Hæc Rhasis in libro experimentorum.*

Ad quævis Metalla inauranda.

Accipe Vernicis liquidæ libram j. Terebinthinæ, olei Lini, singulorum unc. j. Misceantur omnia optimè, & servetur ad usum. *Alexius.*

Thesaurorum inventio.

Referunt, Candelam ex Sevo Humano accensam, delatamque loco, ubi thesauri reconditi sint, strepitu illos detegere ; inde etiam dum proxima fuerit extinguì. Quod si verum est, ex sympathia contingit ; Sevum enim ex sanguine, sanguis autem sedes animæ atque spirituum, quæ ambo cupiditate Auri & Argenti, dum homo vivit, tenentur, & ob id etiam sanguinem perturbant. Itaque velut in corii Arietis atque Lupi antipathia viget, quanquam mortuis : ita hic sympathia. Melius tamen Hispanus quidam absque Candela Thesaurum reconditum invenit. Itaque nulla certior ratio rerum, quàm quæ principiis prudentiæ constat : proxima naturalibus longè petita : reliquæ, quæ à proprietate sumuntur, aut falsæ omninò, aut raræ : velut illud, quod

panis frustum in aquam projectum, è directo cadaveris humani conquiescat, si id sub aqua lateat. Sed ad priorem historiam redeamus. Oportet autem generali methodo perquirere veritatem. Si igitur Candela hæc ob Aurum Argentum & Gemmas sepultas agitatur, par est etiam ab infepultis hoc fieri, itaque hac ratione talia quærantur. Est autem Magnetis quoddam genus, quod Argentum trahit: ergo tenuis virgula argento eo infecta fuerit, ubi verforium constiterit, Argentum, præsertim multum, licet sepultum, convertetur. Oportet autem optimum esse lapidem, qualem nondum vidi. Alius modus fumitur à sonitu. Subsidet enim plerunque, & maximè ubi vacuum relictum fuerit, resonat. Et rursus ubi murus plus æquo crassus est: nam ibi absconditum aliquid esse significat: atque hoc facile animadvertentibus, aliis incomprehensibile. Item terebris prælongis chalybeis loca prætentantur, talia candelæ præstant. *Cardanus.*

Modus veræ Artis proplastices, ad Numismata, aliasq; omnis generis mediocriter extantes formas, ex Metallo quovis, aut etiam Crystallo, Vitro, Marmore, fingendas.

Ante omnia terram, in qua formæ imprimuntur, in promptu esse oportet: quæ cum variè conficiatur, nos tantum varia genera, eaque omnium optima ponemus: ut si unum haberi non possit, his quæ haberi possunt utamur. Illud tamen primum sciendum est, ex iis, quæ hic ponemus, singulis perse, aut ex aliquot mistis, aut omnibus simul, nos uti posse. Sunt enim omnes optimæ. Caput totius artis est, ut materia in qua formæ imprimuntur, sit subtilissima, & ferè impalpabilis: quoniam effigies in ea exprimuntur nitidiùs: deinde etiam faciliùs in se omnis generis metalla recipit absque corruptione, optimeque cum magistra permiscetur: ita ut siccata durior evadat. Potest denique ad plurimas fusiones sufficere, ita ut non statim à prima fusione frangatur, sitque alia materia paranda. Cæterum ad plumbeas formas fingendas, quælibet terra commoda est: modò tenuissima, beneque cum magistra subacta sit, ut dicetur.

Terra prima, in fundendis Metallis apta.

Accipe lapidis Smyris, quo omne armorum genus extergi-

tergitur, quantum satis est, conteratur optimè, & in igne candeat, ut inferius docebitur: deinde madescat ad modum pastæ, fiant typi ad fingenda Numismata. Possunt autem hi typi in multos annos incorrupti esse, si diligenter conserventur: qui si tandem frangerentur, rursus conteri debent atque cum magistra misceri: eâ enim ratione subinde meliores evadunt.

Secunda.

Sumito frustra vasorum, ex Argilla Valentina, vel Treguendana, quibus vasis Vitriarii vitrum liquefactum in fornace continere solent. Erit autem melius, si quis eorum vasorum fundum, aut vas ipsum à medio ad fundum, abjecto tamen prius vitro circumhærente sumat: vel si hæc haberi non possint, fumantur ea, quæ possunt. Sumito igitur Aurificum crucibula nova, tot, ut eorum vasorum, quæ dixi, frustra, pondere æquent: hæc omnia simul in æneo mortario conterentur: deinde super lapide Porphyrite, ut colores solent, cum aquâ molantur: subinde recoquendo attenuetur pulvis, ut infra dicetur, fervetur in scorteis sacculis, aut ligneis arculis conclusis, ne suâ tenuitate in aërem volet.

Tertia.

R. Testarum tellinarum, vel Charmarum marinarum.

Corticum ovorum, sing. part. æqual.

Accendantur & in igne candeant, & ut prius dictum est, de alia argilla, terantur sæpius, & eodem modo servantur.

Quarta.

Ferri scobem, aut squamam, aut utramque puram & mundam in ferrea casside, aliòve firmo vase, ad ignem collocato, acetum optimum superinfundito, ad ignem per horas octo habeto. Quo facto, rursus acetum infundito, ignis subdatur ut incandeat, molatur post, atque eadem iterentur, ut in aliis est dictum, & servantur.

Quinta.

R. Pumicis candentis, quaterque in aceto extincti, part. j. Scobis ferri part. ij. misceantur, & igne candescant ut supra: deinde trita aliquoties recondantur ut alia.

Sexta.

Sumito ossa Vervæcis, præsertim capitis, quæ meliora sunt,

funt, combusta : deinde trita, & cribrata, quantum satis est, ponantur in vase aliquo ferreo ad ignem tamdiu, donec optimè candescant, tum addito tantum Sevi, quantum manu comprehendi potest : misce benè ferro aliquo, ut Sevum unà cum pulvere comburatur : deinde sic ad ignem relinquatur, per horam dimidiam. Quibus factis auferatur ab igne, conteratur, igne candidum fiat, humecteturque, quibus sæpius iteratis, subtilissima perfectissimaque evadet.

Septima.

Rec. Ossium Sepiarum ustorum, tritorum, & cribratorum, quantum satis est, & fiat modo quo jam dictum est, de Verveis ossibus. Est præterea Argilla hæc, ex quadam terra, quæ Tripoli affertur : item ex Vitium cineribus, ex Charta combusta, ex Equino stercore arido, atque usto, ex Lateribus, Bolo armenâ, Terra rubra, atque hujusmodi aliis, quæ nunquam igne liquefcunt, neque dissiliunt, neque squamas, sive crustas faciunt, sed perpulchrè qualvis formas recipiunt.

Modus reducendi prædictas terras ad tantam subtilitatem ut ferme tactum ipsum non recipiant.

Sumito pulveres prædictos, sive terras, quas primò optimè conterito, & cribrato ; deinde in vase aliquo firmo ad ignem ponito, tamdiu donec candescant, rursusque conterito ut prius, cum aqua vel aceto. Quod cum sexies factum fuerit, ponatur in catino vitreato, superinfundendo tantum aquæ, ut ad quatuor digitos emineat : misceantur parum baculo aliquo mundo, ut turbida fiat aqua : deinde pauxillum sic relictâ, aqua auferatur sensim, ponaturque in alio vase mundo. Quo facto, recens aqua super materiam infundatur, misceaturque ut prius, donec turbida redatur : deinde cum rursus aliquantulum quieverit, sensim auferatur, priorique aquæ ablata addatur. Hoc autem tamdiu faciendum, donec tenuiores pulveris partes, aquâ fuerint omnes ablata. Quòd si quid in primo catino crassioris pulveris fuerit relictum, conteratur rursus, ut prius, atque supra dictæ aquæ depositæ jam addatur. His omnibus factis, relinquuntur aquæ tamdiu, donec scobem residuum fecerint : deinde aquâ sensim ablata siccetur pulvis, mox semel tantum, sed optimè conteratur, cribroque setaceo, vel etiam serico densissimo transfundatur, & habebis pulverem

sem omnium subtilissimum, quem in vase aliquo optimè clauso recondes; ne quo modo in auras evanescat.

*Aqua, quam Magistram appellant, ad prædictos
pulveres contemperandos.*

Ut prædictæ Terræ formentur, & formatæ, siccatae co- hæreant, nec dissiliant, aut resolvantur in pulverem, talis aqua, quam Magistram vocant, componenda erit, quæ in hunc modum se habet:

R. Salis communis quantum fatis est, eumque lineo panno, aquâ imbuto, involutum, vel in crucibulo inter carbones, vel in ollâ parvâ benè lutatâ, in loco, ubi solibus per horam ignis probè possit excitari, ponito: mox ubi refrixerit, teratur, tritum in ollâ vitreatâ collocetur, desuperque tantum aquæ communis effundatur, ut ad quatuor, vel sex digitos emineat, misceaturque tandiu ad ignem, quousque dissolutum & frigefactum est, coletur bis per pannum è lana, quem filtrum vocant, optimum. Hujus aquæ usus est ad humectandum, tenacemque faciendam terram, ut inferius dicetur. Fiat quoque hujusmodi aqua vel magistra, ex albumine Ovorum, siquidem optimè baculo aliquo ex Fici arbore concutiantur, donec spumam reddant: deinde cum sic per noctem unam steterint, coletur aqua sub spuma contenta; servetur ad pulveres, in pastæ formam redigendos. Est quidem hæc aqua melior: quoniam Argilla fit tenacior, & formæ expressiores, nitidioresque fiunt. Unde quidam prædictæ aquæ, ex sale confectæ, aliquantulum hujus aquæ addunt. Quidam verò aquam è Gummi addunt, prout judicio, & usu edocti, magis expedire existimant.

*De rebus, quæ ad fundendi artem in promptu
esse debent.*

Cum quodlibet boni Artificis opus absque instrumentis suis propriis perfici nequeat, operæ pretium esse videtur, ut ea, quæ huic arti instrumenta sunt necessaria, doceamus. Itaque primò diligentiam adhibere oportet, ut carbones ex lignis recentibus, duris, siccis habeantur, quemadmodum & crucibula absque fractura neque alba, neque nigra, sed cinericii coloris esse oportet. Præterea charta aliqua crassior non desit, ad ventilationem crucibulorum: ita quoque vacua arundo, ad exsufflandas ex crucibulis sordes. In-

strumentum quoque aduncum, ad extrahendos carbones ex crucibulis: & prælum quo formæ ipsæ, quas etiam stafetas vocant, comprimuntur, ut injici metalla fusa commodius possint. Ad hæc tabulæ binæ, vel plures, politæ, & leves, ex Nuce, Robore, Buxo, vel ære, inter quas formæ constringantur, vertiquæ valeant, item duæ aut plures plagæ laneæ ad manus sint, quibus vacua illa spacia in comprimendis formis, impleantur. Opus præterea est circino, & regulâ ad partiendum, & ad certam mensuram, exigendas formas & canales per quos metalla decurrunt. Ferrum insuper, ligonis formâ, sed in acumen tendens, ac utrinque scindens, ut typorum viæ, per quas metalla fusa ingrediuntur, expediantur: quod si hoc desit, fiat cultello aliquo, magna cum diligentia. Olei quoque & Terebinthinæ parum, quo charta, vel bombycis fila imbuta sint & accensa, ut intrinsecus siccati jam typi optimè fumo afflentur, & hinc metalla meliora fiant. Quoniam verò aliquando nimium loca cava fumo implentur, ita ut inæqualia reddantur, leporinus pes appositus erit, cum ad alia, tum ad fuliginem detergendam. Duæ quoque scopæ, altera è filis æneis condensatis, altera ex fetis, cujusmodi sunt illæ, quibus ad pectines tergendos utuntur, quibus opus ante informationem, & post, tanquam pectatur & extergatur.

Ratio Numismata conflandi, & exprimendi.

Primò sumito Numisma illud, quod exprimendum est, atque in aceto, cui aliquantulum salis, paleæque ustæ additum fuerit, immittito: deinde lavato, fricatoque benè supradictis fetaceis scopis, tum aquâ abluito, & panno aliquo mundo siccato. Quo factò alteram formæ partem, nempe foeminam, super tabulam, vel è robore vel ex ære, ut diximus, collocato: atque ita, ut pars media, quæ scilicet alteri formæ conjungitur prona, deorsumque spectet, Numismata, aut quicquid fingere paras, prius purgatum, ut est dictum ponito recto tramite ad viam, per quam metallum liquefactum decurrit, præsertim si unicum fuerit Numisma. Quod si duo sint, ponantur ad alteram formam, ita ut iter in medio, per quod metalla fundi possint, relinquatur. Si verò numismata plura duobus fuerint, sui sint singulis canales, qui ab ore sive medio canaliculo, metallum ad singula numismata deferant. Nam illud cavendum est, ne à Numismate in aliud Numisma metallum transeat. Quibus factis,

factis, sumito prædictæ terræ, optimè cribratæ, quantum volueris, ponatur in catinum maximum, superinfundendo sensim aquam magistræ, donec tantum humescat, ut inter manus compressa minimè adhæreat, sed siccæ farinæ instar, pugno compressæ, remaneat. Hanc in hunc modum subactam, super Numisma in ipsis typis ponas, comprimendo optimè digitorum parte carnosâ, deinde manibus: id quod melius fiet, si alteram quoque tabulam superimponas: deinde instrumento aliquo scindente & regulâ, terra circa formam adhærens, & redundans æqualiter diligenterque auferatur. Quo factò pannus è lana superponendus, hinc tabula; & sic strictè ambabus manibus typi invertendi: inde ablatâ tabulâ superiore, si quid adhæserit, pede leporino, probè & leviter eximendum. Post altera formæ pars sumenda, atque eadem terrâ implenda, comprimenda optimè, ut priùs, ferroque ad æqualitatem reducenda. Postea ferri acumine superior formæ pars, parùm attollatur, manibusque dextrè auferatur, ita ut Numisma eximi possit. Quòd si facilè auferri non possit, subtili pennæ aculeo circum leviter attollatur, vel etiam cultelli acumine decussatim percutiatur, quo obverso typo auferri queat. Si verò Numisma perfectè expressum non videretur, rursus sub prælo inter duas tabulas, ut priùs, comprimatur. Quibus omnibus factis, ferro aliquo curvo scindente, circino & regulâ, canalibus dispertitis, ad ignem siccentur, mox bombyce, oleo, & terebinthinâ imbutis, atque accensis afflentur fumo: postea si quid fumi superflui relictum sit, leporino pede tollatur. Quòd si Metalla infundere voles, inter duas tabulas unâ cum pannis sub prælo ponito, comprimendo aliquantulum: deinde metallum liquatum injicito, si fuerit Argentum, vel Æs album, cognoscitur ex suo splendore, & claritate: si verò Stannum, stuppa, vel charta injecta comburitur, optimè hinc inde fluet, nisi Stannum fuerit: tunc enim Sublimati centesima, & Antimonii octava pars injicienda erit: sic enim non solùm optimè fluet, sed durius quoque metallum efficiet. Porro frigefactis typis, Numisma dextrè eximatur, ac fervetur. Quòd si alia efficere voles, iterum formæ fumo erunt afflandæ: deinde sub prælo comprimendæ, ut antea jam est dictum: hocque faciendum toties, quoties alia Numismata efficere voles. Cæterùm si formæ nondum videantur fatigatæ, sed adhuc ad alia metalla infundenda aptæ, in

loco aliquo sicco conservari debent. Si verò fractæ, rursus conteri, pulvisque melior, ut superius est dictum, fiet. Porro Numismata, sive recentia, sive vetera, tum coqui, tum in aqua alba poni debent: præsertim, si non fuerint ex stanno, ut infrà docebitur.

Ad Numismata ex cretâ liquidâ, penicillo formanda, quod multò facilius est, quàm typis superioribus, sed formæ semel tantum utiles sunt: nec res paulò subtiliores his effinguntur: quæque penicillo denuò tangi non possunt.

Sumito Numisma nitidum, beneque ablutum & ficcatum, ut prius est dictum: deinde oleo illitum sequenti ungito misturâ, quæ sic se habet: Recipe supradicti Luti sapientiæ ad Solém, vel ad ignem ficcati, atque in pulverem tenuissimum redacti, cribratique quantum satis esse videatur: quò deinde aquâ communi liquefacto, altera Numismatis pars illinatur: deinde ficcata rursus prædicto luto, sed spissiore, inungatur, ficceturque. Quod cum quater vel sæpius fuerit factum, altera similiter pars oleo prius illita inungatur, ita ut totum Numisma luto obducatur, maximè si ad auferendum Numisma per mediam formam scindere noles. Sin minùs, antequam altera Numismatis pars inungatur, prius lutum Numismati adhærens contritis carbonibus aspergendum, quo altera pars superaddita minimè adhærescat, sed facile removeri possit. His factis, altera quoque Numismatis pars, supradicto luto humectato, penicillo illinatur, & iterum ficcata, spissiore luto liniatur, & ficcetur, hocque quater, vel, ut voles, quemadmodum fecisti, quum primam formâsti. Verùm antequam benè ficcetur lutum, partes cultello aliquo semper oportet leviter redundantes refecare, ne coalescant: ejus, inquam, partes, quæ carbone aspersæ fuere. Cùm autem jam probè fuerit ficcatum, commissuræ illæ cultello leviter tractentur attollendo, ut altera formæ pars à Numismate extrahi queat. Quâ ablatâ, altera quoque auferatur, quod fiet, si lutum modicè cultello percutiatur, Numismate deorsum tendente. Quibus omnibus factis, sumito ambas luti partes, atque primo foramen, per quod liquefacta metalla decurrere debent, ad latera utraque fingito: deinde filo aliquo ferreo, partes simul colligato probè, coquitoque in fornace, vel sub carbonibus accensis, donec confumen-

fumentur carbones. Quòd si coquantur, antequam conjunctæ fuerint partes, non erit absurdum, modò postea filo ritè colligentur. Cum autem Metalla liquefacta infundere voles, inter duas tabulas, vel sub prælo ponito, metallumque infundito: deinde frigidum exigit, & invenies Numisma egregiè formatum. Verùm si ex Argento fuerit opus aliquod, erit dealbandum, ut deinceps dicitur. Si ex Stanno, dealbare nihil opus erit, si verò ex Auro, Æris flore & Urinâ est colorandum. Sed neque ex Argento, neque ex Auro Numismata, non in his cretaeis formis, sed in suprâ dictis fundenda sunt. Hoc luto sic parato, aliter & quidem facilius conflare Numismata possunt, nempe hoc modo. Sumatur id quod formandum est, atque id ex cera, & terebinthina commista constet: mox ea cera cretâ sive luto congeratur, ut antè diximus: deinde foramen inducatur: post ad ignem ponatur, ita ut foramen in ima sit parte, per quod cera omnis liquefacta exeat. Quo factò metalla liquefacta infundantur. Illud semper tenendum est, ut formæ, quocunque modo sint, cùm est fundendum, caleant.

*Album ad Numismata, aliâq; opera dealbanda,
argentea opera antiqua expolienda, & tan-
quam renovanda.*

Sumito Numismata, vel aliud quodvis opus antiquum, vel novum, & ponito super Carbones accensos, tamdiu versando, donec cineris colorem fuscipiant: deinde extergente ex æris filis scopâ, cùm optimè extersum fuerit, in sequentem ponatur aquam, quæ hujusmodi est:

Rec. Aquæ marinæ, vel communis q. f. est.

Salis albi M. j.

Tartari,

Aluminis sing. q. f. est.

Misceantur & coquantur in vase aliquo vitreato. Quòd si opus ex ære, sophisticâ ratione dealbatum fuerit, sumito Argenti, in tenuissimas bracteas deducti, sive foliorum Argenti denarium unum.

Salis Ammoniacy unc. j. fem.

Salnitri drach. ijs.

Misceantur, & ponantur inter carbones accensos, in vase aliquo cooperto, sed cum operculo in medio perforato, tamdiu, donec vapores omnes evanuerint; deinde frigidâ

da conterantur optimè, & fiat pulvis. Cùm autem uti voles, hujus pulveris unc. j. prædictæ aquæ addito, & per octavam horæ partem coquito: deinde Numismata, vel alia opera immittito. Quo factò, aquam, & opera ipsa in aquam claram, tepidamque effundito, tartaroque & aliis in fundo residuis opus optimè fricato, demum aquâ frigidâ abluito & siccato.

D E S E C R E T I S M E T A L L O R U M
in specie.

D E S E C R E T I S A R G E N T I V I V I.

C A P. II.

Argenti vivi congelatio cum odore Metallorum.

AR G E N T I vivi congelatio cum odore metallorum, & præcipuè Plumbi, fit hoc modo. Purgetur Plumbum, & à scoriis separetur, liquatum in foveam projicito: ubi jam frigescere incipiet, ligni præfixa cuspidè, & detracta, fluidum immittito Argentum, & congelatur, pilâ tundito, & multoties reiterabis, ubi durum jam habes, sæpius colliquato, & in claram aquam immergito: tamdiu opus iterabis, donec durum, & sub malleo ductile habeas, nec tamen inutile fore censeas. *Joan. Bapt. Porta.*

*Argenti vivi congelatio cum casside ferrea,
vel patina.*

Fit & alia Argenti vivi congelatio cum casside ferrea, vel patina, projiciendo cum eo aquam, quâ fabri ignitum extinguunt ferrum, ac illi duplum immittatur ammoniaci Salis, Calcanthi, & Æruginis: vehementique igne finas ebullire, ferreâ semper spatulâ versando: & si absumitur bullitione aqua, calida paretur alia, & projiciatur, nec sinat ebullire: sic diei quadrante congelatum habes, inde linteo filo, vel corio stricte manibus congelatum exugito, ut exudet; quantulumcunque habet expressum denuò congeletur, dum omne perficiatur, sic in præfatum fictile dimittatur cum fontana aqua, detractis, quod pessum ierat fordibus, in

in eandem fideliā misceto, & confundito, donec lotum clarum habeas, sub dio tribus noctibus ponito, & in testæ duritiem crassescet. *Idem.*

Mercurii coagulatio lutea, Auri Rhenani colorem induens.

Rec. Æruginis, Salis communis ana drach. ij. quæ conterendo mixta diligenter, pone in lebetem ferreum superinfunde aquam ac tamdiu bullire sine, quoad aqua fiat purpurea. Tunc lebeti immitte Mercurii unc. j. ebulliant rursus ferreâ semper versando spatulâ, quæ exempta & probè abluta exsicca. Post accipe Tutiaë partem unam, & Curcumæ radicis partem unam cum semisse, contundantur diligenter, & in pollinem tenuissimum, donec nigrescant, redigantur. Quo factò, ex hoc pulvere nigro cum Mercurio coagulato fac stratum super stratum, vase obturato, & luto obducto, igni ad horas vj. rursus apponito, ita ut ignem carbonibus semper exaggeres, quo lebes totus incandescat. Tandem liquecant, & sic habebis Mercurium, auro Rhenano similem. *Ex lib. quodam Germanico manuscripto.*

Argentum vivum congelatum in Aurum tingere.

Illud autem Argentum vivum congelatum in Aurum tingere si vis, & pulchrè: Infractis particulatim partibus, cum Cadmiæ terræ pulveribus alternis fusorium vas, & testaceum mediam partem impleas, hinc Uyis, & Cyperi radice Indicâ illâ, quam Officinæ *Curcumam* dicunt, confusis in expletum vas luto circumlines, & in Sole exsicabis, vel igne, qui Solis vicem penset. Sic verò igni appones, ut ferveat horis vj. & incandescat, inde follihus perfletur, & maximè vexetur, ut fluxum faciat: & ubi fluxerit, frigescat carbonibus tumultatum: sic Aurum coloratum, & splendidissimum reperies. *Porta.*

Argentum vivum cum æneis pilis fixum reddere.

Et aliter Argentum vivum cum æneis pilis fixum reddere possumus, & congelare: Ærea duo hemisphæria fabricemus, ut se invicem penetrent, ne exspirare possint: intus vivum Argentum cum crySTALLINI Arsenici æquali portione,

&

& Tartari ritè contusorum, & cribro secretorum immitantur: luto foràs commissuræ perlinantur, ne respirent: sic resiccescant, & carbonibus exaggerabis, & obrues quartâ diei parte, postremo incandescat totum, inde extrahas, & aperias, & totum ænei vasis concavo coalitum inhærescere videbis, malleo percussum decidet, liquato, & projicito, & optimum dabit Argenti colorem difficileque ab eo fecernitur. Si Æri immiscere placet, cum eliquato Æris triplo immisceas, & sine Argento optimum ostendet album, dulce, & malleabile. Vel aliter: Fictili ollæ æneum operculum imponatur, ac accenso igne mirè vivum Argentum in operculo congestum reperies, & mirabilius congelabitur: alii è Ferro, Chalybe, Argento, ac denique Auro conficiunt, diversisque utuntur modis, in aliquibus utile fuerit scisse, nec meminisse obfuerit. *Idem.*

Purgatio Mercurij.

Allium in frusta concisum tunde probè in cataplasmatibus formam, exprime hinc succum per linteam, cujus parum super porphyritem funde, adjice hinc Mercurium vivum, & continuâ triturâ tamdiu subige Allii succo, donec nullum ampliùs videas Mercurium currentem. Fac hoc & repete aliquoties cum alio Mercurio, usque dum ejus expetitam habeas quantitatem. Omnem postea vitreo immitte sive catino, sive mortario, tere probè cum pistillo ligneo, affuso simul aceto & sale, acetum hinc, quod nigricans erit, decanta, novum acetum affunde, tere iterum, opusque hoc tamdiu repete, donec acetum non ampliùs nigrum evadat. Tandem decantato aceto, mercurialem massam cum Sale vitreæ cucurbitæ immitte, igni impone, ac paulatim massam ficcari permitte; reddetur sic massa dura, quam dein benè in vitreo mortario cum ligneo pistillo, affusâ simul aquâ, contere, aquam postea decanta, novamque tamdiu aquam calentem affunde, donec omnem Mercurius nigredinem exuerit; tum verò eum ter per lineum mundumque pannum, hinc per corium, & tandem iterum per lineum pannum trans mitte, & sic purus erit Mercurius. *Ex manuscripto Alchymico Bibliothecæ Zvingerianæ Basiliensis.*

Oleum

*Oleum Mercurii corpora solvens, & in Lunam
transmutans.*

Mercurium viventem crudum immitte crucibulo candenti, cumque incipiet odorem spirare, effunde in catinum sufficiente aceti quantitate repletum; & opus hoc toties repete, donec Mercurius in aceto sic extinctus in pulverem abierit, ipsumque Acetum instar lactis evaserit. Permite hinc Acetum super lenem ignis calorem sensim evaporare, usque dum crassiusculum sit redditum; tum fimo impone equino per 14. dies, postea superaffunde Aquam communem, in qua Sal culinaris vel Alumen fuerit solutum; abstrahere porrò hanc aquam per distillationem. Superaffunde denuò, & tertià denique vice novam aquam salis, & abstrahere, sic habebis Oleum Mercurii, quod omnia corpora solvit calcinata limatave. Signum verò solutionis est amarities, quam producit. Quòd si verò corpus ita solutum sit, ut melius solvi nequeat, tum quieti id trade, ac deinceps oleum Mercurii inferius, oleum verò corporum supra profunde, vitro immitte, ac tamdiu quiescere permitte, donec olea à seinvicem separentur ac secedant: Sequens tamen mecum fuit commendata procedendi methodus:

Rec. Olei Mercurii drach. iij.

Olei corporum drach. j.

Misce & fimo impone, ut putrescat, tum coagula, & solve bis ad minimum; & hinc drachma una centum corporis drachmas in Argentum convertet. *Ex eodem Manuscripto.*

Mercurium malleabilem reddere.

Libram unam Nitri puri ollæ vitreæ immitte, affunde aquam fontanam puram, eandemque super ignem lentum denuò evaporare permitte. Tum verò Nitrum super marmorem aliumve lapidem in medio nonnihil cavum expone in cellam, & ita solvetur illud bidui vel tridui spacio, quod in pelvim suppositam depluere curato, & vitro immissum observato. Dein contunde minutim quatuor uncias Sulphuris, inde in Cucurbitam, atque Nitrum in Aquam solutum superaffunde, pone in arenam,

arenam, injice alembicum, subde ignem, & aquam abstrahere, fervaque. Post hæc Mercurii crudi aqua forti soluti & in calcem præcipitati libram unam vitro immitte, superaffunde Liquoris Nitri in aquam fusi libram unam cum dimidia, ac Salis alcali semunciam, Arden- ti verò duas drachmas, quas prius Aqua forti solvisti, insuper adde; hinc Vitrum arenæ impositum relinque aper- tum, ac ignem subdito, ut arena caleat, sic massa sen- sim in vitro exiccabitur ac indurabitur, quo facto, vitrum frange, massam à vitri frustis separatam crucibulo immitte, adde drachmas duas Salis cujusdam Alkali, fluat hinc massa, quæ sic igne subdito probè fusa in excipulum effundatur; frigesacta enim atque indurata malleabilis erit, Lydioque lapide candidas Argenti instar lineas affricta da- bit. *Ex eodem manuscripto.*

Mercurium coagulare & figere.

Mercurium vivum immitte in cucurbitam, cooperi vel tege ipsum probè Herbâ Chelidoniæ majoris contusâ, po- ne super ignem, sic paulatim coagulabitur Mercurius. Vel Mercurium pone in Sanguinem Fœminæ cujusdam men- struum, atque tantundem succi è Floribus Papaveris rhea- dos expressi, parumque Euphorbii pulverisati adde. Lin- que sic infusum tridui spatio vel diutius Mercurium, & ipsum videbis coagulari atque ita indurari, ut etiam mal- leari possit instar Argenti. *Ex eodem manuscripto Zwin- geriano.*

Argenti vivi congelatio cum Oleo.

Fit & Argenti vivi congelatio cum oleo alia, & sic facti- tatam à multis reperio, retinet tamen aliquid, & ingenio- sa est valdè. Ex Argento, rubro Arsenico & Aurichalco, vas efformetur in scyphi speciem, quod ritè operculo coo- perias, ne respiret, vivo Argento reple, & juncturæ luto muniantur cum aliquo Ovi albumine, vel resinâ Pini, ut fit, & in ollam suspendatur, lini Oleo plenam, & natu- ralis diei medietate finas ebullire, extrahe, & exemptum corio vel stramine exprimito, & si quid incongelatum fue- rit, cum eo opus iterato, & simul coagulari cogito. Si vas tardè coagularetur, quantum ponderis amisisse vides, ex Aurichalco & Arsenico rependas, è pondere enim di- gnoscere nos possumus, & demum utere. *Porta.*

Argen-

Argenti vivi coagulati fixatio.

Jam poscit ordo fixationes aliquas apponere, cùm semper coagulationibus subsequantur, quæ plus aliquando, minusve retinent partium. Unde Argenti vivi coagulati fixatio hæc sic procedit, nec absque ratione: Testaceum vas, quod igni resistat, parato, cujus fundo, Sambuci radicum rasuram substernas, manibus calcando, & accommodando, aliud deinde sternito pavementum è crystallino vitro, in pilâ tufo, & per incerniculum trajecto, & subtilissimo: inde Piperis, Zingiberis, & Cinnamomi aliud, malagma illud, vel congelatum Argentum vivum imponas: inde vas reple pulveribus eisdem ordine præposito, operculum imposito, ac luto munito. Solique interdiu credendum, ut ad candorem reducatur. Si vas invertas, & levibus subjectis prunis supra primam incandescat per horam, inferius postea, & colliquetur, & purum reperies Argentum, si quid remanet alienum, omne non congelatum evolat, & ex omnibus, quas videre contingit, & experiri felicissima hæc successit, omnibus uti poteris, vel in corpus illuc fixat, quo fuerit congelatum. Est & alia Argenti vivi fixatio, non utilitate inferior, & uti poteris, si placuerit: Sal nitrum & Tartarum triturentur, in pollinem redigantur: igne intus admoto, flammam erigens comburitur, remanens in aquam vertatur, & levi flammâ evolet humidum, & sal remanens cum Chrysocolle factitiæ combustæ (comburitur enim ut Alumen) triplo permisceatur, Salis alcali duplo, hoc congelatum involve vase duro, ignis supra admoveatur, inde circum, tandem inferius senis quibusve horis, & partes retinent congelati aliquas. *Joan. Bapt. Porta.*

Argentum vivum ut cogatur.

Fumus metallorum, præcipuè Plumbi, cogit Argentum vivum. *Cardanus.*

Modus Mercurium præparandi indurandiq̃, ut sub malleo ductilis & fluidus fiat, variisque modis elaborari possit.

Ex quo argento innumera statuae Viennæ & Neostadii in Austria confectæ sunt.

Liquefac Saturnum, quem adhuc calidum in vas rotundum ponito, lapillum imprimito rotundum, ut foveam nanciscatur, tinge linteolo, super quod collocetur Mercurius, & in cineribus calidis, donec durescat, relinquatur:

infractis dein particulatim Mercurii partibus in Acetum forte conjicito, coquito ad horæ quadrantem: vel partes Mercurii confractas cum succo Buglossæ, pauxillo aceti, & olei ebullire finito, ut suprâ dictum. Nam hac ratione mortificatur. Quibus factis, adde salis Ammoniaci drach. ij. Aceti mensuram semissem: Mercurium in vase operculo obducto & probè lutato ad octo aut decem dies relinque, quò acetum Mercurio sordiditatem adimat omnem: postea Mercurium in vase circumlutato ad ignem ponito, donec sensim incandescat, & fragorem edat. Tandem Mercurium in ollam cujus fundus sulphure tectus sit, suspendito, eamque luto munitam lento igni apponito, ut sensim caleseat, & Mercurius à Sulphure fumum recipiat. Hoc fac per mensem semel in die, & Mercurius fusilis ductilisque erit. *Wilhelmus & Martinus Friderici Imp. Chymici.*

Ex Plumbo Argentum vivum ut fiat.

Sumito Plumbum in tenues laminas redactum: ponantur in vase vitreo, unà cum Sale communi interposito; deinde cooperiatur optimè, & sub terra relinquatur per dies novem: & Argentum vivum reperies. *Fallopianus.*

Modus sublimati Mercurii, sive Argenti vivi, quo utuntur Chymistæ & Aurifices.

Accipe Argenti vivi libram unam, ponatur in scutellam ligneam, addito Aceti & Salnitri pusillo, miscendo benè, atque mortificando, quibus factis addito Salis communis contriti libram semissem, Salnitri in pulverem redacti drach. iv. Aluminis usti, & triti libram j. cum dimidia. Misceantur benè, & ponantur in cucurbitam lutatam, ad collum usque, & alembico superaddito destilletur in cineribus, primò igne lento, quousque humiditas omnis exierit, quæ conservanda erit. Valet enim ad multa & varia, præsertim ad macerandum Argentum vivum. Humiditate exemptâ, augeatur ignis continuè, donec Argentum vivum conspiciatur album, id est, donec videatur supra feces manare, ut albus panis. Quòd si velis ut plus ascendat ad collum usque, papyrus circum eam partem, quæ foris nuda apparet, ponito: deinde igne plus aucto, videbis paulatim ascendere ad superiora Mercurium ipsum, ad formam campanæ. Quibus deinde frigefactis, atque alembico ablato, eximatur cucurbita, ac mundetur forinsecus.

cus, ne fractâ aliquo modo Argentum vitietur: demum frangatur cucurbita, ut Argentum colligi queat, verum ita ut à fumo non lædatur. Cæterum hac ratione possunt fieri massæ ducentarum librarum in una cucurbita, modò debita materiarum proportio fervetur. Porro materia in fundo relicta, nempe feces terantur, & in aqua ferventi dissolvantur, colenturque, deinde coquantur & siccentur. Remanebit enim in fundo materia salî similis, ex Sale & Alumine mixta. Valet enim hoc Salnitrum ad sublimandum Argentum vivum recens, addito aceto, vel loco aceti, aquâ per sublimationem destillatâ. Porro supradictum Argentum vivum sublimatum, cum Alumine, vel Vitriolo denuò & facilè sublimari poterit, si modò pro qualibet librâ sublimati Argenti, addantur Salis, vel Aluminis usti, vel Calcis vivæ libra semissis, deinde in cucurbitam ponantur ad sublimandum ut prius. Nam si citiùs sublimabitur, pulchrius meliusque evadet: quantò enim sæpiùs sublimatur, tantò citiùs pulchrius evadit. Alchymistæ præcepta *Geberis*, *D. Thomæ*, aliorumque Philosophorum sequentes, tantum sæpè laboris in sublimando sumunt, ut id fixum reddant: suntque qui centies, atque etiam ducenties sublimârunt: quorum omnis labor irritus tamen fuit: quod quidem certum est evenire, quòd semper feces, nempe Alumen, vel Sal, vel Vitriolum, ut dictum est, addiderint: & cum ignis natura sit, volitantia sistere atque constringere, constat, quò sæpiùs sublimata fuerint, eò etiam duriora effici: Verum ea pars, quæ paulatim constricta erat, cum ferè fecibus permisceretur, nusquam apparebat. Quare hi, cum causas, & modos, ut par est, non considerarent, viderent autem sublimatum paulatim deficere, aut evolâsse, aut igne consumtum credebant potiùs, quàm fecibus esse permixtum. Itaque cum philosophicè quis fixando sublimato, progredi vult, oportet ut ter vel quater, cum Sale, vel Alumine usto, vel Calce vivâ, vel Talco, ut antea dictum est, sublimetur. Nam sic, non solum ab omni terrestri materia, verum etiam à qualibet redundanti humiditate purgabitur. A materia quidem terrestri expurgatur: quoniam remanent in fundo cucurbitæ unâ cum reliquis fecibus, id est, cum Sale, Alumine & Vitriolo. Ab humiditate verò superflua, quoniam partim per evaporationem, unâ cum aceto resolvitur, partim per iteratam sublimationem ignis naturam aliquo modo assumit: quæ causæ potissimum sunt,

ut fixus reddatur, quæ duo fixationis præcipuè sunt partes, aut potius solæ. Neque quicquam in hoc proposito, rem esse fixam intelligimus, quantum excoctam esse, tantamque cum igne habere societatem, ut neque fugiat amplius, neque quovis modo igne absumatur. Quare cum ter quaterve sublimatum fuerit, ut dictum, sublimatur per se, absque reliquarum additione, toties, donec in fundo fixum remaneat, neque ignis ullâ jam vi fugiat, & minuatur. Verum si citius, faciliusque parare voles, hac securissimâ, ac philosophicâ viâ procedito: nempe ter, aut quater sublimatis, ut dictum est, adjungatur quarta pars Argenti purissimi calcinati, ut suo loco docebitur: quib. deinde optimè mixtis, & sublimatis, misceantur simul: nempe illud, quod sublimatum est, cum illo, quod in fundo relictum est, & conterantur: deinde rursus sublimentur. Hoc quidem toties faciendum, quoties non amplius ascendat, sed in fundo maneat, etiam igne vehementi. Atque sic erit perfectum: album, mundum, fusile, & penetrabile. Quod si quis majorem copiam facere velit, neque Argenti optimi, quartam partem addere possit, sumat partem aliquam ter, aut quater sublimati: cui addatur deinde quarta Argenti puri pars, & sublimetur, ut dictum est. Quibus factis, sumatur hoc Argentum fixum, cui addantur Argenti vivi, prius sublimati, non fixi, partes tres, misceantur, & sublimentur, ut suprâ dictum est, donec fixum remaneat. Quod si adhuc majorem copiam facere voles, rursus partes tres non fixi, huic addito, atque rursus, ut prius facito, donec fixum evadat, atque sic deinceps procedendo, donec satis magnam habueris copiam. Modus autem hic melior est quam si semel totum sublimetur. Quoniam sæpius volatile fixum redditur & fixum volatile, id quod Philosophi commendant: nam fusibilius, penetrabilius, & majoris virtutis efficitur. Atque omne secretum consistit in hac via sublimandi, ut nunc diximus, quam primi Philosophorum, & excellens ille *Geber*, sequuntur, nisi quod occultè admodum teneant, utrum sublimari debeat, quamvis Argentum vivum dicat, tamen aliud quiddam intelligit, quod etsi similitudinem cum Argento vivo habeat, tamen naturâ ad perfectiorem gradum adductum esse constat: quemadmodum exempli gratiâ, pasta ex farina constat, non primâ ratione, sed ad perfectius reductâ. Cæterum hæc alta scientia aliunde esse non potest, quam à solo Deo, qui non
omni-

omnibus, quibus vult (ut omnes testantur Philosophi) eam largitur, & subtrahit. *Alexius.*

Hydrargyrum ut ex corpore foràs evocetur.

Oleum Sulphuris demersum corpori Hydrargyrum foràs allici volunt, statim illito à balneis. *Hollerius.*

Cæterum admiratione dignum est, quòd ex morbo Neapolitano inunctus, si aureum annulum, vel numisma in ore teneat, & lingua hinc inde volutet, Argentum vivum, quod corpori ex illitu & unguine innatat, ab Auro rapitur, & in annulum devolvitur: nec pristino restituitur nitore, nisi igni admotus. *Lemnius.*

Argentum vivum è Plumbo extrahere.

Possumus quoque Argentum vivum è Plumbo extrahere, in hunc modum. Tenuissima Plumbiramenta in ardentem aquam, nullo plegmate redundantem projiciantur, adjecto Tartari, & Salis momento, vel quòd medietatem æquet, & aqua super Plumbum quadrante superemineat, os operculato, & per mensem sub fimo obruito, post detrahe, & vitreo in vase obtorto, ne multum ascendendo laboret, ignis subjiciatur, & aquam extillans vivum Argentum in guttulas versum ascendere conspicias: ubi hæ notæ comites apparuerint, aucto igne recipias: Vel aliter Argentum vivum è Plumbo uberius faciliore sic detrahes viâ. Sit fictilis ollæ fundum crebris foraminibus laceffitum, & exiguis, in aliam subintret ollam ac tenaculo commissuras stipabis, brevi, ejusdemque capacitatis effossâ scrobe obruatur, solâ undique terrâ pedibus conculcatâ, superiorem vacuum mediotenus vivâ repleas Calce, nec aquam expertâ, inde lima quæsitum plumbum, & tenue tritum disseminabis, vivâ Calce reple totam denuò, ut in medio collocetur Plumbum, & puerorum urinam expurgificabis, supra sic opercula imposito, omniq̃ue oblinito spiramento, ignem adhibe vehementem: & undique tumulabis, & per diem immoretur, fortissimi enim vi ignis per aperta fundi foramina in subjectum vas vivum decidit Argentum, sextæ illius respondens parti. *Porta.*

Ad tingendum & fugendū Mercurium.

Mercurium, vel si mavis Argentum vivum, unâ eademque via fixum & tinctum sic habebis. Sume Salis nitri & Vitrioli Romani, utriusque drach. iij. mitte in vas distillatorium,

rium, seu Chymicum organum, ut aquam elicias: priorem adjice, posteriorem serva. Ea est, quæ stillabit dum alembicum, ut vocant, rubescere incipiet. Hæc absque ulla diffatione sedulo tibi custodienda erit. Usus sic erit: Accipe Mercurii optimi, & ut par est, purgati unc. j. Sulphuris unc. ij. & aquæ prædictæ uncias tres: permitte omnia simul stare, donec aqua limpida evadat. Hanc cum sua hypostasi & sedimento rursus destilla, & in fundo alembici reperies Mercurium extinctum, fixum, rubrum, & completum. Audivi à quodam, quem hujus secreti participem feceram, se absque secunda destillatione Mercurium reddidisse, qualem hic proponimus, nisi quod plus satis rubicundo tingebatur colore: erat nihilominus corpore adeo duro & fixo, ut nec igni, nec malleo vinceretur, quibus illum examinandum præbuerat. At si bonus iste vir me ferio consulisset, & rogasset, saturatum, ac profusum colorem cum unâ & solâ coctione facile emendasset, ac diluisset. Hic qui habet aures audiendi eas arrigat, & pro tam gratuito arcano mihi gratias saltem agat, partemque lucri hinc emerfuri, in pauperes libenter eroget. *Mizaldus.*

Argenti ex vivo Argento faciendi modus.

Argentum vivum purgatum, cum Sale ammoniaco & urinâ his, aut ter subigatur & fricetur optimè, deinde cum salina inferius dicenda: postea iterum bis aut ter cum urina fricetur, singulis vicibus per pannum linteum colando. Quo facto, Argentum vivum sic præparatum in crucibulum ponatur ad ignem temperatum: & cum incaluerit, carbones candentes imposito: & cum ignis flammam, colorem mutare perceperis, ignem paulatim augeto, donec flamma apparuerit cœrulea: tum ignem plurimum augeto cum folle aliquo, diligens pro more in hac arte artificium. Quod verò si firmum seu fixum, & minimè fumosum conspexeris, ab igne auferatur, & habebis Argentum optimum. Salina conficitur hoc modo.

Rec. Salis communis q. s. dissolvatur in Aqua fontana; deinde coletur per filtrum: demum coquatur, donec in fundo salina apparuerit, quâ ad supra dicta utere. *Fallop.*

Argentum vivum ut in calcem, sive pulverem rubrum redigatur (Præcipitatum vocant.)

Hydrargyrum repurgatum à sordibus ampullæ inditur,

tur, & in æquali aquæ validæ pondere supra cineres modicè solvitur: deinde per arenam paulatim evocatur, dum pulvis rubicundus in fundo remaneat. Is postea catillo imponitur, & leviter incallescere finitur: vel in patella fictili vitreata, vino subtilissimè destillato aliquoties perfunditur incenditurque, hoc exusto, pulvis Aquâ rosaceâ diluitur, exiccaturque, tandem iterum Vinum admiscetur, accenditur, collocaturque in locum calidum, donec ficcus evaserit. Quidam unc. iv. Hydrargyri in unc. vj. aut octo Aquæ validæ destillatæ ex Salis nitri & Aluminis pari mensura, solvunt: mox aquam ad pulveris siccitatem extillant, & in catillo modicè exurunt, reservantque in loco calidior: ne humore infectus, tandem in pristinam suam formam convertatur. *Andernacus.*

Oleum Hydrargyri, sive Balsamum.

Fit autem, dum Hydrargyrum in Calce fecularum Vini exiccatarum purgatur: deinde per Calcanthum, Salem Nitri & Alumen in altum elevatur: postea Vini spiritu correcto digeritur, donec in mucosam pinguedinem transeat: hinc liquor extrahitur, & in arena igne fortissimo urgetur quoad humor lactis instar exstillet: hinc iterum affunditur, & oleum albissimum suavissimumque, omnis erodentis facultatis expers provenit: quod omnium metallorum olea præstantissima superat. Ex eodem si cum Auro digeratur, congeleturque postea, summum artis Magisterium, sive Elixir confici tradunt. *Paracelsus.*

DE SECRETIS AURI.

C A P. III.

Aurum excrescere & augere.

SI optabis Aurum excrescere plurimum, & augeri: Si in vas fuerit efformatum, aliudve, si ponderi magnitudo non respondet: Aurum fluido argento manibus digitisve perfricabis, dum illud bibat, donec quæsitum expleat pondus superficiei cohærescens: deinde validum parato lixivium ex Sulphure & Calce vivâ, & cum Auro in ollam patentioris oris conjice, levibus subjectis prunis tamdiu indefinenter bulliat, dum suum jam colorem contraxisse perspexeris: sic eximito, & habebis. Vel ex Ovorum boletis, Lythargyrio aureo aquam valido exigito igne, & in

eo ignitum Aurum extingue. Si autem unumquodque ex-
 crescere volueris, sic habes aliud optimum: si ritè perege-
 ris Aurum fatis ponderosum reddes, nec cælaturæ formæque
 erit impedimento: sedulus tamen esto. Antiquorum late-
 rum ruberrimi Salis nobis ubique venalis ac flagrantissimus
 Calcanthi pulvis paretur, aptoque inspergas vase: Argen-
 tum pulverabis, vel forti Aquâ, vel ex Calce, vel levi ar-
 tificio aliquo: inde Aurum vicissim cum pulvere inspargen-
 do accommodabis, ac præposterè vas explebis, & obtura-
 bis, igni accommodato per tertiam diei partem, nec ignem
 follium vexes spiritu, detrahe, & solis pulveribus sine
 Argenti calce innovabis & explebis. Si Aurum colorem de-
 perdet, sic refarcies: salnitro, ammoniaco Sale, Calcan-
 tho, & Laterculorum pulvere, cum urina strigmentum fa-
 cies Aurum operi, & lento condēs igni. Est & loturæ genus
 aliud, uti fieri consuevit: Aceto ebullire curabis, Sale am-
 moniaco, Ærugine, Tartaroque, dum amissum recuperet
 colorem. Si fulgentissimum nitet, & remissius optas, re-
 medio est, ut urinâ madefactum in candentem laminam re-
 frigerari finas. Sic Calcanthum concremabis, ut flagrantissi-
 mum reddas: in vas coniectum, carbonibus obrutum deco-
 quatur, dum in florentissimum & flagrantissimum colorem
 permutetur, ex invito & recondito, nec in malum susci-
 pies usum. Possumus Æris ramentis aliter opus explere,
 Argenti vicem explens, nimiumque ponderis suscipiet. Et
 fit aliter: Antiquos lateres ignitos in oleo restingues, inde
 terito, & cum vivo Argento remisto, marmore simul lævi-
 gato, ac vitreo in vase ad ignem imposito: eliciatur oleum,
 cujus igniti operis extinctione augefcit pondere. Aliter
 autem, & perfectius aurum augebitur: Si Æris duplum
 cum Argento colliquetur, inde in tenues ducatur bractæas,
 ac parvulas. Parato interea è fortis Aquæ fecibus pulverem
 Salnitri scilicet, & Calcanthi, & Forti in vase fusorio lamel-
 la, pulvis, inde augendum Aurum accommodetur, & præ-
 postero ordine vas explebis, postremò os luto munito, &
 igni lento committito per diei mediëtatē, detrahe, sem-
 per idem innovando, dum ad statum pervenerit pondus.
Joan. Bapt. Porta.

Ad Auri & Argenti pondus augendum.

Aqua ex stercore humano chymicis organis destillata,
 Auro & Argento pondus adauget. *Mizaldus.*

Aurum

Aurum ex Argento extrahere.

Quæritur & apud Chymistas Aurum ex Argento extrahere: nec tam parum, quin sumtibus reficiens, multum non superlucraris, hæc est ejus conficiendi norma: Tenuis elimata Ferri scobs in fusorium vas, & durum igni tamdiu incandescat, dum solvatur: inde factitiam Chrysocollam, qua Auri ferrumini utuntur aurifices, & rubeum Arsenicum paulatim inspergito, & postquam insperferis, æquali Argenti pondere injecto, exquisitè purgetur, vase cineribus parato & forti, jam exclusis sordibus omnibus auri in separationis aquam immergito, & Aurum deorsum vasis fundo procumbit, colliges, nec veredicum magis è multis, & peculiosum, & laboriosum reperimus, laboribus ne parcito, & ritè ministrato, ne tempus & oleum teras. *Porta.*

Ad faciendum Solem.

Accipe Sulphuris vivi & Salis nitri ana, tere omnia seorsim: postea misce pulveres, & pone in bociâ vitrea benè lutata, ad ignem lentum appone per horas duas, postea ignem auge, donec fumus cesset: post fumum veniet flamma extra collum bocia & ascendet per ulnas, seu brachia duo, vel tria: & cessatâ flammâ remanebit Sulphur in fundo, quasi albus & fixus, tunc extrahe, ac recipe dictum Sulphur fixum, & tantundem Salis ammoniaci, & tere omnia, & benè in pulverem redige, ac commisce: deinde omnia pone ad sublimandum, dando primitus ignem lentum, deinde fortiolem, donec ascendat per horas quatuor, sublimatum extrahe, & omnia, nempe tam sublimatum, quàm feces simul incorpora, & iterum sublima, ut primò usque ad sex vices, & Sulphur remanebit in fundo vasis: quod accipe, & tere, ac super marmor, aut vitrum in loco humido pone, & convertetur in oleum: de quo pone duas vel tres guttas super uno ducato in crucibulo liquefacto, & fiet oleum, quod pone super marmor, & congelabitur: de quo pone partem unam super quinquaginta Mercurii purgati, & fiet Sol optimus. *Cardan. Hispanus.*

Pulcherrimum opus ad multiplicandum Solem.

Ad honorem & laudem Dei tractetur hoc, quod sequitur, de aliquibus metallorum transmutationibus. Et primò dicimus, quòd Luna de se est verum Sol, & illi aliud

non convenit, quàm perfecta decoctio. Et ideo fac, ut habeas uncias tres Lunæ finæ, & fiat cineritium ex duabus partibus cineris Vitis, aut lignorum benè recocti, & loti, & unâ parte ossium Equi, vel Bovis, benè combustorum, ut alba sint, & in pulverem redacta subtilem, & misce cum dictis cineribus, & irroretur aqua, post fac tuum cineritium in patella terrea forti, aut in fovea in terra, quæ debet esse magna benè æqualis, & benè lævigata, & benè exsiccata. Postea fundatur tua Luna in dicto cineritio, & sit benè purgata, & affinata, ita ut tua Luna sit ut cupellata. Postea cape tuam Lunam ita mundificatam, & percutite in laminas tenues, spissitudinis albi duplicis, vel circa. Postea habeas de sale communi præparato per modum qui sequitur. Capias poculum terreum & impleas sale, postea detine in tuo hypocausto, & facies circūcirca, & usque desuper fortem ignem carbonum, per spatium quatuor, aut quinque horarum. Et cum terminus dictus præterierit, permitte quiescere quantum vis, vel coagulari, extinguendo tuum ignem. Postea cape tuum Salem, quando est benè albus, & pone in uno alio vase, cum aqua mundæ magna quantitate & permitte totum liquefcere circiter per diem unum, & move sæpius, ut citius fundatur. Postea cape linguas filtri, & destilla paulatim dictam dissolutionem in aliud vas, postea cape patellam terream plumbatam, & intus pone aquam destillatam, superius dictam, pone super parvum ignem, & coagula paulatim, postea habeas patellam stanneam planam & mundissimam, cum qua colliges tuum Salem eâ mensurâ, quâ congelabitur, & serva tuum Salem, quoniam est præparatus, postea cape tuam Lunam ita purgatam & percussam, ut superius dictum est, & habeas duos *gliodes de Barbier* (Gallicè) & in uno fac unum stratum tui salis, postea unum laminarum: postea salis, & ita alternatim, donec duo tua vasa sint plena, postea conjunge unum alteri, & luta juncturas, postea habeas furnellum ventosum, factum ad tuam discretionem, qui habeat craticulam ferream, super quam pones tuum vas in fossam, in bonum ignem carbonum, ita ut sit semper ut rubeum, per spatium 5. horarum. Et supra tuam fornacem erit cappa, vel tegumentum terreum, quod tuum furnellum totum teget, & in fundo (aut superius) habebit unum parvum spiraculum. Et cum terminus tuæ materiæ transierit, remove vas, & permitte frigescere, postea cape
tuam

tuam materiam, & pone tuum Sal ad ficcandum, & cape tuas laminas, & videbis, quòd erunt ex imperfectione sua nigræ factæ. Ergò frica eas benè, de tuo posse, ut prohibeas eorum obscuritatem, postea repone in novo sale in tuo vase, ut antea fecisti, hinc & in tuo furno, ut supra: & ita toties fac, ut invenias, quòd tua Luna nil plus nigredinis teneat. Et tunc habebis tuam Lunam præparatam, ut facias opus tuum. Tunc ergo funde, & facias virgam rectam, & politam, & pondera, ut scias justè quantum habeas. Et facias inde sexaginta partes æquales: postea habeas de fino Auro quantum de Luna, & purga per modum qui sequitur. Cape de crasso sale aliquantum, sicca ad ignem, sed non nimis, postea cura ut habeas mortarium æris, aut aliud benè lævigatum, & intus tere dictum sale ad extenuandum: postea habeas ex magis vetustis tegulis, & magis rubeis, quàm sit possibile: & tere benè minutim, & cribra optimè, & munda, postea cape duas partes tuarum tegularum ita præparatarum, unam partem tui Salis antedicti, & benè simul misce, postea cape aurum superius dictum, & percutte in laminas tenues, ut fecisti de Luna, & cape duo vasa, ut fecisti cum Luna, & intus facies stratum tui cæmenti, & postea stratum tuarum laminarum, &c. quousque totum sit plenum utrumque vas, postea junge simul, & luta, postea pone in tuo furno ardente cum bono & forti igne per spatium xxiv. horarum. Et in octo primis horis dimittes tuum ignem, tectum suo coopertorio, ut moderetur calor ejus: & aliis octo horis removebis cooperculum: & ultimis octo horis facies ignem fortissimum, qui fieri possit. Et in omnibus supradictis terminis tenebis tua vasa rubefacta, ut de Luna fecisti, postea cape tuum Aurum, quoniam est præparatum, & pondera, & fac ut tantum habeas, quantum de Luna æqualiter, postea habeas vas factum ex optima terra, benè politum, & funde tuum Aurum intus, postea da illi ad comedendum peciam unam, vel frustum Argenti tui supradicti. Et ad primum frustum quod dabis, habebis peciam nigri Smalti, vel encausti (esmail) latitudinis tui crucibuli, quam pones intus, tenendo tuam materiam in fundo, & statim fundetur, & custodiet tuam materiam ut nihil diminuatur, postea habebit tuum vas unum cooperculum, quod teget, & tegumentum pyxidis. Et in fundo dicti cooperculi erit foramen (buhat) parvum, quod superabit, aut supereminebit igni, per quod scies num tua materia

materia sit fusa, & per quod tu illi dabis quotidie, id est, singulis viginti-quatuor horis structum tuæ Lunæ, postea claude, vel obtura cum parvo cuneo, vel obturaculo terreo. Et non est oblivioni tradendum, quòd oporteat, ut tua materia semper sit fusa die noctuque. Et scias, quòd tota Luna præparata, ut dictum est, quam intus projicies, convertetur in purum Solem. Et ita potes projicere usque ad numerum infinitum, & probatum est. Et ne obliviscaris, quòd sub tuo vase oportet ponere sub craticulâ tui furni paropsidem, sive scutellam terream, ne si tuum vas frangeretur, tua materia nimis amitteretur. *Raymundus Lullius.*

Alio modo subtilius Ejusdem.

Capiatur Luna affinita, ut supra dictum est, & limetur limaturâ benè mundè, postea misceatur cum sui ponderis Sale communi præparato, ut supra, postea pone in crucibulo clauso, & lutato in uno furno, ut superius dictum est, per quatuor dies (fortassè horas) postea extrahatur aqua, & lavetur cum dulci aquâ calidâ: fundetur Sal, & ita toties lavetur, ut aqua exeat dulcis, & clara: & singulâ vice permitte tuam Lunam residere, antequam aquam extrahas, & Salem, postea exsicca: postea iterum misce cum sui ponderis novi salis præparati, ut supra, & coque per terminum, ut supra, postea lava ut dictum est. Et ita habebis tuam Lunam præparatam & albam: quam pone in uno perot, (vas est) benè polito ad furnum tanquam ad minium faciendum, & calcina per spacium septem dierum, per modum faciendi minium ex plumbo, & octodecim horas pro quolibet die, faciendo ignem cum flamma benè clara defubtus sine fumo. Et sæpius converte dictam calcem Lunæ cum cochleari ferreo parvo, & qualibet vice claude & obtura os tui vasis cum suo cooperculo benè justè: & quolibet die irrorâ tuam calcem Lunæ cum aqua sequenti: Et ita tua calx fiet admodum pulchra & naturæ Solis. Et tunc habeas tuum fermentum ex fino Sole, & imbebe, & coque in Furno ventri, ut dictum est superius, præterquam quòd istud nutritur ad trigessimum, & aliud ad sexagesimum. Et nota, quòd super tuo fermento fuso ad fornellum ponatur parum viti, aut nigri smalti (esmail) ut superius dictum est, & non decrescet aliquid. Et réver-

sio,

fio, seu recursio, seu recursus tui operis est, quòd quando converteris tantum pondus Lunæ in Solem, ut tuum fermentum ponderat, capiatur tua massa, & funde pro Marcha v. estrelius (Gallicè) finissimi Æris cum tua massa, postea fac accudere in tenues laminas, & pone in cemento stratum supra stratum alternatim per placentulas crassas, sicut panis denarii, vel oboli (in Picardia vel Gallia) & nutrias in igne rubeum, ut esse potest sine fusione, & per integrum diem, & ita erit finum, & admodum bonum: postea permitte frigere, & aperi. Et cementum ita fiat. Recipe partem Salis communis præparati, partes duas Tegularum veterum, & magis rubearum, quàm inveniri possint: postea terantur in mortario æneo, cum pistillo ferreo, & fac tanquam lutum cum aceto fino, & utere ut vis. Et tua crucibula sint fortia, benè polita, & ex forti terra macinata: ex aliis crucibulis, aut similibus, & ossibus ustis, albis, tritis in tenuem pulverem: Cementum Solis aliter etiam sic fit (ut in margine erat) Duæ partes tegularum sarracenicarum, tertia salis mista in fundo crucibuli positæ, Auri tenues laminas superpone, iterum pulverem superponens, sic donec fuerit crucibulum plenum, pone super tripodem in olla perforata, & imple ollam carbonibus prius in loco, ubi non sit ventus & sic affinabit Aurum.

Aurum & Argentum quomodo clàm deferatur.

Aurum & Argentum aquâ separationis solve aut solutum denigra, inde Aurum plumbo, Argentum pice liquefactis immisce, aut arenæ: & sic occultè deferes. *Cardan.*

Aqua Aurum ab Argento separans.

Rec. Salis petræ unc. viij.

Vitrioli unc. iv.

Sulphuris unc. j.

Trita, & destillata, aqua ad usum fervetur. Cùm uti voles, Argentum cum Auro imposito, & Argentum in aquam resolvetur; Aurum verò in cineres redigetur. Coletur aqua à cineribus. *Fallopious.*

Aqua Aurum ab Argento separans, alia.

Accipe Halinitri partem unam, liquidi Aluminis, quod *nocha* vocant, partes tres, arenæ mediam, siccata diligenter,

ter, & purgata igne distillatur vitreis vasis. Colligitur autem seorsim quod prius effluit, cum crocea demum videtur vasis facies: auctis ignibus alia succedit, quæ priore excipitur plerumque. Separatur autem sic: Aquæ extractæ partem modicam accipe, cui Argenti purissimi pondus oboli, id est, xij. granorum impone, ac impositam cineribus tamdiu permitte, donec dissolvatur Argentum. Hæc purgamenti calci tenui similia in imum vasis demittet: quibus sublatis, quod reliquum est aquæ purioris, toti aquæ, à qua jam detraxeras, addes, quæ simili exemplo, & ipsa purgamenta illis similia in imum demittet: quibus sublatis aquam totam purissimam, ac magis habebis ad Argentum, ac cætera metalla, præter Aurum, dissolvendum efficacem. *Cardanus.*

Ut Aurum ab Argento separetur.

Solem, seu Aurum, sic à Luna, seu Argento separabis. Corpus rei deauratæ Oleo lini inunge, & pulveres Aluminis rochæ vocati, ac Salis ammoniaci desuper insperge: deinde calidâ omnia in aquâ extingue, remanebit in eis Aurum separatum. Ex quodam perito Aurifabro. *Mizaldus.*

Liquor sive Aurum potabile.

Auri per regale cæmentum, sive Stibium purgati lamellæ, ex viridi Salis liquore in pulverem resolvuntur: is deinde aquâ pluviali distillatitiâ tamdiu abluitur, donec nulla amplius falsedo subesse percipiatur. Aut si celerius idem expedire cupias, Auri laminæ cum plumbo in lamellas redactæ obteguntur, & per horas 24. cæmentantur ut vocant, læviganturque, dum calx Auri subtilissima fiat. Postea tantum Spiritus vini super elotum pulverem, vel Calcem repurgatam funditur, quantum sex digitos transversos superemineat: ac juncturis vasis probè oblitis, macerantur in aqua temperatè calidâ, sive balneo Mariæ, diebus viginti, aut triginta. Tum liquor citrinus, relicto in fundo vasis pulvere candido effunditur, & Spiritus Vini ex ampulla vitrea per operculum à flavo Auri liquore modicè ex balneo separatur. Postremò idem liquor Auri extractus, ad summum gradum usque elevari, hoc est quinquies per ampullam incurvatam (*retortulam* appellant) urgeri debet: atque tunc quinta Auri essentia absolute parata dicitur, summum Chymicorum mysterium. *Paracelsus.*

Aurum

Aurum potabile.

Aurum in folia redactum, cum Aceti spiritu distillatur, separaturque, & ex aqua vitæ præparata mensem digeritur, dum succus appareat, cujus scrupulus ex spiritu, vel humore alterius rei propinatur. *Andernacus ex Paracelso.*

Aurum diaphoreticum.

Vas Vino rubro nigroque optimo repletur, & in aquam frigidissimam collocatur: dein duæ habentur patellæ aureæ, quarum uni, quæ alteram excipere potest, linteola rara, & exigua induntur: atque sic illa vino imponitur, postea his incensis, altera alteri statim immittitur, finiturque, dum omnia comburantur. Vasculis jam refrigeratis, semotoque cinere, oleum colligitur: idque toties repetitur, dum satis collectum fuerit. Tandem omnis liquor ampullæ inditur, & ex cineribus calidis per operculum stillatur: hoc multi pro Auro potabili utuntur, & secreti loco habent, atque hunc in modum ex aliis etiam metallis olea elicere possumus ut ex Argento ad Oculorum affectus: ex Ære, ad cutis vitia. *Paracelsus.*

Auri balsamum.

Sic Oleum, sive Balsamum Auri paratur, quod *Paracelsus* Butyrum & Axungiam Solis nominat: quod tum intro sumtum, tum foris inunctum, quævis ulcera maligna, etiam Elephantiasim, ejusque species curare, & (ut summatim dicam) plus præstare scribit, quàm humana mens comprehendere possit: habet hoc modo. Auri in lamellas tenuissimas redacti drachma, cum Olei è Pino semunciâ miscetur, inditurque vitro, & digeritur per mensem: deinde oleum abluitur, & pulvis, qui in fundo vasis remanet, ex Melle adhibetur. Vel sic rectius: foliorum Auri drachmæ Olei mastichini destillati drachmæ sex miscentur, mace ranturque in fimo equino diebus triginta, deinde Oleum ex calida aqua abluitur, & Aurum Spiritu vini perfunditur, digeriturque diebus duodecim: postea per balneum extillatur, dum Oleum in fundo Butyri instar remaneat, quod ter in septimana ulceribus inungitur: quin etiam membris convulsis, & quovis modo debilitatis subvenit illud. *Andernacus ex Paracelso.*

Aurum vitæ sive præcipitatum cum Auro.

Hydrargyri per Acetum & Salem purgati unc. ij. Auri
orien-

orientalis optimi, in lamellas tenuiffimas redacti drachma, in catino triangulari calido ad mixturam subiguntur (Barbari *Amalgama* appellant:) hæc in aquam frigidam funditur, & si quid ex Hydrargyro reliquum fuerit; illud per corium exprimitur, ipsaque ex Sale, & Aceto lavatur, donec nullæ appareant sordes, curâ interim adhibitâ, ne hydrargyri quantitas imminuatur. Quod si accadat, augeri ea debet ita, ut ad auri drachmam illius drachmæ, septem vel octo remaneant: deinde ampullæ luto obductæ induntur, affundunturque aquæ calidæ unc. ij. & operculo superimposito, eadem rursus evocatur per arenam calidam: omnibus refrigeratis aqua protecta iterum infunditur, destillaturque, ut antea: idque repetitur quinquies: atque tunc pulvis rubicundus provenit, quem *Aurum vitæ*, & *Aurum præcipitatum* vulgò nupant: postea idem in cattillum ponitur, cooperiturque, & inter carbones candentes finitur, dum excandescat: mox idem eximitur, & ubi refrikerit, Aquâ rosarum humectatur, rursusque exsiccat. Junioribus denarii dimidii, adultis verò integri pondere datur; Pesti medetur; Morbum gallicum curat; Elephantiasim, Aquam intercutem, aliosque morbos difficiles abigit; Viscerum obstructions referat; iis qui Venenum hauserunt, opitulatur; ulceribus malignis curandis tum intrò fumitur, tum extrinsecus Unguentis, & Emplastris quæ purgant, feliciter ad sordida cavernosaque non autem serpentia curanda admiscetur. *Andernacus ex Paracelso.*

Sulphur Solis.

Rec. Auri tenuissimè laminati drachm. ij. Mercurij purgati unciam j. M. fiat Amalgama in tigillis candentibus, & fundatur in Aquam; deinde per corium exprime reliquum Mercurium. Tum verò simul amalgama tere cum salis communis manipulis duobus, & pone simul ad exiccandum, per duas horas in carbonibus, exime & rursus tere, vel si placet, in Aquâ calidâ solve, donec Sulphur resideat; dein Aquam effunde, & Sulphur collige, quodque reliquum est Auri, exicca; ex eoque cum novo Mercurio fac amalgama, teraturque ut prius factum est, donec totum Aurum in Sulphur solvatur. Hoc Sulphur primò exicca, secundò in Aquâ fervente solve, tertio iterum sicca, & ita subfusus probeque calcinatus pulvis evasit. Ex hoc autem fit *Aurum* potabile sequenti modo:

Aurum

Aurum potabile.

Sulphur Solare in Aquâ Salis in cineribus calidis solvitur; abstrahere denuo liquorem in Balneo Mar. ad oleosam consistentiam, cui novam Aquam salis affunde, iterumque abstrahere, hocque sexies vel octies repete. Hoc tandem Oleum Solis in Arenam pone, recentem Salis aquam affunde, lentè iterum abstrahere, in fine adde fortiolem ignem; sic Aurum simul Alembicum transcendet. Si quid Auri retromanebit, ei Aquam salis affunde, & similiter sensim abstrahere, idque toties fac, donec omne Aurum fuerit solutum; postea pone in B. M. & universum Sal accuratè hinc per edulcorationem separa. Remanens tum Oleum Solis lento cinerum candentium igne coagula; coagulatum lapidem solarem solve in Quintâ essentiâ Vini, & habebis Aurum potabile bonum. Si Oleum cupias habere, abstrahere Quintam illam essentiam in Balneo, & Oleum in fundo reperiens. *Ex Manuscripto quodam Chymico Bibliothecæ Theod. Zvingeri Medici Basiliens.*

Aurum Potabile verum Theophrasti Paracelsi.

Solve Aurum perfectè in Aquâ Regiâ, hanc dein rursus in Balneo abstrahere, ita tamen, ut substantia retromanens aliquantulum humida sit; cui dein frigidæ Acetum destillatum purum affunde, & hoc iterum lentissimo ignis gradu in Balneo Maris abstrahere, usque dum liquor exstillans insipidus evaserit: tunc autem in fundo reperiens Butyrum Solis; Huic affunde dein Spiritum Vini alkoolisatum, stet per 14. dies in calore putrefactionis; postmodum destilla in B. Mar. lentissimo gradu, sic remanebit in fundo verum rubrum Oleum Solis, sive Aurum potabile. *Ex Manuscripto Theodori Zvingeri, cui Arcanum fuit communicatum ab Adamo à Bodenstein.*

Modus terendi Auri.

Sumito foliorum Auri tantum, quantum volueris, ponantur in crucibulum, vel testam ad ignem: deinde sumito Argenti vivi quater tantum, & similiter in alium crucibulum, vel testam ponatur ad ignem, sed non prope, ut tantum calefiat. Auri verò folia tamdiu ad ignem relinquenda, donec rubescere incipiant, sed non liquefiant. Quibus factis auferantur ab igne crucibula, & misceatur Argentum vivum cum Auri foliis, miscendo aliquantulum simul ligno ali-

quo : deinde subito in scutellam aquæ plenam injiciantur, & fiat malagma. Verùm si aliter facere voles, folia Auri cum Argento vivo, super lapide porphyrio conterantur, donec optimè fuerint mixta, atque contusa : deinde bis, terve aquâ communi laventur, quòd si parum Aceti, vel succi Limoniorum addas, optimè feceris : nam melius citiusque permiscuntur. Itaque hoc malagma quocunque modo paratum sumito, atque per pannum lineum non rarum exprimito, ut pars aliqua Argenti vivi exeat : vel exprimatur per Barnæ, sive Agni candidam pellem, quod melius est, deinde quod in pelle hæsit, conteratur cum Sulphure vivo optimè prius contrito, adeo ut dimidiam massæ mensuram non excedat. Quibus factis, ponatur in vase aliquo ferreo ad ignem, optimè cooperto, ibique relinquatur, donec totum Sulphur combustum, & quod relictum, flavum fuerit : deinde frigidum in scutella aquæ plena, toties lavetur, donec Auri coloremumat, & fervetur ad usum. Quando autem quis uti volet, addat tantum Aquæ rosarum, vel communis, in qua gummi Arabicum dissolutum sit, quantum satis est, hæc misce, & fiat liquor aureus ad scribendum & pingendum. Quod cum scriptum pictumque fuerit, fricentur literæ dentè aliquò leniter, quod cum alio mollito Auro, quo omnes ferè Pictores utuntur, fieri nequaquam potest. *Alexius.*

Magisterium Auratum perlatum.

Rec. Margaritar. Oriental. Unciam dimidiam; Dissolve in Aceto destillato. Postea Recip. Auri fini purgati drachm. j. Dissolve in Spiritu Nitri aurei coloris, tum misce solutiones ac præcipita Oleo tartari per del. filtra, & dulcora Aquâ rosar. Tandem in Crucibulo calcina parum, atque sic factum Magisterium asserva. *Zvingerius à Scretà.*

Modus terendi sive molendi Auri alius.

Sumito folia Auri, quæ in scutella aliqua vitrea cum Julapio rosaceo conterito, & misceto digito medio, ut optimè misceantur, deinde super lapide prophyrice, aut marmoreo positis, rursus probè conterantur, addendo aquam sensim : postea auferatur atque in scutellam colligatur, lapide benè loto aquâ, ut ritè colligi possit. Quibus sic se habentibus, Aurum benè digito lavetur : deinde cum in fundo residuum fuerit, aqua sensim auferri debet, aliaque superinfundi calida, ac denuo lavari, hocque toties faciendum, donec

donec Julapium, lavando probè ablatum fuerit, aquaqué dulcis ampliùs non apparuerit. Postea exiccatum Aurum, in vase aliquo vitreo super cinerem calidum positum, tamdiu finendum erit, donec optimè calefiat: atque colorem suum naturalem recipiat: quo factò, contemperetur aqua gummi: & fiat liquor ad usum. *Idem.*

Ad reparandum Auri colorem.

Si Aurum à suo colore degeneraverit, sic illud emendabis ac reparabis. Ex Sale ammoniaco, Calcantho, Nitro, & Laterculorum pulvere, fac cum Urinâ spissamentum, & eo obductum opertumque Aurum lento igni impone. *Idem* fiet, ac multò leviùs, si cum Sale ammoniaco, Æruginè & Tartaro, tamdiu in aceto ferveat Aurum, donec perditum colorem recuperet. Gratis mihi nequaquam acceptum, tibi tamen gratis, ut alia multa exhibeo. *Mizaldus.*

Cimentum optimum ad Aurum expurgandum.

R. Laterum pulverifatorum & Salis nitri ana partem j. humectata Aceto q. f. pone in crucibulum ad medietatem, dein adde Aurum laminatum, eumque replendo fac stratum super stratum, cavebis tamen ne se invicem attingant. Quo factò, vas totum obstrue lutatoque benè, ne vapor evolet, crucibulum super lapidem, palmæ altitudinem non excedentem, locato, ita ut cum lapillis, non duris admodum, totum circumdes, donec crucibulum nullos ampliùs capiat. His factis substernito ignem validum per horas xxiv. Et habebis Aurum repurgatum. *Ex libro Germanico.*

*Calcinatio Terræ Vini & ejus candefactio pro
Auro potabili conficiendo.*

Pone tres aut quatuor mensuras fœcum Vini optimi ad Solem, ut totus humor exhalet, donec appareant siccæ & lividæ (Cucurbita ponatur in arenâ, & infra perlutetur) Eam terram lividam calcinabis in vitro perlutato, & alembico superposito, & applicato receptaculo ad tres vel quatuor horas, donec vitrum sicut terra ferveat, ut extrahatur superfluitas Olei aquosi, quæ adhuc in terrâ fuit, quia ablata terra erit valde acuta & ignea. Sunt tamen alii, qui eas fœces priùs digerunt in Balneo Mar. cum Aquâ vitæ rectificata, hinc destillant, & postea exiccant eas fœces in pulverem, & tunc reverberant in furno reverberationis,

donec albificetur. Dealbabis autem terram ipsam cum Aquâ suâ propriâ rectificatâ imbibendo eam & distillando, donec finaliter terra dealbetur, & etiam pars aliqua aquæ in terram figatur. Quibus peractis pones terram tuam in sublimatorium, super ignem, & sublimetur materia quædam clara & alba non nimis altè, quam vitri lateribus adhærentem diligenter colliges. Et illa materia alba dicitur Sulphur vegetabile, quæ solùm debet in Aquâ vitæ rectificari, & iterum coagulari, (vide quænam dosis requiratur Aquæ vitæ ad solvendum Sulphur) & cum eâ aquâ solves Calcem Solis in *Aurum potabile*, vel in *Oleum rubicundissimum*, quod est verissimum *Aurum potabile*. Sunt tamen aliqui, qui terram non sublimant, sed quum est dealbata, destillant eam pluribus vicibus, donec dissolvatur, & cum eâ aquâ dissolvunt Auri calcem in *Aurum potabile*. Post terram Vini dealbatam sæpius destillabis, in Aquam vitæ rectificatam, ut posuimus. Et quanto sæpius destillaveris hanc Aquam per lapidem Philosophorum, i. e. per terram suam dealbatam, eò acutior & acrior efficitur ad solvenda folia Auri in *Oleum Solis*, vel *Aurum potabile*, quoniam omnem fortitudinem & acrimoniam succi solvendi, hinc congelandi capit à terrâ, & hoc tanquam sacrosanctum recondes pectore secretissimo: illa est Aqua, quam petunt Philosophi, hæc Aqua est aqua nostra vegetabilis & calorifera, quæ te, si diligens fueris, ab omni calamitate eripiet, teque sanitate, atque divitiarum ubertate donabit in perpetuum. *Ex Manuscripto Bibliothecæ Zvingerianæ Basiliensis.*

De Quatuor Secretis Philosophorum ad Metallorum transmutationem.

Arcana Philosophorum & Complementa quadrifariam dividuntur. *Primum* Secretum Philosophorum est Elementorum ad naturam Ignis deductio: *Secundum*, in Aquam resolutio: *Tertium*, in Aërem elevatio: & *Quartum*, in terram compressio. *Primum* Fit calcinando: *Secundum* solvendo; *Tertium*, per Alembicum destillando; & *Quartum*, igne levi coagulando. De his Arcanis particulatim tractabo. Ubi notabis statim, ea quatuor secreta debere fieri in Auro vel Argento, si ad albam tincturam laborare velis. *Primò* enim debet fieri calcinatio Auri, i. e. sub-

i. e. subtilisatio, aut in calcem tenuissimum deductio, & tunc fit Naturæ igneæ, quod per ignem calcinetur. Et quando factum est Aurum igneum & subtile, tunc facile solvitur in Aquam clarissimam, & tunc habes *secundum* Arcanum; quo soluto destillari & ascendere potest, quemadmodum omnis Aqua solet destillando ascendere, & tunc *tertium* habebis Secretum. Destillatum autem & sublimatum iterum congelatur in Terram, vel Oleitatem, & tunc peractum est quartum Secretum. Et notabis, quod si Aurum non fuerit calcinatum, non solvitur: quare calcinationem Auri fundamentum reputabis, de quâ sermo noster sic ingreditur: *Calcinatio* est mortificatio, quæ multipliciter fieri solet; melior tamen fit cum Mercurio, licet non fieri possit per Salia præparata, aut Aquas fortes. Multum juvant Salia in primordio, perfodiunt enim corpus, ut Mercurius profundius in Aurum vel Argentum, & quoque citius agere possit. Tene hoc tanquam Secretum maximum: Mercurius est clavis potissima, quæ corpus per calcinationem aperit, ut eò melius secunda clavis scil. Aqua vitæ rectificata ipsum Aurum in humidam Substantiam reducere possit: hoc petunt Philosophi, hoc petunt Reges & Principes. Tunc enim facile Aurum mundificari & claudi potest aliâ Clavi, Congelatione videlicet. Nunc in Calcinationem descendimus; destilla Aquam fontis vel pluviam semel per alembicum, & pone Sal commune ad ignem carbonum in tigillo, fluat, & sæpius moveas ipsum Sal, postea impastabis cum aquâ pluviali distillatâ, bullito ipsum Sal; dein & impastabis folia Auri puri, super purissimo lapide cum prædicto Sale semper parum imbibendo cum Aquâ fontis vel Pluviali; vel etiam, si velis, cum Aceto, terendo benè, donec videas calcem minutissimam. Quo facto, pone in concham, vel vitrum, ut resideat ad fundum. Tunc effunde aqueam substantiam subtiliter, donec nihil falsedinis in Aquâ per gustum deprehendas: & pulverem, aut calcem solarem calcinabis in furno reverberationis ad diem unum. Sed posteaquam trivisti cum prædicto Sale, & falsedo penitus est per Aquam ablata, amalgamabis unam partem illius pulveris solaris cum quatuor partibus Mercurii purificati, non in igne, ut communiter laborantes faciunt, quoniam ita solveretur, & Spiritus subtiles Mercurii evolarent per ignem fortem. Cum verò amal-

D d 3

gamâ.

gamâsti, pone eam amalgamam ad calorem lentum in furnello ad 7. dies, semper excipiendo in quatuor & viginti horis semel illam amalgamam, & terendo benè super duro lapide. Quo factò pones iterum ad calorem lentum, & post 7. dies da ignem fortem, ut Mercurius fugiat à Calce Auri. Eam calcem calcinabis in Furno reverberii ad diem unum, & sic erit benè præparata ad solvendum in Aquâ vitæ rectificatâ, quemadmodum in Secreto nostro tibi manifestavimus. Et nota, quòd istæ contritiones & calcinationes fieri debent, quia Aurum tam fortiter est naturali decoctione compactum ac digestum, ut nunquam solveretur, nisi prius per Mercurium ac per Salia acuta perfodiatur, & per ignem calcinetur, quibus factis possumus illum solvere ad voluntatem nostram. *Ex eodem Manuscripto.*

Compositio Auri potabilis, vel Tincturæ rubæ; Solutio Solis, Sublimatio & ejus Congelatio.

Accipe partem unam Calcis solaris, & adjuuge partes duas Aquæ vitæ prædictæ, pone ad calorem lentum, vitris obthuratis, ut nihil expirare possit, sic solvetur Calx Solis visibiliter: Nimirum Aqua incipit citrinescere, Aurum verò pallescere ac lunescere: & cùm videris totam Calcem solutam, destillabis Aquam illam citrinam in vitreo Pellicano pluribus vicibus ad calidos cineres, ut Aurum ipsum ascendat de terrâ ad cœlum, donec nihil de Sole in fundo maneat: hoc est Arcanum omnium Arcanorum: & si prædicta Aqua vitæ non sufficeret ad totam Calcis solaris solutionem, & facta est spissa, plana ac viscosa, effundes suaviter eam aquam auream sine turbulentiâ aliquâ in vitrum, & superfundas aliam Aquam vitæ, donec tota Calx solvatur: postea destillabis, & sublimabis, ut jam propè dixi. Destillatum verò pones ad vitrum primum cum parvo Alembico, & lento igne coagulabis, donec efficiatur Oleum. Et ea superfluitas Aquæ vitæ, quæ non videtur utilis, Oleo Solis per alembicum ascendat, remanebitque tantum sola Essentia Vini insegregabiliter ab Oleo Solis. Et illud Oleum Solis, si cum Aquâ Vitæ solveris, erit *Aurum potabile*, quod omnia elementa purgantia in corpore suo ad proportionem reducit, naturam hominis restaurat deperditam, & Vitæ oleum i. e. humi-

humidum radicale, ejusque igniculum in æquabilitate conservat. Atque est prædictum oleum super omnes Medicinas *Galenii*, *Avicennæ* & *Hippocratis*. Imò istud præterea Oleum figit Mercurium in Aurum optimum, quod tandem ad Tincturam rubeam ducitur, eo modo, quo in augmentatione & multiplicatione ponetur. Oleum Solis iterum solves cum Aquâ vitæ nostrâ, & iterum coagulabis, donec amplius non maneat tenue Oleum. Sententia Philosophorum est, quòd oportet Solem per Alembicum ascendere cum Aquâ vitæ, toties Aquam vitæ superfundendo, donec totum ascenderit: & tunc in Balneo lento deponitur per Alembicum Aqua vitæ superflua, & manebit in fundo Oleum Solis, Essentia tantum Vini. *Ex eodem manuscripto.*

Multiplicatio Olei ad Tincturam Philosophorum.

Huic Oleo Solis debes addere Mercurium sublimatum eo modo: *Rec.* Unam partem hujus Olei, & adjuuge septem partes Mercurii sublimati per Vitriolum, & Sal commune, ut moris est, & imbebe easdem partes Mercurii in Oleo in calore temperato, donec Mercurius non amplius ascenderit (incipit figi) Sed efficiatur Pulvis rubicundus instar Vermilionis, & tandem ex verâ siccitate incipit fluere, (i. e. figi). Isto pulvere tinges Lunam, Venerem & Mercurium in optimum Aurum sine omni falsitate, & eo modo multiplicabis Tincturam tuam in Infinitum. *Ex eodem Manuscripto.*

Augmentum Perpetuum.

Rec. Unam partem istius Olei solaris, & appone ei septem partes de Mercurio crudo, postea mundificato in Cucurbitâ vitreâ & stent per octo dies in calore lento, ita ut ipsa Solis oleitas, quæ est sperma generativum, non figatur, (quod si fieret, amplius non augeretur eo modo) Post dies octo excipe partem unam, pone ad ignem fortiolem, ut figatur in corpus. Et hoc Oleum dicitur augmentum, quo semper augmentare poteris novum Mercurium crudum, applicandum ut prius. *Ex eodem Manuscripto Zwingeriano.*

Aurum potabile Leonhardi Thurneiseri, Alchymista præstantissimi.

Rec. Coronatos aureos q. v. (*Thurneiserus* plerunque accipit

cepit duos, interdum multum) & Antimonium minutim tritum. Antimonium quidem injice tigillo fusorio in furno venti posito, sine fluere, in fluxum projice coronatos; Si parum invicem soluti fuerint, effunde in formam, vel catinum fusorium, quem malleo tundes parum, ut Regulus Solis fundum benè petat. Hinc refrigerari permitte atque indurari materiam, quam postea effundes, ac Regulum Solis ab Antimonio cautè & diligenter separabis. Tum novum Antimonium tritum & cribratum in eodem candente tigillo fluere permitte, Regulumque Solis simul dein injectum funde probè, iterumque in catinum fusorium effunde, Regulumque separa, quem tertiâ ulterius vice fusum atque purificatum Cupellæ immitte in Furno exploratorio, igneque hinc fusorio aliquandiu continuato Aurum finissimum, & Ophirinum planè sive ad 24. Carat. gradum ascendens redde. Hoc Aurum limetur super pelvi, Limaturam solve in Aquâ Regis super cineribus calidis vel arenâ, quod uno atque altero die fit. Solutione factâ abstrahere destillando Aquam regiam, Calcem Solis retro manentem repone in scutellâ vitreâ mundâ, cavendo ne fordibus vitietur: ac eandem postmodum in terreo tigillo super ignem lentum colloca, ut Aqua fortis à Calce evaporet, & substantia Solis sicca remaneat, (manet autem sicut Minera Auri fusca vel carnei coloris, sub finem sicca, eleganter flava) & candescat sine liquefactione tamen, tunc sine refrigerari. Ignitione peractâ & exiccatione, ita ut patiatur trituram, Calcem in mortario lapideo tere diligenter cum Sale petræ, paulò magis, quàm Aurum sit, tandem Salem petræ lava à Sole per Aquam fontanam, donec Aqua hinc dulcis evaserit. Hic nunc in promptu sint Olea Caryophyllorum, Cinamomi, Anisi, & Camphoræ. Piora tria sint quàm maximè clarificata, adsint etiam duo vitra oblonga, pura, ac illibata, superne mediocriter ampla, propter affusionem ultra citraque instituendam, non tamen longiusculo magis spatio, quàm par sit, pars enim præstantior evaporat. His ritè comparatis Solis calcem (ignitam) projice in alterum vitrum, & confestim Oleum Camphoræ digiti transversæ altitudine super affunde, sic illicò sed blandè tamen Solis calcem aggreditur, eumque solvit non sine magnâ effervescentiâ, ac ebullitione materiæ, quam eapropter statim è vitro in vitrum sæpiùs transfunde, & sic refri-

refrigera. Cum verò incipiat nimis fervere, tūm guttatim ac sensim Oleum Anisi destillatum per vices leni motu instilla, & ita bullitio, paulatim subsidente materiâ, cessabit. Nisi hæc feceris, certè & vitra tandem maximè fervida evadent, ut manu tenere amplius haud possis, & ipsa tandem ebulliens materia è vitro effluet. Quòd si non possis omnem ex uno vitro in aliud transfundere materiam, tum Oleo Anisi consperges Calcem Auri. Cumque tandem in alterutrum vitrum omnis materia, post turgescentiam finitam, probè collecta erit, vitrum operculo tegatur probè, filoque fortiter ligetur & claudetur, ne quid expirare queat; denique in locum tranquillum, quò neque Solis radii, neque Venti accedunt, pone, aciculâ supernè foramen respiratorium facito (hoc enim nisi fiat, rumpitur vitrum) Sinas ita quiescere, donec Calx Solis solvatur. Oleum Cinamomi tum non additur, quamprimum enim id accedit, calx Solis amplius non solvitur. Tandem calce Solis hoc modo solutâ (expectanda autem solutio) vitrum, cui materia inest, aperi, hinc Oleum Cinamomi pari quantitati Olei Anisi probè mistum, affunde Auro potabili simul, tunc totum in vitro probè commisce & confunde. Olea, ut suprà dictum, sint limpidissima. Claude iterum probè, sed non sine foramine respiratorio in operculo cum acicula factò, ac ita Potabile Aurum perfecisti.

Nota, postquam Olea ad Aurum potabile accessere, nullo alio metallo tangenda sunt: antè quidem licet, post conjunctionem non. Nota porrò, quòd Color hujus Auri potabilis sit ex nigro aureus (schwarz Goldgelb) sapor penetrantissimus, absque sensu ustionis. Nota tertio vim Olei Anisi, quâ reprimit fervorem solutionis. Cogita, num hæc Auri solutio cum Spiritu Vini per alembicum ducenda, sit vel magis fiat subtilior & volatilior. Non minoris efficaciz futurus videtur liquor, si oleis illis aromaticis jungatur Oleum Camphoræ; (rectius vel saltem non incommodum omnino futurum esset, si Oleo solis jungeremus hæc olea, & simul circularemus in Pelicano melioris conjunctionis causâ: Vel fumeretur Crocus Solis, ac Olea illa aromatica ordine affunderentur, sicque unâ circularentur in Aurum potabile nobilius, convenientiore aliquo modo, quàm per spiritum factum.) Credo enim, Oleum hoc Camphoræ multum adhuc habere secum Aquæ fortis (quod designat fervor post affusionem proprius Aquæ fortis, quando me-

talla solvere incipit) esseque corrosivum, ideoque usus non ubique securi: adhæc olea admixta, aliàs aurei coloris, à Spiritu aduri quodammodo, quod conjecturabile videtur ex colore hujus Auri potabilis, ex nigro enim obscure flavescit. *Theodorus Zwingerus*, *Philos. & Medicus Basiliensis*, fuit Basileæ inspector αὐτόπης præparationis, ut & resolutionis, atque hinc etiam reductionis Camphoræ, nec non Tincturæ nummorum duorum Basiliensium, quos *Rappen* vulgò vocant, in Aurum, quorum unum dicto *Zwingero* dedit semitinctum, alterum integrè tinctum *Basilio Amerbachio*, *Jureconsulto*. Primò duo olea invicem mista affundebat Calci Solis, neutrum efficere quidquam potuit; cùm tertium adderet (oleum puto Camphoræ) vel in momento arrodere, ac solutionem præstare incipiebat cum fervore bulliente, addebat tandem quartum, & subsidebat. Dixerat *Thurneiserus*, se illud Aurum redigere seu reducere posse in priorem formam, quod facile credo, separatis per destillationem oleis: Aurum enim hoc pacto non fuit verè resolutum. Primò fuscum habebat colorem, post quieti tradebat per 6. circiter horas, ut subsideret; hinc perspicuè flavescentis portionem mihi dabat, quam exploraturus ero. *Ex alio Libro Manuscripto Chymico Theod. Zwingeri, Medici Basiliensis, Academici Curios.*

Aurum Fulminans.

Auri limati partem unam in partibus tribus vel quatuor Aquæ Regiæ intra Cucurbitam vitream arenæ leniter calenti impositam paulatim (ignem non augendo, ne vitrum rumpatur) solvito. Solutione factâ guttatim instilletur Oleum Tartari per deliquium, vel Spiritus Salis armoniaci ex aa. Salis armoniaci & Cinerum clavellatorum factus, tamdiu, donec solutio non ampliùs flava appareat. Hinc turbidus liquor quiescat, usque dum ad fundum subsedit Aurum præcipitatum fulminans; tum verò decantetur omnis aqua, & remanens Auri calx exiccetur, vel priùs aliquoties aquâ simplici probè edulcoretur, quanquam ita multum de suâ vi fulminante deperdat, quam sine edulcoratione retinet integram. Si per se siccetur Calx, in Hypocausto fieri debet, citra ignis, vel caloris admissionem, quoniam levi calore admissò, inprimis si tritureretur quoque, calx accenderetur, & perderetur; quod verò periculum evitare so-

solent Artifices admixtione aliquot granorum florum Sulphuris, vel nonnullarum Spiritus Salis vel Sulphuris guttularum, inter tritrandum adpersarum. Præterea ferreo instrumento hoc Aurum non est tangendum, si vim retinere velis fulminantem; & Aqua regia ad Auri solutionem est adhibenda, quæ ex Aquâ forti & Sale armoniaco invicem citra destillationem mistis & solutis sit parata. Ita denique ex Auri drachma unâ acquies scrupulos quatuor Auri fulminantis.

Hoc Aurum fulminans ad aliquot grana super candelam ardentem vel prunas posita, post aliquantillam moram instar Pulveris tonantis fulminabit, & fragorem edet. Prodest etiam in Medicinâ adversus Epilepsiam, Convulsiones, Tympanitidem, Cachexiam, Anasarcam. Dosis à gr. j. ad gr. 10. vel 12. Operatur per diaphoresin, & urinam; imò & leniter per Alvum, si non edulcoretur. *Zwingerus.*

Calx vel Crocus Auri.

Amalgama Auri calcinetur sub tegulâ leniter, ut omnis Mercurius avolet, & aurum in pulverem redactum relinquatur, super hunc pulverem frustulum unum aut alterum Sulphuris deflagretur, sic elegans Crocus Auri rubicundus habebitur. *Barckhausen.*

Vel Amalgama Auri & Mercurii cum duplo Sulphuris commisce, & sub tegulâ leniter deflagrare Sulphur ac Mercurium permitte, continuè stylo ferreo commovendo, sic tandem remanebit Crocus sive Sulphur Auri.

Vel Rec. Auri fulminantis part. ij. Flor. Sulphur. part. j. vel part. æqual. misceantur probè, & in tigillo, vel sub tegulâ in patellâ sive catino, inter continuam cum stylo ferreo agitationem Sulphur omne deflagret, igne non nimis forti, ne Aurum fundatur, subdito. Sic remanebit Calx Auri purpurea, sive Crocus. Quòd si hæc calcinatio aliquoties, additis novis Sulphuris floribus, repetatur, Calx tandem magis magisque subtilisata, imò spongiosior reddetur.

Vires Crocus hic sudorifero - vel diaphoretico - cordiales habet, atque in Mixturis Cardiacis, vel per se sub dosi gr. ij. ad gr. 10. præscribi potest.

Bezoardicum Solare.

Rec. Reguli Martis stellat. uncias tres cum dimidiâ, Auri finissimi semunciam, fundantur ac effundantur in Catinum fusorium, ut Regulus habeatur Solaris; hunc dein Regulum pulverisa, ac misce cum Nitri depurati, sicci atque benè pulverisati unciis duodecim; tum hanc materiam in crucibulo valdè ignito detona, atque calcina, cavendo ne addito fusionis igne in fluorem atque Regulum redeat; detonatam materiam in lagenam aquâ frigidâ plenam projice & extingue per vices: postea evaporando aquam, exicca materiam, iterumque in crucibulo liquefac, & calcina; post calcinationem iterum extingue, ac more debito edulcora & sicca. Quòd si quædam Auri coagulata grana inter edulcorandum observabis, seorsim colliges, & cum novo, si placebit, regulo aliâ vice liquabis atque calcinabis in tale Diaphoreticum sive Bezoardicum Solare.

Vires hoc Bezoardicum obtinet egregias diaphoretico-cardiacas, veneno resistentes; utiles proin in Febribus continuis, malignis, Pestilentibus, Lipothymiâ, Cephalgiâ, obstructionibus Viscerum. Dosis à gran. iij. ad gr. 12. In Mixturis quoque utiliter permiscetur diaphoretico-cordialibus.

D E S E C R E T I S A B A R G E N T O

sumtis. C A P. IV.

*Historia antiqua de Argento in Aurum
verso.*

QUIDAM Maurus in terra Maurorum accessit ad quendam fabrum, & eidem portavit xx. argenteos, ut eos ad ignem crucibulo immitteret: quibus fufis, Faber ærarius super ipsis projecit pulverem, quem dedit sibi Maurus. Erat autem pulvis viridis, fumum citrinum in igne faciens, Argentum tunc conversum est in Aurum, & illud Aurum ærarius vendidit Aurifici precio Auri preciosissimi. Ærarius inde rediens dedit premium Mauro: tandem Maurus misericordiâ motus erga Ærarium, dixit ei: Hanc confectionem pulveris te docebo: Recipe Auri calcinati, vel pulverizati, Æris usti, Croci ferri, singulorum unciam unam, Salis ammoniaci rubificati unc. tres, alibi additur Vitrio-

Vitrioli rubificati uncia: solvatur Sal ammoniacum, & eo soluto in cera, id est, cum sua aqua imbebe dictos pulveres Auri, Æris, Vitrioli, Croci, & Ferri, super porphyrite aut marmore, molendo, & terendo per longam contritionem. Postquam pulveres biberint totam istam aquam falis, pone in phiala vitri habente collum longum sub fimo equino calido per dies xxj. mutando fimum calidum de quatuor in quatuor dies. Postquam solutum benè fuerit, & in aquam conversum, congela ipsum in aliqua phiala in furnello super cineres calidos. Quo congelato, pone partem unam super decem partes Argenti fini præparati. Nota quòd si aliqua pars remanserit insoluta, molias adhuc cum aqua Salis ammoniaci, quousque sit totum solutum: hoc fac ut non perdas Aurum tuum, semper reiterando imbitionem cum aqua Salis ammoniaci. Si autem dictam congelationem resolveris iterum, & omnia per ordinem, ut superius feceris, una pars tinget viginti: & sic multoties multiplicare poteris: augebis enim decem singulâ vice. Illud Ærarium vidi in Toletis, qui mihi ista retulit, & cuidam consanguineo suo feni: & Ærarius ille erat senex, & ego, & Magister operati sumus secundum modum prædictum. Aurum sic debet pulverizari cum odore Plumbi, vel cum aqua in qua sæpius sit extinctum Plumbum. Vel fac aliter: Solvatur Plumbum vase quod superius habeat foramen modicum ad quantitatem unius Aurei, & superponatur Aureus, ita ut recipiat odorem Plumbi ex illa parte, deinde verte & aliam, & cum sic factum erit aliquoties, Aurum poteris contere. Æs ustum autem cum Sulphure vivo calcinari debet: & antequam in illis misceatur, debet abluui cum aqua pura, vel aqua & sale, donec ab eo exeat aqua limpida. Crocus Ferri fiat cum Aceto, ad ignem lentum, ut fiat ruber, sic verò fit: Limaturam ferri Aceto forti imponas, & fit Acetum rubrum & clarum, & ponatur ad Solem duobus vel tribus diebus: postea effundatur leniter Acetum, ac fervetur, & aliud Acetum limaturæ superponatur ad Solem: & fiat ita, donec tota Limatura solvatur, vel redigatur in pulverem tenuissimum: & iterum totum Acetum desiccetur ad Solem. Sal ammoniacus solvatur per frigidum & humidum, vel per calidum & humidum.

Rec. Solutionis ejus partes ij. Æris usti partem js. Croci ferri partem j. Salis ammoniaci ad quantitatem omnium: sol-

solvatur Sal ammoniacum, & ex eo imbibantur pulveres, per longam contritionem, illa postea ponantur in fimo equino calido ad solvendum quindecim diebus, potes ista resolvere in fovea mutando sæpè fimum calidum: deinde coagula super cineres ad lentum ignem. Hujus coagulationis, seu congelationis pars una tingit decem de Luna præparata. Et si solveris secundò, modo prædicto omnia faciendo, pars una tingit viginti, & sic augmentare potes. *Hæc ex præctica Magistri Odomari.*

Argentum in Aurum tingere.

Argentum in Aurum tingere dabitur sic facultas: lixivium primò tale parabis acre. Calx immittatur in ollam, cujus fundum crebris foraminibus sit apertum, tenuibusque pervium supra lignum, vel tegulam accommodabis: inde pulverem, & aquam paulatim infunde calidam, ac per arcta fundi foramina in subjectam fideliam mundam defluat, ac iterabis, ut acerrimum fiat, in hoc tritum immittas stibium, ut in tenues auras evolare possit, otioso igni ebullire sinas: nam ubi inferbuerit, purpurascet aqua, tunc per lineam laciniam in purum vas exprimito, in residentes pulveres denuò lixivium immittas, & in prunis suffervefacias tantisper, donec non amplius cruentata videatur aqua, coloratum lixivium confervefacito subjectis ignibus, donec evanuerit aqua, residentem verò resiccatum pulverem, cum Tartari oleo desiccato, & dissoluto, & ex Auri, & Argenti ponderibus æquis, lamellis fictili fusorio vase vicissim inspergito, carbonibus celato tantisper & opus innovato, donec perfecti coloris prærogativâ Aurum æmulari videbitur. *Joan. Bapt. Porta.*

*Argentum ut in Aurum tingatur, tam complete,
ut verè credatur Aurum.*

Ex Argenti elimatâ scobe, cum Argenti vivi triplo in igne malagma confice, ac vitreo in vase carbonibus infervescat, dum illud Argenti vivi evolet, quo Argentum superatur, inde Sal ammoniacum, & vivum Sulphur æquali Argenti pondere triturentur, ac vitreo in vase aliquo duas horas flagrantibus prunis immoretur, dum ejus vis Salem ammoniacum, Sulphur inde vivum Argentum sublimet, & vasis collo inhæreat: vas frange, & Argentum aureo colore insignitum, sui que ponderis vel majoris servato, talemque illicò parato aquam: Romanum Calcanthum cum duplo rubei optimi

optimi Cyprii Calcanthi stillatitii, quod vocant Coparofam, Salis Nitri triplo, Æruginis parte tertiâ, ac Cinnabaris sextâ fume, è vitreis organis aquam stillatim exugito: cujus partes duæ cum fervato Argento per naturalem diem lento igne bulliant, inde aucto distillationis igne aqua omnis evaporet, & quod in fundo remanet, cum Chrysocollæ calce testaceo in vase fusorio accommodetur, ore aperto, & luto obstructo colliquationis ignem adhibeto, & habebis: lutescit enim Argentum maximè, colore nunquam cariturum, vel eum permutaturum, ut examinibus omnibus Auri expositum, coloris parum, vel nil amittat. Sic aliter colorem Auri æmulabitur perfectè, & peculiosè. Meminisse jam debes è Stibio confecti Æris usti, id cum Argenti medietate colliquatum, perfecti Auri dabit colorem, ut videri possit. Si Auro commisces, meliorem dabit, ut aliquorum patiatur examen. Aliter quoque fit optimè: si Argenti vivi congelationem, quam cum Casside diximus, tertiæ Argenti parti remiscebis, Argentum aureo colore insignitum reperies, cum æquali Auri portione colliquabis, in ollam impones & peracre acetum fundas, ac per diei quadrantem ebullire sinas, & colore augebitur magis: hoc autem extremo impones Auri examini, ex communi scilicet Sale, & Laterum pulvere, addito tamen Calcantho, Aurumque sic purgatum accipies, & examinibus obstat omnibus, ac non solum in secundum, sed etiam tertium migrat ordinem. *Idem Porta.*

Coloratio Lunæ.

Rec. Acetum bonum, factum ex Vino rubeo, & habeas Limaturam ferri, & pone in vase terreo de Raviar: postea habeas Acetum, in quo sit soluta sexta pars Salis ammoniaci: deinde pone super dicta Limaturâ, ut superemineat unum, aut duos digitos. Postea obtura tuum vas, & pone super cineres tenues per spatium octo dierum, & move quotidie bis, aut ter cum virgula lignea, & fiet totum rubeum, aut vermilium, ut sanguis, postea cola, & munda benè, & adjice Acetum novum pariter ut suprâ: & ita toties fac, ut de hoc Aceto satis habeas, & antequam hoc facias, vel hoc facto, habeas libram Argenti vivi sublimati, & libram Salis ammoniaci, & tere in pulverem, & misce simul, & ter sublima simul & qualibet vice misce: quod ascenderit, cum eo, quod in fundo remanet, & tuus Mercurius manebit

nebit niger in fundo tui vasis : & tum Sal ammoniacum adscendet altè ad vas. Postea misce tuum dictum Mercurium cum tantundem sui ponderis Limaturæ ferri , & pone super marmor , & fundetur in aquam : quam materiam ita fusam projicito totam in Acetum ita rubeum in vase clauso, & ponito per tres dies super calore tenui. Postea purum destilletur per filtrum, & ponatur in alembico , & per balneum Mariæ separetur humiditas. Postea super cineribus in fornace recipe in alia phiala , per modum Aquæ fortis oleum , vel aquam exeuntem vermiliam, & serva seorsum : & super feces ponatur de Aceto novo, & solvantur , postea destillentur per filtrum , & congelentur per balneum, postea per cineres separa Oleum rubeum , & hinc pone cum alio , & ita fac toties , ut totum habeas separatum , postea reservetur. Et ne obliviscaris , quòd hoc facto misceatur tuum Sal ammoniacum cum tantundem Calcis vivæ , & ponatur super marmor, infundetur in aquam, quam recipe & pone cum sua quarta parte , aut tertia Salis petræ. Sic facias Aquam fortem , & per alembicum in cineribus super furnello destilla aquam : in qua Aqua forti solve purissimum Solem in foliis , quantum solvi poterit. Postea cape tuum Oleum rubeum , & si est libra una, pone libram semis tuæ Aquæ solaris simul. Et pone in phiala super cineribus tenuibus per viginti quatuor horas, deinde per alembicum in balneo congeletur , & postea ponatur ad putrefaciendum in fimo equino calido in phiala vitrea benè firmata, & clausa per quindecim dies : postea congela , ut sit tanquam mel. Et habeas Lunam finam albam , & cæmentatam , & unge hoc unguento ab utroque latere , & pone in uno crucibulo stratum supra stratum, quoad sit plenum, & ad decem uncias sit hujus unguinis uncia una, & clausum, ac lutatum tuum crucibulum pone in calore quatuor dierum : post fac ignem fusionis, ut totum fundatur , & habebis Solem ad viginti quatuor charatos, qui si tibi non placet, recude tenuiter in laminas, & unge ut suprâ. Et si nimium colorem habebit, noli tantum apponere, & ita erit tua Luna perfecta (additio in margine)

Rec. Unam quantitatem Limaturæ ferri , & unam Æris usti, & benè loti , & cape de Sale ammoniaco ad quantitatem omnium dictarum rerum, & fac omnia simul benè bullire , postea desicca super cineribus calidis, aut super prunis , vel ad Solem, & fac pulverem , & projice unum estrelin illius

illius pulveris super tres estrelins Argenti fini fusi, & hoc videbitur Sol. Item una fini Auri, una fini Argenti, una fini Æris, fusa simul faciunt Aurum octodecim carat. cum una Æris usti fusi. Æs ustum sic fit: Limaturæ Cupri unum pondus & quartam partem ponderis Sulphuris vivi, & misce: deinde pone hoc in crucibulo, & cooperi cum tegula, & luta cum luto sapientiæ, ne aliquid vaporis inde possit exire. Deinde pone os crucibuli inferius, & cooperi ipsum cum carbonibus, & ita dimitte per aliquas horas, deinde extrahe ab igne, & inuenies Æs ustum, quod lava, ut decet. *Raymundus Lullus.*

Argentum in Aurum commutare.

Rec. Argent. vivi unc. iij. ponatur in ampullam vitream optimè perlutata ad ignem, donec ferveat, cui cum Auri foliati uncia una permixta fuerit, ab igne auferatur, & addantur

Salis ammoniaci unc. j.

Salis Elebrot unc. sem.

Boracis drach. is.

Argenti vivi purgati unc. ij. Misce probè.

Quo facto, sigillo Hermetis ampulla claudatur optimè, ne quovis modo exspirare possit, & ponatur ad fornacem ignis per tres dies continuos: postea ab igne auferatur: & cum frigidum fuerit, ampulla, sive cucurbita aperiatur: materia eximatur, & in pulverem subtilissimum redigatur, qui Philosophis dicitur *Elixir*. Et cum Aurum facere voles, sumito Argenti finissimi unc. v. & cum ad ignem liquatum fuerit, illud supradicti Elixiris unc. j. addito, & in Aurum optimum commutabitur. Sal autem Elebrot sic conficitur:

Rec. Salis communis purgati, }

Salis gemmæ,

Salis alkali,

} ana unc. j.

Quibus tritis addantur succi Menthæ, succi Caryophyllorum ana unc. ij. Aquæ fontanæ libræ ij. misceantur omnia optimè, & erit factum. Lutum verò sapientiæ fit è luto optimo sicco, & cribrato, & cum Albuminibus ovorum mixto. Argentum denique vivum cum Aceto acerrimo purgatur, lavando ter aut quater, deinde per linteum colando. *Fallop.*

Argentum ut inauretur.

Argentea vasa Auro incrustari, & obduci nequeunt, nisi

E e

Argen-

Argenti vivi ministerio cui uni se obsequiosum præbet, ac tractabile Aurum. Nam cum omnia metalla respuat, soli tantum Auro, ceu amico, & familiari libenter sociatur, maritatur, & agglutinatur. Hinc Argento ægerrimè adhærescit, ægrè Plumbo, difficillimè Ferro, Æri mediocriter. *Lemnius.*

Argentum in calcem vertere.

Si vis Argentum in calcem vertere vel aliud, sic fiat: ex Argenti ramentis, & vivo Argento triplicato malagma confice, inde communi Sale super porphyreticum marmor multum lævigabis, ubi ad perfectam unionem pervenisse scies, in obtorto vitreo vase locato, quod facilior sit adscensus: igni appone, ejusque vigore vivum Argentum per fistularum colla in receptaculum dilabatur, quod vasis imo remanet fundo, dulci aquâ confricato, novam subinde affundens, dum nullum falsuginis vestigium excernatur, & amarorem amiserit omnem, dulcescente aquâ in calcem habebis. Est & parandi ratio alia: Argentum forti Aquâ solvatur, ut assolent Aurifabri, & fontis immisceas Aquam, quæ communem Salem exederit, sic Argentum ad imas vasis partes procumbere videbis, penicillis aquam exugito, & calcem testaceo vase, flagrantibus carbonibus appones, detrahe, dulciqûe aquâ falsedinem amoveas, quod denuò semper exercebis, dum totum abiisse cernes, & modus lavandi sit, quem in priori reddidimus. Sic Argentum in calcem & ceram vertes. Ejus ramenta cum sublimato vivo Argento permixta vitreo apto condantur vase, & flagrantibus prunis exponantur, ut vis ignis vivum Argentum expellat, & in ima vasis parte fixum Argentum, uti ceram reperies, gemmis aptum, quod pyxidiculâ servetur. *Joan. Bapt. Porta.*

Bezoardicum Lunare.

Recipe Reguli Martis stellati uncias quatuor, Argenti fini ac puri uncias duas; funde invicem in crucibulo, adperso subinde Nitro siccato: liquatam ac probè fluentem materiam effunde in conum fusorium; & fiat Regulus Lunaris, hunc verò in pulverem tritum cum Nitri purissimi ac siccati unciis octodecim benè misce, hinc per cochlearia ignito crucibulo immitte, ac more solito detona, tandem materiam detonatam, & parum sine ulla fusione calcinatam, in Aquam projice lagenâ contentam, & ita extingue, postea lingue, donec Pulvis bezoardicus Lunaris fundum petierit; Aquam

Aquam hinc claram decanta, atque novam aquam calentem pulveri affunde, iterumque decanta; hocque repete; donec pulvis ab omni Nitro probè liberatus ac ita edulcoratus fuerit; quem denique super chartam emporeticam, vel in vitro supra cineres calidos siccatum usui repone, ac in loco sicco asserva. Vires habet egregias Diaphoretico-Cardiacas, acidum acre corrosivum destruentes, adeoque in Cephalalgia, Epilepsia, Incubo utiles. Dosis est gran. decem.

Argenti liquefaciendi mira ratio.

Illud mirum est, quod referunt, quoddam genus Argenti minimè liquefcere follibus: cumque omnem circa hoc curam exposuissent, edocti piorum Principum exemplo, vasa illa, in quibus Argentum liquefcere consueverat, cum Argento supra, & carbonibus in imo perforata, à lateribus montium cacuminibus imponebant vento flante, atque ita liquefactum, denuò postmodum, cum follibus in parvis vasis repurgabant. *Cardanus.*

Lunæ Augmentum.

Rec. Argenti fini unc. j. Mercurii vivi puri unc. sex, pone in Phialam cum collo oblongo, super amalgama funde oleum tartari altitudine duorum digitorum, pone in furnello super cineres calidos, & fac ut bulliat 30. diebus naturalibus, & invenies amalgama fixatum, funde & habebis Lunæ finæ uncias quatuor in omni iudicio. *Ex Manuscripto Bibliothecæ Theod. Zvingeri, Med. Basiliens.*

Ut Argentum excrescat, vel ponderosius reddatur.

Sale aliqui, & antiquis testis Argentum in tenues bractæas deductum igni detinent, ut ibi ab humiditate vindicent aliqua, & densentur partes, quæ pondus adducunt. At sic expeditius idem efficies: Argentum in subtiles lamellas ductum Cinnabari, ac sublimato vivo Argento vicissim inspergito, in vase igni contumaci, & supra luto, & vinculis munito, ne vim suspiret, carbonibus circumseptum per naturalis diei medietatem detineto, & friabiles exemptas laminas in cineritium alveolum igne candicantem, & in colliquatum Plumbum immittito: & eximie vi follium flatu, quod pessum iit, Plumbum ad receptaculum foras expellito ut secum contrahat fordes, & purgatium relinquat Argentum: quæ solet probatio commentitia, vel cupellaria omnibus nominari, quòd commentum omne purgetur. Quòd si ponderosum non reperies, mul-

toties rem perage, dum Auri expleat pondus. Possumus sic & aliter Argentum augere: Stillatitium & forte acetum in labellum infunditur, confractum Stibium, ac limâ quæsitum Plumbum tundantur, & succernantur, quidquid non transmeat, denuò molitur, tenuius cribratur: hinc in distillatum Acetum injicitur, & sub fimo conditur, dum soluta conspicias omnia; igni postea demittito vas, & opus intus extinguito sæpè. Vel ex iis aquam extrahito, & idem præstabit. Cum Sulphure, ut docet *Geber*, in calcem, & corpus reducendo, multum acquireret ponderis. *Joan. Bapt. Porta.*

Argentum vel Aurum diminuire.

Nunc verò restat, quomodo possit, & sine forma quoque ac cælatura Argentum, vel Aurum diminui. Forti aquâ assolent multi, opus autem tuberculis, & depressionibus scarbrum reddit. Sic autem facies: Sulphuris pulvere asperges opus, & circumquaque candelam admovebis, vel sub opere incendes: paulatim exardescens consumitur, malleo decute in adversam partem, & superficies cadet, quantitatis ejusdem, cujus volueris, uti Sulphure, uteris. *Idem.*

Tinctura Lunæ optima.

Recipe Salis volatilis Urinæ uncias duas, Lunæ probè cum Plumbo cupellatæ atque finissimæ redditæ, tandem in subtilissimam scobem redactæ unciam unam; hæc invicem probè mixta immittantur phiolæ parvæ, quæ benè occlusa reponatur per tempus, donec in massam cœruleam redacta sint, cui postmodum affunde Spiritum Vini tartarisatum, repone in digestionem per plures dies, sic emerget Tinctura Lunæ egregia, per chartam emporeticam filtranda, cœrulea prorsus, & in vitro exactè clauso usui asservanda. Vires habet eximias in Vertigine, Incubo, Epilepsiâ, Convulsionibus, Cephalalgia, Hemicraniâ, Lipothymiâ, Affectione hysterica, Palpitatione Cordis, Obstructione Hepatis ac Lienis. Dosis gutt. 20. ad 31. *Iungken.*

Ad Lunam dealbandam.

Lunam seu Argentum ita dealbabis: Accipe Salem ammoniacum, Alumen Rochæ vocatum, & plumæ, Salem gemmæ, Tartarum, & Vitriolum Romanum, singulorum partes æquales. In pulverem redacta simul misce, & in aqua limpida dissolve: deinde Lunam quamdiu visum erit, ibidem ferve-

fervere permitte, videbis eam ad miraculum usque dealbari.
Ex secretis & experimentis cujusdam Chrysopœophili Mizaldus.

Vasa ut argenteis similia reddantur.

Hydrargyrum forti Aceto remixtum, vasa argenteis similia reddit, si eo illinantur. *Mizaldus.*

Aqua Argentum colore aureo tingens.

Rec. Salnitri libras ij.

Aluminis rochæ libras v.

Trita & mixta destillentur, aquaque ad usum fervetur. Cum uti voles, Argentum igne lique scat, in dicta aqua fundatur, & extingatur, & Auri colorem acquirat. *Fallopheus.*

Aqua Argentum dissolvens.

Rec. Vitrioli Romani libram j.

Salis Ammoniaci libras v.

Salis nitri unc. iv.

Cinnabar. unc. iij.

Mixta & Trita distillantur secundum artem.

DE SECRETIS AB ÆRE SUMPTIS.

CAP. V.

Æs coquere, sive urere.

REMANET, ut doceamus & Æs coquere, quod à multis traditur: Stibium tamen nullibi, quod sciam, traditum est, talique expedies pacto: Æs fusoris in vase liquato, cum æquis Stibii portionibus simul colliquatis, tantundem superaddito Stibii, & super planum marmor projicias, ut in ejus superficie frigescat, ut aptius in lamellas ducantur: duos deinde excavabis lateres, ut intus commodè accommodari possint laminæ: ubi accommodasti, operculetur alio, ac ferreis vinculis, & luto stipetur, reficcatur vitrariorum fornaci inditur, ibique per hebdomadam immorari finito, ut perfectè comburatur, detrahe, & ad usum accommodato. *Joan. Bapt. Porta.*

Æs aureum reddere.

Ære combusto sic aureum colorem affinges. Si ex Calcantho, Salnitro, Alumine, Cinnabari, & Æruginè Fortem extilles aquam ac solum fatiscat in ea combustum Æs, in corpus reducendo, aurei coloris multum retinebit. Fit quo-

que Cyano sæpiùs Argentum inspargendo , & ignibus committendo. *Idem.*

Æs argenteum reddere.

Si verò quæris Æs argenteum reddere , vel cyprium, uti sæpè Pueri, & Circulatores affolent , ut illicò vasa Argenti nitorem capiant , conficiendi hæc est ratio : Ammoniacum sal , Alumen , & Salnitrum pari pondere misceantur , & cum modica Argenti scobe , & limâ quæsitâ, igni admove-to , ut infervescant , & ubi fumare desierint , respersa pulvere , vel saliva oris madefacta , vel paulatim adjecta digitis fricando tractabis , argenteum colorem imitari videbis. *Idem.*

Aliter.

Argenti pusillum forti Aquâ solvatur , Tartari tantum mergito , & ammoniaci Salis , dum strigmenti crassamentum imitetur , inde in orbiculos digere , & inarescant : sic eis Æs vel aliud consimile genus digitorum tractatione crebrâ , ac salivæ complexu frianti argenteum videbitur. Nec minus idem evenit cum Argento vivo , mireque dealbabitur. Serventur hæc argentata , ne ab acribus noxam suscipiant , veluti Urinâ , Aceto , Limonum succo & similibus : facîle enim colorem perdunt , coarguuntur , & deprehenduntur. Sic quoque si Æs solvatur Aquâ forti , vel ejus ramenta , ferrum quod immergitur , recipiet colorem æris. Sic idem in Auro , Argento , & aliis metallis diversimodè colorabimus , & fricabimus. Sic tactu Argentum possumus inficere , ut infectum rejiciatur : Manibus sublimatum Argentum vivum pertractato : inde Argentum vel argentea Numismata manibus versans inficies , ut nil penitus valere videantur. Hoc porrò minimè prætereundum , quod præcipuum in colorandis metallis est , ut sint ea sæpiùs defœcata , elota ac recrementis omnibus expurgata , sic enim præstantiora erunt : uti aceto Æs extinctum , in calcem cum Sale redactum , ut defœdantes tollantur partes , quousque eorum appareant notæ , & profundius fiat commixtio : sit vasis fundum crebris foraminibus laceffitum , & per ea colliquatum metallum descendat , ut recrementa , & spurcitias suprâ relinquat , nullæque extent scorix , eoque præstantiora fuerint , quò minus excrementi in eis fuerit , infrâ purum dilabatur , cujus tamen meminisse semper oportebit. *Porta.*

Vene-

Venerem Lunæ tincturâ imbuere.

Stanni fini Anglici partem unam funde in Crucibulo, fluenti Stanno adfunde Mercurii vivi partes duas, agita invicem probè, hinc effunde super lapidem, refrigerari concede, ac tum in mortario marmoreo in subtilem pulverem tunde. Postea fume Gummi arabicum & Alumen, misce & redige in pulverem quoque subtilem, quam super porphyritem aliumve politum lapidem in cellam humidam reponere, vitrum lapidi supponendo, ut pulvis, sensim in liquorem solutus aqueum, in vitrum defluat. Quòd si ergo Cyathum vel aliud Vasculum cupreum argenteo colore inficere cupias, illud prius mundum reddito, ac liquore isto probè lavato, idque etiam cum aliquo rigidiorè verriculo bis vel ter facito; ad siccationem semper reponendo, ut fundamentum sic bonum, aptaque admodum Cupri superficies reddatur ad tincturam Lunæ recipiendam. Tandem pulverem è Stanno & Mercurio confectum affrica locis omnibus Cuprei vasis, quæ quidem Argenteo colore infecta cupis, sic tincturam recipient, & in argentum mutata credentur. *Ex Manuscripto Biblioth. Zvinger. Basil.*

Ens Veneris, Helvetii Medici.

Misce Salis armoniaci depurati uncias octo cum Colcotharis Vitrioli edulcorati unciis quatuor, atque hinc reple tertiam partem Retortæ vitreæ. Sublima per arenam adhibitis ignis gradibus per 10. aut 12. horas, ac flores exurgent è flavo rubentes, quos *Helvetius* nomine Entis Veneris dotavit. Vires habent in Epilepsiâ, Convulsione, Vertigine, atque Incubo haud spernendas. Dos. à gr. ij. ad viij. vel x.

Tinctura Veneris Lunatica Helvetii.

Salis ammoniaci purioris uncias 9. cum Vitrioli Veneris sesqui unciâ permisce, pulverisa ac destilla per Retortam ex Arenâ. E capite mortuo per affusum Spiritum Vini extrahatur Tinctura viridescens, & cum filtratur, injiciatur filtro nonnihil Calcis vivæ, & sic defluet Tinctura Saphirina elegantissima. Vires habere creditur insignes in Affectu Hypochondriaco, Epilepsiâ ac biliosis sanguinis & Spirituum turgescentiis; nec non Ischuriâ, Stranguriâ &c. Dosis gutt. 10. ad 15.

Æs eximiè dealbare.

Si Salem ammoniacum, & Ovi cortices simul tritureris, si ex iis aquam chymico organo exceperis, in eaque Æs ignitum extinxeris, miram suscipiet albedinem. Adde quòd

ex Antimonio extractum Hydrargyrum, seu vivum Argentum, Æs eximie dealbat, si super eo projiciatur, vel defricetur. Quod non facit fossile, & metallicum, à Plinio *Vomica perpetui liquoris* nuncupatum. *Mizaldus.*

Ut Æs, vel Cuprum Argenti nitorem induat.

Si Sal ammoniacum, Alumen & Nitrum pari pondere misceantur, additaque Argenti paucâ scobe, igni admoveantur, ut fervescent, ubi fumare desierint, pulvere illorum asperso, vel salivâ oris madefacto, confricetur Æs, vel Cuprum, illicò Argenti nitorem induet. *Joan. Bapt. Porta.*

Ad Æris metalla colore Argenteo tingenda.

Rec. Aquæ fortis unciam unam, in quam denarium optimi Argenti, prius malleo attenuatum, deinde in partes minutas concisum injicito, & ad ignem in vasculo idoneo, donec in aquam resolvatur Argentum, ponito. Quo facto, auferatur ab igne, addaturque Tartari albi contriti tantum, ut totam aquam imbibere queat, & fiat massa, quâ cum opus aliquod æreum confricatum fuerit, album, & Argento simile reddetur. *Alexius.*

Cuprum ut citò fundatur.

Qui Cuprum citò fusibile, & ductile habere volunt, Equi ungulas inter liquandum, & fundendum unâ ei addunt. *Ex Italo, & quodam experto fusore accepit Mizaldus.*

Æruginis parande modus.

Rec. Scobis Orichalci vel Cupri in pulverem tenuissimum redacti quant. volueris, humectetur Urinâ veteri, & cum Sale Ammoniaco, Soli siccandus exponatur, madefac eum rursus, ut antea, donec viridis appareat, idque iterando, donec sufficientem Æruginis copiam habeas. *Ex lib. Germanico.*

Aliter.

Laminas Cupri melle illinito, faleque usto salito, postea in Acetum suspendito, ac sub fimo ad duas septimanas relinquito. *Ex lib. Germanico.*

Aliter.

Vel accipe laminas Cupri perpulchrè politas; dein Atramentum sutorium cum Urina in lapide porphyrio tere, cum quo line undique Cuprum, & in Sole exsicca. Laminas exsiccatas

catas & in ollam vitro obductam positas igni valido apponito ad spacium duarum horarum, ut benè incalescant. Operculo interdum detecto vaporem evolantem considera, quem cùm deprehenderis nigrum, vas remove ab igne, ut infrigidetur, laminas Cupri exime, manibus contere, & si quas contere non potes, opus iterato, & ut quoque pulveriscentur, cogita. His factis abluatur pulvis Aquâ calidâ vel Urinâ in pelvi, & cùm in fundo materia resederit, Atramentum effunde, quod ei Cupro innatat, reliquum à Sole exsicca. De hoc pulvere accipe libram unam & Tartari in calcem redacti unc. ij. conterendo invicem benè misce & exsiccari sine. Ponatur tandem in ollam antè dictam, ignem substernendo, & carbonibus exaggerando, donec fumum deprehendas viridem. Infrigidetur olla detecta, Ærugo optima extrahatur. *Ex lib. Germanico.*

*Vitriolum Veneris, sive Æs viride Crystallisatum,
juxta Le Febvre.*

Viridis Æris subtiliss. pulverisati libris 4. vitreæ cucurbitæ immixtis affunde Aceti destillati optimi ad eminentiam sex digitorum transversorum: Cucurbitam arenæ calenti impone, materiam ligneâ sæpius spatulâ agitando, & si Acetum conspexeris probè tinctum, tum illud decanta, novumque affunde, utque prius, digere sæpius movendo, & decanta: hocque opus quater repete, aut quousque superaffusum Acetum tingi multum desit. Tum remanentem Viridis æris massam cum Aceto hoc non satis tincto immitte aheni cupreo, & coquendo solve atque extrahe quod solvi potest, ultra uncias 5. vel 6. autem non relinquitur, idque nil nisi terrestris est materia, nullius valoris. Omne verò Acetum tinctum confundatur, ac frigide per chartam filtretur, filtratum in patellâ forti probè vitreatâ, leni igne evaporetur, & in frigore ad Crystallisandum reponatur: id quod in filtro remanet, novo Aceto destillato solutum filtretur frigide, & ut prius exhaletur atque crystallifetur. Liquor post crystallisationem relictus de novo ulterius evaporetur; & crystalli inde colligantur, ac ita procedatur, usque dum omnis liquor tinctus in Crystallum abiit. Si verò Crystalli hæ non sint pulchræ satis ac pellucidæ Saphiri instar, tum de novo solvantur in Aceto destillato, cujus tamen non plus requiritur, quàm ut Crystalli frigido in loco ab illo

solvantur. Solutio autem hæc relinquatur spacio 24. horarum, ut si quædam fœculentiæ adfuerint, fundum petant. Postea clarus liquor leniter decantetur, turbidus hinc filtretur: liquor verò omnis tinctus, & sic depuratus de novo evaporetur, ac in Cryſtallos redigatur, quæ super chartam emporeticam lenissimo calore siccantur, ne sui spiritus volatilis jacturam patiantur. Notabis porrò Cryſtallos has tamdiu novo Aceto destillato solvi posse, donec inter evaporandum Acetum prodeat, sicut affusum est: tum verò Cryſtalli perfectæ erunt, ut Spiritus inde elicere liceat, qui sese tandem huic Vitriolo Veneris incorporârunt. Cryſtallis autem sic paratis affunde Spiritum Vini alkoolisatum ad 3. digitorum eminentiam, pone in digestionem per horas 20. hinc abſtrahere Spiritum in Balneo Maris, atque hoc opus ter repete, ut eò melius istud Vitriolum Veneris recludatur, atque ad reddendum Spiritum volatilem aptetur.

Ærugo sive Æs viride juxta eundem.

Fit ex Lamellis Cupri cum Uvis ab expressione relictis, invicem stratificatis, & ita in loco calido relictis, donec laminæ Cupri in Æs viride conversæ observentur. Nullibi verò, ait, melius parari hoc Æs viride atque in Galliâ Narbonensi, Monspeli, utpote cujus districtus Uvæ Tartarum obtineant singulari acido volatili præditum.

Modus Cuprum ita præparandi, ut Auri colorem referat, & optimè elaborari possit.

Rec. Cupri, Lapidis calaminaris ana unc. sem. Tutia drach. ij. incandescat Cuprum, extinguatur in Urina iterando bis. Idem facies de Lapide calaminari, & Tutia. De soluto Cupro accipe unc. sem. addendo Mellis unc. j. decoquantur invicem, donec Mel nigrescat, & siccum fiat, ut contundi possit, post Melle cum Lapide Calaminari & Tutia contuso, ad ignem ebulliant rursus, quoad Cuprum liquefactum fuerit, & habebis. *Ex lib. Germanico.*

Aurichalcum argenteo colore tingere.

Rec. Argenti vivi sublimati,
Salis ammoniaci, sing. q. f.
Coquantur in aceto, in quo Aurichalcum prius calefactum extinguatur, & Argenti colorem adipiscetur. *Fallopious.*

Æs ut fiat dulce Argenti instar.

Æs ustum funde cum Borace in crucibulo: postea extingue in Oleo Pictorum (*de peintre Gallicè*) pone super incude, & sensim, ac lento modo plana, & iterum coque in crucibulo, & extingue in oleo Pictorum, atque hoc repete quater, vel quinquies, ita ut sit dulce satis: & illud Æs ustum est finum æs ad alligandum Aurum, & duplo plus poni potest quàm alterius Æris, eritque inde Aurum pulchrius, quàm alterius Æris. *Raymundus Lullus.*

DE SECRETIS FERRI.

C A P. VI.

Ferrum Auri colore tingere.

FERRI laminas fictili in olla, vivo intermisto Sulphure & luto munitâ, igne cremabis, deinde extrahes, & friabiles reperies: tertio, & in vas patuli oris ponito, cui distillatum acre Acetum infundito, sub Caniculæ fidus exponito, si ad ruborem nondum perverit, rursus sub Sole habendum: vel ferventis aquæ balneo, dum rubescat, finito, penicillo exugatur, vel in vas aliud transfundatur, rursus Acetum addatur, & eadem sequantur, dum Ferrum solvatur totum: per vitreum vas evaporet humidum, & residens pulvis super Argentum, vel aliud album projectus Auri colorem imitabitur. *Porta.*

Ad Ferrum inaurandum.

Accipe Aquæ communis libras iiij.

Aluminis unc. ij.

Vitrioli Romani unc. j.

Floris æris denarium j.

Salis gemmæ unc. iiij.

Auripigmenti unc. j.

Misceantur, & coquantur. Quando autem bullire incipiunt, addito Tartari è vini fecibus, Salis communis ana unc. dimidiam, ferveant aliquantulum: deinde auferantur ab igne: atque eâ aquâ ferrum pingito, mox igne calefacito probè; deinde lævigetur. *Alexius.*

Ad

Ad Ferrum aureo colore tingendum.

Accipe Olei lini unc. iij.

Tartari unc. ij.

Vitellorum ovorum, ad duritiem coctorum & contusorum unc. is.

Aloës unc. dimid.

Croci grana v.

Curcumæ grana ij.

Coquantur omnia aliquandiu in olla nova, & fiat Oleum ad Ferrum pingendum. Quòd si jam dictæ species Oleo non benè cooperirentur, adde ut cooperiantur. Hoc oleo Ferrum imbutum ac diligenter lævigatum, aureum colorem fufcipiet. *Idem.*

Martem in Argentum convertere.

Limaturæ Chalybis & Argenti vivi cum Sale & Aceto probè loti, ana partes æquales, misce in Crucibulum prunis impositum, adde æquale pondus Stanni fini in tenues valdè bractæas contusi; ita ut Mercurius probè absorbeatur; agita interea probè materiam super ignem; tandem exime, ac super porphyritem cum quartâ parte Salis armoniaci optimè tere, iterumque crucibulo immitte, ac super ignem prunarum probè circumagita, calcinetur sic per horam integram, vel diutius, donec videas rectè exiccari; exime tum, atque cum Aquâ muriaticâ sive falsâ lava, & sic habebis Argentum bonum, non contemnendum. *Ex Manuscr. Bibliothec. Zvingerianæ Basiliensis.*

Aqua ad Ferrum Auro foliato obducendum, vel Auro Argento vivo resoluto, quo Aurifices ad Argentum inaurandum utuntur.

Accipe Vitrioli Romani unc. j.

Aluminis unc. ij.

Salis ammoniaci unc. j.

Redigantur in pulverem tenuissimum, coquanturque in Aqua communi, quâ cum Ferrum prius mundatum, lævigatumque, ac tinctum fuerit, superaddantur Auri folia, deinde siccetur ad ignem, lævigeturque Lapide Hæmatite, ut mos est. Si verò Auro Argento vivo resoluto, Ferrum inaurare velis Aurificum more, adde supradictæ aquæ floris

ris *Æris* drachmam j. Sublimati unciam dimidiam : misceantur , & cum aliquandiu efferbuerint , Ferrum in dicta quoque aqua ferveat. Quòd si præ magnitudine Ferrum aquâ tegi non posset , optimè cum dicta aqua fervente fricetur , & sic ad Aurum Argento vivo dissolutum , accipiendum accendetur. Hoc autem quomodo fiat , in libro præcedente , capite de Auro conterendo , docuimus. Cæterum Ferrum jam Auro obductum , ad ignem lucernâ , vel Sulphure , more Aurificum , vel cerâ , ut in Germania fit (quod longè melius est) infumetur. *Idem.*

Ad Ferrum Argentumq₃ Æris colore tingendum, quod ad inaurandum multò melius est, diutiusq₃ Auri colorem retinet.

Certissimum est , Aurum in album Ferrum Argentumve inductum non ita benè apparere , quàm in *Æs* : propterea , quòd ubi vel tantillum Ferrum detegi , sive Aurum absumi incipit , illicò Ferri Argentive color apparet , in rubro autem colore non ita detegitur. Itaque quidam periti , & iudicio præditi , lignum , aut hujusmodi materiam non Rubricâ , ut plerique omnes faciunt , sed fulvo quodam , aureove colore solent contegere. Nam tametsi Aurum cum tempore aliqua in parte vanescat , non ita ut in rubro , multò etiam magis in albo facilè dignoscitur. Hoc quoque ipsum in Ferro , Argentove inaurando commodè fieret. Verum ut hæc nunc missa faciam , ad *Æris* colorem Ferro Argentoque inducendum age hoc modo : Accipe floris *Æris* , Vitrioli , Salis ammoniaci , singulorum quantum fatis est. Redigantur in pulverem subtilissimum : deinde in Aceto forti coquantur per semihoram , mox ab igne auferantur , immittaturque Ferrum , vel Argentum , vase optimè cooperito , tamdiu donec frigescat : atque sic habebis Ferrum *Æri* simile , aptissimum ad Aurum recipiendum. *Idem.*

Ferrum quomodo mollescat.

Ferrum mollescit succis corticum Fabæ , aut Malvæ , si in his , non aquâ extinguatur. Ut verò cum foditur ductile fiat , torretur gleba , ac sub dio exponitur : imbribus mollescit , quod terreum est , Sole colliquatur , quod est humidum , ignibus acrior pars , & quæ quasi illi venenum est , absumitur. Ita dum sæpius torretur , dio exponitur , molle fit ,

fit, ac quantum vis tractabile. Fila etiam ferrea, si ignita per se refrigerari permittantur, adeò ductilia evadunt, ut vice Lini ad vincendum uti possis. *Cardanus.*

Ferrum quomodo caletur.

Molle itaque Ferrum hoc modo caletur: pingitur quod fingere cupis in Ferro, ex adverso Pila plumbea subjicitur, inde malleolo tunditur pars, quam compressam cupis: quæ prominere debet, plumbo excepta non subsidet: ita animalium & plantarum subtiliter imagines referunt, ut cerâ expressas & elaboratas acutis scalpellis diceret. Si verò aquâ frigidâ ferrum, dum candet, extinguitur, & durum & minimè ductile, & fragile evadere necesse est. Nam aquæ frigore cogitur ignis, qui intus est, humidumque innatum Ferri celeriter absomit: quo, cum ductile esset, ac ob id molle, sublato, fragile & durum evadere necesse est. *Idem.*

Ad rubiginem Ferro eximendam.

Ferro rubiginem è vestigio adimit, illique splendorem conciliat Oleum Tartari, quod ipsum etiam Lentigines emaculat in facie, omnesque pustulas foedas, quæ frontem mentumque deformant, abolet vi absterforiâ. *Alexius.*

Ferrum ut purgetur.

Arte Ferrum repurgari, & nobile reddi, *Aristot. in Meteoris* docet, dicens: Ferrum sæpius excoctum repurgatur: & quod illi inest terrei, transit in squama, ipsum verò transit in Chalybem.

Ferrum in Æs commutare.

Si Ferrum in Æs commutare desiderabis, ut nil Ferri prorsus retineat, Alumine & Atramento futorio tingi potest: in Carpeto enim monte Pannoniæ Smolinitio oppido, fertur puteus esse, in quo aqua in tres canales hausta effunditur, Ferrum illis impositum vertitur in Æs, & si tenuia erunt frustula, in lutum transeunt, quod ignibus excoctum, in purissimum Æs transit. Sed sic faciliter commutatur: Fusorium in vas Ferrum conjicito dum vehementi excanduerit igne & fluere incipiet, vivi Sulphuris aspergine saturabis, paulatim remove, in virgas projice, & tere: facile enim friatur, forti demum solvatur Aquâ, ex Salnitro, Alumineque confectâ, calidis reservescat cineribus, dum in vapores soluta evanescat, remanens pulvis in corpus redigatur, & habebis Æs. *Joan. Bapt. Porta.*

Ferrum

Ferrum ut in Chalybem mutetur.

Cortex mali Punici, Ferrum mutat in Chalybem, si invicem in aquâ diu coquantur. *Cardanus.*

Chalybem ex Ferro conficere.

Laminas fume Ferri optimi, hinc & Ungulas Equi, ac Sal commune, vel Cineres clavellatos, aut Sal è lixivio cinerum qualiumcunque excoctum. Fiat ex his in vase terreo Stratum super Stratum, ita ut fundus & suprema pars vasis ungulis & sale cooperta sint: operto tum vase ignis sensim augeatur ad plenam incandescentiam per aliquot horas, sic ob duritiem Chalybis nomen induit, tantoque id magis, sicubi in Aquâ frigidâ, vel in liquore Vermium, aut decoctione Ungularum, aut Solutione Salium lixivialium extinguitur.

Ut Ferrum ita induretur, ne aliud Ferrum facile scindat.

Terræ Lumbricos distilla: seorsim Rapas etiam & radices Peponum distilla. Misceantur pari mensurâ. In his aquis Ferrum madescat. Durius evadet Ferrum, si bis id infuderis. *Nostradamus.*

Crocus Ferri seu Martis aperitivus.

Scobs Chalybis subtilissima, Aquâ fontanâ primùm à fordibus repurgatur, & ficcatur: deinde in Aceto frotilissimo maceratur diebus tribus aut quatuor, postea exsiccata patinis fictilibus imponitur, & in fornace flammis flagrantissimis lævigatur, dum Croci detriti instar subtilis evaserit. Interea verò patinam eximere, & quod jam lævigatum suprâ apparet, pennâ modicè auferre; mox illam iterum fornaci immittere convenit. Dosis ejus est à gr. 5. ad gr. 20. In Viscerum Obstructionibus, debellando acido qualicunque, Scorbuto, Hydrope, Cachexiâ.

Crocus Martis adstringens.

Calcina Limaturam ferri in Igne reverberii, donec in tenuissimum pulverem rubrum abierit, quem ad usum serva. Valet autem ad Dysenteriam, & quascunque Hæmorrhagias. Dosis est à gran. 5. ad gr. 20. sæpius dando.

Vitriolum Martis.

Limaturæ Ferri semilibræ affunde Spiritus Vitrioli non recti-

rectificati libram integram, sed hunc per vices Limaturæ in vitro capaci fortiq̃ue immitte, ne, si unâ vice nimis infunderes, effervescentia nimia excitata vitrum disrumperet. Quòd si calor evaderet admodum vehemens, vel si Limatura cum Spiritu ad coagulationem tenderet, Aquæ fontanæ unciam unam vel alteram affundere posses. Affuso omni Spiritu, solutioneq̃ue tandem factâ, etiam per interfusam subinde aquam, tum filtrabis liquorem, evaporabis parum, & ad crySTALLIFANDUM in loco frigido repones. Cryсталlos verò ad usum servabis.

Tinctura Martis aperitiva volatilis.

Affunde Floribus Salis armoniaci Martialibus Alkool Vini ad eminentiam duorum vel 3. digitorum, digere per aliquot dies in loco calido, atque Tinctura decantata usui reponatur. Vires habet aperientes, antiscorbuticas. Dof. gutt. xx.

Tinctura Martis aperitiva Zuelferi.

Paribus portionibus Vitrioli Martis & Terræ foliatæ Tartari super ignem lenem in patellâ ferreâ in massam rubeam conversis, adde Spiritûs Vini boni octuplum, digere hinc per aliquot dies, post Tinctura filtrata usui reponenda. Dosis guttæ 20. ad 30. mane ac vesperi in Cachexiâ, Hydrope, Lienis, Hepatis atque Renum obstructionibus.

Tinctura Martis antiscorbutica Wedelij.

Rec. Vitrioli Martis & Florum Salis armoniaci martialium ana partes æquales, affunde Spiritûs Cochleariæ optimè rectificati sextuplum, in phiolâ ebulliant aliquantisper, ita tamen ut nullam partium Spiritûs penetrantiorum jacturam patiare, quibus peractis Tinctura decantanda, & ad usum reponenda.

Tinctura Martis aperitiva Zvingeri.

Coque Limaturam Martis in Succo Acetosæ, vel Acetofellæ & Fumariæ per horam integram, in fine coctionis adde Liquorem Nitri fixi, vel Oleum Tartari per deliquium, sic liquor evadet nigricans, quem ceu veram Martis Tincturam filtrabis, atque usui reservabis. Dof. 12. 15. ad 25. guttas, cum vehiculo conveniente sumendæ, in Scorbuto, Obstructione Lienis, Hepatis, Cachexiâ, Scirrhis Glandularum internarum, &c.

Ferrum

Ferrum ut dureſcat, & molle rurfus fiat.

Verbenam cum cauliculis & foliis conquaſſa, ſuccum per lineum pannum exprime, eumque in vitro reſerva ad uſum. Quando ferrum durum reddere voles ſuccum Verbenæ pari portione cum Urina humana, eaque virili miſceto; poteris etiam addere ſuccum Curculionis, Germani vocant *Engerling*: incandefcat Ferrum eâ parte, quam vis dureſcere, in ſuccis his immergito, donec maculæ aureæ appareant. Et ſi multum coloris cærulei deprehenderis, nondum ſatis durum eſſe agnoſcas. Vel in aqua ſtercoris extracta Ferrum extinguitur. Quidam diſtillant aquam ex Teſtudinibus rubeis, & in ea Ferrum extingunt. *Ex lib. Germanico.*

Ferrum ut molleſcat.

Excipe vaſe quodam, vel pelvi ſanguinem Humanum, ſeponatur, donec ſanguis craſſus ſubſideat, ſerum ſanguinis effunde & uſui diligenter ſerva. Poſt arma calefacta ſero hoc obline penicillo, ut imbibat ſerum, & mollia fiant arma. *Ex lib. Germanico.*

Aliud.

Sume Mel deſpumatum, recentem Urinam Hirci, Alumen, Borram, Olivum, Baumöl & Salem ana q. ſ. His invicem ſingulis commixtis immergito Ferrum & extinguito. *Idem.*

Aliud.

Sterne ſuper corium ramenta Cornu & Sal ammoniacum lotio aſpergendo, involve corio Ferrum, quo corium à Ferro comburatur & ſic molleſcat. *Idem.*

Chalybs quomodo indureſcat.

Chalybs dureſcit aquâ frigidâ, ſi in hoc extinguitur, & ſi aciei color eſt cæruleus, Chalybem calorem ſuum naturalem adeptum ſcito. *Idem.*

Chalybs quomodo molleſcat, ut calari poſſit.

Chalybem mollem redde lixivio ex cinere Roboris & calce non extinctâ parato, & colato per horas duas. In hoc lixivium Chalybs conjiciatur & diebus quatuordecim relinquatur: ſi verò vis, ut rurfus eam duritiem, quam antea habuit, recipiat, in aquam frigidam pone. *Idem.*

F f

Aliud.

Aliud.

Rec. Salis Ammoniaci, Calcis vivæ ana qu. s. his adde Saponis veneti paulatulum, misce benè agitando, Chalybem cum Moscho immitte, ut ab his humectetur, relinquatur ibi tribus vel ad summum quatuor horis, effundatur paulatim. Hic modus duntaxat pertinet ad particulas Chalybis. Potest autem magna frustra mollia reddere si immiseris stercori Vaccino, Albumini & Glutini Aceto humectatis, ut antea dictum. *Idem.*

Cultrorum aciem duram ac densam reddere.

Aqua ex contusis Lumbricis per pannum expressa, & succi Raphani æquis portionibus mixta, usque adeò duram & densam reddit aciem Cultrorum, Ensium, & aliorum instrumentorum, quæ bis aut ter, dum cuduntur, in illa extincta fuerunt, ut Ferrum aliud, ac si Plumbum esset, facile incidant. *A quodam Parisiensi Machæoptæo accepit Mizaldus.*

Regulus Antimonii Martialis stellatus.

Apicum Clavorum Equinorum dimidia Libra Crucibulo immittatur, inter prunas in Furno venti locato; quòd si hinc probè candentes observaveris clavos, paulatim libram integram Antimonii optimi, pulverisati atque siccati superinjecito, utque materia omnis probè fundatur, etiam Nitri optimè depurati, siccati ac pulverisati libram integram per portiones sensim inspergito, igneque fusionis forti dato expecta, donec in fluorem redacta fuerit materia, quam dein in Catinum fusorium calefactum, intusque sebo illitum, effundito, malleo leniter percutiendum, ut Regulus probè subsidat, fundumque catini petat. Coagulatam hinc massam è Catino exime, aquâ si placet frigidâ consperge, ac mallei ope Regulum à scoriis superincumbentibus excute atque separa. Hunc Regulum dein, qui stellam in superficie nondum repræsentabit, crassè contusum Crucibulo adhuc candenti iterum injice, per vices Nitri puri ac sicci uncias tres adspere, sicque in fluorem optimè redactum iterum in catinum sive conum fusorium, uti prius factum, effunde, Regulumque collige; quem dein tertiâ, quartâ vel quintâ etiam vice de novo cum adjectâ semper unâ vel alterâ Nitri uncia funde, donec in basi suâ stellam satis bonam ostenderit, ac præterea fractus pulchrè nitidus candidusque apparuerit.

Diaphoreticum sive Bezoardicum Martiale.

Apicum Clavorum equinorum, vel si mâvis, Limaturæ
Mar-

Martis libræ dimidiæ in fervente Crucibulo candefactæ adjice Antimonii crudi, pulverisati ac siccati libram integram: Agita hinc materiam aliquandiu & continuè donec in fluorem redacta, iterumque solida reddita fuerit, nec ullatenus in Regulum versa: hanc materiam siccam dein è crucibulo exemptam, refrigeratamque pulverisa, per cribrum trajice, atque cum Nitri puri, sicci que triplo permixtam in candente iterum Crucibulo paulatim, super ignem fortem, qui tamen materiam non fundat, detona, detonatam probè calcinatamque materiam per vices aquæ frigidæ immitte, atque per sexies institutam novæ aquæ affusionem, quando pulvis subsedit, probè edulcora, ac in umbrâ sicca, & ita habebis pulverem ex fusco rubicundum, quem in vitro benè clauso, locoque sicco usui asserva. Vires habet aperientes deobstruentes, acidum qualecunque destruentes, in Scorbuto, Cachexiâ, Hydrope, Mensium suppressione, Hepatis Lienisque obstructione proficuas. Dosis à gr. v. ad gr. xij. *Zvingerus.*

Specificum Stomachicum Poterii.

Rec. Regul. Antimonii Martialis stellati uncias octo, Nitri depurati uncias 24. Benè invicem mixta & contrita, uti Antimonium Diaphoreticum, in crucibulo ignito detonentur, calcinentur, edulcorentur atque siccantur. Vires habet, Acidum exorbitans destruendi, liquorem stomachi chylicatorium depurandi, atque resuscitandi, appetitum movendi, obstructions viscerum referandi, menses movendi, diaphoresin denique blandam excitandi, Dof. à gr. 6. ad 12. vel 15.

Pulvis Cachecticus Zvingeri.

Rec. Limatur. Martis cum Sulphure calcinat. ac subtiliss. tritæ unciam j.

Radic. Vincetox.

Ebul. ana drachm. iij.

Gemmar. Sambuc. torrefact.

Fol. Card. benedict.

Ocul. cancr. ppt.

Ebor. philos. calcin. & ppt. ana drachm. ij.

Succin. alb. ppt.

Semin. Anis.

Cinam. optim. ana scrupul. iiij.

F f 2

Saccha-

Sacchari ad pondus omnium.

Misce. F. pulv. subtil. cujus dosis est à scrup. j. ad ij.

Tartarus Chalybeatus De L'Emery.

Misce libram unam Tartari albi subtiliter pulverisati cum Rubiginis Ferri unciis tribus; immitte ferreo caca-
bo unâ cum Aquæ pintis 5. vel 6. Fac ebullire per horam
dimidiam, vel donec solutum fuerit Tartarum, trajice
hinc Liquorem per manicam Hippocratis, calidum adhuc.
Requiescat dein in Ollâ ferreâ vel terreâ per 10. aut 12.
horas, & in ejus fundo Crytalli fusco colore præditi con-
crescent. Liquor per inclinationem effundatur, Crytalli-
que colligantur, & siccati asserventur. Effusam verò A-
quam salibus adhuc turgidam in eadem Ollâ igni admotâ
mediam circiter partem evapora, evaporatum, ut prius,
quieti in loco frigido expone, sic denuò Crytalli prioribus
similes concrescent, quas exemptas reliquis adde; novam-
que iterum cum residuâ aquâ exhalationem atque crytalli-
factionem institue. Crytallos tandem omnes Solis radiis
siccandas expone, atque usui asserva. Optimum reme-
dium præbent in Jecoris, Pancreatis, Mesenterii, Lienis,
atque Renum obstructionibus, adeoque in Cachexiâ, Hy-
drope, Melancholiâ, Nephritide, Febribus Intermittenti-
bus utile. Dosîs à gran. 15. ad gran. 30. vel 40. ex juscu-
lo vel alio liquore conveniente.

DE SECRETIS PLUMBI.

C A P. VII.

Saccharum vel Sal Saturni.

L A M I N I S tenuibus Plumbi, vel ejusdem Cineri sive
Calci, aperto igne sine alius rei adjectione, præparatæ
affunde Acetum destillatum, cum quo super lenem
ignem Sal spatio aliquot horarum extrahe, filtra dein Ace-
tum & evapora ad pelliculæ apparentiam, hinc in loco frigi-
do, per aliquot dies pone, sic Sal sive Saccharum Saturni cry-
stallinum in parietibus vasis accrescet, quod dein exemptum,
in chartâ emporeticâ siccatum usui asserva. Vires habet ex-
tus quidem acidi destructorias, traumaticas, deterforias,
adeoque valde utiles in Ulceribus fordidis, cancris, pha-
gedænicis, & malignis; imò & in Erysipelate, Inflamma-
tione,

tione, Ophthalmiâ, Pustulis faciei rubicundis, & similibus: Intus verò in Gonorrhœâ virulentâ, Pollutione nocturnâ, & Salacitate ad gr. 6. 8. vel 10. cum fructu subinde usurpari solet. Quòd si Acetum illud Sale Saturni imprægnatum evaporando prorsus exiccaveris, habebis sic vocatum *Magisterium Saturni*. Utrumque & Saccharum & Magisterium Saccharinâ dulcedine gaudet. *Zvingerus*.

Tinctura Antiphthisica.

Rec. Sacchari Saturni, Vitrioli Martis opt. ana drach. ij. Spiritus Vini, Aceti destillati, ana unciam dimidiam. Miscuantur & per aliquot dies digerantur, liquor rubicundus filtretur, ac usui asservetur in Vitro benè munito. Datur m. ac vesp. à gutt. 10. ad gutt. 20. in Phthisi, Hæmoptoë, Alvi Fluxibus, Dysenteriâ ac Hæmorrhoidibus.

Plumbum ustum ac lotum.

Plumbum in lamellas divisum cum Sale communi, quod liquato Plumbo sensim adspargendum est, calcinatur, spatulâ illud continuè agitando, donec Plumbum in pulverem abierit, qui beneficio Aquæ simplicis à Sale liberatus, colorem cineritium acquirit. Prout etiam Plumbum liquefactum & spatulâ ferreâ agitatum, sine alterius rei additione in pulverem abire solet. Usurpatur extus in Unguentis & Emplastris Vulnerariis.

Plumbum in Aurum tingere.

Plumbum in Aurum sic facilè tingere poteris: Combustum Æs lapideâ prius pilâ subtiliter pinsito, & tenuiter cribrato, identidem crystallinum vitrum inde Plumbi bracteis, alternis his inspersis repleatur fictile fusorium vas, ut utrinque combustum Æs contingat, adhibe paulatim ignem, inde follium flatu lique scat: ubi autem refrixerit, adhærentias separabis, & ter quaterque eandem operam impendas, & colorabitur, inde Cadmiâ terram tenuiter tufam, & rubeam habeas, ac passis Uvis, aridis Ficubus, & Dactylis remistis in vase substernito, inde Cyperi radicem, vel Curcumam dictam adhibeto: semicoloratas bracteas vicissim inspergito, ac operculo inhi beto: tenui tamen foramine pervio, tamdiu lentum adhibendo ignem, donec humiditatem exhalaverit, inde vi follium

ignem vexando colliquetur, & in virgam projiciatur: nec auri patitur societatem. Cadmia autem terra sic purpurascet: Ferri ramenta in lebate ignescunt, Ammoniacum Sal inspergito, remisceto, in pilam projicito, & conterito, deinde in ignem quater revocato & in vas demum projicito, destillatum peracre Acetum infundendo per mensem in fimo condito; Acetum detrahito, & fecibus Cadmiam terram sæpius imbibas, & rubescet; in aliis utitor. Alius extat tingendi modus: Ferri, quod diximus, crocum habeto, in pilam Calcanthi par pondus injicito, Hæmatitis lapidis & Sulphuris, æquis portionibus tantundem, Auripigmenti sesquiertium, Cadmiæ terræ rubificatæ sextum, omnia in minutissimas partes concidito, aptoque vase ignibus indito, dum evolet humiditas: vigorato postea, & vis ea sublimet omnia, cujus pars una super Plumbi quatuor in Auri colorem convertet. *Porta.*

*Arcanum Philosophorum, ut ex Saturno facias
Aurum perfectum.*

Rec. Libram semis Mercurii Philosophorum, & uncias duas Sulphuris eorundem: amalgama utraque simul invicem, ita ut de alterutro nil appareat, sed remaneat pulvis niger ex his duobus: quem recipe, & pone in phiala stricti oris, & pone super fornaculam, seu furnellum ollâ mediantem cum cineribus cribratis, ut scis: & fac, ut cineres non ascendant ad materiam, & da in principio ignem levem per octo dies, ad hoc ut spiritus non ascendant, & si quid ascenderit in illis octo diebus, reduc cum illo, quod in fundo vasis remanebit, frangendo vas singulis octo diebus post primam materiam factam, quæ erit nigra: & sic frangendo vitrum, tere materiam tuam, & repone in alio vitreo vase: & sic facias omni octavo die, donec videas materiam tuam, in colore cineris: tum diminue cineres per unum digitum, ita ut non remaneat de cineribus nisi per duos digitos, & superpone igni, & tamdiu permitte, donec materia sit rubea. Et quando videris eam rubeam, diminue iterum de cineribus per digitum & sic per consequens, quousque sit albissima ut nix, & ut postea revertatur in colorem rubeum, de qua medicina recipe unciam unam, & projice super octo Saturni præparati, & fiet Saturnus niger, & durus ut Ferrum: de quo ita duro & nigro, projice unciam unam super uncias octo Saturni & fiet

fiet rubens: de quo rubeo projice unciam unam super octo libras Saturni præparati, & habebis Aurum perfectum. Laus Deo. *Magister Odomarus.*

Aurum ex Plumbo.

Rec. Plumbi purgati libram j.

Salis Ammoniaci pulverizati unc. j.

Salis Elebrot triti drach. ij.

Salis nitri in pulverem redacti unc. fem.

Ponantur omnia in crucibulum ad ignem vehementem per horas duas: postea auferatur, & habebis Aurum sincerum. *Fallopius.*

Aurum ex Plumbo facere.

Calcanthi Cypriani libra una cum aquæ fontanæ libra commisceatur: deinde per filtrum, postea per alembicum destilletur, & serva aquam in vase vitreo ad usum, postea uncia una Argenti vivi in crucibulum ponatur ad ignem, & cum fervere incipit, adde Auri foliati optimi unciam unam, & ab igne remove. Quo facto, sumito Plumbi optimi purificati atque liquefacti libram j. cui præscriptum Aurum cum Argento vivo misceto ad ignem benè cum ferro aliquo: & cum omnia optimè permixta fuerint, adde supra dictæ Aquæ vitrioli unc. j. & refrigerari permittito, & habebis Aurum optimum. Plumbum autem hoc modo purificatur. Plumbum lique scat ad ignem, & in aceto fundatur, & extinguitur acerrimo: iterum lique scat, & in succo Chelidoniæ: postea in Aqua falsa: mox in aceto, cui Sal ammoniacum fuerit permixtum: demum in cineribus fundatur, ut priùs semper ad ignem liquefaciendo: & optimè purificatum erit. *Fallopius.*

Saturnus & Jupiter ut transmutantur.

Primò fundatur in crucibulo, & superpone tantum Mercurii vivi, quantum ponderat, & erit tanquam pulvis. Postea benè lavetur cum sale & aceto, dein cum aqua, quoad nigredo sit tota remota, postea exsicca: & misce, cum suo sale communi arso, & calcina per quatuor dies, & noctes ad ignem, cum clara flamma: abhinc lava ut antea cum illis, ita ut nigredo tota removeatur. Postea funde, & deduc in corpus per descensorium, sic sunt purgata ab eorum sorditie. Pòst ad hunc Saturnum ita purgatum

debes addere ad marcham quinque esterlins fini Solis: & ad Jovem duo cum dimidio finæ Lunæ. Et opus est, ut istud fermentum sit amalgamatum cum vivo Argento, & factum ita subtile, ut queat transire per medium panni duplicis. Postea pone super igne in crucibulo, & calefac paulatim, donec totum receperit. Postea pone in uno thes (vas puto) ad bonum ignem, movendo cum virga ferrea, quoad vivum Argentum discedat, & Saturnus maneat: calcinetur ita, ut sit ita vermiliū, ut scarlatum, aut album, & tunc est robouffez: postea habeas pro libra Saturni unum quartum Vitrioli rubificati, dimidium quartum Ocreæ (d'occre) unciam unam Tutia Alexandrinæ, & dimidiam libram Calcis vivæ, & omnia simul pulverizentur terendo tenuiter. Postea calcina septem dies ad flammam, simul reduc in corpus cum Sale petrae, & Euphorbio, & Resina, & cape quod finum erit: ita Solem, aut Lunam habebis. Et pro Jove cape dimidiam libram Calcis, unum quartum Calaminæ albæ, Alumen (aereum) unum quartum, fac ut dictum est antea, & erit perfectum. Item nota quod fieri potest specialiter Saturnus, sine levamento, vel fermento Solis. Et ita fit; capiuntur laminæ ferreae, subtiliter cusæ, vel fabricatae, & toties calefac rubeas, & extingue in acetq rubeo, & in vino, semel in uno, & semel in alio, ut relinquat suas squamas, & mundetur, ut Venus & Vermiliū. Postea amalgama cum Argento vivo, & fac ut dictum est supra de Sole ex Luna, & perfectum est. *Raymundus Lullus.*

Plumbum in Stannum vertere.

Tantam Plumbum cum Stanno affinitatem habet, ut facile possimus vertere Plumbum in Stannum, quod simplici evenit lavacro; dum enim sæpius lavabitur, ut pars illa aboleatur terrea, in Stannum transmutari vidimus: Argentum enim vivum illud, quo in puram reducebatur substantiam, & non foedam, semper in Plumbo remanet vel ejus pars, unde facile stridorem adducet, & in Stannum convertet. *Porta.*

Plumbum & Stannum in calcem vertere.

At Plumbum & Stannum in calcem vertere si volumus Stannum vase lique scat aliquo, & in tenuissimum salem projicito, Coryli caudice vertendo, ut adhærentes partes
sepa-

separentur, & in granula Milio proxima vertantur. Vel eliquatum per arcta cribri foramina trajicito in frigidam aquam, ac veluti vermiculos effinges, denuò opus repetendo, dum tenuissimum efficias: inde pulverem in ferventem aquam mergito, tantisper mutatâ aquâ, & colatâ, donec victo sale dulcescat, & falsilago abierit tota, & in fictilem ollam condito, & laterum, vel vitrariorum fornaci condies diebus tribus, & in calcem redactum reperies totum. Vel alio modo, ut granulorum vicem expleat, ut docet *Geber*: Aperto lique scat cratere oris ampli, unco ferreo superficiem erodendo, ut cutim detrahat superficiale, excoiando semper, donec omne cineractum, vel pulveratum habebis, ollæ imponitur, & fornaci inditur, & laxato obturamento visitur, dum in calcem vertatur candidam. Vel aliter: Fictili cratere amplo, lutoque munito colliquetur Plumbum, ferreâ spatâ versando, per diei quadrantem, nulla dum in pulverem vertatur, interpolatione, quod in ollam injice, ac forti reverberationis igni per diem apponito, & candicans reperies, setaceo cribro transmissum fervetur. *Idem*.

Ad Plumbum liquefactum manibus tractandum.

Si succo Malvæ, aut Mercurialis manus oblinas inoffensè citraque læsionem Plumbum liquefactum tractare poteris, modò celeri motu id perficias. *Alexius*.

DE SECRETIS STANNI.

C A P. IIX.

E Stanno spiritum elicere.

STANNI elimata scobs cum Salnitri æquali pondere, ollæ inditur, cujus superius septem, vel multas pertusas accommodabis ollas, ac spiramenta luto claudas, & munias: supra vitreum vas inverso ore accommodabis, vel aperto canali cum subjecta paropside: inde ignem adhibe, & incandescentis rumorem audies, evolat in fumo spiritus, eumque in ollarum cameris, & vasis vitrei fundo compactum reperies. Temporis ne nimium teras in eliminando Stanno: in liquatam Stannum medietas vivi mergatur Argenti, & pi-

la tundatur, & habes illicò: & citiùs evolat Spiritus, & fixum Argentum vivum habes. Organum si terreum à latere perforabis, commodiùs paulatim injicies, & obturabis. *Joan. Baptista Porta.*

Diaphoreticum seu Bezoardicum Joviale.

Rec. Reguli Antimonii Martialis stellati

Stanni Anglici optimi ana libram unam.

Misce ac funde in Crucibulo ignito, desuper inspergendo, ni brevi fluat, aliquot drachmas Nitri puri ac sicci. Liquefactam materiam effunde in Catinum fusorium calefactum, seboque intus perunctum, relictis in crucibulo, hincque abjectis Scoriis. Paululum refrigeratam dein illam Massam, quæ Regulus est ex Joviali & Martiali mixtus, in mortario minutissimè contusam per cribrum trajice, cribratam pondera, triplum dein Nitri mundi probè ficcati ac pulverisati admisce, hancque miscelam per vices ignito crucibulo immisam, detona, calcina, calcinatamque adhuc ferventem per partes aquæ frigidaë injice, & aliquoties recenti aquâ affusâ Nitrum omne elue, atque sic edulcora; tandem pulverem coerulescentis coloris inter chartam emporeticam in loco sicco exicca, atque in Vitro probè clauso, iterum sicco in conclavi ad usum asserva. Nota, si benè elaboratum sit, nullas ostendet regulinas nitentes, vomitumque facilè excitantes particulas, quas in præparatione evitabis, sicubi ignem saltem calcinationis, non autem fusionis, sub quo in Regulum facilè abit, dederis. Datur cum fructu in Ulcere Pulmonum, aliorumque viscerum interiorum, in Acido acri debellando, fibris demulcendis; Obstructionibus referendis. Hinc in Tabæ, Atrophîâ, Hecticâ qualicunque Febre, Scorbuto, Passione Hypochondriacâ, ac Hystericâ, Mensium suppressione & Cachexiâ usurpari solet. Dosis à gr. vi. ad gr. 15. *Zwingerus.*

Specificum Antihecticum Poterij.

Reguli Antimonii unciaë sex fluant in crucibulo ignito, tum injiciantur Stanni purissimi unciaë tres, invicem hinc liquata effundantur, solidescere permittantur, atque in pulverem redigantur; cui postmodum Nitri puri sicci-que triplam quantitatem admisce, hancque miscelam
in

in crucibulo detona, calcina, edulcora, & exiccâ in pulverem, vitro probè munito, locoque sicco adservandum. Dosis est à gran. 6. ad gran. 12. in Phthisi, Tabæ qualicumque, Febri Hecticâ & Lentâ, Passionibus Hystericis, &c.

Stanni stridorem tollere & mollitiem.

Stannum est & Argenti æmulum, simulque multum colore communicant, hærentque: suapte naturâ Stannum talem fortitur colorem, ut alia maximè dealbet corpora, sed & frangat ea & friabilia reddat, præter plumbum: quique artificio aliquo commiscere callet, non minimum nanascitur opus. Pro viribus ergo Argentum imitari conemur, quod faciliè præstabitur, si quæ inficiunt, infirmitates abolescimus, ac funditus eruimus stridorem, videlicet surditatem, livorem, & mollitiem: non enim prius ignitum liquatur, sed igni adhærescens eximiè velox fluxum facit: has impingunt notas, nec in meditullio conjunctæ, sed uti adventitiis illud spoliare possumus, & primò docebimus Stanni stridorem tollere, & mollitiem. Non desunt, qui id evenire tradant cineribus, calce, oleis, & destillatis aquis, si colliquatum extinguitur, nec minùs bullitionibus. At sic perfectius, & commodius expedias. Igne stannum postquam fuerit solutum, Argentum vivum injice, amove, & in vitrea cucurbita accommodato, cui venter in orbem turgescat, & collum in longum porrigatur, atque curvetur, infervescat igni, ejusque vi Argentum vivum sublimet, & per vasis collum suspendatur, & descendet stillatim ut prorsus absumatur: remanet in fundo Stannum hoc identidem ter, quaterque effcito, dum penitus, uti glacies, nullum exhibeat stridorem. Sic verò aliter rectius expedies: In calcem redigito, uti suprâ docuimus, ut fugitivam illam, & non fixam Argenti vivi substantiam deleat, vel Sulphuris potius illius causam: & si primam, & secundam post vicem non eveniet, vicissim tertiò prosequere, in corpus eum debite reducens, voti fies compos, & sic durefcit, ut prius igne candens videatur, quàm solvatur: nam vehemens ignis vivi Argenti humidum consumit, quod facilem præbet fusionem, ut durius igne solvatur, ut igniantur, sed manifestius in Stanno, quàm in aliis metallis id experitur. *Idem.*

Stanno

Stanno surditatem adimere.

Si vis Stanno surditatem adimere, quia per se molle est & surdum, dum cedit percutienti; metallis verò reliquis associatum, fit magis durum, & sonorum. Sed hoc opus, hic labor erit: consortium enim pervicax omnium respuit, nisi Plumbi, & omne aliud reddit fragile. Sed tali perficies artificio. Forti aquâ solutum fatiscat, sic Argentum ritè purgatum Plumbo, aliudve unâ misceatur aquæ, & levi igne vas infervescat, & vi redundantis caloris in vaporem soluta ad summa elata devolet aqua: resiccatam extrahito, & in aliud transferatur vas, forti denuò infusâ tantisper Aquâ donec conjuncta, ac per minima complexata videantur: vel utrumque in aquam ex Calce redigatur, & permisceatur: spirituum enim (ut ajunt) corporumque fit mixtio. Si contingat ipsius lucem hebetari: Igne liquatum Cyclamino demergatur: sic dulce, sonorum, fulgens, & optimum quod vocant, habebis ac album. Commisceri quoque poterit Argento, & aliis Stannum, per vivum Argentum, quod aliquos sensisse video, & optimum parant Pseudargyron: In liquatum cum vivo Argento Stannum immiscent Argentum, & diutius igne detinent, detrahunt, & sic fragile in figulariæ Cretæ pilam involvunt, & per diem sub igne detinent, vel calidis cineribus. *Idem.*

Stannum in Plumbum vertere.

Facile quoque Stannum in Plumbum vertere quisque poterit, si sæpius in Calcem reducet, & præcipuè, si convenientem in reductione illi adhibuerit ignem: stridorem enim amittens, facile in Plumbum vertitur. *Idem.*

D E S E C R E T I S S T I B I I .

C A P . I X .

Regulus Antimonij.

Rec. Antimon. electi libras duas,

Tartari crudi subtiliter triti sesquilibram.

Nitri puri, sicci & tenuiter pulverisati uncias 16.
Misceantur, atque in crucibulo ignito detonentur; postea adhibito igne suppressionis in fluorem redigantur, quo facto in conum fusorium calentem intrasque sebo illitum effundantur,

dantur, conum, ut fundum petat Regulus, concutiendo, tandem Scorias ab eo separando, & Regulum aquâ abluendo. Ex Scoriis verò Aquâ ablutis *Crocum metallorum*, atque per præcipitationem *Crocum emeticum*, vulgò *Sulphuris aurati Antimonii diaphoretici* nomine notum, separare poteris. E Regulo formantur Scyphi vel Globuli vomitorii; exinde parantur quoque Diaphoretica varia calcinata.

E Stibio spiritum elicere.

E Stibio possumus extrahere spiritum hoc modo: Stibium quod seplasiariis Antimonium dicitur, tenuissimè manualibus molis subigitur, & trituratur: inde nova olla carbonibus accensis condita rubescat tota, cui Stibium, Tartari duplum, Salnitri quadruplum optimè tusa paulatim injicies, cumque tollitur fumus, operculo claude, ne surgens fumus evolet: tollito demum, & aliud projicito, dum totus comburatur pulvis, igni postea aliquantisper proroget moras, extracta refrigerari finito, & super extantes tollito feces, & in fundo insidens vivum Argentum reperiens, quod vocant Chymistæ *Regulum*, & Plumbum præ se fert, facileque in hoc transformatur. Si enim (*Dioscorides ait*) paulo magis crematur, in Plumbum vertitur. *Porta.*

Crocus Metallorum.

Rec. Antimonii electi, Nitri puri & siccati ana libr. j. Minutissimè trita & mixta in crucibulo ignito detonentur, postea massam exentam in Aquâ solvendo, pars subtilior eluatur, ac postquam hæc subsederit, aqua decantetur, novâque affusâ pulvis probè eluatur, liquor autem decantatus & cum Aceto præcipitatus dat *Sulphur auratum Antimonii diaphoreticum*, communiter sic dictum. Crocus hic emeticus est, in substantiâ minimè dandus, nisi naturis valdè robustis, in Infuso autem pro emetico propinatur, dum unciae v. g. duæ Vini albi generosi duodecim vel 15. aut 20. granis hujus Croci per 12. horas plus minus superaffusæ relinquuntur, hinc filtrantur ac bibuntur. Valent in Cruditatibus Stomachi, Vertigine, Cephalalgia ac Epilepsiâ sympathicis.

Antimonium diaphoreticum.

Rec. Nitri depurati & siccati libr. iiij. Antimon. optimi libr. j. Pulverisata subtiliter, mixtaque benè, in Crucibulum ignitum successivè injiciendo detonentur, & calcinentur, quo

quo peracto, Massa copiosâ aquâ fontanâ frigidâ diluatur, & commovendo pulvis subtilior cum eâ decanteretur, exiccandus, postquam subsederit, & aliquoties affusâ novâ calente aquâ edulcoratus fuerit. Aqua verò ista Nitrum, quod ex Antimonio haussit, per exhalationem suppeditat, diciturque *Nitrum Antimoniatum*, seorsim usui asservandum, *Antimonium* autem *diaphoreticum*, quod candidissimus esse pulvis debet, sanguinem purificat, diaphoresin & sudorem movet, scabiem curat, acidum sanguinis corrosivum destruit, circulationem ejus promovet, adeoque in Febribus continuis, Scorbuto, Erysipelate, Inflammatione, Lue venereâ, &c. proficuum existit. Dos. m. ac v. gr. 12. ad 20. vel 30.

Bezoardicum Minerale.

Rec. Croci Metallorum libram unam, Spiritus Nitri optimi libras sex. Crocum Retortæ injice, Spiritum per vires affunde, ostio manente aperto, ne frangatur Retorta à calore & æstu fermentationis. Postquam Spiritus omnis affusus est, & Retorta iterum frigesieri incipit, mox eam Arenæ Balneo impone; sicque subdito igne Spiritum Recipiens vas appositum abstrahere ad siccitatem usque: postmodum materiam semel vel iterum elutriatam, nivisque instar albam, super fornacem calidam exicca, & usui adserva. Dosis à gr 6. ad gr. 15. In omnibus Affectibus, in quibus Antimonium Diaphoreticum laudatur. *Zwingerus.*

Aliàs communiter & compendiosè magis Bezoardicum hoc præparant: Scil. misce probè octodecim Nitri puri, siccatiq; uncias cum unciis sex Mercurii Vitæ, vel Butyri Antimonii, dein materiam hanc in Crucibulo ignito detona, calcina, edulcora, atque sicca. Quanquam autem hâc ratione quoque Sulphur emeticum Antimonii vel destruatursatis vel figatur probè, priorem tamen præparandi rationem præferimus. *Idem.*

Tinctura Antimonij.

Rec. Antimonii optimi uncias sex, Salis ex Nitri & Tartari æqualibus portionibus invicem calcinatis atque detonatis facti uncias duodecim; fluant probè in tigillo forti, & adjice eis subinde carbonum pulverem, hocque continua, donec nulli carbones amplius super massam fluentem alacriter cum scintillatione deflagrent. Tunc relinquatur Massa in igne per horam, & probè fluat, postea effundatur in Conum calefactum, ac statim quàm calidè pulverisetur,

setur, eique affundatur Spiritus Vini rectificatus, quo tincto alius affundatur, & hoc continuetur, donec sufficiens quantitas Spiritus tincti habeatur. Iisdem viribus pollet, atque Antimonium diaphoreticum, ac præterea tamen adhuc Urinam movet. Dosis est à Gutt. 15. ad 30. *Jungken.*

Vitrum Antimonij.

Accipe Antimonii crudi libras duas, vel tres, contere super lapide minutissimè: contritum immitte in patellam non vitreatam, atque admove ad ignem lentum, ut ita mundificetur, continuè agitando cum spatula ferrea, vel cochleari ferreo, donec incipiat veluti globari, tum removeatur, & rursus super lapide, ut antea comminuatur, iterumque igni admoveatur, fiatque hoc per decem, vel duodecim vices, calcinando & terendo, donec pulvis cineris subalbidi formam adipiscatur. Postea immittatur in crucibulum, unà cum uncia Salis ammoniaci, & cooperiatur, inque copiosum ignem immittatur, atque obruatur, ita ut carbonēs trium digitorum altitudine excedant ipsum crucibulum: ita liquabitur, & coquetur sufficienter intra dimidiæ horæ spatium, postea eximatur, & in pelvi aurichalcæa tenuiter diffundatur, & refrigeretur, & habebis Vitrum Antimonii, quod hyacinthi instar pellucet. Datur à granis tribus usque ad novem cum æquali mensura gummi Tragacanthæ, & Sacchari sufficiente quantitate, in forma vel Tabularum, vel Electuarii, vel Pulveris. Hoc in colicis, & febricitantibus sæpissimè feliciter sum usus.

Oleum Stibii.

Antimonium in tenuissimum pulverem redactum, ac cucurbitæ vitreæ impositum, Aceto acerrimo, & distillato maceratur super levi ignis calore, tantisper donec rubro colore Acetum inficiatur. Coloratum in aliud vitrum transfunditur, novumque fecibus superaffunditur, donec rursus rufum colorem concipiat. Istæ autem transfusiones, & additiones novi Aceti super feces, toties sunt repetendæ, donec nullam ampliùs rubedinem pulveres ex se emittant. Acetum verò collectum levi igne destillari debet, donec rubedo paulatim condensari incipiens, alembicum petere videatur. Tunc refrigeranda sunt vasa, ac liquor rubeus, quadraginta diebus fimo calido macerari debet,

debet, donec perfectam olei formam acquirat. *Quidam ad Gesnerum.*

Oleum seu Butyrum Antimonij.

Rec. Mercur. sublimat. corrosivi, Antimon. elect. ana libram unam. Pulverisata in mortario marmoreo optimè misceantur, cavendo sibi à fumo exhalante; & Retortæ, cujus tertiam circiter partem vacuum linques, injiciantur, super infuso uno alteroque aquæ simplicis cochleari, postea ex arenâ fiat destillatio in liquorem crassum instar *Butyri*, quem dein *Cinnabaris*, sensim ad latera Colli Retortæ adhærens, insequitur, quæ fractâ Retortâ colligatur, & aliquoties Aquâ fontanâ abluatur, Butyrum verò per residuum depuretur. Butyrum hoc causticum est, & exitus in erodendis absumendisque usurpatur Carnibus luxuriantibus, Verrucis, &c.

Quòd si Butyri istius uncia una cum Aquæ frigidæ unciis decem misceatur, tum pulvis albus, *Mercurius Vitæ* dictus, emeticam vim potentem habens, exinde præcipitatur. Liquor autem reliquus acidulus, si rectificetur, sub nomine *Spiritûs Vitrioli Philosophici*, aliorum Spirituum acidorum, Salis præcipuè, naturam habens, notus est. *Cinnabaris* verò Epilepsiæ, Convulsionibus, Vertigini, Hystericæ passioni, Arthriticis doloribus, aliisque malis egregiè medetur. *Pharmacopœa August. renovat.*

DE SECRETISSULPHURIS.

C A P. X.

Sulphur sublimatum sive Flores ejus.

SULPHUR à fordibus probè repurgatum, Chalcantho in calcem redacto, & Sale torrefacto commiscetur, inditurque vasi, & ex arena calida urgetur, dum Flores appareant citrini. Quod si aliquoties iteretur, Flores tandem album acquirant colorem: qui per se, vel in Oleum reducti, & exhibiti, plurimorum morborum medicina existunt. *Innominatus.*

Flores Sulphuris simplices.

Sulphuris communis in frusta confracti uncias duas injice in cucurbitam terream vitreatam, & imposito alembico vi-

co vitreo ex arenâ sublima, igne non nimium intenso, ne sulphur fluat, quod ita in Flores sublimabitur, qui repetitis sæpe alternis alembicorum vicibus sunt colligendi, & denuo Sulphuris subinde aliquid cucurbitæ immittendum, quousque sufficiens Florum quantitas collecta fuerit. In Tussi, Pathisi & Asthmate imprimis laudantur. Dos. à gr. 4. ad 10. vel 12. *Ibid.*

Tinctura Sulphuris.

Accipe Oleum Terebinthinæ claræ & albæ, cum Aqua fontana distillatæ, vel per balneum, vel per vesicam, quantum satis est, Sulphuris sublimati, super lapidem optimè triti, tantum, ut oleum Terebinthinæ per digitos duos emineat: misceantur in vase vitreo benè, deinde ponatur ad Solem, vel fornacem, vel in Balneo Mariæ per dies aliquot, vel donec Oleum tingatur. Quo facto, sensim oleum effundatur in phiolam: rursus aliud Oleum Terebinthinæ superfundatur Sulphuri: iterumque in balneo digeratur, & effundatur. Quod cum quater, quinquies, vel toties factum fuerit, donec Oleum non amplius ungatur: collectum oleum omne in Balneo Mariæ destillandum est, & remanebit Tinctura in fundo cucurbitæ, plurimorum morborum medicina.

Oleum sulphuris.

Si vis autem Sulphuris oleum, sic extrahes: vas vitreum habeto oris ampli, & concavum, in campanæ formam: ubi luto illeveris, pede ferreo suspendatur filo, inferius autem amplum receptaculum locato, ut è marginibus campanæ, extillans oleum recipias, cujus medio terreum, vel ferreum accommodetur vas Sulphuris conditum: ignem tunc succendito, & dum comburitur, aliud recentius superindatur. Nam dum uritur, consumeretur erigens se fumus. Vasisque ferens fundum, humectatis exhalationibus corporefcit, & reciprocans in Oleum coalescit, ac inde dilabitur.

Aliud ignem admittens, & detinens.

Vivum cape Sulphur, non ignem expertum, ac Juniperi oleo portionibus æquis remisceto, & igne è vitreis cucurbitis Oleum elicito, in necessariis utitor. *Joan. Bapt. Porta.*

DE SECRETIS CINNABARIS.

C A P. XI.

Modus parandi Cinnabarim.

OMNES, qui secretis, & rebus metallicis delectantur, artem conficiendi Cinnabaris agnoscunt, sed in parva admodum copia, ut duarum aut trium librarum. In Germania verò & Gallia quidam satis grandes faciunt massas, quas in Italiam advehunt. Quare cum ipsi occultum hoc teneant, nos ad communem utilitatem, in publicum edere volumus. Sumito Argenti vivi partes novem, Sulphuris citrini partes duas, quidam sumunt tres, alii quatuor, alii cum Argento vivo æquant pondera. Nam ad pingendum Sulphuris copia abesse non potest, quin potius Cinnabaris accendit ruborem: ad alia verò, tres aut quatuor unciae Sulphuris, in singulas Argenti vivi libras satis sunt. Sulphur in patella, sive olla aliqua ampla, ad ignem ponatur ut lique scat, liquatum ab igne removeatur paululum: deinde posito Argento vivo in panno aliquo, addatur Sulphuri, sensim comprimendo pannum, & continuo miscendo donec optimè permixtum, frigidumque fuerit. His optimè mixtis, & frigefactis, materia eximatur, contundatur, atque subtiliter conteratur: deinde cribretur, & fiat pulvis, de quo sumito tantum, quantum volueris, & ponatur in amplam cucurbitam vitream, luto sapientiæ obductam. Verùm cucurbitam plenam esse non oportet, sed ad quartam solum partem. Quibus factis, ponatur cucurbita in fornace super cineribus, & coquantur primò igne lento per horas tres, deinde aucto. Verùm si magnam copiam efficere voles, adde sensim pulverem alium, miscendo semper baculo aliquo, cucurbita continuè super igne stante. Sed ut res perfectè fiat, infundibulum in cucurbita situm esse oportet, per quod baculus in suprema parte circum luto obductus, ita ut infundibuli os, cum demittitur baculus, obturet, quò continuè materia permisceri queat. Quibus factis ac primò pulvere ad ignem per horas quinque cocto, donec vel omninò, vel pars aliqua ejus sublimata fuerit, addantur duo cochlearia recentis pulveris calidi, attollendo baculum, ut injici queat: deinde rursus demittendo. Ponitur autem baculus, ut alius pulvis injici valeat:

leat: nam nisi poneretur, cucurbitæ os ita à pulvere adhærente obstrueretur, propter sublimationem, ut alius addi non posset. Atque in hoc tota ars consistit, ad conficiendas massas quantumvis magnas. Si enim materia simul injiceretur, tunc antequam materia sublimaretur, cucurbita ipsa fornaxque liquesceret. Quare per partes ponenda erit, ut cum prima pars cocta erit, atque cucurbitæ circumadhæserit, alia addatur, atque in fundo cucurbitæ coquatur, donec itidem ut prima adhæreat, atque rubescat. Atque sic continuè addendo pulverem, fiet massa Cinnabaris insignis, cujus in medio foramen erit, à baculo contractum. Quòd si foramen quoque obturare voles addito pulverem, baculo prius extracto: deinde ore cucurbitæ obstructo, coquito tamdiu, donec pulvis in medio quoque sublimetur, adhæreat & obstruat foramen. Atque hic est modus conficiendi Cinnabarim optimus, isque in Italia huc usque incognitus. Cæterum hoc animadvertendum videtur, ut baculus aliquando moveatur, attollaturque ne pulvis adhæreat, obstruatque infundibuli foramen: præterea si ignis quoque magnus atque continuus sit, nihil nocebit. *Alexius.*

Cinnabaris quomodo fixa reddatur.

Jam tertii ordinis medicinas aggredi opportunum fuerit: siquidem scio multum animos ab hujusmodi lectione detinuisse, cum à libri initio nil aliud concupierint, sic pecuniæ luxus irrepit. Nunc profundiora naturæ mysteria panduntur, apud eos tamen, qui nummos exoptant, si ferè aliquis est qui eos non depereat. Et si alias ab antiquis tertii ordinis medicinas tradimus, cum nobis non sit eorum copia, in aliud tempus fortasse differre censuimus. Multi sunt, qui multa tentarunt experimenta: quorum ea, quæ lucrosiora, & expeditiora sunt trademus. Et ex iis primò Cinnabarim fixam reddere, qui id facere quaesieris, ita faciendum esse censeo: Cinnabaris confractæ partes ad magnitudines juglandium vitreo in vase capacitatis ejusdem Argenti pondere jam triplicato, vel majori disseminatas condito, & vicissim inspersas, luto munias, & resiccati finas, sin minùs in Solem, ut repetas oportebit: inde cineribus immersum tamdiu lento igne decoquas, quousque infractum plumbeo colore livescit, quòd si nec sic quidem, jugem operam impendas, dum ad id

perveneris: inde Plumbi duplo eluas, ac elotum examinibus omnibus expositum, pertinacius obstabit, majoris ponderis & virtutis: & quò leviori uteris igne, tantò felicius res peragetur. Sic verò animatur Argentum, & amissum refarcitur. Sublimato vivo Argento ex Aceto distillato bulliat, inde vivum Argentum remiscebis, & in vitreo recurvo vase vivum Argentum fervefactum avolabit, & in receptaculum dilabatur, & fervetur: ponderis (si sapis) parum amississe comperies. Aliter sic, & citius, & lucrosius sic facies. Infractas Cinnabaris partes ad tesserarum magnitudinem in oblongum linteum sacculum accommodabis, ollæ lateribus undique distantem, inde lixivium peracerrimum fundas ex Alumine, Tartari duplo, vivæ Calcis quadruplo, & cineribus Roboris æquali portione, confectum, uti fieri solet, vel ratione aliquâ parandum: per diem ebullire finas, exime, & ebulliat cum oleo, jugem operam impendes, & integram cum nocte diem finito quoque illic esse, & exemtas ex oleo Cinnabaris partes, ovi Albumine subacto perlinito, ac in tertia parte eliminatæ Argenti scobis revoluta, in fundo apti vasis subternito, ritè figulari cretâ munitum, ut diximus, ignem adhibe diebus tribus & adeo sub finem augeſcat, ut igni cedat, & ferè liqueſcat, detrahe, & ex fecibus extremo Argenti examine perluito, & ad verum, & naturale deducito. Sic & aliter fixum reddere possumus: si testaceo in vase rotundo undique clauso, ubi exili spiramento Cinnabarim immiseris, glutino ex Ovi albumine illinas, ne vi ignis carbunculet, igni accommodato, paulatim vigorando, vel lignorum ferratura, quousque eundem contraxisse colorem cernes: ne festines: opus enim omne corrumpit, & sæpè à Philosophis præceptum nosces: sed hoc ministerium quærit majus. Nec aliter inutiliter fixum additur, uesto ære insparſo fictili in olla, prius tamen Calcantho disseminato, & Calce expleta pertinaci muniatur luto, & triduo Vitrariorum fornaci relinquatur, detrahe, & Argentum Æs retinebit, si rectè hæc animadvertes non parum nancisceris lucri: omnibus enim antestat, qui tali parantur arte, facultate, & fructu: nec pauca dixisse pœniteat. Id autem ingeniosorum reperit diligentia, unius Pharmacopolæ exemplo, qui cum Cinnabarim conficere quæreret, in Argentum casu optimè versum invenit. Utilius fixum redditur, si Cinnabaris arte conficitur, Sulphure non adustibili, ac majori parte. *Joan. Bapt. Porta.*

Cinna-

Cinnabaris parandi modus, ad scribendum.

Cinnabaris, cùm super lapide porphyrite optimè aqua communi contrita, deinde exsiccata fuerit, ponatur in vas aliquod osseum, vel vitreum, Urinaque superinfundatur: relinquaturque sic aliquandiu, nam fundum materia petet, postea auferatur sensim Urina, atque rursus recens addatur. Quod cum octies, aut decies factum fuerit, optimè purgatum erit. Quibus sic se habentibus, sumito Ovorum alba, optimè agitata, & in aquam puram dissolvantur: eam aquam super Cinnabarim effundito, ut transversum digitum emineat, rursusque simul agitato: deinde cùm residuum fecerit, auferentur Ovorum alba sensim, rursusque recentia addantur, fiatque hoc toties, quoties cum Urina factum fuit. Hoc quidem nullâ aliâ ratione fit, quàm ut foetens ille odor, ex Urina contractus evanescat. His omnibus factis, addantur albumina Ovorum recentia, misceantur optimè, & fiat liquor ad scribendum, & pingendum. Cæterum hic liquor, in vase aliquo obturato servandus erit: deinde cùm quis hoc uti volet, ligno aliquo miscendus, servatur etiam diutissimè incorruptus. *Alexius.*

DE SECRETIS AURIPIGMENTI.

CAP. XII.

Auripigmentum sublimare.

PRIMO Auripigmentum tenuissimè tritum, fictilem in ollam intus vitream conjiciatur, & Oleum affundatur, quod non minùs dodrante superemineat, ligneâ rude miscendo semper, ne fundo inhærescat, resiccatum terito, similemque impendas operam Aceto & acri Lixivio; pulvis demum cum Tartaro, vivâ Calce, Ærisve ramentis in vase claudatur vitreo oblongo, & concamerato. Non autem ad summum usque labrum est replendum, sed medio tenus, ritè ejus venter foris luto muniendus, & ad Solem ponendus, usque dum resiccatus fuerit, & igni resistere valeat. Clibano hinc accommodabis, sed os ne cludas, ne occluso spiritu stranguletur, coërcitumque suspiret auram: levis verberet ignis fundum vasis, inde paulatim senis concrescens horis igne tandem candeat, ejusque vi petat fugitiva pars vasis cameras, ibique in argentum album congestum

stum insideat, vas frange, detrahe, ad usum recondito. Evenit idem in descensu, nam in præceps facilius fertur. Si verò fuerint corpora gravia, aliis adjungantur levioribus, ut facilius ascendat. Ad hunc modum cætera etiam metalla sublimari poterunt. *Joan. Bapt. Porta.*

Oleum Auripigmenti sive Arsenici.

Auripigmentum cum duplo salis Nitri pondere conteritur: deinde carbonibus sub dio accensis catinis imponitur, finiturque dum excandescat, huic postea Chymicus affidens Auripigmentum immittit, quod lento igne liquefcere finit, donec non ampliùs ebulliat: mox rursus tantum injicit, idemque ut priùs exurere permittit. Hoc tamdiu agit, usque dum satis injectum fuerit: atque tunc consumto jam sale Nitri, igne vehementiore per horas quatuor, aut quinque urget, quoad Auripigmentum in fundo Butyri instar liquefactum resideat, refrigeratumque aërio nitore albescat, post conteritur, imponiturque marmorì, & in loco humidiores ad liquorem resolvitur: qui tandem singulari artificio ex ampulla destillatur. Hoc Auripigmenti oleum cum Melle illitum crassitiem extenuat: Terebinthinâ exceptum Elephantiasim abigit: Ani ulceribus, & iis, quæ cicatricem ægrè ducunt, prodest. *Paracelsus.*

DE SECRETIS CHRYSOCOLLÆ.

C A P. XIII.

Chrysocolle, quam Boracem vocant, quomodo purganda, & multiplicanda.

QUAM nunc *Boracem* appellant, ab antiquis *Chrysocolle* dicebatur, cujus duo genera fuere, & naturale, & artificiale, ut ex *Dioscoride*, *Plinio*, aliisque constat. Eâ utebantur in quibusdam medicinis, atque ad Aurum consolidandum, quâ etiam hodie utuntur. Inest enim ei vis quædam, liquefactionem metalli ad consolidandum aptè accelerandi. Utuntur etiam hac nostri, ad Auri & Argenti scobem liquefaciendam, atque in unum corpus cogen-
dam. Præterea & mulieres quædam ad Faciem dealbandam, & cutem mollem, venustamque reddendam, propterea quòd neque dentibus, neque cuti ullam perniciem afferat. Apud veteres reperiebatur viridis *Chrysocolle*, quæ
hodie

hodie neque inveniri, neque parari potest. Habetur quidem à nostris alba una, altera nigra, quæ fortassis nonnihil ad veterum viridem alludit. Alba, in fistula longa formata, & nervosa, Alumini similis est, ita, ut vel plurimi decipiantur, vel alios decipiat. Nam super ignem deposita ebullit, atque inflatur, remanet postea alba, spongiosa, & fragilis, Aluminis instar. Cognoscitur autem differentia à peritis inter Alumen & Chryfocollam tribus modis: quorum primus est ex sapore sumtus, siquidem Aluminis sapor quodammodo subacris, & astringens est, cum neutrum horum Chryfocollæ insit, sed ferè saporem insipidum contineat, ut medius sit inter Oleum & Lactis serum. Quare plurimi Impostores, cum alios decipere volunt, ponunt Aluminis frustra in oleo Amygdalino, & Lactis sero. Sunt præterea ex iis, qui addunt Mel, vel Saccharum, ut sapor acris, astringensque Aluminis obtundatur. Reperiuntur & alii, qui ad ignem liquant res prædictas, addendo Salnitrum, Sodam herbam, ex qua Alumen in catino conficiunt, vel Sal alkali, Tartarum, Alumen ex Vini fecibus: deinde in loco frigido formant lapillos, similes Chryfocollæ, sed aliquo modo differentes. Nam Chryfocollæ lapilli sunt longi, Aluminis verò quadri. Secundus modus: Alumen, cum ustum ad ignem fuerit, plurimum materiæ relinquit ustæ, ita, ut plus quam antea esse conspiciatur, minimum enim, quod ab ustione relinquitur, existit. Tertius denique modus, quo Alumen à Chryfocolla dignoscitur, est, quod metalla Alumen neque liquet, neque ita benè consolidet, ut Chryfocolla. Nam quod etiam aliquo modo liquefaciat, id accidit virtute Salnitri, Salis alkali & Tartari, quæ aliqua ex parte colliquationem juvant. Cæterum cognosci potest ex hoc, quod Salnitrum ad ignem positum stridet, & scintillat. Quidam ex prædictis misturis in Sero lactis dissolutis, & in lapillos congelatis componunt lapides, verum sapore falsos, lucidos, & in liquando nimis vehementes. Quare volentes Aurum consolidare, aut Argentum, ipsum Aurum, vel Argentum unà dissolvunt. Quæ saccharum in se continet, auro vel argento semper inducit maculas. Fiunt etiam compositiones quædam, quæ etiam vim, ut Chryfocolla, consolidandi, & colliquandi obtineant, tamen formâ & sapore differunt, quarum aliquas paulò post recensebimus. Sed ut ad veram, & perfectam veniamus Chryfocollam, quæ nostris temporibus invenitur, dicimus, superioribus annis consuevisse ex

Alexandria advehi doliola quædam, adipe quodam plena, in medio lapides parvulos continente, quod *pastam Chrysocolle* nominat, quam Arabum scriptores quidam veteres *Nitrum Alexandrinum* appellant. Hisce verò temporibus ex occidente quoque advehitur, nescio qua de causa, an scilicet ibi facta sit, vel aliunde, nempe ex India apportetur, propter quod magnam superioribus annis hic fuisse penuriam intelligerent. Eo enim tempore unc. j. vendebatur coronato uno, quo nunc libra facile haberi potest. Modus autem parandi iis locis sic se habet: in Auri & Argenti, atque etiam Æris fodina aquam quandam inveniunt, quæ (quemadmodum ego ipse vidi, & expertus sum) per se ipsa est apta: atque perfecta ad consolidandum, liquandum vel Aurum vel Argentum, id quod etiam in Germaniæ quadam parte superiore comperi, ubi similis aqua invenitur, omnibus adhuc incolis incognita. Sumunt hanc aquam unà cum fecibus, quam coquunt ad certum spatium, quæ sic colata, spatio temporis in lapides parvos, Nitro haud absimiles, cogitur. Quoniam autem hi lapides consistere sic nequeunt, sed dissolvuntur, fit, ut his lapidibus, unà cum suis fecibus in fundo relictis, tanquam nutrimento Axungiam porcinam, vel alterius animalis pinguedinem addant. Hoc facto, ad fodinas sese conferunt, ibique fossam amplam faciunt, cujus fundum & materiam insternunt, & super hanc lapillos, quos diximus, collocant; deinde rursus adipis massam, mox iterum lapillos, atque ita pergunt ad eam, quæ placet, altitudinem, alterum super altero collocantes, sic tamen, ut extremum stratum sit ex illa pingui materia: ibi per menses aliquot apertam relinquunt: quanquam plerique hæc omnia domi in terra, aut in amplis vasis faciant. Cum autem libet vendere, atque aliò mittere dolia, vel parva, vel magna, ut videtur, eâ materia unà cum lapidibus replent, & hoc *pastam Chrysocolle*, sive Boracis appellant. Mittunt etiam ex jam dictis locis Chrysocollam & lapillos absque jam dicta pasta, sed eo paratos modo, quo jam diximus: quoniam abhinc triginta annos major copia factitii quàm ejus pinguis massæ afferebatur: propterea quòd in Italia eâ uti nesciebant, nec reparare, aut purgare lapillos nôrant: itaque nullus erat ferè ejus usus, præterquam in quibusdam distillationibus, ad fucos muliebres eliciendos. Verùm tandem quidam Venetus, & mulier quædam ab ipso edocta,

cta, id refringere & conficere cœperunt, atque inde magnum quæstum fecêre, donec paulatim conficiendi modus & aliis cœpit innotescere: quamvis aliis magis, aliis minus, fortè pauci sunt, qui eâ facilitate, & bonitate facere nôrint, quam nos hîc perfectè trademus. Sumito itaque hanc massam, eam inquam, quæ plurimos in se lapillos continet, & rancida minimè est, quoniam indicat esse veterem, & lapillos esse comminutos, atque magna ex parte consumptos: deinde in libras decem pastæ, aquæ tepidæ mediam situlam misce, & pone in vase aliquo testaceo, manibus benè pinsando, & miscendo, panis in morem. Quod cùm factum fuerit, coletur optimè, lapidesque in cribro relictî eximantur, ponanturque in catinum, superinfundendo oleum Olivarum, ut in acetariis conficiendis fieri solet: deinde cùm ad Solem benè purgati, & uncti manibus fuerint, ponantur in sacco misceanturque probè, sicut Sacchari confectiones solent, & servantur in ligneis vasis, tanquam optima Chrysocolia. Quòd si reficere, & multiplicare voles, sumito aquam illam colatam, atque ad ignem lentum coquito, ad perfectam usque confectionem, spumando tam feces, quàm spumam accuratè. Coctionem autem esse perfectam, tribus modis licet cognoscere: primò si aquæ gutta super unguem posita non diffluit: secundò ad modum Syruporum, si in charta hæreat: aut, (quod est tertium,) si funiculus in ea extinctus, & inter digitos ductus, asperitate quâdam digitos tentavit: si cocta fuerit, cacabus ab igne auferatur, & operculo ad hoc aptè parato, ne quid sordium ingredi queat, operiatur: mox in fusoris cumulo sepeliatur, superque furfur, crassioribus pannis, aut lodice, aut culcitrà, pressè admodum contegatur: posses etiam fimo calenti, per octo vel decem dies condere. Quod cùm factum fuerit, auferatur, & invenies pinguedinem quandam, sive crustam in superficie, quam desumptam seponens, invenies præterea tanquam glaciei frustula quæ pariter exempta, inque alio vase posita, aquâ diligenter elues, & in umbra siccabis. Quo factò, illos lapillos, qui in setaceo cribro manserant, cum his novissimis misceto: inde Aluminis ex Vini fecibus albi, sed non ex eo, quod pro specimine proponi solet (nam id inutile est) sed ex optimo, libras tres, Nitri uncias octo, Aquæ communis situlas tres, misceantur, & ponantur ad ignem lentum, despumando benè, donec perfectè,

fectè, ut priùs cocta fuèrint. Quo facto, auferatur ab igne, & reponatur donec optimè resideat, tum sumito hujus aquæ situlam unam cum dimidia, ponatur ad ignem lentum, & cùm fervere incipit, addito prædictæ pinguedini, vel crustæ, sive cutis, superius exemptæ libras vii. cum dimidia, coquantur, quantum satis est, ut priùs. Tum ab igne removebis, ponesque in ligneo vase aliquo, supraque vas duos baculos, decussatim collocato, è quatuor baculorum angulis singulos funiculis alligato, sed, ut funiculi tendantur ad singula capita, plumbi frustum appendito, ac sic in materiam demittito, ita tamen, ut à fundo digitos quatuor absint: hoc autem fit, ut materia ad funiculos adhærescat. His rebus administratis, eo modo condes, ut aliud supra fecisti. Hoc autem in sacco, id est fovea non ponitur, sed ubi eximendum erit, quod funiculis adhæsit, pennâ oleo imbutâ linitur, reliquum verò cacabo adhærens, oleo erit conspergendum. Cæterùm lapilli, qui eximentur, non sint minores Avellanis: qui autem minores sunt, relinquantur in aqua, ac rursus coquantur ut suprâ: atque sic continuando, donec omnis aqua in Chrysocollam convertatur. Verùm hoc notandum videtur, ut primæ massæ in aqua tepida dissolvendæ addatur, Ciceris instar, Coagulum leporinum, quò meliùs reliquæ Chrysocollæ partes coagulentur. *Alexius.*

DE SECRETIS SALIUM.

C A P. XIV.

Sal alkali.

FIAT fossa, cui transversim imponantur ligna, quibus supponatur acervus herbæ Kali, & accenso igne fiat, ut in foveam stillet liquor ex herba: qui liquor tandem concrefcit, & fit Sal Alkali, coloris partim nigri, partim cineritii, valde acris & falsus, ut etiam corrodat. *Joan. Baubinus.*

Sal ammoniacum quomodo sublimetur.

Sal ammoniacum sublimatur, vel ex squamâ Ferri, vel ex arena repurgata, vel per feculas Vini exsiccatas, & in salem redactas, hoc modo: Sal ammoniacum cum æquali squamarum Ferri pondere conteritur, inditurque vasi, & igne primū

mum exiguo, postea adauctiore urgetur, donec excandescat: in eo caloris gradu servatur horis duodecim: deinde refrigeratis omnibus, eximitur id quod elevatum est, & cum pari salis præparati pondere rursus in altum pellitur, ut antea: idque toties reiteratur, donec Sal nivis instar albescat.

DE SECRETIS VITRI.

CAP. XV.

Vitri elaborandi modus.

MODUS elaborandi Vitrum constat hoc modo: Frusta Vitri excocta, ex omni genere colorum (hæc autem Venetiis, ut pleraque alia, pulcherrima sunt) candelæ exponuntur, & ut in tenuitatem quam volueris, atque molliem devenerint, confestim admota loco, annexaque franguntur, aut extenduntur: & ob celeritatem hæc ambabus manibus fiant. Difficilius est in his, non ut in aliis initium assequi, quam ex initio exactam artem. *Cardanus.*

Vitrum fictitium.

Fit etiamnum pro adulterandis gemmis Vitrum fictitium, & illud ex Vitri albumine parant, quod alii ex arena fluviorum quorundam, & herbarum cineribus conficiunt, sic efficies. Multa ovorum Albumina simul exagitabis, iis vesicam impleas: inde in ollam aquæ plenam ferventis immittas, ac diu coqui finas, detrahe & per multos dies resiccare curabis, loco tamen non pulverulento: nam non relucens vituperatur, & sic lapidescet, ut in Vitri duritiem transeat. Si autem coloratum reddere quæsieris, coloratis aquis ebullire finas, si Topazion, aquâ in quâ Crocus dissolutus, si Pyropum, Brasiliæ rasura: sic alios tingito. At si Nitri pondus, vel gemmæ non explent, ponderosos immisce-to colores, uti Cinnabarim, Argenti vivi ubertate non levem; sic Vitri pondus imitabimur, non tamen duritie tum robustissimâ, ut sculpturis pertinaciter resistat, nec radi abnuat lima. *Joan. Bapt. Porta.*

Vitrum ut mollescat.

Vitrum mollescit maximè Plumbo; tenax fit diuturnâ coctione, Plumbum metallaque in calcem prius redigere oportet.

oportet: absumitur enim pars impurior, & opaca, & vis illius tamen in vitro manet. *Cardanus.*

Vitrum ut dividas.

Ut Vitrum dividas, filum Sulphure & Oleo imbue, locum circumda, accende, repete, donec locus optimè incaluerit, inde statim filo alio, aquâ frigidâ madefacto, rursus circumdabis: frangitur enim eo loco, ac si divisum fuerit Adamante. Namque ex Adamante certius & exactius dividitur, sed longiore tempore opus est. Et rursus rotâ æneâ & Smiride. *Cardanus.*

Vitrum quomodo mollescat.

Si in sanguine Hirci & succo Senecionis Vitrum efferbuerit, aut maceratum fuerit, reddetur tam molle quàm est cera, vel argilla: sic ut quidvis ex eo fingi possit. Priori verò naturæ restituetur, si in frigidam aquam demergatur. *Geber & Albertus.*

Aliter ut mollescat.

Si sanguis Hirci, & Cineres Vitri æquis portionibus mittantur in acetum; deinde chymico organo distillantur, & in acceptam aquam Vitrum maceretur, plicatile, cereum, ac ductile evadet. Indurabitur verò, ac priori naturæ reddetur, si in frigidam mittatur, vel eadem lavetur. *Ex secretis cujusdam ingeniosi Vitriarii. Mizaldus.*

Vitrum viride ut fiat.

Vitrum viride fit ex cinere Silicis: falsum enim aliquid continet, & Kali simile: unde melius redditur. *Cardan.*

CrySTALLUS ut fusilis fiat.

CrySTALLUM terito, & in cerniculo in tenuissimum pulverem subcernito, cum Tartari salis medietate, ex qua orbiculos effingas, & crudo fictili validissimo fornacis igne totâ candeat nocte, nec lique scat, aptè deinde vase colliquetur, sed omnibus purga à sordibus: si enim foetulentus fortasse fuerit, arguitur, & dolus detegitur, sed inoffensâ interniteat perspicuitate, quòd si salis plusculum suggeratur, celerius liquefit. Assolent multi CrySTALLUM præparare aliter, ut facilius liqueatur, sic & operi aptior est.

est. Ferreum cochlear capiunt magnum, luto muniunt, & in fractas cryſtalli partes igni committunt, dum illæ incandescant, inde Tartari oleo reſtinguunt, id multoties innovant, & æreo mortario terunt, ut faciliùs pulvis colliquetur. Hoc in adulterandis utimur gemmis. *Joan. Baptiſta Porta.*

Ad Vitrum ferruminandum.

Albumen ovi conquaſſatum, Calciq̃ue vivæ admixtum Vitri fragmenta ferruminat, ac teſtacea quæque ita glutinat, ut diſſolvi nequeant, propter lentorem ac tenacitatem glutinoſam. *Mizaldus.*

Ad Vitri fragmenta conglutinanda.

Accipe Vernicem liquidam, craſſam, & inveteratam, cum qua fragmenta vitri conglutina, conjunge benè & liga, ne quovis modo diſjungantur: deinde pone ad Solem, vel fornacem per multos dies, donec optimè ſiccetur vernix: quæ demùm circumhærent, cultello dextrè abradantur: & erunt optimè glutinata, ita ut neque liquore, neque aliâ aliquâ re unquam à glutine liberentur. Cavendum tamen, ne liquor calidus ſeu fervens infundatur. *Alexius.*

Vitra quomodo conglutinanda.

Accipe Viridis æris qu. ſatis eſt, incorporetur benè cum Vernice liquida, & utere. *Roscellus.*

Gluten ad vaſa lapidea.

Rec. Minii, Ceruſſæ, Calcis vivæ, Vernicis ſcriptoriæ ana unc. ſem. omnia in tenuiſſimum pulverem redacta, cum quatuor ovorum Albuminibus incorporentur. *Roscellus.*

Aliud ad idem.

Rec. Vernicis liquidæ,
Ceruſſæ,
Boli armen. ſing. q. ſufficit. Misc. *Idem.*

Aliud ad idem.

Rec. Vitellorum ovorum q. ſ.
Viridis æris parum.
Misc. *Idem.*

Aliud ad idem.

Rec. Viridis æris,

Mi-

Minii,
 Vernicis liquidæ sing. q. sufficit.
 Misce. *Idem.*

Gluten ad Vitra.

Rec. Salis communis in aqua dissoluti,
 Cineris cribrati ana unc. j.
 Farinæ siliginis drach. ij.

Misce, & utere. *Roscellus.*

Aliud ad idem.

Rec. Cornu cervi,
 Laterum tritorum,
 Picis Græcæ,
 Spumæ ferri,
 Albuminum ovorum ana q. satis est.

Misce. *Idem.*

Aliud ad Vitra & Vasa terrea.

Rec. Calcis vivæ,
 Ossium animalium,
 Cerussæ ana unc. j.
 Minii,
 Viridis æris,
 Tartari ana unc. ij.

Omnia in tenuissimum pulverem trita cum Vernice liquida commisceantur. *Idem.*

Aliud ad idem.

Rec. Calcis,
 Cerussæ,
 Albuminum ovorum ana q. sufficit.

Misce. *Idem.*

Gluten ad Vitrea vasa conjungenda.

Rec. Vitellorum ovorum,
 Fabarum recentium,
 Calcis vivæ ana q. sufficit.

Misceantur. *Roscellus.*

Aliud ad Vitra & Lapides.

Rec. Vitri triti,
 Calcis vivæ,
 Lactis ficuum ana q. sufficit.

Misce. *Roscellus.*

Aliud

Aliud ad idem

Rec. Ceræ novæ,
 Picis Græcæ,
 Masticis,
 Olibani,
 Laterum tritorum ana part. j.

Terenda triturentur, & ad ignem misceantur. *Idem.*

Aliud, Ejusdem.

Rec. Sulphuris,
 Masticis,
 Olibani,
 Picis,
 Cerussæ,
 Cineris ana part. æqual.

Misceantur omnia benè ad ignem, & utere.

Aliud Ejusdem ad idem.

Rec. Calcis vivæ tritæ,
 Vernicis liquidæ,
 Albuminum ovorum ana q. sufficit.

Triturentur simul super lapide porphyrite, & fiat gluten pro lapidibus.

Aliud ad idem.

Rec. Masticis unc. fem. Ceræ albæ, Vitri triti, Laterum tritorum ana unc. fem. Misceantur optimè ad ignem, & fiat gluten pro lapidibus. *Roscellus.*

Speculorum compositio.

Specula, chalybea vocata, fiunt ex Æris partibus tribus, Stanni & Argenti parte una, Antimonii decima octava parte. Aliqui, imò plures Argentum compendii causâ relinquunt. Sunt, qui ex Stanni libra, Æris triente, colliquatis jam, ac Tartari uncia, Auripigmenti albi semiuncia additis, ac donec fumum emittant super prunas decoctis, laminas conficiant. Denique exceptum Metallum liquatum denuò tabulis ad rectitudinem formatis, calefactis, & fundo lachrymæ Laricis, & Vitis cinere lævigatis, in speculi figuram deducunt. Post aqua, & arena tabulæ glutino annexæ lævigant, inde Smirite, aut Pumice lævi, quartò Stanni calce. Argentea verò specula minori negotio miscentur, quandoquidem ipsum per se solum Argentum, id omnino præ-

præstat, quod à Speculis requirimus, verum & illustrius, & minore ne frangantur periculo. *Cardanus.*

Specula quæ juniores homines efficiunt.

Specula quæ juniores homines repræsentant, sunt quæ rugas non ostendunt, & rubri aliquid immixtum habent. Porro rugas non ostendunt, quæcunque non sunt omnino exquisita, sed tamen splendida, itaque & talia vidimus, & casu & arte fiunt, ut quædam decennio juniores redderent homines. *Idem.*

Quomodo res multiplicata videri possit.

Inter ludos, qui circumferuntur, non parum jucunditatis est specillum, instrumentum vitreum illud, quod oculis apponimus, ut commodius aliquid intueamur: neque enim ex his, quæ oculos fallunt, potior reperiri poterit via, quàm in medio (eo enim permutato, permutantur omnia) illud ergo à solidiori vitro majorique crassitie paratur, ut aptius in facies, & angulos accommodetur, quibus aliquid numerare volumus: in eorum tamen medio anguli metam habeant, & oculorum congruat aciei, ut disgregetur visus, ne verum conspiciere possit. E pluribus ergo superficiebus jam paratis, oculis apponi, & si alicujus faciem intuebimur, Argentum vel oculatum totum: si nasum, non nisi nasum: sic manus, digitos, & brachia, ut non hominem, sed Poëtis fictum Briareum; si nummum videre contigerit, multos non unum conspicias, ut nec manibus tangi valeat, sed tangentem sæpè ludat, meliusque fuerit cum eo dare, quàm accipere: si in trireme longius intuearis, armata videbitur classis. Si in ambulanti militem, exercitus agmine facto incedens, fitque ut res geminari videatur, & duplices cernas hominum facies, binæque corpora: & hinc fiunt diversi conspiciendi modi, ut res una alia videatur, quæ omnia quærentibus, & explorantibus patefiunt. *Joan. Bapt. Porta.*

Speculis planis, ut caput deorsum, pedes sursum videantur.

Si quis planis Speculis, sursum pedes, caput verò deorsum spectare conspiciat (quanquam id repræsentandi proprium concavis Speculis sit) planis tamen sic efficere conabi-

nabimur: Specula plana bina secundum eorum longitudinem collocabis, ut simul hæreant, ne hinc inde agiliter dimoveri possint rectumque efficiant angulum: ubi rite paratum fuerit, secundum longitudinis cohærentiam faciei opponatur, ut in uno media, in alio reliqua videatur facies; tunc speculo lævo, vel dextro inclinabis latere rectius inspectando, & caput intorqueri videbitur, cum secundum eorum latitudinem faciem dissecabunt, fiet imago hujusmodi, ut caput infra, pedes verò supra locati videantur: quòd si amplum fuerit, totus spectabitur inversus homo, id autem mutuâ & multiplici evenit reflexione: ex uno enim in aliud resilit, ut obtortum videatur. *Idem.*

Speculum occulta detegens.

Speculi, quo occulta videamus talis est compositio. Plana duo specula ex Crystallo factitia, qualia Venetiis fiunt, qui non adeò ut chalybea vitiantur, æqualia ad unguem junge ita, ut alterius longitudo longitudini reliqui ad amissim hæreat, & ut circa axem possit velut integumentum circumvolvi, sic ut superficies unius cum alterius superficie quandoque unum planum efficiat: quandoque solidum, rectum, obtusum, acutumque, ut libuerit. Tunc in sublimi speculum immobile è directo loci suspendes latentis, ita ut speculi facies plano tuo perpendicularis immineat: speculi autem mobilis facies longitudinem loco, quem desideras, oppositam habeat: tunc quicquid geretur in cubiculo illo, modò lux adsit, circumvoluto mobili speculo, donec æqualem angulum faciat, quod oculus tibi declarabit, dum quod quæris vides, spectabis omnia. Quòd si locus, quem videre desideras sublimior sit, quàm ille, in quo es, editiore loco suspende. *Cardanus.*

Speculum, in quo ea cernuntur, quæ longè alienis in locis geruntur.

Eâdem ratione, si velis quod procul sit, quinque millia passuum videre, & interjectis muris, ut in hostili civitate, edito loco speculum ad perpendicularum seu finitori æquidistans quàm maximum suspende, aliud verò in manu habens, ut illius facies respiciat (non prorsus supina, neque ad perpendicularum exquisitè erecta) speculum quod superius collocasti, demum sensim te è directo primi speculi elongabis, paulatimque ac alternatim, modò dextra, modò fini-

stra inflectes, donec locum planè conspicias in speculo tuo, tunc illud vix movens à situ, videbis quaecunque illic aguntur, & fiunt: nec aliud est hujus rei, ut dixi, quàm machinarum hostilium ignearum impedimentum. *Idem.*

Speculum è planis, in quo unius rei imagines plures appareant.

Speculum autem è planis compactum, cui si una res demonstrabitur, plura illius det simulachra, prudens invenit vetustas, ut è Ptolomæi scriptis percipitur, cujus talis est compositio. Plana tabula, vel loco, quo tale erectum quæris, hemicyclus disponatur, & hanc secundum imaginum numerum æquè divides punctis: iis chordas subtendas, & apsides abscindantur: inde similis latitudinis parallelogramma erigas plana specula & altitudinis, firmiter glutinentur, & accommodentur, ne convelli possint, secundum longitudinem adjuncta, & super planam superficiem erecta, postremò spectantis oculus circuli locetur centro, ut uniformem ad omnia visum habeat, singulis singulas spectabis facies, & in circulum dispositas, uti in choreis sæpè visitur, vel theatriali spectaculo: Ideò ab eis *Theatricum*, vel *Theatrale* dicitur: è centro enim faceffentes lineæ perpendiculares omnes, super eorum superficiem incidunt: in se ipsas ergo reflectuntur, sic oculo imagines afferunt, depromens unaquæque suam, sic devolvendo diverseque situm variando, varios & diversos monstrat simulacrorum situs. *Joan. Bapt. Port.*

Speculum multividum constituere.

Speculum constituitur, quod *polythaton*, id est, multorum visibilium dicitur: Illud enim aperiendo, & claudendo solius digiti viginti, & plura demonstrat simulachra, sic igitur id parabis. Ærea duo specula, vel crySTALLINA rectangula super basin eandem erigantur, sintque in hemiola proportionem, vel alia: & secundum multitudinis latus unum simul colligentur, ut libri instar aptè claudi, & aperiri possint, & anguli diversentur, qualia Venetiis facitare solent: faciem enim unam objiciens, in utroque plura cernes ora, & hoc quanto arctius clauferis, minori que fuerint angulo, aperiendo autem minuentur, & obtusiori cerneati angulo pauciora conspicientur numero. Sic digi-
gitum

gitum ostendens, non nisi digitos cernes, dextra insuper dextra, & sinistra, sinistra convivuntur, quod speculis contrarium est, mutuaque id accidit reflexione, & pulsatione, unde imaginum vicissitudo est. *Idem.*

Speculum, in quo dorsum tuum videas.

Quòd si dorsum tuum videre velis, speculis duobus planis id commodè assequeris, quæ quantum majora fuerint, eò erunt etiam meliora. Primum retrò collocabis medio situ inter supinum & rectum, alterum sublimiore loco, quàm tu sis medio situ inter pronum, & erectum ante oculos tuos, optimeque quæcunque in tergo habes, videre poteris. Memineris etiam si, gratiâ exempli, annulum ex adverso speculo collocaveris, annulus verò & ipse speculum sit, velut incluso Saphiro, videbis in speculo imaginem annuli, cujus gemma imago tua apparebit: hoc autem ex multiplici reflexione continget. Idem in duobus continget Speculis, & multò majore miraculo in tribus. *Cardanus.*

Speculo ut uterum, & gulam videas.

At si profunda obscuraque, ut uterum, gulam, cubiculum tenebrosum videre propositum sit, amphoram magnam aquâ plenam vitream collocato è directo loci, & lumen post amphoram, ut amphora media sit in recta linea inter lumen, ac locum, quem videre desideras: inde omni alio sublato lumine, oculum tuum colloca, ubi amphoræ lumen non impediās, locum tamen inspicere possis, videbisque cuncta, ut in luce clara. *Idem.*


Speculum è planis componere, in quo imago una veniens, in altero recedens conspiciatur.

At Speculum in quo imago una veniens, in altero recedens conspiciatur, è planis componere sic facile poteris. Plana duo fumes Specula, quorum longitudo latitudini dupla, vel sesquialtera erit, & id commoditatis gratiâ: nil enim eorum refert proportio: sint tamen longitudinis ejusdem & paria, & super stylum invicem inclinata uniantur, eriganturque super planum aliquod perpendiculariter, unde super mobile latus fixa moveantur specula, non dubium sanè est, quin & in uno accedi, & regredi in

altero inspicias : & quantò hæc appropinquabitur , elongabitur illa tantò , ut simul in hoc veniens , in altero discedens videatur. *Joan. Bapt. Porta.*

Speculum plures repræsentans unius rei effigies.

Sunt & Specula , quæ multas facies ostendunt , ut quæ è planis multis constant. Sed hæc notissima , illa admiratione digna , quæ unica superficie plures reddunt imagines. Erat mihi speculum quadratum , è vitro planum , quod utramque aurem geminam referebat , quasi secunda primæ esset imago : erat & remotior. Id effecit , ut crederem , speculum fuisse in Hispania , & ipsum planum , quod duplicem referret imaginem , faciei alteram atque propinquiorem simillimam veræ , reliquam quasi mortui :



nam eadem ratio in utroque. Demonstremus autem causam hujus , ut rem sciamus , & conficere doceamus. Nam qui vident talia , perterrentur non solum miraculo rei , sed etiam imagine ipsa. Nam & aures illæ posteriores pallidæ admodum videbantur. Quia igitur pallidiores hæ figuræ & minus efficaces , conspicuæ , ac similes primis imaginibus , manifestum est , quòd velut in Iride du-

plici , posterior ex priora fit. Sed ex quo reflexio ? Videtur etiam non semper duplex Iris , nec nisi in paucis speculis duplices imagines. Sit igitur oculus A. quod videtur B. speculum C. concursus ad angulos æquales in C. puncto , concursus cum recta & B. ad perpendiculum in D. ubi videbitur & B. Cùm igitur inclinatur B. & A. valde , quia A. B. C. parum distant à speculi superficie , refrangitur ex C. quia non ad unguem planum est speculum , in E. Altius igitur E. quàm C. altius igitur F. videbitur supra D. Quod verò altius videtur , & sub æquali angulo ,

gulo, & longius esse existimatur: quare F. post D. etiam esse videbitur. *Cardanus.*

Speculis planis, ut ea cernantur, quæ longè & alienis in locis geruntur.

Sic fanè poterit quis occultè, & sine suspitione ea intueri, quæ longè, & alienis in locis tutò geruntur: quod aliter fieri non posset, sedulus tamen esto in speculorum situ. Statuatur in domicilio locus, vel alibi, quo aliquid spectare libeat, & è fenestra, vel foraminis regione speculum accommodetur, quod faciem spectet tuam, & benè erectum, si fuerit opus, vel parietibus figatur, undique movendo, inclinando, quousque quæsitum imagnet locum, quod oculis admovendo, & accedendo assequeris: & si arduum fuerit, Dioptra, vel alio instrumento minimè fallēs, & super lineam perpendiculariter erigatur, angulum secantem, & reflexionis, & incidentiæ linearum, & ea intueberis, quæ loco in illo geruntur, & clarè. Sic & in diversis eveniet locis. Hinc evenit, quod si uno minùs fuerit commodum speculo, idem pluribus spectare poteris: vel si distantia nimia visile deperdatur, vel parietibus & montibus interjecta dirimatur, Speculum super accommodabis, & alterius regione super lineam erectam, quæ angulum dividat rectum: sin aliter, neutiquam eveniet, & locum conspicias optatum: ~~nam~~ enim in aliud imaginem remittens, per decem & multis elisa imago oculo evolat, eaque cernes, quæ primùm offenderint: dum imago per rectas profertur in lineas, nec locorum, vel parietum anfractum cohibetur visile: facilisque fuerit constructio. Sic sæpè simulachra transferre consuevit. At si aliter fastigiosum aliquod, vel erectum spectare quæsieris, quod neutiquam visus cernere possit; secundum longitudinem bina adjunges Specula, ut diximus, è ligno, vel parietis culmine firmiter alterum ut promineat, & rem habeat objectam: relinquunt verò funi, ut aptè dimoveri possit, quando libuerit, & cum primò nunc obtusum, nunc acutum causet angulum, uti usus expostularit, dum visæ rei linea secundi speculi medio visus refringatur, & incidentiæ, & reflexionis pares sint anguli, & si alia videre quæris, erige: si infima deprime, donec refringatur visui, tum demum spectabitur: si manibus alterum habebis, inspecto illo facilius eveniet. *Joan. Bapt. Porta.*

Speculum horas ostendens.

Sunt & qui Specula finxerunt, tot facies, quot horæ diei sunt, ostendentia, cujus rei testis est Ptolomæus. Sed & pars imaginis partem cujuscunque horæ declarabat. Sit igitur quadrilaterum, rectangulum, tertiâ parte, longius, quàm latum: divisum autem in duodecim quadrata æqualia A B C D E F G H K L M & N: construatur speculum juxta eandem rationem divisum totidem inter-

A	E	K	vallis, atque super ea velamen altius in
B	F	L	A. B. & in B. quàm C. & in C. quàm D.
C	G	M	ita ut D. speculum tangat. Eadem sit
D	H	N	proportio E. ad F. & K. ad L. quæ A. ad
			B. & F. ad G. & L. ad M. quæ B. ad C.
			atque G. ad H. & M. ad N. quæ est C ad D.
			Sint verò velaminis partes ita distinctæ,
			ut altiores possint sensim transferri super
			humiliores, ita ut primò ex A. in B. inde

utraque velaminis pars ex B. in C. inde partes omnes in D. quo fit, ut cum gravius fiat pondus, eo brevior rota circumferatur, ut tempore translationum fiant æqualia. Addantur igitur horologiorum rotæ singulis tetramorphis, ut sint tres rotæ, atque in singulis discrimina æquationum, vel in Planetis ut motus sit eò velocior propter rotam breviorē, quò pondus magis augetur: ita fiet, ut cum post primi tetramorphim secunda, inde tertia detegatur, atque in singulis facies singulæ, ut pro horarum numero ac partium, facies ac partes facierum in speculo videantur. Hæc autem omnia faciliè in horologiis horarum inæqualium, quibus Romani utebantur, perspiciuntur. Cum enim rota, quæ volvitur, axem habuerit, super quo movetur extra centrum ejus, tantò celerius movebitur in parte propinqua axi, quò axis ab eadem parte centro rotæ removebitur. *Cardanus.*

*Speculum quomodo constituatur, ut nil imaginet,
nisi quæ volueris.*

Constituit sic quoque Speculum, ut eo inspecto aliquis imagine non visâ suâ, alienam videat rei speciem nec undique circumspectam: Planum speculum in pariete firmabis super planum perpendiculariter erectum, & sub notam anguli portionem capite inclinetur, è regione cujus parietem

rietem scindas, sub certam picturæ vel idoli alicujus quantitatem: eamque ei apponas secundum portionis quantitatem, ac operias, ut spectantem lateat, & res mirabilior videbitur, nec ad illud accedere possit. Speculum constituto loco imaginem refringet, ut visu & visibili per speculum ictus fiat reciprocus, & ibi locetur oculus, quem locum reperiēs, ut superius docui. Incedens ergo inspector, nec sui imaginem, nec quicquam cernet unquam, cum ei opponitur, & ad statutum pervenerit locum, picturæ vel alterius rei simulacrum cernet, quod nec alibi spectare valet. *Joan. Bapt. Porta.*

Speculum è planis quomodo constituatur, quo imaginem in aëre volitantem aspicias.

Nec erit minoris constructionis, & voluptatis Speculum illud è planis compositum, quod humi jacens homines volitantes ostendit, nec sine miraculo intueberis. Si quis id assequi velit, facilis sic erit constructio. Bina jungantur ligna, ut gnomonis figuram imitentur, & fixa undequaque constituent angulum, ut Orthogonii trianguli, & Isoſcelis figuram habeant, firmiter inde in unoquoque pede Speculum magnum unum æquè sibi è regione adversans, & æquè ab angulo distans, prosternatur eorum alterum, jaceatque: quorum medio locetur spectator è terra elevatus aliquantulum, ut facilius calcanei formam accedendo, & recedendo cernat: illicò enim cernes, si in recta linea te constitues angulum illum secante, sitque horitonæi æquidistans. Sic imagines Speculo illud in aliud transverberat, quod spectat intuior: manus & pedes agitet, & jactet, ut volantes plumigeræ solent, sic videbit suam imaginem in altero volitantem, ut semper moveatur, dum modò è reflexionis loco non faceſſat, nam vetaretur. *Idem.*

Speculo cylindrico convexo quis intuens, alterius rei pensilem imaginem in aëre ut videat.

Habet & columnare Speculum convexum, vel ejus hemicylindrum (quod parum referre arbitror) talem situm in domicilio, vel loco alio constitutum, ut claræ rei simulacrum in aëre non sine miraculo pendulum imagnet. Quod si videre affectabis, sic parabis. Cylindricum seg-

mentum , mediâ domo supra tabulam , vel tripodem erectum firmetur , ut perpendiculariter solum feriat , inde è foramine aliquo , vel rimula , à speculo aliquantulum distanti oculus collocetur : & sit fixus , ne hinc inde moveri possit : è speculi deinde regione rumpatur paries , ac fenestræ instar accommodetur , pyramidis formam habeat , intus conus , foris verò basis extet , uti fieri solet , ubi pictura vel imago aliqua collocetur , ut oculo spectari possit , sed à superficie columnaris speculi reflectatur : ut pictura illa extrâ collocata , quæ ex oculi foramine videri non potest , in aëre pensilis videatur , quod non sine admiratione quis intuebitur : efficit id quoque speculum pyramide convexum : si sic accommodabis , ut eandem referat imaginem . Fit quoque eo modo quem inferius explorabimus . *Idem.*

*Sphærico concavo , ut pensilis quoque imago
videri possit.*

Potest & facilius ejusdem rei imago reflexa in aëre videri , quam convexo cylindrico , & clarius concavo eveniet Speculo sphærali , mirabilius tamen in ejus segmento : à speculo enim longè videbitur , cùm in sphæræ centro appareat . Illud obscuro aliquo constitues loco , & ubi aliquantulum ab eo distabis , inversum cernes caput , tu fixis oculis , & inconniventibus centrum aspicias , donec ad tuas devenerit acies ultra speculum in aëre reflexa species , semota penitus , dummodo , oculares radii per speculi centrum acti , spectrum simulachrumque in speculo quoque videas , inde vicinius visum appropinquando major fit , ut manibus tangi videatur . Quòd si magna fuerit Speculi portio , non est qui non miretur : nam si propius accedet , ab imagine terretur , & videbitur nasus naso obviare , & disrumpi : si quis verò stricto mucrone invaserit , videbitur ab altero invadi , manus perfodi , ut retrò manus agat , & si quis dum aliquis inflexerit , pugnum retrò demonstraverit , videbitur & inspector colapho affici , ut timeat , faciem retorqueat , & inclinet . Ut tandem facilius centrum noscas , hac utere normâ , ne ad Mathematica divertaris . Pagina , vel cera portionis arcum capias , ut utrinque chordam inducas , & perpendiculariter bifariam secato , & in concurrentibus lineis , vel hemidiametris necessario centrum reperiens , quod in concavis omnibus cognosci potest . Sunt
& con-

& concavorum experientiæ multæ, quas in sequentibus trademus. *Idem.*

Speculi concavi imaginationes & operationes.

Centro concavi hemicycli jam invento, diversitates omnes cognoscere facile erit, cum ex eo omnia regulentur, & noscantur. Si vis ergo inversum spectare caput, extra speculi centrum caput habeto, & inversum statim inspicias & pedes sursum. Si perfectum non fuerit hemisphærium, sed ejus segmentum, intra caput facilius accommodare poteris, & ingentes conspicias facies immanis Bacchi, & digitum brachii crassitudine reddet. Talia fecit concava specula *Aostius* (ut refert Seneca) ut redderent majorem justo imaginem, qui quadra fuit libidinis magna, sic specula disponens, ut dum draucum pateretur, sui admittarii motus omnes averfus videret, talique falsâ membri crassitie seipsum fallens oblectaretur. Sic iis omissis, dextra sinistra videbuntur: & paulatim caput elongando, major efficitur facies, cum centro vicinum fuerit, facies binas & quaternos cernet oculos, qui latius Speculum movendo videbuntur, vel caput: ob speculi enim parvitem simul videri non possunt. Cum oculus in centro fuerit, non nisi seipsum cernet, eo transacto, & duplicatas facies, & inversa bina cernet capita, dummodo linea per centrum acta oculorum intercapedinem feriat: omnia tamen in contrariam partem moveri videbuntur, inspector foris cernat intuitu per oculares duos axes, ut geminata videat omnia quemadmodum sæpè & ratione accidit, ut res plurimis modis duplicari videatur. Sic quoque Speculum in terra, vel tabula aliqua jaceat, & æquè ab eo distent, & invicem intueantur: os strictum & longum, & deformis compressa multum apparebit facies. Hoc tamen optimi inter cætera tale retinet Speculum, quod eminus ignem jaculatur, nec combustionem caussatur parvam. Qui verò periculum facere concupierit, splendentis Solis radiis speculum opponat, & fomitem, vel accendibilem rem centri loco collocet, quod accedendo, & removendo invenies, lucisque conus ostendit, & inducit illicò flammam. Quod si diu perseverarit, Plumbum, vel Stannum colliquefacere potest, quanquam Aurum, & Argentum radios colliquasse solares, me legisse memini. Si verò majoris sphæræ fuerit segmentum, per majorem accendit distantiam. *Idem.*

De Parabola segmento, & de Speculis aliis ustoriiis.

Quod Speculum valdè perurat, sæpiùs retulimus, nunc verò quod maximum, & eminus ignem jaculetur, Speculum construere fuerit opportunum: postquam horum meminimus, quale *Galenii*, & multorum testimonio, *Archimedes* construxisse legimus, & hostium triremes incendisse. Scito paraboleam sectionem inter cæteras maximè perurere; radios enim violentiùs congregat, & in unum coarctat. Sectio hæc rectangula vel parabola dicitur. Ut verò cupientibus pateat fabrica, Speculum tale conficiendi cape normam. Sit distantia nota, ad quam radios emittere, & comburere quæris, eam dupla, & tali diametro rectangula rotunda Pyramis erigatur: commoditatis gratiâ è cera, vel creta fiat, inde plana superficiei axis æquidistans pyramidis abscindatur portio, & parabolica dicetur: si versus fastigium in amblygonio hyperbolem: versus basim in oxigonio ellipsim habebis, nos parabola quærimus: sit tamen portio minor, ut faciliùs excavetur Speculum, & mirabilior res videatur: abscissæ portionis superficiem, plana tabula, vel ferri lamina (ut inferiùs docebitur) figuram imitaberis, inde per fastigium, & basis medium axem inducito fixum, & materiam aliquam excavabis chalybeam, vel ferream, vel (si mavis) mixturam aliquam, quâ parabis archetypum: tale sic efformatum Speculum Parabola dicitur, sed secundum datam distantiam violenter Soli appositum, ut ipsius axis sit contra Solem, comburet: incidentes enim radii Speculo & perpendiculariter ferientes, simul in unum reflectuntur, & coincidunt, ut omnes unius radii vicem gerant comburentis multum: ideo nulla est inter sectiones alia, quæ longiùs & valentiùs ignem emittat, quàm Parabola. Aliter, quæ accedunt, multa Specula parantur, nec sine ignitione forti, uti ex planis multis simul coordinatis: ex uno enim hoc fieri non posset, ut constat geometricæ rationis examine. Sic tamen è planis ustorum fabricabis Speculum. Sphæricum aliquod concavum materiâ paretur qualibet, & simul in cava superficie ordinentur, ut se invicem tangant, nec vacuum relinquant, sintque Speculi segmenta hexagona quadrangula, vel trigona: & fuerit præstantius, ut multarum superficierum numero radii numerentur, sic Soli oppositum, circa centrum accendit ignem. Referebat *Attenius* ex septem hexa-

hexagonis Speculum in unum colligatis ignem accendi; nec experientia succedit, nisi aliquantulum inclinetur; & ex omnium reflexione ignis accendatur. Nec aliter ex pluribus quoque globosis tumentibus Speculis ignem accendi posse inficior, ut multorum numero fiat in unoquoque radiorum congressus: ex uno tamen impossibile nec sine labore hujusmodi talium compositio fieret. Potest quoque idem fieri, multorum Speculorum concavorum compositione, & intersecatione, nec sine laboriosa operantis industria, sed opus efficacius expedirent, nec minus interfectione multorum Speculorum pyramidalium. *Idem.*

Speculum construere, quo multæ imaginum diversitates videantur.

Nunc Speculum construere conabimur, in quo multæ apparebunt imaginum diversitates: & si tale difficilis fuerit constructionis, imaginum tamen diversitate, & occurrentia rependet, ut ad ejus fabricam accedatur. Circulum capies arcæ, vel eximiæ capacitatis, quâ Speculum volueris, & hinc inde apsidis portiones abscindas duas, ex pentagoni quantitate una, altera ex hexagono, quo patuit modo in Mathematicis: inde pentagoni arcus tabulâ quadam, vel ferro intus excavetur, ut suo gremio perfectè recipiat, ut ex ea refecatus videatur, contrariæ autem dispositionis hexagoni erit latus, nam illius quantitas convexa excipiat tabula, ut instar illius arcus promineat, inde cerea, vel plumbea accipiat bractea convenientis soliditatis, latitudine arcum hexagoni, & longitudine utrosque superans, sic deinde incurvetur lamella, ut ritè in excavato insideat ligno, ne intercapedo, vel rimula relinquatur ulla, & convexa superficies servata prominens, tunc intrinsecus applicetur secundum ejus latitudinem, ne concavitatis forma adverfetur convexitati; sed lamella eadem utraque sine impedimento recipiat portiones; sic parato Archetypo Chalybis, vel alterius rei mixtura Speculum construatur, uti docebimus, & perpolitum multas ostendet imaginum diversitates. Primò dextra dextra videbuntur, & sinistra sinistra, cum planorum omnium Speculorum passio sit, ut oculus, qui fuerit dexter, hic lævus: & è lævo vicissim fiet dexter. Si verò retrogradus tuleris, commensuratum videbitur idolum, & imago antèrius prominebit, si convexæ magis accedes superficiei, turpis fiet imago, &

go, & quantò magis hæret, eò fiet deformior, & equino capiti magis assimilare videberis, quòd si Speculum inclinabis, inclinabitur & ipsa, & variando situm & Speculum, variationes conspicias diversas, nunc caput deorsum, & pedes sursum, & multa conspicias, quæ in præsentia recensere opus non est: nam super volubilem sedem locatum, ut utrasque possit facies ostendere, antè & retro per se omnia intuitor cernet. Speculum quoque ex omnibus dictis componimus, ut eo solo imagines videantur, quæ in omnibus plura ora, nunc majora, nunc minora, nunc dextra, nunc sinistra: hæc propius, illa remotius, & æqualia: si loco uno sinuosum, alio concavum, in medio planum locetur, magna imaginum diversitas spectabitur. Speculo cylindrico convexo ore opposito, quantò longitudine deformior, eò gracilitate turpior videbitur, si ejus longitudo faciem transversam secet, humilem vultum, & compressum, uti Rana, demonstrat, ut non nisi dentes spectentur, eodem fermè pacto, qui in ense spectabitur, vel ferro alio polito, & longo, si illum inclinabis antè, frons maxima, mentum verò parvum, & gracile Equi effigie. Contra verò retro, si in cavo intus inspicias, plures unius rei conspiciuntur ideæ, idoli vicem gerentes prælati speculi. Si centro oculum apposueris, tota cernes cum Speculi latitudine, sic frontem, os, & reliqua: si tale invertes speculum, ut latè faciem secet, inversum caput cernes illico, & cætera, quæ in concavo retulimus. Si convexum pyramidale inspicias, acuta frons, largum verò mentum, longissimus verò nasus. Multa autem concavo inspicias ora, si secundum cavum illud plures planorum Speculorum portiones accommodaveris: intuens enim aliquis secundum Speculorum numerum numerabit ea, ejusdemque motus omnia, & tandem quaecunque fuerit Speculum: utpote non planum, semper diversum ab idolo spectabitur. *Idem.*

*In speculum excavatum Idolum quomodo
foràs emineat.*

Recentiorum quoque industriâ factum est, ut Speculo in eodem plura cernantur ora, vel unius rei simulachra, sine primi impedimento: retro enim excavant Speculum, & concavum parvum effingunt, unde foliolo inducto, uti docebimus, & ritè concinnato, alterius vicem foràs exhibebit. Hinc optimè inventum provenit, ut Speculo quis
intuens,

intuens, alterius rei imaginem erectam cernat, ut non sine spectantis admiratione, manibus corriprens nihil, nisi aërem tangat: sæpè me hoc vidisse memini, & sic res se habet: E Cryſtallo in Speculum parato, sed melius ex Iride gemmâ, uti semper vidi, retrò Idolum, vel Imaginem excavant, quâ potuerint diligentia, folium inde accommodant supra, & in fede locant, quantum enim profunditatis habebit, tantum extra superficies eminebit, nec tibi satisfacies, nisi manibus tetigeris, an verè promineat, sic literæ ritè leguntur, ut Argento fictæ videantur, nec tanta erit visus acies, quin respiciendo hallucinetur. *Idem.*

Ut Speculis bracteola inducatur, & vitreâ terminentur.

Jam apparitiones omnes in Speculis quas novimus narrasse visus sum: nunc autem restat, ut pauca & non prætereunda dicam, ut perfectam tradam eorum scientiam. Primò Speculorum terminationem, quæ è Cryſtallo, & Vitro parantur, inde aliorum mixturas, & polituras ut sciens Artifex & noscere, & componere sciat: nam quanquam inter multa, quæ rerum referunt imaginem, velut aqua, gemmæ quædam, politumque metallum, nil æquè perspicuè reddit simulachra, quàm Plumbum vitro sublitum. Perspicua specula, è Cryſtallo, aut Vitro parantur; cryſtallinis planis folia quædam retrò inducuntur: cavis verò & convexis vitreis mixtura quædam inducitur, quâ tota illa perlinuntur. Cryſtallina specula, ubi plana, & adæquata sunt, quantitatis ejusdem artifex stanneam efficiat bracteam planam, & tenuem, quâ poterit diligentia. Si enim Cryſtallum, vel vitrum non sublineretur Plumbo, ob sui vigorem, naturæque densitatem, non sisteret impressam imaginem, sed dilabi sineret, quia Vitrum rarum, & pellucidum, ob sui pelluentiam non contineret, unde evanesceret in eo simulachrum, ut in Sole lumen: Inde supra hanc bracteam vivum Argentum digitis explicabis, ut ea totum combibat, & ubi in superficie cernes hæere, eaque argentea videbitur, tu hanc manibus capies, & Speculo à parte aliqua inducere incipies, paulatim totum occupando, & circumplectendo diligenter laminâ eâ, ne aciem intrò concipiens, irritum faciat laborem, & ut ejici amplius nequeat. Ubi hoc accommodaveris, super planum aliquod locato ac supra pondus inducito, & per diem sic requiescat. Hinc natura, rerum omnium

omnium parens, Oculum Speculi instar composuit, quippe à tergo pellucidibus partibus nigrorem quandam adiecit, quo sublato, tolleretur & videndi facultas. Aliter possumus convexa Specula terminare sic: Ingens formato vas è Vitro, rotundum pilæ instar, uti in Vitrariorum fornacibus fieri solet: & igne candens illud in ventre perforetur, vel apto instrumento, vel aliter colliquato jam vitro vas tangat, & Inflator suo fungatur munere: sic in loco illo perforatur inflatum, foramenque per illud projicitur mixtura, quam prius parabis, & colliquatum in vas aliud commodum transferas, paribus ponderibus scilicet Stibii & Stanni contusi & elimati, undique Operator per spaciolum revolvat permovens opus, ubi circumlitum fuerit concavum omne, eodem foramine superfluum emanet, & frigescat: inde bina, vel plura secabis specula, quod rectè perficies Smiri lapide: talem enim sortitur naturam, ut Vitrum tactu & CrySTALLUM secet. Perlucida, & terminata tandem ita habebis Specula. *Idem.*

Specula quomodo conflentur, & Speculorum mixtura, & politura.

Si concavum, convexum, diversæque efformatum Speculum formare quæsieris, & parabolam & sectionem, quam antea retulimus, cerâ archetypum parabis: aptius enim manibus accommodatur, in diversam deducitur formam, & aptius erit operi, ubi quæsitæ Speculi figura cereum archetypum habes, sequenti terrâ ritè præparatâ, tenui penicillo illinas, dum aliquam habuerit crassitiem, inde supra crassius tritum aliud manibus accommodabis, talisque soliditatis, fusum sustinet metallum, ne vi ignis frangatur, & in partes plures diffiliat, parvo tamen foramine relicto, quo cera detrahatur, & metallum immittas. Soli resiccandum committas: nam igni infervescens fluitat cera, sic in calidum cavum illud colliquatum immittito metallum, & refrigerari finito, & quæsitæ Speculi habes formam. Terræ enim, quibus uti poterimus, multæ sunt, uti Smiris, Tripolis vocatus, Pumicei lapilli, sæpè & antiqui Taleri pulvis, cum quibus mutuò perfricantur: Hirca etiam combusta ossa, Ferri rubigo, & multa alia ritè tundantur, tenuique succernantur incerniculo, hinc denuò in pilam mittantur, & tritentur. In vase dein super ignem incandescere sinunt, & in porphyreo lævigant marmore, ac tamdiu terunt, donec
in te-

in tenuissimum vertatur pulverem, ut ferè tactum effugiat, & in auras evolare possit, inde aquâ, vel cerio subtiliorem efficiunt, omnes vel ex his aliquos tali madefaciunt aquâ, quam menstruum vocant, vivis carbonibus ollam sale plenam exaggerant: ubi sal crepitare desierit, in aqua dissolvunt. Si ardenti aquâ madefacias, in frigidam adhuc terram projicere metallum poteris: id enim maximè refert, ut terra colliquatum recipiat metallum, uti Tripoli vocatum Aurum substat, lapilli Plumbum, & Argentum, vel Æs molarum pulvis: iis non solum in speculis uti poteris, sed in aliis. Mixtura quâ in speculorum efformatione utimur, ita ferè communiter ab omnibus efficitur. Æs cum Stanni triplo, Tartari paululum, & Arsenicum, ut fluat, & insimul adcorporentur: alii cum Stanno Æris triplum, & Stibii tantillum, Argentum, vel Pyriten album adjungunt: alii ex Plumbo cum Argenti duplo aliisque efficiunt metallis, sed ubi in testaceum vas, igni contumax, fuerit fusum, in typos immittunt: sic & aliter Specula temperantur, sed horum meminisse sufficiat. Jam Speculorum constructiones retulimus, nunc polituras superesse video, nimirum ut postquam conflata, & constructa fuerint, lævigentur, & præpoliantur. Ut ergo resiliens radius simulacrum reddat, ac ita probè imaginet Speculum, multum lævor certè, & partium concinnitas facit. Si verò læve minimè fuerit, scinditur simulachrum, unde fit, ut hinc major, illinc minor appareat figura, & diversa. Rude autem postquam fuerit Speculum, rotæ accommodetur, ubi arma expoliantur, & ad omnium partium lævitatem, & æqualitatem reduces: si concavum, vel convexum polies, ne rotæ motus Speculum frangat, lignum dolabis, id ad speculi formam reduces, & pice curabis, ne moveatur, inde lines subtiliter; dein infracto panno, vel corio valde perfricabis, ac pumice in pollinem redacto (facile enim pulverascit) ritè pumicabis, ut accommodetur, & lævorem inducas, vel ubi fixum adhæreat tabulæ, Stanni calx tripoli immittatur, & extricetur: in extrema autem politura tartaro, fuligine, Salicis vel Juniperi cineribus uti poteris, & maximè prænitebit. Smiris autem si adhibeatur, optimus quærat, & conteres, & pannum incernes, aquâ madentem. *Joan.*

Bapt. Porta.

Crystal-

Cryſtallini Prismae mira facultas.

Cryſtalli Prisma verò multas Speculorum vires habet, ut quod multas formas referat, tum etiam averſas capitibus in imo, & pedibus ſuprà, ut cava Specula, tum monoculos, & quatuor oculis. In ea etiam colores, maximè dum àdverſus Solem ſecundum longitudinem collocatur, pulcherrimi, & inimitabiles apparent: verum oculis applicatum, maximè ubi arbores ſunt, & prata, pulchritudinem coeleſtem refert, coronas, irides, tapeta ubique ſparſa, coloris ſplendidiffimi, roſei, candidi, viridis, punicei, coerulei, aurei, mixtiſque omnes & gratiffimi aſpectus: aliam in ſublimi atque adverſam effigiem rerum oſtendit, quaſi planis in montes aſſurgentibus. Finitorem etiam, ac regiones fingit, cum diſtantia maxima, atque jucundi viſus, quem non labefactat, ſed recreat. Oportet autem magnum eſſe Prisma, puriſſimamque Cryſtallum.



D E S E C R E T I S

Lapidum & Gemmarum.

LIBER XI.

Lapi- des tum	Preciosi in	Specie , & di- stin- guun- tur vel	Genere , De his, Cap. I.	Extre- mo : sic alii	Candidi , Cap. II.	
						Nigri , Cap. III.
					Rubri , Cap. IV.	
						Virides , Cap. V.
					Coerulei , Cap. VI.	
						Apti , Cap. VII.
					Inepti , Cap. IIX.	
						Tactu : sic alii ad scul- pturam

DE LAPIDIBUS PRECIOSIS in genere. CAP. I.

Gemmarum fraudes.

ADULTERANTUR Gemmæ miris modis, qui tamen in tres deducuntur. Horum primus est vulgaris, ut inter duas planas tabulas Cryſtalli color cum glutine perſpicuo ponatur, inde coaleſcentibus his, gemma annulo clauditur, ut rima conjunctionis lateat: atque hic modus vulgaris ac vilis eſt. Peſſima eſt fraus, quæ ſubjicitur, nec vulgaris ad fallendum, cujus author *Zecolinus Medionenſis*, qui tabellam ex vero lapide, veluti pro Carbunculo ex Carbunculo, pro Smaragdo, ex Smaragdo nitidam, ac vilem ob tenuitatem coloris diluti, quarum maxima erat copia eritque ſemper, ut & hominum ejus conditionis, accipiebat, cui coæqualem ac craſſam ex Cryſtallo ſubjiciebat, glutinoque quàm tenuiſſimè poterat jungebat, interpoſito colore proprio, ut rubro ſplendido pro Carbunculo, viridi pro Smaragdo, cœruleo pro Sapphyro, utque rima lateret, auro claudebat, quo etiam ſuſpicio doli tolleretur. Vetitum enim eſt in Urbibus nobilioribus gemmam adulterinam auro claudere. In hac fraude nihil præter venditoris autoritatem deſideratur. Rima latet auro abdita, & ob tenuitatem color illuſtrem facit: ſumma ſuperficies, cum ex genere ſit, veræ gemmæ nitorem proprium reddit. Ita mirificus hic artifex gemmariis etiam iſtis imponebat, donec agnita fraude cum fuga ſibi conſuleret, exilio ab omnibus nobilioribus urbibus damnaretur, atque ſic nimia Auri quantitate pudorem urbis noſtræ proſtituit undique: nec tamen ſpernendum latrocinium, gemma trium aureorum coronatorum, trecentis perſæpè, etiam longè plus vendebatur. Tertius gemmas adulterandi modus longè nobilior, ac minùs damnatus eſt, arte cum natura lucente. Gemma in gemmam mutatur ignis ope. Sapphyrus nitidus, ſed alioqui diluti coloris, cum auro jungitur, apponitur ignis ſenſim, donec liqueſcat, fervet Aurum horis tribus, aut quatuor, inde gemma tollitur, & ſenſim refrigerari permittitur, invenies Adamantem: gemma enim manet: nec lima tangitur: quicquid autem eſt coloris cœrulei perit. Ideo coloris dilutiſſimi Sapphyros quæ-

rimus : sunt enim viliores , & celerius in Adamantem tranſeunt , atque perfectius mutantur. Qui primùm invenit hoc ditatus eſt valdè , breviq̃ue tempore. Inde detectâ re, adhuc lucrum arte relictum eſt , nitet enim plurimum , ob Sapphyri duritiem. Sunt qui ex eque marina gemma viliorè , & molliore faciant Adamantes pulchros. Sunt & qui Sapphyrum non incoquant auro , ſed cretâ involutum in igne tantum , eodemq̃ue modo res ſuccedit. Obſervandum tamen eſt , ut gemmæ frigidæ ignis ſenſim circumdetur , & rurfus , ut peracto opere permittatur refrigerari ignis extinctione , nam detrudere ex igne haud tutum eſt. Vitium eſt , ſi quicquam remanſerit veſtigii de colore cœruleo. *Cardanus.*

Ad conficiendos Lapides preciosos.

Materiam effingendis lapidibus precioſis ſic præſtrues. Impletur veſica multis ovorum albuminibus , ſimul dilutis , & agitatis : tum demum infervente aquâ diu excoquenda committitur , & detracta loco minimè pulverulento , tanto tempore exſiccatur , donec vitri conſiſtentiam induiſſe videatur. Poſthæc in particulas dividitur , quæ paulò poſt aquis , quo viſum erit colore intinctis & ſaturatis , injiciuntur , ut ibi deferveant , & colores propoſitos imbibant : croceum , ſi Topaſium habere voles & crocum in aquam diſſolveris : Pyropum , ſi braſilii ramenta , & ſcobem : & ita de reliquis. Pulchrum ſanè inventum , & paratu facile , quod ab experto accepi , & tibi commune eſſe volui , ſed eo animo , ne quem decipias. *Mizaldus.*

Ad fingendos Lapides preciosos.

Lapides precioſos cujuſcunque coloris ad hunc fines modum : calidiſſimi corporis ſilices , tamdiu in Figulorum , aut Vitriariorum fornace torrentur , donec in pulverem atteri poſſint. Cujus pars una per ſetaceum ex Creta , vel aliter , miſcetur partibus tribus Minii , Plumbi , à ſordibus repurgati , & vaſculo Aurifabrorum , crucibulo dicto , imponitur , ſed non ad ejus complementum. Additur nonnihil limaturæ Auri puri , vel foliorum ejusdem , ſi Topaſium , vel Hyacinthum fingere voles : aut tantillum raſuræ Chalybis , Smaragdum : vel quippiam Azuri legitimi , ſi Sapphyrum , aut Amethiſtum : & ita de aliis coloribus. Tum demum forti , & valido igni , reverberationis nuncupato ,
omnia

omnia confusa, & mixta tamdiu exponuntur, dum colliquescant, & mellis spissamentum induant. Ubi in ipso met igne sponte vanescente refrixerint, effracto vasculo, lapidum materia sanè quàm elegans sese prodet, à perito lapidario, in quas tibi visum erit formas incidenda, expolienda ac tractanda, & postremò per solertem artificem annulo inferenda. Sunt qui ustos, & torrefactos filices atterant pistillo ferreo in mortario ejusdem metalli, pro Smaragdo fingendo: & cupro pro Topasio, absque alia colorum mixtura. Si pro filiceo pulvere CrySTALLI calcinati pulvisculo uti voles, omnia habebis multo elegantiora, preciosiora, duriora sicuti plus centies sum expertus. *Mizaldus.*

Gemmæ fictitiæ.

Sic quoque fiunt omnes gemmæ fictitiæ, primò CrySTALLUM Berillos, vel lapides alios ignobiliore rotis lævigant, lateribus æqualiter quadris, vel quam quærunt inducunt formam, inde tincturam parant. Smaragdum ærugine, Carbunculum cinnabari, & brasile, Saphyrum cyano, Chrysolitum auro intermixto auripigmento: ne tamen perspicuitatem arceant eas mastiches lachrymâ, vel gummi tingunt, & gemmam hinc inde divisam lento igni super laminam accommodant, taliq̃ue inficiunt, quod ceu glutinum quoddam unit, ut sic tenaciter adcorporentur, ac dimoveri non possint: quòd si meraciùs rubent, aquam, si dilutiùs colorem addunt, & ad decorem proficit: subtus autem bractearum quadrulas accommodant: cumq̃ue annulo gemma insignita est, & in orarum extremis coloris tinctura non deprehenditur, quo omnes arguuntur, nec aliquibus fucum subolent. Varioq̃ue hujus colore mirè variatur gemmæ color. *Joan. Bapt. Porta.*

Modus conficiendi Gemmas duplices, cujusmodi Mediolani fiunt.

Sumito Masticeis lachrymam, & cum colore aliquo conterito cum oleo; & pauca cera, & aqua etiam, si opus fuerit tingito. Quod cum factum fuerit, sumito duo paria frustula CrySTALLI, ad rotam expolita, quâ voles formâ, & magnitudine, ita tamen, ut superius frustum, sit inferiore tenuius: sintq̃ue non secus adglutinata, & ab omni parte conjuncta, quàm cum digito unguis. Horum alterum, nempe

inferius in pala ferrea super carbones ponito, donec calefiat, deinde prædictâ tinctâ Lachrymâ, in stylo positâ, & calente, ut fluere possit, tingito quantum satis esse videtur: mox alteram partem, nempe subtiliorem calidam, alteri superimponito, & sic agglutinabitur perfectè, absque densitate aliqua, & erit ab omni parte pellucida. Quibus factis gemmæ annulis ligentur, Auri folio rubenti Rubinis, virenti Smaragdis supposito. Folia autem omnis generis & coloris quomodo conficiantur, suo loco docebimus. *Alexius.*

Gemmæ ut niteſcant.

*Si vis ſplendentem gemmis inferre nitorem :
Partem quære tibi tantummodo marmoris æqui,
Gemma ſuppoſita petræ ſed flumine pauco :
Sed ne lædatur, tractu leviori limetur
Quantò dureſcit, tantò magis ipſa nitebit.
Arnoldus de Villa Novâ.*

Gemmarum ſectio, Ejusdem.

*Præduros lapides ſi ferro rumpere tentes :
Qui cupit egregio lapides irrumpere ferro :
Quos dilexerunt Reges nimium ſuper aurum ,
Urbis Romane qui celſas jam tenuère
Arces, ingenium quod ego ſub mente profunda
Inveni, capiant, quoniam nimis eſt præcioſum :
Urinam mihi quaſivi pariterque cruorem
Ex hirco magno, modico ſub tempore paſto
Herba, quo factò, calefactò ſanguine gemmas
Incidi, veluti monſtravit Plinius auctor,
Artes qui ſcripſit quas plebs Romana probavit :
Atque ſimul lapidum virtutes ſcripſit honeſtè.
Quorum qui noſcit vires, plus diligit illos,
Primus ait verſus quot habet ſententia ſenſus.*

Gemmarum ſculptura.

*Sic gemmis durum ſculpendis effice ferrum :
Quisquis vult ſolito lapides irrumpere ferro,
Hos habeat ritus, ut acumen temperet ejus
Tempore quo ſolito magis utitur hircus amore.
Solutus adeps hujus fit ad iſtos aptior uſus.*

Hujus

*Hujus enim candens si quis pinguedine ferrum
Extinguit, subito durefcit acumine firmo. Idem.*

De Gemmarum viribus & earundem imaginibus.

Cùm conſpicerem, quos demonſtrant effectus Gemmæ, naturali evenire virtute, horis, configurationibus, & cœleſtibus characteribus adjutæ, corroboratæque cum lapidum virtuti conformibus, ſignis deſcribantur. Jam ab antiquis multæ poſteritati relictæ ſunt, & prætermiſſæ, nec minimum in monſtris interpretandis earumque virtutibus intelligendis recentior inſudat ætas, ſed ante quàm quæ dicenda ſunt præcepero, plurimos, qui horum meminerint, memoria repeto. *Ptolomæus* affert, hujus ſæculi facies cœleſtibus vultibus ſubjectos eſſe, quibus mira ſapientes operabantur, imagines conſtruentes, & deſcribentes: & *Halyaben Rhodam Sapientem* quendam *Ægyptium Scorpionis ſigillo thure impreſſo ſanâſſe*, qui *Scorpionis morſu afflictaretur*, ille annulo *Scorpionis imaginem defererebat*, & inſculpi jufferat cœli medium, medium, vel ortus cardinem occupante, & cum Luna juncto, quod & à *Serapione ſimile narratur*. Utilem quoque adverſus ſerpentes imaginem effici poſſe *Porphyrius* autumat, cùm Luna cœleſtem intrat ſerpentem, vel cùm feliciter aſpicit, & multa, quæ brevitati ſtudentes omittimus. Hic breviter recenſebimus operationes, configurationesque debitas. Ut rem igitur exordiamur, multiplici de cauſa ab antiquis ſcriptas reperimus, uti noſtra ſe extendere potuit cognitio. Primò annulis clauderantur, ut tali literæ clauderentur ſigillo, atque ex eo, qui literas dabat, facies cognoscere: quod *Suetonius Tranquillus* de *Auguſto* protulit, qui in diplomatibus libellisque & epistoſis ſignandis uſus eſt *Sphyngæ*, mox *Magni Alexandri* imagine, noviffimè ſuo *Dioſcoridis* manu ſculpta, qua ſignare inſecuti quoque principes perſeveraverunt. Idem *Ovidius* quoque retulit in *Triftibus*: Et ſæpè, quæ apud nos reperiuntur & in manus incidunt, diverſis hominum faciebus ſcriptæ viſuntur, atque è *Sardoniche* potiffimùm fieri conſueverunt, quòd ſolus ceram non convellat. Reperiuntur quoque contra diverſa accidentia ſcriptæ, & lapidum, virtuti decentibusfigurationibus corroboratæ, ut potior vividiorque exiſtat lapidis operatio: inter cætera enim, quæ cœleſtes influxus recipere poſſent, idoneæ ſunt Gemmæ, nam quanquam cœ-

lestibus muneribus capiendis duriores videantur, ubi tamen accipiunt, tenacius, & diutius retinent, quod *Jamblichus* quoque placitum video. Sic sæpè annulis, quibus insigniuntur, & decorantur, obversas invenimus gemmas, intus enim, quod nudam tangebatur digiti carnem, literarum notæ verbaque conspiciuntur, statim horis, opportunisque temporibus conscripta, quorum figurandi & scribendi modum latè in sequentibus intelliges. *Joan. Bapt. Porta.*

De Cœli ☿ Planetarum imaginibus.

Hæc sunt Cœli Planetarumque imaginum figuræ, quas sæpè intuens, lapidum virtuti conformes inscriptas reperies, uti Mercurium gracilem juvenem caduceum ferentem, capite pedibusque talaria. Martem lorica tum, militem bellicosum, vexillum, hastam vel scutum ferentem. Venerem autem nudam mulierem, speculum, & secum Cupidinem puerum habentem lascivo actu: sic Jovem folio sedentem virgâ imperantem: falciferum senem Saturnum: radiis insignitum Solem. Nec minus octavæ sphaeræ configurationes crebrius in lapidibus iis perspicere licet, simiæ, ursæ, coronæ, cygni, aquilæ, alati equi, serpentarii reliquorumque. Sic signa omnia, arietes, tauros, geminos, cancos, leones, & cætera: & ex stellarum naturis Planetis conformibus operationes eliciunt. Sunt & aliæ imaginum configurationes, quibus lapides veteres effigiabant, juxta Indorum, Ægyptiorum, Magorum, & aliorum Astrologorum sententias, non tam visibiles, quàm imaginabiles, ut in prima Arietis facie, hominem ajunt adscendere nigrum, corporis ingentis, rubeos habentem oculos, pannoque præcinctum albo: ascendit in secunda mulier chlamyde cooperta linteo, viridibus pannis cincta, unum retinens pedem. In tertia verò ascendit homo rubeis indutus vestibus, armillam habens manibus auream, cupiens & bonum facere, nec potest: sic in cæteris aliis sunt adscriptæ, quas qui quæsierit, eorum quærat libros: longum enim, & nimis fastidientis esset lectionis eorum opiniones recensere, quæ & inter se diversantur, ideò diversis, & variis insculptæ imaginibus reperiuntur. Sunt & alii aliter operantes, rem enim hominibus, & gestibus exprimunt, ut si, (gratiâ exempli) amorem inducere cupiunt, dulces complexus, gestus, & loquelas exprimunt, & osculantes. At si odium vel iracundiam, terga obversantes,

tes, se infimul fugientes, & abhorrentes, sic animi passion-
nes omnes, quas inducere exoptant, figuris exprimunt,
sed lapidum virtuti conformibus, aptis quoque insculpunt
figurationibus, quæ quomodo aptari, & reperiri debeant,
in fequentibus reperiuntur. *Idem.*

*Quibus imaginibus effigiari debeant lapides,
vel gemmæ.*

Quæ configurationes infcribantur ab Ethnicis ad Cœle-
stem favorem aucupandum, reliquum eft doceamus, ipsis
aptari quomodo debeant, ac opportunum tempus eligendi
normam. Amethyſto sæpè inſculptus Juvenis reperitur ca-
ducifer, galeratus & pedibus talaria, & manu aliquando ſini-
ſtrâ Gallum tenens, quem Mercurium eſſe nôrunt omnes,
nec à lapidis virtute diſcordat, unde ſapientiam, & intelle-
ctum geſtantibus pollicetur, multa cùm verſatilis ſit ejus
natura. Achatî inſcripti Scorpiones reperiuntur, Aranei, Ser-
pentes, animalia cætera venenofa, nunc hominem ſerpen-
tibus infidentem, quem Serpentarium cœleſtem Æſcula-
pium eſſe noſcunt, unde veneno, & Scorpionum morſi-
bus medetur, & Siculo naſcitur Achate flumine, ubi ma-
ximi gignuntur Scorpiones, & per eos Scorpionum ejus
provinciae peſtis extincta eſt, horumque virtute natura
defectus rependit. Inſcribitur & Angifer in Hamatite: le-
gi enim Magos Perſarum Regi ſuo conſuluiſſe, ut hunc la-
pidem ferret, & contra venenum putant, ut Haly ſcribit.
Jaſpidi sæpè Leones, Gallos, Aquilas, Trophæa, Loricæ, nunc
Martem nunc armatum militem ſerpentes pedibus con-
culcantem, & in collo ſcutum inſculpunt, & lapidis duritiæ
& virtuti reſpondentem hominem, sæpè victorem, belli-
gerum, & invictum reddunt. Nechepfos autem Rex ad ſto-
machi remedium, hujus enim virtute vegetatur, Draconem
radios emittentem inſcribi juſſit. In Magnete sæpè Cyno-
furæ figura viſitur, cùm maximè illius ſideris amore deti-
neri videatur: contactu enim ferrum ad illum vergit, ac
compotem Virum illius virtutis efficit, utpote Saturnalis. In
Selenite lapide ſemper Lunæ imago reperitur, & qui ar-
genteo filo circumdatam tulerit, lunaris efficitur. Saphy-
ro variæ imprimuntur animalium figuræ, ut horum mor-
ſus ſanet. Hyacintho fulgura, ut ab eorum fragore geren-
tes reddat ſotos. Corneolo variæ diverſæque ob variam, &
diverſam ejus virtutem & operationem, qui lapis facilis

est sculpturæ, & inventionis, unde filios Israël in deserto horum multitudinem sculpsisse fertur. Jam exempla retulimus, quomodo aptis lapidum operationibus, aptæ cœlorum configurationes scribi debeant. Sunt quoque qui annulos, quibus clauduntur lapides, è metallis effingunt, addictis Planetæ illi, ut faciliorem contrahant operandi facultatem: uti Saturni è plumbo, Solis ex Auro, Lunæ ex Argento, Saturnus generis solaris, vel lunaris evadat, quod non nisi profuturum existimo.

Electiões in scribendis lapidibus necessariæ.

Sed majorem è cœlo virtutem suscipere, & præcipere dicunt, si statis temporibus, & opportunis inscribantur: sic enim animantur magisque iis influunt sidere configurationes: & hoc fundamentum & radicem statuunt omnium: nam si amorem excitare cupis aptis & benevolis aspectibus: si odium accendere, iniquis & destruentibus utere, affectuque cognito tempus præparatur: nam si Veneris, vel Saturni imagines facere constituunt, illam taurum, libram, alterum aquarium, vel capricornum subire expectant, & veritas pateat, in eorum sculpturis in leone Solem, in cancro Lunam, in geminis & virgine Mercurium reperimus. Sic in Leonis, vel Cancri figuram inscribere volentes, in eis Solem & Lunam vagari cernunt, & illico inscribunt, præcipuè id tamen cavent, ut Luna immunis, & ab omni sit impedimento libera, utpote Martis, Saturnique, vel Solis combustionis. Præterea mentem adhibent, ne cursu vacuo, sed crescens, & velox, nec insigni calce reperiatur (sæpè enim infortunarum termini sunt) in felici sede conspiciant eam fortunæ trigono, vel hexagono ascendens in ortus cardine, vel cœli culmine, non in cadentibus: non fit declinans, dolet enim tunc Planeta, & torpet ascendentia signa diurna die, noctu verò nocturna, ut facilius repotiatur, nec impedimentum afferre possit. Contrà præposterè procedas, si odium vel infirmitatem inducere molieris, cum signorum figuram inscribere quærant, non minus per triplicitates sequentes invenies. Nam ex Ariete, Leone & Sagittario prima constat triplicitas, quorum in die Sol dominus, in nocte Jupiter, in crepusculis autem frigidificum Saturni sidus: & talibus signis, & sculpturis frigidis medebantur ægritudinibus, Hydropisi & Paralyti: sic secundum reliquas triplicitates reliqua inscribunt signa,

signa, aliis medentia infirmitatibus. Id tamen non omit-
tam, quod testantur omnes seculorum turbæ, eorum vir-
tutem elanguescere, & extinguui. Ideò quæ à majoribus
factitata, nunc irrita prorsus, & varia conspiciuntur. *Idem.*

DE GEMMIS IN SPECIE & primò de gemmis candidis.

C A P. II.

Adamantis proba.

ADAMAS in tantum dissidet cum Magnete, Indico
præsertim, ut juxtà positus, vel secundum Albertum,
suppositus, aut superpositus, ex quorundam senten-
tia ferrum non patiat ab eo attrahi, & rapi; vel si ap-
prehenderit auferat. Quo argumento probari poterunt veri
Adamantes ab adulterinis, qui hodie multi sunt. Sed eam
antipathiam hodierna negat experientia; nisi omninò falsi
sunt Adamantes. *Mizaldus.*

Adamas quomodo fingatur.

Primò omnium parabis Crystallum, ac in ollâ Vitratio-
rum fornaci per noctem indito, in aqua restinguito, tum
minutissimè commolito, terito, cum Tartari sale remisce-
to, & ex aqua in pilulas cogito, quæ per noctem ferven-
tissimo immorantes igni candeant, ne tamen colliquantur.
Post detrahe, & in aliud contumacius ignis vas dimitte,
ubi binis immorentur diebus, & optimum habebis Ada-
mantem. *Porta.*

Tinctura Adamantibus tam veris quàm adulteri- nis subjicienda.

Accipe fumum ex candela pelvi supposita, & cum O-
leo mastichino fiat mixtura, quæ in annuli pala Adaman-
ti subjiciatur. *Alexius.*

Adamas quomodo expoliatur.

Non ab alio ferme, quàm à sua scobe atteritur, & ex-
politur Adamas, ob duritiem. *Cardanus.*

Ad fingendas Margaritas.

Margaritas & Uniones sic finges. Accipe candidos la-
pillos

pillos ex capitibus, vel oculis Piscium: quos munda, sicca, pulvera, & agitatis, despumatisque Ovorum albuminibus excipe, misce, ac tamdiu move, donec fiat velut massa, & spissamentum: ex quo Unionum corpuscula, dum recens, & tractabilis est materia, effinge, & setâ suillâ fiat foramen, transfigendo. Tum demum resiccata coque in lacte vaccino, & secreto loco procul à Sole & pulvere iterum sicca, donec perfectam duritiem induerint. Videbis, quod placuisse queat. *Mizaldus.*

*Modus conficiendi Margaritas naturalibus
similes.*

Accipe Cretæ mundæ ejus, quâ vasa confici solent, formentur orbiculi perforati, magni vel parvi, ut tibi videbitur, deinde siccentur ad Solem, vel quod melius erit, in fornace aliqua: quoniam sic duriores efficiuntur. Quo facto, Bolo Armenâ, ex Ovi albo leviter admodum tingantur, deinde Argenti foliis obducantur, ut prius aquâ maduerint, siccatae autem dente lævigentur, & splendorem assument. Hoc facto sumito frustula Membranæ candidæ, eaque aquâ tepenti lavato, donec aliquantulum aqua spissetur, deinde subtiliter percolato, qua cum uti voles, tepida sit, oportet. His peractis, singulos Uniones acu sive alio stylo tenuissimo per suum foramen figito, sic tamen ne foramen obturetur: mox in illa aqua, in qua membrana dissoluta est immergito, atque illico extrahito, & in omnes partes versato, ut glutinosus ille liquor æqualiter circa Unionem diffundatur. Quod si non satis magnus videtur, immersionem iterato, sic candor ille argenteus per hujus liquorem tenuissimum melius pellucebit, ita ut naturalis prorsus Margarita esse videatur. Quod si etiam cum naturali conferantur, semper pulchriores conspicientur, quoniam nitidiores rotundioresque sunt. *Alexius.*

*Margaritas itidem confractas in unam
conglobare.*

In Margaritis adhibenda est non parva diligentia, cum maximè ab omnibus, & præcipuè mulieribus expetantur, uti luxus & deliciarum irritamenta, & collo magnitudine insignes, & semiunciales lapillorum orbiculi, uti Crotala gestentur, & adeo adulteratæ concinnam formam mentiantur, ut tales Indicus non mittat Oceanus, nec quæ in con-

chis

chis nascuntur proximis. Ut institutum autem opus exequamur, primò ne labe aliqua, vel sordibus deturpentur, quibus obscuras reddes; Sacculo cum Smiri, Pumicis, Sepiæ ossis pulveribus injiciantur, & ex aqua manibus tractentur, dum elotas & politas cognoveris, resiccato, & in pollinem redigito, & dissolvantur, vel Limonum succo, vel hujusmodi vapore surgente, pendentes è vitrei vasis collo per diem, vel forti Aquâ, non Vulgari tractabiles fiant: melius ergo sub Fimo condito, quinis semper diebus innovando, dum solutas noveris, & pingue quoddam, velut oleum per humoris superficiem enatare videbis, optimè excipiat, vel veteris foramine, vel argenteo cochleari: inde remollitum pulverem manibus submittes, & tractando in orbes digeres, instar pyrorum turbinatorum: siquæ tua non respondet ars, ex argento parato typos, vel alio metallo auratos, & si margaritas dein pertusas velis, Porci setâ, vel argentea acu perforentur, servatâ semper pinguedine, perungendo è filo pendentes, tereti vase vitreo claudito, & Soli exhibeto pauculis diebus, ut assentur, ne latera contingant, ut à ventis, pulveris, rerumque aliorum injuriis vindicemus, ne obnubilentur, & variis obnoxia maculis Margaritæ reddantur, cum duritiem contraxisse vides, ex Milii, vel Hordei pinsitâ farinâ, pistorio opere in panificio ducta, circumlitas, & conditas furno coqui finito, vel Palumbis Margaritas commanducandas præbeto, quibus purgata sint prius viscera, & ventriculus, vel qui jejuni sint, aut alvum habent subductam: Ubi deglutierint, finito aliquantisper: tum è ventre trahito, vel filo suspensorum, vel aliter intersectorum. Vel Margaritæ in lacte Ficûs ebulliant, & preciosas eas habebis. Si aliter placuerit, ubi succo Limonum, vel forti Aquâ sunt dissolutæ, clarâ lavabis lymphâ, vel distillatâ; lotisque manibus, ne tractando sordescant, & palleant. Sic lacteo Fici succo cochlearum aquâ, ferventi balneo distillatâ, aut Ovi albore glutinabis, perforabis & resiccare curabis, argenteâ lavando semper aquâ, & commiscendo. Aquam Argenti sic parabis. Forti aqua solutum fatiscat purgatum Argentum, levibus prunis evolet aqua, partem tertiam relinquendo, mox ab igne vas tractum dimittito, deinde sub dio noctu relinquito, donec glaciatur, & ita Argentum in crystallini lapilli speciem conversum reperiens; quod probè ablues fontis aquâ, ut lucidiores dein conspiciantur, quos vitreo condes

des vase, ac putri fimo solvere sinas, quo mergas factitios Uniones, & immorari finito, & lucidos argenteo colore pellucenti reperies. Est artificium, quo maculæ ab Unionibus abolentur, & inter multa facile, & præstantissimum reperi. Majo mense in Lactucis rorem accipias sparsum, quo Uniones immergas per diem, & perlinito, & fulgida evadet Margarita, non absque ratione inventum reor; rore enim nascuntur. Nam certo anni tempore luxuriante conceptum sitiunt rorem, veluti maritum, cujus desiderio hiant, & cum maximè lunares liquantur aspergines, oscitatione quadam hauriunt humorem cupitum, sic concipiunt, gravidæque fiunt, ac de faginæ qualitate reddunt habitum Unionum; nam si pura fuerit, candicant lapilli, si turbida, pallore languent, & rubescunt. *Joan. Bapt. Porta.*

Margaritæ quomodo dissolvantur.

Ut Margaritas dissolvas, ipsas integras lava, succumque Limonum bis aut ter cola, inde merge, & Soli expone: in quinque aut sex diebus colliquantur, ut Mellis, quod ad substantiam attinet, similitudinem referant. Possunt etiam Aceto stillatitio liquari. *Cardanus.*

Calcedonius quomodo fingatur.

Cum igni ad colliquefaciendam CrySTALLUM immittes, Argenti calcis parum remisceto per diem fornaci immorari finito, sic pars internitebit, pars autem innubilabitur, & hebes erit. *Porta.*

DE SECRETIS GEMMARUM nigrarum.

C A P. III.

Ad Succinum fingendum.

SUCCINUM, seu Ambram hunc in modum finges & simulabis. Accipe CrySTALLUM in tenuissimum pollinem redactam, & Ovorum albumina, exclusis germinibus, tamdiu agitata, & despumata, donec in aquam solvantur. Illis supradictum pulverem immisce, & coagita, addito momento Croci subtiliter pulverati, si luteam Ambram tibi comparare satagis. Tum demum omnia hæc in fistulam arun-

arundinaceam, vel intestinum aliquod, seu ampullam vitream injice, ac ferventi aquæ tantisper committe, dum solidam & duram consistentiam adeptam fuisse deprehendes. Extracta super marmore expoli, & in quam visum erit formam effinge. Si sphærulas precarias habere satagis, aut gladii capulum, perfora antequam siccescat, postea Soli expone. Poteris pro concepto voto, & arbitrio alias colores miscere, & ita lapides preciosis affines perbellè mentiri. Sed tum ante coctionem percolanda erit materia, ut corpus gemmæ diaphanum sit, ac pellucidum. *Ex secreto artificio cujusdam ingeniosissimi amici mei. Mizaldus.*

Ad Succinum fingendum aliter.

Succinum imitaberis, si Mastichen in olla liquidam per colum trajeceris, ut sordibus expurgetur, & lucidior interniteat; parum deinde radicis, Curcumæ dictæ, cum ea remisceto, & imagines efformato. Habebis etiam, si in CrySTALLUM liquefactam Tartarum Vini albi crudum immittitur, & in vase ore circumlito, per naturalem diem igni detinetur. *Joan. Bapt. Porta.*

Succinum quomodo lique scat.

Succinum seu Ambra digitis, ac si esset Lutum facile tractari poterit ac fingi, si in Ceram effervescentem, & despumatam projiciatur. Nam illinc adeò mollis, & tractabilis reducetur, ut etiam in sigillis commodè uti possis, aut rebus aliis, quas formare tibi visum erit. *Accepit à quodam ingenioso plaste & lapidario Mizaldus.*

DE SECRETIS GEMMARUM rubrarum.

C A P. IV.

Ad Rubinum fingendum.

SUNT qui Rubinum ad hunc fingant modum: accipiunt Salis alkalis vocati uncias quatuor, pulveris CrySTALLI uncias tres, battituræ Æris sic nuncupatæ in officinis Italicis, unciam semis & Foliorum Auri grana sex. Miscentur omnia, & fusorio Aurifabrorum vasculo deliquescunt ad ignem reverberationis appellatum. Ubi in ipsomet igne elanguescente refrixit vasculum, frangitur, & materia ex eo secluditur, lapidarioque artifice formanda, & expolien-
da

da traditur, ac postremò includenda Auro, celebri Gemmario committitur. De quovis alio lapidis colore idem licebit tibi experiri, tantisper dum variam rerum istarum methodum, & sylvam à nobis aliquando accipies. *Mizald.*

Carbunculus quomodo fiat.

Si autem Carbunculus, vel, quem vocant, Rubinus placuerit, sic mentieris, ludi gratiâ: friabiles enim sunt, multumque cedunt, & particulas diffilientes faciliè habent. Tritum Auripigmentum in rotundam immittes phialam, & igni accommodabis, inque ejus vasis collo reperies optimos, & colore flagrantissimos, quique multum suffunduntur Cocci rubore, rutilos emittentes ex sese radios. *Joan. Bapt. Porta.*

Modus efficiendi Rubinos.

Quòd si Rubinos efficere voles, sumito gummi Arabici, Aluminis Zuccharini, Aluminis rupini, singulorum partem unam, misceantur & coquantur, in aqua communi addendo aliquantulum verzini, minutatim incisi, Aluminis catini, quantum fatis est (quantò enim plus ponitur, eò etiam obscurior redditur color) quò Masticis lachryma tingatur. Quod cum factum fuerit, sumito duo paria frustula CrySTALLI ad rotam expolita, quâ voles formâ, & magnitudine, ita tamen ut superius frustum sit inferiori terminus: sintque non secus agglutinata, & ab omni parte conjuncta, quàm cum digito unguis. Horum alterum, nempe inferius in pala ferrea super carbones ponito, donec calefiat: deinde prædictâ tinctâ lachrymâ in stylo positâ, & calenti, ut fluere possit, tingito quantum fatis esse videtur: mox alteram partem, nempe subtiliorem calidam, alteri superimponito, & sic agglutinabitur perfectè absque densitate aliqua, & erit ab omni parte pellucida gemma. *Alexius.*

Pyropus quomodo fingatur.

At Carbunculi, quæ Græcis *Pyropus*, nobis *Rubinus* dicitur, & magis fulci speciem, quæ Granata dicitur, sic efficiamus, quæ purpureâ micet alacritate, aut vivaciore etiam suffundatur cocceo rubore per omnem intimam sui partem; quam si puram feceris, inoffensam admittet perspicuitatem. CrySTALLUM in fusorio vase forti ad colliquefaciendum fornaci imponito, cui Minii parum addito, &
per

per diem immorari finito, postero die detrahito, & refrigerari finito; postea pilâ tundatur, & cribro excutiat, quibus quàm minimum in calcem redacti Æris addimus, igni iterum imponimus, & in colliquatum hujus pulveris sequentis parum addimus. Igne fustum Stannum triduo detineatur, & croceum, quod pessum ierit, ne amplius eluvies illa innatet, remisceto, & per naturalem diem ferro versato, & nunquam cessa, quin verses, quousque refrigerit: sic languidiùs, & lividiùs omnes rutilabunt, uti libuerit. *Joan. Bapt. Porta.*

Ad fingendum Lapidem Amethystum.

Si Amethystum lapidem velis fingere: accipe salis Alkali vocati uncias tres, Crystalli pulverati uncias quatuor, & limaturæ Æris unciam semis. Liquecant omnia forti igne in vasculo Aurifabrorum, & ubi perfrikerit materia, fracto vasculo educatur. *Mizaldus.*

Hyacinthus arte quomodo fiat.

Fictili ollâ & durâ Plumbum immittatur, ac Vitrariorum fornacis igni immittatur, inibi que teneatur per mensem & dimidium, sic Vitrum adipiscetur hyacinthinum colorem naturalem: multumque gloriaberis, quod non factitia deprehendatur, quæ loco inter istas habetur princepe. *Joan. Bapt. Porta.*

Chrysolitus quomodo fingatur.

Chrysolitus sic fiet. In colliquatam Crystallum sextuplum Ferri stercoreis, vel excrementi permisceas, & pertinaciori igne vas crucietur tridui spacio. *Idem.*

Ad Balagios subtiles densandos.

Balagii æquè subtiles, ut charta, in hunc modum augeri possunt: Sumito Crystallum optimam colore Balagii tinctam, granum Masticeis unum, & in cultelli, lignive mucrone ad ignem ponito, donec lachrymam Margaritæ similem reddet, qua cum Balagio Crystallum agglutinato. Nam ea lachryma conglutinat sine corpore, nec colorem mutat. Crystallum verò talem expoliendam, & illustrandam, atque demum in annulo figendam tradito: & erit pulcherrima, ac si tota Balagium esset. *Alexius.*

Ad Corallium ementiendum.

Corallium ingenioso artificio ad hunc mentieris modum.

dum. Cornua Hirci deraſa in pulverem & ſcobem converte, eaſque forti lixivio, ex lignis Fraxini compoſito, diebus quindecim infunde. Poſtea extrahe, & Cinnabari in aqua ſolutæ miſce, & lento igni committe, ut fiat ſpiſſamentum. Id ſi veri Corallii præ ſe feret colorem, in quas viſum erit formas effinge, ſicca, & ſecundum artem expoli. Experimentum conſtat. *Mizaldus.*

Corallium in formulas digerere, & è multis fragmentis unum efformare.

Sæpè uſu venit, ut multa fingantur ex Corallio geſtamina, & nonnunquam ex aſſulis in plures formas digeſtum reddatur, ut vaſa efformentur, cæteraſque concretitia, ut in teſtæ duritiem tranſeant, nec minimi conſurgunt pretii, ideò ritè rationem parandi exhibeamus, cum à multis hujusmodi compoſitiones flagitentur, ſi optimè curabis, à marino parum differre ſcito. Optimorum Coralliorum, quæ eximiè rubent, ramenta, vel ſcidia pilâ tundantur, vel molâ, incerniculo ſuccreta, quæque non tranſmeant, denuò pilâ tundantur dum in tenuiſſimum redigantur pulverem, ut autem abſtergatur ſpurcitia, ferventi in aqua Sal alcali demergatur, ut liqueſcat in humorem; In Aquam hanc crateri infuſam ubi pulveres injeceris, diligenter manibus exagita, ac probè verſa. Poſtea ubi conſidere deſierint, excolato, & priore aquâ effuſâ, alia ſuperinfundatur, manuque expanſa denuò exagitentur, uſque dum ſordes omnes abierint; deinde copioſa aqua perfuſa ſimplici tractentur tamdiu, donec ſal abeat totum, & aqua falſilaginem non ampliùs ſapiat, cum hoc agnoveris, ahenò tranſferas unâ cum rebus maximè tingentibus, ut pronioreſ ad colorandum reddantur, qualis eſt Cinnabaris, Sanguis draconis, Minium, Hæmatites, Bolus armenas, Rubrica, Coccus Baphica, Santalum, Braſile, Eritrodani radices, & ſimilia, largè affuſa Limonum ſucco, quem priùs parato, & purgato vel penicillis, vel vitreis Chymiſtarum organis, coquito dum aliquid habuerint humoris, ſæpè rudiculâ, vel cochleari vertendo, ut permisceantur in vitrum: deinde tranſfero materiam cum reliquo ſucco, ut ipſius acrimonia ſolvatur, in vaſ longi colli, lati alvei, in cujus medio promineat foramen, quod ſerè contingat mixturam, rectè permiscendo, vaſ fimo condito, ac innovato, dum diſſolvantur, quod

hujus-

hujusmodi argumento percipere licet, dum guttatim Oleum rubicundissimum emergere conspicias indies: ubi abundaveris, vas inclinando oleum decapula, servato & mixturam manibus tractabilem, & mollem accipito, manus autem munire primùm lardo, vel adipe aliquo oportet, nam inhærescens pertinaciter vix convellitur. Tunc vas efformato, imagines, aut ramosissimum effinge, primoque ruderatum deformatum calenti Soli expone, cave-to, ne pulvere ventoque infestetur, vel superficiem deturpet vel in phialis in fimo condito, servato semper oleo perungendo: puniceum enim illum colorem conciliat, ac paulatim sic corallium lapidescens, in duritiem redit pristina-m; & sonum, nitoremque ei induces expoliendo, vel leviter lævigando, sic faciliè peculiari, nativæque constitutioni restituetur. *Joan. Bapt. Porta.*

Corallium ut lique scat.

Corallium Berberorum succo, ut Uniones aceto, colliquescit. De cujus liquore cochlear assumptum, Dysenteriam curat. Utrunque astringit, & refrigerat, sanguinis excretionem coërcet, & stomachum laxum, languidumque roborat, ut *Dioscorides, Galenus, & Medici* omnes testantur.

DE SECRETIS GEMMARUM

viridium. CAP. V.

Smaragdus quomodo fingatur.

SMARAGDUS effingitur, si tali eum parabis modo. Æs optimum in fornace per triduum comburitur, detrahitur, pilâ contunditur, & succernitur, dein vas cum communi oleo iterum fornaci imponitur: igni verò imbecilliori, per quatuor immoretur dies cum dupla arenæ, ex qua vitrum conficitur. Hinc in duro vase remissiori igni committatur per diei medietatem, & crassius virentem reperiēs, visu jucundissimum Smaragdum fictum, ut suaviter oculos alliciat. *Porta.*

Smaragdi aliqꝫ lapides preciosi quomodo conficiendi.

Accipe Salis alcali quantum satis est, dissolvatur in aqua: deinde coletur per pannum è lana confectum, & siccetur, & postea rursus in aqua dissolvatur, ac siccetur.

Kk

Quod

Quod cum tertio factum fuerit, fiat pulvis, cui addatur Cryſtalli in pollinem redactæ, & à Pharmacopolis cribratæ unc. duas & ſemis, Salis alcali unc. duas, Floris Æris in aceto infuſi atque colati unc. unam, ponantur in vas aliquod vitreatum novum, optimè luto obductum, clauſumque, ne quovis modo reſpiret: deinde cum in fornace Figuli, vel Vitriarii per horas vigintiquatuor fuerint, auferantur, fientque Gemmæ ſecundum artem, præcioſis ſimiles. *Alexius.*

Topazion quomodo fingatur.

Si vis componere Topazion: arenam ſumito, & cum ejus quadruplo combuſtum immiſceas Stannum, & in teſtaceo duro vaſe lento fornacium igni adhibe ibi per diem tenendo indefinenter: valdè enim arena fuſibilis eſt. *Porta.*

Ad Topazium ementiendum.

Ovorum albumina vivæ Calci admixta, cum Croci pulvere diu agitata adeò dura evadunt intra menſem, ut Topazii gemmam ementiri poſſint; ſi orbiculari incluſa typo ſiccantur, excluſa perpoliantur & annulo accuratè committantur. Ex Italo quopiam. *Mizaldus.*

Præſius quomodo fingatur.

Sic quoque Præſius fit adulterinus: Cryſtallus colliquetur, cui duodecima immiſcetur Ferri, & Æris in Calcem bis redacti pars, per artificialem diem ſuper ignem ferreâ rudiculâ permisceto ſine intermiſſione, & Smaragdo eveniet ſimilis, ſi dilutioris peroptas coloris, ſextum immiſceas Plumbo Calcis & Stanni: poſt verſato, & igni per naturalem diem committito, mox ab igne amotum vas, ubi refrikerit, Præſium dabit. *Joan. Bapt. Porta.*

Cyanus quomodo fingatur.

Lapidem Cyanum ſi effingere velis: In liquefactum Cryſtallum terræ illius puſillum immittas, quam in Saphyro indicabimus, ritè firmâ rudiculâ permiscendo, dum combibat, & per diem relinquatur, paria dein Argenti calcis pondera remisceto, per æquale tempus in igne detinendo. *Idem.*

DE SECRETIS GEMMARUM
cœrulearum. CAP. VI.*Turchesia Lapis.*

TURCHESIAM annulo gestatam, si ex equo cadat homo, excipere omnem ictum creditur, atque frangi etiam in frustra, servato homine: adjiciunt, oportere dono esse acceptum. Lapis hic colore cœli conspicuus est, nitetque. Probatur autem, quod nocte subviridis videatur, quod pars averſa, & quæ in imo est, nigra sit, quod venas ex inferiore parte recipiat, quod levis sit, nec admodum frigidus, quod denique diluta calx ei superposita cœrulea videatur, coloremque gemmæ excipiat. Et cum talis etiam fuerit, nec perspicuus, nec gemma; lima tangitur. Quin etiam ignibus propè admotus efflorescit color, & solo manuum udo flaccescit, & diluitur. *Cardanus.*

Saphyrus quomodo fingatur.

Saphyri facilis est tinctura talis. Si vitri pulvis cum cœrulea terra illa, quam figuli *Zapharum* vocant, portionis semisse mixtus, fornaci inditur, & triduo requiescere patris vase forti, tunc perficitur. *Porta.*

Saphyrus ut in Adamantem commutetur.

Hoc Secretum gemmarum commune esse videtur: nam uno tantum modo ferè omnes utuntur, qui quidem mihi non improbatur. Verum ubi eum, quo utuntur ipsi, posuero, alium multò præstantiorem apponam. Primum omnium scobem Ferri, Aurivæ sumunt: major tamen pars Auri scobe utitur: credunt enim ad hoc aptiorem esse quod majoris sit pretii, sed falluntur cum Ferri scobs longè sit aptior. Hanc scobem in crucibulis ad ignem ponunt, donec non liqueſcat quidem, sed candere rube-re incipiat. Deinde Saphyros diluti coloris, & albicantes in ea sepe liunt, sinuntque non diu: mox exemptos (siquidem verum Adamantis colorem nondum attraxerunt) rursus imponunt: hocque toties faciunt, donec verum perfectumque acquirant colorem. Quo facto, in annulis ligant, ubi prius pala eorum supradicta tinctura illita fuerit. *Alexius.*

Aliud ad idem, multò perfectius.

Accipe Enchausti albi, quod *Smaltum* vulgò vocant,
K k 2 subti-

subtilissimè contriti, scobis Ferri Aurive, singulorum partem unam, misce: deinde Saphyrum sumito, & Smalto puro, cum saliva in pastæ formam redacto, obducito, beneque ad ignem exiccato. Hoc facto, filo ferreo tenui, & recocto, Saphyrum vinciunt, ut ex igne manu filo capto, extrahi possit: & sic vinctum in dicta Ferri scobe, enchaustoque rubenti condunt, sinuntque ad ignem aliquandiu, ut suprâ est dictum; deinde eximunt, & si colorem verum nondum assumserit, rursusque condunt, donec perfectum, ac verum acquirat colorem. *Idem.*

Saphyrum in Adamantem vertere.

Si placeat Saphyrum in Adamantem vertere: Saphyrum sumito dilutioris coloris, ut ferè albedinem retineat, eum in Ferri eliminata scobe fusorio in vase obruito, ac validissimo igne ubi excanduerit, (ne tamen colliquetur, neque plus, quàm deceat igne detineatur) & perfectum recepit colorem, de Adamante scilicet multum fuerit mutatus tum ab igne detrahe, & in usum transfer. *Porta.*

Adamas quomodo mollescat.

Adamas, qui etiam incudes (*Plinio teste,*) respuit, mollescere ac solvi fertur sanguine calido Hirco, modò aliquandiu antè vinum biberit, ac Petroselinum, vel montanum ille Siler comederit. *Albertus.*

DE SECRETIS GEMMARUM ad Sculpturam aptarum.

C A P. VII.

Sardonix albus quomodo fiat.

ALBUS Sardonix, quem alii *Cameum* vocant, si fieri debeat, imitarique eum velis, hunc observa modum: Conchas terito multas, parvas illas, quibus mulieres facies fucant, & expoliunt ornamenti causâ, & Limonum purgato succo imposito, ac dies decem fimo obruito, & lotam mixturam Ovi albore super porphyritem terito, & quamvis imaginem effingi, & resiccati curabis, factam tamen sic lapidis materiam annulo infigere etiam poteris, ut libuerit. *Porta.*

Ad formandos lapides Carmenos.

Accipe Cochlearum marinarum albarum optimè tritarum quantum volueris. ponantur in succo malorum Limoniorum, quinquies vel sexies, per pannum è lana, quem filtrum vocant, colato ut ad digitos tres, vel quatuor emineat, & relinquatur sic per dies decem in vase probè cooperto. Quo facto, succus sensim effundatur, & residuum in fundo aquâ fontanâ lavetur: deinde super lapide porphyrite conteratur optimè, cum Ovorum albis prius diligenter contulis. Quum aut materia, ut voles, liquida fuerit, ut ad formas recipiendas apta esse videatur, sumito typos concavos, eosque dulcium Amygdalarum oleo inungito, atque in eos typos materiam efformato, haud secus, ac si cera esset. Verùm antequam ex typis eximatur, typi sunt diligenter componendi, illâ præfertim parte, in qua imagunculi in plano collocantur: cultelli igitur acumine postquam erit efformata, erit eximenda, inque papyro ad Solem ponenda, donec sicca fuerit. Quum verò Crystallo nigrâ sive Carneolæ aliòve lapillo affigere voles, granum mastiches sumito, cultello aut ligneo stylo granum affixum igni admoveto: ubi verò lachrymam stillare videbis, eâ sic fervente imagunculam & lapillum eâ parte, quâ agglutinantur, calefacta esse oportet: nam frigida non rectè adglutinari possent. Quòd si dictam materiam aliquo colore tinctam esse volueris, postquam è succo Limoniorum exemeris, quemvis cum Ovi albo colorem simul terendo admiscere poteris, sed colores oportet esse tenuissimos, alioqui materia neque solida fieret, neque ad formas effingendas apta. Qui autem in hac materia se exercere probè noverit, res pulcherrimas conficiet, non modò in Carmenis aliisve annulorum lapillis, verùm etiam in omni alio imaguncularum genere, tam eminentium, quàm concavarum. *Alex.*

Gemmæ, quâ arte calentur.

Gemmæ cælantur & terebrantur mirâ arte. Hæc autem est: Rota magna lignea funiculo circumambitur, eodemque rursus parva quæ magnæ superstat, eâ ratione, quâ à latere descriptas vides. Cum igitur tanta portio A. B. C. quæ sit A. B. quanta est D. E. F. tota circumagitur, vertitur



G. parva rota. Quoties igitur A. B. continetur in A. B. C. toties in una conversione rotæ majoris, quæ vocetur H. parva rota D. E. F. circumversabitur. Igitur qualis proportio magnitudinis ambitus H. vel axis ad ambitum G. vel axem, talis erit numeri revolutionum G. ad revolutiones H. igitur G. maximo impetu circumagetur, quia in brevissimo temporis spacio: quare axis G. K. terebrabit & comminuet gemmas. Ea ratione factis in G. denti-

culis, qui axem alterius rotæ circumagant, dentibus illius implicati, quò rota major esset, eò velocius revolvetur. *Cardanus.*

Smaltum quomodo fingatur.

Si vis lapidem, quem vocant vulgò Smaltum, & album, sic fiat: Plumbi cinis cum crySTALLINI pulveris duplo permisceto, in pilulas conglobato, & per noctem lento imponas igni, præcave tamen, ne res inhæreat vasi, ferri spathâ permisce, & colliquationis ignem auge, & fiet. Si vis ut hinc interniteat, hinc verò albescat, è dicta terra cum vitri duplo ex aqua globulos effingito, ac per noctem in reciprocationis igne apto vase liquato, rude aliquando ferreâ permiscendo, sic translucidæ partes, & hebetes parvo ejus orbiculo deprehenduntur. Si vis autem viride, quo solent parietes incrustari, ubi album effeceris, cum terræ cœruleæ illius pusillo misceas, & colliques, rude ferreâ agitando per noctem, & fiet. Horum exemplo reliquos tuo Marte effingere poteris, ut si Jaspidem, antiqui Lateris pulvere: si lacteo colore, Calce & Gypso. Omnes hæ tamen gemmæ si languidiùs micant, vel nube aliquâ circumfunduntur, angulis atterantur pluribus, ut nubilus color angulorum percussu excitetur, & ad nitorem accedant pinguiores. *Porta.*

DE SECRETIS GEMMARUM
ad Sculpturam ineptarum.

CAP. IIX.

Adamas ut fiat ex Saphyro.

SAPHYRUM coloris dilutioris in Adamantem convertes si scobe, seu limaturâ Ferri obrutum, in vase fusorio tamdiu validissimo igni exponas, donec incandescat. Ubi perfectum admiserit colorem, & ab Adamante plurimum fuerit mutuatus, tum demum extrahetur, repolietur, ac annulo affabrè inferetur. A quodam Aurifabro accepi. *Mizald.*

DE SECRETIS MINUS PRE-
ciosis. CAP. IX.*Lapides duri, ut pugno frangantur.*

LAPIDEM frangimus palmi crassitudine, quem malleo frustra quando tentare licet, solo pugno. Ea res sic se habet: Lapis extenditur super planum ligneum, melius super lapideum elevatur ab altero capite, sic ut solum sustinetur, nullâ vi adhibitâ, inde pugno elata percutitur, quo ictu alliditur simul plano, & in multa frusta frangitur. Quod si celerius feriat pugnus, aut ferius, quàm extremam lapidis tabulam tetigeris, irrita evadit percussio, nec frangitur. Ita etiam levi ictu lateres fregimus. Cum enim extremum simul cum vi ictus tabulæ illisum fuerit, pondus jungitur cum impetu, & fit non secus, ac malleo ictu vehementi percuteretur. Sed jam placet hoc demonstrare. Sit planum A. B. lapis in eo erectus C. D. impellaturque adeò violenter hic super A. B. ut aër, qui est medio è directo- A B que sub E. dilabi nequeat. Omnis enim motus tempore indiget. Cum igitur non dilabitur, necessario lapidem franget: quia duo corpora penetrare se non possunt, nisi quod solidum est scindatur. Manifestum igitur ex hoc, quod quanto lapis latior fuerit, & planum utriusque æquale, & quanto magis lapidem elevamus, & celerius erit ictus, eò facilius frangetur. Vidimus autem, qui super fune positum frangerent. *Cardanus.*

Ut lapides quivis mollescant.

Lapides quivis facile mollescunt, si illos in sanguine calido Bovis, & pinguedine Vervecis, cum forti Aceto pernoctare concesseris. *Mizaldus.*

Ad frangenda Saxa.

Refert *Olaus Magnus*, non aliâ re magis saxa frangi, quàm lardo accenso. Quod verisimile est, quoniam pingue humidum salique admixtum flammam diu acrem & efficacem retinet.

Lapis ignem humido quovis excitans.

Magnetem lapidem in ollam, vel aliud consimile vas conjice, vivâ Calce immersum: meliusque fuerit, si Colophoniam adjeceris cum Calcis pari portione: cum vas expleveris, figulari cretâ circumlito spissamento, fornaci alternis eadem ignibus calcina, donec vehementer inalbuerit, cum opus fuerit, aqua vel saliva superinfusa flammam excitato, quâ sopitâ, loco calido ad usum recondito. *Joan. Bapt. Porta.*

Lapidis conficiendi ratio, qui sputo madefactus flammam edat.

Accipe Calcis vivæ, Salnitri purissimi, Tutie Alexandrinæ non præparatæ, Calamitæ singulorum partem unam, Sulphuris vivi, Caphuræ singulorum partes duas: redigantur in pulverem tenuissimum omnia, cribrenturque, deinde pulvis in panno linteo novo, probè constringatur, atque in crucibulo ponatur, mox aliud crucibulum superaddatur, atque filis ferreis, & luto sapientiæ, optimè concludantur, ne ullo modo respirare possit, & ad Solem sicetur. Quibus factis, ponantur crucibula in fornace laterariâ, vel figulinâ, donec comburatur materia: quibus deinde ablatis, invenies materiam lateritio colore, & perfectam. Quæ cum gutta aquæ, vel sputo madefacta erit, statim Sulphure adhibito, flammam edit, quæ flatu deinde extinguitur. *Albertus.*

Alia faciendi ratio.

Sic aliter idem hoc efficies. Sumatur Magnetis lapidis prænarrata Calx, Salnitri sæpè purgati quadruplum, æquale pondus Camphoræ, vivi Sulphuris ignem nondum experti & Terebinthinæ resinæ oleum, & Vini fecis concretæ, quas semper Tartarum vocabimus, hæc omnia mola, vel pila trita

trita cribrentur : quæ infracta supersunt , denuò terantur , cribrenturque , insuper austeri Vini Ardentem aquam paratam habeas , eamque infundas , ut superemineat : vitreo vase condito , operculato , ne halitum expiret , fimo supponatur duobus vel tribus mensibus , denis vicissim diebus innovando , donec mellis crassamentum imitetur , nec ullum divisionis iudicium præbeat , flagranti inde carbone infervescat , dum humiditas omnis evolet , & penitus siccata in lapidem coeat . Si hoc cognoveris , vas frange , & exemptam iterum terito compositionem , aquâ vel humore aliquo leviter superinfuso , flamma erigetur , & inter omnes principem hæc sibi vendicat locum. *Porta.*

Lapis qui salivâ accenditur.

Constat ex libris tribus Calcis vivæ , Picis græcæ unciis tribus , & Herculei lapidis uncia : coquuntur trita in olla fictili lateribus conclusa , inde sepelitur in Oleo laurino per dies quindecim , tum servatur in sicco. *Cardanus.*

Aliter.

Si vivi Sulphuris , Salnitri purgati pari pondere , Camphoræ duplum , novæ Calci addantur , ac omnia mortario conterantur , usque adeò tenuia , ut in auram evolare possint simul strictè linteolo deligata , convolvantur , testaceo vase clausa , superillita argilla , ferventi desiccantur Sole , hinc figulorum imponatur fornaci , cumque figulinum vas fuerit excoctum , in quo maxima est adhibenda diligentia , in lapidis duritiem quoque coibunt , & redigentur ; extracta verò hinc ad usum adhibebuntur. *Porta.*

Lapis Bufonis ut eliciatur.

Lapidem ex Bufone (qui Gallis *Crapaudina* vocatur) ad hunc modum eliciunt nonnulli , Bufo in quampiam caveolam cum panno puniceo detruditur , Soli ardentissimo dies aliquot exponitur , ibique tantisper retorretur , ac ficti excruciat , donec onus capitis per os deponere , & evomere cogatur : quod per medium caveæ foramen , vasculo supposito , excipi debet , vel aliter detrahi , idque celeriter , ne ab eo resorbeatur . Sunt qui paulò tutius ac facilius rem eam exequentur , Bufonem pertuso multis locis , fictili immittendo , & Formicis depascendum in myrmecia exponendo . Sic enim fit , ut exesâ ejus carne , lapis ipse

cum offibus relinquatur: sicuti frequenter à nobis, & aliis plerisque expertum fuit. *Mizaldus.*

Bufonis lapidis proba.

Crapaudinem, seu Bufonum lapidem, de quo antè, legitimum experieris esse, si in illum præostensum vel objectum, se ita attollat Bufo, ac si vellet contingere & saltu præripere: usque adeò lapidem eum homini invidet. *Ex relatione cujusdam Medici Regii, qui id se vidisse nobis affirmabat. Mizaldus.*

Marmoreæ formæ variæ ut fiant.

Imagines & statuas marmoreas sic effinges: Cortices Ulmi & Populi cacumina decoque, & dum fervent, Calcem purissimam immittito, donec formam coagulati quasi lactis acceperint: inde marmor candidissimum tritum, ac cribratum adde, & in formas injice, siccaque in umbra. Sic vasa etiam fingere licebit eximiâ pulchritudine, impensâ exiguâ. *Cardanus.*

Crystalli sectio.

*Crystallus tali durus valet arte secari.
Opportuna tibi quæretur lamina plumbi,
Huic etiam bini clavi jungantur utrinque,
Qui solito medium consument undique plumbum:
Nam plumbo soli tribuetur cura secandi:
Ipsi custodes laminæ sint exteriores,
Ut sibi dent rectum recto consumere cursum:
Sed nec duritiam poteris prærumpere tantam
Mollitie plumbi, nisi quædam junxeris illi
Tanquam pulvereæ fornacis fragmine mittas
Quæ teneræ possit laminæ connectere plumbi,
Æquum rursus habent lateris fragmenta vigorem
Concidis adjuncta paulatim fluminis unda:
Si vim crystalli cruor antea temperet: hirci
Sanguis enim facilem ferro facit hîc Adamantem.
Arnoldus Villanovanus.*

Silices fluviales, quomodo fiant.

Lapides aquæ cursu atteruntur, atque ideo rotundos fieri necesse est. *Scaliger.*

Gluten pro lapidibus.

Rec. Vitrioli libram sem.

Gal-

Gallarum tritarum unc. ij.

Aceti acerrimi Mens. j.

Ponantur ad ignem, donec dissolvatur Vitriolum, postea addatur

Limatura ferri libr. j.

Arenæ scriptoriæ pars tertia.

Misceantur benè: quo rimæ lapidum jungantur. Quo facto, sumito Vernicis liquidæ, Olei lini ana part. j. misceantur ad ignem, quo junctæ forinsecus oblinuntur. *Ex lib. manuscripto.*

Modus occultandi res in solidis corporibus.

Ex Onychis fragmentis, Cerussa, Ovi cortice ac Cera glutin fit, quod fissuras & rimas occultat in marmoribus, parietibus, ovis, atque aliis rebus albis: addi potest gypsum & pro subjecti ratione variari, quoniam ex his quædam candidiora, quædam minùs candida. Eadem quoque ratio Silicum, lignorum & metallorum. *Cardanus.*



DE SECRETIS

LIBER XII.


Effectrices variorum operum causæ sunt Ars, Natura, Deusq. De naturalibus, Divinis operibus à nobis libris præcedentibus actum est: Jam ergo res artificiales aggrediemur, quæ sedulâ manûs dexteritate, solerti hominum industriâ exstruuntur, quales domus, fontes, pammus & varia vestimentorum, & aliarum rerum genera, quarum secreta huc quoque transferenda duximus.

DE

DE SECRETIS DOMORUM.

CAP. I.

*Ædificia quæ multum excalescere aërem
possunt.*



LIQUET autem ædificia posse fieri, quæ etiam hyeme non parum aërem excalescant. Hæc verò non ad terræ centrum erecta rectè esse oportet, sed ut Solem hyemalem ad perpendicularum excipiant. Itaque ut exemplum rei præbeam, sit habitatio nostra in A. super plano A. F. perpendicularis è nostro vertice

ad centrum terræ A. B. quam constat distare ab æquinoctii circulo partib. XLIV. & media: ab hyemali igitur distabit partib. LXXVII. fiat igitur circuli pars quarta B. C. F. & fiat B. C. partium XXII. ex his quib. B. F. est nonaginta, distabit igitur punctus C. partibus nonaginta ab hyemali tropico: quare cum Sol ibi erit erecta plana, aut cava cylindrica superficie A. C. in meridie radios perpendiculares excipiet. Fiat etiam arcus C. E. partium XLVII. & juxta declinationem cujusque diei Solis describantur partes, & moles A. C. retrò agatur: sicque perpetuo anno radios perpendiculares excipiet, ut ante tempus olera & fructus habere possit, reddaturque jucunda mansio. *Cardanus.*

Cubicula quomodo elegantia fieri debeant.

Contra ventorum injuriam, maris halitum imbriumque damna, pice parietes, Carthaginensium more illinantur: non negligendum consilium, neque dubium, quamvis Plinii sit. Meliores tamen sunt crustationes, quæ inter delicias cubi-

cubiculorum etiam adnumerari possunt. Fiunt autem parva impensa jucundissimæ, marmor ipsum æmulantes, atque diuturnæ, hoc modo: Calcem candidissimam, aquaque maceratam subigito: ejus verò spumam, quæ crustæ inducendæ aptissima est, mortario marmoreo diu tundito, diluito, compingito, ut serum non detineat, tunc enim aptissima est: crustam inducito, dum virescit planatoriis bacillisque fundito verberatoque, donec densetur: si rimas induxerit sparti aut Ibisci manipulis virgularum fissuras castigato: sic enim optimè constat experimento emendari posse: nam nec vestigium ullum manet: ficcata igitur densataque crusta, ceram, mastichen pari pondere, adjectoque olei modico, colliquefacito, ac illo, carboneque ignito ex pelvi concalefacito, donec murus plenè unguentum ipsum combibat, sic enim splendorem dabit speculi: marmora vincet candore, quòd si caniculæ ardoribus, crustam contingat inducere, rudentes vetustos minutissimè concidito, calcique admisceto: sic enim immuniùs à fissuris evadit, quòd si sculpturas, aut signa, sive retonsa, sive prominentia, parieti adjicere libuerit, sigillis ex gypso celeriter perficies: materia quidem cerea, cerussa densata, aut calce demum unguento prædicto illita, decorem & integritatem servabunt per secula. *Idem.*

Habitationem delutare.

Si habitationem delutare velis, terram quàm maximè cretosam, vel rubricosam sumito, ei amurcam affundito, paleas indito, finito quatriddum fracescat. Ubi benè fracuerit, rutro concidito, ubi concideris, delutato. Ita neque absterfio nocebit, neque mures cava facient, neque herba nascetur, neque lutamenta scindent se. *M. Cato.*


Area quomodo faciendæ.

Quòd si Aream facere velis, sternito solum, non ad libellam, sed læviter castigatum, & confodito: postea Amurcâ conspergito benè; finitoque combibat, postea cominuito probè in glebas, deinde cylindro, aut palmicula coæquato, & paliculis verberato; postea denuò Amurcâ conspergito: cum aruerint, neque Mus, neque Formica nidum faciet, neque lutescet, neque herba nascetur: creta huic operi plurimum affert soliditatis. *Cardanus ex Catone.*

Area

Area quomodo fiat.

Aream, in quâ frumentum teratur, sic facito: confodiat minute terra, Amurcâ benè conspergatur, ut combibat quam plurimum, comminuito terram, & cylindro aut paviculâ coæquato. Ubi coæquata erit, neque Formicæ molestæ erunt, neque cùm pluerit, lutum erit. *Cato.*

Caminus fumum non repellens.

Venti repellunt fumum, & angustia Camini prohibet exitum, vel si angustior sit in imo, ut non recipiat. Maxima autem causa est à ventis. Nam fumus altius semper ascendit, tum ob levitatem; Ubi ventis occurrit, maximè cùm copia viridum lignorum adfuerit, retrogreditur, qui autem ex quatuor partibus foramina habet, à nullo vento impeditur: nam undique patet auxilium à nobis ratione excogitatum. In quatuor partibus Oriente, Occidente, Meridie, Septen-

trione binos colloca canales fictiles ex adverso positos, ita ut alter fursum feratur, alter deorsum: nam impossibile est octo ventos, quatuor inferiùs tendentes, quatuor autem superiùs, à quatuor cœli principalibus regionibus spirare. Quod si fiat, fumus minimè potest retrò pelli: atque id etiam experimento ad amissim comprobatum est. Adjuvat autem non parum latitudo Camini suprâ non nihil amplior.

amplior. Plerunque etiam tutiores canales declives tantum. Sed tutior omnibus est, qui vagina circumcingitur, quæ inferius non cohæret tecto. *Cardanus.*

Cubiculum ut viride videri possit.

Sit viridis Lampas, vitrea, & pellucida, ut pertranseuntes radii medii colore inficiantur, & (quod in hoc plurimum conducit) oleo, vel omni, quo vivit, humido, immisceatur ærugo, unà ritè terantur, ut humor fiat viridis, Ellychnium ex linteo coloris ejusdem, vel gossypio paretur uncto lampade in illa peruratur, oppositum feriens lumen; viride omne, & irruentium vultus ostentat. *Porta.*

Cubiculum aliâq; omnia, ut nigra videantur.

Atramentum immisce oleo, fuliginem, vel simile: melius autem è Sepiis factum & affusum atramentum: nam lucernis admotum, si accenditur, atra lucet flamma. Sic *Anaxilaus* ex atramento Sepiæ astantes, *Æthiopes* reddebat, & nigros. *Idem.* Plura de his quære sup. lib. 3.

DE SECRETIS HORTI.

C A P. II.

Hortus ut viridis & floridus fiat.

FLORIDUS evadet Hortus, si Loto tusa, & in aquam coniecta, eum resperferis: aut Fœno græco in aqua trito fulcos irrorâris: aut Asini calvariam in medium Horto deposueris. *Vindanionius.*

Vivæ sepis extractio.

Opportuno tempore colligito Rubi vastissimi, quem Caminum vocant, nec non Paliuri semina maturissima: ad hæc Acanthæ fructus, & cum Ervi farina ex aqua ad mellis crassitiem omnia macerato: eaque miscellâ puteales vel nauticos funes, aut alios veteres, detritos, ac jam putrescentes imbuito, & ita inducito, ut intra illorum fibras, & capillamenta recepta semina servari possint, usque ad verni temporis initia. Quo tempore ubi Sepes futura erit, duos fulcos, à se duobus, tribusve pedibus separatos, sesquipedalî altitudine institue: prædictos funes cum impressis seminibus levi terrâ ibi adobruæ, & si opus fuerit, identidem irriga. Ita fiet ut intra mensem, plus minus tenel-

tenella sentes surgat, ac procedat. Quæ adminiculis adjuvanda erit: quibus inter se per vacua sulcorum spatia, enata conjungentur spineta, futura Horti vel Agri validissimum munimentum, & adversus externas injurias tutissimum propugnaculum. Alii virgeam sepem spatio quod sulcis interjacet erigendam præcipiunt: quam superascendant utriusque sulci sentes, & habeant, priusquam roborentur, in quo conquiescant. Alii vivam Sepem hunc in modum erigunt. Virgas Rubi crassiores in segmenta, & particulas proscindunt, easque scrobibus palmari altitudine apertis sedulò obruunt, ac quotidie donec germen erumpat, & frondere conspiciantur, fossione ac rigatione, si tempus invitet, nutriunt, ac refocillant: & ita Sepem validam, tutam ac perennem construunt, & ædificant. *Democritus, Columella, & Diophanes.*

Ad mirabiles extruendas Sepes.

Si plura diversi generis semina ceræ, vel tenaci cuiuspiam materiæ in longitudinem tenuiter protensæ incluseris, eâ solo optimè stercoreato ac subacto commiseris, mirabilis ex ea congerie pullulabit Sepes. Regii olitoris hoc artificium & experimentum. *Mizaldus.*

Clepsydra ad hortos irrorandos.

Inter vasa tam admiratione dignum, quàm vulgatum est Clepsydra, nostris œnopho, magnitudine & formâ amphoris persimilis: gracilescit enim in collo, fundus perforatus, ut cribrum, suprema pars osculum tantum habet, fit ex Argilla figulino opere: potest & ex quacunque alia materia confici, aperto superiore osculo vacua demittitur in aquam, impleturque ad certam mensuram; inde obducto pollice, extrahitur ab ea, retineturque, irrigatur Horti pars, & cum cessare vis, obducto pollice aquam continebis. *Cardanus.*

Secretum pro Hortis siticulosis.

Quòd si puteo, vel fonte, vel piscina caruerit Hortus, hortum tribus vel quatuor pedibus altius fodies, ad similitudinem pastini: nam ita cultus siccitates negliget. In quo id quoque observabis, ut quem humoris natura non adjuvat, per partes dividas: & hyeme ad meridiem, æstate verò ad septentrionem spatia colenda convertas. *Mizaldus.*

Terræ

Terræ hortensis probatio.

Terram Hortis accommodatam deprehendes, si aquâ lotam ac dissolutam limum multum habere videbis. In quo si superaverit aquositas, ineptam ac infœcundam iudicabis. Si manu ac digitis illam contrectando valdè glutinosam, ac tenacem reppereris, ac si esset cera, prorsus inutilem censebis. Oportebit autem ante omnia elapidatum esse Horti solum, ad hæc quàm minimè rimosum, ne Sol penetrans plantarum radices exurat. Erit autem terra illa temperatæ ubertatis, & culturæ facilis, quæ nec madida est valdè, nec sitiens, adhæc, quam recenter effosam alites quærunt, maximè Corvi, fossoris vestigia comitantes. Si improba fuerit, quidam emendari dixerunt, si super tenuem pinguis injiciatur, aut gracili, aridulæque humida ac pinguis misceatur. *Mizaldus.*

*Quænam observanda sunt in stercorando**Horto.*

Quocunque tempore hortum, vel agrum stercorare libuerit, valdè curandum est, ut ab occasu æquinoctiali spiret ventus, sitque Luna decrescens, ac sicca. Nam observatione tali mirum in modum augetur ubertas. *Plin.*

Hortus quando seminandus.

Non sum nescius quosdam præcepisse, Hortum vel Agrum non esse disseminandum, nisi cum terra pluviis permaduerit. Quæ si tempestivè & opportunè descendant, non improbo. Si, quod nonnunquam evenit, tardè labantur, quantumvis sitienti Horto, vel Agro semen committi poterit ex Columellæ sententia. Quæ res in quibusdam provinciis, ubi cœli status talis est, usurpari solet. Nam quod sicco solo ingestum est, perinde ac si esset domi repositum, non corrumpitur. Atque ubi redit imber multorum dierum sementis uno die surgit: sed ab Avibus & Formicis interim periclitatur: nisi ante sationem ei succurratur illis auxiliis, quæ suo loco exponentur. Ut ut fuerit, dabitur opera, ut hortus, vel ager qui Vere conseri debet, sub finem Autumni ante gelicidia pastinetur. Et qui Autumno oleribus, aut herbis vestiendus erit, Æstatis initio convertatur: ut hybernis frigoribus, vel æstivis Solibus (de magnis hortis loquor) gleba solvatur: ad hæc ut pravarum herbarum radices necentur. Cumque sationis appetet tempus,

quod unicuique regioni suum est ac proprium, runcandus erit, ac prorsum exherbandus Hortus: deinde sterco-
randus. His peractis, in areas digeretur: quæ ita infor-
mandæ erunt, ut runcantium manus ad dimidiam latitudi-
nis partem facile pervenire possint: ne dum herbas inuti-
les illæ persequuntur, semina pedibus interim conculcet
Olor. Verum summè adnitendum erit, ut sationi sereni-
tas, & temporis clementia succedat. Nam favente cœlo,
tepentibus locis, & à Sole illustratis citissime prorumpunt,
ac pullulant semina: quibus ætas etiam nonnihil conferre
solet. Quapropter videndum erit, ne vetusta, exusta, mi-
sta, emaciata, languida, aut adulterina sint semina. Quæ
dum projiciuntur, boreales dies, ac valde frigidi vitabun-
tur. Nam in his, terram veluti horridulam & occlusam,
semina ægrè recipere, ac fovere manifestum est: diebus
serenis ac temperatè calidis contrà. Si verò timor fuerit,
ne frigoribus, pruinis ardoribusve perurantur, paleis con-
tegi poterunt: quibus transversæ virgæ imponentur: &
virgis Arundines, aut Sarmenta. Sunt apud Græcos rerum
agrestium scriptores, qui sementem, augescente Lunâ, à
quarta scilicet usque ad plenam facere consulant, dum sub
terra est. Alii securiorem viam excogitantes, sationem præ-
cocem non probant: quare in duo & tria, & quatuor tem-
pora illam partiuntur: futuri temporis incertitudinem hoc
modo vitare satagentes: & rusticanum *Columellæ* adagium
in memoriam revocantes. *Serere ne dubites.* Oportebit
igitur eum, qui seriam olerum plantationem instituit, vi-
dere, ut proba sint semina, terra apta, sterus bonum,
& aqua prompta. Nam proba semina, quæ inde genera-
buntur similia efficient: terra apta, sic credita optimè ser-
vabit, ac fœcundabit: sterus succulentior reddet ter-
ram, ad hæc laxiorem, ut aquam facilius admittere possit,
quæ radicibus impertiatur: aqua verò, quasi ex ubere
omnia alet, ac fovebit. *Mizaldus.*

*Secretum pulcherrimum pro servandis in terra se-
minibus absque noxa.*

Si semina terræ mandanda succo Sempervivi paulò an-
te sationem madefacta fuerint, ab Avibus, Formicis, agre-
stibus Muribus, & aliis Hortorum prædonibus, non solum
illæsa servabuntur, sed quæ inde nascentur, etiam præstan-
tiora evadent. *Aphricanus.*

Auxi-

*Auxilium adversus mala omnia & monstra
hortensia.*

Græci à malis omnibus & hortensibus monstris tuta servari tradunt, si Equæ aut Asinæ calvaria, sed non virginis, intra hortum ponatur, vel in ejus medio, affixa palo erigatur. Nam quæcunque spectabit, suâ præsentia fecundabit, & illæsa custodiet.

Ad tuendos Hortos.

Uva intorta si sepibus apponatur, non solum alienorum ingressum prohibet, verum etiam maleficia ab Hortis propulsat. *Dioscorides.*

*Rigationis opportunum tempus, & qualis debet
esse aqua.*

Rigatio, quæ Solibus æstivis, & maximè circa exortum Caniculæ, summopere solet prodesse ac probari, hora matutina, & vespertina, ne à Sole infervescat aqua, & radices adurat. Sed ne tum quidem nimia debent esse rigationes, quoniam inebriatis radicibus nocent. Pro quibus non haurienda est aqua Putei altissimi: ne nimia frigiditate, & cruditate radices percellat. Quod si alterius præsens non adfuerit facultas, horis aliquot antè haurienda erit, & sub dio exponenda, ut tepescat. Rigationis modum stirpium ætas temperabit. Novellæ enim plantæ minus sitiunt, & quæ assuevere, summè rigari desiderant. Idque leviter ex clepsidra, ut æqualiter bibant radices, & non immergantur: nam ita animam terræ exhalatione vanaescentem retinent. Ergo non universum ingurgitabuntur plantæ, sed quomodo sitient, ita stillabitur aqua, vel ex ubere alent, & non inundans. *Mixaldus.*

Adversus Tonitrua, Fulmen & Grandinem.

Nolarum & campanarum tinnitus. (amotâ superstitione,) aut bombardarum longè lateque reboantes crepitus ut clamor eat cœlo, auxilium præsentissimum adversus tonitrua, fulmina, & nubes grandinem horrendam minantes. Nam vi foni moventis aërem sursum & ad latera exhalationes ad tertiam aëris regionem expelluntur. Item quicunque tergore fluvialis Equi, quem *Hippopotamum* nuncupant, circumsepti fuerint nequaquam à fulmine tanguntur. Quin & noxiæ non erunt tempestates, ut Archibius ad Antiochum Syriæ regem scripsit, si obserata fictili

novo Rubeta, in medio Horti, vel Agri defodiatur. Per
cujus ambitum plerique etiam Laurum multam, eam in
rem plantant. Alii Aquilæ pennas, aut Vituli marini
pellem in medio Horti, vel per quatuor ejus angulos
suspendunt. Bulbus non sui corporis exiguitate fulminis
impetum evadit, sed adversam, & fulminis ictum retor-
quentem, naturam possidet. *Ex Mizaldo.*

Aliud.

Ferunt lapidem, qui cum fulmine cadit (ut aliquando
contingit) si in ostio suspendatur, domum à Fulmine præ-
servare. *Guliel. Gratar.*

Adversus instantem Pruinam, & Rubiginem.

Si instanti & prævisæ Rubigini ac Pruinæ obviam ire
voles, paleas multas, si adsunt, aut Horti vel Agri evul-
sas herbas, frutices, & spineta, pluribus locis combures,
maximè quâ parte ventus spirabit: ita enim impendens
malum averti scripsit *Diophanes*. Porro fumum trium
Cancrorum ustorum cum bubulo vel caprino stercore aut
paleis, auxilium præsentissimum esse scripsit *Apulejus*. *Plu-
ra de his vide lib. 9.*

*Prognosticum fertilitatis, vel sterilitatis seminum
quorumcunque.*

Quod attinet ad prognosticon fertilitatis, aut sterilitatis
seminis cujuscunque, tam sati, quàm feminandi, hac viâ
procedes. Diebus viginti, aut triginta ante Caniculæ ex-
ortum, in quopiam loco diligenter subactò, de unoquo-
que semine legitimo, & recenti, probationis gratiâ, divisis
spatiis, ac signatis, paululum seres: & si aëris urgebit in-
cendium, opportunè negabis: ut projectum in aridam com-
modiùs pullulet, & ante cosmicum dicti sideris exortum,
tempestivè se prodât. Hoc peractò, sedulus observabis,
exacto Procyone, quodnam è jactis seminibus incolume,
vegetum ac illæsum emerferit, & duraverit: atque illud
fertile ac fœcundum evasurum prædices: reliquum verò,
quod non prodiit, aut vietam, languidamque & flaccidam
plantulam emisit, inutile ac sterile futurum tibi persuadebis.
Nam certo certius est, insanum & æstuans Caniculæ sidus
per illa sua canina incendia, quædam ex satis lædere,
alia minimè. Ex quo noxa, vel beneficii judicium per an-
num futurum unicuique sementis generi, sidus naturâ ari-
dum

dum ac fervens præfenti exitio vel falute nunciabit ac præmittet. *Mizaldus ex Zoroafire, & eft unum ex Ægyptiorum experimentis.*

Adverfùs Horti Erucas.

Vefpertilionis ftercore, & Allii lignis, exemptis capitibus, fuffitis, ita ut vapor per omnem Hortum difpergatur, Erucæ necabuntur. *Anatolius.*

Ad Blattas Horti.

Ventriculum ovillum recentem ftercore plenum & ilotum defodito, non in profundum, fed in fuperficie. Invenies enim ipfum Blattis, praefocoridibus dictis, repletum. Si verò idem iterum feceris, omnes congregabis, & fic apprehenfas perdes. *Dioph.*

Adverfùs hortenfes Pulices.

A Pulicibus non lædentur plantæ, fi naturali auxilio Erucam herbam pluribus locis admifcueris.

Adverfùs grandinem irruentem.

Si voles grandini irruenti occurrere, Vituli marini pellem, vel Hyænæ, aut Crocodili, per Horti vel Agri fpatia circumferes, & in eorum congressu fufpendes, quemadmodum fcripfit *Philoftratus.*

Aliter.

Sunt qui grandinem inftare animadvertentes, oblato ingenti Speculo imaginem nubis accipiunt, eoque remedio nubem, feu fibi objecta defpiciat, vel difpliceat, feu tanquam geminata, alteri cedat, exemplo avertunt & amoliuntur. Plerique alii hac fuperftitione imbuuntur, ut plurium domorum clavibus de funiculo pendentibus, omne Horti fpatium in orbem cingant, exiftimantes grandinem fine damno hac arte aliò cum fua nube migraturam. Sunt qui dextrâ manu Testudinem paluftrem fupinam ferentes Hortum vel Agrum perambulent: & reverfi unde exierant, eâdem figurâ illam humi fternant, ac glebas curvaturæ dorfus ejus objiciant, ne obverti poffit, fed fupina permaneat, nubemque grandine prægnantem rectâ intueatur. Quod quidam fieri præcipiunt horâ diæi, vel noctis fextâ. Non defuerunt apud prifcos qui eam in rem omne horti, vel agri fpatium albâ Vite cingerent: aut Noctuam alis patentibus extenfam in illo fuffigerent. *Mizaldus ex Columella, Philoftrato & aliis prifcis.*

DE SECRETIS VESTIUM.

C A P. III.

*Ad Maculas omnis generis ex vestibus, pannisq;
delendas.*

ACCIPE Salis communis optimè triti, Saponis nigri, singulorum quantum satis est: quibus optimè mistis, maculæ inungantur: deinde cùm siccatae fuerint primò lixivio, deinde aquâ tepidâ laventur & evanescent.

Alexius.

*Ad maculas pannorum sericorum, & aliorum
delendas.*

Vervecis pedes anteriores in cinerem redigito, ut fiat pulvis, quo panni prius aquâ madefacti aspergantur, postea cùm ad Solem siccati fuerint, iterum aquâ humectentur, pulvereque, ut prius aspergantur. Quibus sæpius iteratis, pulvis optimè aquâ abluatur, & absque dubio maculæ evanescent. *Idem.*

*Smegma ad omnis generis maculas ex pannis
delendas.*

Accipe dimidium Fellis bubuli, Albuminum ovorum n. j. vel ij. misceantur benè, addendo Aluminis usti libram unam, pulveris Ireos unc. vj. Salis contriti parum & misce. Quo factò addatur tantum Saponis albi, incisi, vel rasi, quantum ad globos effingendos satis esse videatur, & siccantur in umbra, quoniam Sol iis adversatur. Quæ si vendere volueris, æquali pondere ea conficito. Cùm autem maculas delere voles, pannum prius aquâ frigidâ humectato, fricando optimè jam dicto Sapone; deinde aquâ frigidâ abluatur. Quòd si adhuc comparuerint maculæ, siccetur pannus: deinde rursus, ut prius, lavetur, & prorsus abstergentur. *Idem.*

Aliud.

Accipe Smegmatis albi Veneti libram unam, Vitelli ovorum n. vj. Salis triti cochleare dimidium, succi Betæ quantum satis est. Misceantur & fiat massa ad globos formandos, qui in umbra siccantur. Quando autem uti voles, pannum aquâ prius abluito: deinde dicto sapone fricato, mox aquâ abluito, & adimentur. *Idem.*

Aliud.

Aliud.

Accipe Smegmatis albi rasi libram unam, Fellis hircini, vel bubuli, Aluminis catini, singulorum unc. unam, Vitelli ovorum n. iij. Cineris parum: misceantur in mortario bene, fiantque pilæ, quibus, ut jam dictum est, utitor. *Idem.*

Aliud.

Accipe Fellis veteris bovis, quantum satis est, Fœniculi græci in pollinem redacti libram j. Smegmatis albi lib. unam & dimidiam, Lixivii fortis mensuras tres: misceantur, & coquantur ad ignem, usque ad consumptionem medii, & servetur ad Maculas delendas. *Idem.*

Aliud ad Maculas unctuosas.

Accipe Aluminis rochæ, Calcis vivæ, singulorum libram unam, Aluminis ex vini fecibus unc. sex, Smegmatis albi rasi, libras tres, Aquæ fontanæ libras quatuor. Misceantur, & aliquandiu ad ignem coquantur, deinde percoletur, & ad usum servetur. Quando autem uti voles, Maculas unctuosas ex utroque latere calido, bene confricato, mox aquâ purâ abluito. Quo facto, bis aut ter Saponem & aquâ abluantur Maculæ & absque dubio adimentur. *Idem.*

Aliud ad easdem Maculas.

Accipe Aquæ fluvialis mensuras duas, Fellis bubuli n. j. Aluminis usti unc. quatuor, Aluminis ex vini fecibus usti unc. tres, Camphoræ scrupulos duos, misceantur & coquantur usque ad consumptionem medietatis, deinde coletur, quo Maculæ lotæ bis terve delebuntur. *Idem.*

Ad Maculas ex panno purpureo, sive è lana sit sive serico, sine coloris detrimento delendas.

Accipe Succo Saponariæ quantum volueris, & super maculas ponito, ac sic per horas duas, vel tres finito: deinde aquâ calidâ diligenter eluito. Quod si nondum macula prorsus deleta sit, iterato. Quod si pannus grano tinctus non fuerit, dicto succo aliquantum Saponis adjungito, & permisceto diligenter, atque iterum eluito, & Macula evanescet omnino. *Idem.*

Ad Maculas delendas ex pannis sericis albis & chermesinis.

Aquâ Vitæ ter distillatâ maculæ prius humectentur deinde Ovi album supperaddatur, & siccetur ad Solem, aquaque

aquaque frigidâ abluantur probè. Quod cùm bis factum fuerit, Maculæ extinguuntur. *Idem.*

Aliud.

Accipe Aquæ Aluminis quantum fatis est, quâ maculas eluito benè, confricando pannum: deinde aquâ frigidâ abluito, & delebuntur, maximè si secundò factum fuerit. *Idem.*

Aliud.

Accipe Lixivii quantum sufficit, ponatur in ollam aliquam mundam ad ignem, donec ferè bullire incipiat; deinde addatur Aluminis contriti, Tartari in pulverem redacti, Smegmatis albi rasi, singulorum unc. iiij. Fellis bubul. unc. ij. Commisceantur & coquantur ad consumptionem tertiæ vel quartæ partis, & fiat aqua, quâ cùm maculæ bis, aut ter lotæ, deinde siccatae, denique aquâ frigidâ ablutæ fuerint, evanescent. *Idem.*

Ad Maculas panni.

Rec. Cineris Fagi q. s. cum aqua frigida fiat lixivium, cui adde parum Amurcæ Vini, & parum Luti usti ex clibano, misce, fiat lixivium, quo panni maculati laventur. *Ex lib. Germanico.*

Modus parandi aquam maculato linteo candido colorem restituentem.

Poteris autem hac ratione parare, si recipiantur Aluminis fecum unc. iiij. Fellis Equæ unc. ij. ebulliant ad quartæ partis consumptionem, cui dein adde Smegmatis albi frustulatim secti, nec non Aluminis unc. j. relinquatur per dies duos. Utere tandem, uti ex præcedentibus didicisti. *Ex lib. Germanico.*

Ad vinum ex panno quovis tollendum.

R. Lixivii ex cineribus Fagi parati & Fecum Vini albi ana q. s. His immerge pannum & per noctem relinque. Tandem abluatur, & Soli siccandus exponatur. *Idem.*

Modus tollendi omnes Maculas ex serico Carmesino.

Paretur Lixivium ex cineribus Vitis: in hujus Lixivii pelvulas duas conjice Aluminis de fecibus unc. sem. & relinque aliquandiu. Post per lintheum coletur addendo ei Aluminis, & Saponis duri ana drach. ij. Saponis mollis drach. f. communis Salis unciaë partem quartam, totidem Salis Ammonia-

moniaci, succi Chelidonii dimidium, Fellis vitulini uncia^æ partem quartam. Hæc omnia invicem commixta per pannum lineum colabis. At si opus fuerit, oportet ut fumus succida lanarum Coccini, quibus adde lignum Brasili^{um} minutim incisum; decoquantur ad ignem paululum, & per lineum pannum rursus exprimantur, sic habes aquam rubram, quæ delebit omnes maculas.

Ad maculas Holoferici.

Rec. Lixivii ex cineribus Vitium facti quantum sufficit.

Aluminis fecis unc. fem.

Aluminis rochæ drac. j.

Saponis Veneti drac. is.

Saponis liquidi drac. fem.

Salis communis drac. ij.

Salis armoniaci drac. iis.

Succi Chelidonii drach. j.

Fellis Vituli drac. ij.

Misceantur omnia, & colentur per pannum linteum. Cum uti voles, sumito lanam tonsam ejusdem cum Holoferico coloris, & in supradicto liquore intinge, atque cum eâ maculæ Holoferici fricentur. *Ex lib. Germanico.*

Atramenti Maculæ quomodo ex panno adimendæ.

Pannum prius Aceto acerrimo lavetur, exprimendo bene cum manibus & fricando, deinde cum aqua & sapone, & delebuntur. *Isabella Cortese.*

Ad Maculas panni.

Rec. Aluminis rochæ drach. iij.

Aluminis fecis libram j.

Saponis albi unc. j.

Aquæ fontanæ q. f.

Contundantur, & in vase vitreato coquantur ad ignem leviter; deinde per filtrum colentur, quo panni laventur. *Roscellus.*

Pannus, ut pristinum colorem acquirat.

Rec. Calcis vivæ unc. ij.

L 1 5

Cine-

Cineris Cerri unc. j.

Aquæ fontanæ unc. ij.

Misce. *Roscellus.*

Ad delendas Maculas atramenti vel vini ex pannis lineis, vel è lana confectis.

Accipe Succī Malorum limoniorum, vel aurantiorum vel citriorum quantum sufficit, quo Maculæ humectentur, & siccentur sæpius; deinde aquâ frigidâ abluantur, & delebuntur. Quòd si ex Atramento fuerint maculæ, Sapone albo & Aceto laventur. *Alexius.*

Ad Colorem Maculis imminutum pannis restituendum.

Rec. Tartari in cinerem usti unc. unam, Aceti albi fortis mensuram unam: misceantur & ad ignem ponantur tamdiu, donec bullire incipiat, deinde ab igne auferatur, & fiat aqua, quâ panni sensim & sæpius humectati, pristinum colorem recipient. *Idem.*

Aqua ad Maculas delendas, ex pannis quovis colore tinctis.

Accipe Fellis bubuli unc. ij. Aluminis ex vini fecibus, singulorum scrupulos duos, Tartari albi unc. iiij. Camphoræ scrupulum unum, Aquæ communis mensuras duas. Conterenda conterantur, misceantur, & coquantur, donec spumare desinant; deinde addantur Aquæ vitæ ter distillatæ unc. quatuor, & servetur ad usum. Quòd si pannus fuerit purpureus, sumito panni frustum aliquod ei panno simile, in prædicta aqua madefactum, quo maculæ bis vel ter fricentur optimè, deinde aqua communi abluantur. Si verò alterius coloris fuerit Pannus, ejusdem quoque coloris frustum aliquod sumito, fiatque ut jam dictum est. *Idem.*

Ad Oleum aliudve pingue ex pannis sine lotionē tollendum.

Rec. Ossā recta pedum Vervēcis, quot volueris, in figulina, vel lateraria fornace comburantur optimè, fiatque pulvis subtilissimus, qui prius calefactus super maculas ponatur ad Solem donec nigrescat, quòd ubi fieri videris, illi-

illicò abjicito, novumque imponito: idque toties facito, quoad videris pulverem non jam nigrescere, atque sic maculæ absque coloris detrimento delebuntur. *Idem.*

Cuilibet panno colorem amissum reddere.

Rec. Cineris Roboris libram j. superfunde mensuras Aquæ quatuor, & relinque sic per noctem, Lixivio dein separato, adde Fellis Tauri n. 2. & Foliorum Betulæ exiccatorum M. j. simul bulliant ad horam semis, quoad Folia fundum petierint, frigescant. Postea ejus coloris Lanam, quo tingere vis pannum in Lixivio coquito ad ebullitionem usque & ad dies quatuordecim seponito, ita enim Lixivium colorem lanæ adsciscit. Tandem expressâ Lanâ pannum in lixivio tingito, & colorem pristinum recuperabit. *Ex lib. Germanico.*

Macula ex laneis Pannis quomodo delendæ.

Accipe Lixivium ex cineribus Fagi paratum, cui adde insuper fecum Vini, & Luti usti ex fornace Pistoris sing. pauxillum. His immerge Pannum, quodque maculatum est, & extrahet omnes maculas. Abluito tandem aquâ purâ & ad Solem relinquito, ut siccescat. *Idem.*

Aliud.

Rec. Aluminis fecum unc. vj. Tartari crudi unc. iiij. Aluminis unc. ij. Camphoræ, Sanguinis Draconis ana drach. sem. Terendo hæc tenuissimè commisceantur diligenter, his addes Fellis taurini novi, & pelviculos aquæ fontanæ totidem, invicem cum prædicta materia in lebetæ misceantur, ignique apposita ad consumptionem tertiæ partis ebulliant, & per pannum exprimantur: si verò non habueris Mel & Camphoram nihil refert, sufficit enim aqua. Ad usum autem accommodabis hac ratione. Panno lineo novo, in aqua hac immerso, frica maculas, & hoc iterando fac, donec evanescat. Quibus deletis, Pannum in eo loco antea maculatum aquâ calidâ ablue. Sin autem volueris delere maculas in panno candido, recipe aquam jam dictam, addendo smegmatis portiunculam, destilla & fac de cæteris, ut prioribus. *Idem.*

Vestimenta ne Tineæ tangant.

Vestimenta ne tineæ tangant, Amurcam decoquito ad
dimi-

dimidium, ea ungit fundum arcæ, & extrinsecus, & pedes, & angulos. Ubi ea adaruerit, vestimenta condito. Si ita feceris, tineæ non nocebunt. *M. Cato.*

Ad Maculas nigras pellibus albis inducendas, ut Leopardi, vel Pantheræ referant pelles.

Accipe Lithargyrii unciam unam, Calcis vivæ uncias duas, Aquæ mensuras tres. Misceantur, & ponantur ad ignem lentum, donec calefiant tantum, & non effervescent, deinde ab igne auferantur, & misceantur, & fiat tinctura, qua pelles penicillo, è fetis suillis confecto, maculæ inspergantur. Quo facto, siccantur ad Solem, deinde virga aliqua percutiantur, & erit factum. Quod si maculæ non probè conspiciantur rursus eadem maculæ tingantur, ut prius, & compos fies. Hic color perstat, ac pelles coloratas reddit. Quod si & capilli, vel barba tingantur, venusti reddentur. *Alexius.*

Calcei incorruptibles.

Albertus tradit ad compendium rei familiaris calceos optimos, & penè dixerim incorruptibiles fieri ex corio asinino ea parte tergi, quâ onera bajulare solet Asinus. Nam nullo temporis tractu atteruntur: neque si per lapides quis perpetuò ambulet, aut per spinas: nimia tamen vetustate adeò durescunt, ut fieri non possit, quemadmodum scripsit *Cardanus*.

DE SECRETIS FONTIUM.

C A P. IV.

Putei in locis maritimis, ut Aquas dulces reddant.


MUNIENDA sunt Putei latera perpetuo opere: quemadmodum ubi pilam struimus ad pontes super fluviis fabricandos. Defixis namque sublicis materiam circumponimus, ultra quam humorem exantlamus. Ita fabris cæmenta, & lapides, mediis undis circumfluentibus, in sicco ponere licet. Operis igitur ratio erit hæc. Latissima primùm fossa fiet: puta ad demetientem lineam
pe-

pedum centum, palis priùs defixis quàm longissimis. Quod limi intra valli ambitum fuerit, extractum batillis, aut arutænis, aut aliis machinis trans palos jaciatur. Ita mare submovebitur, & ab ejus affultibus corona munietur. Ubi id spatii exhausto humore aut siccum, aut propemodum tale fuerit, rursus intra munimentum, alium palorum ordinem quàm longissimorum instituemus: qui ordo à priorum ordine denum pedum stabit intervallo, quod ejecto limo inferiore complebitur. Idem tertio ac quarto fiet, quoad Aquæ dulces hauriantur. *Scaliger.*

Machina Ctesibica.

Ratio confurgit machinæ Ctesibicæ: quæ sic constat, ut etiam *Janellus Turrianus* Cremonensis, Vir magni ingenii in omnibus quæ ad machinas pertinent, opere ipso expressit. Catinus æreus, cujus summum os, per quod effundi aqua debet B. in imo ejus duo foramina C. & D. super quibus axes aut coria ita collocentur ut in follibus: quæ ex inferiore parte eleventur versùs A. sed si comprimantur, occludant oscula illa: hæreantque Catino ex osculis C. & D. fistulæ duæ, dextra ac sinistra producantur E. & F. & modioli inferantur in G. & in H. Modioli inanes sunt, & in aqua merfi, in imo habentes foramina K & M. in medio supra quæ axes cum corio ut in catino, qui elevari possint ad superius, cum verè premuntur oscula, ad unguem


concludant. In modiolis autem emboli masculi M. & N. torno politi & oleo subacti, ut modiolos ad amussim impleant: inde vectibus & regulis ita sint aptati ut ultrò citroque permeantes, cum M. ascendit exinaniturq; subiectum vas, alternatim



terna vice N. descendat, & impleat Embolum, exprimatque quicquid in eo continetur. Hac ratione parata cum ex N. trahitur M. embolus Masculus, locus Q. modiolus exinanitur: quare elevatur axis & corium supra K. aquaque B. ascendit, donec impleatur modiolus ex primi motus ratione: interim verò cum N. pressus sit incipiat ex imo trahi alterno motu, descendetque M. embolus, cumque aqua quæ in spacio Q. continebatur non possit effluere, M. concludente superius modiolus capacitatem ad unguem: descendere per K. quoniam axis foramen premit, & quò magis urgetur pondere & impetu ex superiore loco ab aqua, ita magis exquisitè hæret K. foramini: sequitur ut aqua per G. exeat, quâ solum exitus patet, ascendensque per fistulam E. ingreditur elephas operculum in catinum per C. foramen, donec catinus impleatur: post cessante impulsu ex E. subsidet corium, & axis in C. vasque A. plenum manet. Interim verè dum M. ad K. descendit, N. ad summum modiolus ascendit, modiolusque impletur aqua eadem ratione: unde cum rursus premitur, exprimit aquam per H. in F. & per D. eadem ratione in modiolum, qui cum jam plenus sit aqua, nec illa per C. egredi possit, cum axis & corium eo magis hæreant foramini, quo magis ab aqua ex superiore parte premuntur, sequitur ex secundi motus naturalis ratione, quo etiam gravia sursum feruntur, ut aqua per A. in B. ascendens effundatur, atque ita alternante motu ac pleno semper existente catino, ut effluere ex imo K. & I. in altum ascendes, quantum liber per B. desinat. *Card. de subtil.*

Machina Bambilica.

Ejusdem argumenti est tuba navium, quâ solent naves aquâ periclitantes, evacuare. Cujus exemplo constructa est machina *Bartholomæi Bambilla*, quam nos vidimus Mediolani, nulla ex parte antiquis artificio inferior. B. D. tuba, inanis intus, lignea rotunda, vectibus & regulis fixa, latior parte superiore tota D. M. inferiore arctior: qua parte excipitur C. vase aquæ immersæ, & undique à lateribus perforato, ut aqua ingredi possit, lapilli autem & arena minimè, fundo vasis C. solido existente, sic fiet ut tubam aquam ex vase puram, cum opus fuerit,



fuerit , non lapillos aut arenam , quibus machina impediretur , hauriet. In loco M. ubi arctior pars latiori committitur , corium superius ex parte M. annectitur , cui superimminet lamina tenuis plumbea , ut cum eleuetur ex parte Q. pondere suo denuo cadat , & integat canalem L. exquisitè , embolus autem mafculus A. E. minor tubæ latitudine , sed tamen in supremo ubi est D. ad amussim tubæ , foramen obstruet. Inane autem sit O. P. Ex imo emboli tres ferreæ solitæ prodeant , ad latera tubæ intus pertingentes , quas corio circumvesties , ne contactu tubam exulcerent. Hæ tri-

podis imaginem referunt. Inferius latiores ac magis distantes , ubi F. quàm superius ubi E. Manifestum est igitur , totum spatium juxta N. esse inane , nec præter virgulas aliquid esse in eo : quo fit , ut pervia sit via ex O. & P. in N. atque vicissim ex N. in O. & P. totum enim spatium supra F. inane est , nec in eo aliquid continetur , præter embolum & virgulas H. In imo harum virgularum circulus F. capitibus earum annexus constituatur , nec totus inanis , sed in medio tantum , & ubi foramen relinquitur , corio superne , ac super corium plumbi lamina tenui , ut in M. dictum est , integatur , sic ut cum integitur ne aër possit transire , & corium tamen cum plumbo elevari possit versus N. & foramen ipsum detegere. Hoc itaque fiat sic , corium media

media quasi parte annexum fuerit circulo, capiat virgarum continente: reliqua parte disjunctum, ac solum ad amissim foramen aliud, cum hæret, occludens. Ex ipsis rursus virgarum capitibus tres aliæ virgæ recta prodeant, lateribus introrsum tubæ hærentes. Has corium circumambit undequaque ad F. supremâ parte usque in G. hærens, ad amissim lateribus tubæ introrsum, ne vel aër ex K. in N. possit permeare. Ita fiet, ut H. modiolum, sed inversum, videatur: est enim fundus F. & corio circum vestibis undequaque tereti forma, & in G. apertus ac patens. Quo peracto ita aptetur A. embolus, ut citro ultroque commeari modò descendendo usque ad M. parte G. modioli inversi, modò sursum ubi nunc pingitur retrahi possit. His itaque sic dispositis, jaceat G. super M. Q. & incipiat elevari, tunc aër contentus in spatio H. rarior factus demum trahit Q. & elevat: cujus successu ascendit aër ex L. in K. spacium, hujus successu aqua ascendit ex B. in L. Cum autem embolus descendit aëris impulsu & plumbi gravitate, ilicò Q. descendit: quare aqua quæ est in L. necessario manet: nam recluso operculo M. Q. si aqua descenderet, convelleretur modicus ille aër, qui esset in suprema parte L. supra aquam, cum non possit alium haurire aërem ex K. propter operculum M. Q. aër verò qui in K. continebatur, dum descendit per G. elevans operculum F. effugit in spacium O. & per P. formam exit foras: ita sæpius repetito ascensu descensuque G. & emboli impletur locus L. aqua, post rursus elevato G. & ob motus primi rationem ne aër in K. nimis convellatur, elevato Q. operculo aqua ingreditur spacium K. donec impleatur & simul cum eo spacium H. quod, ut dixi, commune est K. quia G. est modioli os patens, & nulla ex parte conclusum. Sit igitur jam plenum & rursus embolus descendet; aqua igitur quæ in H. est, elevabit operculum F. & implebit spacia N. & O. Cum autem rursus trahitur embolus, ne aqua quæ O. ascenderat rursus descendat prohibet operculum F. quòd gravitate tum propriâ tum aquæ superincumbentis, cadens obturat foramen. Itaque constat, hac machinâ aquam semper ascendere, & nunquam posse descendere: unde cum pervenerit ad P. effunditur per P. os tubæ in locum quem volueris, tuncque minimo labore quantum voles aquæ ex B. exhausties: nam plena jam tuba facilius fit motus emboli A. *Card. de subtil.*


Tubæ

Tuba ad Aquas hauriendas.

Tubæ verò quibus siccantur naves, tum fontes & scaturigines aquarum, simpliciore constructione constant. Manente ratione B. & C. ne lapides machinam impedian, embolus quatuor habet corii frustra in imo, & totidem juxta, duorum tamen cubitorum, aut paulò plus spatio distincta, quæ supernè alligantur. Palmi longitudo est eorum: & ut trahuntur, aqua ingreditur vacui ratione: cum descendunt, dilatantur propter aëris impulsus, sed & ob celeritatem aliquid rursus permeat aquæ superius. Itaque non solum trahendo, sed & premendo aqua ascendit. *Cardan. de subtil.*

Ut Aqua se ipsam exhauriat.

Quomodo Aqua tantum ascendat, quantum descendere potest, dum à motu raritatis adjuvatur: id ipsum planius exemplo patebit. Vas sit aquâ plenum, cujus supremum E. imum F. in quo canalis A. B. C. Sit autem C. D. linea æqualiter à finitore distans, secundum quem libella ducitur: Impleatur autem canalis A. B. C. aquâ, & emittetur aqua per C. dico, quod exhauriet quicquid est aquæ supra C. D. lineam, nihil autem ejus quod est intra C. D. lineam, sed canalis plenus pendebit, & vas usque ad C. D. aquâ plenum conspicietur. Hoc itaque sic esse, declarat exemplum. Forſan quis dicat, hæc ad aquæ contractionem debuisse transferri: sed non oportuit, quandoquidem seu aquâ, seu vino, oleo, lactève vas plenum fuerit, nihil interſit. Itaque hujus potius ratio reddenda est experimenti. Aqua igitur quæ supra C. D. est, cum tanta ad unguem sit, quæ ascendit, quanta est illa, quæ ex C. effunditur, seu Canalis latior sit in C. quàm in A. seu arctior, quia semper totus canalis ad unguem plenus est, levior est aqua quæ effunditur per C. Quod verò levior sit aqua in parte supra B. D. quàm in C. fit, quia aqua supra C. D. descendere appetit, ut sit inferior illa quæ est in C. igitur comprimit aquam & in canalem impellit. Quæ autem est infra C. D. non appetit esse in C. quia C. altius est loco ejus, ideo non vult ascendere, sed aqua quæ effluit ex C. non præbet considerandi causam, cum tamen sit humilior ipsa aqua quæ in vase continetur: quia attractio illa non fit nisi continuitatis ratione: continuitas pendet ex ratione raritatis, quæ nulla esse potest aquâ egrediente os canalıs C. Denique tota hæc contemplatio




tio absolvitur hoc argumento, quòd aqua quæ debet trahere aliam aquam secum, oportet ut vase contineatur, quoniam sine illo convelli nequit, sed ab aëre juvatur adveniente, & ut sic corpus continuum ad æquilibrium perveniat. Cum igitur humilior est osculum C. ad aliud perveniet: Cum au-

tem sublimius, non descendet: quia quæ è directo est loci inferioris, ut in A. ascendere cogetur ad C. quod est in directo D. Si autem aqua descendat primò, deinde ascendat, ut in figura sequente, ex A. in B. inde in E. postmodum in C. & in D. tunc pervenire poterit si D. minus distet à linea B. C. quàm A. locus ex quo descendit. Sed oportet in singulis spatiis certam esse differentiam altitudinis A. & D. Quantò enim longior fuerit, eò major differentia A. & D. juxta altitudinis mensuram esse debet. Hinc errores quorundam, qui ad libramen cum conati essent aquas deducere, maximas jacturas impensarum susceperunt. In singulis igitur millibus passuum, altius palmo esse debet quàm D. ut in decem millibus passuum decem palmis. Causa hujus rei est aquæ rotunditas evidens, quæ etiam in urceorum superficie apparet. Unde ad libramentum licet A. sit altius, quàm D. non tamen erit altius quandoque loco medio inter A. D. indiget etiam impetu quodam. Sed hæc nunc præter intentum quasi sunt, volui tamen ob magnitudinem periculi, & erroris frequentiam hæc subjecisse. *Cardan. de subtil.*

Machina Heronis.

Nunc de motu qui ex gravi & levi componitur, dicendum



dum erit. Pro cuius exemplo mirificè se offert Heronis machina, quam nos sæpe tractavimus. Ea sic habet : A. labrum aquâ plenum, sub quo vas B. & ipsum aquâ plenum, sit junctum A. ut ex altero in alterum aqua permeare non possit sub B. vas aliud quod vocetur C. inane. Fistula D. feratur ex B. in C. cujus summum os ferme ad labrum perveniat. Fistula alia E. quæ supra labrum non parum ascendat, & inserta labro in medio penetret usque ad imum primi vasis, non tamen ipsi imo jungatur alia fistula F. cujus supremum in

imo labri osculo situm sit, inferius in ipso septo inter duo vasa finiatur, ita tamen ut aqua ex labro per superius os in vas C. deferatur. Tunc verò videmus aquam, quæ est in B. vase, per E. fistulam emitti, ac eò donec finiatur labri aqua, usque perseverare. Id quomodo fiat ex duobus motibus compositis demonstrandum. Aqua descendens per F. fistulam in vas B. superius. At verò cum ibi locus aquâ plenus sit, cogitur aqua descendere per E. fistulam pressa ab aëre, atque sic effunditur. *Cardanus de subtil.*

Cochlea Archimedis.

Est Archimedis inventum Cochlea appellata, cujus meminit *Diodorus Siculus* in antiquâ historiâ bis dicens Ægyptum siccata beneficio cochleæ ab Archimede inventæ. Quòd si ita est, cum Archimedes secundi belli punici temporibus floruerit, nescio quo pacto antiquo tempore bene potuerit Ægyptus habitari. Utcunque tamen res habeat, instrumentum id nobilissimum procul dubio est, atque tali artifice hand indignum. Meminit hujus *Vitruvius* in fine sui operis. Sed Geleaz de Rubeis civis noster

ster faberque ferrarius, cujus infrà mentionem facturi sumus, cùm jam olim inventam ipse quasi primus autor existimaret se reperisse, præ lætitia insanivit. Vidimus eum




versantem
trufatilem
machinam,
ac paulò
pòst mente
excussum.
Erat autem
machina ta-
lis. Lignum
A. H. soli-
dum, re-
ctum, ro-
tundum, æ-
qualeque,
ac tam lon-
gum ac in-
clinatum, ad
superficiem
aquæ, infi-
xumque al-
veo quan-
tum opus
est, supra
ipsam a-
quam pro-
mineat, ca-


nali ut vides metallico simplici ad cochleæ imaginem fabricato circumtegatur. Sunt qui multiplici utantur, tres mihi necessarii esse videntur, quique adeò sensim ascendat, ut omnia spatia compleantur. Duo ora habet canalis: inferius quidem latius; angustius, quod superius est. Vocetur autem illud K. Demonstrandum est igitur, quòd ubi terminis A. & H. tignum claudatur, ita circumverti possit, quod motu aquæ circumvertetur. Secundò, quòd ubi circummagatur aqua ascendet effundeturque per K. Nam pinnae, quæ additæ sunt B C D E F G. seu inter spacia alterutrinque seu in conjunctionibus tigni cum canali, occurrentes aquæ necessariò vertent illud instrumentum: quia augeri possunt longitudine ac latitu-

latitudine: pondus verò A. H. parvum est, & longè minus etiam factum ob inclinationem & axes in annulis positos, ita ut circumagi possit. Ostendunt id etiam molæ in fluminibus, Pado atque Ticino, ut licèt lenissimè fluant aquæ, hoc tamen ingenio lapides mola-res circumactitant, ac molunt triticum. Sed quòd aqua ipsa ascendat ex Loin K. patet: Cùm enim E elevatur, parsque succedit, fit humilior: igitur aqua descendet, quâ ascendente, iterum pars succedens descendit: eademque ratio semper ostendit aquam versùs K. tendere: hocque experimento pulcherrimè congruit, nos non semel periculum de hac fecimus, converso igitur axe seu tigno in foemineis cardinibus A. & H. in quibus intruditur, donec aquâ canalis impletus fuerit, effundetur per K. in planum ripæ. *Cardan. de subtilitate.*

Machina Augustana.

Est & alius machinæ modus ut intelligo Augustæ, qui tamen sub hoc genere comprehenditur, columna versatilis A. B. rota cum paxillis vertitur à flumine juxta rationem à nobis superius declaratam, dum de motuum translatione ageremus. In ea curriculi pro numero cochlearum, exempli gratia, C D E F G H K. & cochleæ, pro numero vasorum, & vasa pro alitudine: vasa autem L M N O P Q R. fixa in columna S T. Versa A B. vertuntur in curriculis cochleæ omnes, quarum infima C. haurit aquam ex subjecto flumine, & transfundit eam in vas L. à quo haurit cochlea D. fundens aquam in vas M. atque ita uno motu columnæ A. B. C. in L. D. in M. B. in M. F. in O. G. in P. H. in Q. K. in R. aquam fundunt haurientes è subjectis vasis. K. autem transfert aquam per os V. in locum destinatum. Contingit rursus dubitatio: quia cochleæ ore superiore ascendente, aquam mittere haud debent. Quamobrem primam triplicem fecimus. Sed videntur subsultim effundere dum ascendunt: quia, ut demonstratum est, partes descendunt, & aqua tota descendit, quam ob causam compressa exilit, sed non quemadmodum ore cochleæ descendente, sed pluribus circa eundem axem cochleis positis, fit continua non solum, sed æqualis aquarum effusio. *Card. de subtil.*





DE SECRETIS METEORORUM.

LIBER XIII.

De appellationibus Ventorum.

AQUATUOR mundi partibus quatuor venti primarii spirant, Subsolanus, Favonius, Boreas, & Auster. Subsolanus itaque ab Orientali illâ plaga fertur, habetque à lateribus adspirantes ipsi, Eurus & Cæciam. Favonius autem ex Occidentali plaga spirans, Japygem habet & Aphricum, qui ipsum medium constituunt. Boreas ex Septentrionali parte spirans, habet Thraciam, & Aquilonem, qui ipsum medium constituunt. Auster porrò à Meridie fertur, habetque medium ipsum facientes Aphricoaustum, & Euroaustum. Quo fit, ut in totum duodecim venti existant. Cæterum Favonium præ aliis ventis agriculturæ commodum esse, etiam *Florentinus* ait, & nos quoque fatemur. *Dionysius*.

Prænotiones sereni Aëris.

C A P. I.

LUNA tertiâ & quartâ die tenuis, & pura apparens serenitatem significat. Plena etiam existens si pura apparuerit serenitatem portendit. Quin & semiplena pura apparens, serenitatem annunciat. At verò rubicundior existens, ventum significat. Si qua pars ejus denigrata videatur, pluviam indicat. Sol quoque purus exoriens, serenitatem significat, & modicâ nebulâ ante exitum ipsius apparente, serenitas erit; ipso occidente, si nebulæ circum ipsum distractæ extiterint, pluvia timenda non est. Occidens autem citra nebulas purus, etiam sequentem diem serenam promittit. Si verò citra nebulam Sol emerferit, nebulæ autem postea prope ipsum steterint rubicundiores, neque nocte, neque sequenti die pluet. Nebulæ rubicundiores divulsæ circa occasus, pluriæ timorem

rem eximunt. Noctua continenter canens per noctem, & cornix leniter die vociferans, & Corvi plures gregatim veluti gaudentes & clamantes, serenitatem significant. *A-ratus.*

*Prænotiones tempestuosi Aëris, & ex quibus signis
Pluvias expectare oportet.*

CA P. II.

LUNA tertiâ ac quartâ die obtusa habens cornua & tenebricosa pluviam significat. Circulus autem ejus rubens, aut igneus apparens, tempestatem indicat. Plena Luna, si quid circum ipsam denigratum videatur, pluviam ostendit. Si verò circum totam Lunam areae duæ sive tres extiterint, maximam tempestatem futuram significant, præsertim ubi illæ nigriores fuerint. Sol rubeus in exortu, & nigrescens, pluvias designat. Solē exoriente si circa radios tenebricosa nebula apparuerit, pluviam significat. Occidens verò Sol si juxta sinistram partem nebulam nigram habet propinquam pluviam statim sperare oportet. Tonitrua & fulgura ex qua parte fiunt, inde tempestatem portendunt. Si modò ex Australi parte; modò ex Boreali ventus progreditur, ampliusque aviculæ palustres & marinæ si in aqua assiduò lavent, tempestatem annuntiant. Iris dupla apparens, pluviam præfagit. Scintillæ ex ollis, aut vasis æreis micantes, pluviam designant. Cornix in littore caput madefaciens aut tota natans, & noctu vehementius vociferans, pluvias annunciat. Gallinæ domesticæ frequenter pulvere se opplentes, & clamantes, & corvi & graculi gregatim apparentes, & crocitantés, & hirundines circa paludes aut piscinas, aut fluvios cum clamore volantes, imbrem indicant. Muscæ etiam amplius pungentes, & anseres cum clangore cibum appetentes, & araneæ citra ventum deorsum latæ, & lucernarum flammæ nigrescentes, & ovium greges lascivientes, tempestatem futuram significant. Bovēs ad meridiem spectantes aut ungulas circumlingentes, & post mugitum in bubile progredientes, pluvias designant. Similiter & lupus animatior propè domos accurrens, & canes terram effodientes, & ulula matutinum ululatum edens, & aviculæ ad partes pelagi fugientes, tempestatem portendunt. Grues citius venientes, ac festinantes, tempestatem statim futuram

turam ostendunt. Mures stridentes tempestatem significant. Porro ubi plura signa simul concurrunt, firmior spes erit. Maximè verò quartas tum augescantis, tum decrescantis Lunæ observare oportet. Hæ enim Aëris motum mutant. *Idem.*

Tempestatis ex marinæ Aquæ concoctu præsagia, tum quid portendant hyberna Tonitrua.

C A P. III.

OBSERVAVI sæpius scaphâ in ulteriora littora devehctus, manu salo immersa, aquas marinas prorsus egelidas, ac tepore imbutas, quod ipsum tempestates ante triduum imminere portendit, ventosque impetuosos, ac fluctus validos. Cum enim in alto remotoque mari, unde ad nos æstus devehitur, tempestas incubuit, aqua marina concussa, atque agitata fervercit, utque manus comploso calore perfunditur, mox ad nos turbines ac tempestates devolvuntur, fluctusque in summam altitudinem intumescunt. Sic ineunte Vere tempestates austrinæ herbas, & gramina eliciunt concussu, & agitatione aëris concalefacta. Similiter si quando hybernis mensibus tonitru ingruat, ac cœlum fulmine coruscat, crebrisque ignibus æthera micat: subsecuturam tempestatem ventosque Typhonicos exorituros, ac sævissimos in Oceano æstus indicat. Cum enim præter temporis rationem contraque naturæ ordinem excitatur aëris illa intemperies, necesse est validam subesse causam, quæ illos turbines commoveat: nunquam enim tale quiddam observavi, quin postridie horrendæ tempestates sint exortæ, magnæque aquarum eluvies descenderit. Fulmen enim, & tonitru æstati familiaria sunt, quemadmodum & ardentes febres: quæ si hyberno tempore invadant, ac concitentur, ex vehementi id fieri causa oportet, quam prohibere ac reprimere temporis contrarietas non potuit. Quo spectat illud Hippocratis: Minus periculose ægrotant ii, quorum vel naturæ, vel ætati, vel consuetudini, vel tempori familiaris morbus est, quàm quibus horum nulli affinis cognatusque existit. *Lemnius.*

Prænotiones longioris Tempestatis hyemalis.

C A P. IV.

Ilices & Quercus multum fructum ferentes diuturnior
M m 5 rem

rem Hyemem fore significant. Et Capræ & Oves initæ, rursusque iniri expetentes, longiorem hyemem portendunt. Si animalium greges terram effoderint, & capita ad Boream extenderint, magnam hyemem prænunciant. *Idem.*

Prænotiones an præcox, aut serotinus futurus sit Annus.

C A P. V.

PRAESTAT prænosse utrum præcox, aut serotinus Annus fiet. Etenim semine uberiore uti melius est serotino anno apparente, propterea quod quædam ex feminibus in medio tempore corrumpantur. Si igitur post vindemiam imber continget ante Plejadum occasum, præcox annus erit. Si verò simul cum occasu Plejadum imber fiet, medius. Si verò post Plejadum occasum pluvia cœperit, serotinus fiet annus. Democritus autem & Apulejus ajunt, talem futuram expectare oportere tempestatem, qualis erit dies ejus festi, quod Romani Bruniam appellant, hoc est, quarta & vigesima mensis Novembris, qui Græcis aliquibus Dios vocatur. Alii quidem ex observatione quadam asserunt, juxta similitudinem quartæ & vigesimæ prædicti mensis Novembris in qua Bruma sit, futurum esse deinde sequentem Decembrem mensem. Juxta similitudinem autem sextæ & vigesimæ ejusdem Novembris, Februarium. Verum hoc aliquando quidem contingere solet, aliquando verò nequaquam. Quin & illud quidam ex observatione tradunt, quod à septima mensis Martii die usque ad decimam quartam ejusdem mensis aër frigidior fieri soleat. In illis enim diebus 40. martyres in paganorum manus traditi supplicio affecti, fidei suæ testimonium præbuerunt. *Didymus.*

Significatio effectuum ex primo Tonitru singulis annis, post Canis ortum.

C A P. VI.

PIMUM tonitru censendum est singulis annis, quod post Canis ortum contingit. Quare observandum est, in qua domo circuli Zodiaci Luna existat tum, cum primum tonitru auditur. Etenim si, Lunâ in Ariete existente, tonitru fiat, consternatos & dubiæ rationis quosdam in regio.

regione futuros significat, & futuros timores, hominum-
 que fugam, postea verò quietum statum. In Tauro verò
 Luna existente si tonuerit, frumenti & hordei corruptio-
 nem portendit & locustarum insultum. In regia autem
 aula gaudium. His verò qui ad orientem habitant, angus-
 tiam & famem. In Geminis si tonuerit, turbas & morbum
 indicat, frumenti corruptelam, & arborum perditionem.
 In Cancro hordei corruptionem, & siccitatem, & bonam
 mortem, circa Martium verò & Aprilem pluviarum co-
 piam. In Leone frumenti, & hordei perniciem in montana
 regione, & pruritus & impetigines. In Virgine regis inte-
 ritum, & alienigenum regionis Regem, navigantibus pe-
 riculum, circa fata rubiginem. In Libra bella, & plaga-
 rum multitudinem, & fructuum corruptionem. In Scor-
 pione fames erit, volatilia autem multiplicabuntur. In
 Sagittario, commotionem significat in regione, in monta-
 na regione frumenti fertilitatem, in campestri corruptio-
 nem. In Capricorno, pluvias fore significat in dies quin-
 quaginta, & Regis dolum, ac vituperium, & indecoram
 loquacitatem, & alieni Regis apparitionem ab Oriente,
 qui universo terrarum orbi dominabitur, fructuum abun-
 dantia erit, & Virorum præcellentium mors: ovium verò
 generatio. In Aquario, bella grandia in regione maritima,
 fructuum aliorum fertilitatem, leguminum autem perniciem.
 In Piscibus, frumenti corruptionem modicam, & mortem
 Viri potentis. *Zoroaster.*

Pluvie præsagium. CAP. VII.

ILLUD sanè mirum, his qui causam non expenderint: quòd
 si Pluvia non imminet, saltant Tineæ: si imminet, con-
 torquentur solùm: non enim adeò afficiuntur cùm hu-
 midus est Aër, ob id nec adeò exiliunt: plerunque autem
 imminente Pluviâ, Aër humidus est. *Cardan.*

Ventos præsagientia. CAP. IIX.

VENTOS prænunciant mare undis exæstuans, & in litto-
 ribus valdè resonans. Idem faciunt montium juga
 pura existentia. Spinæ item, & arida folia in contra-
 rium à ventis volutata. Tonitrua & fulgura in æstate un-
 decunque ferantur, inde ventum expectare oportet. Quo-
 cunque stellæ delabentes vergunt, illinc ventum expectan-
 dum significant. *Zoroaster.*

Quo-

Quomodo Grandinem abigere oporteat.

C A P. IX.

AJUNT quidam superstitiosi, quòd si quis Speculum incumbenti nubi ostendat, Grandinem præterituram. Et rursus si Hyænæ, aut Crocodili, aut Phocæ pellem loco circumducas, eademque præ foribus domus suspendas, Grando non cadet. Si verò & claves multas diversarum ædium per circulum Regionis funiculis alligaveris, Grando præteribit. Et si in domibus Tauros statues ligneos, valde juvabit. Et Testudinem palustrem si in dextra manu posueris supinam modica terra circum eam aggesta, ut nequeat seipsam vertere ac abire, quod ipsum facere non poterit, si terra sub pedibus ipsius concavior fuerit facta, quum enim non reperiatur, quod instar sustentaculi apprehendere queat, manet in loco: quo facto neque in arvom, neque in ullum aliquem locum Grando cadet. Sunt autem qui tradant, horâ sextâ diei, aut noctis circumgestionem Testudinis, & depositionem fieri oportere. *Apulejus Roma ait, uvam in tabellâ depictam in vinea consecrandam esse occidente Lyra, & fructum manere illæsum. Incipit autem occidere Lyra ad decimam Calend. Decembris: Perfectè quidem occidit primâ Nonarum Februarii, id est, ipso Nonarum die. Atque hæc quidem à Veteribus tradita sunt. Ego verò quædam ex relatis valde indecora esse opinor & vitanda, omnesque moneo talibus, ut nequaquam animum advertant. Quin & Equi fluviatilis pellis segmenta ad singulos terminos posita, Grandinis, ut superstitiosè ferunt, minas cohibent, ac sistunt. Philostratus.*

Adversus Fulmen. C A P. X.

HIPPOPOTAMI pellem intra Regionem defodito, & eo loci fulmen non cadet. *Idem. Superstitio Physica.*

Aliud.

Laurum adversus Fulmen remedium esse *Plinius* scribit. Unde antiqui Fulmen timentes, Lauri coronam suo capiti imponebant. *Idem de Ficu fertur. Guil. Gratarol.*

Adversus Tempestates. C A P. XI.

IN Apennino Italiæ intra Bononiam & Pisas monte, exortâ tempestate, mulieres ad oras procurrun, eas elevatis manibus consignantes, caseo in die Ascensionis Domini pres-

presso, decussatimque signato, crucis figura impresso fune, atque ita se per annum fore illæsas arbitrantur. Eodem in Apennino ovum in Ascensionis festo exclusum adservant, summoque illigant tecto, atque hoc modo istas ædes à Tempestatis injuria tutas fore existimant. Alii stratâ mensâ in medio cubiculi, imponunt inter duas cereas ardentes Ceraunium lapidem ein Donnerfeyl is tum sudat, quod ipsis videtur miraculum: cum tamen non minus naturâ id fiat, quàm vitrearum fenestrarum sudatio, aut tum temporis, aut in hypocausto calente. Cæterum Tempestates agris non nocent, si Corallii triti in quatuor agri angulis præcipuis spargantur. *Vviers & Fallopius.*

Iris quomodo videri possit. CAP. XII.


IRIS multis modis videri poterit, commodius tamen è Crytallo paretur, vel ex Iride quoque gemma, sexangulæ Crytallo simili, quam sic Majores appellavêre, cum Solis subdita radiis, summa tecti laquearia subjectumque planum tremula verberet umbra, Iridique colores similes ostendat. Sic enim nascitur hexagona: sin minus arte paretur trigona longitudine dodrantali, latitudine duorum digitorum, inde rota expoliatur, & concinnetur. Cum ergo Iridem videre quæsieris, Crytallinum, vel Vitreum Prisma manibus sumes, & in longitudine oculis accommodabis, si per infernam superficiem intueberis, omnia diversè colorata puniceo, viridi, xantho, & cæruleo: item si ad supernam superficiem oculos flexeris, permutatur colorum situs, cum permutentur perpendiculares, & hoc clarius Solis Luce, nec contemnendum rei specimen erit, si Hortos inspexeris undique tapetis sparsos, floribus & coronis ornatos, & ambulantes Homines, uti Angeli visuntur vestium fimbria iisdem coloribus redimita: si secundum latitudinem oculis accommodabitur, in latum colores videbis: si supra, vel sub oculos invertes, inversa, & erecta absque coloribus vides, spectans verò quaternis inspicietur oculis, omnia tamen inflexa, ob oculorum convexitatem, aliquam inde cera superficiem opacando, & sæpè per oculos revolvendo ea videt, quæ potius sunt fastidientis, quàm voluptuosæ narrationis pertractare. Idem quoque sic videre possumus. Sic si in pelvim aquæ plenam speculum immergatur, diligens intuitor in parietum marginibus, iridis colores generatos reperiet, & pulchriores. Aliter vitreum vas, vel pellucidum aliquod

quod rotundum, foris aqua perfusum Soli oppones: radiis enim solis ictum, rutilo aëris repercussu in subiecto plano cœlestis arcus speciem imitabitur, per varias Solis inflexiones. Sic Soli aquam objiciendo stillatim, è regione nigra in superficie dissultans, Iris spectabitur, ut sæpè remigantibus evenit, aquarum motum: idem quoque evenire conspicitur circa lucernas Austro flante, & maximè humidis oculos habentibus. *Joan. Bapt. Porta.*

Draconis volantis constructio. CAP. XIII.

EXTAT & artificium, quod aliquibus Draco volans, vel Cometæ sidus dicitur, cujus talis est constructio. E subtilioribus Arundinum paxillis quadrangulum constituatur, vel longitudo ad latitudinem hemioliam, sit proportionis diametrorum duorum, & ex oppositis partibus vel angulis immittantur, quarum intersecatione funiculus illigetur, & ejusdem quantitatis, cum duobus aliis jungatur, è capitibus machinæ provenientibus: sic papyro, vel subtili lino obtegatur, ne quod grave in ea sit; inde è terris, montibus, vel altiorum locorum fastigio, æqualibus, & uniformibus ventis credenda, non validis ne disrumpatur machina, nec levibus, si undique filebit aura: nam eam non sublimat, ventorumque segnities irritum faciet laborem: ipsa recto non incedat tramite, sed obliquo, quod efficit funis tractus è capite uno, ex altero longa cauda, quam è restibus effinges æquidistantibus & papyris passim religatis, sic levi tractu immissa artificis manibus committenda, qui nec segniter, nec oscitanter, sed validè impellat: & sic volutans carbasus aëra petit, ubi paululum fuerit elevatum (hic enim ex domorum anfractu disruptus est ventus) ut vix manibus compesci, vel retineri queat, Laternam aliqui suprà locant, ut Cometa videatur. Sclopum alii, charta & pyrio pulvere involutum, & cum in aëre quiescit, immittitur per restim accensus funiculus annulo, vel lubrico aliquo, statimque velum petens, ignem ori admove, maximoque Tonitru, in plures machina diffilit partes, & ad terram procumbit. Ælurum aliqui vel catulum ligant, ac per aëra immissas auscultant voces. Hinc auspicari poterit ingeniosus principia, quonam pacto & homo volare possit ingentibus alis, cubito & pectore deligatis, eas autem à pueritia paulatim jactare assuescat, loco semper sublimiori. Quod si quisquam id mirum putaverit,

verit, adjiciat ea, quæ Archytam Pythagoricum commentum esse, atque fecisse traditur, plerique enim nobilium Græcorum, & *Favorinus Philosophus* memoriarum veterum exequentiſſimus, affirmatiſſimè scripserunt, simulacrum Columbæ è ligno ab Archyta ratione quadam disciplinaque mechanica factum volâſſe, ita erat ſcilicet libramentiſſum & aura ſpiritus incluſa, atque occulta concitum. *Joan. Bapt. Porta.*



DE SECRETIS ORGANICIS.

LIBER XIV.

DE SECRETIS GRAMMATICIS, quomodo videlicet occultè loquendum.

CAP. I.

Locutio quomodo occultetur.

VOCES ſeptem modis occultantur: primus eſt abſentia, hæc tutiſſima eſt, & cum non deprehendatur, ſuſpicionem caret. Inde obmurmuratio, vel locutio ſubmiſſa quæ indecora eſt, & ſuſpicionem plena, & ſæpe numero maximorum malorum cauſa fuit. Tertius linguam alienam, ut Græca - Latinis, Germanica - Italis miſcendo; ſed & hic ſuſpicionem parit, & eſt indecorus. Quartus eſt per nutus ut colludentes: eſt autem hic maxime turpis & irriſorius. Quintus eſt per verba alia ſignificantia, qui circulatoribus eſt familiaris. Itali ad Calman locutionem vocant. Ea indiget longâ obſervatione: ſi quis tamen dextrè eâ utatur, ſuſpicionem carere poteſt. Utilis eſt, ad pueros inſtituendos, qui in domo ſerviunt. Sextus eſt cum circumciſè loquimur, hic haud irriſorius eſt, & gravem Virum decet, cum ancipitem ſenſum reddit. Adeoque legitimus, ut etiam ſcriptis magnorum Virorum ſit familiaris. *Cardanus.*

Locu-

Locutio per sibilum.

Locutio per sibilum duobus modis contingit, alter quidem ut in his Fistulis; quibus canimus simul & loquimur. Vox lingua dearticulatur, latet non animadvertentibus parvum sub magno, & umbra sub sono. Constant fistulæ illæ cicutis simplicibus, ligneis, unico foramine lato, sub eo posito, per quod inflantur: id verò membranâ tenui contactum est undequaque, ita & vox & sermo resonat. Sed reliquus modus in elevatione vocum per paria spatia constat; quibus singulæ literæ significantur, & ex literis dictiones, & oratio tota indiget consuetudine, sed non est assuetis ardua res. *Idem.*

Quomodo cum Urbe obsessâ, per faces procul colloqui liceat.

Est & aliud communicandorum consiliorum obsessis Urbibus remedium, quod tutum est, & semper paratum: nec minùs licet intelligere, quæ velint, qui auxilio veniunt, aut venturi sunt, quàm Urbis statum patefacere, parumque differt ab epistola. Igitur si civitas ipsa cupit exploratori, quæ velit, significare, aut exercitus duci in auxilium venienti, super quinque turres procul invicem positas, ita ut longè distinctæ videantur, singulæ faces ardentes collocentur, singulique qui eas tenent, verba quæ significaturi sunt scripta ante se habeant, & ut in litera succedit quæ ad facem pertineat suam,



aut duæ trêſve, eam eâſve faciem elevando, aut deprimen-
do, aut in dextram, aut ſiniſtram ſelectendo, ſignificet. Pa-
ri ratione, ex altiffima turri conſilia Ducis in auxilium ve-
nientis, exercitu hoſtium intermedio, quiſque literas con-
jungendo intelliget, prorfus hoſtibus nec advertentibus, ne
dum inſciis, quòd faces auxiliariorum humiles erunt. *Card.*

Modi quibus res ex Urbe obſeſſa ſignificentur.


Nunc tempus eſt, ut doceamus, quomodo abſque epi-
ſtola res procul ſignificari poſſint: id cum facibus fieri poſ-
ſe modò docuimus: exiſtimantes noſtrum eſſe inventum,
ſed olim à Polybio in quodam fragmento deſcriptos duos
modos hujus generis, alios tamen à noſtro invenimus, qui
cùm obſcuri ſint, & mutili, non ab re eſſe exiſtimavi, ut
à nobis explicarentur, ſimul locupletem facturus doctrinam
de hoc, ut commodè ea uti poſſimus. Igitur ænea vaſa
utrinque conſtituit longa, arcta ſed profunda, in ternas,
aut quaternas partes diviſa, & in his, ut in lampadibus
fieri ſolet, ligna cum ſubere poſita, ſuper lignis tædæ im-
poſitæ, è directo in limbo vaſis res inſcriptæ principales,
veluti frumento indigemus, ſeditio in urbe eſt, præſidium
receptum, peſte laboratur, cras foras erumpemus: atque
multa alia capita rerum. Ergo utrinque impletis vaſis aqua:
& tædis accenſis, ubi aliquandiu arſerint, detracta fiſtula,
fax deſcendit ad imum: ſubducta aqua, alter legit, quæ
in limbo ſcripta ſunt. Sed hic modus ſatis rudis eſt: nec
docet, quæ velimus, verùm ex infinito numero fortuito-
rum pauca admodum, nec perfectæ. Alium deinde ſubjun-
git, noſtro ſatis conformem, qui talis eſt; Ex conſtituto
utrique habent 5. tabellas, in quarum ſingulis alph. ele-
menta 5 aut 4. ſaltem eo ordine, quo vides deſcripta ſunt.

1.	a	f	m	r	y
2.	b	g	n	s	z
3.	c	h	o	t	
4.	d	i	p	u	
5.	e	l	q	x	

N n

Qui

Qui verò volunt ostendere, quæ velint, decem habent tedes ardentes, quarum quinque à dextris, aliæ à sinistris sunt collocatæ: igitur primum faces eleventur ab eis qui aliquid significare voluerint, ac toties, donec alii facem elevent, ne initium incertum sit. Ubi respondemus signo, & si quæ sunt animadvertere docuerint, totidem faces eleventur à dextra quotus est numerus tabulæ, in qua litera est descripta, inde à sinistra totidem, quotus est numerus elementi in tabula. Gratia exempli, volo significare *Veniemus*, à dextra quatuor faces, quia V. in quarta tabula est, & totidem à sinistra elevabimus, nam V. quarto in ordine tabulæ collocata est: inde X. nam à dextra ad quintam à sinistra pro E: est enim in prima tabula quinto loco descripta. Inde tres à dextra, duas à sinistra pro N. & pro I. duas à dextra: est enim I. in secunda tabula: & quia est in quarto loco, quatuor à sinistra: rursus pro E. unam à dextra: quinque à sinistra: & pro M. tres à dextra, unam à sinistra: & pro V. quatuor à dextra, totidem à sinistra: & pro S. quatuor à dextra, duas à sinistra. Nos verò alium modum ab his, atque etiam eo, quem suprà descripsimus,



trademus: ut cum duobus facibus res tota absolvatur, ad omnem confusionem vitandam. Igitur constitutis duabus facibus prælongis, ut sufficiant ad totam sententiam per elementa declarandam, atque in tanta distantia inter se, ut pro intervallo eorum, quibus signum hoc proponitur, in distantia quatuor cubitorum

esse judicetur. Datoque ac recepto signo à complicibus utrinque facibus elevatis, aut abditis ut initium rei statuatur, sinistra elevata, elementum unum significabit: debet autem elevari decem cubitis, depressa sicut lateat, aliud in sinistrum latus inclinata, aliud in dextrum, aliud ut quatuor amplectatur elementa, totidem dextra significabit, erit autem pro arbitrio, & pro condicto elementorum ordine sit ita hostibus, ut amicis res pateat, poteris enim primo loco pro A constituere N. vel aliud quodcunque volueris elementum, habes igitur jam octo elementa, quatuor

quatuor habes si ambæ faces moveantur simul: utpote elevata I. abscondita L. in sinistram inclinata M. in dextra N. Rursum sinistra elevata & dextra depressa O. in sinistram inclinata P. in dextram Q. Sinistra quoque depressa, tres alias notas, in sinistram tres alias, ut sint viginti & unum elementa, & absolutum alphabetum usque ad Z. literam. Superfunt præter has, tres aliæ differentiæ, quæ à sinistra face in dextram partem inclinata prodeunt, cum dextra simul mota fuerit sursum aut deorsum, aut in sinistram partem. His igitur constituemus o. 1. 2. Et sic repetatur 3. 6. 9. ut constituentur secunda vice ab I. usque ad i. repetiti prima constitutio 9. 18. 27. Et ita habes ab uno usque ad 38. Quod si quarto repetieris primum signum 27. secundum 54. tertium 81. significabit, perveniesque usque ad 119. Ita quinto habebis 81. 162. 343. & summam omnium 462. Neque parum est tam brevi duabus funibus, quarum altera eodem modo semper se habet, scilicet ut ad dextram inclinetur, reliqua trivariam variatur omnes numeros significari ab unitate usque ad 462. Atque hic modus minime fallax est, aut confusus, brevisque & perfectus. Verum exercitatione in talibus opus est, & ut antea de his, obsessi cum auxiliaribus convenerint. Noctem etiam esse claram atque serenam, & absque Lunæ lumine. *Idem.*

DE SECRETIS SCRIBENDI.

C A P. II.

Literæ in tenebris conspicuæ quonam fiant pacto.

SI quis furtivo scripto rei conscio, novo astu excogitata quæpiam nuntiare quæsierit, quæ tantum nocte intempestâ conspectari queant, in tedularum liquore graphice describendo pagina saturetur, maximâ adhibitâ sedulitate, & ineffigiata interdium apparebit. *Joan. Bapt. Porta.*

Literæ occultæ, quas non quivis legere possit.

Occultandi ratio triplex est, transmutandi, quæ in usu, ut de Cæsare olim Suetonius, velut si pro a. d. pro b. n. scribatur. Est autem infinitorum generum. Secundus translatione fit, atque hic duplex. Primus cum tribus literis exempli gratia, omnia scribimus, facilius autem ad-

data aspiratione, ne quid de his prorsus præter hanc sit varietatis. Cb 'abb 'aacb acaccab bb ababbba cabbca 'abb 'abcbacab bbb 'acabbcbabbabb 'ab 'b cbaabbaacb 'acc ababbbab cab cbbb bbb 'aa 'ac 'aaabaa bbb 'ca cbabb 'abacabbaa 'ca 'abbca cbabab. Alter translationis modus est, ut deliteſcant, in quibusdam ſuſpicionis nota quædam, ut in Laconica ſcytala, in aliis nulla penitus relictæ, qui modus eſt elegantiff. Nam membranas duas æquales accipiet delineatas ad ſcribendum, atque in iſtis lineis foramina ſparſim è regione in utraque parva, ſed tamen pro elementorum magnitudine ſeu altitudine facies. Quædam ſeptem, quædam tria, quædam octo, vel decem elementa continebunt, ut omnia ſimul foramina CXX. elementa ſimul junctis omnibus, quæ inſcribi poſſunt, contineant. Harum alteram dabis illi, ad quem ſcribere deſideras. Cum verò opus eſt, ſcribe primùm ſententiam tuam quàm breviffimè potes, ſic ut numerum elementorum minorem contineat ſententia, quàm iſ eſt, quem cupiunt intervalla. Inde in membrana ſuppoſita foraminibus ſcribes eam ſententiam, atque item in alia atque alia: demum imple ſpacia primæ membranæ ſententias complendo, donec ſenſus conſtet. Hanc ſecundam ſententiam complebis in ſecunda membranâ, ſic ut verba N. ſententiæ cohærere videantur: in tertia quoque ita aptabis, ut illæſis primis literis, ſententiâ totâ verborum numerus magnitudoque conſtent, ac concinnitatem retineant. Quibus peractis ſuperpone exemplar, quod præcidifti membranæ coæquali, atque ita terminis foraminum puncta tenuiffima ſignabis eò uſque, quò literæ pertingant, quas ſcribere deſideras: tum tertiam membranam accipe, epiſtolamque continuis verbis decenti ſpaciolorum ordine ac magnitudine, tum etiam literarum ſcribe, ſic ut primò ſententia ac verba illius inter punctorum terminos contineantur. Ergo fuci ſuſpicio tunc nulla manet, alter cum recipit, ſuperpoſito exemplari ſententiam animi tui illicò intelligit. Nec huic rei tametſi laboris haud levis ſit, aliquid ad ſignificandam ſententiam periculofis temporibus amicis ſuis par inveniri poteſt. Tertia occultandi ratio ſit, cum literæ alumine ſcribuntur: latent enim: immerſæ aqua leguntur, quia aqua membranam reddit obſcuriorem, in qua candicat alumen. Quæ verò ſale ammoniaco, apparent dum igni exponunt. Ita alii ceparum ſucco ſcribunt, quæ omnes ignibus expoſitæ legi poſſunt, ſecus

fecus deliteſcunt. Sed opus eſt haud mediocri diligentia.
Ex Cardano de Subtilitate.

Literas lumine interpoſito legere.

Hæc eſt ſcribendi inopinabilis latebra, nec ut cæteræ leviter igne detegitur: Si colore corporeo albo ſcriptitaveris, uti Ceruſſa liquido immixta gummi, vel conſimili ſit chartæ concolor, nève aliquid ſit diſcerniculi, vel conjectare poſſit, tunc oculo, & lumini interjecta ſideris vel candelæ, ubi deſcriptæ fuerint literæ, ocularibus radiis penetrari non ſinunt, ſic obſcuriſculæ conſpiciuntur. *Porta.*

Literæ indelebiles, quomodo corporibus humanis inſcribantur.

Si placeat quodocunque novas inſcribere figuras, facillimè efficies in æſtuario diviſa ſummâ cute novaculâ, vel phlebotomo, prius depicta atramento in cute figura: inde rimas minio, vel cæruleo, aut terra coloris quem depingere cupis implebis, & ſtatim ob calorem contracto colore cutis concreſcit in imaginem. Aliter ut experimento didici, & abſque balneo: Aquæ ſeparationis Auri cantharides toto die naturali immerſas ſines: inde calamo tenui ſeu literas, ſeu formam aliam quam volueris delineabis in cute, ſic ut aquæ veſtigia relinquantur, conſeſtim erumpent veſicæ albæ locis, quæ aqua occupavit. His perfractis & die una conſolidatis, perpetua cicatrix alba ſuccedet, atque omnino indelebilis niſi vi, formam depictam ad unguem referens. *Cardanus.*

Literæ ut nigro exemplo candicent.

Si velimus, ut literæ in nigro exemplo candicent, eſt adhuc occultior mentis conceptum proferendi ratio. Luteum, Oviq̃ue albumen validè exagitatum, inſtar ſcriptorii atramenti liqueſcat, huiusmodi literas, vel lineamenta protrahe, jam exiccatis, colore atro papyrus ſuperlinatur, & inquinetur: ubi verò literæ jam obrutæ liqueſcant velis, lato ferro, vel cultro leviter eas erodendo, tenebricoſum dilacerantes velum, uti nebulas diſcutientes ſupra modum candore panduntur inſigni. *Porta.*

In Ovo modus ſcribendi.

Alumen ex Aceto ſubtiliter, multumq̃ue terito, & cortici

quidquid velis affigurabis, ferventi Soli exiccato, muriæ vel acri aceto impone tribus, vel quatuor diebus, resiccatum coquito, cumque fuerit tostum, cortice nudabis, & duro Albumini inscriptas literas reperies. Inde occurrit alterum: Cera circumlinito ovo, stylo literas exarando, fatiscentes rimas humore reple, ac aceto macerari finito per diem, cum ceram sustuleris, decorticato & pervium corticem, & ovo impressas leges literarum figuras. *Aphri- canus.*

*Literæ delitescentes ut conspiciantur, & conspi-
cua delitescant.*

Si optabis ut literæ delitescentes conspiciantur, & conspiciuæ delitescant, potieris, si stillatio Calcanthi liquore, vel Ardenti Aqua affusa, donec solutum fatiscat, ac papyro literas duxeris: jam enim siccescentibus celantur: porrò combustam paleam ex aceto triturabis, & quæ sumus scripturi, in priorum interstitio versuum latè describito. Omphacitis inde Galla albo Vino decoquatur, spongia madida, cum cordi evenerit, leviter expergificando, & super eas inducta atterendo, vernaculus nobis color ater obliteratus delitescit, pristinus verò invisibilis refricatus nobis fiet conspicuus. *Porta.*

Scripta quomodo occultentur.

Diluitur tantum Atramenti scriptorii in aquâ, ut vix in scripto exemplo vestigium nigredinis appareat: qua siccata, super eadem verba, iisdemque lituris alia, ex carbone Salicis, & Aqua pluvia spissata scribitur, quæ verum Atramentum refert. Ubi siccata fuerit transmissaque, libeatque legere, Galla aquæ incoquitur, impositaque spongia ac expressa mediocriter detergitur epistola nuper conscripta, ita ut neque Carbo nec Lachryma nec Galla adhæreat, reliqua prior emergit cum Gallæ colore, & in tenacitate affigatur chartæ & obumbretur. *Cardanus.*

Literæ quæ igne, vel aquâ visibiles redduntur.

Ast reddere Literas igne vel aquâ visibiles sic possumus, & literas in carminum intercapedinibus, & syllabarum coagmentis, & distantis protrahere. Contineat epistola inane quippiam, ut inconditè putet positas, & interceptæ, aut nihil omnino aut ægerrimè sentient. Si Citrii, Medici mali, Cephæ & omnium ferè acrium succo descripseris,

ris, si igni infervescit, eorum acrimonia deteguntur illico. Majus aliquantulum subtilitatis habet, si Alumine aquâ dissoluto scripseris: cumque lectioni accedit, aquæ immergendo, latè evadent visibiles, & elegantes. Si verò candicent, velis, & lacteas, sic facies. Lithargyrium primò teritur, in fictile aquam continens cum aceto conjicitur, decoquitur, & decoctum per colum trajicitur, servatur: inde Limonis succo citrigeri generis literas exarato: jam enim siccescentibus abduuntur, si servato liquore immerferis; lacteas & conspicuas videbis. Si Mulierum ubera, vel manus ea madeant, prædicto insperso liquore lacte resudabunt, utitor si inops aliquando eorum fueris. Sic quoque literæ Hirci adipe lapideque occultæ prorsus, si lapidis idem aceto demergatur, prodeunt illico, & quasi sculptæ foras eminentes extabunt. Si autem absoluta aqua perscribendo, literas increfcere jubes, ut gnavius expeditiusque itineribus accingamur: Gallas, & Calchantum subtiliter pinfito, inde pulverem chartæ inspergito, panno perfricato, recteque expoliantur, & ut sit chartæ concolor, & pertinacius inhæreat, contuso Juniperi gummi (quod scriptoribus *Vernigo* dicitur) addatur reliquis, cum usu evenit, aquâ, vel salivâ scribito, & nigrescunt. *Idem.*

Literæ quæ non leguntur, nisi de nocte.

Literas, quæ non leguntur nisi de nocte, cum Felle Testudinis scribe, aut lacte Ficus si ponatur ad ignem, aut cum aqua vermis lucentis de sero. *Albertus.*

Modus cognoscendi Literas in charta latentes.

Cum sint tria genera eorum, cum quibus literæ occultæ scribuntur, atque imperfectæ: vel quia res alia desideratur, ut quæ sebo, cinere aut carbonibus indigent, vel quia aquâ, & lachrymâ Arabica, Calcantho, aut perspicuo verbo verbi gratiâ, Alumine (in aqua enim candor videtur) pinguntur: vel quia densitate, ex. gr. scribentur soluto Sale ammoniaco, nam ab igne coguntur: necesse est ut qui explorare velit, & inunctam Oleo chartam contra Solem inspiciat, & ut mergat in aqua, & ut igni exponat, & ut Calcanthi pulverem inspergat. *Cardanus.*

Literæ, ut constitutis diebus deciduæ sint & evanescant.

Quantum humanum evolat ingenium, dum naturæ secreta

creta pandis? Demergantur tenuis elimatus Chalybs in separationis aquam, pondere jam triplicato, quibus liquida Picis, vel Terebinthinæ resinæ fuligo addatur, ut nigrior fiat, & dolium cooperies, super porphyrite multum teratur, scribe, & confenescentes decident literæ. Hoc silentio prætereundum non putavi, quod præcipuum, & tanquam rei caput est, periculum frequenter facere oportet: nam si diutius in charta commoratur, fortis Aquæ plusculum suggeratur, & si fueris sedulus, subcrocea non remanebunt vestigia, hac indicii normâ frui poteris. Sic aliud consimile genus habebis, si sic mentiri satius fuerit: Chrysocolia, ammoniacum Sal, & Alumen æquali certent inter se pondere, tusa omnia fictili condantur, & forte ex Calce parato Lixivium, & faucibus excepturi vasis lineo panno obtento, colato: si igitur parum ebulliat, atramento immisce, & ubi incolumes aliquantulum durabunt, jamque flaccescentes fient & caduæ, ad usum recondito. *Porta.*

Modus delendi literas.

Cerussam in æstate cum lacte ficus misce, & in pastillos redige: siccato in umbra, & tere, ac rursus novo lacte Ficus imbue, forma pastillos, siccato, terito: atque id repete quater, inde serva. Cum opus est, literas leviter madefacito, & pulverem illum inspergito, sic ut undique adhæreat, finito per horas duodecim saltem, confricato tenui linteo asperiusculo, in quo gossipium includatur. *Cardanus.*

Literæ quomodo deleantur.

Rec. Salis communis

Salis gemmæ

Aluminis rochæ ana unc. ij.

Salis ammoniaci unc. iiij.

Mista destillentur secundum artem. Hac aquâ literæ humectatæ, evanescent. *Fallopius.*

Literæ ut penitus abstergantur.

Sed lituras, maculas, vel literas penitus abstergere si quæsieris; Calcanthi & Salnitri aquâ calamo supra literas delineato. Vel è Sale alkali & Sulphure, parvis conglobatis orbiculis perfrica, sic erodet, ut nec vestigium remaneat. *Porta.*

Literæ in lapidibus quomodo inscribantur.

Si in silicem nullo compendio aliquid inscribere velis, obli-

oblinito totum cerâ, inde inscribito quod lubet, cerâ tamen exactè derasâ, ubi literæ sunt, ut nudus Silex appareat: post merge lapidem in aceto acerrimo per septem horas, & exime: at si pluribus horis immerfus maneat, citius crusta excidet. Contingit enim fermè, quod in humanis corporibus, cum escharotica vocata medicamenta applicantur: supplet in aceto vim potentioris medicamenti mora, & multitudo aceti, cum mergatur. Siccat enim & penetrat. Unde lapidem comminui necesse est. Palàm autem est, & hoc ad alios lapides traduci posse, qui non sint multò duriores. *Cardanus.*

Ad Literas oblitterandas.

Literas sic facile oblitterabis ac delebis. Accipe carnem leporinam, sicca, tere in pulverem, & vivæ calci misce, ac literis superpone, vel illine, & infra triduum nullum comparebit illarum vestigium. Ex vetustissimo quodam exemplari. *Mixaldus.*

Epistolæ quomodo concludantur, ut aperiri clanculum nequeant.

Epistolarum usus, & ratio obsignandi tam utilis est, quàm etiam necessaria. Si igitur adsit sigillum, antequam cera imponatur, charta sub eo in capillamenta divaricanda est, si id feceris, inde cera tolli non potest ullâ arte, quin capillamentum pereat. Dignoscitur ergo aperta epistolâ ex adversa sigilli parte fraus. Rursus sigillum non adsit, altera ex parte regula & stylo divaricanda est pars A D. postquam jam plicata fuerit, epistolæ cohæret pars AD. (quæ rectangula, & oblonga esse debet) duabus scissuris, altera tangente A. altera propè valde deducenda est adversam partem epistolæ per B. inde rursus reducenda per C. & demum præcisa parte, & in mucronem formatâ reducenda iterum pars mucronata E. sub BC. ex B. in C. ita ut pars, quæ tegit BC. quadrata sit, non mucronata. Post ex adversa parte



pars foliis ad unguem æqualis ac similis A. D. abscindenda est: ita fiet un similes sint alterutrinque partes, nec unde clausa sit dignoscere quisquam facile queat. Inscribendæ etiam sunt literæ utrinque super obsignatum locum, *Cardanus.*

Epistola quomodo clam aperienda.

Literas obsignatas aperire solent seta Caudæ Equinæ, sed prius parum ceram excalefaciunt, res hæc manuum agilitate & iudicio, quàm doctrinâ constat: restituere oportet è regione prioris loci, ne consuetudine sigilli, situs mutatus prodatur dolum. Aliter inunge sigilli locum, inde superinfunde dilutum Gypsum tenuissimum, ex aqua cum modico glutinis piscium, aut lachrymæ Arabicæ; finito cogi, & ita sigillum adulterinum habebis. *Idem.*

Literæ ne comburi possint.

Ne literæ possint comburi, Accipe Acetum acerrimum, & Ovorum albumina. In quibus dilue, & coagita Hydrargyrum, eaque miscellaneâ papyrum ter inunge, ac toties resicca. Postea scribe ibi quicquid visum fuerit, & in ignem projice, videbis absque ulla combustionem resistere. *Ex antiquo libro.*

Literas ut à muribus tuearis.

Atramentum librarum diluto Absynthii temperatum, literas à muribus tuetur, herba verò ipsa vestibis inserta, tineas arcet. *Dioscorides.*

Albæ literæ ut legi possint.

Ammoniacum sal tritum, & aquæ mistum, literas albas, & à papyri colore nihil distantes reddit: sed si igni admoveris, nigrescent. Ad hunc modum Aluminis pulvere scripta non apparent, nisi chartam, dum voles legere, in aquam demerferis. *Mizaldus.*

Scytale Laconica.

Duo lima teretia polita æqualiaque omnino, charta sic ad cochleæ instar stricta, & æquali à summo usque ad imum involvebant alterum, ut nihil omnino è ligno con-

conspici posset, inde alterutrinque capita, quæ non integebantur præcidebant in formam, quam è latere vides. Unum ex his lignis Imperator exercitus accipiebat, reliquum apud se retinebant. Ubi opus esset epistola, chartam ligno prædicta ratione involvebant capitibus utrinque affixis, & in medio etiam tenuissima cera certis locis: inde scribebant, quæ vellent: eaque à ligno avulsa, epistolæ loco trans mittebant. *Cardanus.*



Literæ ut aquâ visibiles reddantur.

Cum aqua, in qua Alumen dissolutum sit, scribito, cumque lectioni accedis, aquæ immergendo, latè evadent, visibiles, & elegantes. *Alexius.*

Literæ albæ, ut citò nigrescant.

Aceto vel Urinâ clanculum in manibus, vel alibi literas exarabis: cum exiccatae fuerint, nec vestigia apparent, & vis elucescat, fuligine, vel colore, quem ubertim infectoriæ dant officinæ, extricato, & nigricabunt valdè. Si easdem albas quæsieris, chartas ficulneo lacte delineato, exiccatas carbonis polline insperso confricato, & detergito. *Joan. Bapt. Porta.*

Atramenti conficiendi modus optimus.

Sumito Gallarum optimarum in tres aut quatuor partes incisarum, vel leviter contritarum quantum volueris, quæ cum in oleo paucò, aliquantulum fuerint frixæ, ponantur in ollam vitreatam, superinfundendo Vini albi tantum, ut ad quatuor, vel plures digitos emineat: deinde adde Gummi Arabici contriti lib. f. Vitrioli contriti unc. viij. misceantur, & ponantur ad Solem per dies aliquot, miscendo quotidie. Postea cum aliquantulum, & ad sufficientiam cocta fuerint, coletur, & erit perfectum. Cæterum fecibus relictis recens Vinum addi potest, deinde coqui, colari, & hoc toties fieri potest, quoties vinum non ampliùs à fecibus tingitur. His quidem vinis simul mistis, addantur Gallæ, Gummi, Vitriolum recentia, ut supra: deinde cum

rur-

rursus ad Solem posita, demumque cocta fuerint, multò melius erit, quàm prius. Quò enim sæpius iterentur hæc, eò etiam melius evadet Atramentum. Quòd si Atramentum spissius, quàm par esset evaderet, addatur parum Lixivii, & fiet fluidum. Si verò nimis esset fluidum, addatur Gummi Arabicum. Cæterum Gallas parvas, crispas, ac duras esse oportet, quemadmodum Vitriolum coloris cœrulei: gummi præterea lucidum & friabile. *Alexius.*

Atramenti pulvis, quem quisque proficiscens secum ferre potest, modò aquâ vel vino contemperetur. Hic etiam pulvis reddit Atramentum perfectius.

Sumito nucleos Persicorum, vel Armeniacorum, vel Amygdalarum, & ponantur ad ignem, donec candescant, auferantur, & ferventur. Quo facto, sumito Resinæ picæ quantum satis est, ponatur in vas aliquod, vel ollam ad ignem, & cum candelâ vel carbone accensa fuerit, cooperiatur operculo aliquo, ita ut spirare, non extinguere, sed fumus optimè recipi possit: deinde cum Resina omnino consumpta, vasaque frigida fuerint, abstergetur fumus in operculo hærens, & servetur. Quòd si quis tantum laboris, pro conficiendo fumo insumere nollet, emat ab iis, qui Typographorum Atramentum conficiunt. De hoc itaque fumo sumito part. j. pulveris Nucleorum accensorum part. ij. Vitrioli part. j. Gallarum fixarum, ut superius dictum, part. j. Gummi Arabici part. iv. Redigantur in pulverem, cribrentur, & misceantur, fiatque pulvis in corio servandus. Quando autem uti voles, sumito hujus pulveris parum: cui adde aliquantulum Aquæ, vel Vini, vel Aceti, & misce benè & utitor. Atque sic habes Atramentum repentinum, quòd quisque secum, absque effusionis periculo ferre possit. Quòd si hic pulvis addatur Atramento non bono, perfectissimum redditur. *Idem.*

Atramentum paratu facile, neque magno precio: præterea non solum ad scribendum, verum etiam ad libros imprimendos aptum.

Rec. Ejus tincturæ, quâ coria tinguntur, quantum volueris, Fellis Sepiarum, quantum satis est, misce & fiat Atramentum. Verum si melius efficere voles, adjungito prædictum

dictum pulverem ex illis carbonibus, Vitriolo, Galla & Gummi. Hoc etiam Atramento libri imprimi poterunt: præfertim si aliquantulum Vernicis, & olei Lini additur, ut liquidius & tenacius fiat. Cæterum Atramentum pro imprimendis libris, ex solo fumo Resinæ conficitur, ut suprà dictum est, addendo Vernicis liquidæ quantum satis est, & coquendo parum, fiat Atramentum, vel liquidius, vel spissius, ut res ipsa poscere videbitur. Nam hyeme liquidius, æstate firmitus esse debet. Quòd si liquidius efficere voles, adde plus olei Lini: si verò durius, minus olei, & plus fumi, meliusque coque. Verum durius Atramentum elegantiores efficit literas. Quòd si rubrum Atramentum conficere cupias, loco fumi sumito Cinnabaris optimè contritæ, quantum volueris: si verò viride, Æris florem accipito: si cæruleum, ut paucis retro annis utebantur, sumito cæruleum Germanicum, vel enchaustum vitreum, quod Venetiis habetur. Reliqua fiant, ut in communi Atramento dictum est. *Idem.*

Atramentum perpetuum.

Stuchum vocant Artifices colorem perpetuum, quò maxime sepulchris literæ solent inscribi, jam prius literis in marmore incis: constat fumo olei è semine Lini Pici navali commixto. Ejus enim fumi nigredo non mutatur, nec pix ab aqua, aut vento corrumpitur. *Cardanus.*

Rubrica scriptoria.

Accipe ligni Brasiliæ minutim incisi unc. unam, Cerussæ, Aluminis, singulorum drachmas duas: terantur & misceantur: quibus tantum Urinæ superinfundito, donec coequantur, relinquanturque sic per tres dies, miscendo quotidie ter aut quater: deinde coletur per linteum, ponaturque in catino aliquo vitreato, vel mortario, & siccentur in loco aliquo, ab aëre & Sole remoto, & servantur. Quando autem ad scribendum uti voles, Aqua gummi temperata conficito. *Alexius.*

Pulvis abstergens Atramenti maculas, vel literas, scriptas in papyro.

Accipe Cerussæ optimè contritæ, lactis Ficuum, singulorum quantum sufficit. Misceantur, & fiat massa, quæ cum exsic-

exsiccata, deinde rursus imbuta lacte, atque sic sexies factum fuerit, fiat pulvis & servetur. Quando autem Atramentum, vel literas à papyro auferre velis, sumito Pannum aquâ imbutum; deinde expressum, ponatur supra Atramentum, vel literas tamdiu, donec humectata sint. Quod cum factum fuerit, pulvis prædictus superaspergatur, & relinquatur sic per noctem unam: deinde manè cum panno aliquo linteo sicco fricetur leviter, quo facto, papyrum candidissimum videbis, & ad scribendum aptissimum. Quòd si omnino deletum atramentum non esset, iteretur, ut prius: & fieri nequit, quin auferatur. Quòd si attenuata charta nimium sit, ea frictione glutine, quo ligna ferruminantur, leviter liquefacta, Cerussæ vel farinæ pusillo admisto, densabitur. *Idem.*

Ad literas aureas.

Ad scribendum aureis literis fume Croci, & Auripigmenti partes æquales, dilue cum Felle caprino, & tamdiu sub fimo equino sepeli, donec fiat veluti spissamentum. Cum quo pinge, vel scribe. Idem fiet, si acceperis drach. ij. Aloes & Croci tantundem, eaque in pollinem redacta, Albumine ovi exceperis, & diu multumque agitaveris. *Ex quodam Grammatographo. Mizaldus.*

Ad literas aureas aliter.

Accipe Auripigmenti, CrySTALLI, singulorum unciam unam, redigantur in pulverem singula: deinde misceantur cum Ovi albo, & fiat liquor ad scribendum. *Alexius.*

Ad Literas argenteas.

Argenteas literas sic facies absque Argento. Sume Stanni optimi unciam unam, Argenti vivi uncias duas, misceantur, & liquecant. Deinde terantur cum aqua Gummata, & ex ea materia ubi opus erit, formentur literæ. *Mizaldus.*

Color viridis ad scribendum.

Accipe floris Æris, Lithargyrii, Argenti vivi, singulorum quantum sufficit: terantur, & misceantur simul cum Urina Infantis masculi, & habebis colorem pulcherrimum Smaragdo similem, non solum ad miniandum, sed etiam ad scribendum. *Alexius.*

Ad Literas virides.

Virides literas sic facies: Accipe folia Rutæ, succum ex-
prime,

prime, florem Æris, & parum Croci adde, tere, & dum uti voles, aquâ gummosâ excipe, ac scribe. *Miz. & Alex.*

Liquor viridis ad scribendum & pingendum.

Accipe floris Æris, quantum satis esse videtur, ponatur in Aceto, donec liquefiat: deinde coletur per pannum subtilem. Quod cum factum fuerit, super lapide Porphyrite teratur optimè cum aqua communi, addendo parum Mellis. Deinde cum benè siccatum fuerit, iterum super lapide Porphyrite, cum aqua gummi teratur, & res erit perfecta. *Alex.*

Cœrulei parandi ratio.

Cœruleum cum Melle, ut Æris flos conterendum, sed purgandum non est. Temperatur autem ovi Albo agitato, aut Glutinis aqua, & non Gummi. Aqua hæc glutinis fit ex viscerum glutine lucido, & liquefacto & colato, ut ex gummi solet.

Cinnabarim parandi ratio.

Cinnabaris, cum super lapide porphyrite optimè aquâ communi contrita, deinde exsiccata fuerit, ponatur in vas aliquod osseum vel vitreum, urina superinfundatur, relinquaturque sic aliquandiu: nam fundum materia petet: postea auferatur sensim Urina, ac rursus recens addatur. Quod cum octies aut decies factum fuerit, optimè purgatum erit. Quibus sic se habentibus sumito Ovorum alba, optimè agitata, & in aquam puram dissolvatur, eam aquam super cinnabarim effundito, ut transversum digitum emineat, rursusque simul agitato; deinde cum residuum fecerit, auferantur ovorum alba sensim, rursusque recentia addantur, fiatque ut cum Urina. Nec alia ratione fit, quàm ut foetens ille odor, ex Urina contractus evanescat. His omnibus factis, addantur Albumina ovorum recentia, misceantur optimè, fiat liquor, & in vase aliquo obturato servandus erit: deinde cum quis hoc uti volet, ligno aliquo miscendus, servatur etiam diutissimè incorruptus. *Alexius.*

Liquor ad scribendum tanto candore præstans, ut papyrum vincat in eoque legi possit.

Sumito Ovorum cortices optimè lotas, easque super porphyrite, & marmore cum aqua conterito, & scintilla impositâ, finito, donec in fundo materia resideat. Quo facto sensim auferatur aqua, materiaque vel per se, vel ad Solem siccetur, serveturque. Quando autem uti voles, accipito Gum-

to Gummi ammoniaci, exempto flavo cortice, quantum satis est, ponatur in Aceto distillato per noctem unam, donec dissolvatur: deinde coletur, cui addatur aliquantulum prædicti pulveris, & fiat liquor omnium albiſſimus ad scribendum, & pingendum. Hoc etiam liquore, primaria quædam fœmina in Italia ad faciem dealbandam utitur, propterea quòd absque ulla aliqua læsione cutis, & dentium, ita faciem albam reddit, ut non illita sed naturâ sic esse videatur. Verùm si ad faciem uti velis, liquorem multò rariorem, & tenuiorem esse oportet, ut melius penetrare & durare queat. Cæterùm si ad hunc effectum aliquantulum calcis combustiæ addideris, optimè feceris. *Idem.*

Modus parandi Vernicem, ad membranas sive papyrum levigandum, quâ utimur ad scribendum: quæ melior est & pulchrior eâ, qua vulgò utuntur: nec ut illa vulgaris malè olet.

Vernix qua scriptores utuntur ad conficiendos libros, est gummi Juniperi in pulverem redactum. Ex hoc etiam gummi cum Lini oleo cocto liquida Vernix conficitur. Utuntur scriptores prædictâ Vernice contritâ, ut melius Atramentum suscipiat charta, nec perfluat. Verùm si meliorem, atque minore precio parare voles, sumito Ovorum cortices mundatos, & leviter contritos, eosque in olla aliqua benè coopertâ, in fornace vel Figuli, vel Vitriarii tamdiu finito, donec optimè in calcem ac cinerem vertantur, deinde cribrentur, & fiat pulvis albiſſimus. Quum autem uti voles, ponatur aliquantulum super papyrum, ac leporino pede hinc inde spargatur, quod reliquum est, abstergatur, & ita ad scribendum reddetur optima. Verùm si posteaquam scriptum est, & exsiccatum, pulverem auferri desideres, aliquantulum cum medulla panis fricetur, & absterget pulverem omnem. *Idem.*

Modus parandi tabulas albas, delebiles, in quibus scribitur stylo æneo: cujusmodi libelli in Germania fiunt.

Accipe Gypsi mundi ac cribrati quantum satis est, & cum colla cervina, aut alia dissolves: quod cum exsiccatum fuerit, radatur, politum fiat, & lucidum. Quibus sic se habentibus, rursus ut prius dissolvatur, & radatur: deinde sumito Cerussæ in tenuissimum pulverem redactæ, & cribratæ, quan-

quantum satis est: misceatur cum oleo Lini cocto, & fiat Unguentum, quo illinantur tabulæ: quæ cum benè illitæ fuerint, siccentur in umbra per dies quinque aut sex, deinde panno aliquo, in aqua intincto, & expresso, expoliantur tabulæ, & sic relinquuntur per dies quindecim, aut viginti, donec optimè siccentur, quibus ad scribendum, delendumque quod scriptum fuerit, utitor. *Idem.*

Libri quomodo obduci queant Auro.

Accipe Boli armeni ad nucis quantitatem, Sacchari candidi ad ciceris magnitudinem. Redigantur in pulverem tenuissimum simul: deinde addantur alba Ovorum, misceantur optimè contundendo. Quo facto, sumito librum optimè ligatum, & sub prælo cum Ovorum albo illitum: deinde cum exiccatum fuerit, illinatur prædicta compositione, & siccetur friceturque benè ut politum, leveque fiat. Quum autem Auro eos obducere voles, aquâ communi prius humectentur: deinde subito auro superposito, bombyce premantur leviter, & exiccata dente lævigentur, atque ferro frigido formæ imprimantur. *Idem.*



DE SECRETIS SCIENTIARUM.

LIBER XV.

Præcedenti libro earum Artium secreta expeditivimus, quibus veluti instrumentis ad varias scientias & Artes discendas aut docendas utimur. Nunc ergo superest, ut instrumentis expeditis ipsas Scientias, & Artes aggrediamur, & ea quæ nobis ex his inter Secreta referri debere videbuntur, exponamus. Sunt autem Scientiæ vel Physicæ, vel Metaphysicæ, vel Mathematicæ, vel Morales, De physica scientiæ secretis antea passim
 O O à no-

à nobis actum est. De cæteris in hoc libro nonnulla persequemur. Itaque Metaphysicæ scientiæ tractationem de Deo, & Angelis seu Dæmonibus bonis aut malis sub se complectitur. Suprà quidem primo & secundo libris de Deo, & Angelis aliquid egimus. Hic tamen aliâ ratione Metaphysica tractaturi sumus. Suprà namque meram de Deo & Angelis scientiam proposuimus, non quatenus ad aliquod opus, aut effectum ex ipsa scientia producentem referenda fuerat, quod jam paucis exequemur, ut hîc formam, suprà verò materiam tradidisse videamur. Non hîc enim quid Deus sit quotq; personis consistat, quid Dæmones sint exponemus, sed quomodo nobis Deus cognitus applicandus sit, Dæmonesq; boni conciliandi; mali verò procul à nobis repellendi. Quâ quidem ratione quævis bona consequimur, ut hæc meritò potissima secretorum pars censerî debeat.

Quâ ratione Deo jungamur, eoq; nobis conciliato, fruamur.

C A P. I.

MULTA multi secreta magnis extulerunt laudibus, quæ vel ad scientias, vel ad opes & divitias, vel ad honores, sanitatem, aliaque corporis & fortunæ bona comparanda proferuntur: Cùm tamen in hac vitâ nullum sit sanâ conscientia bonum hominibus magis exoptandum, cumque nihil sit, quod æterna felicitate magis expeti debeat, hoc certè secretum secretorum est, quod omnes Philosophi Christiano lumine destituti, nec non ex Theologis plurimi nequaquam assequi potuerunt, quomodo sc. Deo nobis reconciliato jungamur, eoque nobis juncto fruamur, ut in hac & alterâ futurâ vitâ genus omne bonorum consequamur. Veteres equidem Philosophi, primam rerum omnium causam animadverterunt, quæ quod malum est oderit,

oderit, & puniat: bonum verò complectatur, & præmiis afficiat. Cum itaque judicarent Deum omnis boni, adeoque perfectæ felicitatis esse scaturiginem, probè quidem statuerunt, ita nobis nostram esse quærendam felicitatem, ut & sublimi contemplatione Deum verè agnoscamus, perfectisque virtutibus ei jungamur: In hoc tamen aberratum est, quòd nec subtili contemplatione Deum verè agnoverint, nec perfectas obtinuerint virtutes. Quis autem, & quid Deus verè sit, aliàs ostendimus, ubi rationibus Philosophicis fidei tamen nostræ consonis, veterum Philosophorum errores palàm fecimus, eosque patefactâ veritate confutavimus. At verò quæ sint perfectæ virtutes quibus vinculum nostræ cum Deo conjunctionis describitur, suo forsân tempore docebimus, si licuerit Ethices Christianæ formulam in lucem perferre. Cæterum ut secretum quod proponimus, intelligatur, sciendum est Deum (ut qui perfectissimè bonus sit) nihil acceptare quod quantumlibet malum existit. Novimus autem, & fateri, quisquis novit, cogitur, non saltem imperfectum esse quod in nobis est bonum, seu voluntatis seu quis intellectûs virtutes examinet, sed etiam vitiis, & erroribus conspurcatum. Quamobrem si Deo conjungi velimus, præteritorum, & futurorum habenda est ratio: Præteritorum quidem, ut expientur mala, quæ jam perpetrata sunt: Futurorum verò ut mens nostra, voluntasque ab omnibus erroribus & vitiis expurgentur optimè. Hoc fieri neutiquam potest: Illud verò fiet hac ratione, si pœnas in æternum usque reprobationi destinatas sustineamus. Hæc est vera Philosophandi ratio, quæ nos in desperationem deducit, ut viribus & jure destituti divinam gratiam imploremus. Secreti quidem hæc prima pars est, quam percepisse volunt Arist. cum moriturus exclamat *Ens entium miserere mei*, & ob hanc deprecationem eum aliqui salvum fore credunt: Ego verò ut nulli salutem detrahere possim, ita nullum quoque propterea salvandum esse judico, si Dei gratiam imploraverit: Deus enim justus necessariò, at misericors non item: Cum Deus dum severè justitiam exequitur, Deus sit etiam absque misericordia. Quoniam ergo justus quidem absque misericordia potest esse Deus: at verò misericors absque justitia vice versa non est: Ob id ut Divinam exoremus misericordiam aliqua nobis opus est justitia, sed ubinam hæc justitia quæretur? An in nobis, vel alio? Utique seu sit in nobis, seu sit in alio quærenda, duo ad eam justitiam omninò pertinent ac requiruntur, nimirum

ut patiando sufficiens pœna luatur: Deinde ut agendo Deo perfectè obediatur. Neutrum in nobis est. Nam si peccatorum pœnas examines, æterna sunt & nullo eluibiles tempore: Sin autem dicas hanc aut illam pœnam satis esse, toto cœlo aberrabis, cùm vinculum nostræ cum Deo conjunctionis, etiam levissimo peccato dissolvatur. At hoc dissoluto, æternæ felicitatis hæreditas abrumpitur. Præterea quod ut Deo jungamur, perfectæ requiritur obedientia; quàm hæc à nobis aliena sit, satis intelliget qui perfectarum virtutum naturam agnoverit, in quibus nil vitiosum admittitur. Ubinam ergo justitiam exquiremus, cujus adminiculo ad exorandam Dei misericordiam aditum habeamus? Methodica morborum curatio est, ut mali causas intueamur, & eis applicentur remedia contraria. Philosophicis demonstrationibus aliàs docuimus, humanum genus à duobus primis parentibus incœpisse, non naturali quidem modo. Sic enim ab aliis, ut nos facti fuissent, quibus posteriores censerentur: sed modo miraculoso, à prima nimirum causa, quæ cùm perfectè bona esset, primos ita parentes fecit, ut finem suum, adeoque sibi destinatam felicitatem consequerentur. Unde igitur hoc malum cui obnoxii sumus in nos irrepsit? Miseria nobis, imperfectio & mali cujuslibet, peccatiq̃ue fomes connascitur. A nostris ergo parentibus, malum hoc, hæreditariâ forte nanciscimur. Cùm itaque miseri simus alterius vitio: par est ut (siquidem aliqua salutis ratio suppetat) alterius merito bonum amissum recuperemus, cùm ex nobis ipsis Divinæ Justitiæ satisfieri non possit. Sed quis ille erit qui tantum promereatur? Num Plato? Num Aristoteles? Num Diva Maria? Num Divus Petrus, aut alius ex Sanctis quispiam? Ut Deo satisfaciat, oportet pœnam luere sufficientem & perfectam offerre obedientiam. At si dicas Platonis meritum, nostram esse justitiam, Platonem oportuit ut Divino judicio faceret satis, pro suis ipsius peccatis æternas luere pœnas, & nihilominus esse Deo perfectè obtemperantem: Id si potuit (quod falsissimum est) pro se solummodò satisfecit, nec nobis quicquam fuit promeritus. Eadem est aliorum ratio, quicumque à peccatoribus progeniti, hujusce mali fomitem contraxerunt. Cæterum quòd malum hoc in omnium gentium familiis animadvertatur, rationi consentaneum est, hujusce mali scaturiginem ad primos referendam esse parentes. In nullo igitur

tur homine nostra nobis quærenda est justitia: Talis enim sponsor, aut intercessor requiritur, qui Deum nunquam offenderit, atque adeò in maledictione natus non sit, ut sunt omnes, quos hæc naturalis hominum procreatio suscitavit. Nam si quis vel levissimè peccaverit, vel fuerit hæreditate natalitiâ reprobus, pro se ipso nequaquam satisfacere poterit, multò minùs aliis boni quidpiam promerebitur. Ecquid igitur, an in Angelis, aut Dæmonibus nostræ salutis aditum quæremus? Incerti sumus: Nam nec ejus rei ratio suppetit, nec autoritas Philosophorum satis est; Cùm ratione salutis via nequeat investigari, desperandum est, aut aliò mens convertenda, ut ex auditu & credendo consequamur, quod intelligendo non possumus. Judæis à primo statim primorum parentum lapsu futurus redemptor Messias ille exoptatissimus promissus est, qui totius mundi peccata sufferret. Hic homo natus est, & suâ passione perfectâque obedientiâ, severo Dei judicio, nostro nomine, satisfecit. Verùm si homo fuit (inquires) eidem fuit, cui nos, obnoxius condemnationi, sicque nec perfectè Deo obtemperare potuit, sibi que non alii cuiquam passus est. Mysterium hîc animadvertite: Noster hic Messias non est ex naturali hominum serie: sic enim peccatorem nasci oportuisset: Sed eum Deus extraordinario modo suscitavit. Nam non ex viri & mulieris copulâ natus est noster Redemptor, qui modus est hæreditariæ propagationis. Sed ex Maria virgine sacrosancto Divinæ majestatis lumine (quem Sanctum Spiritum vocamus) illustrata conceptus est, quo fit ut is homo, Deusque sit, matris nimirum Mariæ virginis Filius, & Dei Patris altissimi. Passus hic est, mortuusque sub Pontio Pilato, cùm tamen esset naturâ purissimus operibusque sanctissimus. Quemadmodum itaque primorum parentum lapsu, vinculum nostræ cum Deo conjunctionis disruptum est, sic hujus intercessoris sanctissimi merito, idem vinculum restitutum: Sed eâ ratione tamen ut naturalis hominum propagatio non ob id interrumpatur, sed ut cœpit ad extremum usque hominem processura sit, quò mors in omnem hominem descendat, ut omnis homo fiat gratiæ capax, siquidem gratia peccatum præsupponit. An verò satis est, hunc Mediatorem esse passum, ut omnis homo salvetur, cùm non uni magis quàm alteri passus sit? Neutiquam certè satis hoc est: Sed ut peccatum à nostris parentibus, in nos transfunditur, dum in

utero materno concipimur: Sic necessarium est, ut hoc nostri Mediatoris meritum nobis adaptemus, quæ *spiritualis est regeneratio* Theologis. Hæc applicatio in hunc modum fit, cum nos scilicet nostram confitentes miseriam, certò credimus hunc Mediatorem JESUM CHRISTUM pro nobis esse mortuum, ut nobis hac ratione peccata nostra remitterentur, atque adeò Dei Patris gratiam nacti felicitatem æternam consequeremur. Hoc itaque secretum est, quo Deo, nobis reconciliato, jungimur, quo securam nacti quietem, sinceraque freti conscientiam, & spe nunquam deceptura gaudentes hujus vitæ terminum, nostrique Redemptoris adventum expectamus, qui nos in regni sui palatia deducturus est. *Nic. Taurellus,*

Quomodo ea, quæ desideramus scire, assequamur.

C A P. II.

UNICA & vera via ad omnia secreta est, ut recurras ad Deum, omnis boni authorem; & (sicut Christus docet) Primò *quæras regnum Dei & justitiam ejus,* & cætera adjicientur vobis.

2. Item, *Cavete ne corda vestra graventur crapulâ & ebrietate, & curis hujus vitæ,*

3. Item, *Commendes curas Domino, & ipse faciet.*

4. Item, *Ego Dominus Deus tuus, docens te utilia, gubernans te in viâ quâ ambulas.*

5. *Et intellectum tibi dabo, & docebo te: in via quam gradieris, oculo meo te regam.*

6. Item, *vos qui mali estis, scitis dare bona filiis vestris: quanto magis pater vester, qui est in cælis, dabit Spiritum sanctum petentibus.*

7. Item, *Si volueritis facere voluntatem patris mei, qui in cælis est, verè discipuli mei estis, & veniemus ad vos, & mansionem apud vos faciemus.*

Septem hæc scripturæ loca, si de litera ad spiritum seu in actum deduxeris, errare non poteris, quin desideratam metam attingas, à scopo non aberrabis, & ipse Deus per Spiritum sanctum suum te docebit utilia & vera: dabit etiam tibi ministros Angelos suos, tuos comites, doctores & adjuutores, ad omne secretum mundi. Mandabit & omni creaturæ, ut tibi obediat, ut lætus & gaudens dicas cum Apostolis, tibi obedire spiritus. Tandem quod maximum est, certus eris, nomen tuum scriptum esse in cælis.

ALIA

A L I A via est, & communior, ut tibi revelentur, etiam te incio, secreta à Deo vel Spiritibus, quia secretum in sua potestate habent, vel per somnia, vel per fortes imaginationes, seu impressiones. Aut ex nativitatis constellatione per cœlestes intelligentias.

TERTIA via est improbus labor, quo sine aliquo Divino Numine nihil magni admiratione dignum aliquis assequitur, sicut dicitur:

Tu nihil invita dicas faciâsve Minerva.

Quia omne bonum à Deo, solo bono à quo quæ volumus impetrari oportet, in spiritu & veritate ac simplici corde orando. Conclusio secreti secretorum est, ut se quisque excitet ad orandum pro eo, quod quis desiderat, & non patietur repulsam. Nam despiciat aliquis orationem suam: nam à quo petitur Deus & largiri potest, & largiri vult, modò agnoscamus authorem, à quo simpliciter petamus desideria nostra. Clemens & bonus pater amat filios desideriorum, sicut & Danielelem, & citius exaudit, quàm nos evincere possimus duritiem cordis nostri ad orandum, sed non vult, ut demus Sanctum canibus, non vult esse despectum, & contentum clenidiorum thesauri sui. Ergo diligenter & sæpe legas, & relegas has sequentes regulas, ac vitam omnesque cogitationes tuas instituas, atque dirigas ad eas præceptiones, & omnia tibi ex animi tui sententia cedent in Domino, cui confidis. 1. Qui vult secreta scire, secreta secreti sciat custodire, & revelanda revelet: sigillanda sigillet: & sacrum non det canibus, nec Margaritas projiciat ante porcos. Hanc legem observa & aperientur tibi oculi mentis ad intelligenda secreta, & audies tibi divinitus revelari, quicquid animus tuus desideravit. Habebis etiam prompta Angelorum Dei & spirituum in natura ministeria obsequentiora, quàm ullus animus humanus desiderare possit. 2. In omnibus invoca nomen Domini, & sine invocatione Dei per unigenitum Filium nihil suscipias ad cogitandum vel faciendum. Utere autem spiritibus tibi datis ac attributis tanquam ministris, sine temeritate & præsumptione cum debita reverentia erga spirituum Dominum, tanquam legatis Dei, & quod reliquum est vitæ, pacificè perages ad Dei honorem, & tuam ac proximi utilitatem. 3. Vive tibi & Musis, multitudinis amicitias

vita : temporis sis avarus : omnibus beneficus : utere donis tuis : vocationi invigila : verbum Dei nunquam recedat ab ore tuo. 4. Obtempera benè monentibus , fuge procrastinationem omnem : ad constantiam & gravitatem in dictis & factis tuis te assuefac : tentationibus tentatoris resiste per Verbum Dei : fuge mundana ; cœlestia quære : non innitaris prudentiæ tuæ , sed in omnibus ad Deum respice , secundum Scripturæ sententiam. Cum nescimus quid facimus , ad te , Deus , elevamus oculos nostros , & à te expectamus auxilium. Ubi enim humana nos destituunt præsidia , ibi Dei affulget auxilium secundum Philonis dictum. 5. Diligas Dominum Deum tuum ex toto corde tuo , ex omnibus viribus tuis , & proximum sicut teipsum , & Dominus te custodiet tanquam pupillam oculi sui , & ab omni malo liberabit , ac te replebit omni suo bono , nihilque desiderabit anima tua , cujus non compos sis futurus , modò tibi ad salutem corporis & animi contulerit. 6. Quicquid didiceris , frequenter repete , & menti tuæ infige , & multum discas non multa : quia animus humanus non potest omnibus par esse , nisi divinitus quis regeneratus sit. Huic nihil est tam arduum , aut tam multiplex , cui par esse non possit. 7. Invoca me in die tribulationis , & exaudiam te , & honorificabis me , dicit Dominus. Omnis autem ignorantia est tribulatio animi : Invocato ergo in ignorantia tua Dominum , & exaudiet te : & memento , ut honorem tribuas Deo ac dicas cum Psalmista : *Non nobis , Domine , non nobis : sed Nomini tuo da gloriam. Ex Magia veterum.*

Ut boni Dæmones nobis concilientur.

C A P. III.

INEXPLETUS est hominum animus , utpote qui non sit iis contentus , quæ natura , Deusque concefferunt : Magicis enim artibus Dæmones in auxilium convocantur , ut & prædictione rerum abstrusarum , & edendis miraculis humanæ libidini satisfiat. Duplices autem fecerunt magi Dæmones , proprios nimirum , & communes. Proprii sunt qui nobis ab ortu primo assistunt , geniosque nuncupant , quasi congenitos. Horum triplex quoque genus constituitur : Alius enim sacer est , qui vitæ hujus actiones ad omne bonum dirigit : Alius est genituræ , qui propriè genius appellatur : Tertius autem professionis est , de quibus copiosè *Cornelius Agrip.*

Agrippa. Hi sunt vitæ custodes , & actionum directores, qui non alliciuntur quidem, utpote qui jam nobis adsint : sed vitæ sanctimoniâ , puritate cordis , & sedulitate conservantur , & ad auxilium excitantur. Genituræ Dæmones , & professionis & in fluctibus cœlestibus prodire volunt Astronomi , quo fit , ut ex erectis nativitatib. quid unicuique sit expectandum , prædicere nitantur. Dæmones autem qui sunt extra nos , magi variis rationibus alliciunt , ut voti participes fiant : Discrimine tamen duplici, cùm Dæmonum alii boni sint , alii verò mali. Ut hinc aliam velint licitam esse magiam , aliam verò illicitam ; Hanc quidem, cùm mali Dæmones circulis , aut aliâ ratione conjurantur , ut Magis obtemperare cogantur. At illam, cùm mali Dæmones verbo divino , vel exorcismis propelluntur , vel cùm boni Dæmones inventis eorum nominibus arte calculatoriâ , & astronomica ex dispositione corporum cœlestium , characteribus & signaculis , vel etiam sacris obtestationibus alliciuntur. Præclara nempe res hæc est , nisi superstitione plena sit , imposturis , & impietate. Quoniam verò Magi complures se bonos spiritus habere gloriantur , res hæc diligenter observanda est , an boni vel mali sint, ne dum ad hosce magos confugimus , Cacodæmonis auxilium imploremus , quæ primâ via est ad perditionem. In eos enim Diabolus potestatem habet , qui licitis , & à Deo traditis mediis contemtis , ad eum confugiunt. Hi nebulones (Magos intelligo) miserrimas aniculas persequuntur , & plures tamen animas perdunt , quàm Sagæ corpora. Sit ergo sincera vitæ puritas , & inculpata fides hominis spiritum familiarem habentis , & miracula exercentis primum certumque boni spiritûs indicium , qualis fuit Mosis , Heliae , Elisæi , Petri & aliorum Apostolorum , licet singularis Dei virtus appellari debeat potius , quàm spiritus. Ex impia verò vita , vel hypocritica contrarium intelligatur : Hypocriticam dixi , Sæpè siquidem se Diabolus in Angelum lucis transformat , ut homines hac ratione decipiantur. Alia quoque via est Spirituum dignoscendorum. Nam boni Spiritus nequaquam mediis accommodant , ut vel vitris includantur , vel characteribus , aut circulationibus utendum sit. Tales enim ceremoniæ pacti signa sunt , quod icit dæmon cum circulatore : Boni verò spiritus non paciscuntur. Nullum ergo bonum spiritum in Magis agnoscimus : Boni siquidem spiritus solo Dei jussu reguntur , nec characteribus , signaculis,

culis, nominibúſve moveantur phantaſticis, ut ſeſe cuiquam adjungant, & ad explendam ejus libidinem miracula exerceant ſuperatis naturæ limitibus. *Nic. Taurellus.*

Ut vinciantur Mali ſpiritus. C A P. IV.

CUM itaque ratio nulla ſit, ut bonos ſpiritus arbitrio noſtro ſubmittamus, cum malis paciſcendum eſt, & quia non poſſumus ſuperos, Archeronta movebimus. Ars certè magica facili negotio addiſcitur. Nam ſi te Diabolus animadvertat ejus deſiderio teneri, ſubitò edocebit. Sunt autem varia magicæ artis instrumenta, quibus ſeſe Diabolus accommodat, ut circulus, varii characteres, nomina, plantæ, radices, unguenta, vitra, annuli, miſſa quoque & alia hujusmodi. Decipitur his leve hominum vulgus, ut hiſce rebus exiſtiment, divinas ineſſe vires, cum tamen nihil minùs poſſint. Diabolus enim (ut probe *Vviersus* aſſerit) nullis creaturis, nominibus, aut ſignis uſque adeò delectatur, ut ceu canis oblato pane allici poſſit, nec ullâ re tantopere offenditur, ut fugiendum ſit; Sed characteribus, & ſignis, literis, nominibus, imprecationi & aliis ſimilibus, ut etiam herbis & radicibus hæc vis per accidens ineſt, ut ſpiritus evocari vel cogi poſſint, hoc eſt, quia ſe volunt hac ratione ligari, ut multas animas ligent, captivasque ducant.

Apparatus ad artem Magicam diſcendam eſt ſeptuplex.

C A P. V.

PRIMUS eſt, ut diu noctuque cogitet, quomodo in veram Dei notitiam adſcendat, tum per Verbum revelatum inde uſque à Mundo condito; tum per ſcalam creationis, & creaturarum; tum per mirabiles effectiones, quas exhibent viſibiles & inviſibiles Dei creaturæ. Secundò requiritur, ut homo in ſeipſum deſcendat, ſeſequemet optimè noviſſe ſtudeat, quid mortale in ſe habeat, quid immortale, quidque cujuſque partis ſui proprium ſit, quid diverſum. Tertiò, ut diſcat per immortalem ſui partem æternum Deum colere, amare, & timere, atque in ſpiritu & veritate adorare: cum mortali verò ſui parte ea facere, quæ ſciverit Deo grata eſſe, & proximo utilia. Hæc ſunt tria ſumma & prima Magiæ præcepta, quibus quiſque ſe paraverit ad veram ſeu divinam ſapientiam concupiſcendam & aſſe-

& assequendam, ut dignus habeatur, cui Angelicæ creaturæ inserviant, non tantum occultè, sed etiam manifestè, & de facie ad faciem. Quartò cum ab utero matris quilibet ad certum genus vitæ vocetur invigilandum, ut quilibet pernoscat, an ad Magiam natus sit, & ad quam ejus speciem. Quod quivis percipiet, qui hæc nostra legens, facilè perceperit, & experiundo se successus habere senserit. Nam non nisi parvulis & humilibus talia & tanta dantur dona. Quintò advertendum, num circa se manifestè assistentes sentiat spiritus in maximis negotiis suscipiendis. Quòd si tales senserit, manifestum, quod ex Dei ordinatione fiat Magus, hoc est, talis persona quæ ministerio spirituum utatur ad præclaras res efficiendas. Hic ut plurimum peccatur, vel negligentia vel inscitia, vel contentu, vel etiam nimia superstitione; peccatur etiam ingratitude erga Deum, quâ clarissimi plerique viri, sibi postea exitium attraxerunt: peccatur & temeritate ac pervicacia: ac tandem etiam, quando dona Dei non eo in honore habentur, quo requiritur & parergis præferuntur. Sextò, fide & taciturnitate opus est futuro mago, maximè ut nihil proferat secretum, quæ à spiritu sibi interdiciuntur, sicut Danieli mandatur. Sigillanda quædam, hoc est, non proferenda in publicum. Sic neque Paulo liberum erat, quæ viderat in revelatione, ut propagaret. Nemo crediderit quantum in hoc unico præceptum situm sit. Septimò requiritur justitia summa in futuro mago, hoc est, ut nihil impium, iniquum, injustum suscipiat, imò ne in animum quidem admittat, & sic defendetur divinitus ab omni malo. Porro cum circa se senserit aliquid incorporeum agens, vel exteriori aliquo sensu, vel interiori, se deinde secundum septem subsequentes leges gubernet ad magicum consequendum finem. Prima hæc esto lex, ut sciat à Deo ordinatum sibi talem spiritum, ac cogitet, se habere inspectorem suarum actionum & cogitationum omnium: Ideò omnem vitam suam ad ordinem perscriptum in verbo Dei dirigat.

Secundò semper cum Davide oret: Spiritum sanctum tuum ne auferas à me & spiritu principali confirma me. *Et ne nos inducas in tentationem, sed libera nos à malo. Ne des quæso Pater cælestis potestatem spiritui mendaci, quem admodum dedisti super Achab, ut periret, sed custodi me in veritate tua, Amen.* Tertiò assuefaciat se ad probandos spiritus,

tus, sicut Scriptura monet: nam de spinis non leguntur uvæ. Omnia probemus, quod bonum & laudabile est apprehendamus, quod repugnat voluntati divinæ, fugiamus. Quartum est, ut simus remotissimi ab omni superstitione. Est autem superstitio hoc in loco, tribuere divinitatem rebus, in quibus nihil est divini: aut etiam electo à nobis cultu sine mandato Dei velle Deum colere: quales sunt omnes ceremoniæ magicæ sathanæ, qui impudenter se tanquam Deum coli vult. Quintò fugienda est idololatria, quæ suo proprio motu potentiam divinam alligat idolis, aut aliis rebus, ubi non sunt à Creatore vel naturæ ordine positæ, qualia multa Cacomagi effingunt. Sextò fugienda etiam insidiosa Diaboli Cacozylia, quâ imitatur creationis & Creatoris potentiam, ut verbo res producat, quæ non sunt ut sint, quod est solummodo omnipotentis Dei, & creaturæ incommunicabile. Septimò inhærendum donis Dei, & Sancti Spiritûs, ut ea diligenter cognoscamus & excolamus toto pectore, & omnibus viribus nostris. *Ex Magia veterum.*

DE MAGIA IN GENERE.

C A P. VI.

MULTÆ quidem sunt rationes, quibus Magi Dæmones alliciunt, ut tamen eas paucis contraheremus, ea quæ *Cornelius Agrippa* de Magiæ speciebus in sua declamatione de Vanitate Scientiarum, & excellentia verbi Dei conscripsit, huc referenda esse duximus. Exigit etiam hic locus (*inquit*) ut de Magis dicamus: Nam & ipsa cum Astrologia sic conjuncta, & cognata est, ut qui Magiam absque Astronomia profiteatur, is nihil agat, sed totâ aberret viâ. *Suidas* Magiam à Magusæis & nomen & originem traxisse putat. Communis opinio est, nomen esse Persicum, cui adstipulantur *Porphyrus*, & *Apulejus*, & significare eorum linguâ idem, quod Sacerdotem, Sapientem, sive Philosophum. Magis itaque omnem Philosophiam, Physicam & Mathematicam complexa etiam vires Religionum illis adjungit. Hinc & Goetiam, & Theurgiam in se quoque continet. Qua de causa Magiam plerique bivariam dividunt, in *Naturalem* videlicet, & *Ceremonialem*. *Agrippa.*

DE

DE MAGIA NATURALI.

CAP. VII.

NATURALEM Magiam non aliud putant quàm naturalium scientiarum summam potestatem; quam idcirco summum Philosophiæ naturalis apicem, ejusque absolutissimam consummationem vocant, & quæ sit activa portio scientiæ naturalis, quæ naturalium virtutum adminiculo, ex mutua earum & opportuna applicatione opera edit supra omnem admirationis captum: Quâ magiæ Æthiopes maximè, & Indi utebantur, ubi herbarum & lapidum, cæterorumque ad id spectantium facultas suppetebat. Ejus meminisse volunt Hieronymum ad Paulinum, ubi ait, Apollonium Tyanæum fuisse Magum seu Philosophum ut Pythagorici. Ejus etiam generis fuisse Magos, qui Christum natum muneribus invisentes adoraverunt, quos Evangeliorum interpretes exponunt Chaldæorum Philosophos: Quales fuerunt *Hiarchas* apud Bragmanas, *Tespion* apud Gymnosophistas, *Budda* apud Babylonios, *Numa Pompilius* apud Romanos, *Zamolxides* apud Thracas, *Abbaris* apud Hyperboreos, *Hermes* apud Ægyptios, *Zoroastes* Oromasi filius apud Persas. Nam Indi, Æthiopes, & Chaldæi, & Persæ hac maximè præcelluere Magiâ. Quâ idcirco (ut narrat Plato in Alcibiade) imbuuntur Persarum regum filii, ut ad mundanæ Reipubl. imaginem, suam & ipsi Kempublicam administrare, distribuereque condiscant: Et *Cic. in Divinationum libris* ait, neminem apud Persas regno potiri, qui prius Magiam non didicerit. Magia itaque naturalis ea est, quæ rerum omnium naturalium, atque coelestium vires contemplata, earumque sympathiam curiosâ indagine scrutata, reconditas ac latentes in natura potestates ita in apertum producit: Inferiora superiorum dotibus, tanquam quasdam illecebras sic copulans, per eorum mutuam applicationem ad invicem, ut exinde stupenda exurgant miracula, non tam arte quàm naturâ, cui se ars ita ministram exhibet hæc operanti. Nam Magi naturæ accuratissimi exploratores, conducentes ea, quæ naturâ præparata sunt, applicando activa passivis, sapissimè ante tempus à natura ordinatum effectus producant, quæ vulgus putat miracula, cum tamen naturalia opera sint, interveniente sola temporis præventionem:

tione: ut si quis in mense Martio Rosas producat, & maturas Uvas, aut satas Fabas, vel Petroselinum intra paucas horas excrescere faciat in perfectam plantam, & iis majora, ut nubes, pluvias, tonitrua, & diviforum generum animalia, & rerum transmutationes quàm plurimas, cujusmodi multas fecisse se jactat *Rogerius Bachon*, pura, & naturali magia. Scripserunt de illius operibus Zoroaster, Hermes, Evanthes rex Arabum, Zacharias Babylonius, Joseph Hebræus, Bocus, Aron, Zenotenus, Kirannides, Almadal, Thetel, Alcindus, Abel, Ptolomæus, Geber, Zahel, Naxabarub, Tebith, Berith, Salomon, Astaphon, Hipparchus, Alcmaeon, Appollonius, Triphon & plerique alii, quorum aliqua opera adhuc integra, & pleraque fragmenta, adhuc extantia, ad manus meas aliquando pervenerunt. Ex recentioribus verò scripserunt in naturali magia pauci, & illi quidem pauca, ut Albertus, Arnoldus de Villanova, Raimundus Lullius, Bachon, & Apponus, & author libri ad Alphonsum, sub peccatricis nomine editus, qui tamen unà cum naturali magia, plurimum superstitionis admiscet: quod quidem fecerunt & alii. *Idem.*

DE MAGIA MATHEMATICA.

C A P. IIX.

SUNT præterea alii naturâ sagacissimi æmulatores, inquisitoresque audacissimi, qui absque naturalibus virtutibus, ex solis mathematicis disciplinis, adscitis cœlorum influxibus sese naturæ operum similia producere posse pollicentur, ut corpora euntia vel loquentia, quæ tamen non habeant virtutes animales: Qualis fuit columba Architæ lignea, quæ volabat; & statuæ Mercurii, quæ loquebantur; caput æneum ab Alberto Magno fabricatum, quod locutum perhibent. Excelluit in iis Boëtius, vir maximi ingenii, & multiplicis eruditionis, ad quem de istiusmodi scribens Cassiodorus: Tibi (*inquit*) ardua cognoscere, & miracula monstrare propositum est: tuæ artis ingenio metalla mugiunt, Diomedes in arce gravius buccinatur, æneus anguis insibilat, aves simulatæ sunt, & quæ vocem propriam nesciunt habere, dulcedinem cantilenæ probantur emittere: Parva de illo inferimus, cui cœlum imitari fas est. De istis puto artificiis dictum est, quod apud Platonem legimus in undecimo de Legibus: Ars data est mortali-

talibus, quo res posteriores quasdam progenerarent, non quidem veritatis, & divinitatis participes, sed simulacra quædam sibiipsis cognata deducerent, atque eousque progressi sunt Magi, homines audacissimi omnia perpetrare, favente maximè antiquo illo, & valido serpente scientiarum pollicitatore, ut similes illi tanquam simiæ Deum, & naturam æmulari conarentur. *Idem.*

DE MAGIA VENEFICA.

CAP. IX.

EST præterea naturalis Magiæ species, quam veneficam sive pharmaciam vocant, quæ Poculis, Philtris, variisque Veneficiorum medicamentis perficitur: cuiusmodi Democritus confecisse legitur, quo boni, felicesque filii gignantur: Et aliud quo avium voces ritè intelligamus, sicut de Appollonio narrant *Philostratus*, atque *Porphyrus*: *Vergilius* etiam de quibusdam Herbis ponticis locutus dixit:

*His ego sæpè lupum fieri & se condere sylvis
Merim, sæpè animas imis exire sepulchris,
Atque sutas alio vidi traducere menses.*

Et *Plinius* narrat, quendam Demarchum parasitum in sacrificio, quod Arcades Jovi Lycæo humana hostia faciebant, immolati pueri exta degustasse, & in lupum se convertisse: propter quam hominum in lupos immutationem, putat Augustinus Pani Lycæo, & Jovi Lycæo nomen fuisse impositum. Narrat idem Augustinus, dum esset in Italia, quasdam foeminas magas, Circes instar, dato viatoribus veneficio in caseo, eos in jumenta vertisse: cumque portassent, quæ placuissent onera, rursus in homines restituisse, idque patri cuidam Præstantio tunc accidisse. Sed & ne quis hæc putet omnino deliramenta esse, & impossibilia, is recordetur quomodo S. literæ narrant, Nabuchodonosorem regem, mutatum in bovem, & septem annis fœno vixisse, tandem Dei misericordiâ in hominem rediisse: cujus corpus post mortem illius filius Evilmerodad in escam dedit vulturibus, ne quando resurgeret à mortuis, qui jam de bestia redierat in hominem: Ejusmodi plura de Magis Pharaonis narrat Exodus. Verùm de iis sive magis sive veneficis loquitur sapiens, dum dicit: Exhorruisti illos Deus, quia terribilia opera tibi faciebant per medi-

medicamina. Illud præterea vos scire volo, non solum naturalia scrutari hos Magos, verum etiam ea, quæ naturam comitantur, ac quodammodo exuunt, ut motus, numeros, figuras, sonos, voces, concentus, lumina, & animi affectus, atque verba. Sic Pſylli, & Marſi convocabant serpentes, alii aliis deprimentes fugabant: Sic Orpheus Argonautarum tempestatem hymno compeſcuit: Et Homerus narrat, Ulyſſi ſanguinem verbis reſtrictum. Et in lege duodecim tabularum iis, qui meſſes excantaſſent, pœna conſtituta eſt, ut non dubium ſit, Magos etiam ſolis verbis, & affectibus, aliisq̃ue ſimilibus, non in ſe ipſos modo, ſed etiam in res extraneas ſæpe mirum aliquem producere effectum, quæ omnia non ſecus vim inſitam in res alias profundere, illasq̃ue ad ſe trahere, vel abs ſe propellere, ſeu alio quovis modo afficere putant, quàm Magnes ferrum, & Succinum paleas attrahunt: ſive Adamas, & Allium Magnetem ligant, ſicq̃ue per hanc rerum gradariam, ac concatenatam ſibi ſympathiam, non ſolum dona naturalia, & cœleſtia, ſed etiam intellectualia & divina Jamblichus, Proclus atque Syneſius, ex Magorum ſententia, deſuper ſuſcipi poſſe confirmant: quod Proclus in lib. de Sacrificio, & Magis fatetur, ſcilicet per huiusmodi rerum conſenſum Magos etiam numina evocare ſolitos. Ad tantam enim eorum quidam devoluti ſunt infaniam, ut ex diverſis ſtellarum conſtellationibus, per temporum intervalla, & quadam proportionum ratione ritè obſervatis, conſtructam imaginem cœlitum nutu vitæ intellectusq̃ue ſpiritum accepturam putent, quo conſulentibus illam respondeat, & occultæ veritatis arcana revelet. Hinc patet, hanc naturalem Magiam nonnunquam in Goetiam, & Theurgiam fuiſſe reclinatam, & ſæpiſſimè malorum Dæmonum vaſſamentis, erroribusq̃ue homines obretiri. *Idem.*

DE GOETIA NECROMANTICA.

C A P. X.

CEREMONIALIS autem Magiæ ſpecies ſunt *Goetia* atque *Theurgia*. Goetica, immundorum ſpirituum commerciis inauſpicata, nefariæ curioſitatis ritibus, illicitis carminibus, deprecamentis concinnata, omnium legum placitis eſt exterminata, & execrata. Huius generis

neris sunt, quos Necromanticos & Maleficos hodie nuncupamus.

*Gens invisa Deis, maculandi callida cœli,
Quos genuit natura mali, qui sidera mundi,
Juraque fixarum possunt pervertere rerum.
Nam nunc stare polos, & flumina mittere norunt,
Æthera sub terras adigunt, montesque rebellunt.*

Hi sunt ergo, qui defunctorum inclamant animas, & illi, quos veteres dicebant *Epodor*, qui excantant pueros, & in eloquium oraculi eliciunt, & qui Dæmones pædros circumferunt, quale quiddam de Socrate legimus, & qui ut dicitur, spiritus pascunt in vitro, per quos se prophetare mentiuntur. Et hi omnes bivariam procedunt. Nam alii Dæmones malos quadam virtute maximè divinorum nominum adjuratos, advocare & cogere student: quippe cum omnis creatura timet, & reveretur nomen illius, qui fecit eam, non mirum si Goetici, quique etiam infideles, pagani, Judæi, Sarraceni, & cujuscunque prophani collegii, sive sectæ homines, Divini nominis invocatione Dæmones adstringant: Alii autem nefandissimi, detestando, omnibus ignibus plectendo scelere, se Dæmonibus submittentes illis sacrificant, & adorant, idololatræ & vilissimæ dejectionis rei effecti sunt: quibus criminibus etsi priores non sunt obnoxii, tamen manifestis periculis se exponunt: Nam etiam coacti Dæmones invigilant, quò errantes nos decipiant. Ex horum verò Goeticorum anagyri, profluxerunt omnes isti tenebrarum Libri, quos improbatæ lectionis Ulpianus Jurisconsultus appellat, protinusque corrumpendos esse statuit. Cujusmodi primus excogitasse dicitur Zabulus quidam, illicitis artibus deditus: deinde Barnabas quidam Cyprius: Et hodie adhuc circumferuntur confictis titulis libri, sub nominibus Adæ, Abelis, Enoch, Abrahæ, Salomonis: item Pauli, Honorii, Cypriani, Alberti, Thomæ, Hieronymi, & Eboracensis cujusdam, quorum nugas stultè secuti sunt Alphonsus rex Castiliæ, Robertus Anglicus, Bachon, & Apponius, & plerique alii deplorati ingenii homines. Præterea non homines modò & sanctos, & patriarchas, & angelos Dei tam execrabilium dogmatum fecerunt authores: sed & libros à Raziele, Raphaelè, Adami, & Tobix angelis conscriptos ostentant: qui libri tamen acutius inspicienti

cienti suorum præceptorum canonem, ritum, consuetudinem, verborum, & characterum genus, extructionis ordinem, insulsam phrasin, apertè sese produnt, non nisi meras nugas, ac imposturas continere ac posterioribus temporibus ab omnibus antiquæ Magiæ ignaris, perditissimis perditionum artificibus esse conflatos, ex prophanis quibusdam observationibus nostræ religionis caremoniis admixtis, insitisque multis ignotis nominibus & signaculis ut perterreant rudes, & simplices, & stupori sint insensatis, & his qui nesciunt bonas literas. Neque tamen propterea patet has artes esse fabulas. Nam nisi reverâ essent, atque per illas multa mira ac noxia fierent, non tam arcta de illis statuissent divinæ & humanæ leges, eas exterminandas esse de terra. Cur autem Goetici istis solis malis utantur Dæmonibus, ea ratio est, quia boni Angeli difficile comparent, quia Dei jussu expectant, nec nisi mundis corde, & vitâ sanctis hominibus congregiuntur: mali autem faciles se exhibent ad invocandum, falsò faventes, divinitatem mentientes, semper præsto, ut astu suo decipiant, ut venerentur, ut adorentur: Et quia mulieres secretorum sunt avidiores, ac minus cautæ, atque in superstitionem proclives, faciliusque illuduntur, ideò illis se præbent faciliores, faciuntque ingentia prodigia: cujusmodi de Circe, Medea, & de aliis canunt Poëtæ: testantur Plinius, Cicero, Seneca, Augustinus, & multi alii, tum Philosophi, tum Catholici Doctores, & Historici: ipsæ etiam Sacræ Literæ. Nam in libris Regum legimus, Pythonissam mulierem, quæ erat in Endor, evocasse animam Samuelis Prophetæ, seu malignum spiritum, qui illius sumserit imaginem. Tamen Hebræorum Magistri dicunt, quod etiam Augustinus ad Simplicianum fieri posse non negat, quia fuerit vetus spiritus Samuelis, qui ante completum annum discessu ex corpore facillè evocari potuit, prout docent Goetici. Quinetiam Magi necromantici, illud naturalibus quibusdam viribus, ac vinculis fieri posse autumant, sicut nos in libris nostris de Occulta Philosophia tractamus. Ideoque antiqui Patres, rerum spiritualium periti, non sine causa ordinaverunt, ut corpora mortuorum sepelirentur in loco sacro, & luminibus fociantur, aquâ aspergantur, thure & incenso suffumigantur, & expientur orationibus, quousque super terram extiterint. Nam ut ajunt Magistri Hebræorum, omne corpus nostrum, & carnale

nale animal, & quicquid in nobis super materia carnis malè disposita innititur, relinquitur in cibum serpenti, & ut ipsi vocant Azazeli, qui est dominus carnis, & sanguinis, & princeps hujus mundi, & vocatur in Levitico princeps desertorum, cui dictum est in Genesi: *Terram comedes omnibus diebus vite tue.* Et in Esaja: *Pulvis panis tuus,* hoc est, corpus nostrum creatum ex pulvere terræ, quamdiu non fuerit sanctificatum & transmutatum in melius, ut non amplius serpentis, sed Dei sit effectum, videlicet ex carnali spirituale, juxta verbum Pauli dicentis: *Seminatur quod animale est, & resurget quod spirituale est.* Et alibi: *Omnes immutabuntur,* quia multi remansuri sunt in perpetuum cibum serpentis. Hanc itaque turpem, & horridam carnis materiam, ac serpentis cibum morte deponimus, illam aliquando in meliorem sortem, & spirituales transmutatam assumpturi, quod erit in resurrectione mortuorum. Et jam factum est in his, qui primitias resurrectionis degustarunt, & multi hoc ipsum virtute defici spiritus in hac vita consecuti sunt, Enoch, & Helias, & Moyse, quorum corpora transmutata in naturam spirituales non viderunt corruptionem, nec sicut cætera cadavera potestati serpentis relicta sunt. Atque hæc est illa disceptatio diaboli cum Michaële de corpore Moyse, cujus meminit in epistola sua Judas. Sed de Goetia, & Necromantia hæc fatis.

DE THEURGIA. CAP. XI.

THEURGIAM verò plerique putant haud illicitam, quasi hæc bonis Angelis, divinoque Numine regatur: Cum sæpissimè tamen sub Dei, & Angelorum nominibus malis Dæmonum fallaciis obstringatur: Non solum siquidem naturalibus viribus, sed etiam certis ritibus, & Ceremoniis cœlestes, & per illas divinas virtutes nobis conciliamus, & attrahimus: de quibus multis regulis antiqui Magi editis voluminibus pertractant. Omnium autem ceremoniarum pars maxima, in munditia secunda consistit: primum quidem animi, deinde etiam corporis & eorum quæ circa corpus sunt, ut in cute, in vestibus, in habitaculis, in vasis, in utensilibus, oblationibus, hostiis, sacrificiis, quorum munditia ad divinorum consuetudinem, & contuitum disponit, & in sacris summo opere efflagitur juxta verba Esajæ, *Lavamini & mundi estote, &*

auferte malum cogitationum vestrarum. Immunditia verò quia aërem frequenter, & hominem inficit, mundissimum illum cœlestium, & divinorum influxum disturbat, & mundos Dei spiritus fugat. Verùm nonnunquam im-mundi spiritus, & deceptrices potestates, ut venerentur, & adorentur pro Diis, etiam hanc munditiam requirunt. Ideò hic maximâ opus est cautelâ, de quibus latè in libris nostris de occulta Philosophia differuimus. Verùm de hac Theurgia, sive divinorum magia plura disputans Por-phyrius, tandem concludit, Theurgicis consecrationibus posse quidem animam hominis idoneam reddi, ad susce-ptionem spirituum, & angelorum, ad videndos Deos: re-ditum verò ad Deum hac arte præstari posse inficiatur omnino. Ejus itaque scholæ sunt, ars Almadel, ars noto-ria, ars Paulina, ars revelationum, & ejusmodi supersti-tionum plura, quæ eò ipso sunt perniciosiora, quò appa-rent imperitis diviniore. *C. Agrippa.*

DE CABALA.

C A P. XII.

VERUM occurrunt hic mihi verba Plinii, qui, Est & alia (*inquit*) Magices factio, à Moyse etiamnum, & Latopæa Judæis pendens: quæ verba me de Cabala Judæorum commonefaciunt, quam in monte Sina à Deo ipso Moyfi datam penes Hebræos constans opinio est: ac deinceps successionum gradus citra literarum monumen-ta, usque in Esræ tempora posterioribus solâ vivâ voce tradita, quemadmodum Pythagorica dogmata olim ab Archippo & Lysiade, qui in Græcia Thebis Scholas ha-buerunt, tradebantur, in quibus discipuli memoriter do-ctorum præcepta tenentes, ingenio & memoriâ pro li-bris utebantur: Sic & Judæi quidam literas aspernati, in memoria & observatione, ac vocali traditione hanc col-locarunt: Unde *Cabala* ab Hebræis, quasi solo auditu unius ab altero receptio nuncupata est. Ars (ut fertur) per-vetusta, nomen autem non nisi recentibus temporibus Christianis cognitum. Ejus verò duplicem tradunt scien-tiam, unam de Bressili, quam & Cosmologiam appellant, videlicet rerum, creaturarum naturalium, & cœlestium vires explicantem, & legis bibliæque arcana Philosophicis rationibus exponentem: quæ profectò hac ratione nihil differt

differt à Magia naturali, in qua Salomonem regem præstitisse credimus. Legitur namque in sacris Hebræorum historiis, illum disputare solitum à cedro Libani usque ad Hyssopum : item de jumentis, volucris, reptilibus, & piscibus, quæ omnia magicas quasdam naturæ vires præ se ferre possunt. Ipse quoque inter posteriores Moyses Ægyptius, in expositionibus suis super Pentateuchum, & plures Thalmudistæ, hanc insecuti sunt. Alteram verò ejus scientiam vocant de *Mercava*, quæ est de sublimioribus divinarum, angelicarumque virtutum, sacrorum nominum, & signaculorum contemplationibus : quædam quasi symbolica Theologia, in qua literæ, numeri, figuræ, res & nomina, & elementorum apices, ac lineæ, puncta & accentus, omnia sunt profundissimarum rerum, & magnorum arcanorum significativa. Hanc rursus bivariam secant : In *Arithmeticam* videlicet, quæ *Notaricon* vocatur, de Angelicis virtutibus, nominibus, signaculis, etiam Dæmonum ac animarum conditionibus tractans : atque in *Theomantiam*, quæ divinæ majestatis mysteria, emanationes, sacraque nomina, & pientacula scrutatur : quam qui novit, hunc ajunt admirandis pollere virtutibus, ita quod dum velit, futura omnia præsciat, toti naturæ imperet, in Dæmones, Angelos jus habeat, & miracula faciat. Hac putant Moysen tot signa edidisse : virgas in colubrum, aquas in sanguinem vertisse, ranas, muscas, pediculos, phantastas, bruchos, ignem cum grandine, vesicas, & tabes Ægyptiis immisisse : primogenitum omne ab homine usque ad pecus interemisse : suosque deducen-tem mare aperuisse, fontem de petra, coturnices de cœlo produxisse : aquas amaras dulcorasse : fulgura, & nubes per diem, columnam ignis per noctem suis præmisisse : vocem Dei viventis ad populum è cœlis devocasse : arrogantes, murmurantes leprâ percussisse : malè merentes subitâ strage, alios terræ hiatu absorptos affecisse : populum cœlesti cibo pavisse : Serpentes placasse : venenatos curasse : numerosam turbam ab infirmitate, vestes eorum à corrosione conservasse : & hostium victricem reddidisse. Hac denique miraculorum arte & Josue stare Solem præcepisse : Heliam ignem in adversarios, è cœlo devocasse, puerum mortuum vitæ restituisse : Daniele Leonum ora perstrinxisse : tres in camino æstuantis incendii carmina luisse. Porro hac arte astruunt perfidi Judæi etiam Christum

tam admiranda sæpe fecisse. Salomonem quoque hanc percalluisse, atque ex ea artem contra Dæmones, eorum denique vincula, & conjurationum modos, ac contra morbos excantamenta tradidisse, ut author est Josephus. Verum ego Deum Moyfi, cæterisque Prophetis multa, quæ continentur sub cortice Verborum legis, prophano vulgo non communicanda mysteria retexisse, ut non dubito, si hanc quam jactant Hebræi Cabalæ artem, quam ego multo labore aliquando scrutatus sum, non nisi meram superstitionis rapsodiam, ac Theurgicam quandam Magiam agnosco: quod si (ut Judæi jactant) à Deo profecta, ad vitæ perfectionem, ad hominum salutem, ad Dei cultum, ad intelligentiæ veritatem conduceret, profectò spiritus ille veritatis, qui repudiata synagogâ venit nos docere omnem veritatem, hanc usque in hæc postrema tempora, suam non celasset Ecclesiam: quæ profectò omnia novit quæ sunt Dei, cujus benedictio baptismus, cæteraque salutis sacramenta revelata ac perfecta sunt in omni lingua. Uniuscujusque enim linguæ par est, & eadem virtus, modò par sit, & eadem pietas: Nec est aliud nomen in cœlis, nec in terra, in quo oporteat nos salvos fieri, præter unum nomen JESU, in quo recapitulantur & continentur omnia. Hinc Judæi in divinis nominibus peritissimi, parum aut nihil post Christum operari possunt, sicut prisca illorum patres. Quod autem experimur, & videmus hujus artis (ut vocant) revolutionibus, sæpè miras magnorum mysteriorum è sacris literis extorqueri sententias, totum hoc nihil aliud est, quàm lusus quidam allegoriarum, quas otiosi homines in singulis literis, & punctis, & numeris occupati, quod hac lingua, & scribendi ritus facile patiuntur, pro eorum arbitrio fingunt, atque refingunt: quæ etsi nonnunquam magna sonent mysteria, nihil tamen probare, nec evincere queunt, quin juxta verba Gregorii, eadem facilitate contemnere liceat, quâ asseruntur. Confinxit simili artificio pleraque Rabarus Monachus, sed latinis characteribus, & versibus, insertis variis imaginibus, qui quaque versus lecti, per quælibet superficiei, ac imaginum lineamenta, sacrum aliquod denunciant mysterium, depictæ illic historiæ repræsentativum, quæ etiam ex prophanis literis extorqueri posse nemo negat, qui Valeriæ Probæ ex Vergilii carminibus compositas de Christo centones legerit, quæ omnia & ejusmodi, sunt speculationes otiosorum

rum hominum. Quod autem ad miraculorum operationem attinet, neminem vestrum puto tam stolidæ cervicis, qui de illis credat aliquam artem haberi vel scientiam. Est itaque nihil aliud hæc Judæorum Cabala, quàm perniciosissima quædam superstitio, quæ verba & nomina, & literas, sparsim in Scriptura positas, pro arbitrio suo colligunt, dividunt, transferunt: Et alterum ex altero facientes, solvunt membra veritatis, sermones, inductiones, & parabolæ hinc inde ex propriis fictionibus construunt, aptare illis volunt eloquia Dei, & per imprudenter exortas supputationes dictionum, syllabarum, literarum, numerorum, tentant violentas, blasphemias perfidiæ suæ inferre probationes. Præterea iis nugis inflati, ineffabilia Dei mysteria, & quæ sunt super scripturam arcana, sese invenire & scire jactant, per quæ etiam prophetare & Virtutes, & miracula sese perficere, sine rubore magnaquæ audacia mentiri non erubescunt. Sed accidit illis quod cani Æsopico, qui pane relicto, & in ejus umbram inhians, perdidit escam: Sic perfidum hoc, & duræ cervicis hominum genus, semper in umbris Scripturæ occupatum, & circa illas vanitates suâ artificiosâ, sed superstitiosâ Cabalâ impetum faciens, amittit panem vitæ æternæ, & inanibus nominibus depastum, perdit verbum veritatis. Ex hoc Caballisticae superstitionis Judaico fermento prodierunt puto Ophitæ, Gnostici, & Valentiniani hæretici, qui ipsi quoque cum discipulis suis Græcam quandam Cabalam commentati sunt, omnia Christianæ fidei mysteria pervertentes, & hæretica pravitate ad Græcas literas, & numeros protrahentes, ex illis construunt corpus, quod vocant veritatis, docentes absque illis literarum, & numerorum mysteriis non posse in Evangelicis literis inveniri veritatem, quia variæ sunt, & alicubi sibi repugnantes, plenæquæ parabolis scriptæ, ut videntes non videant & audientes non audiant, & intelligentes non intelligant, sed cæcis & errantibus juxta suæ cæcitatis, erroris capacitatem propositas: latentem verò sub illis sinceram veritatem solis perfectis non per scripta, sed per vivæ vocis successivam pronuntiationem esse creditam: atque hanc esse illam Alphabetariam, & Arithmeticam Theologiam, quam Christus secreto manifestavit Apostolis, & quam Paulus se loqui dicit non nisi inter præfectos. Cùm enim hæc altissima sint mysteria, ideo nec scripta esse, nec scribi, sed in silentio servari apud

sapientes in abscondito secum illa abscondentes. Sapiens autem apud eos nemo, nisi qui maxima hæreseos monstra fabricare novit. *Idem.*

DE PRÆSTIGIIS.

C A P. XIII.

SED redeamus ad Magiam, cujus particula etiam est Præstigiorum artificium, hoc est, Illusionum, quæ secundum apparentiam tantum fiunt, quibus Magi phantasmata edunt, multaque miracula, circulatoris fraudibus ludunt, & somnia immittunt, quod non tam Goeticis incantamentis & imprecationibus, Dæmonumque fallaciis, quam etiam certis suffumigiorum vaporibus, luminibus, philtris, collyriis, allegationibus, & suspensionibus, præterea annulis, imaginibus, speculis, similibusque magicæ artis pharmacis, & instrumentis naturali, cœlestique virtute perpetratur. Multa manuum promptâ subtilitate, & industriâ fiunt, cujusmodi ab histrionibus & jocularibus quotidie fieri cernimus, quos idcirco *Chirosofos*, hoc est, manusapientes appellamus. Extant de hoc artificio libri præstigiorum Hermetis, & quorundam aliorum. Legimus quoque Pafeten quendam præstigiatores, refertissimum convivium hospitibus monstrare solitum, idque cum libuit evanuisse discumbentibus omnibus fame & siti elusis. Numam Pompilium etiam istiusmodi præstigiis usum legimus. Sed & doctissimum Pythagoram id ridiculum aliquando factitasse, ut quæ collibuisse, sanguine perscriberet in speculo, quo ad pleni luminis Lunæ orbem obverso, stanti à tergo res exaratas in disco Lunæ commonstrasset. Huc spectat etiam quidquid de hominum transmutationibus legitur decantatum à Poëtis, traditum ab historicis, & à nonnullis Christianis Theologis, insuper à sacris literis adsertum. Sic apparent homines asini, velesqui, vel alia animalia, oculis fascinat, aut perturbato medio, idque arte naturali. Nonnunquam etiam hæc fiunt à nobis, & malis spiritibus, seu ad bonorum preces ab ipso Deo, sicut in Sacris Literis legimus de Helisæo Propheta, obsessio ab exercitu regis vallantis Dothain. Verum puris & apertis à Deo oculis, ista non possunt illudere: Sic mulier illa quæ à vulgo jumentum judicabatur, Hilarioni non jumentum, sed quod erat mulier videbatur. Ea igitur quæ hoc modo secundum apparen-

tiam

tiam fiunt, præstigia dicuntur: quæ autem fiunt arte permutantium, aut transferentium, ut de Nabuchodonosore, aut messibus ad alios agros traductis, de his diximus superius: Verum de hac præstigiorum arte sic ait Jamblichus: *Quæ præstigiati seu fuscinati imaginantur, præter imaginativa, nullam habent actionis, & essentie veritatem.* Ejusmodi namque artificii finis est, non facere simpliciter, sed usque ad apparentiam imaginamenta porrigere, quorum mox nullum compareat vestigium. Jam itaque ex his quæ dicta sunt, patet, non aliud esse Magiam, quam complexum Idololatriæ, Astrologiæ, superstitionisquæ Medicinæ. Jamque etiam à magis magna hæreticorum caterva, in Ecclesia orta est, qui sicut Jannes & Mambres restiterunt Moyse, sic illi restiterunt Apostolicæ veritati. Horum princeps fuit Simon Samaritanus, qui Romæ sub Claudio Cæsare propter hanc artem statuâ donatus est, cum hac inscriptione; *Simoni sancto Deo.* Ejus blasphemias copiosè narrant Clemens, Eusebius, & Irenæus. Ex hoc Simone, tanquam ex hæresium omnium seminario, per multas successiones monstrosi Ophitæ, turpes Gnostici, impii Valentiniani, Cerdoniani, Martianistæ, Montaniani, & multi alii hæretici prodierunt, propter quæstum, inanem gloriam, mentientes adversus Deum, utilitatem nullam, neque beneficia hominibus præstantes, sed decipientes, & in perniciem, & in errorem mittentes, qui credunt illis, confundentur in judicio Dei. Verum de Magicis scripsi ego juvenis adhuc libros tres, amplo satis volumine, quos de *Occulta Philosophia* nuncupavi: in quibus quicquid tunc per curiosam adolescentiam erratum est, nunc cautior hac palinodiâ recantatum volo: Permultum enim temporis, & rerum in hisce vanitatibus olim contrivi. Tandem hoc profeci, quod sciam quibus rationibus oporteat alios ab hac perniciæ dehortari. Quicumque enim non in veritate, nec in virtute Dei, sed in elusione Dæmonum, secundum operationem malorum spirituum, divinare & prophetare præsumunt, & per vanitates magicas, exorcismos, incantationes, amatones, agogima, & cætera opera Dæmonia & idololatriæ fraudes exercentes, præstigia & phantasmata ostentantes, mox cessantia miracula sese operari jactant: omnes hi cum Janne & Mambre, & Simone Mago æternis ignibus cruciandi destinabuntur. *Idem.*

Sathanam profligandi methodus certissima.

C A P. XIII.

DE variis illicitæ Magiæ speciebus, quâ nimirum ratione Dæmones bonos, aut malos alliciamus, ut nos voti nostri compotes reddant, atque adeò mira tum prædicere, tum efficere possimus, de his inquam in genere quantum fidei nostræ professio tulit, hæcenus dictum est satis. Cum autem doctrina quæ circa Dæmones occupetur trib. maximè constet capitibus, scilicet ut bonos Dæmones nobis adsciscamus, & eosdem cordis puritate, vitæque sanctimonia conservemus: aut malos ad nobis obtemperandum obstringamus, quæ manifesta est illicitæ Magiæ species: Tum denique ut malos Dæmones à nobis propellamus, eorumque maleficia à nobis arceamus: superest ut postremum hoc caput, duobus aliis jam expeditis, aggrediamur. Diligenter itaque omnium primò in his attendendum fuerit, an quæ nobis mala curanda proponuntur, verè Dæmoniaca sint, aut inflicta naturaliter. Enim verò tam rara sæpenumerò, & gravia in morbis suboriuntur symptomata, quæ licet naturæ impetu exoriantur, tamen ad maleficium mox referunt rerum imperiti, atque exiguæ fidei homines: quemadmodum in diversis convulsionum speciebus, melancholia, epilepsia, uteri suffocatione, putrescente semine, & multivariis venenorum effectibus frequenter apparet. At inter hos affectus, & accidentia discernens prudens, & circumspectus Medicus, ubi ea pensicularit exacta trutina, adhibito etiam ad diligentem causarum naturalium indagationem, iusto, quoad fieri potest, perpendiculo, ubi naturæ limites malum exuperare egrediique, ac sathanæ, qui spiritus est, motus actionesque animadverterit, in spirituales Medicum, Ecclesiastem nempe, aut Ecclesiæ ministrum inculpatum, sanæ doctrinæ, tenentem mysterium fidei cum pura conscientia, vitæ innocentia notum, non turpiter lucri cupidum, non vinolentum, cui etiam bonum à piis perhibeatur testimonium, curationis onus transferet. Interim meminisse operæ pretium est, multa non ex maleficio evenientia, sed ex occulta naturæ occasione, Medicos quandoque latere, ut enim rebus inest secreta juvandi proprietas, ita & nocendi: quam tamen non perpetuò agnoscit Medicus. Tantum tamen operæ à Medico

hic

hic accedet, si fortè æger natura, vel ex morbo, aut aliunde humore melancholico (uti aptæ suis operationibus materiæ non illibenter se insinuare solet Dæmonium) aut alio succo maligno gravari videatur, ut hic prius blandè expurgetur medicamento. Tradit enim *Pomponatius*, priuscos exorcistas, quos præcantatores vocant, ante conjurationem, obsessorum corpora ab atra bile expurgasse. Morbis siquidem geminis ut plurimum hi infestantur, corporis nempe, ex melancholico succo genitis: & animi, ut amentia, mœrore, timore, vitæ odio, & desperatione, quibus nocte diuque ejusmodi homines macerat juratus humani generis hostis, & veluti lugubribus tentationibus ita vellicat, ut quasi aquila apud inferos Titii jecur arrodere videatur. Obsessos expulso eo humore, non amplius mirabilia facere, experimento se vidisse, in expositione illius problematis dicit Conciliator. Uxorem quoque cujusdam futoris à Dæmonio agitatum, variaque sonantem idioma, eo modo perfectè curavit *Galgarandus Medicus*, Mantuæ celeberrimus. — *Joan. Vviers.*

Curandi Dæmoniaci exemplum insigne.

C A P. XIV.

SINGULAREM, & suo loco imitandam aliquando curationis eorum, quos vexat Diabolus, rationem, ex sequenti colliges historia. Philippus Wesselich Colonienfis, Monachus Abbatiae *Knechtensstein*, integer & simplex, à spiritu referente Abbatem macilentum, ante multos annos mortuum, exagitabatur miserè, & multivariam circa annum quinquagesimum supra millesimum quingentesimum: interdum avehebatur sub tectum, alias per ligna transversa conjunctoria supra campanam intrudebatur, plerunque per murum transferebatur inopinatò, inventus quandoque est corpore super piscinam projecto, capite autem in terram reclinante. Tandem se prodit spiritus, diutinæ multiplicis vexationis causam explicat: se nimirum esse illum Abbatem Matthiam Durensem, tot annis sepultum, ac eo torqueri, quòd suspensam D. Virginis effigiem exquisitè depingi curarit: nec satis fuisse factum Pictoris Novesiani laboribus & impensis, qui inde jacturam senserit, ac sibi ipsi vim fecerit: verum id fuit. Subnectebat hinc solutionis modum, cujus nomine hanc exorsus erat

factu-

fabulam Diabolus: expiari scilicet hoc delictum non posse, aut ullâ se liberari ratione, nisi religionis ergò apud Treviros, & Aquisgranum peregrinaretur hic Philippus (quem ob simplicitatem accommodatum suis ludibriis organum ratus est Diabolus) atque tres missæ, de Trinitate scilicet, de domina & tempore, in ejus assertionem recitarentur. Ut hîc spiritûs voto satisfaceret, consuluerunt Theologi Colonienses: & capitaliter id reliqui postulabant quoque Monachi, à suo superstitie etiamnum Abbate Dn. Gerardo Strailgen Morensi, qui saniori institutione atque acri increpatione in aliam potius sententiam Philippum existimavit traducendum, ut videlicet fide vivâ omnis miserationis Deo patri, & Christo assertori nostro unico confusus, Dæmonis imposturas animo negligeret forti: redeuntique Spiritui objiceret, se non esse sui juris, at sub aliorum degere imperio, propterea nec posse ob rerum penuriam se obedire ejus votis. Quo factò, Spiritus respondit: Dic Suppriori (de eo enim confirmandi sui instituti spem conceperat.) Quare Abbas, ubi Dæmonem perseverare, nec Monachum ullis illusionibus satis confidenter resistere animadverterit, ipsum denuò rectius instituit studiosè hortatus, ut resipisceret, nec adeò pronas offerret Satanae technis aures: si verò manes uti hætenus, audire pergeret, se illum flagris, & quidem capitaliter cæsurum severissimè minitatus est. Hinc irritos suos Spiritus videns conatus ob Abbatis constantiam, & animum Philippi magis erectum fiduciâ in Deum adversus fraudulenta exitialiaque Dæmonii studia, nunquam rediit, alioque migravit. Hanc curandi methodum in eo fraudum diabolicarum genere, in usum revocare arbitror. *Vviers.*

Contra Dæmonum machinamenta consilium saluberrimum, ex Eodem.

C A P. XV.

SALUBERRIMUM adversus Dæmonum machinamenta consilium, in conscripta hac præservationis Lege, subjungam ex Chrysostomo his verbis: Sicut sine calceamentis, vel vestimentis vestrûm nemo in forum descendere vellet, sic sine Dei verbo nunquam in forum prodeas, quum es januæ vestibula transgressurus, hoc prius loquere verbum: ABRENUNTIO TIBI SATANA, ET CONJUN-

GOR

GOR TIBI CHRISTE. Nunquam absque hac voce ex eas: hæc erit tibi baculus, hæc armatura, hæc turris inexpugnabilis. Cum hoc verbo Deo te commendans, exito: lic enim non tantum homo obviis, verum nec ipse Diabolus te lædere poterit, cum his te cernens armis ubique apparentem. Et hæc te ipsum jam hic doce, ut cum signum coeperis, sis miles paratus, & contra Diabolum trophæum erigens iustitiæ coronam capias, quam nos assequi contingat gratiâ & benignitate Domini nostri JESU Christi, per quem, & cum quo Patri gloria, simul & Spiritui sancto potestas, & honor in sæcula sæculorum.

*Dæmones & maleficia quibus materiis arceri cre-
debat antiquitas, & Ecclesia Romana, ex
eodem Vviero.*

CAP. XVI.

IN ejusmodi religione suum habere locum credebatur Sulphur, ad expiandum suffitu malos Dæmones: quo in purificationibus Sacerdotes uti solitos, velut & Asphalto aut ablutione aquæ marinæ, scribit Proclus: quoniam purificat Sulphur ob odoris acumen, aquas verò marinas propter igneam portionem. Hinc *Ovidius de Medea*:

Terq; senem flamma, ter aqua, ter sulphure lustrat.

Expiare & Pentaphyllon herba putabatur, proinde in hanc rem usurpant eam Sacerdotes antiqui: quemadmodum & Olivæ ramos, quæ tantæ esse puritatis dicitur, ut ferant Olivam à meretrice plantatam, vel infructuosam perpetuo manere, vel omnino exarescere. Simili modo expiationi conferre arbitrantur Thus, Myrrham, Verbenam Valerianam, *Pbu* Arabibus dictam, Palmam Christi portatam, Antirrhinon, vel radicem Bryoniæ siccam, ac radicis Aristolochiæ siccæ suffitum: item Benedictam, & Caryophyllatam, Scillam quoque in limine domus suspensam. Tantum gloriæ tradiderunt quidam herbæ Vetonicæ, ut domus in qua fata sit, existimetur tuta à piaculis omnibus. Holitha herba in Moravia nasci fertur rara, quæ spiritus malignos pellat. Similiter fel Canis nigri suffitum, vel ejusdem sanguis linitus per omnes parietes, maxime præstare dicitur tam ad expiandum Dæmones malos, quam male-

maleficia, ubicunque fuerint. Sunt & alia antiquis contra fascinationes commendata, velut Palmarum lignum in pomo osseum dente limatum, radix Satyrii, Orchis cognominati, foeminae scilicet, quae distinguitur internodiis, & ramosiore frutice. Rutam fascini amuletum esse, tradit *Aristoteles*. Alissum in domo suspensum, salutare amuletum existere contra hominum quadrupedumque fascinationes, item Rhamni tertii ramum valvis fenestrisve impositum, veneficia omnia depellere, tradit *Dioscorides*. Contra haec quoque valere Cynocephalam, docet Appion Grammaticus. Baccharem herbam bene olentem, Virgilii testimonio freti, contra fascinum singulari pollere virtute putant in Bucol.

—— *Bacchare frontem*

Cingite, ne vati noceat mala lingua futuro.

Resistere & fascino frontis Hyænae corium legitur. Huc etiam multi lapides, tum ex aliis, tum ex Alberto, ut mendacibus Diaboli nundinis accedat authoritatis pondus, conferri queunt. Jaspidem, empusis & aliis idolis adversari refert *Dionysius*. Corallum rubrum collo infantium appensum, aut armillis insertum, in brachioque gestatum, vel etiam in domo retentum, prærogativam habere ajunt contra fascinum. Lyncurius lapis præstigias ab oculis auferre creditur; quomodo Heliotropius lapis visum perstringere, & gestantem invisibilem reddere: Lipparis suffitus omnes bestias evocare, Synochitides umbras inferorum educere, Anachitides Divorum imagines apparere facere: Enectis somniantibus suppositus oracula reddere putatur, Oleum ex gagate sacratum Dæmoniacis conferre, superstitiosè docet *Mesue*. Dicuntur & pennæ Upupæ suffitæ, phantasmata fugare. Ovum quoque in lustrationibus acciri solent quæ ova lustralia dicta sunt, unde Ovidius:

*Adveniat quæ lustret anus lectumque locumque
Deferat & tremula sulphur & ova manu.*

Ligatum adhæc sanare creditur Picus avis commesta, suffumigium ex dente hominis mortui: si item totum corpus inungatur ex felle corvino, & oleo sesamino ex Cleopatra: si vel Argentum vivum in calamo, vel Avellanæ nucleo vacuo cum cera occlusum sub pulvinari maleficio læsi collocetur, aut sub limine ostii, per quod is in domum,

vel

vel cubiculum ingreditur. Hic nostri in primis confugient ad suffimentum prunæ, cui cor piscis, & jecur impositum erat à Tobia: ex cujus odore in superiora Ægypti fugisse Dæmonium legitur, ubi angelus illud ligavit, ut non tam suffumigio fugatum, non respondeo, quàm Tobiaë junioris castitate & attentâ ipsius, ejusque conjugis ad Deum misericordem oratione ex angeli institutione. Narrat & *Ensebius* Serapin, qui Græcis Pluto dicitur, apud Ægyptios symbola dedisse, quibus Dæmones expellerentur: docuisse etiam simplices, quomodo assumtis brutorum figuris insidientur hominibus Dæmones: quibus maximè obnoxii fiant, qui cibis subinde distendantur lautioribus. In sinum despuere, adversus fascinationes, veteribus quoque in usu fuisse legitur. Sic apud Theocritum:

Ὡς μὴ βασκανθῶ ᾗ, τοῖς εἰς ἐμὸν ἐπίϋσα κόλπον.

Ovidius:

Despuat in molles tam sibi quisque sinus.

Vehementiore ad hæc strepitu, & maleolentium graminum fumo dissolvi, & sedari aëreorum Dæmoniorum insultum, creditum est. Idcirco (ait Gaudentius Merula) tanquam ex Academicorum officina fluxerint, etiam nunc Italæ mulieres tempestatibus imminentibus, diri odoris pabula sub dio comburunt: Sacerdotes autem more Thracum (qui tempestate imminente, armati cum strictis ensibus & crotalis, horribiliq̃ clamore in nubes fremebant) ad obstrepera cymbala, quæ campanæ dicuntur, convolant: magis confidentes in boatibus illis apud Deum inanibus quàm orationibus, & jejuniis. De suis conterraneis ferè quid simile scribit *Olaus Gothus*, qui concitato in nubibus fragore, sagittas ex arcubus in aëra excutientes, ostendebant se opem ferre Diis suis velle, quos tunc ab aliis expugnari putabant. Nec eâ temerariâ superstitione contenti, inusitati ponderis malleos, quos Joviales vocabant, ingenti ære complexos, magnaque religione cultos, ad eum usum habebant, ut per eos tanquam per Claudiana tonitrua, & per usitatam rerum similitudinem, cœli fragores, quos malleis cieri credebant, exprimerent: tantiq̃ sonitus vim fabrilium specie imitantes, Deorum suorum bellis sic adesse, admodum religiosum existimarent. Durabat is Jovialium malleorum usus usque ad annum à Christo nato

1130. Apud nostros quoque proavos, non sanā parochōrum doctrina inolevit, longa annorum serie persuasio, Artemissiam in feriis Divo Joanni Baptistæ sacris ante domos suspensam, item alios frutices, & plantas, atque etiam candelas facesque, designatis quibusdam diebus celebrioribus aqua lustrali rigatas, vel nescio quomodo expiatas, quando usus postulat, incensas, contra tempestates, fulmina, tonitrua (in quæ etiam agminatim è vestigio ad omnium campanarum violentum continuumque tractum, atque pulsum, ut præsentissimum auxilium, & anchoram sacram concurritur) & adversus Diaboli potestatem, opera, & quæcunque maleficia, velut prærogativa quadam valere. Quosdam incendere ipso die Joannis Baptistæ fasciculum lustratarum herbarum contra tonitrua, fulmina, grandinem, & credere eo suffumigio, Diabolum profligari, tempestatesque sedari, tradit Martinus de Arles. At veritati minime oportet præscribere vetustatis observantiam. Fides est, spiritualis existens, quæ Dæmonem exterminat: verbum item Dei spiritu efficax. Vetusta hujus rei testimonia, & exempla, in veritatis libris sacrosanctis quàmplurima, atque irrefutabilia leguntur. In hanc insuper rem variè quibuscunque substantiis applicantur exorcismi, quibus herbæ ita consecrantur, ut sint utentibus eis sanitas animæ & corporis, fietque precatio, ut ex omnibus hominibus pecoribusque, quæ inde gustaverunt, putredo & cuncta Diaboli phantasmata explebantur, &c. Ex agendis & obsequialibus, hæc nota. Huc pertinet aqua in usum innumerum ab omnipotente Creatore condita, quæ novas vires induerit iis verbis, EXORCISSO TE Creaturam aquæ in nomine Dei Patris omnipotentis, & in nomine JESU Christi filii ejus Domini nostri, & in virtute Spiritus sancti, ut fias aqua exorcissata ad effugandam omnem potestatem inimici, ipsum inimicum eradicare, & explantare valeas cum angelis suis apostaticis. Alexander primus Romanus pontifex author fuit; ut hujusmodi lustrata aqua consecraretur ad Dæmones pellendos, & ut in templo domique servaretur: sed in Græcorum Ecclesia hæc aqua condemnatur, ut superstitiosa. Habet item virtutem suam peculiarem sal. Eo quoque Elisæus ex Dei mandato insalubrem aquam Hierichuntis reddidit salubrem: jam autem absque eo exorcismus redditur sanctior, præstantiorque contra Satanam hoc modo: Exorcisso te creatura
falis

salis per Deum + vivum, per Deum + verum, per Deum + sanctum, per Deum, qui te per Elisæum Prophetam in aquam mitti iussit, ut sanaretur sterilitas aquæ, ut efficiaris sal exorcisatus in salutem credentium, ut sis omnibus te sumentibus sanitas mentis, & corporis: effugiat atque discedat ab eo loco qui te aspersus fuerit, omnis phantasia & nequitia, vel versutia diabolicæ fraudis, omnisque spiritus immundus adjuratus, &c. *Alex. 1. in epist. Decretal. 1.* Idem textu, ext. in C. aquam sale conspersam, de Consecrat. dist. 3. Huc referatur & nobile illud Balsamum virtutis variæ præter insignem ejus odorem. Quo ut Reges, & Sacerdotes Levitici inungerentur, in veræ electionis confirmationem constituit in sua politia Moses, donec hominem indueret æternus Rex, & Sacerdos Jesus Christus. In ea Ecclesia autem Romana gravibus exorcismis, & trina expiatione ad crucis modum facta lustratur, noviesque cum multo murmure genu ter flexo salutatur, Ave sanctum oleum, ter, Ave sanctum crisma, ter, Ave sanctum balsamum: atque hujus ope, & præstantia non solum creditur exturbari Dæmonium, sed ejus loco substitui Spiritum sanctum.

*Curatio eorum, qui Lamiarum maleficio affici vel
Dæmonis obsidione subigi creduntur.*

CAP. XVII.

CURATIONIS ratio hic partim erit προφυλακική, exoptatissima medicationis pars, ut à fascino, & incantationum ludibriis quis præservetur: partim etiam μεθωδική, ut ii, quos jam maleficio collisos credimus, ritè legitimoque restituantur ordine, atque erit illa aliquo modo communis ex Sacrarum literarum fontibus deprompta: non autem Magica, vel superstitiosa tantopere à multis desiderata, excultaque. Quum verò quicquid hætenus rerum monstrosarum in hanc relatum est historiam, Diaboli sint artes, opera, ludificationes, larvæ & spectra, contra hunc nos circumquaque validis aggeribus, præsidiisque infallibilibus communi est operæ pretium. Atqui Spiritus cum sit, spirituali accingamur armaturâ: quam ex Divina Pauli exhortatione cognoscere, atque universis complecti nervis decet, qui ita hortatur: Quod superest, fratres mei, sitis fortes per Dominum, perque potentiam roboris illius. Induite totam Dei armaturam, ut adversus Diaboli assul-

tus consistere possitis. Quoniam non est nobis lucta adversus sanguinem, & carnem, sed adversus mundi dominos, rectores tenebrarum seculi hujus, adversus spirituales astutias in cœlestibus. Quapropter assumite universam Dei armaturam, ut possitis resistere in die malo, & omnibus parati stare. State igitur lumbis circumcinctis baltheo per veritatem, & induti thorace justitiæ, & calceati pedibus, ut parati sitis ad Evangelium pacis: super omnia assumtoque scuto fidei, quo possitis omnia jacula mali illius ignita extinguere; Galeamque salutarem accipite, & gladium spiritus, qui est verbum Dei, in omni deprecatione, & obsecratione, orantes in omni tempore, in spiritu, & ad hoc ipsum vigilantes cum omni sedulitate. Petrus item fideliter admonet: *Sobrii estote, vigilate quoniam adversarius vester Diabolus tanquam leo rugiens obambulat, querens quem devoret.* Cui resistite solidi in fide, scientes easdem afflictiones, vestræ, quæ in mundo est, fraternitati consummari. Hic enim agit in incredulis. Hic & saluberrima Tertulliani exhortatio suum habebit locum, qui nos velut Jobum fortissimum Dei athletam, adversus tentationum insultus pugnare voluit: item serico vestiri probitatis, purpurâ pudicitiae, chlamyde patientiæ. In animum quoque inducendum suadet, cuncta, quæ Dæmon ad nostræ integritatis everisionem machinatur, in gloriam constantis casura: & ejus machinamenta in hunc finem à Deo permissa esse, ut quâ constantiâ perferre adversa velimus, experiamur: quemadmodum apud Hieremiam Prophetam quoque legimus: Dominus exercituum justus probator est. D. Maximus in lib. de Charitate, Dæmones non infringere interficereque jubet: atque illud haud dubiè perfici, quando cum præceptorum Dei observatione affectus in nobis effervescentes vincimus: hoc verò, quum prorsus affectibus sint carentes, illis universam calumniandi occasionem præscindimus, cum Propheta dicentes: *Vade homicida, Dominus mecum est, bellator fortis: tu cades, & deleberis apud me in æternum.* Olympiodorus cap. 10. in Ecclesiasticæ historiæ interpretatione, omnes sensuum aditus occludendos censet, si cut neque per oculorum illecebras, neque per aurium pruriges, neque per nocentis linguæ petulantiam Dæmon admittatur: hoc enim signaculum contra Dæmones absolutissimum habeatur. Quidam duobus in pugnam progrediendum armis monent: precatione qui-

quidem purâ, quæ in cœlum subvehat affectus: & scientiâ verâ, quâ salutaribus opinionibus communiatur intellectum. & suggerat quid sit orandum, ut ardentius oremus, non hæsitantes. D. Antonius ita suos confratres adversus Dæmonum insultus munit: Magna, *inquiens*, dilectissimi adversum Dæmones arma sunt, vita sincera, & intemperata ad Deum fides. Credite mihi experto, pertimescit Satanæ rectè viventium vigilias, orationes, jejunia, mansuetudinem, voluntariam paupertatem, vanæ gloriæ contemptum, humilitatem, misericordiam, iræ dominium, & præcipuè purum erga Christum amorem. Novit teterrimus coluber ex præcepto Domini, sub justorum se jacere vestigiis, qui ait: Ecce dedi vobis potestatem calcare super serpentes, scorpiones, & super omnem virtutem inimici. Hic porro præclarâ longaque oratione contra quascunque Dæmonum præstigias, vexationesque suos instituit. Rectè Hermes Trismegistus tradit, unam & solam custodiam hominum à Dæmonum astu, esse pietatem. Pium enim hominem nec Dæmon malus, nec fatum tenet. Et quemadmodum vera fides mirabilia adversus Diabolum, ejusque potentiam in credentibus operatur: sic & falsa credulitas, Deo permittente, eventus cooperante Diabolo inauspicatos interdum gignit, vel potius demeretur. Cum Davide ergo confidenter dicamus: *Dominus mihi adjutor, non timebo quid faciat mihi homo*. Omnium itaque primum tanquam rei caput desideratur, ut in vera doctrina, & genuino Dei cultu instituti, nos totos resignemus, tradamusque ipsius voluntati fide vivâ, & spe indubitata, nos illi curæ esse: sub ipsius patrocínio, & tutela securos degere: ipsius primum gratia progenitos esse singulæque nos consecrari misericordia: servari verè confisos CHRISTUM in hoc nobis natum, filium nobis in salutarem redemptionem datum, & exhibitum qui peccata nostra supra humeros suos in ligno pertulit: & per potentiam Patris, à morte suscitatus, mortem vicit; & Satanæ imperium demolitus est, ut hic jam inde irritum conatu suas nobis machinetur insidias, si sepulti unâ cum CHRISTO per baptismum in mortem, & peccatis mortui, in novitate vitæ ambulemus, justitiæque vivamus. Si etenim CHRISTO insiti, in illum atque Patrem ejus credimus, illius mandata observamus, vestigiis insistimus, abnegato Dæmone, omnibusque ejus consiliis, universa deni-

que impietate, opera Spiritus sectantes, fructusque fidei edentes, in charitate non ficta erga DEUM & proximum, in mansuetudine, benignitate, lenitate, temperantia, continentia, castitate, sensuum cohibitione, constanti cujuscunque adversitatis, jacturæ & injuriæ tolerantia, vitæ demum innocentia, puris manibus extensis orationi assiduæ intenti, peccati inquinamentum ut veneni perniciosissimi perditissimiue halitum, intereccionis periculo repente nos objicientem, declinantem maleficiorum profectò minas haud difficulter cavebimus, vel negligemus, vel tolerabimus. *Si verò quis peccaverit*, (inquit Johannes) *advocatum habemus apud Patrem JESUM CHRISTUM, justum. Et ipse est propitiatio pro peccatis nostris: non pro nostris autem tantum sed etiam pro totius mundi.* Et per hoc scimus, quoniam cognovimus eum, si jussa illius observamus. Qui dicit, Novi eum, & qui præcepta ejus non servat, mendax est, & veritas in eo non est. Qui verò servat sermonem ejus, verè in hoc charitas Dei perfecta est. Per hoc scimus, quòd in ipso simus. Qui dicit se in eo manere, debet sicut ille ambulavit, & ipse ambulare. Qui committit peccatum, ex Diabolo est: quoniam ab initio Diabolus peccat. In hoc manifesti sunt filii Dei, & filii Diaboli. Omnis qui non facit justitiam non est ex Deo: & qui non diligit fratrem suum. Hinc Paulus, in Christo JESU neque circumcisionem, neque præputium valere asserit: sed fidem, quæ per dilectionem operatur: cujus fidei loco novam creaturam sequenti capite ad Galatas locat: & observationem mandatorum Dei ad Corinthios supponit. Unde satis liquet, de qua hîc fide loquatur: quam amplecti, cuique firmiter insistere oporteat. Non simplicem formulæ fidei præscriptæ enarrationem propono, quam & facile pronuntiaret Diabolus, non etiam ore jactatam ab iis, quorum cor à Christo procul est, quæ consopita, mortua, sterilisque delitescit, nusquam se prodens, velut infœcunda arbor excindenda, ignique mandanda: sed hanc urgeo, quæ totum innovat hominem, virtute viva in Christi membris exercens: fructificans, efficax potentia Dei ad salutem habenti, sacra salvationis nostræ ancora, prora & puppis, petra contra quamcunque Satanæ potestatem, impetumque immobilis: in qua quicquid superstruitur, inviolatum perdurat, imò adversus hanc ne quidem inferi portæ prævalent. Augustini hic audia-

tur consilium: De ista tota Dæmonum ludificatione, ait, nos quid dicamus, qui hæc legent, fortassis expectant, quid Christiani agere debeant, quando inter idola gentium mira fieri asseruntur. Et quid dicemus, nisi de medio Babylonis esse fugiendum? Quod præceptum propheticum ita spiritualiter intelligitur, ut de hujus speculi civitate, quæ profectò & Angelorum, & hominum societas impiorum est, fidei passibus, quæ per dilectionem operatur, in Deum vivum proficiendo fugiamus. Quantò quippe in hæc ima potestatem Dæmonum majorem videmus, tantò tenacius mediatori est inhærendum, per quem de imis ad summa conscendimus. Hactenus ille. *Cyprianus* ad Fortunatum, de exhortatione martyrii. Adversarius, inquit, vetus est, & hostis antiquus, cum quo prælium gerimus. Sed mille annorum plenè complentur, ex quo hominem Diabolus impugnat. Omnia jam genera tentandi & artes atque insidias deijciendi usu ipso vetustatis edidicit. Si imparatum Christi militem invenerit, si rudem, si non sollicitum, ac toto corde vigilantem, circumvenit nescium, fallit incautum, decipit imperitum. Si quis verò dominica præcepta custodiens, & fortiter Christo adhærens, contra eum steterit, vincatur necesse est, quia Christus, quem confitetur, invictus est. Huic fundamento firmiter insistentes tantum abest, ut unquam ratione, Satanæ artibus, sive astutiis à vera in Deum viventem fiducia dimoveri possint, ut etiam variis, ac multiplicibus illius conatibus, & insultibus impetiti, exercitati, ac velut aurum in fornace examinati indies se ipsis sanctiores, justioresque evadant. Quare Dæmonibus imbecillitatem in eos, quos divina non destituisset gratia, exprobrare solet D. Antonius, in assiduis suis adversus illos luctis: & eos expavescere verè credentes, asserit Petrus apud Clementem. Item justissimo Dei judicio in hujusmodi cogitationum vanitate languentibus, labores & afflictiones pro remedio conferri, idem Clemens tradit, postea subjiciens: Dæmonem, nisi quis voluntatibus ejus se sponte subdiderit, potestatem adversus hominem non habere, ut vincat scilicet. Vitæ igitur emendatione & attentâ assiduâque oratione ad Christum confugiendum est, exemplo Chananeæ mulieris. Hæc, (*Chrysostomo auctore*) non ivit ad Divinos, non quæsit ligaturas, non defectionis reas mulieres: sed omnia reliquit tentamenta diabolica, & venit ad JESUM. Si enim volumus Deum sen-

tentiam mutare suam, nostram in meliorem mutemus vitam. Ritè hic hortatur Jesus Syrach: *Converte ad Dominum, & relinque peccata tua, precare ante faciem Domini, & minue offendicula.* Revertere ad Dominum, & avertere ab injustitia tua, & ne nimis odito exorationem, & agnosce justitias, & judicia Dei, & sta in sorte propositionis, & orationis altissimi Dei, non demorieris in errore impiorum. Nec minus piè quàm prudenter, tribulatione inimicorum consulit Josaphat rex Juda: Cùm ignoramus quid agere debeamus, hoc solum habemus residui, ut oculos nostros dirigamus ad te, Deus. Hic suum habeat locum Psalmus Davidis 90.

Qui habitat in adjutorio Altissimi, in protectione Dei cœli commorabitur.

Dicit Domino, susceptor meus es tu, & refugium meum, Deus meus, sperabo in eum.

Quoniam ipse me liberabis de laqueo venantium, & à verbo aspero.

Scapulis suis obumbrabit tibi, & sub pennis ejus sperabis.

Scuto circumdabit te veritas ejus, non timebis à timore nocturno.

A sagitta volante in die, à negotio perambulante in tenebris ab incurso, & Demonio meridiano, &c. Vviers.

Obsessis pluribus, uno in loco morantibus, quomodo succurrendum.

CAP. XVIII.

SI uno loco maleficia collidantur ubi numero plures (quemadmodum in monasteriis, potissimùm virginum, velut organorum Satanæ ludibriis magis accommodatorum, frequenter usu venire cernimus) ante omnia hæc cura propendeat ut separentur, & unaquælibet ad parentes, vel sanguine aut affinitate proximos avehatur, quò singulæ seorsim commodius fideliusque institui & sanari queant, institutionis habito pro cujusque necessitate, delectu: ne uno (quod ajunt) calopodio (quorundam ineptorum, mendacium, impostorum, superstitionis impietatisque antistitum more) quis calceare conetur omnes, & dissolutis præscriptorum verborum minus convenientium formulis, commentitiisque quibusdam ritibus, & substantiis ad rem minimè facientibus, profligare pergat Dæmonem, in
iis

iis ridentem illudentemque, & fugam plerunque simultantem egregie, quasi compulsam, licet ultrò cedentem, ut nos incredulitatis labyrintho altius involvat, si vetitis eum mediis fugatum credamus: hac ratione è corporibus cedit sæpenumerò, & quidem libenter, ut animas minus impeditè possideat, eisque dominetur. Quæ verò virgines arctius occlusæ cohibentur, nec egredi permittuntur, quod equidem ejusmodi casu comprobare nequeo: vel quæ in designato eo loco clementem Dei manum, patrisque virgam, cum vera sui abnegatione fortiter tolerare cum Jobo in animum induxerint, mutuam hic præstent in suorum cruciatuum intervallis operam, se mutuò consolantes, modumque præscriptum, quoad fieri potest observantes: nec ad hujusmodi spectaculum admittantur juniores, ne territæ tormentorum raritate, & vehementiâ, quid mali contrahant, cum eis avidè admodum insidietur Diabolus. Cum alias ad piam puellam, in cœnobio observatam, literas dedissem, quibus virginum eo in loco olim incredibili cruciamentorum genere à Dæmonio exercitarum historias mihi cupiebam describi, ea in hanc fere sententiam respondit: Duas adhuc ex illis superesse octogénarias propemodum, à quibus sæpius audivisset, ne magna quidem se velle gravi illa caruisse calamitate, ex Dei voluntate nata, quòd inde peculiare gratiæ divinæ donum & illuminationem se consequutas sensissent: nec secus earum testari vitam. Quid Antonio nocuit, severos in suis cervicibus tulisse magistros? cui eos secundum Dei voluntatem perpeffo in majus cessit lucrum, & gloriam. Scribebat quoque, missos eo tempore fuisse undecunque viros doctos, qui terrificorum eorum Symptomatum larvas contuiti, eas penitissimè scrutarentur, amolirenturque: sed quò in ejusmodi consiliis confidentius perstitère, eò malum recrudit gravior, ut tandem Dei opus esse singulare faterentur: à cujus manu, cum id exciperent, & se toto corde sub potenti ejus brachio submitterent, semet integrè abnegantes, humilitatemque usque adeò amplexæ, quo etiam cunctis suis affectibus restiterint, eosque vicerint: & breviter, ad divini verbi normam toto animo vitam conformarint, tunc paulatim evanuerunt universæ illæ diræ. Piam epistolam illius virginis partim justis de causis inferere volui, quòd id consilium meo instituto prorsus responderet: & ne ejusmodi virgines us-

que adeo à piorum numero alienas esse, quis temerè in animum inducat, etiamsi adhuc multa in iis desiderari non diffitear, quæ insciâ, non sanâ informatione præmittuntur. Porro monasterium id ingressus, coràm cum altera contuli vetula; quæ id mali decem sustinuerat annos, eo nomine Deo gratias agens quàm maximas: ac si ætas admitteret, se libenter denuò iisdem velle calamitatum fluctibus objici asseribat: Hortata autem me est magnopere, ut si in consilium ad ita afflictas accerserer, ne exorcismos admitterem unquam. Quædam in eo tormentorum theatro constituta, à fratre virgis ex quorundam consilio excarnificabatur: quemadmodum ab ineptis etiamnum hodie consulitur, quasi Dæmonem profligent virgæ, & non potius eo modo ille carnificinam procuret, eareï indignatione, pudore illa perculsa, contabuit pedetentim, & moritura cecinit, rogata verò cantionis causam, respondit: eò quòd de salute sua æterna minimè hæsitaret. Altera quoque jam diu à Dæmonio excruciatâ, & morti proxima, se totam attenta oratione Deo offerebat, ut cum ea pro suo arbitrio quicquid vellet, in tempore, & in æternum ageret, dummodo ipsius glorificaretur nomen obsecrans: rogabatque reliquas virgines, ut post ejus mortem, non ex more, Miserere mei Deus, canerent: sed, Gloria Patri. Memorabile abnegationis veræ exemplum. *Vvierzus.*

In concubitu maleficio quid faciendum.

C A P. XIX.

DE naturalis congressus, Satanæ opera præpediti, curatione ita scribit *Igmarius Remensis Archiepiscopus*: Si per fortiaras atque maleficas artes occulto, sed nunquam Dei injusto judicio permittente, & Diabolo præparante, concubitus non sequitur: hortandi sunt, quibus ista veniunt, ut corde contrito, & spiritu humilitatis, Deo & Sacerdoti purè confiteantur, &c. In controversia, ubi maritus ad congressum ineptus esse ex maleficio accusaretur, in foro Constantiensi decretum fuisse scribit *Ulricus Molitor*, ut primùm à Medicis ille, quem leges dicunt maleficiatum vel frigidum inspiceretur, num alia illius impotentiae naturalis foveretur causa: deinde ut triennium adhuc uxor cum marito conviveret, qui suas interea tem-

temporis experiretur vires : atque eleemosynas liberalius erogarent , & jejuniis vacarent , quo matrimonii institutor Deus ejusmodi malum amoliri dignaretur. Decretum sanè ad imitationem revocandum. *Vvierus.*

*Aliud ejusdem mali remedium ex eodem
Vviero.*

Quidam narrat conterraneum suum virum nobilem, jurasse ligatum se fecisse, ne cum mulieribus congregaretur, ac restitutum dexteritate quâdam, quâ hic alterius persuasionem confirmabat, adducens ei librum Cleopatræ, quem de foeminarum informanda speciositate fecerat, legensque locum, ubi eo modo ligatum corpus totum inungi jubet corvino felle, mixto cum sesamelæo, & ita juvari. Hoc audito confusus ille libri verbis, id fecit, citoque augmentato libidinis æstu restitutus est. Quemadmodum impiâ credulitate quis læditur : sic & levare eadem credibile est, usque observatur.

Exorcismi quando, & quomodo, à quibus adhibendi. C A P. XX.

PORRO si dictis rationibus nondum cedit inflicta calamitas, opusque Satanæ perdurat, eum increpare licet ex Christi doctrina *Marci 16.* & quòd credentes per ejus nomen Dæmonia sint ejecturi : Ea propter Apostolorum primitivæ purioris ecclesiæ exemplo, per Christi nomen expellat : minister verò ductus zelo, conscientiae bonæ testimonio fretus, habens peculiare illud Spiritus sancti donum, ejiciendi nimirum Dæmonia : gladio spiritus, quippe verbo Dei accinctus, atque divinâ panopliâ circumquaque munitus, assumpto super omnia fidei scuto, quo omnia jacula mali illius ignita queat extinguere, ne cum discipulis Christi Dæmonium fugare nequeuntibus à Christo audiat : O natio incredula & distorta, quò usque tandem ero vobiscum ? quò usque patiar vos ? firmiter hinc infallibili nitatur promissioni : *Amen dico vobis, qui credit in me, opera quæ ego facio, & ipse faciet, & majora horum faciet, quia ego ad Patrem vado. Et, Quodcumque petieritis Patrem in nomine meo, hoc faciam, ut glorificetur Pater per Filium. Si quid petieritis per nomen meum, ego faciam.* Scribit item Lucas, septuaginta reversos ad Christum

Q q 5

cum

cum gaudio discipulos , dicentes : Domine etiam Dæmonia subjiciuntur nobis / per nomen tuum. Ait autem illis : Videbam Satanam sicut fulgur de cœlo cadentem. Ecce do vobis potestatem calcandi super serpentes , & scorpiones , & super omnem virtutem inimici , & nihil nocabit. Ita in Christi nomine flectuntur genua cœlestium , terrestrium , & inferorum. Nec aliud nomen sub cœlo datum est hominibus , in quo oporteat nos salvos fieri. Solo hoc patris æterni Verbo creata sunt cœlum & terra , & quicquid in eis consistit. Ejus nutu in præcipitium ruit illa immensa Angelorum caterva. Ad Christi adventum imperiumque horruerunt , & profugerunt , quotquot arctissimo vinculo in sua custodia miseros mortales constrinxerant Diaboli. In hoc nomine credentes discipuli Dæmonia exturbarunt. Pythonis spiritum in Macedonia , ex puella Dæmoniaca eiecit Paulus his verbis : Præcipio tibi in nomine Jesu Christi , exire ab ea , & exiit eadem hora. Sic à Petro jussi sunt Dæmones egredi , qui vel unicum diem sibi indulgeri , subjugatis permanerent corporibus , rogabant : *teste Clemente*. Apud Hieronymum presbyterum in vita Hilarionis Palæstini Eremitæ , legitur de quodam Constantini Imperatoris candidato , ex Francia Germaniæ orto : quem à teneris unguiculis Dæmon obsederat malignus. Ductus igitur ille Gazam ad Hilarionem , exponensque tam Syrà quàm Gracâ linguâ (quas tamen nusquam didicerat Dæmoniacus) multiplicem obsidionis causam , ei respondit vir sanctus : Non curo quomodo intraveris , sed ut exeas in nomine Domini nostri JESU Christi impero. In hoc nomine Simon Apostolus simulacrum Solis comminuit : & Judas Lunæ , Dæmonibus inde visibiliter Æthiopum forma expulsi. Dæmonem ex Solis idolo fugavit D. Thomas : Draconem sub Martis statua in Scythia exeuntem profligavit Philippus Apostolus : septem Dæmones similitudine canum inter monumenta commorantes fecus viam , prætereuntesque graviter lædentes , abegit D. Andreas. Sic in capitolio Draconem clausisse Sylvestrem , & Philippum Leviathan fugasse , traditur. Joannes Evangelista superato veneno , Dæmonem in Dianæ templo ducentos & quadraginta novem annos commoratum , his verbis loco expulit : *Interdico tibi in nomine J E S U Christi Nazareni , ne ultra hic habites* : & confestim decessit Epheso. Quocirca

circa iussa Domitiani in Pathmon insulam exul deportabatur vir sanctissimus. Hic cum Cynops Magorum princeps in Para oppido contra Joannis doctrinam, & edita in Christi nomine miracula, ex falsa Sacerdotum Apollinis in Joannem criminatione, maleficiis populum dementaret, avocaretque, mortuos etiam se excitare jactabat: quorum facie assumptâ etiam Dæmones apparuerunt, è mari emerfi. Tandem Joanni ait Cynops: Veni sodes ad Parmum ut aspicias potentiam meam, & ampliùs admiraberis. Igitur Joannes cum universa multitudine rediit, præcipiens illis tribus Dæmonibus, qui sub imagine hominum nuper resurgentium comitabantur, ne discederent. Concussis itaque manibus, & terribili maris sonitu peracto, Cynops se, ut antea, dimisit in mare, atque sic oculis hominum evanuit: qui clamare non cessabant, laudando dicentes: *Magnus es Cynops, & nemo præter te.* Joannes interim orabat Dominum, ut inter vivos ultra nequaquam connumeraretur Magus ille. Tum repente vehemens est pelagi murmur auditum: & procellis ingruentibus ei loco, ubi se præcipitavit, nusquam apparuit. Et Dæmones, qui sub humana figura stabant, quasi jampridem suscitati à mortuis, adjurabantur ab Apostolo Dei dicente, *In nomine crucifixi JESU Christi hanc Insulam exite, nunquam redituri:* & statim ab universorum oculis disparuerunt, frustra expectantium Cynopia, si fortè ex freto resurgeret. Sic apparet, quantum verè Christianis Magistri nomen profuerit, & imitatio juverit. Hæc est conjuratio, hic vehemens fortisque exorcismus, hic modus fugandi Dæmonis certus, hæc brevis formula, hi sunt characteres, quibus invocatur omnipotentia rebus supra communem vitæ rationem agendis: hæc doctrina vera, hoc fundamentum solidum: hic philosophorum lapis longè quidem exuperans eum, de quo Chymici hallucinati contendunt: imò lapis angularis, in quo omnis structura firmiter coagmentatur. Hæc sunt divina testimonia, hæc sacrorum monumenta, hæc veri sacerdotis femoralia, hæc purissima signa, hæc nostræ in exturban-dis Dæmonibus ceremoniæ, paucis contentæ, facili usu, vili apparatu. Hæc ars cœlo sublimior, tartaro profundior, libera periculis, umbrarum hostis, contemtrix larvarum, simulacrorum perosa, nec thuris, nec meri indiga: universis manibus, lemuribus, larvis imperitans, omnia sepul-

sepulchra, & species mortuorum contemnens, & inania terriculamenta, & noctium occurfacula, & inferorum commacula (*ut Capnion inquit*) exporrectâ fronte fugans, fatum & naturam vincens, & quicquid unquam ritè optamus, si modus à magistro traditus observetur, indefinenter perficiens, & indeficienter adimplens. Verbo languores universos sanavit, & Dæmones expulit Christus. Si ergo securè operari voles, necessariò illud Pauli consilium ob oculos pone. *Quodcunque facitis in verbo & in opere, ut omne id in nomine Domini nostri JESU Christi faciatis.* Hoc est salutiferum medicamentum: quin ipsa panacæa, vel potius hæc salus nostra & medela. Rectè hinc *Nazianzenus in Defensorio ait*, Dæmones adhuc contremiscere, quando Christi nomen invocatur. Contra hunc nullæ ligaturarum præstigiæ, nulla maleficiorum ostenta, nec ulla Dæmonii opera, momentum quidem perdurant, quin dicto citius evanescent. Proinde à Lactantio quàm verissimè dictum est: Dæmones justos, id est, veri Dei cultores metuere: cujus nomine adjurati, de corporibus excedunt: quorum verbis verberati, non modò se Dæmones esse confitentur, sed etiam sua nomina edunt. Quia nec Deo per quem adjurantur, nec justis quorum vocè torquentur, mentiri possunt. Itaque maximis sæpè ululatibus editis verberari se, ac ardere, & jam jamque exire proclamant. In hoc ordine curationis Scripturæ sanctæ fundamento innixæ; nullam blasphemiae opinionem foveri luce meridiana clarius contuemur. *Joan. Vviers.*

Dæmonia ejiciendi modus Ecclesiæ veteris.

C A P. XXI.

CÆTERUM ne quis hoc nostrum consilium velut ab usitata nostrorum hominum ecclesiasticorum ratione, alienum calumniatur, & explodendum decernat, bonâ fide hic beati Clementis verba subjungam, quibus pellendi Satanae formam in Ecclesia veteri, & priore familiarem, nostroque præscripto conformem, pulchrè describit *lib. 8. cap. 32.* constitutione S. Apostolus Jacobus Alphæi: Exorcista non ordinatur, spontaneæ enim benevolentiae est hoc certamen, & gratiæ Dei per Christum superventione Spiritus sancti. Nam qui accipit charismata curationum, per revelationem à Deo declaratur, quum pateat

pateat omnibus gratia, quæ est in ipso. Et libro eodem cap. 7. Postquam exiverunt Catechumeni, dicat Diaconus: Orate energumeni, hoc est, vexati ab immundis Spiritibus: intentè omnes pro ipsis orate, ut benignus Deus per Christum increpet immundos & nequam spiritus, & eripiat fervos suos ab imperio inimici, qui increpavit legionem Dæmonum, & principem malorum Diabolum, ipse nunc increpet pietatis rebelles, & liberet figmenta sua à vexatione ipsius, & purget ea, quæ ingenti sapientia condidit. Etiam attentè oremus. Salva & excita illos Deus in virtute tua. Inclinate vos Energumeni, ut benedictionem accipiatis. Et Episcopus oret dicens: Qui fortem armatum ligasti, & omnia vasa ejus diripuisti: qui dedisti nobis potestatem ambulandi super serpentes, & scorpiones, & super omnem virtutem inimici: qui homicidam serpentem ligatum tradidisti nobis, tanquam passerem puerulis, quem cuncta pavent, & horrent à facie virtutis tuæ: qui eum dejecisti, sicut fulget è cœlo in terram, non lapsu vocali, sed ab honore in ignominiam, ob voluntariam nequitiam: cujus aspectus siccatur abyssos, & minæ liquefaciunt montes, & veritas Domini manet in æternum: quem laudant infantes, & lactantes benedicunt: quem celebrant, & adorant Angeli: qui aspicit super terram, & facit eam tremere: qui tangit montes, & fumigant: qui minatur mari, & siccatur illud, & omnia flumina deserta facit: cujus nubes pulvis pedum ejus: qui ambulat super mare sicut pavementum: unigenite Deus magni Patris filii, increpa spiritus nequam, & libera operâ manuum tuarum ab alieni spiritus vexatione: quoniam tibi gloria, honor, & adoratio, per te tuo Patri in Sancto Spiritu in secula Amen. *Vviers.*

De Dæmoniacis. CAP. XXII.

ETSI sunt interdum Physicæ causæ furorum seu παραφροσύνης seu μανίας: tamen certissimum est, Diabolos in aliquorum hominum corda ingredi, & efficere furores, & cruciatus in eis: quia manifestum est, tales homines interdum etiam sine physicis remediis liberari. Et sæpè hæc diabolica spectacula sunt prodigia, & significationes rerum futurarum. Ante annos duodecim mulier erat in Saxonia, quæ nullas literas didicerat: tamen quum agitaretur à Diabolo, post cruciatus loquebatur Græcè & Latine de futuro

turo bello Saxonico : *Erat magna angustia in terra, & ira in populo* : ἔπει ἀνάγκη ἐπὶ τῆς γῆς, καὶ ὀργὴ ἐν τῷ λαῷ τῷ. Ante annos 16. erat in Marchia puella cui rapienti pilos à vestibus vertebantur illi pili in nummos Marchicos, quos devorabat puella longo fragore dentium. Et figuræ illæ nummorum interdum ex manibus ejus subito extortæ, erant veri nummi, qui adhuc à nonnullis servantur : ac subinde magnos cruciatus fertiebat puella : sed à toto illo morbo liberata est post aliquot menses, & adhuc vivit sana. Sunt autem crebræ piorum precationes pro ea factæ, & consultò omissæ sunt aliæ ceremoniæ. In Italia audio fuisse mulierem, quæ etiam nullas didicerat literas : quæ cùm agitaretur à Diabolo, interrogata, quis versus Vergilii sit optimus, respondit :

Discite justitiam moniti & non temnere divos.

De illis miseris virginibus, quas Romæ cruciari audio, eas à Diabolo torqueri judico, & significantur pœnæ Italiæ & aliarum gentium. Nec verò dubito, verâ piorum precatione tolli id malum, & expelli Diabolos posse. Rectè etiam facient, si qui homines non Epicurei, sed verè invocantes Filium Dei Dominum nostrum Jesum Christum, seriò præcipiant Diabolis, ut ab illis miseris discedant, & de venturo judicio filii Dei, in quo malitia Diabolorum ostendetur, palàm universæ Ecclesiæ dicent, & de pœnis Diabolorum. Sed hæc oportet fieri seriò, & omittendæ sunt ceremoniæ τῆς ἀερολατρείας, & lustralis aquæ, & falsarum invocationum Cornelii Agrippæ, vel Petri Aponensis & similium. Scio plura exempla, in quibus profuisse piorum precationem certum est. *Philipp. Melanch.*

*Si jumenta præter naturam quid pati videantur,
quid faciendum. CAP. XXIII.*

SI verò præter naturam quid pati jumenta credantur (quod tamen cognitu difficillimum, cùm sæpe in pascuis venena vel depascantur, vel Spiritus attractu illiciant) primum omnium his pharmacum contra venena, vel similia vitia offerri potest, & reliqua administrari, quæ ex naturali conjectura, & arte (quam doctè copioseque tradit *Vegetius* de arte veterinaria, vel mulomedicina libris quatuor, item *Columella*, *Cæsar Constantinus*, & ple-

rique

rique alii & recentiores) usui fore arbitramur, successum toleranter expectantes. Quæ si minus juverint, sed morte armentum abripiatur, velut speculum mentis oculis opponenda erit Jobi patientia : & quicquid id est calamitatis ac damni, Deo sic volenti (qui dedit & abstulit, idque sicut illi placitum est, ita facit) ferendum erit acceptum : nec ad Ariolos, aut Divinos, aut Pythonis spiritu turgidos, contra evidens Dei mandatum, impiè confugiendum, qui profectò imitatione sacrilega comprobare videntur M. Catonis idololatriam in agro lustrando certis ceremoniis, solennibus sacrificiis, verbis atque votis Telluri dicatis, ut infuetas alat arbores : ipsis etiam arboribus exoratis, ut transmigrent, & alieno in solo accrescant : rapis quoque obsecratis dum feruntur, ut sibi & familiæ vicinisque benignè conferant : precibus Marti fufis, ut ager pecoraque ferventur. Suffimentum autem, animantium morbis prohibendis utile, legitur apud Vegetium, qui licet id quoque, lustrare animalia, fascinum tollere, Dæmones fugare, & grandines inhibere, ab aliis malè persuasus scribit, tamen odore suo, causa quippe naturali, tam hominum, quàm animalium morbis resistere, & aërem defœcare addit, ita habet : Rec. Sulphuris vivi libras duas, Bituminis Judæici libram unam, Opopanacis achanti, Galbani, Castorei, Ireos crudæ an. unc. vj. Salis ammoniaci uncias duas, salis Cappadocæ, Cornu cervini, lapidis Gagatis masculi, lapidis Gagatis fœminæ ana uncias tres, lapidis Hæmatitis, lapidis Sideritis, lapidis argeritis ana unciam unam, equuleas, id est, caballiones marinos, caudas marinas, ungues marinos ana N. vij. Uvæ marinæ uncias tres, medullæ cervinæ, cedrei, picis liquidæ, ana pondera tria, ossa sepia N. vij. Auri semiunciam, ballucæ siliquam. Hæc universa commisceantur, & succendantur. Sed si memoratos lapides aut invenire nequiveris, aut enormitate pretii ab emptione cessaveris, reliqua efficaciter profunt. Interea tamen studiosè inquirendum, num aliquid monstrum alatur, aut fucus alicubi foveatur : quemadmodum à quodam Latamo apud Batavos factum meminî, qui itabula ingressus, lupi sterco clam in præsepibus abscondebatur : cujus odore, ut voracis sui hostis præsentia, ob antipathiam, veluti malefico actu territæ pecudes, ultro citroque exultare, & insolito concitari furore videbantur, unde turbati rustici incantamentum esse conjicerent. Quocirca ad

fabulæ

fabulæ actorem, velut è specula hæc observantem, atque sanandi maleficii nomine celebrem concurrebatur: qui tectâ fascini materiâ, lupi nimirum excremento, occultè ablatâ, ocyus malum amoliebatur. Sublatâ enim causâ, tollitur effectus. Sic rem qualemcunque ex hac professione faciebat: à viris tamen bonis admonebatur, ut maturè ejusmodi falsitati renuntiaret, ne merita falsarium consequeretur punitio. *Joan. Vviers.*

Quibus verbis stupor ac taciturnitas in tormentis, & quæstionibus induci creditur, & solvi.

C A P. XXIV.

INVENIUNTUR, qui cùm scelus aliquod capitale admi-ferint, vel antequam subjiciantur quæstioni, vel interea dum torquentur, quorundam aut scriptura, aut prolatione verborum consequi sibi videntur, ut & tacere possint & nihil omnino sentire. Id quod tam firmiter sibi persuasum habent, ut fuerint qui hac fiducia ultrò se tum carceri, tum quæstioni obtulerint. A Diabolo enim, cujus interest scelera non puniri, sed indies accumulari, confirmantur in malo, nec solum organis vocis obstructis impediuntur, ne loqui possit, verùm gravi etiam somno opprimuntur, ut nec audiant interrogata, nec tormenta sentiant. Interim tamen his illi penduli verbis ac versibus, sanè per quam ἀπαρνῶι utuntur.

Imparibus meritis tria pendent corpora ramis.

Disinas & Gestas, in medio est divina potestas.

Disinas damnatur, sed Gestas ad astra levatur.

Sunt qui verba Prophetæ ructent: *Eructavit cor meum verbum bonum, veritatem nunquam dicam regi.* Alii autem hac prece se muniunt: Quemadmodum lac beatæ gloriosæ Mariæ virginis fuit dulce, & suave Domino nostro JESU Christo, ita hæc tortura, sive chorda sit dulcis & suavis brachiis, & membris meis: alii verò saltem hæc proferunt: *Jesus autem transiens per medium illorum ibat. Os autem non comminuetis ex eo.* Et tamen contrarium videmus eventum. Licèt enim Διμήτριον ita Dæmon occupet, ut nihil sentiant: ossa tamen illis comminuuntur, & confringuntur. Quâ etiam ratione probari posset, eorum verborum nullam esse vim: quin ridicula potius esse, quàm credi-

credibilia, quæ jam proposuimus. Enimverò nec Diabolo quidem esse promissum, ut efficiat aliquid ejusmodi, interea dum iis, ut supersticiosè utuntur flagitiosi, propter duas mihi causas videtur. Primò quòd cùm omnis potestas à Deo sit, Diabolus nec ipsi nec legitimis ipsius actionibus possit resistere, ut nocentes publicæ eripiat justitiæ: sicut docet D. August. & Thom. Aquinas: Secundò, quòd impunitas scelerum Deo non placeat, & maleficiendi licentia minimè permittatur: Alioquin institutus ordo, & Justitia Dei sibi invicem repugnarent. Sed tamen hominum impietate sic merente sæpius hæc accidisse fateor. Testatur enim clarissimus Jurisconsultus *Paulus Grillandus*, se bis id & vidisse, & in facto comperisse, his verbis: Primò Pisis dum essem Assessor magnifici D. Capitanei illius civitatis: deinde Romæ dum essem auditor criminalium causarum reverendissimi Domini Auditoris Camerae, ubi quidam fur sagacissimus, & duplicis malitiæ reus, contra quem erant examinati quindecim testes super diversis indiciiis magni furti, 137. ducatorum aur. habens notitiam, quòd Curia præfati domini Auditoris procedebat contra ipsum, antequam personaliter compareret, accepit nonnulla fortilegia contra torturam: quibus expertis iterum atque iterum videns quòd sufficiebant ad parangonem quadam die, dum eò essem in ædibus turris novæ ad examinandum quosdam alios reos, ille spontè veniens accessit ad me, & se constituit in carceribus ipsis, dicens, quòd ultrò venerat ad purgandum indicia, & notam infamiæ sibi illatæ. Contra quem tamen necesse fuit devenire ad torturam tot indiciiis contra ipsum laborantibus. In qua dum erat elevatus, dormiebat capite declivi, ac si jaceret in lecto, absque ulla penitus lamentatione, aut clamore: & attractus chordæ erat tanquam statua marmorea, qui dum elevabatur à principio, dicebat quædam verba submissâ voce, deinde silebat, ut dormitans. Statim ego suspicatus fui ne gestaret aliquod fortilegium, sive facturam maleficam penes se, aut ex illis verbis captaret aliquod suffugium: perquisivi quàm diligenter per omnes partes corporis sui, demumque reperi in capite, sub scuffia scilicet inter crines quandam parvam schedulam hæc verba continentem, videlicet † JESUS autem transiens † per medium illorum ibat † os non comminuetis ex eo † cum crucibus ita signatis: quam illicò abstuli ab eo, qui licèt illa sic ablata satis

conquereretur, nihilominus iterum positus ad torturam & elevatus iterum, illud idem sicut ante faciebat, & in principio ipsius elevationis nonnulla verba submissâ voce dicebat, quæ percipere nunquam potui, nec quicquam confessus est. Demum mutatis tormentis, sub tormento taxilli subjectus fuit, & similiter spernendo dolores, nihil unquam confessus est: sed in sua negativa semper audacius convalluit, adeo ut necesse mihi fuerit, eo instante, ab inquisitione eundem absolvere. Similis casus occurrit Hippolyto de Marsiliis, dum erat officialis ducis Mediolani. Iterum ait *Grillandus*, nec dum est annus elapsus, quod audivi alium Romæ positum ad torturam, & repetitis vicib. graviter cruciatum, qui verba de lacte Mariæ Virginis submissâ voce proferebat, & nullum dolorem pati, sed cuncta spernere videbatur: & dormiebat sicut alius in tortura, adeo ut à tribus Judicibus, præsentē procuratore fiscali examinatus, nulla unquam ab eo confessio extorqueri potuerit, licet correus, & criminis socius id fateretur expressè, & illum in socium nominaret: cujus processum vidi, illumque cognovi. Aliud exemplum, quod similiter in facto accidit mihi Romæ cujusdam maleficæ mulieris, quæ antequam elevaretur in tortura, verba quædam submissâ voce dicebat: deinde elevata silebat penitus, veluti mortua, & nigrior apparebat in vultu carbone extincto, oculos extra caput valdè tremendos more illorum, qui strangulantur emittens, & nihil penitus loquebatur, neque boni, neque mali. Ultima autem hæc historiola minimè nostro obstat instituto. Nam si ex lamiis nostris illa fuit malefica, quid mirum, si diabolus linguam ei faucesque præcluserit; ne scilicet illa suam innocentiam probaret, & Dæmonis ludibria detegeret. Superioribus verò exemplis simile nuper habuimus Antverpiæ, in carnifice ejus urbis, Antione Gallo: quem quum innumera, eaque notiora flagitia commisisse nemo non sciret, adigere tamen nullum tormentorum genus, quamvis immane potuit, ea ut confiteretur, in tantam statim *ἀναισθησίαν* ac sensuum penè omnium alienationem incidebat. De qua cum prudentissimus Senatus Medicos ordinarios consulisset, ejusmodi stuporem non nisi pharmacis quibusdam somniferis induci posse deprehendit. Nisi hac ratione inducta sit ea torturæ tolerantia, ut imensos cruciatus perferret, Deus permittere potuit, quò iisdem ad resipiscentiam tandem cogeretur, vel ut reprobis,

probus, acerbiores dignasque extremè pœnas lueret. Siquidem gladio tandem cæsus est citra ullum pœnitentis animi indicium ebrius, qui multis retrò annis se hominum utriusque sexus innumerorum sanguine inebriarat, quos multivario supplicii genere ob fidei confessionem vita spoliarat. Nonnulli tamen, ait *Grillandus*, dixerunt, quòd adversùs istas conjurationes, & maleficia taciturnitatis reperiuntur remedia quædam, quæ diversis precibus conficiuntur. Ex quibus dicunt, quòd omnes ligaturæ, & maleficia hujusmodi dissolvuntur, & reus gravissima tormenta & cruciatus patitur in corpore: inter alia solent dicere verba illa Prophetæ: *Eructavit cor meum verbum bonum, dicam cuncta opera mea regi. Dominus labia mea aperiat, & os meum annuntiabit veritatem: & Confundatur nequitia peccatoris, perdes omnes qui loquuntur mendacium: & Contere brachia iniqui rei, & lingua maligna subvertetur.* Ex quibus verbis, precibus, exorcismis, dicunt maleficia ipsa resolvi, & reum miserabiliter cruciari. Super quibus tamen cogita, quia de virtute ipsorum remediorum non possem quicquam certi attestari, quòd illa nunquam expertus fui, nec per alium experiri hætenus vidi. Ego verò, licèt & D. *Grillandus*, & mille alii oculis id vidissent suis: tamen virtute sculptorum, fieri nunquam credam. Enimverò fur ille etiam schedula spoliatus nihil adhuc, crudelius licèt distractus, confitebatur: nec submurmurata verba insensibilem habitum inducere queunt. Quare vel somnificâ re assumptâ, aut à Diabolo, qui cum antea pepigisse animo tales, eique se devovisse, & etiam traditos esse necesse est, insensibilitate illata id fieri sentio. *Joan. Vvierus.*

De naturalibus Pharmâcis somniferis, quibus interdum illuduntur Lamie, de earum Unguentis, & quibusdam Plantis soporiferis, mentemque impensè turbantibus.

CAP. XXV.

INTERDUM Empusæ exornandæ adhibentur etiam naturalia quædam pharmaca, quibus ubi se inunxerint, confricuerintque, ita à fraudulento magistro institutæ, *Lamiæ*, per caminum mox se evoluturas, ac per aërem longè lateque evagaturas ad tripudia, dulcissima symposia, concubitus, & gratissima rerum spectacula, confidunt: quæ ta-

men per insomnia ipsis ingerit ille Milleartifex, ubi ab inunctione somniferi omnino unguenti, in profundissimum lethargicumque somnum dilabuntur insciæ. Hæc ne somnia videantur, libuit adducere, quid solertissimus occultarum causarum indagator, *Joannes Baptista Porta*, Neapolitanus lib. 2. Magiæ naturalis. scribit: Adeo dira, inquit, cupidus hominum mentes invasit, ut quæ natura mortalium commoditati elargita est, abutantur, ut è multis horum simul coacervatis componant Lamiarum unguenta: quæ quanquam ipsæ superstitionis plurimum admisceant, naturali tamen vi venire patet intuenti, quæque ab eis acceperim, referam. Puerorum pinguedinem in aheneo vase decoquendo ex aqua capiunt, inspissando quod ex elixatione ultimum novissimumque subsidet, inde condunt, continuoque inserviunt usui: cum hac immiscent Eleoselinum Aconitum, frondes populneas, & Fuliginem. Vel aliter sic: Sium, Acorum vulgare, Pentaphyllon, Vespitilionis sanguinem, Solanum somniferum, & oleum (etsi diversa commiscent, ab iis parum diffidebunt) simul conficiunt, partes omnes perungunt, eas antea perfricando, ut rubescant, & revocetur calor, rarumque fiat, quod erat frigore concretum. Ut relaxetur caro, aperianturque pori Adipem adjungunt, vel oleum ipsius vicem subiens, ut succorum vis intro descendat, & fiat potior vegetiorque, id esse in causa non dubium reor. Sic non illi nocte per aëra deferri videntur, ad convivia, sonos, tripudia, & formosorum juvenum concubitus, quos maxime exoptant: tanta est imaginationis vis, impressionum habitus, ut ferè cerebri pars ea, quæ memorativa dicitur, hujusmodi sit plena: cumque valde sint ipsæ ad credendum naturæ pronitate felices, sic impressiones capeffunt, ut Spiritus immutentur, nil noctu diuque aliud cogitantes: & ad hoc adjuvantur, cum non vescantur nisi Betis, Radicibus, Castaneis, & leguminibus. Lamiarum quoque unguentum propemodum simile tradit *Cardanus*, post cujus inunctionem mirabilia videri apparet. Nam & de his, quæ non sunt, & tamen videntur, ibi sermo est. Constat pinguedine puerorum, ut dicunt, succis que Apii, Aconiti, Pentaphylli, Solani, ac Fuligine. Sed tamen dormire creduntur, dum hæc vident. Sperare autem sibi videntur theatra, viridaria, cænas, ornatus, vestes, formosos juvenes, reges, magistratus, imò res omnes, quibus delectantur, quibus
etiam

etiam se frui arbitrantur. Cernunt item Dæmones, Corvos, carceres, solitudinem, tormenta. Hæc igitur sunt violentorum insomniorum causæ. Hinc etiam illas Apio victitare ait, Castaneis, Fabis, Cepis, Caulibus, Phaseolisque, somnos turbulentos cientibus: sic Magi per somnum ferri videntur in diversas regiones, atque ibi multivariam affici, prout uniuscujusque fuerit temperies, unguento adjuvante. Cui non absimile ad inducendum profundum longumque somnum, adjungam hic Oleum: R. Sem. lolii, hyoscyami, cicutæ, papaveris rubri & nigri, lactucæ, portulacæ, ana part. iv. Baccarum solani somnifici part. j. ex his omnibus fiat oleum secundum artis legem, & pro qualibet uncia Olei istius misceatur scrup. j. Opii Theb. Hinc sumatur scrup. j. vel. j. s. & duorum dierum subsequatur somnus. Liquorem conciliantem mirifice somnum ad guttam unam aut alteram exhibitum, imò guttas liquoris, somni tot, quot illæ fuere, horas introducentes, libens hic adderem: sed præstat non duplicari. Ejusmodi quædam simplicia puta lolium, faba inversa, opium, hyoscyamus, cicuta, papaveris species, solanum furiosum, somnificum, mandragora, nymphaea, atque id genus reliqua, naturalium rerum peritis non omnino ignota inveniuntur, quibus intellectus, aut auferitur, vel turbatur: ut qui iis utatur, loquendo, audiendo, & respondendo amens videatur, vel in somnum altissimum ad dies etiam aliquot præcipitetur: at eorum usum, & aquas, vina, pulveres, trochiscos, olea, aliasque formas hinc conficiendi modum, silentio involvere malui, ne iis abutendi ansam alicui subministrasse videar. *Vvierus.*

Dæmon ut responsum dare videatur.

CAP. XXVI.

DÆMON responsa dabit hac ratione. Fit statua parva ex orichalco coronati viri, aureâ veste, cum cornibus in capite, facie, pedibus ac manibus nigris, pedes ac manus gryphis. Huic imagini sceptrum ex ferro diligenter inaurato, ac virib. magnetis imbuto in dextra manu collocetur. Sedeat imago hæc super folio ex ære splendenti aut cœruleo. Toti fabricæ vitrum in forma columnæ circumponatur, ut quandoque talem in manibus habuerim solidum, vel si placet inane, & solum folio vitrum jungatur. Inde suspendatur machina tenui filo ad perpendicularum, ut pro arbitrio possit

R r 3

circum-

circumvolvi. Deinde in cacumine elegantis virgæ confituito occultè frusto Magnetis virgâ motâ ad partes, interrogetur imago. Pulchræ virgæ ignotæ, notæ ad characteres tum figuræ adjiciuntur. Potest & Magnes annulo aureo abscondi. Eodem exemplo statuam super altare collocabimus è levissima materia, atque in ea ferrum Magnete imbutum, lapis autem Magnes ea parte muri collocetur, ut cum ferrum illum respiciat, facies imaginis convertatur ad sacrificium. Verisimile autem est, talibus technis, nondum hominibus adeò solertibus, sacerdotes antiquos plebi ignaræ sæpius illusisse. *Cardanus.*

Statua quæ quò libet ferri videtur.

C A P. XXVII.

ACCEDIT his tot præclaris dotibus, quòd Magnes sub tabula positus, ferrum super tabulam in æquilibrio positum, quanquam interpositâ tabulâ, celerrimè circumagit, non sine levi astantium admiratione. Unde pelvis lignea aquâ plena superponitur, in eâ navicula collocatur, tenuissimis tabellis compaginata, sine ferro, sed glutine tantum: in prora muliercula formosa flexa remo naviculam agens, ita ut illius naviculæ motu remus moveatur, & cum eo mulieris imago: sub pede postremo mulieris claviculus lato capite, cujus pars illa latior pileus vocata promineat è tabula, sic figatur, ut lateat sub prora, nec tamen aquam tangat: optimi tandem Magnetis frustulum capiti virgæ lignæ ex abiete, vel cornu inferatur, quâ circumdatur lapis ipse sub tabula positus, atque sic supposito Magnete clavi capiti producet navis lapidis motu quocunque voles, videbiturque his, qui virgam non possunt conspiciere, imago illa quasi animata, navim quocunque velis circumagere ac ducere, audienti quidem ac remiganti similis: non igitur materia ipsa transit, sed aliquid spiritui simile: nam tabula impediret motum, cum corpora se invicem nequeant penetrare. *Cardanus.*

Statua quæ tangentes occidebat.

C A P. XXVIII.

MIRABILE dictu est, quod à Boëtio recitatur: inquit enim. Cum Chennetus rex Cruthlintum Fenellæ filium occidisset, tum etiam Malcolmum Duffum Regem,

Regem, & affinem Fenellæ, ille statuam mira arte fabricari iussit, in cuius manu pomum aureum gemmis nobilioribus refertum erat, quod quum quisquam tetigisset, qui tan-
gebat, statim multis jaculis confossus, interitum sibi ac-
cerferet. Eo igitur dolo Regem nil suspicantem, invitatum
in Fetircarii oppido occidit. Cumque paratis equis ad por-
tum primum, inde in Hiberniam se transtulit evasitque.
Nuper intellexi, quendam furem machina cœpisse, dum
oculos expilare conaretur: nam machina vinculis firmio-
ribus, vesti iuncta erat. *Cardanus.*

Statua, quæ Solem semper respicit.

C A P. XXIX.

M E M I N I me legisse, in Apis æde simulacrum Dæ-
monis fuisse, quod faciem in quamcunque partem
Sol declinaret, verteret; id nobis in quacumque sta-
tua imitari non erit difficile, si ad horologii rationem
animadverteris occultis vectibus ac mola, ut vocant: quod
spectaculum videre iucundius, quàm rationem conficien-
di scriptam legisse. *Cardanus.*

De Auguriis.

C A P. XXX.

P R I M A quæque auspicia in operis cuiusque initio accipien-
da sunt: ut si vestem tuam in initio operis à soricibus
corrosam senseris, desine ab inceptis: si egrediens of-
fenderis in limine, aut in via impegeris pedem, continen-
tur: si quid mali ominis in principio negotiorum tuorum
tibi occurrerit, differ inchoata, ne vel tota intentio fru-
stretur, aut inutiliter compleatur: sed expecta donec omi-
ne meliore faustam agendis arripas horam. Videmus ani-
malia permulta ex vi quadam ipsis à natura insita, præsti-
giosa atque fatidica, nonne gallus cantu horas solertissimè
indicat, & alis apertis leonem fugat? aves quamplures can-
tu & garritu, muscæ acri puncturâ pluviam prænuntiant:
& delphines crebris supra aquas saltibus tempestates præ-
currunt. Longum esset retexere omnia præsagia quæ ex avi-
bus, & animalibus didicere Phrygii, Cilices, Arabes, Um-
bri, Tusci, & alii populi, qui auguria secuti sunt, quæ per
illos multis experimentis & exemplis comprobata sunt. In
omnibus namque sunt abscondita futurorum oracula: ma-
xima autem quæque tibi aves ominales prænunciabunt: Hæ

sunt quæ ex hominibus in aves conversas esse referunt Poëtæ. Itaque quid cornix loquatur, diligenter ausculta, situmque ejus sedentis, aut volantis à dextris an à sinistris, loquax an clamosa, an silens, præcedat an sequatur, transmurisve expectet adventum, an fugiat, quove discedat, omnia diligenter attende. Dicit Orus Apollo in Hieroglyphicis: Geminæ Cornices nuptias significant, quoniam hoc animal duo ova parit, ex quibus marem & foeminam generari oportet: si autem, quod rarissimè evenit, duo mares generentur, aut duæ foeminæ, jugatæ mares cum foeminis alteri Cornici non admiscuntur: itidem neque foeminæ alteri mari, sed dissociatæ, solæ degunt. Ideò unicæ Cornici occurrentes augurantur futurum, ut viduali vitâ sibi vivendum sit. Idem etiam portendit Columba nigra: hæc enim post maris interitum semper sola degit. Corvos autem non minore diligentia observabis: hos namque rebus majoribus præferri, & Cornici præviduare dicunt: & sensit *Epictetus* Stoicus Philosophus, & gravis author, si cui Corvus adversum crocitaret, vel corpori, vel fortunæ, vel honori, vel uxori, aut natis adversa portendere. Deinde Cygnos, qui aquarum secreta prænoscent considerabis: eorum namque hilaritas non modò nautis, sed quibusque præterea peregrinantibus felices præsagiunt eventus, nisi fortioris superentur superventu, ut puta Aquilæ, quæ potentissima imperii sui majestate omnium avium fidem, si contrà loquatur, evacuat: cunctis siquidem avibus altius volat, profundiusque perspicit, & ab ipsius Jovis arcano nunquam excluditur: altitudinem & victoriam, sed per sanguinem portendit: quia non aquam, sed sanguinem bibit. Locrensis adversus Crotonienses dimicantibus, aquila supervolans contulit victoriam: Hieroni ad prima bella egredienti, Aquila ex improvviso residens in clypeo regem illum futurum prænunciavit. Nascente Alexandro Macedone duæ Aquilæ tota die supra domum sedentes omen duplicis imperii Asiæ & Europæ ei portenderunt. Eadem Lucio Tarquinio Prisco, Demarathi Corinthii filio, ob seditionem domo profugo, & in Hetruriam profecto Romanque petenti, pileum auferens, ac altè volans rursus capiti reprensus, Romanorum regnum illi portendit. Jam verò & Vultures significant difficultatem, duritiem, & rapacitatem, quod in origine Urbis condendæ experientia verificatum est: futuræ quoque stragis loca ostendunt septem diebus præ-

prævenientes: & quoniam in eam partem respiciunt, in qua altera pars inferior futura est, tanquam inhians occidendorum majori numero, ideo solebant antiqui Reges speculatores mittere, qui renuntiarent, quam in partem versi respicerent Vultures. Phoenix autem singularis felicitatis successus pollicetur, quo viso nova Roma melioribus auspiciis condita est. Pellicanus, quia filiorum causâ periclitatur, significat hominem amicitiae suæ pietate subiturum discrimen. Picta avis Pictanorum ubi nomen dedit, ac gentis levitatem colore, & voce præfiguravit. Ardearum arduarum auspicius est. Ciconia, concordiae avis, concordiam facit. Grues à gruere antiquo verbo, quasi congruere dicti, semper adferunt, quod expedit, atque inimicorum insidias cavere faciunt. Cucupha gratitudinem indicat: sola enim hæc parentibus senio confectis gratiam refert: contra Hippopotamus parricida, ingratitude meritorum omnium & veram injustitiam nunciat. Origis avis invidiosissima invidiam significat. Jamque etiam ex minoribus avibus Pica loquax, hospites nunciat: Albanellus prætervolans, si à sinistris ad dextram feratur, hospitii hilaritatem, si contrario contrarium indicat. Strix avis semper infausta est, & etiam Noctua: quæ quia noctu ex improvviso aggreditur pullos, quemadmodum mors de improvviso supervenit, ideo mortem prænuntiare dicitur, nonnunquam tamen quia noctis tenebris non cæcatur, hominis diligentiam, & vigilantiam significat, quod residens in Hieronis hasta comprobavit.

*Bubonum verò Dido dum miseretur Æneæ,
Infaustum sensit——*

inde cecinit Poëta.

*Solaque culminibus ferali carmine bubo
Sæpè queri & longas in fletum ducere voces. & alibi:
Ignavus bubo dirum mortalibus omen.*

Idem in Capitolio cecinit, quum res Romanâ apud Numantiam inferior fuit, atque quum Fregellæ ob factam in Romanos conjurationem sunt dirutæ. Inquit Almadel, Bubones & Nycticoraces cum ad insolitas regiones mansionesque divertunt, indicio esse earundem regionum, & ædium homines morituros, propterea quod aves illæ delectantur cadaveribus, easque præsentunt: morituri autem homines, jam potestate cadavera sunt. Sed & de Accipitre litis prænuntio canit Naso:

R r 5

Odinus

Odimus accipitrem, quia vivit semper in armis.

Lælius Pompeji legatus in Hispania inter pabulatores occiditur, id fatum accipiter supra caput volitans, sibi præ-nunciassè dicitur. Et inquit Almadel, quòd ejusdem speciei aves inter se pugnantes, regni mutationem significant: si verò specie diversæ contra se invicem bellum gerant, & quæ amplius non visæ convenient, novam regionis illius fortunam portendunt. Minutulæ etiam aves, adventu vel recessu suo familiam augeri, vel minui portentunt: earum verò volatus quantò serenior, tantò laudabilior. Unde *Melampus* augur, ex aviculis Græcorum stragem conjecit, quando ait: Vides ut nulla serenos ales agit cursus Hirundines, quoniam moribundæ pullis latebras parant, patrimonium amplum, vel à mortuis legatum portendunt. Vespertilio fugienti occurrens, evasione significat: nam ipsa licet pennas non habeat, tamen evolat. Passer autem fugienti malum omen est, ipse enim accipitrem fugiens ad noctuam percurrit, apud quam æquè periclitatur: tamen in amoribus boni auspicii est: siquidem libidine concitus, septies in hora coit. Apes regibus bona omina sunt: nam populum obsequentem monstrant: muscæ verò importunitatem & impudentiam significant, quia sæpius abactæ, continuo nihilominus redeunt. Aves etiam domesticæ auguriorum non sunt expertes: nam galli cantu suo spem & iter inchoantis promovent. Quin & Tiberio nascituro prægnans Livia mater ovum gallinæ subductum, eousque sinu suo fovit, donec gallus insigniter cristatus exclusus est, unde augures interpretati sunt, nasciturum puerum fore regnaturum. Et scribit *Cicero* apud Thebaidam gallos gallinaceos canendo totis noctibus Beotiis, adversus Lacedæmones præfagiisse victoriam: quòd augures ita interpretati sunt, quoniam avis illa victa filet, canit autem si vicerit. Simili ratione etiam ab animalibus, & bestiis eventuum omina capiuntur: nam occursum mustelæ ominosus est. Leporis occursum, itineranti timendus est, nisi captum cœperit. Mulus quoque infensus est, quia sterilis est. Porcus verò perniciosus, talis est enim ejus natura, ideò perniciosos homines significat. Equus jurgiorum & pugnæ rationem habet: Unde apud Virgilium visis equis albis exclamat Anchises:

— *Bellum ô terra hospita portas.*

Bello armantur equi, bella hæc armenta minantur.

Tamen

Tamen quando currui juncti occurrunt, quia concordii jugo trahunt, pacem significant sperandam. Asinus inutilis est: profuit tamen Mario, qui cum hostis patriæ pronuntiatus, vidit asinum oblatum pabulum spernentem, ad aquam properantem, quo augurio ostensam sibi salutis viam ratus, auxiliarem amicorum turbam, oravit, hoc unum auxilii genus exhiberent, & se ad mare conducerent: quo impetrato, parvæ superimpositus carinæ, Syllæ victoris minas evasit: utcunque tamen asellus in augurio occurrat, semper laborem, patientiam, impedimenta significat. Lupus verò obvius bonus nuncius est, cujus efficacia visa est in Hierone Siculo, cui lupus in literario ludo tabulam eripiens successum regni firmavit: tamen ejus, quem ante viderit vocem præludit. P. Africano & C. Fulvio Coss. Minturnis lupus vigilem laniavit, quando Rom. exercitus in Sicilia à fugitivis superatur. Quin & perfidos significat fidei homines: quod est in Romuli progenie: nam fides quam à matre lupa olim suxerunt, & sibi invicem ab initio servaverunt, velut lege quadam naturæ, manavit ad posteros. Leoni occurrere, cum sit hoc animal inter cætera fortissimum, omnibus terrorem incutiens, bonum est: sed lænam mulieri occurrere, malum est, quia conceptum impedit, nam læna non parit secundariò. Ovibus & capris occurfare bonum est. Legitur quoque in ostentario Tuscorum si hoc animal insolito colore fuerit indutum, portendi Imperatori rerum omnium cum felicitate largitatem: Unde *Virgilius* ad Pollionem canit:

Ipsa sed in pratis aries jam suave rubenti

Murice, jam croceo mutabit vellera luto.

Bonum etiam, occurrere bobus triturantibus, sed melius arantibus, qui etsi viam rumpentes iter tardant, moram tamen hanc auspicii gratia compensant. Canis in itinere faustus est, quod Cyrus expositus in sylvis, à cane ad regnum enutritus est: quem & Angelus, Tobiae socius, non est aspernatus comitem. Castor quia venatoribus testiculos suos demordens abjectos relinquit, mali ominis est & homini, sibi ipsi damnum illaturum portendit. Jamque etiam ex minutis animalibus mures damnum significant: qui cum in Capitolio aurum roserunt, eodem die ambo consules juxta Tarentum insidiis ab Annibale intercepti sunt. Locusta quasi loco stare faciens, aut loca exurens, vota præpedit, & mali ominis est: contra cicadæ iter propo-

proponent, & bonum rerum nunciant eventum. Aranea à superioribus filum ducens, spem venturæ pecuniæ nunciare dicitur. Similiter & Formicæ, quia nōrunt sibi providere, & tutas parare latebras, ideò securitatem, & divitias portendunt, multitudinisque excercitum significant. Hinc cū Tiberii Cæsaris mansuefactum Draconem Formicæ devorassent, responsum fuit, ut caverent multitudinis tumultum. Si tibi occurrat Anguis, cave à maledico inimico: nam hoc animal nullo alio membro pollet, quàm ore. Anguis in Regiam irrepens Tarquinio casum suum augurata est. Duo angues in lecto Sempronii Gracchi reperti sunt: dictum illi ab aruspice, si marem aut fœmellam emitteret, aut sibi aut uxori brevi moriendum: ille uxoris vitam suæ præferens, occiso mare fœmellam emisit, paucisque pōst diebus vitā excessit. Sic Vipera mulieres pravas scelestosque filios significat, omnibus infensa, hæc enim seorsum ab aliis piscibus degit, nec juncta cum aliis invenitur. Inter omnia autem auspicia & omina, nullum homine efficacius est, nullum potentius, nullum quod evidentius veritatem exponat: ejus igitur occursanti conditionem, ætatem, sexum, professionem, situm, gestum, motum, excercitium, complexionem, habitum, nomen, verba sermonemque, omnia diligenter notabis, & requires: nam cū cæteris animalibus tam multa insunt præfagiorum lumina, non dubium est, hæc multò efficaciora clarioraque humanæ animæ esse infusa, quod & *Tullius* ipse testatur, *inquiens*, humanis animis naturaliter quoddam auspiciū inesse suæ æternitatis, ad omnes rerum series, & causas cognoscendas. In fundamentis Romanæ urbis caput hominis integrâ facie repertum, magnitudinem imperii præfagivit, & monti Capitolii nomen indidit. Brutiani milites contra Octavium, & M. Antonium præliaturi in castrorum porta Æthiopem offenderunt: quem licet, ut adversæ rei augurium illicò trucidarent, tamen infelicitè pugnatum est, atque Brutus & Cassius ambo duces interiøre. Ipse etiam monachorum occursum vulgò ominosus habetur, magis autem si matutinus fuerit: quia id hominum genus plurimum è mortuario veluti vultures ex morticiniis victitat. *Agrippa.*

Lapides futura præcognoscere faciunt.

Ex his manifestum est, lapides aliquos esse qui sub lingua detenti, aut collo appensi, aut gestati in annulo, hominem

nem ad divinandum futura ac rectè prævidendum inducant. Quinque autem ad hoc sunt necessaria. Primus ut homo is, naturalis sit. Sunt autem tales veridici, moderati, & sub astro Veneris nati. Secundum, ut eâ ætate, & tempore astrum illud dominetur. Cognoscetur autem id ex cogitationibus, si veræ aut falsæ sint, tum etiam ex somniis. Tertium, ut lapis is moveat enthusiasmum, id est, religionem in animo cientem. Quartum, ut genere congruat cum astro, veritatem significante. Quintum ut etiam ipse propriè in hoc sit efficax. Quòd si eo astro dominante appendatur, forsan magis etiam proficiet. *Cardanus.*

Ad divinandum.

Sic legimus, antiquos certis rebus naturalibus sæpè divinum aliquod & mirandum suscipere solitos: sic lapis, qui nascitur in pupilla oculorum Hyænæ sub lingua retentus, divinationem præstare dicitur. Idem fertur Selenites seu lapis lunaris efficere: sic Anchitide dicunt evocari imagines Deorum, synochitide umbras inferorum evocatas teneri: Similia Aglaoptis herba, quæ & Marmoritides vocatur, in marmoribus Arabiæ nascens Persico latere, efficit, ut narrat Plinius, atque magos eâ uti, cum velint Deos evocare, esseque herbam theangelidam nomine, quâ potè Magi divinent. *Agrippa.*

Ad divinandum ejusdem.

Vaticinatio adhiberi solent suffumigationes ad phantasiam afficiendam, quæ quidem certis numinibus consentaneæ ad divinam inspirationem suscipiendam nos accommodant: sic dicunt, quòd suffitus ex semine Lini, & semine Psyllii, & radicibus Violæ & Apii, facit videre res futuras, & confert ad prophetiam.

DE SECRETIS GEOMETRICIS.

CAP. XXXI.

Ad terræ ambitum inveniendum.

SIC Mathematici terræ totius ambitum ac dimetientem invenerunt. Vel enim per Lunæ defectus horarum distantiam in eodem circulo æquinoctiali æquè distanti cognoverunt: quâ habitâ, terreno itinere differentiam locorum

corum sunt affecti: nam per 24. unius diei multiplicando, & per horas distantiae defectus lunaris dividendo, ambitum circuli illius invenerunt: inde demonstratione Geometricâ ambitum æquinoctii circuli maximique, ac totius terræ, quem per septem multiplicando, & per 22. dividendo, dimetientem terræ satis exquisitâ ratione sunt consecuti. Vel procedendo ab Austro rectâ ad Boream, altitudinem poli unâ parte auxerunt. Metiti autem viam M. passuum LXXXVII. ac D. invenere Italica. His enim nunc distantias locorum metimur, non passibus Ptolomæi. Ergo ductis LXXXVII. M. passuum & D. per partes cœli CCCLX. nam in totidem dividitur, passuum M. habebimus XX XI. M. & D. insuper. Terræ totius ambitum hunc si per septem multiplicamus, & per 22. diviserimus, erit terræ dimetiens passuum MXM. XXII. Sed in his velle ad amissim certam quærere quantitatem stultum est. Dicamus igitur dimetientem terræ subductis 22. esse M. passuum decies mille. At qui navigant multis erroribus acti, sinuosumque non rectum agentes iter etiam spontè, tum incertò ac vario ventorum impetu decepti, multò majorem ambitum terræ scripserunt. Sed hæc ratio, ut verissima est, ita etiam maximè certo consentit experimento: juvitque multum Hispanos, qui cum tam diuturnum iter, longum terræ magnitudini repugnare intelligerent, diligenti ratione metiti errorem, illud fermè ad tertiam partem tum spaciū tum temporis contraxere. *Cardanus.*

Hora diei Sole lucente quomodo habeatur.

Horam diei Sole lucente, quocunque tempore sic habebis. Dorsum Soli obverte, sed ut extento brachio, & manu sinistrâ, polliceque super indicem collocato umbra styli exigua in palmam cadat, tunc stylum sub junctura pollicis colloca, & ad perpendiculum superficiei palmæ considera umbram: nam si cadit ubi index manui jungitur, 24. est, aut octava: si in illius summo, 23. vel nona: si in medii digiti apice, 22. aut 10. si in annularis vertice, 21. aut undecima: si in vertice minimi, vigesima, vel duodecima: Si in ultima junctura, decimanona, vel decimatertia. Si in secunda ejusdem junctura, decima octava, vel decima quarta: si in radice, ubi manui jungitur, decima septima, vel decima quinta: in lineæ mensalis initio, decima sexta. Hanc tamen observationem ad crassam Minervam, ut dici solet, pertinere haud obscurum est. *Idem.*

Sphæra

Sphæra solida geographica.

Si cui desiderium describendi Orbis in Sphæra fuerit, id facile ac bellissime ex Ptolomæi verbis quinque dierum labore sic perficiet. Sphæram æneam exactè rotundam primum sic fabricabis, æneum semicirculum secundum quantitatem diametri confice, ac Sphæræ omni ex parte applica: si semper undequaque contingat, exactè rotunda est: ubi super excefferint, tantundem detrahendum; ubi defeceris, adjiciendum: cum verò exquisitè rotunda facta fuerit, utrâque parte copulato: orbiculisque infigito, ut neque nimis molliter, nec aspera nimium circumvolvatur: post æquinoctialem circulum, ex auro tenuissimum, æqualiter à polis distantem summa cum diligentia describe, atque divides per 360. æquas portiones, ita unicuique parti punctus, omnibus autem quinque partibus numerus per quinarium superactus ascribatur: sic & semicirculum immobilem sphæræ æqualiter coherentem ejus sedili ita affigemus, ut per sphæræ motum immobilis maneat: atque ita eum dividimus, ut ubi æquinoctialem ad perpendicularum fecat, ab eo puncto 90. partes æquales distinguantur inter utrumque polum, ita ut totus semicirculus in 180. partes sit divisus, punctis singulis, numeris autem quibuslibet quinariis distributis, ita ut numeri ab æquinoctiali incipientes, in utramque partem ad nonaginta sectiones versus polos terminentur. Cum igitur loca inscribere volueris, numerum longitudinis in æquinoctiali quærito, ac ipsum (sphæram volvendo) meridiano subjicito, latitudine autem loci in ipso meridiano, sive citra, sive ultra per gradus partesque eorum inventâ, in ejus directo punctum signabis pro loci magnitudine: atque in singulis perficies. Per omnes autem quinque gradus æquinoctialis ad meridianum immobilem adductos meridianos à polo ad polum deduces, qui circuli XXXVI. erunt: eos autem præacutâ styli acie lineabis, similiter & parallellos, & climatum initia atque fines, in utraque sphæræ medietate ad Meridiani gradum firmiter adhærente, ac circumvoluta sphæra, donec ad primum punctum redierit, abradente stylo conscribes. His peractis, omnes circulos aureos, atque exiles admodum depinges, climatum exceptis, qui non æquè tenuiores habebuntur: maria ac flumina cæruleo, civitates & oppida rubeo, montes argenteo, colles sylvæque viri-

viridi: solum terrarum glauco distinguetur, nomina nigro superadde. Unum autem animadvertere oportet, ut cunei typive locorum triplici sint magnitudine distincta, maximo metropolis, medio civitates, minimo oppida designabuntur: quod si & Principum dominia distinguere libeat, filo ambitum ejus viridi cinge: illud autem maxime in mente habendum est, ut novissimis, & castigatissimis commentariis utaris, atque decenti magnitudine, ea autem est, ut maximus circulus, hominis longitudinem æquet. *Cardanus.*

Quatuor ponderibus omnia perpendi pondera.

Si quis petat quatuor ponderibus tantum omnia perpendi pondera, quæ sunt ab uno usque ad 40. ita ut non opus sit aliis ponderibus: Id efficies, si unum pondus sit unius libræ, secundum trium, tertium 9. quartum 27. His enim potes omnia emetiri pondera ab uno ad 40. Ut si velis efficere 21. libras, pone in altera bilance 27. & 3. in altera verò 9. Si 20. libras petis, pone in altera 27. & 3. in altera 9. & 1. Eadem ratione licebit quinque ponderibus perpendere omnia pondera ab uno ad 121. usque, scilicet 1. 3. 9. 27. 81. Idem per 6. ad 394. scilicet 1. 3. 9. 27. 81. 243. *Gemma Frisius.*

DE SECRETIS ARITHMETICIS.

CAP. XXXII.

Numerum indicare aliquem, quem aliquis concepit.

CONCEPIT quidam numerum aliquem, quem ut indices, ita agito. Jube eum triplare conceptum animo numerum, triplum mediare, deinde quotientem rursus triplare, triplum hoc rursus mediare. At si in priori mediatione impar fuerit numerus triplus (id enim inquirendum est) tum jube illum parem ex eo facere additione unitatis, ac deinde mediet, tum verò ex hac additione 1. recidat, idem jubebis eum facere, sed tibi 2. servabis: deinde jube illum abjicere 9. quoties potest ex ultimo tuo numero, tu verò toties 4. numerabis, ac deinde abjicies si quid servaveris. Ut cogitaverit quispiam 7. id tripla, erunt 21. fiunt

fiunt 22. ea medietas, sunt 11. tu verò retine 1. deinde jube ut rursus triplet 11. fiunt 33. ea rursus mediari non possunt: nisi unitate adjectâ, ita erunt 34. dimidium 17. valet: tu verò 2. hic collige, jam jube illum adjicere 4. quoties potest: verum quoniam tantum semel id licet 4. colliges: de reliquo nihil inquires, si pro rata 3. tibi servaveras, quæ cum 4. addita 7. faciunt. *Gemma Frisius.*

Rem absconditam indicare alicui.

Si tres diversæ res abscondantur à tribus diversis personis, tu verò per Arithmeticam, tanquam divinus vates unicuique dicere velis, quam absconderit rem, ita agito: Sint tres res a b c. animo tuo signatæ, vero ordine animo tuo hæreant, primus, secundus, tertius, priusquam res abscondant, pone in medium 24. projectiles, ex his da primo 1. in manu, secundo 2. tertio 3. deinde colloca tres res ordine, & dic illis, ubi abiero, tum singuli unam ex his rebus quancunque velint, abscondant, sed eâ lege, ut qui absconderit a. capiat ex 18. projectilibus, relictis adhuc tot projectiles, quot habet is ipse in manu. Qui verò b. absconderit, duplum capiat, qui tantundem, c. quadruplum. Reliquum verò in mensa aut loco aperto relinquant. Hinc tribus rebus & personis pro ordine memoriæ infixis, secedat, quousque res absconderint ac rationem inierint. Tum reversus inspice residuos in tabula projectiles, qui perpetuò aut est 1. aut 3. aut 5. aut 6. aut 7. Si igitur unus tantum fuerit, tum primus abscondit a. 2. b. 3. c. Si duo tum primus abscondit b. secundus a. tertius c. Reliquos ex Tabella annexa intelliges modos. *Idem.*

Residui Projectiles	Personæ	Res
1	1	a
	2	b
	3	c
<hr/>		
2	1	b
	2	a
	3	c
<hr/>		

	1	a
3	2	c
	3	b
<hr/>		
	1	b
5	2	c
	3	a
<hr/>		
	1	c
6	2	a
	3	b
<hr/>		
	1	c
7	2	b
	3	a
<hr/>		

*De situ orbis investigando , ac in certam terræ partem
dirigendo navis edificio per stellam visam : nec non
de locorum distantia vestiganda ratione
geometrica.*

Situm alicujus loci ad quem instituenda sit profectio , tum in anteriore Astrolabii facie , tum in tergo commonstrare facillimum est : ut supervacaneum fortasse sit multa hac de re verba fundere . Siquidem in dorso Astrolabii perspecta ejusque utrunque navigationis terminum intercedit longitudinis differentia , numeratur in gradibus limbi ab ipsa meridiani linea ortum vel occasum versus , pro alterius Regionis situ , fini applicetur dioptra : jamque in dioptræ spacio numeretur , & facie poli ab æquinoctiali centrum versus , nec mora in subjecto organi super locum quæsitum commonstrabit latitudinis supputatæ terminus . Ut itaque itineris instituti paulò certior evadam , præsertim ventorum dextræque auræ præsidio destitutus : Sic agito , cognitâ horâ loci tui applicabis illi solarem locum , idque dioptræ superincumbentis indito , ac sic stante reti , eadem linea relata ad punctum adeundæ regionis , jam antea designatum , monstrabit illicò si qua ejus loci stella circulum meridianum contingat , aut etiam rectâ supra caput feratur : unde hanc stellam tibi tanquam viæ reatricem ob oculos pone eò velum , gubernaculum omne convertito . Si enim forte fortuna insigne aliquod si-


dus

dus in ipforum Zenith consistit, jam quasi Mercurii statuum ingredi via tibi quæ digito signet. Sin verò meridianum ejus loci pertingat, sed à Zenith aliquatenus in latitudinem evariet, est tibi utriusque & stellæ spectatæ, & ipsius loci Zenith expiscanda altitudinum diversitas. Itaque si animo tuo, atque oculis quasi circulum ingentem concipias, qui per polos & stellam visam extendatur, atque in illo (quanquam difficile sit) hujus differentię portionem imagineris, invenies cœli locum, licet fortasse non aliqua stella illustrem. Qui tamen recta linea inter stellam antea repertam & polum referatur. Itaque & ipsum regionis locum sideri substratum quasi oculo sortitus es, idque pro præsentis temporis puncto. Ac licet non usque adeò exactum, insigne tamen habens perfectionis compendium, quandoquidem nec in amissi consistit nautis viæ vestigandæ artificium: sed singulis horis cogitandum est aliud atque aliud cœli punctum, huic regioni in caput impendere ac proin assidue juxta horarum numerum transactum versandum est rectè cum Zodiaco. Verum hæc de navigatione nocturna. Interdiu, cum astrorum ignes Phebeis radiis obtunduntur, sol tibi signa dabit: ex solis altitudine, quæratu loci latitudo: ea nos per æquatoris parallelum dirigat, dum perficiendo longitudinis differentię marina milliaria ex ratione corresponderent. Cumque eo differentię perduxeris quem sibi locus adeundus vindicarit, scito te in ejus meridiano jam versari. Verum nunc per ipsum tecta sursum vel deorsum dirigenda navis est, dum & loci latitudo per instrumentum accepta latitudini olim perspectæ conveniat. *Tanta molis erat ventis dare vela sinistris.* Utque obiter agnoscas, quantum hoc angulo recto circuitiois fiat. Dabitur id ex penultima primi lib. Euclidis. Nam si utriusque & longitudinis & latitudinis differentię multiplicetur arcus in se quadratæ ac productæ per additionem in unum colligantur. Summæ verò quæratu radix quadrata, ea significat itineris conficiendi longitudinem per gradus æquales his, qui sunt in parallelo proximi. Ea enim quæ passim traditur milliarius ratio ad æquatoris gradus circa ejus solius ambitum satis sincera creditur: Ut nimirum pro milliariis Italicis ea distantia ducatur in 60. pro Germanis in 15. pro Suevis in 12. nam non nisi

ad latitudinem 18. graduum doctrina hæc locum obtineret, sed exactior hujus rei ratio dabitur suo loco. *Gemma Frisius.*

Quomodo via distantia cognita, locorum longitudo & latitudo cognoscatur.

Proprie autem ut cum per meteoroscopium cognita loci distantia, scimus illius longitudinem, ac latitudinem: vel cognita distantia, & latitudine, longitudinem cognoscimus. Sit igitur Meridiei circulus AEBF. fixus super pede A M. In eo poli fingantur K F. & vertex tuus E. Alius circulus immobilis æquinoctii ABCD. fixus super pedem A M. ad rectos angulos secans priorem circulum, & in ipsis polis F. & K. per paxillos versatilis. Alius etiam in vertice paxillus versatilis CEDL. Sit igitur distantia E N. nota rectaque, numerentur autem divisim singulis circulis ex his in partes ter mille sexcentas, partes illæ in C E D. per E N.



& constituatur CND. super viam rectam ex civitate tua in N. locum & ubi punctus N. cadit ducatur GKHF. circulus mobilis meridiei, habebis igitur per arcum KN. latitudi-

itudinem loci, seu poli elevationem, & per G. C. differentiam longitudinis loci N. à tua urbe: cumque longitudo urbis tuæ jam nota sit, erit & longitudo N. Quòd si altitudo N. nota fuerit, & iter rectum E N. circumductis circulis CED. & NH. donec occurrant extrema arcuum E N. distantiae rectæ, & K N. notæ altitudinis loci N. in unum, fiet arcus tunc G C. notus, differentia scilicet longitudinis loci N. à patria tua. Manifestum est autem quòd contrariâ ratione habitis longitudinibus & latitudinibus locorum, distantia quoque cognita erit. Quòd si velis, ut instrumentum unicuique serviat regioni, facies paxillos E L. mobiles in circulo meridiei, A K B F. ut sub quacunque altitudine collocari vertex tuus possit. Porro divisiones singulas denas conspicuè, & in quinas minus, inde in quinquagenas aureo colore, ut distinguantur diligenter, velut in stateris. Numerus autem necessarius non est, quia ubique principium statuere oportet. *Idem.*


Navim quomodo, quot passuum M. exegerit, vel plaustrum, deprehendamus.

Cùm currum aut navim facere volumus, quæ quot M. passuum exegerit nos doceat. Rota cujus ambitus sit pedum duodecim cum dimidio: atque tympanum circa axem cum denticulo, qui ubi rota versa fuerit rotæ occurrens CCCC. dentium, unum ex illis transferat. Ita perfectis CCCC. revolutionibus rotæ primæ, V. M. pedum exacti erunt passus M. Ubi verò rota hæc conversa fuerit altero denticulo detegat modiolum, ex quo lapis in subiectum vas æneum excidat, ut sono & numero lapillorum M. passuum multitudinem ostendat. Aut verso indicabit in alia rota passuum M. Ita in artificiosis, (ut *Vitruvius* docet,) facile est ad exactam rerum cognitionem pervenire. Sed in contemplationibus proximum antè nominatum exemplum erit. *Cardanus.*

Instrumentum perennis motûs.

Antonio de Fantis Tarvisino, viro nostræ ætatis erudito atque ingenioso, visum est instrumentum perpetui motûs conficere posse, tali industria, quali infra describitur: verum ad hoc ostendendum, tria supponit sibi experimenta probata: primum quòd lapis Herculeus, si formâ circulari

lari figuretur, duo habet puncta è directo opposita: quorum alterum semper ad Boream, alterum ad Austrum tendit, si in æquilibrio, & liberè suspendatur, & similiter, si in pyxide lignea imponatur, ea verò in aqua tam diu circumvolvitur, donec ea puncta, quæ polos appellat, ad suas cœli partes respiciant. Hoc autem à nobis aliàs ostensum est. Secundum suppositum, quod ex experimento assumit, est quòd Polus borealis australem alterius trahit, & australis borealem, si duo lapides orbiculares fuerint: quod ex primo quasi supposito pendet: nam si Borealis Boream respicit ex adverso, igitur australis alterius collocabitur, quoniam in oppositis sunt partibus, ut in figura videbis: quòd si polus Borealis Boreali, aut Australis Australi applicetur, qui plus potest, abigit debiliorem à se, & cogit, ut revertatur, ubi rota leviter moveri possit. Tertium suppositum est, quod agens plus agit, quàm resistat: hoc dicit etiam experimento se comperisse. His constitutis, accepit formam orbicularem ex argento tenuissimam, veluti capsulæ speculi rotundi, & divisit eam in circuitu, & cuilibet divisioni applicavit acum ferream, & posuit distantiam unius ab altera ciceris magnitudinem: deinde in medio fixit lapidem Herculeum, sive Magnetem: perfectissimum




figurâ ovali, ita ut in summitatibus figuræ ovalis poli adessent, & posuit rotam super axem, & in ejus centro stylum argenteum, tanquam rotæ diametrum: axis autem & stylus

stylus immobiles sunt, rota verò mobilis. Quòd autem perpetuò moveri debeat, sic probat. Cùm enim extrema lapidis, ad se trahant partes proximiores, & secundum situm, & una dirigat ferrum ad Boream, & alia ad Austrum, fiet ut O. descendat in P. & P. descendat in Q. & similiter A. in B. & B. in C. fertur enim sic pars Orientis ad Boream, & Occidentis ad Austrum: quare se juvabunt, & motus erit unus ex primo supposito. Et quia per tertium suppositum, pars unaquæque magis trahit quàm resistat, partes F. & T. G. & V. minus resistunt, quàm tractantur partes N. R. O. A. & maximè quia priores stant in æquilibrio, & ad perpendicularum, ideo immobiles naturâ suâ: partes autem quæ ad Orientem & Occidentem, declives & mobiles. Et si quis dicat, quòd Occidentalis resistit ascendendo, si Orientalis debet descendere, dicit, quòd quantum ad motum gravitatis sunt in æquilibrio, sicut & superior & inferior: ergo ratione gravitatis non impediunt, nisi quantum est gravitas rotæ, quæ parva admodum est: igitur cùm motus lapidis se juvent invicem, & gravitates non impedian, perpetuò circumagetur rota, quod dixit se expertum esse, nunquam ergo deficiet causa talis motus, atque ita erit perpetuus: nam acus rotam agunt. Rursus constituit alium lapidem, qui ad perpendicularum illi priori superstat eademque ratione, ac demonstratione utitur ad declarandum hunc motum esse perennem, atque hoc inventum, illud habet difficultatis, quòd ferrum quàm celerrimè ad lapidem ipsum fertur, unde concitata rota versabitur cùm impetu: videntur autem perpetuâ inæqualitate carere, quoniam interrumpit motum: nemini autem dubium esse debet, quin remissum oporteat esse omnem motum, qui perpetuus futurus sit, velut & cœli: at hic si remissus fuerit, erit etiam tardus: quia omnibus impedimentis obnoxius. *Card. ex lib. 9. de Varietate rerum.*

Librarum fucus, quo quæ graviora sunt, leviora videntur.

Possumus facere libram, quæ vacua ponderibus æqua videbitur justisque notis ponderum majus rerum ipsarum pondus repræsentet. Sic enim (ut Arist. refert,) purpuram vendentes imponebant emptoribus. Cujus ratio sic constat. Volenti libram, quæ pro undecim unciis duodecim

præ se ferat, virga A. B. sumatur metallica, quæ in partes viginti tres æquas (nam totidem consurgunt junctis undecim ac duodecim) dividatur. In fine undecimæ, & initio duodecimæ partis figatur lingua libramenti & agina.



Constat igitur D. C. undecimâ parte majorem esse A. D. cumque D. C. paulò major sit A. D. & gravior, leviolem limâ, vel terebratione reddemus, aut lancem leviolem adjiciemus ipsi C. quàm A. adeò ut dum lances vacuæ sunt longitudinis A. C. tenuitatis pensatâ ratione trutina sub agina jaceat, nullam in partem librâ pendente: cui tamen cum ex parte C. pondus unciarum undecim adjunxerimus, & nota duodecim unciarum in lance A. libra æquilibrium demonstrabit. Cum ergò nec adulterinæ sint ponderum notæ, nec lancibus vacuis libra videatur vitiosa, fraus mutatis mercibus, ac notis hinc inde, ut notæ sint in C. merces in A. manifestè deprehenditur. Nam C. latus infrâ descendet duplici causa, & quia majus lanci suæ pondus inest, & quia C. D. ipsa D. A. longior est.

Pondera quomodo duplo celerius sursum trahantur, & cum dimidio funis.


Est instrumentum admiratione dignum, quod tamen parvâ industriâ fit. Gabriel Arator animadvertit fieri posse, ut pondera duplo celerius sursum traherentur, quàm



quàm solent vulgari ratione, hoc modo. Sit altitudo A. B. cujus medium D. & funi D. C. appensum pondus C. Et in D. trochlea, in qua funis in A. cum igitur trahetur, cochlea usque ad E. D. C. fiet duplo brevior quantitate: igitur cum D. erit in A. erit D. etiam in A: Hoc autem contingit, quia D. C. duplicatur ascendendo descendendoque: igitur non conveniet, nisi cum D. fuerit in medio A. B. vel infra: hoc autem instrumentum majori indiget vi, quàm si simpliciter traheretur pondus. Quia tamen rationibus dictis hæc attractio alleviari potest, fieri potest, ut eisdem viribus, & in dimi-

dio temporis trahatur: tantum potest ars atque subtilitas. *Idem.*


Instrumentum, quo trahens trahitur.



Est & artis sed non unius opus instrumentum, cui si te manibus suspenderis, dum trahis vehementius traheris. Constat hoc modo: A. B. pavimentum superius: interim trahentis funis C. D. E. verò lignum ferrumve inclinatum summa vi, cui C. D. funis annectitur, D. F. verò lignum, quod subjacet laquearibus, prohibetq; E. D. reverti: ipsi verò F. D. appendatur pondus E. D. ita ut F. D. circumagi possit versus quandocunque F. D. non prematur ab E. D. nam F. D. orbiculo

infigitur tracta igitur C. D. relabitur F. D. versùs E. sed tamen à latere propter pondus G. igitur E. D. ferrum, quod ab F. D. retinebatur, relabetur ad laqueare H. E. trahens sursum D. C. *Cardanus.*

Instrumentum quo quisq; se ipsum sursum trahat.




Instrumentum facilè hominem sursum trahens: trochlea cum uncino ferreo, in ea orbiculus de more, circa quem funis, in fune pondus A paulò minus pondere corporis tui, ex altera parte baculus transversus B. Ergo appenso uncino trahes B. infra, ut A. pondus sursum ascendat & B. infra perveniat. Insidens igitur B. & ex altera parte apprehensa A. C. manibus, quia A. pondus paulò minus est pondere tui corporis, A. descendente rursus te ascendente facillimè: cum libuerit descendere, id spontè facies, cum corpus tuum

gravius sit quàm A. igitur dimissà fune raptim descendes. *Idem.*

Ponderum facilè levandorum ratio.

Est & aliud instrumentum in trochleis: constat hac ratione: Pondus A. annectitur trochleæ inferiori, in qua duo orbiculi B. & C. qui circumvertuntur. In superiore trochlea duo alij D. & E. funis circumagitur circa D. & descendit per F. ad C. & ascendit per G. & circumvertitur ad E. descendens per H. circumvertitur ipsi B. & ascendens trochleæ nectitur in K. Igitur ex L. pondus trahitur, & quia sustinetur ab FGHK. non erit nisi quarta pars ponderis A. quæ à singulis funibus sustinetur, quare à quarta parte roboris rursus trahi poterit. Et si in singulis trochleis tres essent orbiculi, à sexta roboris parte: atque
ita



ita puer poterit immensum pondus fursum trahere, nisi quantum funium gravitas, orbiculorum asperitas, & motus difficultas obstant. Sed quia temporum proportio est, ut potentiorum, per binos orbiculos, quadruplo per ternos, sextuplo lentius trahet, quàm si eodem robore, imò etiam paulò majore supra existens unica traheret fune, longè autem lentius sextuplo vel quadruplo, quanto funis longitudo magis addit ad pondus: fit, ut puer ille vix in unius horæ spatio idem pondus his trochleis trahet, quò sextuplo robustior vir, unica, superius existens, levare potest illud fune. Itaque artis & ingenii est, ut quisque pondus quodlibet levare possit. At verò, ut funis à pluribus trahi possit, sub orbiculo trahitur terræ æquidistans. Quòd si facilius trahere libet, ergatâ utimur, quod instrumentum in usu est omnibus: hoc enim axibus circumactis circumvoluta funis trahit pondera quæque. At in hoc etiam quan-

tumlibet laborem levare licet axium longitudine: nam eò facilius trahunt, quò fuerint longiores. *Idem.*

Rotæ quibus maxima aqua hauritur.

Refert *Munsterus*, in *Alfatia* rotis bigalibus, curribusque è bubali corio, è profundissimis puteis tanto impetu aquam exhauriri, ut rotæ quamvis ligneæ sint & madidæ, ignem tamen excutiant. Vide igitur instrumentum illud tria egregia amplecti, altitudinem, capacitatem, atque celeritatem.

DE

D E S E C R E T I S M U S I C I S .

C A P . XXXIII.

Lyra somnum concilians.

E LIGNIS materiam parato mitioribus , ut suaviorem efficiat , & remissiorem modulationem , uti Abiete , & Hederâ ex uno inferior , ex altero superior , compingitur pars , fides è tyris , & serpentibus conficiendæ , sed ex intestinis , vel membrana spinalem medullam contingente , quam erues flumine currenti , capiteque suspenso , reliquum marcescat , iis fidiculam accommoda , cytharâve , quæ digitis pulsata intonuerit , blandum , mollem , nec inamoenum efficit sonitum , gratumque audientibus conciliat soporem , ut inviti claudant oculos , non miti somno . Quod mirum hoc videri non debet , si id quoque Pythagoricos effecisse fertur , ut cum diversas resolvere vellent in somno curas , quibusdam cantilenis uterentur , ut levis & quietus irreperet somnus , & expectati statim cubili exurgentes quibusdam modulis aliis stuporem , somni que confusionem purgarent , ad subeundum munus aliquod . Æolio evenire tradit , quod animi tranquillet tempestates , somnum pacatis tribuat . Est & aliud mirabile valdè , quod ejus sonitus fertur præsens atocium : dum enim per aures ad animum delabitur , unde ab ejus sonitu expellantur , credentium arbitrio relinquatur , nè hæc aliquibus offendiculo sint , consultius fuerit omittere .
Porta.

Lyra , quæ pulsata alteram ejusdem toni recubantem moveat.

Tendantur in unum nervi , & ad idem & perfectum perveniat unaquæque melos , si gravium unam pulsabis digitis , altera reboat , & movetur gravius in ea , sic acutarum , debitâ tamen approximatione : si id maximè non fuerit conspicuum , paleam supra inducito , & moveri videbis . *Sueton.* autem *Tranquillus in lib. ludicræ historiæ* , nervos ait in finibus brumali die alios digitis pelli , alios sonare . Hinc quispiam poterit ignarus soni lyram accommodare : si æquè tensa altera , & ad harmoniam ducta requiescat , alteram manibus intendendo , & relaxando , & pulsando ,
quous-

quousque quiescentis nervus moveatur, ejusdem toni signum: sic in cæteris. *Idem.*

Surdus ut Lyra audiat sonum.

Si verò vis, ut Lyrae surdus audiat sonum, vel manibus aures obde ritè, ne sonum audias, tunc capulum lyrae, vel cytharae mordicus prehendito, pulset eam alter, & concinnum in cerebro dabit sonum, fortasse suaviorem: nec solum capulum dentibus captans, sed longissimam hastam, quæ lyram tangat, & per eam clarè auditur sonus, dicique poterit non auditus sensu, sed gustu percipere. *Idem.*

Lyra, cythara, aliâq; instrumenta ut vento pulsantur.

Remanet hoc, quod haudquaquam inamœnum reor, ut Lyrae, Cytharae, aliâque instrumenta vento pulsantur. Hoc sic perficies. Ubi vasta fuerit ventorum procella è regione adversanti accommodabis instrumenta, uti cytharas, tibiae, sambucas fistulasve: adveniens enim ventus impetum ruit, leviter pulsat, & hiantes calamos percurrit, unde ex omnium sonitu vicinis auribus suavissimum percipies concentum, & lætaberis. *Idem.*

Tubarum sonus perpetuus.

Referunt in Obdera regione, ultra Obium flumen, Instrumenta esse, quæ in modum tubarum sponte pulsan. Et quamvis tota illa historia de Obio flumine, & aurea statua falsa sit, nihilominus res ipsa non solum possibilis, sed etiam factu facilis: quemadmodum in Belgica Gallicaque per rotas molæ agitantur: ita tympana pulsari, inflari tubæ, & non solum incondita voce resonare, sed etiam concentu miro possunt, atque id perpetuò; velut organis per folles inflatis. Non est, ut describam modum, quando dictu, & intellectu facilis sit, factu verò non adeò: nam folium locò ac digitorum, folium multitudo sola satisfaciet, fistulae verò ad modulum compositæ erunt, elevationes autem alternatim. In Gallia etiam in plano fieri possent, ob ventorum assiduitatem: in Italia non nisi in montium verticibus, aut inter rupes. Sed Tubæ parvâ arte indigent, cum aër collectus lato canali cogitur per tenuem fistulam in canales æneos vi ingredi: poteruntque etiam sic cum concentu, sed æquali esse. *Cardanus.*

Nola-

Nolarum harmonia.

Revocavit jam supradicta narratio in memoriam ejus, quod Bruxellis in Belgica vidi. Nolæ plurimæ in circuitu positæ super turri, ut fieri solet, vocum musicarum sonis proportionem obtinent: adeunt gnari artis, & tangentes singulas pro notis descriptis cantilenam pulsan, admiratione potius dignam, quàm jucundam auditu: nam nolæ non retinent vocem, sed cum ictu statim desinit. Idem Lovanii, Antuerpiæque fit. Transferri etiam potest ad urceos, aliaque vasa. *Idem.*

DE SECRETIS ASTROLOGICIS.

CAP. XXXIV.

De Caniculæ ortu, & prænotione eorum, quæ ex ipsa contingunt.

CANICULÆ ortus fit illuscente vigesimâ Julii mensis. Observandum est autem, in qua domo existente Lunâ, ejus exortus fiat. Etenim si in Leone existente fiet Caniculæ ortus, frumenti felicitas magna, olei item ac vini erit, aliarum quoque rerum omnium precium vile. Orietur tumultus & cædes, apparebit res, & aëris teneritudo: continget incurfus gentis in aliam gentem, & sicut terræmotus, ac inundationes. In Virgine verò si Luna fuerit, multitudo imbrium cadet, magnaque rerum abundantia erit, parientes abortient, cervorum ac quadrupedum vilitas erit. In Libra eadem existente, continget Regis motus, & quadrupedum commodus fructus, in populo tumultus, olei raritas, frumenti corruptela, vini verò & fructuum arborum foris lignosum putamen habentium abundantia. In Scorpione si eadem fuerit, Sacerdotum tumultus, Apum perniciēs, & constitutio pestilentialis erit. In Sagittario eadem existente, fertilis annus, & pluviosus, frumenti abundantia: Lætitia inter homines, pecorum autem interitus, & volucrum multa copia erit. Si verò in capricorno Luna fuerit, eadem orietur, exercituum motus & pluviarum copia & frumenti, viniq; ac olei multa fertilitas omniumque precium vile. In Aquario eadem existente, morietur Rex, frumentum corrum-
petur,

petur, locustæ abundabunt, pluviae raræ erunt, pestis grassabitur. In piscibus eadem existente, si Canicula orietur, multæ pluviae erunt, volucres peribunt, vinum & frumentum abundabunt, hominum corpora morbi invadent. Si verò in Ariete eadem existente Caniculæ ortus fiat, animalium gregatim pascentium multus interitus erit, & pluviarum ubertas, frumenti copia exigua, olei fertilitas. Si autem in Tauro, pluviae multæ, & grandines, & rubigo, & plagæ multæ. Si verò in Geminis, frumenti, & vini fertilitas, omnisque fructus erit, Rex deficiet, homines interibunt & exercitus movebuntur. In Cancro eadem existente, siccitates, & fames erunt. *Diophanes.*

Ortus & Occasus apparentium stellarum.

Quandoquidem necesse est, agricolas nosse apparentium stellarum ortus & occasus, hoc modo de his conscripsi, ut etiam omninò rudes literarum ex auditu saltem facile intelligere queant, tum ortus, tum occasus ipsarum tempora. Calendis Januarii mensis Delphinus oritur. Vigesima sexta Februarii Arcturus Vespertinus oritur. Calendis Aprilis Pleiades ad summam noctem occultantur. Vigesima tertia Aprilis Pleiades simul cum Solis ortu exoriuntur. Vigesima nona Aprilis Orion vespertinus occultatur. Trigesima Aprilis Succulæ simul cum Solis exortu oriuntur. Septima Maji Pleiades matutinæ apparent. Decima nona Maji Succulæ matutinæ oriuntur. Septima Junii Arcturus matutinus occidit. Vigesima tertia Junii Orion oriri incipit. Decima Julii Orion matutinus oritur. Decima tertia Julii Procyon matutinus oritur. Vigesimaquarta Canicula manè oritur. Vigesima sexta Julii Etesiae spirare incipiunt. Trigesima Julii splendida stella in pectore Leonis oritur. Vigesima quinta Augusti Sagitta occidit. Decima quinta Septembris Arcturus oritur. Quinta Octobris Corona manè oritur. Vigesimaquarta Octobris Pleiades simul cum Solis exortu occidunt. Calendis Novembris Pleiades mane occidunt & Orion occidere incipit. Vigesima secunda Novembris, Canis tempore matutino occidit. *Diophanes.*

*Duodecennium Jovis, & quæ efficit circumvertens,
duodecim circuli Zodiaci domos.*

Circulus Zodiacus in duodecim domos sectus est. Tres
quidem

quidem Vernas, Arietem, Taurum, Geminos. Tres etiam æstivas, Cancrum, Leonem, Virginem. Tres autumnales, Libram, Scorpionem, Sagittarium. Tres hyemales, Capricornum, Aquarium, Pisces. At verò Jovis stella in unaquaque domo existens subscripta efficit. Quum stella Jovis in Ariete steterit, quæ domus Martis existit, totus annus Borealis erit, participans etiam cum Euro vento. Hyems frigida, & nivosa. Imbres autem continui erunt, & fluvii magni. Post Æquinoctium vernum, aër in aquas molles, ac densas mutatur. Æstas autem ordinata erit, & salubris. Autumnus æstuosus, eruntque in ipso morbi, & maximè à capite, & distillationes, & tusses. Ex locis campestria magis fructum ferent: Supplicandum est autem, ut ne bella oriantur. *Democritus* dicit vinum bonum & durable esse, annumque opportunum ad solam vitium plantationem. Frumentum verò in areis munire oportet propter imbres, fieri etiam volucrum raritatem, & bonum esse hortos apparere. Quum verò in Tauro fuerit domo Veneris, Principium quidem hyemis temperatum erit, & pluviosum. Medium verò nivosum. Finis frigidus. Maximè verò hyemabit à medio hyemis usque ad æquinoctium vernum. Ver temperatum erit, & humidum usque ad Caniculæ exortum. Æstas æstiosa, Autumnus glaciosus, & morbosus. Maximè verò juvenibus lippitudines accedent. Campestris loci magis montanis fertiles erunt. Vinum injuriam patietur. Quapropter oportet vitem serò vindemiare. Erit autem & fructuum lignosorum feracitas, avicularum raritas. Navigantibus annus ineptus. In hoc anno illustris vir morietur. Cæterum *Democritus* in hoc anno multam grandinem fore dicit, & nives. Etesias verò non similiter spirare: & orandum, ut ne terræmotus fiant, & expeditionis militaris motus. Ubi verò in Geminis in Mercurii domo Jupiter fuerit, totus annus ventum austrinum, & aphricum sentiet. Hyemis initium quidem erit ventosum, medium verò temperatum, finis glaciosus & ventosus. Ver temperatum, tenues habens aquas: frumentum erit multum, ventus splendidi spirant. Fructus in area vitiabuntur, præsertim in Syria. Morbi circa Autumnum oborientur, in juvenibus maximè, ac mediæ ætatis, & mulieribus. Erunt & lippitudines autumnæ æstuoso existente. Morientur etiam mulieres. Fructus lignosi fertiles erunt. Aquæ fontium deficient. Præstat autem fructus reponere, ob futu-

futuram sequentis anni sterilitatem. *Democritus* grandinis noxam futuram ait. Supplicandum ut ne pestilentes affectiones fiant. At si in domo Lunæ in Cancro Jupiter fuerit, hyems ut plurimum ab orientis partibus frigida erit, & caliginosa, & magnos fluvios habens. Circa Solstitium hybernium aquarum tolerantia erit. Post Æquinoctium vernal grandines erunt. Aspera loca magis fructum ferent. Annus autem salubris, excepto Autumno. *Democritus* in Autumno pustulas fervidas circa os erumpere dicit. Quare in Vere olera contingere oportet, alvumque solvere, præsertim juvenes, & mero uti. Olea ferax erit. Existente porro Jove in Leone domo Solis, hyemis principium frigidum erit, & aquosum cum magnis ventis, ut & arbores concidant. Medium autem temperatum, finis frigidus. Ver pluviosum, Æstas Veri similis est. Deficient in ipsa aquæ fontibus, deficient item pascua brutis. Autumnus æstuosus, & morbosus, ex destillatione, & tussi. Quare modico pane utendum est, & vino plus. Frumentum moderatè habebit. Vitis & olea fertiles erunt. Accommodatus annus est ad inoculationem, non item ad plantationem. Magnorum mansuetorum animalium interitus erit, ferorum autem ingens ubertas. Vir insignis morietur: supplicare oportet ne terræ motus fiant. Tenente deinceps Jove Virginis signum, & domum Mercurii, hyems incipiens frigida erit. Media temperata, finiens hybernalis glaciem habens multam, & imbres, & fluvios magnos, ut etiam multi loci undis submergantur. Ver pluviosum, & arboribus noxium. Desinente Vere grandines in locis erunt. Æstas pluviosa, & caliginosa. Et oportet collectionem fructuum frumenti compendiosè fieri, ut ne ab imbribus corrumpantur. Autumnus ventosus & saluber. Vitis fertilis erit. Aptus annus ad vitium plantationem. Frumentum facile corrumpetur. Salubris totus erit annus, nulli morbo obnoxius. Supplicandum autem est pro fructibus. In domo deinde Veneris Libra ubi Jupiter fuerit, principium hyemis aquosum erit. Medium temperatum, & ventosum, finis humidus, & pruinosus. Ver temperatum, habens infirmitates ex capite. Æstatis principium Veri simile erit: imò prægnantibus mulieribus periculosus erit annus. *Democritus* ait, in hoc anno nunquam magnos fluvios futuros, neque grandinem multam. Autumnum verò esse aquosum. Quum in domo Martis Scorpione

ne Jupiter steterit, hyems incipiens frigida erit cum grandine, media calida, finiens verò lenis. Ver erit hyemale, usque ad Solstitium æstivum: post imbres & tonitrua apparebunt. Aquæ fontium deficient: frumentum erit moderatum. Vitis & olea felicitate abundabunt. Boum corruptio erit. *Democritus* fluvios magnos futuros ait, & morbos circa Autumnum. Quare supplicare oportet, ne pestilentes affectiones fiant. Oportet, inquit, cibo quidem pauco, potu verò uberiore uti. Quando in propria domo, in Sagittario Jupiter fuerit, hyemem habebit temperatam, & aquosam, neque calidam neque frigidam. Fluvii magni erunt, desinente autem hyeme, frigora & venti erunt. Ver Austrinum & pluviosum. Æstas temperata, & magis hybernalis. Oportet autem munire areas propter imbres. Autumnus securus propter Etesianum flatum. Et præcoces, & serotini fructus boni erunt, medii verò vitiosi, frumentum, & in campestribus, & in asperis locis abundè proveniet. Vinum durable erit, quod serius vindemiatur. Omnes arbores fertiles erunt. Annus aptus ad plantationem, & ad alia omnia. Magnorum animalium ingens multitudo, canum verò corruptio erit. Mare procellosum, & venti magni, serotini. Vir circumspectus morietur. Si Jupiter in Capricorno, in domo Saturni fuerit, hyemis initium temperatum erit. Medium humidum & frigidum, finis ventosus. Aquæ verò auctæ satis, & aliis operibus nocivæ erunt. Capiunt autem acervatim incrementum, & aquæ, & frigora, & nives. Æstas ante Caniculæ exortum simplex, & vulgaris, postea verò æstuosa, & morbosa. Spirabunt Etesiae splendide, fient & terræmotus. Campestria magis fructum ferent. Vinum à pruina peribit. Lignosi fructus abundabunt, parvis animalibus annus accommodatus est, magnis verò calamitosus, & præfertim bobus. In autumno morbi exurgent ex capitis dolore, & lippitudinibus, & pruritu. Supplicandum est, ne fructus ex glacie, & ventis lædantur. Quando Jupiter in Aquario fuerit, & in domo Saturni, venti erunt multi commodi frumentario fructui, & maxime lignoso, hyemis initium quidem frigidum, finis verò ventosus. Ver aquosum, magis hybernum ac pruinosum. Æstas sine ventis, ob Etesiarum ventorum vehementiam. Erunt & pluviae in æstate, ut etiam cereales fructus inundationem sensuri sint ex parte. Autumno venti orientur aquosi & fructi-

fructibus nocivi. Erunt & affectiones acutæ, ex humida causa juvenibus, & mediæ ætati. Erit etiam pruina, & uvas in multis locis lædet. Sata verò erunt optima cum præcocia, tum ferotina. Volucres peribunt, & feræ sylvestres. Erunt & naufragia multa, & vir insignis morietur. Supplicatione avertendæ sunt affectiones pestilentes, & terræmotus, & fulmina, ut ne fiant. Jove postremo in Piscibus, inque eorum propria domo existente, hyems orditur quidem pluviosa. Medium habet ventosum, finem verò grandinosum, ac nivolum. In Vere spirant venti Favonii splendidi. Æstas erit æstuosa. Autumnus ardens, præsertim mulierculis, ac virginibus. Inspirant autem & venti vitiosi, qui lignosum fructum exurunt. Sata erunt bona. Verum areas munire oportet propter imbres: prægnantibus mulieribus annus periculosus. Democritus ait, & vitem & oleam fertilem futuram. Supplicandum autem, ne terræ motus fiant. *Zoroaster.*

DE SECRETIS AD PACEM pertinentibus. CAP. I.

Ut cui non nisi pacifica contingant.

SI planta Heliotropii, quæ *Solis sponsa* vocatur, Sole virginis signum tenente, colligatur, sub initium Septembris, & foliis Lauri involvatur, addito dente lupi, nullus contra portantem loqui poterit, nisi verba pacifica: author *Albertus*, qui hæc & alia innumera transcripsit ex quodam lib. Secretorum Ioannis Regis Arragoniæ. Cujus exemplar manu antiquissimâ descriptum, nec dum impressum, penes me habeo, inenarrabilium arcanorum fœcundum. *Mizaldus.*

DE SECRETIS BELLICIS.

C A P. II.

Bellicum Stratagema.


ELEPHAS viso Ariete mansuescit, ac furias impetumque remittit. Quibus machinamentis Romani Elephantos Pyrrhi Epirotarum Regis in fugam verterunt, & amplissimâ victoriâ potiti sunt. *Mizaldus.*

Ut quis ab hostibus lædi non possit.

Si quis hyanæ pelle succinctus medios feratur in hostes, à nullo lædetur, & intrepidè præteribit, quod dicit Orus Apollo in hieroglyphicis.

Scalarum muralium ratio.

Scalarum ratio quæ in oppugnandis urbibus necessaria videntur, à Polybio hac ratione descripta est. Murus A. B. pedes X. altus, scala A. C. XII. pedes longa esse debet:



nam admota distabit C. A. B. latè XLIV. cum enim duxerimus X. in se, fiunt centum: & XII. in se, CXLIV. Igitur cum quadratum & æquale sit quadratis A. B. & B. C. erit B. C. latus quadrati XLIV. quare B. C. est pedes sex, & duæ tertiæ, & ita duæ tertiæ A. B. neque igitur admodum ardua ad scandendum, neque pericu-


losa, ut facilè retrò agatur: quæ eveniunt, ubi B. C. valde brevis esset, nec facilè frangitur, quod evenit ubi B. C. longa valde esset: difficilius etiam ob immensam longitudinem tractantur. Sustentaculum quoque D. E. in medio esse debet ipsius A. C. Nam constat quòd erit è directo medii, & A. B. ex demonstratis ab Euclide: ob id dicit, Dux exercitûs, Geometriæ & Astrologiæ peritus esse debet. Cur autem D. E. in medio esse debeat, ostendit: quoniam si D. sit proximus A. debiliior erit scala: si verò inferius, nimis erecta erit. Oportet præterea compaginationem, & extrema esse ferro munita, inferiusque cuspide addi, ut terræ innixa maneat: superius verò duci in cuspidem juxta perpendiculum, ut apposita hæreat. *Cardanus.*

Fundæ bellicæ ad ejaculanda pondera.

Omne quod movetur violenter, eò velocius movetur, quò celerius, & per longius spatium ab eo à quo movetur: Nam si longissimo spacio & tardissimè aut celerrimè atque brevissi-

brevissimo non procul ejaculabitur, longissimo spacio fertur quanto magis ab hypomochlio destiterit, & angulus in eo major fuerit. Sint

A. B. A. C. A. G. duplæ
A. D. A. E. A. F. Et sint
B. C. tripla B. G. & D. E.
tripla E. F. quæ moventur
duo E. & B. quæ æquali
velocitate transferantur.
Et E. perveniet ad D. & B.
ad C. ejicitur B. duplo
majore spatio quàm E. &
si E. ad F. perveniat, B.




ad C. B. sextuplo majore quàm E. non tamen necesse est, ut ad unguem fervetur ratio hæc. Ut verò grave pondus feratur, majore tanto nixu anteferri illud oportet, quod ejici debet: quare & instrumentum solidius. His constitutis funda fiet machina tribus modis, quorum singuli variari multipliciter possunt: Nos tamen simplices tantum dividemus, atque ex his unum bivariam distribuimus. Primus igitur hominum vi, dum uno impetu voceque (nam id plurimum refert, ut unà consentiant vires, adeò ut incredibile sit) circumductus funis trabique appensus aut baculo, unum aut plures lapides emittit. Secundus ut tignum A. B. per vim retrò flectatur, in cujus capite castellum sit C: ubi autem redierit, maximo impetu agitur, omne enim inflexum vi, ad suum locum redit, & aliquando ulterius eodem in tempore, nisi ejus vis frangatur. Unde fit ut duplici modo quæ inflectuntur, quantò magis inflectuntur, eò majore impetu redeant, tum quia celerius moventur, tum quia majus spacium pertranseunt eodem in tempore. Quomodo autem per ergatas retrò agatur facile ac celeriter, sæpius dictum est. Oportet autem in tigno, ferrum esse juxta illius longitudinem.



Sed hic modus pluribus periculis obnoxius est, ne frangatur tignum, aut vis languescat, quoniam vim solum naturalem habet.


Tertius autem modus, omnibus aliis præstantior est: Sint quatuor rudentes antrorsum, per quartam recti partem inflexi à perpendiculo, crassitudine longioris palmi, quibus inserta sit trabs ad perpendiculum, & in superficie pendenti. In hac verò tignum aliud firmissimum, & ferro munitum, & pro distantia ictus cum castello in summitate. Deducatur ergatis ac cochleis, donec æquidistet plano, atque ita per rectum cum quarta. Hæc funda ubi dimittatur, maximam vim habet: Multum autem distat à balista antiquorum, cujus actus plano æquidistans erat, & per rectam lineam. Hujusmodi est, si G. latus alterum tigno plano firmiter inhæreat. Nam tunc magis contorquebit ictus & firmius, non tamen longius: plus enim ponderis feret. Habet hic modus id commodi, ut ABDD. rudentes relaxari possint, atque ita celeriter intendi funda. Et quia relaxati & ulterius tracti ac contorti, fiunt efficaciores ad emittendum. Multò etiam majorem in emittendo vim habent quatuor funes ligno uno: nec ita facile frangi possunt, nec languescere. *Idem.*



Poliorchetes machina ☞ *aries.*

Πολιορκητής quoque machina fuit à subruendis urbibus dicta: Facta fuit adversus Rhodios, altitudinis pedum CXXV. latitudinis LX. pondo CCCLX. millia. Ita bene compaginata, ut tutus esset adversus ignes: Et lapidem pondo CCCLX. balistæ sustineret. Ex quo quanta vis esset alteri ad emittendum alteri ad sustinendum, facile dignosci potest. Constat testudine, coriis, viminibusque superspersâ terrâ coniectis ad ignem arcendum, atque hæc

hæc tutelæ gratiâ: rotis ac funibus, quibus vehitur juxta muros. Ex ariete, qui non minùs muros machinis nostris igneis evertit, sed difficilis admovetur. Constatat geminis trabibus, ambabus per longum directis, alterâque sub altera collocatâ: Et quæ inferior erat, funibus ac ferreis orbibus à superiore pendebat: hinc inde paxilli, quibus aliæ funes annexæ erant, trahebantque inferiorem trabem, quæ quantò magis retrahebatur, eò majore impetu redibat. Frons ferrea ad tutelam erat, ne ignibus absumeretur, & ut muros perfoderet. Duos habebat uncinos, ut arietis caput referret: Nam neque acuta admodum erat in summitate, ut magis frangeret. Et neque æqualis, ut muri latera disjicerentur: Et cornua non recta ut dum retrahitur, summâ vi lapides secum trahens quibus implicatur dilaceraret celeriter muros. Is aries qui testudinibus inferitur, tricuspis, ne in reditu si cornua haberet, implicaretur lateribus testudinis basim traheret. Solebat autem malleolis obnoxius esse. Erant etiam malleoli in modum sagittæ cum acuto ferro, inter tubum & hastile: materia erat bitumine, resinâ, sulphure, stupâ, oleoque incendiariorum constans quæ accensa materia extingueretur: ubi ad-




hæserat infixo ferro, aquâ ignis non extinguebatur: sed terrâ solum. Erant qui secula medullam adjicerent Asini haud commodi ad emittendum quod (ut dixi) rectâ non emitterent, & etiam vi tantâ, ut fulmen imitarentur. Porro testudines octo rotis insiscebant, majores etiam pluribus: quæ in unamquamque partem versatiles essent. Id fiet, si axis in axe rursus contineatur veluti rotæ A. B. vertantur circa axem C. D. machina axi infideat per E. F. infixam trabem; Sed cochlea sit in F. in qua vertatur quoties machinam verti oportuerit. Ita enim directis aliò rotis ac temone, qui ad perpendicularum infixat axi, vertetur machina quocunque libuerit. *Idem.*

res etiam pluribus: quæ in unamquamque partem versatiles essent. Id fiet, si axis in axe rursus contineatur veluti rotæ A. B. vertantur circa axem C. D. machina axi infideat per E. F. infixam trabem; Sed cochlea sit in F. in qua vertatur quoties machinam verti oportuerit. Ita enim directis aliò rotis ac temone, qui ad perpendicularum infixat axi, vertetur machina quocunque libuerit. *Idem.*

Cuniculorum igneorum, quos minas vocant, struendorum ratio.

Porro eadem quæ machinarum, sed admirabilior cuniculorum ratio est. Hujus tam atrocis inventi author fuit *Franciscus Georgius Senensis*. Docuit hic Hispanos arcem Lucillianam juxta Neapolim, quam Galli tuebantur, nunc Ovum vocatam, evertere, æde illius sacra cum Gallis qui intus erant, etiam in mare ex monte translata. Ergo cùm arx minimè in monte jacet, videturque ob situm inexpugnabilis, cuniculum effodiunt obliquum, altitudinis quatuor cubitorum, latitudinis duorum: Nec multum refert obliquitas, dum procul fueris: Sed cùm ad locum quem subruere destinas, perveneris, obliquum specum esse oportet, ut juxta A. tum verò ibi etiam solidam montis substantiam, ne vis ignis conclusi raritate loci evanescat: Inde locus ille totus fermè completur pyrio, eoque tenuissimo. Funis verò deducitur ex A. usque ad specus B. hic juxta A. ubi pulvis est, crassus ac latus in modum



floci. Totus autem funis aceto, sulphuri, halinitro incoquitur: Inde intectus pyrio pulvere siccatur in Sole: Denuo siccato inspergitur tenuissimus pyrius pulvis, & harundine circumvestitur ab A. usque ad B: Inde cuneis, lapidibusque C. ostium, & usque ad D. clauditur adeò diligenter, ut solius harundinis locus relinquatur. Igitur accenso B. funis initio, celerrimè ob pyrium pulverem ignis usque ad A. permeat, accenditque pulverem totum: Cumque cuneis & lapidibus obstructus locus sit, nec si extrudantur ullus pateat, quia E. non est in directo A. nec D. in directo C. nec B. in directo E. D. necessarium est ut disrupto

disrupto monte, quicquid superius est, evertat, totam montis molem concutiens. Ob id viam B. A. non brevem esse oportet: nec locum A. aliqua ex tenui montis parte, ne qua tenue esset obstaculum ignis erumperet, superioremque illæsum relinqueret. Obliquitas igitur tanti miraculi causa est, ut etiam montes disrumpantur. *Idem.*

Pulvis citò ac vehementer ardens.

Pulvis etiam qui facillimè ardet, & cujus flamma vehementer exurit, constat pyrio pulvere, & tertia sulphuris & Græcæ picis parte. *Idem.*

Pulvis pyrius absque strepitu sphaerulam eiciens è machinis.

Ergo quod ardet tenuissimum, & siccissimum esse necesse est, ut palea, aqua ardens, pyrius pulvis. Sed in hoc aliquid est terreum, propter quod Halinitrum, ideoque strepitum edit. Conati sunt ob id quidam detracto halinitro pulverem componere, qui sine strepitu sphaerulam emitteret. Quod sic lentè, & sine magna vi fieri potest. Atque hunc Brassavolus refert Ferrariæ ducem invenisse, sed qui sine impetu, ac ad XII. fermè passus tantum extenderet ictum: cum magna autem vi (ut dixi) est impossibile. Detracto enim halinitro, adhuc adeò elaborare poterit pulvis pyrius, ut sphaerulam emittat, & sine strepitu. Sed universum, quantum è strepitu, tantum ex impetu detraxeris.

Aliud ad idem.

Quòd pyrius pulvis strepitum edat, causa est ejus craftitiei adscribenda: Nam quò grana majora & duriora fuerint, tantò majorem edit pulvis sonitum. Ut ergo pulvis pyrius sine strepitu globum extrudat, pulvis ipse conteretur subtilissimè. *Felix Platerus D.*

Pulvis pyrius in bellicis instrumentis mira operans.

Si quis in vulgarem pulverem duodecimam Argenti vivi partem, Marchasitæ tantundem, & Colophoniam, rectè pertunderit, & permiscuerit: hoc pulvere si bellica

repleverit instrumenta, ubi ignem admoverit, ingenti fragore diffilit machina, ut adstantium multos interimat. Contrà autem si in pyrium hunc pulverem combusta papyrus immisceatur, vel quod idem explebit, vulgaris fœni feminis duplum, si optimè trita immisceantur, validissimam vim retorquet, ut nec flammam, nec strepitum tam validum emittat: tali pulvere mira ingeniosus cogitabit experimenta. *Porta.*

Pulvis pyrius optimus.

Rec. Salis petræ libram j.

Carbonum tiliaë, vel juniperi unc. iij.

Sulphuris unc. ij. drach. ij.

Triturentur minutissimè, humectentur, & per cribrum in grana formentur. *Lucas Rbor.*

Pulvis pyrius sine strepitu.

Rec. Pulveris pyrii communis.

Boracis ana unc. fem.

Seminis fœni drach. ij.

Borax & semen pulverizentur minutissimè, & cum pyrio pulvere misceantur. *Innominatus.*

Ratio muniendarum Urbium.

Sed hæc mittamus, ad diversarum artium subtilitatis argumenta transeundum est. Quinque ex architectura mihi assumere volo. Primum quidem Urbium munitiorem: Constat hæc triplici arte, prohibendo, repulsa, securitate defendentium: Nec est præter id invenire quicquam. Prohibemus tribus scilicet, aqua, fossa, muro. Fossa difficilem facit accessum, ad propugnandum non parum ob descensum, sed ob ascensum longè magis: Ob id præceps esse debet utraque ripa, sed maximè quæ juxta urbem est aut oppidum: latitudo passuum XL. profunda multiplex: Nam si triplicem feceris, non solum inexpugnabilis, sed desperationem affert his, qui expugnare nituntur. Hæc habebat septem passus scaturientis aquæ: quoniam quæ nascitur intercipi, nec tolli ulla arte potest. Dum verò assistit ingredientes mergit, lubrico pede facto, & graves aqua prohibet ab ascensu: prohibet & cuniculos ut vix effodi possint: at his muri subruuntur. Accedit quod

quòd injecta dissipat ac dissolvit: prohibetque ne ignis injectus grassetur in murorum perniciem. Muri crassitudine XXX. passuum cæmento tenui, lapide latericio, exterius vivo, duro, ac in rotundam figuram paululum prominente. Muri enim simplices in singula brachia (hoc enim genus mensuræ explicatum est) lateres apud nos XX. contineat: mediocres autem XXXII. ut crassilii. Altitudo illius passus centum: Nam decem sub fossa, LX. ad summum fossæ, XXX. autem suprà, aggere intus crassissimo fulciatur. Hæc in oppidis, minora Urbibus sufficiunt, in quibus præsidium est in milite. Si tamen adsint reddetur Urbs ipsa omninò inexpugnabilis. Repulsa constat aggeribus ac turribus in singulos CC. pedes, muro in medio recto, sed superius in orbem inclinato: Nam sic nec prohibet ictus turrium, hostis ignei globi inanes redduntur. Summa muri pars rotunda, ne disjecta machinis frustra occidant defensores. In interiore parte canalis, per quem tutò ire possint custodes. Terra quoque in imo cavata, ut sonent ictus cuniculos fodientium, & milites securè obambulare possint. Fornicum ratio sic constet: ut rotundior est, eò firmior, usque ad perfecti circuli figuram. Crassiores ab imo, & ut magis adscendunt tenuiores usque ad apicem. Latera utrinque ubi sinuari cœperint, ex latis tenuioribus lateribus consent, ut frequenti futura compages magis cohæreat. Fundamentum prominet, & si muro insistat, exciditur murus ut putei instar fundamentum fornicis suscipiat ac retineat. Illius crassitudo muri comparatione sesquilatera esse debet. Sed adhuc firmior & crassior qui substernitur. In singulos C. passus stercoraria cloaca puteusque: Nam aquæ necessitas abscedere cogit milites & utilitas adversus ignes, & ut fervefacta in caput hostium projiciatur, mille quoque alia comoda præbet. Stercus aërem corrumpit. Viæ verò plures è muris occultæ ad intima civitatis multa arcent inconvenientia, commodumque militibus defendentibus ingens præbent, nec causam recessus illis relinquunt. Aliæ verò quatuor aut quinque occultæ omnibus præterquam ipsi Principi ad quinque M. vel etiam longius in lucos densos, & quos succidere jam longa consuetudo prohibeat finiantur. Pulchrè enim hoc facit ad emittendos nuncios, ad annonam importandam ac præsidia inducenda. Ipsi domorum urbis muri alio, ut dixi muro circum-

dentur


dentur ac munientur , nullaque domus promineat. Nuper Bura capta, cum ictu tormenti domus tugurium concidisset, prominebat enim, & civitatis principes, qui in ea ad consulendum coierant extincti sunt. Et dum Galli urbem nostram obsiderent, M. Antonius Columna Camillusque Trivultius simili casu periére: ob idque concisæ illorum vires primò, inde etiam fractæ demum ex Insurbria funditus potentia avulsa est. Ipsarum autem viarum, quæ secretò extra urbem feruntur, usus ad emittendos exploratores, quasi necessarius est. Nec protinus ad hoc auxilium confugiendum, neque tantisper expectandum, donec res perierit, sed sæviente obsidione jam & inopinatò. *Cardanus.*

Pontes ut super flumina construantur.

Sed jam ad aliud subtilius exemplum, nec minus utile transeamus. Ejus author fuit C. Cæsar, ut in quarto de bello Gallico refert. Pontem super Rhenum in decem diebus hac ratione perfecit, quem à paucis benè intellectum docere constituimus. Tigna bina C. litera significata sesquipedali crassitudine, longitudine tanta, ut imo fluminis fixa aquæ superficiem attingant, duorum pedum intervallo utrinque junge. Inde præacuta ab imo machinationibus immissa fistulisque firmata ad fluminis naturam prona ex uno latere figes, sic ut tignorum alterum ripæ proximius sit. Totidem æqualisque similiter juncta æquidistantia quadraginta pedum intervallo in inferiore fluminis parte adversus illius impetum prona defigito, vocenturque F. Supremas juncturas C. & F. trabe latitudinis pedum duorum scilicet pro juncturæ magnitudine junges, binis fibulis ex utroque latere, ex interiore parte tigni in exteriorem, ut singulæ fibulæ singula tigna amplectantur revinctis. Æqualia his atque è directo posita ex altera parte fluminis, sit ut trabs detrahi alteri æquidester construes.

Schema medietatis pontis ab uno latere.

A publicæ superiores adversus flumen B B. publicæ inferiores annexæ ponti C. Tigna bina superiora D. Trabs latitudinis duorum pedum. E E E E. fibulæ connectentes, O. trabem cum tignis superiorib. & inferiorib. F. tigna bina inferiora, similiterque juncta. Has trabses juxta fluminis cursum posita I. multis aliis transversis superpositis invicem



cem etiam connexis jungito: quibus longuriis ac craticulis superstratis pons efficitur. Ad cuius securitatem tigna plurima in superiori fluminis parte prona adversus fluvii impetum, sed tignis longè proniores, totique operi junctæ firmiter defigantur. Ita superiora tigna fluminis impetum & projectas trabes excipient, & ipsa moles ut magis premetur ab undis, mutuo complexu firmior reddetur. Sed hic pons stabi-

lis est, omniq̃ue oneri sufficiens, nec convellendus. Ad celerem fabricam explicabunt solæ funes, & ergatæ, aut pelles inflatæ, aut tigna juncta. *Idem.*

Victoriæ præfagia.

Victoriæ præfagia ex quatuor rebus sumuntur, Cælo, velut cum signum aliquod firmum in cælo conspicitur uni parti proprium: ut crux pro Christianis, Luna pro his, qui Mahumetho addicti sunt. Et ex his, quæ à cælo cadunt, velut fulminibus atque ignibus. Ignes decedentes, cladem: si hastæ ardere videantur, victoriam significant. Verùm à duce observanda sunt somnia, si integer vir sit: qualia erunt, talem docebunt exitum: si probus, videat expressa, velut victoriam, aut fortunam alacriter excitantem ad pugnam: nam Pompei somnium lætum Pharsalicâ clade, non solum falsum, sed exitiale fuit. Ab animalibus verò certius ac frequentius: corvi & vultures quâ parte respiciunt, cladem prædicunt, quod hæc animalia cadaveribus

bus vefcantur. Deteriores apes vexillis infidentes, aut ducis tentorio: nam hoc animal absque vindicta, cum mel fecerit, alvearibus solet excludi, & fumo atque igne pel-
li. Dux etiam quidam Helvetius, novem victoriis clarus, decimam præfagivit adventu canum ex hostium castris in propria, nam deferunt infaustum omen. Equi quoque alacres, & hinnientes victoriam; tristes & lugentes cladem prædicunt. Quædam etiam victoribus solent accidere, quæ clarè illos admonent; vincendos obscurius. *Cardanus.*

Excidii Civitatum signa.

Excidii civitatum signa sunt, armatæ acies in cœlo visæ: apparuerunt tempore Machabæorum bello funestissimo: inde sub excidio Vespasiano ad id bellum destinato. In Germania quoque visas ferunt, sed non continuis diebus. *Idem.*



DE SECRETIS

ARTIUM MECHANICARUM.

LIBER XVI.

Duobus libris præcedentibus artium & scientiarum quas liberales appellant Secreta expeditivimus. Ut autem hæc Secretorum doctrina perficiatur, de mechanicis Artibus nonnihil hoc libro docendum est. Vocantur verò mechanica Artes, quæ manuum & instrumentorum usu, opus suum depromunt, qualis est Ars molitoria, fabrilis & similes, quarum secreta, quæ quidem occurrerint, paucis hinc referemus.

DE MOLITORUM SECRETIS.

C A P. I.


Instrumentum mirabile ad cribrandam farinam.

ETSI hæc quasi parerga dicta videri possint, ut ta-
men

men artificiosam hominum inventionem edoceam, quæ ab aëris natura ortum sumsit, pulcherrimum instrumentum, quo farina cribratur, à triennio citra inventum edocere statui, ut simul intelligant homines, quàm levibus rebus, modò sint ingeniosæ, opes liceat comparare. Nam nunc cum pistorum omnes utilitatem habeant, ille verò privilegium consecutus sit à Cæsare, ne quis habere possit præter ejus consensum, vitam ex hac agit industria, & adeò brevi tempore sibi domum ædificavit. Neque enim pistorum soli, sed collegia Sacerdotum, & virginum Deo sacrum, & nobiles quicunque familiam magnam alunt, ob egregiam utilitatem, ne dicam necessitatem habent: plures etiam alii, quos non tam utilitas, quàm ipsa rei admiratio incitavit, fieri curavere. Hæc autem ipsius est structura. Rota est B. parvâ, in cuius extremo ambitu A. manubrium quo circumagi possit: Hæc duo extra machinam protenduntur. In rota circumvertitur, cui C. duo denticuli lignei ex adverso positi, aliique proximi duo, & ipsi ex adverso positi, verum quasi intermedio loco priorum, ut cum semel rota circumagitur, quater tangat lignum latum, imò tabellam D. E. utrinque suspensam capsulæ: ut rota vertente, tabella tremulo motu dum denticulis tangitur perpetuò agitur. Porro lignum C. & tabulæ pars parva capsula circumteguntur: Ligno seu tabellæ D. E. superstat cribrum pollinarium F. G. obliquè pendens, & ex G. appensum in H. ne excidat: hoc tenuibus tabulis imò tenuissimis ac levissimis undequaque constat, præterquam in medio ubi cribro farina excutitur: Nam ut solet pars ea telâ lineâ constat. Capsa hæc omnia undequaque conclusa continentur. In cuius supremo capsula K. jacet, atque in ea quadrata quasi lignea patina levissima, in qua farina jacet: Hæc sic suspensa est, ut facile concuti possit: Concutitur autem funiculo ei annexo altera rotæ parte, dextra scilicet juxta B. Memineris etiam cribrum F. G. utroque ex capite patere, supremo ut farinam excipiat à patina: infimo, ut furfur ejiciat ex G. Tota autem capsula trifariam dividitur in LMN. erectis septis ex tenuibus tabulis firmis ac omnino immobilibus. Potest & si libet, quadrifariam dividi. Hoc igitur constituto cum circumagitur B. rota, funiculus concutit patellam, & denticuli tabellam. Patella excutit farinam in cribrum F. G. tabella cribrum

con-

concutit: inde fit ut tenuissimus flos farinæ primo excutiat^{ur} cadatque in N. M. parte capsulæ: descendens verò cum vehementius agitur, pars inferior excutitur alia minus sincera in L. M. inde ultimo descendit per os cribri infernum G. furfur totius in L. O. atque ita tria seorsim colliguntur, flos farinæ in M. N. farina crassa in L. M. furfur




in L. O. quæ verò circumvolat farina tota, necessariò iterum redit in locum suum, ut nihil penitus pereat, quoniam capsula nullibi transpirat. Oportet autem (quod ipsa ratione facilè percipis) F. G. cribrum non nimis esse acclive: Nam farina usque ad G. perveniret, & cum furfure ejiceretur. Quamobrem si septum L. usque ad os cribri transtuleris, vel aliud septum ut in Padellæ eris, simul etiam paululum, ut vides, os ipsum G. superius recurvaveris, ne
vel

vel oboli jacturam feceris farinæ. Nunc quanta ex hoc sequantur instrumento commoda, intellige. Primum, unius hominis labore, qui rotam versat, & farinam imponit patellæ, & cum loci pleni fuerint, cribratam colligit ac furfur trium cribratorum vices supplet. Secundum est, quod ad hoc opus cum neque adeo sit laboriosum nec noxium, quilibet sufficere potest, utilesque geruli habentur, qui longè minore precio cribratoribus conducuntur. Tertium quod tota farina colligitur, nec quicquam perit, cum in cribrantibus necesse sit ob manuum motum ac brachiorum pati tormina, quantum diduci brachia valent, eaque causa farinæ non parvam partem perire. Accedit quo lineum cribrum cum solum tremat, non adeo atteritur, imò longè minùs quàm dum farina ab hominibus cribratur: nam illos concutere, ut solent, cribrum vehementer est necessarium. Facit & ad compendium, quod farina exquisitius excutitur, ut furfur omnino purum sit. Hæc omnia citrà domus fœditatem & hominum jacturam, atque incommoda. Natura etiam instrumenti duplicem aut triplicem farinam distinguente, quod à cribratoribus nisi conjecturâ incertâ primò, deinde etiam instabili, fieri non potest. *Cardanus.*

Molendini venti structura.

Neque præteribo quod adeo est admirabile, ut antequam viderem, credere non potuerim: Et neque narrare, tam vulgatum esse absque levitatis crimine possum. Sed vincant jam studia sciendi, verecundiam. In Italia igitur non paucis regionibus, & in Gallia passim molendina fiunt, quæ ventorum flatibus circumvertuntur: Atque adeo vehementi impetu, ut tres equos cum equitibus circumagere possent. Adeoque præsentī utilitate ut modios VIII. Mediolanenses in singulas horas, id est, libras circiter ter mille frumenti molere possint. Tantā verò industriā fabricatum hoc opus, ut cum cessat etiam ventus, quasi sponte adhuc circumvolvatur. Cum multa vidissem, unius tantum quod juxta Sanctum Maturinum vidi diligentius, dum iter istud diuturnum ac longissimum perago: Pro exemplo machinæ enarratio sufficiat. Statuatur rectius cardo multisque tignis sustentus A B. super hoc machina tota suffulciatur. Tignum è regione januæ C D. quo tota machina ad libitum circumvertitur. Sic verò aptatur, ut ventus ex obliquo, non à fronte, nec à latere petat pinnas affixas intrusasque trabi

rotundæ E. F. ex adverſo januæ prominenti atque verſatili. Pinnæ igitur binæ ac binæ è directo ſibi junctæ ſunt, parumque diſtantes invicem, non tamen eidem trabis loco infixæ, prominent ad terram uſque firmè, tanta eſt longitudo illarum. Quælibet ex duabus ſuperficiebus conſtat, quarum ſingulæ continent quatuor aut quinque latitudinis



palmos, telaque extenſa complentur. Superficies verò ſuperior G H. retrorſum reſpicit paululum, ut anterior K L eſt æquidiſtans ſuperficieſi poſtremæ machinæ (ut igitur aer premit ſuperiorem pinnarum ſuperficiem quæ æqualis eſt inferiori, tota rota, atque cum ea aliæ, quæ intra machinam continentur, circumaguntur. Nam ſi pinnæ ad perpendicularum erigerentur, ſupra machinæ ſuperficiem, & ſecundum E F. longitudinem, ſic ut ventum exciperent, quemadmodum rotæ aquarum, & vela, tantum impedi-menti rota ex ſuperiore pinna, quantum impetus ex inferiore. Itaque hac ratione factum eſt, ut aëre premente ſuperficiem G H. directè rota verſaretur K L. Cur autem etiam ſine vento circumducatur firmè, cauſa eſt motus jam inchoatus & acquiſitus impetus, quo verſatur moles ad æquilibrio exactè conſtituta: ut de annulo alias dixi. Sed & ventus licèt inferiùs ceſſaſſe videatur, ſuperiorem tamen pinnam pulſat. Hæc igitur diligentius explicaviſſe volui. *Idem.*

DE ARTE PISTORIA.

CAP. II.

Panis, qui diu incorruptus maneat, conficiendi ratio.

Verum ut ad principale institutum revertar, generalis ratio fervandi est exiccatio: Siccata enim diutissime servantur: adeo ut panis biscoctus per annum, quandoque integrum servetur: namque (ut alias demonstravimus) omne quod putrescit, propter humidum quid putrescit. Subducto igitur humido aqueo, diu manet. Verum cum difficile sit humidum aqueum auferre, quin etiam pinguis humidi aliquid absumatur, eo fit, ut minus aliquando nutriat hic quam communis. Sed & in navigiis humido aquæ totus situm trahit, magna verò ex parte, etiam computrescit, quamobrem & bis, & ter recoquere coguntur, aut corruptum edere. Referunt autem in Sava Insula, quæ CC. millibus passuum à Moluchiis distat, panem confici qui per triennium perduret: non tamen constat, quâ ratione id fiat, sed si ad nostra principia res ipsa reducatur, generalis quædam ratio subduci poterit. Itaque & densum & pinguem esse oportet, & lento igne tostum, immixtis aliquibus quæ naturâ suâ putredini maximè obstant: Verum forsan ad eam metam pertingere non licebit, quoniam aer hic noster aut tenuior est aut humidior Indico illo, aut ex alia causa putredini inducendæ aptior. *Idem.*

Clibanus compendium pecuniæ faciens.

Clibanus ad coquendum multa, simul utilis nunc in usu Mediolani compendium duarum partium è tribus lignorum faciens, quoniam conclusus ignis, triplo efficaciores vires habet. Quadratam efficies formam duorum cubitorum fermè latitudine, altitudine unius cum medio è creta lateribusque. Superius quatuor foramina ampla, rotunda pro magnitudine lebetum & patellarum. Superficiem totam superiorem integre ære: Sed ubi foramina adsunt, æs exscinde, fietque frustra hæc pro operculis. Ubi ergo usus erit patellas & lebetes suis locis impones. Ubi opus non est vase, operculum indito, ut clibanus nullibi respiret.

Sub folio superiore cavitas est, ostiolumque quadratum, per quod ligna carbonesque immittuntur: à latere verò multò latius, sed humilior ostium atque in inferiore parte. Medio solo crates ferrea simplex, per quam cinis demittitur: Constat itaque ostium per quod ligna immittuntur, in parte superiore esse, reliquum autem in inferiore. Coquantur & in veru carnes, propositis cardinibus à lateribus ejus ostii, per quod cineres extrahi solent: nam ibi pruna torret carnes, & flamma in superiore folio, si aptetur rota, circumagitur verua. Verum tunc cum exhalare eam oporteat, non tantum fit compendium lignorum. *Card.*

DE ARTE COQUINARIA.

C A P. III.

Carnes ut diu servantur incorruptae.

CARNES verò servari incorruptas, inter montes Indiae occidentalis tam diu referunt, ut supra fidem sit: Nam juxta Cuzcum urbem equos post quartum mensem occisos licet, adeò esse recentes, ac sine odore tetro ullo, velut si nuper essent occisi. Causam esse reor non solum frigiditatem, quæ quamvis maxima sit hic, tamen cum majore non tam diu servantur. Est igitur & aer tenuior & falsus, forsan & cibi media aliquid contulerant. Corruptuntur enim carnes in aqua celerius quàm in aëre, quia aer tenuior est, si cætera sint paria. Et rursus eadem ratione caro diutius servatur, si æreus clavus infigatur: quoniam vis sulphuris siccatur illam. *Idem.*

Carnes coctæ ut crudæ videantur.

Carnes quoque coctæ crudæ videntur insperso agnino sanguine sicco. Solvitur enim, & carniū colorem mutat.

Carnes ut citò tenerescant.

Victimæ cæsorūque animalium carnes perquam celeriter tenerescunt, & fragiles efficiuntur, quæ in fico pependerit. Cujus rationem in Symposiacis petivit *Plutarchus*. Cum inter obsonia Aristonis (inquit) coquus immolatum Herculi gallinaceum gallum recentem, tenerum ac pene friabilem obtulisset: tam citam teneritudinem fico referebat *Ariston*, contendens jugulatas aves etiam præduras teneri-

teneritudinem contrahere, quæ pensiles fico adhæserunt. Causam adfert quòd auram, halitumque vehementem ac digerentem exspuat ficus, quo carnes desiccantur ac concoquuntur. Idem etiam continget, si tritici acervo obruantur: aut penitus demergantur. *Mizaldus.*

Ut carnes imputres serventur.

Si clavus ex ære chalcitide conflatus suillis, corvinisve carnibus infigatur, eas à putredine illibatas, stiptica exsiccanda facultate diu conservant, Plutarcho authore. Quod certa experientia noverunt metallorum fossiores qui in scaptenfulis versari solent: neque ea de re, inquit Langius, hæsitabundum facta fide confirmarunt. *Idem.*

Ut dissecta caro iterum coalescat.

Symphyti radices, quæ foris nigrae sunt, intus candidæ & glutinosæ, unâ cum concisis carnibus ipsis coquantur & scelererrimè jungantur, ut incisuræ non videantur. *Alexius.*

Ad accelerandam carniū cocturam.

Sunt qui pro comperto scribant, melonis frustulum olivæ immissum, celerem carniū cocturam juvare. Quod etiam præstare ajunt urticæ aut sinapis semen, aut ficulneos cauliculos. *Mizaldus.*

*Caro annosa & pervetusta ut citius elixetur,
& tenerescat.*

Hippolapathon, à nonnullis patientia dictum (Est autem olus culminosum foliis amplis, ac prælongis, caule ubi maturuerit rubicundo, radice flavescenti) coquatur unâ cum carnibus atque eduliis, & tenerescant, esuique apta reddentur. *Alexius.*

Ut Pavo coctus vivus videri possit.

Necatur Pavo, aut pennâ supernè in cerebrum immisâ, aut jugulatur ut hæduli solent, quò sanguis exeat à guttore, deinde usque ad caudam pellis leniter scinditur, scissaque cum propriis pennis à toto corpore ad caput trahitur, quo abscisso cum pelle reservato, cruribusque, Pavonem ipsum aromatib. ac odoriferis herbis refertum veru assabis,

infixis tamen prius per pectus garyophyllis, involutoque collo lineo albo continuè aquâ humectato, ne omnino deficcetur. Coctum pavonem ex veru exemptum, propria pelle integes, & ut pedibus stare videatur, virgulas ferreas infixas tabulæ ad hoc fabrefactas per crura, ne cerantur, per corpus ad caput & caudam adiges. Sunt qui ad ludum & risum, camphoram cum lana ori induunt; ignemque ubi ad mensam fertur injiciunt. Inaurare etiam pavonem assum, & aromatibus conspersum bracteis aureis licet, ad voluptatem, & magnificentiam. Idem etiam fieri de phasianis, gruibus, anseribus, capis, ac cæteris avibus potest. *Porta.*

Ut Regulus seipsum in veru torreat.

Maximè mirandum est Regulum aviculam, veru ligneo perquam tenui infixum, semetipsum torrere, & circumvertere. Sed lignum illud ex Corylo recenter extractum esse oportet, quod annotavit Cardanus. *Mizaldus.*

Ut Pullus celeriter coquatur.

Licebit etiam admonere, quòd Nux juglans pullo inclusa, illum ad celerem coctionem perducit. *Idem.*

Anser jam vivus excoctus.

Sit Anas, vel Anser, aliudve vivacius animal, sed in hoc anser omnibus antestat, colloque relicto toto sit implumis corpore, sit hinc inde obvallatus igne & circumseptus, non largè, ne impunis evadat: intus passim pocilla, & ollulas aquæ plenas, cui sal & mel adjiciantur, ibique lances elixatis malis sint plenæ, & tessellatim disco concisis, ipse totus liquamine obductus, & laridatus ut esculentior sit, & facilius decoquatur, ignem admove festinare nolito, ubi calore effervere cœperit, circumambulando & fugiendo, præsepit ignis & iter includit: Sic improbus aquam absorbendo, compescetur. Cor cæteraque membra refrigerando, medicamenti vi laxat alvum, abstergit & exinanitur: Et ubi inferbuerit, interiora decoquet, spongiâ continuò cerebrum, & cor humectatur: ubi verò insaniâ ferri, & cespitare conspexeris, deficit cordi humidum, depone, convivis appones evulsis semper partibus vociferantem, ut ferè prius commessetur, quàm mortuus videatur. Nec visu injucundum. *Porta.*

*Muræna eodem tempore frixa, elixa,
tostaq.*

Murænam primo panni attritu excruciatam veru infigas & elixas, ac frixas quasvis partes ter, quater lineis obvolvas linteolis, insperfo in vino pipere, in elixo petroselinò, croco, mentha, fœniculo, & passo contulis, aquâ & sale, vel jusculo madeant, frixas oleo ad ignem volvi jubebis, fasciculi aspergine Origani semper humectando, ubi pars jam fuerit torrefacta, remove & optimum erit obsonium, epulaturis præbeto. *Idem.*

Ut Pisces charta frigrantur.

Ex charta simplici frixorum vas efformato, ibi oleum & pisces ardentibus prunis, quibus flammæ desint, imponantur, & citius & commodius expediet. Nec superpondii modo addere pigeat, quod fortasse scisse non obfuerit: Sic

Pipionem exossẽm reddes,

Si exenteratum acri aceto per naturalem diem fines bene lotum, & aromatibus repletum: elixabis, vel affabis, sic eis caret, ossa ut simul mandi possint. *Idem.*

Aliud.

Atque ea de causa inventum est, quonam pacto non secus quàm in sartagine pisces in charta coquantur. Chartam seligito, quam vocamus papyrum, simplicem, erectisque spondis in modum lucernæ ex omni latere oleum infunde, & antequam exudet super puras prunas absque flamma impone. Nec penetrat oleum, refugiens ignem, nec ardet charta, quia non potest siccari oleo repugnante. Ignis verò non sine extremâ siccitate, nec flamma nec motus attenuare possunt ut ignis accendatur, incalescit tamen sensim mutatis prunis, atque ita fervet, quod mirum videtur, adeò ut impositi pisces coquantur. *Cardanus.*

Piscium præstans conditura.

Pisces sic optimè servabis: friges cum oleo mediocriter, non perfectè: Inde sale asperges tenuis, sic ut saliti non sint, nec insipidi, foliisque Lauri & Myrthi interpositis, postquam paululum siccati fuerint, in cista collocabis. *Idem.*

Ut bonum sinapi paretur.

Extemporaneum & generosum sinapi condimentum, ubicunque locorum fueris, sic tibi comparabis. Habe uncias duas seminis sinapi, cum semiuncia vulgaris cinamomi, quod officinæ canellam vocant. Utrunque in pollicem detritum, & sufficienti aceto ac melle exceptum, in massam seu pastam coge, & ex ea pastillos vel sphærulas finge, & sole, calentēve clibano desiccari permitte. Ubi usus exiget, globulum unum ex vino aut aceto vel alio liquore dilue, ac dissolve, & habebis sinapismum paratu facilem, palato delectabilem, ac stomacho admodum utilem. *Mizaldus.*

Ut brassica non coquatur.

Rectè mihi scripsisse videtur *Paxamus* ex Græcis geoponicis unus, quod si fervescenti & ebullienti brassicæ paulum vini quis instillaverit, non amplius coquetur. Sed suis viribus defuncta, mutato colore corrumpetur. *Idem.*

Ut olla nunquam bulliat.

Scutum seu operculum testudinis fœminæ super olla positum, facit ut illa nunquam ebulliat. *Idem.*

DE ARTE PHARMACOPOEORUM & Chymicorum.

C A P. IV.

Acetum Bezoardicum, Zvingeri.

REc. *Radic.* Angelic. Petasitid. Rhabarb. Monach. Di-
ctamn. alb. Helen. singul. unciam dimid. *Herb.* Al-
liar. Rut. *Summit.* Thym. Lavend. Flor. Keiri. singul.
Manip. semis. *Baccar.* Juniper. unc. sem. *Cortic.* Aurant.
Citr. *Semin.* Aquileg. ana drachm. duas, Camphor. Myrrh.
ana drach. j. Aceti Vini Sambucin. q. f. ad eminentiam sex
digitor. Stent per aliquot hebdomadas in loco tepido,
postea liquor probe imprægnatus filtretur, & usui asserve-
tur. Vires habet insignes tum curativas, tum præservati-
vas in Febribus contagiosis ac pestilentibus, castrensisbus,
ut & in assumtis venenis. Dosis est ad drachm. ij. vel iij.
Exter-

Externè quoque in Nodulo potest Naribus admoveri, vel pro Epithemate frontali in Cephalalgis, aut Pectorali in Lipothymiis calidè applicatum inservire.

Acetum Rosaceum.

Rosarum nondum apertarum & exungularum, ac per aliquot dies exiccata. libræ uni affunde Aceti vini optimi probe filtrati libras 12. Expone in vitro benè clauso per mensem radiis Solis æstivi, tandem exprime Acetum, cui dein novas, si velis, Rosas infundere, similiterque Soli exponere poteris. Vires habet discutientes, refrigerantes, alexipharmacas ac cephalicas. Eodem modo parare licet Aceta destillata Rutæ, Lavendul. Sambuc. Anth. Calend. &c.

Alcabeſt Glauberi, ſ. Liqueur Nitri fixi.

Nitro purissimo repleatur Crucibulum, fortissimum ignem ferens, ad dimidias, imponatur carbonibus accensis, permittite ut Nitrum fluat instar aquæ, tum verò injice aliquid carbonum pulverisatorum, qui strepitum cum nitro excitabunt, & conflictum; quo finito continuetur carbonum pulveris injectio & deflagratio, donec strepitus ex novis injectis carbonibus non amplius excitetur; & Nitrum in crucibulo siccum sub Massâ viridescente in fundo subsideat. Quo facto Crucibulum reponere in loco frigido per 24. horas, ut per attractam humiditatem massa à Crucibulo removeri queat ac dein in cellâ laminæ vitreæ imposita in liquorem deliqueſcat, qui liquor tum filtretur & usui asservetur.

Liquor hic est egregium solvens, antinephriticum, aperiens, antiscorbuticum, quod utiliter purgantibus, aliisque Mixturis inditur. Solvit imprimis Resinas & Gummata, Myrrham, & similia, ut dein ex illis per affusum Vini spiritum tanto felicior & pulchrior Tinctura haberi queat.

Aqua pro delendis Exanthematibus Cutaneis, Willisii.

Dimidia sublimati Mercurii uncia Patinæ stannæ immitatur, hincque affusâ semilibrâ vel integrâ librâ Aquæ fontanæ, vel Aquæ flor. Fabar. aut Sigilli Salomonis, stent 24. horarum spatio, sæpius lignæ spatulâ agitando, & ita liquor nigrescet, qui verò tandem filtratus clarus evadit, qui vitro

U u 5

benè

benè clauso ad usum asservetur. Eo autem liquore *Lichenes*, *Serpigines*, *Pustula scabiosa*, imò & *Ulcera maligna*, *sordida*, *venerea*, bis quotidie lota, ac deterfa persanantur. Quòd si acris fuerit nimis Aqua ista, temperari poterit Aquâ Solani, vel Spermatidis ranarum.

Aqua vel Liqueur Apii Selini, Gallis Eau de Selery.

Rec. Radic. Apii selini recent. cum totâ herbâ q. v. exempl. grat. Manip. iij. Contusis affunde per noctem Aquæ fontanæ quant. suffic. Postea destillentur circiter uncia sex vel octo; seorsim eam Aquam serva pro liquore. Dein Recipe Sacchari albiss. cum Aquâ rosarum ad consistentiam mellis cocti unc. iij. Liqueur Apii superioris uncias octo. Misce probè in vitro, & adde Spiritum vini rectificatum pro lubitu. Servetur hinc usui. Dosis cochlearia duo vel tria in Stomachi & cordis imbecillitate.

Aqua Rhizotico-Propylactica, Zvingeri.

Recip. Radicum Angelic. Carlinæ, Dictamni alb. ana unciam unam, Tormentill. Zedoar. ana unciam semis, Camphor. drachm. j. Pulverisatis affunde Spiritus Vini generos. & Aceti destillat. ana q. s. ad eminentiam trium digitorum, stent ac servantur usui in Vitro benè clauso, pro communi usu ad sudandum, & præservandum ab Aurâ malignâ. Dos. Cochleare unum vel duo cum jusculo.

Aqua Antihectica, Zvingeri.

Mense Majo exemptum è Vitulo nigro Hepar adhuc calens in frustra disseca, cui dein statim duplum Salviæ nobilis recentis pondus, simplum verò Hepaticæ Nobilis minutim concisæ, duasque drachmas Camphoræ admisce, & postquam Cucurbitæ Vitreæ indideris omnia, affunde Vini albi veteris ad pondus omnium; digere per 24. horas in loco tepido, postea destilla per artem. Destillata aqua ad usum asservetur. Dantur ejus cochlearia duo vel tria mane ac vesperti adultis, Pueris autem unicum cochleare propinatur, in Atrophîâ, Hecticâ, Phthisi, Tabe dorsali &c.

Aqua Hysterica, D. Seyeri.

Rec. Succ. depurat. Artemis. Corticum Fabar. Mercurial. foemin. Matricariæ, ana unc. vj. Cinamom. el. Cassiæ lign. Garyoph. Nuc. mosch. ana unc. j. Macis unc. jf. Flor. Lavendul. Anth. Salviæ, Meliss. ana p. iij. Fœcul. Bryon. drach. vj. Extract. Castorei semunciam. Vini Malvatici Libras ij. Infun-

Infunde per septem dies, dein per Balneum Mar. destilla. Sumitur vel per se dosi cochlearis unius vel alterius, vel in Mixturis.

Aqua Theriacalis, Plateri.

Rec. Radic. Tormentill. Bardan. Pimpinell. Morf. Diabol. Valerian. ana unc. iij. Ostrutii, Angelic. Dictamn. alb. Gentian. Serpentariæ, ana unc. j. Cappar. recent. Nucum jugland. recent. ana unc. vj. Herb. Scabios. Verben. Calendul. cum floribus, ana M. iij. Card. bened. Rutæ, Acetos. ana M. ij. Incisis & contusis adde Camphoræ in Aquæ vitæ uncia unâ solvendæ drachm. jf. Mithridatii, unc. jf. Vini alb. optim. M. ij. Aceti rosac. unc. ij. Destillantur in Baln. Mar. atque hinc usui asservetur Aqua, de quâ subinde Cochleare plenum sumatur in qualicunque veneno assumpto, temporibus contagiosis, in Colicâ &c.

Aqua Cinamomi Buglossata, Officinarum.

Rec. Cinamom. opt. libram dimidiam, Herbar. & Flor. Bugloss. unc. ij. Meliss. Flor. Borragin. ana unc. j. Aqu. violar. optim. Aqu. Rosar. fragrant. ana q. s. vel libras quatuor. Misce & post aliquot dierum digestionem destilla in Balneo Mar. Sumitur per Cochlearia, & Mixturis commiscetur ad Spiritus refocillandos, vires restaurandas.

Aqua Cordialis vel Cardiaca Usualis.

Rec. Aqu. Ceras. nigror. Rosar. Borragin. Bugloss. Flor. Violar. Flor. Til. ana drachm. vj. Cinamom. sin. vin. unc. j. Corn. Cerv. phil. ppt. scrup. j. Corall. rub. præpar. gr. x. Confect. Man. Christ. perl. drachm. quinque. Misce, detur ad Vitr. Sumitur per Cochlearia.

Aqua Diuretica, Zvingeri.

Rec. Radicum Asparag. Filicis, Aquilegiæ, Ononid. Pimpinell. Saxifrag. Apii, Ireos nostr. Vincetoxic. ana drachm. iij. Herb. Anserin. Cherefol. Ulmaria recent. ana Man. j. Bacc. Juniper. Alkekeng. ana Man. f. Semin. Anis. Aquilegiæ, Fœnic. Dauc. Genist. Petroselin. ana drachm. ij. Nucleor. Persic. & Cerasor. ana unc. ij. Incisis & contusis affunde Aquar. Gramin. Ononid. Flor. Sambuc. Plantag. Vini alb. tenuis optim. ana libras duas, Succu Citri unc. iiij. Stent per biduum vel triduum in leni digestionem bene clausa. Dein stilla lento igne in Balneo Mar. Dosis est ab unc. f. ad unciam integram, vel sesquiunciam.

Aqua

Aqua ad Auditum, Plateri.

Rec. Fellis bovis unc. XXIV. Rad. Porri, Raphan. Cepar. ana unc. iiij. Castor. drachm. j. F. Infusio per aliquot dies, dein destilla per Balneum Maris. Subinde aliquid hujus Aquæ bombace exceptum Auri calidè inditur, in Tinnitu, Barycojâ, & Otagiâ.

Aqua Vitæ cum Castoreo Officinarum.

Rec. Herb. Salv. Meliss. Ocym. Rutæ, Anth. ana Man. 5. Nuc. Mosch. Cort. Citr. Zingib. Garyophyll. Cinamom. Cardamom. Cort. aur. ana drachm. ij. Castor. drach. j. f. Spiritus Vini Mens. j. M. F. Infusio per aliquot dies, dein destilla s. a. per Baln. Mar. & serva ad usum.

Aqua Stomachica rubra, Zvingeri.

Rec. Spirit. Anis. unc. XL. Santal. rubr. pulv. drach. vj. M. F. Infusio per aliquot dies, postea filtra, & adde Syrup. Cydon. unc. iijs. Aquæ Cinamom. bugloss. Saccharo probe edulcoratæ unc. iiij. M. D. ad Vitrum. Dari potest cochleatim in Stomachi imbecillitatibus, Colicâ flatulent. Vomitibus.

Aqua Cardiaca, Officinarum.

Rec. Aqu. Borrag. Ceras. nigr. Meliss. Flor. acac. Violar. purp. ana unc. j. Cinamom. Flor. Tilix ana unc. ij. Rosar. unc. j. Julep. rosac. unc. vj. M. D. ad Phiolam.

Aqua Antasthmatica, Zvingeri.

Rec. Rad. Helen. Cariophyllat. Aristol. rot. ver. Ireos flor. Liquirit. Mutellin. ana unc. dimidiam, Fol. Hederæ terr. Hyssop. Bell. min. cum Florib. Veronic. Flor. Papav. rhead. Keir. ana Man. j. Baccar. Juniper. Laur. ana drach. ij. Jujubar. Dactylor. Sebesten. Pinear. Amygd. dulc. rec. excort. ana drachm. iiij. Ficum pingu. unc. j. Semin. Fœnic. unc. semis. Semin. Urtic. Nasturt. ana drach. ij. Cinam. elect. Cassi. lign. ver. Mac. ana drach. duas. Vini Malvat. Spirit. Vini simplic. ana Libras iiij. Aqu. Veronic. Hyssop. ana libr. ij. Incis. Contus. atque Mixta stent per aliquot dies Infusa in loco tepido, postmodum destilla per Baln. Mar. & Aquam in Vitro probe tecto asserva.

Aqua

Aqua Anticolica, Dorncreilii.

Rec. Radic. Calam. arom. ver. unc. j. Galang. drach. iij. Flaved. Cortic. aurant. unc. iiij. Cinam. elect. drach. vj. Semin. Anis. Fœnic. ana drach. iij. sem. Cumin. drachm. vj. Bacc. Juniper. rec. unc. dimid. Bacc. Laur. drachm. iij. Pulveriscentur subtiliss. & infundantur in Vini Malvatic. optim. libris sex. Stent in loco calido per 6. dies, dein destillantur in Baln. Mar. igne lentissimo, & servetur ad usum in Vitro probè clauso. Valet in Colicâ flatulentâ, & à Pituitâ frigidâ oriundâ. Dos. à drachm. ij. ad unciam unam vel per se, vel cum Aquâ carminativâ aliquâ.

Emulsio contra Ardorem Urinæ, Zvingeri.

Rec. Amygd. dulc. rec. excort. Granor. Pini. ana unciam semis, Semin. 4. frigid. major. ana drachm. ij. Aqu. Portulac. Fœnic. ana uncias ij. Aqu. Rosar. unc. j. Decocti radic. Liquirit. Libr. j. Sacch. alb. Syrup. de Alth. Fernel. Syrup. Viol. ana unc. j. f. M. F. l. a. Emulsio, de quâ singulis trihoriis vel quadrihoriis unciae tres hauriantur.

Balsamum Vulnerarium, Zvingeri.

Rec. Radic. Aristol. rotund. ver. Bistort. Ulmar. Rhabarb. Monach. ana, unc. sem. Herb. Sanic. Pyrol. Geran. Robert. Lichen. petr. Ophiogloss. Summit. Gallii lutei, Hyperic. ana Man. sem. Flor. recent. Meliloti hortensis odorat. Manip. j. Flor. Verbasc. Calth. palustr. ana p. ij. Semin. Loti. hortens. odor. drachm. iij. Lumbric. terr. unc. ij. Cochlear. rubr. num. iiij. Incis. & confusis affunde Olei Nuc. Jugland. libras iij. Ol. Hyperic. simplic. libr. j. Vini rubr. boni libr. j. f. Coque leni igne ad humiditatis aqueæ consumptionem, dein exprime fortiter, expressoque Balsamo adde Myrrh. optimè pulverisatæ unc. j. f. Mastich. pulveris. unc. j. Terebinth. Venet. lot. unc. ij. Digere adhuc parum, donec omnia in Balsamum conversa sint rubicundum, externo usu probatissimum.

Balsamum Ophthalmicum, Zvingeri.

Rec. Butyr. recent. non saliti Vini albo probè loti uncias duas, Axungiae Serpent. Aqu. rosar. lot. unc. j. Antimonii diaph. Lapid. calam. præp. ana drach. ij. Tut. præp. Mercur. præcip. alb. ana drachm. j. f. M. F. Balsamum,

mum, d. ad Fictil. Valet mirè in Ophthalmiis, oculorum ungue, Uveæ procidentia; si mane ac vesperi, vel sæpius magnitudo pisi majoris oculo immittatur, vel etiam Palpebræ dolentes, ac rubicundæ prurientes eo inungantur.

Candela fumantes Regia.

Rec. Carbonum Tiliæ leviss. unc. xvj. Asæ dulc. Styrac. calam. ana unc. semis. Balsam. Peruv. drachm. iij. Tacamahac. select. Ladan. pur. ana drachm. j. f. Mosch. orient. spir. rosar. solut. Ambr. gryf. ana gr. xxiv. Zibeth. Olei destill. Thym. ana gr. xij. Cum Mucilag. Gummi Trag. Aqu. Rosar. fact. f. Candelæ minores in Umbrâ siccandæ.

Cauterium indolens s. Pyrapyron, Zvingeri.

Rec. Albi crudi sive Calcis vivæ part. ij. Rubri cocti sive Minii, part. j. Nigri unctuosi f. Saponis nigri q. f. M. F. Pasta, formentur inde Pilulæ, quibus recentibus adhuc utere; eas scil. saliva madefactas applicando ad locum corrodendum; operantur lentè, sed indolenter ac tutè.

Aqua Ophthalmica, Zvingeri.

Rec. Roris Majalis Mens. ij. Succ. Rutæ unc. iij. Misce & digere in Vase clauso sub Radiis Solis per 5. vel sex hebdomadas, post filtra, & Liquori filtrato adde Lapid. Calamin. præparat. Antimon. diaph. ana unc. semis, Camphor. Sacchar. Saturn. ana drachm. j. f. Misce probè, atque denuo in Solis radiis per aliquot hebdomadas digere; dein serva ad usum: & ubi eadem uti velis, probè prius agita. Calefit autem leniter, linteola Aquæ immersa in Oculum exprimuntur, Oculoque dein calidè applicantur.

Decoctum Vulnerarium, Zvingeri.

Rec. Herb. Sanicul. Pyrol. Alchymill. Hepat. nobil. Artemis. Lichen. petr. Clemat. Daphnoid. ana M. j. Flor. Ros. rubr. Bell. min. ana Manip. dimid. Incisa tenuiter misce ad ch. Hujus autem mixturæ herbarum Manipulus in libris duabus Vini albi veteris, ac totidem libris Aquæ coquitur per horæ quadrantem; De Colaturâ postmodum mane, vesperi & noctu unciz tres vel quatuor bibuntur; atque profunt in Vulneribus, Ulceribus externis, internisque detergendis, mundificandis & consolidandis. Sanguis

guis etiam Salino-Acido Scorbuiticus inde corrigitur, elutriatur atque edulcoratur; Decoctum proin utile in Scorbuto, Arthritide, Nephritide, Phthisi, & Hectica qualicunque.

Infusum Emmenagogum, Zvingeri.

Rec. Limat. Chalyb. unc. sem. Cinam. opt. drachm. ij. sem. Fœnic. Flor. Salis armon. ana drachm. j. f. Croc. orient. scrup. ij. Macis drachm. dimid. Summitat. Majoran. Roris mar. Artemis. Flor. Beton. ana Manipul. dimid. Incisis & contusis affunde Vini albi Veteris vel Rubri tenuis optim. Libras ij. Aquæ destill. Gramin. libr. j. Digere per quadriduum in loco tepido, quotidie agitando. Tandem Colaturæ adde Syrupi de s. Radic. & Capillor. Vener. ana unc. j. f. Detur ad Vitr. De hoc Infuso sumantur quotidie mane ac vesperi bihorio ante pastum tria vel quatuor cochlearia. Ciet Menses, emendat Cachexiam, medetur Chlorosi & Leucoplegmatæ, Urinam movet, Cordis palpitationem emendat.

Liquor Stypticus, Dolæi.

Rec. Alumin. Crud. Vitriol. Mart. Sacch. Saturn. ana part. æqual. Misce contusa invicem, & affunde Aceti Vini opt. Liquor. terr. sigillat. cum Spirit. Vitriol. ana part. æqu. & quant. suff. Digere, filtra. Dosis à gutt. 10 ad 30.

Essentia Ambraë liquida, D. Henr. Scretæ.

Rec. Ambr. gryf. drachm. j. Mosch. Orientalis opt. gr. 15. Olei destill. Cinam. gutt. 15. Sacchari albi q. f. ad Ambram terendam, Spirit. rosar. q. f. ad Moschum solvendum v. g. ana drach. 6. Spiritus vini tartarificati unc. 6. Stent in Phialâ hermeticè sigillatâ in loco leviter calido per aliquot dies, donec Tinctura aureum colorem contraxerit, quam suaviter filtrabis, ac magmati residuo unam vel alteram unciam de Spiritu vini tartarificato affundere poteris, ut quod de Essentiâ restat, extrahatur, prout supra, & priori addatur.

Sal volatile oleosum, Ejusdem.

Rec. Salis Tartari puriss. libr. j. oleorum stillatit. Succin. alb. Amarac. Thymi, Serpill. ana drachm. ij. vel q. satis ad obtinendam offam. Tamdiu super Porphyrite vel in Mortario lapideo, vitreove misceantur, donec offa alba appareat, ac olea benè Sali adhæreant. Postea adde Salis armoniaci purissimi Libram unam, confestim vel citò probe

probè mixta five solitariè, five affusione Aquæ destillentur Artis lege in Cucurbitâ vitreâ ex Arenâ, donec urinosa salis pars unâ cum Oleis junctis ascenderit; quod sal postea in limpidum solvitur liquorem, vel si Cryсталlos acquirat, pauxillo Spiritûs Vini tartarificati in liquorem verti poterit, de quo postmodum in Syrupo de Betonicâ, vel Aquâ appropriatâ cephalicâ mane ac vesperti 10. 15. ad 20. guttas assume. Omni Cephalæ antiquæ, ac Hemicranîæ, a stagnatione Lymphæ & crasso Sanguine, vel segni ejusdem motu ortis remedium conveniens.

Aqua Cosmetica discutiens ac detergens.

Rec. Aqu. Rosar. incarn. Flor. lib. alb. Chelidon. major. Succ. Limon. vel Citr. ana unc. j. Mercur. dulc. opt. drachm. j. f. Misce probè, usque dum Mercurius sit solutus: hinc noctu linteum liquori huic calefacto intinctum faciei, aliisve locis, ubi exanthemata sunt, calidè applicetur, ac postridie mane Facies Aqu. flor. Lil. alb. Acaciar. vel Malv. iterum abluatur. Sæpius reiterandum est hoc, donec facies nitida evaserit iterum. Si Rubor & Ardor simul jungantur exanthematibus aut maculis in facie, tum Aquæ illi permiscebis semunciam Mucilaginis femin. Psyll. Aqu. Rosar. fact. & Camphor. Spirit. Anth. solvend. drachm. j. Sunt etiam, qui loco Mercurii dulcis, sumunt Mercurium sublimatum corrosivum ad scrupulum unum vel semidrachmam.

Hydromel ex descriptione Guil. Arragossii.

Rec. Mellis optimi libr. dimid. Aquæ fontan. libras iiij. vel v. Bulliant lento igne ad despumationem perfectam. Tum cessante fervore extra ignem infunde Cinamomi contusi pro ratione ventriculi validi vel imbecillioris, ad libitum, coletur ut Oxymel, & servetur in Caveâ. Usus ejus est in pastu loco Vini extra Febrem in Tussi, Raucedine, Asthmate.

Syrupus Antihecticus, & Sceletyrbicus, Zvingeri.

Rec. Herb. recent. Beccabung. Cherefol. Fumar. Nasturt. aquat. ana unc. j. Trifol. fibr. Cochlear. ana unc. 5. Flor. recent. ac Fol. Bellid. minor. unc. ij. Mundatas has plantas omnes minutim incide & in mortario lapideo contunde:

tunde : postea Rec. Sacch. alb. opt. unc. quatuordecim vel sedecim. Aquar. Cherefol. Fumar. Scab. Flor. Til. ana unc. 5. vel 6. Solve super ignem lenem , solum fervidumque adhuc Saccharum affunde Herbis contusis , statimque per Colum trajice cum lenissimâ expressione , Syrupum trajectum usui repone in loco frigido. Exhibetur man. ac vesper. cochleare unum vel alterum plenum in Atrophîâ , Anasarcâ , Rachitide , Hecticâ , Obstructione Hepatis , Lienis , Mesenterii , atque Uteri ; In Tussi denique à pituitâ viscidâ pulmonibus impactâ originem ducente.

Elixir Stomachicum , Zvingeri.

Rec. Spirit. Ceras. nigr. rectific. libr. 4. Sacch. alb. libr. Cerasor. acidorum nigr. tantillum ficcator. Pom. citr. ana uncias tres , Cinam. elect. drachm. sex , Caryophyll. aromat. unciam dimid. Mac. drachm. j. Incis. & contus. iinvicem misce , ac Phiolæ immitte ; quam probè clausam per mensem Solis radiis expone , subinde intra octidui spatium agitando. Confert egregiè in Stomachi imbecillitate , catarrhis pectoralibus ac cephalicis. Dosis Cochleare unum vel alterum plenum.

Pilule usuales laxantes , Zvingeri.

Rec. Aloës succotr. unc. j. Scammon sulphurat. drach. ij. Extract. Centaur. min. scrupul. viij. Myrrh. elect. Cassiæ ligneæ ver. ana scrupul. iiij. Croc. oriental. scrupul. ij. Olei destill. Rorismar. q. f. M. F. l. a. Pilulæ num. 480. Inaur. ac pulver. liquirit. vel Cinam. conspers. d. ad scatulam. Pilulæ hæ Cholericis sunt & Phlegmaticis convenientes , sumuntur inde decem vel 12. paulo ante Cœnam , & sequenti mane purgabunt leniter , segnemque alvum subducent ; Flatus discutient. Si bilem in se quis æstuantem persentiat , capiet simul drachmam dimidiam Cremoris Tartari , cum jusculo , aut Vino albo.

Pilule Antiloimice , Zvingeri.

Rec. Rhabarb. elect. Extract. Centaur. min. Unicorn. marin. ppr. Myrrh. elect. Bezoard. miner. ana drachm. ij. Extract. Angel. drachm. j. f. Extract. Croc. drach. dimid. Ol. stillat. cort. citr. gutt. xij. Mithridat. Damocr. q. f. Misc. f. l. a. Pilulæ pondere gran. ij. Serventur in Pyxide stannæ.

Tempore contagioso quotidie 5. vel 6. cum Vino rubro præservativi loco fumantur.

Pilula Anodyne , Zvingeri.

Rec. Theriac. Cœlest. drachm. j. Dent. aprin. præp. Antimon. diaph. opt. ana scrup. ij. Succin. alb. præp. Cinnab. nativ. opt. ana scrup. j. Effent. Croc. q. f. M. F. Pilulæ pondere gran. j. f. Dosis Pilulæ 5. ad 10. In Cephalalgia, Dolore Ischiadico, Pleuritide nothâ, Tussi ferinâ, Vigiliis nimis, Nephritide, Colicâ, Diarrhœis.

Pilula Odontalgica , Zvingeri.

Rec. Theriac. Cœlest. scrupul. ij. Laud. Opiat. scrup. j. Radic. pyrethr. gr. xvij. Piperis alb. scrupul. dimid. Olei destill. garyophyll. gutt. viij. M. F. Pilulæ num. 60. Conspers. pulvere Cinam. d. ad Pyxid. Si dens fuerit cavus, maximeque dolens, subinde una indatur pilula; sistit enim dolorem, cariem emendat, salivam cum levamine copiosam elicit, & vermiculos dentium necat.

Trochisci Prophylactici sublinguales , Zvingeri.

Rec. Radic. Ireos flor. drachm. ij. Angelic. drachm. j. Zedoar. scrupul. ij. Cortic. Citr. recent. drach. j. Bol. armen. præp. drachm. ij. Antim. diaph. Unicorn. mar. præpar. Cinam. optim. ana drachm. j. f. Garyoph. arom. scrup. ij. Mosch. spirit. ros. solut. scrupul. dimid. Sacchari optim. unc. iiij. Mucilag. Gumm. Trag. aqu. Rosar. fact. q. f. fiant Trochisci sublinguales, Tempore contagioso sæpius lambendi.

Pulvis Antiphthisicus , Zvingeri.

Rec. Pulver. Lichenis Petræi unc. f. Pulmon. Vulp. præpar. Diaphoret. Jovial. ana drachm. ij. Sacch. cand. alb. unc. j. M. F. pulv. subt. de quo ter quotidie scrupuli duo vel tres capiantur in Phthisi, aliisque Ulceribus internis.

Tragema Cephalicum , Zvingeri.

Rec. Summit. Majoran. sicc. unc. j. fem. Summit. Rosmar. sicc. unc. f. Cinam. opt. drachm. iiij. Macis drach. ij. Ebor

ij. Ebor. præp. unciam. dimid. 5. Nuc. mosch. Caryophyll. ana drachm. j. Semin. Fœnic. Aquileg. ana drachm. j. f. Sacch. alb. unc. sedecim. M. F. Pulvis sub. d. ad Scat. Cephalicus est, stomachicusque pulvis aperiens, discut. tiens, incidens, nervos roborans; in Cephalalgia, Hemi- crania, Vertigine, Uteri suffocatione, Epilepsia, Catar- rhis apoplecticis apprimè utilis. Dosis quotidie drachm. ij. ad unciam dimid.

Pulvis dentifricius, Zvingeri.

Rec. Offis Sepiæ libram dimid. Rad. Ireos flor. San- guin. Drac. ana unc. j. f. Corall. rubr. unc. ij. santal. rubr. unc. j. f. Cinam. opt. unc. dimid. Alumin. ust. drachm. ij. f. Misc. F. Pulvis d. ad scat. Dentes mundificat, & ab omni carie tutos præstat; post singulos inprimis pastus eo dentes fricentur ac mudentur, sine elotione sequen- te. Vel fume Radices Melvæ cortice suo nudatas, ma- cera per 24. horas in Aceto rosaceo, evadent rubicundæ, cum his postea Dentifricio imbutis dentes absterge.

Secretum expertissimum ad semen multiplicandum, ac Virilitatem resuscitandam atque confortandam, Henrici IV. Regis Galliar. Potentiss.

Rec. Nuc. Pinear. Pistaciar. ana unc. ij. Cerebr. duo- rum Passerum vel unc. dimid. Stinc. marin. Radic. Sa- tyr. recent. drachm. novem. Sacchar. cand. alb. unc. ij. Testiculor. Capri prius affator. num. ij. Omnia invicem contusa coque cum lacte Vaccino, & per setaceum trans- mitte; quod primâ vice non transmissum erit, iterum co- que atque hinc instar Cassiæ exprime, idque repete, do- nec omnia sint transmissa; tum adde Semin. Eruc. Cœ- par. Napi Radic. Galang. Zingib. Cinam. elect. Carda- mom. ana scrupul. ij. Ambræ gryf. sacchar. terend. scrupul. dimid. sacch. albiss. libram dimid. Cum Aquâ Me- liss. formentur Morfelli, quorum dosis erit drachm. ij. vel trium, duabus tribusve ante coitum horis. Fœminis æquè ac Viris utile.

Olivæ ut celerrimè condiantur.

OLIVAS virides si citò libeat parare incidantur & in aqua calcis cum duplo cineris, per horas XXIV. sinantur tepere: post tepidâ quinquies laventur, inde aquâ falsâ. *Cardanus.*

Myrteæ bacca, & ficulnei rami ut virides servantur.

Myrteæ bacca cum cauliculis, & ficulnei rami cum foliis in fasciculos redacti, amurcâque sepulti virides servantur, sed vas gypso oblinere oportet: atque ita condiantur quæcunque spectare potius quàm edere consilium est. *Idem.*

Rhabarbarum ut diu conservetur.

Cera si quid aliud medicamentorum vires servat, aërem enim prohibet, humectat moderatè. Constat, Rhabarbarum non aliâ re melius fervari etiam ad annos XX. *Idem.*

Ad ceram rubeo colore tingendam.

Rec. Cerae lib. j.

Terebinthinæ unc. iij. tempore hyberno.

Cinnabaris super lapidem pictorum benè triti.

Olei communis, sing. unc. j.

Liquefiat cera & terebinthina ad ignem, demum removeatur, & post aliqualem refrigerationem addatur oleum, & cinnabaris, beneque simul misceantur & servetur. Nonnulli loco Cinnabaris ponunt Minii unc. iij. pro qualibet libra ceræ. *Alexius.*

Ad Ceram viridi colore tingendam.

Rec. Cerae lib. j.

Floris æris triti.

Olei communis sing. unc. j.

Liquefiat cera ad ignem, & cum ferè refrixerit, addatur flos æris, & oleum, misceantur benè & viridis fiet. Quòd si hanc ceram tenacem facere voles, adde quantitatem terebinthinæ suprâ scriptam in cera rubra. *Idem.*

Ad Ceram nigro colore tingendam.

Rec. Cerae lib. j. lique scat ad ignem, cui deinde addatur

tur terræ nigræ, olei communis sing. unc. j. misceantur optimè, donec frigescat cera. Quòd si glutinosam efficere voles, adde terebinthinam, ut antea dictum est. *Idem.*

Ad dealbandam ceram.

Rec. Cerae quantum volueris.

Aquæ fontanæ partes ij.

Misceantur & calefiant ad ignem, donec cera lique scat, deinde paululum permittatur quiescere, donec tota cera natet super faciem aquæ: Postea accipe vas aliquod vitreum, cujus pars exterior sit lenis: & madefac in aqua frigida, deinde infundatur ferè medietas ejus in cera liquefacta: & extrahe cum cera quæ sibi adhæret, & permitte ceram illam in frigidari, deinde separa eam à vase: Et tamdiu hoc facias, quoad tota cera ab aqua fuerit extracta: deinde dictam ceram taliter formatam Soli exponas, & ro-ri in Majo: & illam sæpe volvas: & tamdiu permittatur, donec fiat alba ut cerussa. Nonnulli tribus dieb. ipsam dealbant, servando prædictum modum, quando sol in majori calore est: Et quia cera illa subtilis est, faciliterque à calore posset liquefieri, aspergenda est aquâ fontanâ bis in die.

Aliud.

Exponatur cera quæcunque ad Solem, humectetur quotidie aquâ fontanâ, limpidâ tamen & purâ sæpius lavando, redigaturque in pastillorum formam, ut Sol eò melius possit operari: & ceram habebis, ad rem quamvis, albissimam. *Ludolph. Rolevincus.*

DE ARTE FABRILI.

C A P. V.

Horologia absque fune.

STANT pro fune rotæ, in quibusdam molæ superpositæ, limacis figura, denticulis XXVI. quibusdam etiam pluribus: ab his denticulis axis, qui totam agit machinam circumagitur. Id altero rota est denticulis XLIX. in imo dispositis, alterique rotæ implexis, ut cum molæ nixu quæ in imo est circumvertitur, alia totidem dentibus implexa etiam circumvoluta totam machinam secum ducat. *Cardanus.*

Vasa quæ non frangantur.


Docuit hæc etiam vasa pro liquandis metallis conficere:

X x 3

Nam


Nam ex arietis cornibus, præcipuè summitate, & ossibus in cinerem redactis, pistilloque subactis fiunt. Si verò smirim aut summitates cervini cornu, vel mandibulas Lucii ignitas, ac in aceto extinctas bis aut ter addideris, neque frangentur vasa, nec metallum effugiet: adduntur hæc intus & ubique ne combibat, sed in imo præcipuè. *Idem.*

Sera quæ sub quocunque nomine claudi potest.



Hanc Janellus construxit, septem constabat literis, nec sub alio nomine quàm clausa erat referari poterat. Orbis primum erat solidus, atque ex adverso lenis: parte anteriore canalis ex centro rectus prominebat, in cuius fastigio cochlea masculus brevis erat. Huic in margine orbis alius est canalis inanis, rotundus, magnitudine æqualis &

æquidistans: atque ex adverso duæ lineæ parvæ limbum distinguunt: His lineis 7. dictionis literæ, orbiculos circumagendo, aptandove è directo poni debent, eo ordi-





totidem distinctus spaciis, quot sunt in margine literæ. Totidem quoque orbiculi dentati, quot sunt ordines alphabeti. Hos in tertia figura denticulo adjecto descripsi,



ne quem fervare institui: ut nomen exempli gratiâ septem literarum sit serpens, singuli orbes è directo spaciis duarum linearum suam literam constituent, ut vel claudi vel aperiri possit. Erunt enim septem orbes in margine alphabetum habentes, quorum unum pro exemplo in margine descripsi: aut totidem numero, quotus est literarum numerus sub quo claudi debet. In medio circulus latus,

velut in quartam partem orbium secundæ figuræ posteriorem, cum spatio in orbiculo medio, cujus denticulus parvi orbis infigatur. Manifestum est enim, sic in circumverso secundo orbe simul & tertium secum trahi, & tamen non nisi fixa litera loco suo unus alteri aut jungi poterit aut

avelli. Cùm conclusa fuerit sera, circumaguntur orbes absque impedimento ut sic nominis ratio confundatur. Idem.

Arca quæ pecunias recondit absque indicio.

Nemo ignorat materiam è ferro, crassitudine tabularum esse necessariam. Tùm verò usitata, duplicem arcæ fundum, aut è lateribus arculas, & recondita scriniola abdi-


tosque recessus, quæ omnia sagacem virum haud fallere possunt, cum crassitudinem partium & laterum invicem comparaverit. Itaque in lateribus, vel angulis decliviori loco foramen aperitur exiguum, intus verò cavitas est in tabula quantam volumus, imò plures includuntur pecuniæ, & cum cotto completur cavitas, inde tenuissima ligni scobe, & albo ovi locus quâ patet clauditur, ut etiam eum qui clausit fallat. *Cardanus.*

Aliud ad idem.

Tabula cavitati obducitur ita arctè, ut rima non appareat. In frusto quod amoveri potest cochlea parva è metallo fœmina includitur, eique clavus superponitur: alii illi consimiles per arcam certo ordine disponuntur, cum referendus est locus sublato clavo cochlea mascula intruditur, frustulumque tabulæ avellitur. Semper autem memineris ut loci inanitas, cum quidpiam imposueris, nec resonet, cotto vel aliâ re simili impleatur. Plures etiam sic latebras facere potes. *Idem.*

Aliud optimum ut nihil melius.

Seram aut ferreas laminas quibus arcæ integumentum annectitur, clavis in cochleæ formam aptatis tabulæ firmiter junges. Sub fera aut lamina ostiola sint cavitatum: cum referare volueris, ferrum habens ut à latere vides, in



cujus extremo cavitas sit, quæ capitâ clavorum firmiter apprehendat, sic ut revolvi seram aut laminam ab arca disjungi permittant. Oportet autem, ut opus sit stabile, clavis subigere cochleas fœminas, quæ clavos arctè suscipiant easque arcæ lateri sub bracteis dictis collocare. In arcis etiam quæ tela intus obducuntur, multi alii modi solent excogitari. Sed in universum danda est opera, ut vel

omninò lateat foramen, ut primo exemplo docuimus, vel ut firmissimo præsidio & solita bractea abscondatur. Sic etiam magis latebit: & osculo solubilis arcæ infertis tabularum capitibus integantur. *Idem.*

Sera mirabilis.

Non minoris hoc erat industriæ, quod mihi non ita pridem oblatum est, seræ genus inusitatum quidem quo cæteris forte minùs commodum videatur, sed visu certè non inju-

injucundum ob ingeniosos ejus artificii ductus. Ferrea erat fistula A. digitos sex aut plures longa, cui adfixum erat regulum B. instar Falcis tortuosum, & ita quidem adhærens, ut foramen ad fistulæ latus excisum, ex altera sui parte posset inferi, vicissimque si quando aperienda esset fera, educi. Ne verò sine clavis adminiculo à quovis aperiretur, cuneus D. ea crassitie quam fistulæ ferret capacitas, in fistulam G. duabus cuspidibus, E. E. in duo ansæ seu repaguli modò descripti foramina intrudebatur. Cuspides autem ex utroque latere pinnulis erant instructæ, quæ ubi foramina pertransissent extendebantur, atque ita nec cuneus extrahi, nec repagulum solvi poterat, nisi clavis auxilio pinnulæ constringerentur, quo cunei exitum impediabant: Ea verò clavis F. alio quàm usitato modo confecta erat: Instar enim bacilli oblonga existens, in fistulam ex altera parte H. ingerebatur, duobusque in apice interstitiis, II. cunei pinnulas comprimebat, eaque ratione repagulum, demto cuneo, facilè extrahebatur.

Portæ ut à domesticis solum aperiri possint.

Sed ad mechanica redeo; describamus autem duos modos, quibus construi possunt feræ portarum, ut à domesticis solum possint aperiri, ab aliis minimè: ut ex his innumerabiles variaque ab his possis excogitare. Sit igitur A. annulus G. junctus baculo ferreo solido B C. annulus alius C D. in cujus medio B C. circumagitur (quia rotundus nec annulo junctus) intra postes est, A. autem extra prominet: Convenit autem baculus ipsi C D. D E. verò est lamina ferrea juncta annulo C D. ut circumacto annulo elevetur, per se autem spontè decidat: decidit autem F. unicum ferreum alteri posti infixum, G H. pars januæ in qua

annuli. Itaque cum A circumducitur non movet C D. tum propter pondus D E. tum quia annexus baculus non est ipsi C D. Cum verò G. H. impellitur, vehementer E. adhæret F. ideoque non potest elevari D E. cum autem mediocriter B. adhæret C D. elevatur annexum C D. & D E. lamina, aperiturque porta. Igi-

X x 5

tur



tur & trahendo vehementer & non movendo immobilis D E. Mediocriter autem movetur, atque ita inter immobilia extrema, medium mobile manet. *Cardanus.*


Alius modus.

A. annulus extra portam prominens, junctusque baculo, qui intra portam annulo B. jungitur, ipsi B. jungitur superius alter baculus C. ita ut circumagendo A. circumdetur & C. prominet autem C. aliquantò ultra postem interius, ita ut si circumvolvatur, non cadat supra D E. Est autem D E. lamina infixa postei G H. cum clavo, ita ut decidere possit & elevari, qua foramen, per quod clavo D intruditur, laxius est: Decidit autem in P. uncum, ut prius alteri postei fixum: Hoc totum artificium lignea tabula concava, quæ motum repaguli minimè impediat, postei GH. affixa integitur, sicut & in aliis, quæ occulta esse volumus, quia non sunt omnia improbo mundo communicanda. Triariam igitur decipitur in hac constructione, qui compositionem & usum ignoraverit: primum quòd cum in aliis D E. sit annexum B. circumverti solent à sinistra in dextram: Hic autem versa vice, quia aperiuntur valvæ eo quòd C. deprimit D. & ita propter hypomochlion elevatur E. Secundò quia cum C. promineat longius à porta quàm D E. nisi retrahatur A. non cadet C. super D & ita non aperiatur. Tertiò quia si non statim aperiatur porta, C. descendet infra D. & E. rursus concidet, quoniam C. longitudo vix extenditur ultra D. Ex quibus quartum sequitur quòd nisi fiant duo motus contrarii, non poterit janua aperiri. Oportet enim trahi ut C. decurtetur, & impelli ut aperiatur: quos duos motus contrarios simul efficere insuetis non est admodum facile. *Idem.*

*Instrumentum quo verua circumaguntur
minimo igne.*

Ferrea lamina lateribus camini muro utrinque infigitur. In ea est foramen in quo cuspis flagelli ferrei versatilis intruditur. Flabellum tenue est, & ab imo tympanum habet dentatum; cujus cuspis altera parum obtusa infigitur foramini superiori clavi, & ipsa in eo versatilis. In eodem clavo juxta foramen superius aliud est foramen à latere, cui intruditur cuspis alterius ferreæ virgæ, cui juxta cuspi-

cuspidem, quæ est in clavo, rota ferrea cum denticulis circumducta, sic ut denticuli tympano inserantur, & ipsa cuspidis versatilis, ut ex adversa parte quæ includitur annulo: juxta medium ligneum circumducitur tympanum excavatum multis circulis, quorum cavitatibus catena circumacta ferrea rursus circumambit circulum ferreum circumdans veru: ut quot fuerint circulorum cavitates in tympano ligneo, tot etiam sint catenæ, totidem verua, quibus inserantur. Ita ergo fit, ut fumo flagellum quod quasi




alis inæquale redditur, ac quasi inclinatum convertatur, quo tympanum rotam circumagit, quæ catena ob inæqualitatem secum agens, convertit totum veru. Tantâ verò in æquilibrio, & ad perpendiculum flante flabello, vertitur facilitate, ut etiam sine igne modò veru non adsit, etiam tympanum circumagat rotam sibi insertam, non obscurâ ratione. Nam sub camino aër inclusus, cùm in arctum feratur, vim habet, ut aliàs de cryptis ostendimus. Indicioque hoc est, aërem sursum ferri. Atque eo maxime hoc contingit, cùm levis fuerit machina & benè polita, & camini spatium circa flabellum undequaque conclusum, ut minimum respiret. Camini nomine, ut clariùs intelligerem, quemadmodum etiam alibi licenter usus sum pro mea, qua polleo autoritate: non ignorans focum latine aut fumidum operculum rectius dici debere: agitur flammâ



mâ potius quàm fumo , propter motum vehementem : à pruna nequaquam. Verua quoque rotunda esse oportet, eâ parte quâ insident macrotripo dicto : angularia enim non facile vertuntur. *Idem.*

Mensæ quæ duplicantur.

Non contemnenda est mensæ constructio , quæ à me sæpius in Belgica Gandavi maximè visa est. Sumatur quadrata margo veluti quatuor cubitos longa , totidemque aut paulò minus lata A B. in medio huius sit secundum transversum C D. tabula lata dodrante affixa clavis margini , atque in eadem duo foramina , in quibus paxilli possint intrudi infra descendere ac firmari, columnæ quatuor in capitibus marginis, & juxta illas quatuor foramina , singula singulis non è regione inter se posita in lateribus longitudinis, sed tanto intervallo ut sese repagula mutuò non impedian. Ipsa verò foramina usque ad marginis superficiem attingunt quadrata ac profunda ac lata pro magnitudine extremitatum repagulorum quæ ipsis inseruntur. Nam omnia tantum profunda esse debent, quantum est altitudo minima repagulorum, seu ut extrema eorum quibus inseruntur foraminibus ad unguem ex omni parte conveniant. Sub tabula C D. tignum collocari debet ,



in quo



in quo incisuræ profundæ quatuor, juxta magnitudinem repagulorum, qua parte latiora sunt, latæ etiam ad modum eorum, ut ipsa recipere possint cum intrudantur. Est postmodum tabula longa E lataque ad unguem quantum margo A B. & duos habet paxillos qui intruduntur C D. foraminibus, ita ut elevari ac descendere possit, loco moveri non possit, eaque perpetuo superstat margini, nisi si quis velit alia ex causa eam auferre paxillos elevando. Porro tabula C D. super marginem insidet, elevatque pro sua crassitie E. tabulam à margine, dum repagula extenduntur. Demum fiant duæ tabulæ F & G. altitudine æquali exactè tabulæ C D. longitudine verò ac latitudine tantæ, ut ad unguem compleant spatia circa C D. ipsius marginis, adeò ut C D. & F. & G. simul junctæ æquantur E. his repagula bina & bina clavis, & glutino firmissimè subaffigantur: repagulorum verò longitudo

æqualis sit A B. longitudini, latitudo quanta est cavitatum in margine quibus excipiuntur, altitudo etiam in extremitatibus æqualis ad unguem cavitatibus marginum, sed sensim ab utroque extremo versus medium augetur, adeò ut altius medium sit extremis ad amissim, quantum est crassities C D. F G. tabularum, quas æquales esse supposuimus: In medio quoque ejus maximæ altitudi-

tudinis duo utrinque tubera prominent è lateribus. Quibus expositis ostendo rem perfectam esse. Cum enim extremo repagulorum adverso margini intruseris, medium eorum cavitati subjectæ trabis insidebit. Cumque F & G. convenient spatiis circa C D. non excedent limbum nec deficient. Et quia altitudo F & G. tanta est, quanta C D. fiet una quasi tabula ex tribus composita C D F G. unius altitudinis, cui superinducta E. effigiem quadratæ tabulæ referet atque solidæ. Cum verò exeris repagula, quæ latiora sunt versùs medium, ideo excedent cavitates, sensimque elevabunt tabulam E. quæ ob paxillos patitur se elevari: non enim conjuncta est cum C D. & eousque elevabitur, donec limbi interiores F & G. cadent extra E: tunc enim E. cadet super C D & F. illi convenient: retinebuntur autem propter tubera, ne amplius extractæ rimam latiore relinquant cum E. nec poterunt decidere, quia repagulorum extrema continentur à C D. tabula, cum ad illius medium perveniant exactè, ut demonstratum est, nec altiores possunt esse quàm E. aut humiliores, quia differentia medii repagulorum ab extremis, est supposita æqualis altitudini C D. Igitur repagula elevabunt tabulas, quibus affixa sunt supra marginem ad quantitatem altitudinis G D. Cum igitur E. superstet, C D. erit ad libramentum E. tum F & G. quod erat demonstrandum. Manifestum est autem, quòd cum volueris reducere rursus F & G. sub E. quòd oportet elevare capita E. utrinque.

Ut arcæ colorem nanciscantur pulchrum.

Ligneæ supellex quam amurcâ deterferis, & expoliveris, coloris gratiam ac splendoris elegantiam miram contrahet. *Mizaldus.*


Arcæ ne fumo vitientur.

Ligneæ eadem amurcâ macerata, aut delibuta, nullo fumi tædio exardescunt. *Idem.*

Circuli ferrei omnibus vasis commodi.

Compendio est rei familiaris, si ferreis vinculis vasa vinciantur: Nam in singulos annos sumtus est fermè ex octava parte. Verùm & ferrei circuli quandoque franguntur, lignei autem frequenter dum mustum fervet. Remedio sunt circuli ferrei, qui omnibus vasis conveniunt, quos
Medio-

Mediolani è Germania delatos vidi, juxta templum beati Ambrosii. Eorum constructio talis est, circularum ferreo-



rum portiones quasi maximorum vasorum, adeò parum incurvatæ junguntur, flexilibus fibris veluti nodis. Itaque fibularum auxilio adeò incurvantur, ut etiam minimis utribus possint convenire, in quibusdam harum sunt clavi exterius prominentes alterâ medietate, alterâ foramina quibus clavi alterius portiones excipiuntur, ita fit ut modò producti magnum explicent circulum, modò contracti parvum sed multiplicem. Extrema junguntur cochleâ masculâ, qui simplici foramini adversæ partis quasi annulo inclusa ac prominens eâ parte inferitur, quâ prominet femina cochleæ minimæ circularum portionibus juncti: sed vecti ferreo, à quo circumducta constringit circulum, ut totum id, quo laxior est, auferatur, utroque in se coacto vinum effundi non permittat. *Cardanus.*

Ut arma calentur.

Mira subtilitas est in celandis armis, de qua partim aliàs partim nunc etiam dicetur. Modus ergo alius: picem, oleum lini, & thuris modum coquunt, inspissant, illinunt hoc quod vocant vernicem: depingunt stylo quod volunt: deinde implent locum ex quo vernix erasa est, aqua separationis: cui additum sit argentum sublimatum & ærugo, & intra viginti quatuor horas cælant figuram adeò pulchrè in ferro, ut non melius in cera possit fingi sigillum. *Idem.*

Acies

Acies cultrorum ut densa reddatur.

Aqua ex contusis lumbricis per pannum expressa, & succo raphani æquis portionibus mixta, usque adeò duram & densam reddit aciem cultrorum, ensium, & aliorum instrumentorum, quæ bis aut ter dum cuduntur in illa extincta fuerunt, ut ferrum aliud ac si plumbum esset, facile incidant. *Acceptum à quodam Parisiensi Macheropæo.*

Aliter.

Aciem gladii, ensis, vel alterius instrumenti præstantissimam ad hunc facies modum. Mitte in libram unam lotii adolescentulorum, tantum fuliginis, quantum manu prehendi potest, additis quatuor unciiis olei lini. Confusa omnia simul ferveant: & dum inter cudendum incandescent, gladius, ensis, vel quid aliud ad secandum parabile, in hoc miscellaneorum decocto intingatur, & ut artis est, probè temperetur. *Ab eximio aliquo Macheropæo. Mizaldus.*

Arma & instrumenta quævis ferrea, aut chalybea ut ab ærugine, & ferrugine vindicentur, ac splendida maneant.

Illinantur aceto alumini mixto, aut cerussâ vel cervi medullâ: nam hæc oleo præstantiora habentur. Sed omnium præstantissimum fuerit, ac utilissimum, si plumbi scobem tenuissimum in plumbeo aut ferreo mortario diligenter subegeris, addito pauco oleo de spica (quod ultra conceptum scopum ad odoris gratiam plurimum faciet) & eo veluti unguine, ferrum aut chalybem illeveris. Hoc modo etiam per aquas, & vaporosum aërem, arma quævis ab omni æruginis, & ferruginis labe immunia portabis. *Ex quodam armorum perito fabro.*


Navicula spontè mobilis, ac sui remigii author.

Eadem ratio volantis avicule est.

Materia ex junci medulla parabilis, vesiculis admista, aut pelliculis, quibus auri bracteatores, atque foliatores (sic enim libet nunc) utuntur, nervis obvoluta: ubi semicirculus rotam unam impulerit, motum præstabit aliarum, quibus alæ agitabantur. *Scaliger.*

Lucerna mirabilis.

Hac ratione lucerna mirabilis excogitata est, turris forma undequaque conclusa, soloque foramine D. contenta, per quod oleum ipsum infunditur, donec tota impleatur: Solida est ex stanno, cumque convertitur, ut inferius jacet, oleum effundi per D. non potest. Nam si effunderetur, quod est in C. descenderet gravis, & vacui ratione ad D. & quod esset in B. ad C. & quod esset in A. ad B. igitur vacuum in A. relinquatur, manet: quare etiam in B. oleum & in C. & in D. nihil ergo effunditur. Sed quonam pacto igitur dum accenso ellychnio in F. oleum consumatur per E. canalem ex ipso D. exire potest, itaque ad vacui rationem rursus pervenire videtur necessarium. Sive enim trahatur caloris vi, seu spontè descendat oleum quantum ad vacui rationem attinet, nihil interesse videtur. Attamen experimentum edocet, ardere quidem lucernam, & sensim vacuum reddi: spontè autem oleum nequaquam descendere. Causa igitur est, quòd ignis calefaciendo rarius ac tenuius efficit oleum: id rarius factum intumescit, & per D. foramen exuberat, levissimaque ejus pars interim ascendit ad sum-




mum lucernæ, ubi A. scripsimus: quæ cùm multo aëre referta sit, locum aëre complet ac sic sensim augetur, dum

dum oleum effunditur. Quamobrem & illud diligenter cavere necessarium est, ne canalis D E F. justo brevior sit, aut ellychnium in F. majus: nam utroque modo oleum nimis calore celerius intumescit, adeò ut effundatur. Hac ratione excogitarunt Athenienses lucernam ante Minervæ simulacrum, quæ toto anno arderet. Nam ABCD. spacium auctum erat juxta multitudinem dierum anni: commodius forsan fuerit si subere craticulæ ferreæ sustententur. Ideoque in vase maximè oleum effusum, perseverante flamma ellychnii sufficiet in totum annum. Ut verò perseveret, flamma ellychnium comburi non debet. Tale fit è lino Corpasio, hoc enim non uritur: aut è lapidum crustarum filis. *Cardanus de subtilitate.*

Lucerna totum annum durans.

Nunc modò, quoniam de lucerna loquuti sumus, quæ inferius osculum habet, quo ellychnium fovetur, demonstramus, non id obiter, sed necessario tale esse debere, si diuturna lucerna esse debeat. Nam si in suprema parte sit osculum lucernæ, ut oleum absumatur, magis etiam elongabitur ignis ab oleo, quare nec benè ardebit, nec



erit diuturna. Quòd si subere & ferro descendat, ut in lampade, durabit quidem plus: sed si oblonga fuerit lampas, abscondetur ignis sub vitro nec eminebit, luxque obtusa erit. Si verò lata lampas, obumbrabit lumen, diuturna tamen esse poterit. Hac igitur ratione lucernam pro toto anno constituemus: faciemus lucernam A. quæ tantum capiat olei, quantum sufficit pro una die. Huic sextuplo majorem faciemus B. jungemusque ipsi A. ex superiore parte. Ipsi verò sextuplum faciemus C. agglutinantes ipsi B. superius firmiter. Ipsi quoque C. faciemus D. sextuplam

cum sextante, quam eodem modo adjungemus ipsi C. Sitque tota machina benè undique conclusa: suppeditabitque

bitque oleum toto anno, perpetuo ardente ellychnio, & illustrante. *Cardanus de Varietate.*

DE SECRETIS PIGMENTARIORUM.

C A P. VI.

Cæruleum transmarinum, absque lapide Lazuli.

SUMITO Argenti cum aqua forti calcinati unc. j. Salis Armoniaci drach. duas cum dimidia, aceti quantum sufficit: Misceantur, & aliquandiu relinquantur, donec materia in fundo resideat: deinde cum acetum eminet, sensim auferatur: materia verò reliqua in fundo relicta, ponatur in cucurbitam vitream, optimè obturatam per dies viginti quinque, & habebis Indicum, sive transmarinum cæruleum pulcherrimum. *Alexius.*

Color ad scribendum, & miniandum, Ejusdem.

Accipe floris æris, lithargyrii, argenti vivi, singulorum quantum sufficit. Terantur, & misceantur simul cum urina infantis masculi, habebis colorem pulcherrimum, smaragdo similem, non solum ad miniandum, sed etiam ad scribendum.

Ad viridem colorem.

Rec. Floris æris probè contriti, quantum sufficit, croci capillos quatuor. Ponantur in aceto fortissimo, addendo succi rutæ tantundem: deinde cum panni in urina prius imbuti, moxque in umbra exiccati fuerint bis vel ter in succo tingantur, deinde in umbra siccentur, & erunt perfecti. *Alexius.*

Color viridis Smaragdo similis.

Accipe olei communis vel lini vel clari, libram j. Aluminis contriti libram dimidiam. Misceantur, & in olla ponantur ad ignem, donec alumen resolvatur: deinde addatur ad ignem, donec alumen resolvatur: deinde addatur floris æris, in levissimum pulverem contriti tantum, ut à prædicto oleo in olla tegatur: mox operculo super-

posito, auferatur ab igne, relinquaturque sic per octo, vel decem dies. Quo facto, rursus teratur optimè, addendo aliquantulum aquæ resinæ si fieri possit, & erit color pulcherrimus, ita ut naturali Smaragdo persimilis existat. *Idem.*

Modus efformandi omnis generis frondes virides, ut naturalibus similes habeantur.

Sumito frondes virides, quarum in præpostera parte majores venas ligno aliquo contundito, mox sequenti colore tingito, qui hujusmodi est: Accipe olei communis, vel lini, vel alterius rei, quæ fumum creat, quantum satis esse videatur, accendatur in lucerna olla superposita, ut totum fumum recipiat. Quod cum factum fuerit, adhærens fumus diligenter colligatur, atque oleo, vel vernice liquida contemperetur, fiatque tinctura, quâ contusa pars frondis tingatur, cum panno linteo, vel bombyce, mox super chartam duplicem locetur pars tincta, comprimendo leviter manu, vel panno aliquo, quo charta tingi queat. Fronde mox dextrè sublatâ, chartam egregiè tinctam invenies, ad mininam usque venulam, ita ut prorsus naturali respondeat. Quod si hanc viridi colore tingere voles: Accipe aceti acerrimi, floris æris, pastæ vesicæ, singulorum quantum satis est, coquatur, fiatque color viridis, quâ charta formata tingatur, atque hoc modo poteris efficere varia pulcherrima, quibus cubicula intrinsecus obduci possint. *Idem.*

Ebur & ossa quævis viridi colore tingenda.

Sume aquam fortem, quâ tantum æris, quantum fieri poterit, erodatur. In ea ossa, quibus formis visum erit, elaborata, pernoctare sine: & ita veros smaragdos colore imitabuntur. *Mizaldus.*

Ad rebus ruborem inducendum.

Erythrodanum, vulgò Rubia tinctorum dictum, ossa pecudum rubenti, & sandycino colore imbuit, si dies aliquot depastæ sint oves, etiam intacta radice, quæ rutila existit. Res ea similiter perspicui potest in carnibus hujus pecoris elixis, & assatis. Nam rubicundæ apparent, sicuti ova in decocto ejus radice elixata: putamine enim rubello non minus hinc vestiuntur, quàm si cum ramentis, & præseginibus brasiliæ ligni percocta essent, vel cum radicibus anchusæ. *Idem.*

Modus

*Modus parandi colores ex omni metallo-
rum genere.*

Accipe lapidem lydium optimè cum ovi albo contritum, & fiat liquor, quo scribe, ac super literas ducito, vel adfricato aurum, aut quodvis aliud metallum, & colorem ejus recipiet. *Alexius.*

Liquor aureus ad scribendum, & ferrum, lignea, vitrea vasa, ossa, aliâq; auro obducenda.

Ovum recens natum, alteraque parte fractum aliquo modo ut albumen auferri queat, sumito atque imple Argento vivo, & sale ammoniaco puro atque contrito, ita ut duæ sint partes argenti vivi, & una salis ammoniaci. Quod cum impletum, & ligno aliquo materia benè mista fuerit, cooperiatur foramen operculo suo, deinde cerâ: deinde dimidii ovi cortice superadditis, ponatur sub fimo equino per viginti quinque dies. Quo deinde ablato, habebis liquorem aureum elegantissimum, ad scribendum & pingendum quodvis. Quod si nimis dura, spissaque materia fuerit, aqua gummi misceantur, & mollior erit. *Idem.*

Liquor aureus sine auro.

Sumito fucci florum croci recentium, vel si desit, croci contriti, auripigmenti optimi, & lucidi singulorum partem unam. Misceantur & terantur cum felle caprino, vel lupi piscis, quod melius est: deinde cum in vase aliquo sub fimo positum aliquandiu steterit, auferatur, & conservetur liquor ad scribendum & pingendum, & habebis aureum colorem pulcherrimum. *Idem.*

Pannus violaceus, ad pingendum & scribendum.

Accipe granorum Ebuli, maturorum, & contusorum quantum satis est, relinquantur in loco aliquo calido, donec putrescant: deinde aliquantum contundantur, fucusque sub prelo exprimatur: deinde sumito calcis vivæ scutellam dimidiam, ponatur in catinum aliquem, superinfundendo tantum aquæ, donec ad duas vel tres scutellas aqua emineat: deinde sensim aqua colata, panni lintei

mundi, subtiles & veteres eâ humectentur, atque in umbra siccentur. Quo facto, aluminis aliquantum in aqua communi coquatur, post pannos supradictos injicito, & bulliant aliquandiu: deinde cum in umbra siccati fuerint, in succum prædictum bis terve immergantur, & in umbra siccentur, collocando super rete aliquod æqualiter, ne color usquam defluat: & sic erunt pittacia sive peciolæ coloratæ in loco aliquo, à pulvere aëreque remoto servanda. Atque hic est verus modus tingendi pittacia quolibet colore, tam ad miniandum quàm ad scribendum, quem insignis miniator nomine Evangelista semper tenuit, & probavit. *Idem.*

Effigies & imagines solidae & pulchræ.

Cornea membrana, ex qua laternæ fiunt, cum glutine piscium mundo, in formas subigitur aqua, figurasque effingit, omnium maximè nudæ puellæ: roseum enim colorem facile combibit candore pellucido: Nec solvitur ea compago igne icta. Vivas refert formas, tum flores varios, herbasque mixtis coloribus, ut non pauci hoc solo artificio vivant. *Cardanus.*

Color Cæruleus Indicus, transmarinus, perfectus.

Accipe lapidis lazuli, optimi, id est, marmorei & colore cæruleo, & venulis quibusdam aureis subviridibusque probè tincti (talis autem est, qui accensos tamdiu, donec candescat positus, deinde frigidus non friatur, sed durus atque cæruleo colore vehementer tinctus remanet) libram j. fringatur in frusta parva, & ponatur super carbones accensos tamdiu donec optimè candescant; deinde cum aceto destillato extincti, exsiccati fuerint, cum sequenti aqua super lapide, cinnabaris more, terantur, quæ est hujusmodi. Recipe Aquæ fontanæ mensuram unam, mellis crudi albi unc. ij. misce & coque despumando optimè, deinde cum ab igne ablatum, atque frigidum fuerit, adde sensim & non affatim, tantum sanguinis Draconis, optimè triti, ut nucis magnitudinem referat; deinde coletur per pannum. Verùm animadvertendum, ne aqua nimis rubra, neque nimis lucida sit, sed medio se habeat modo, nempe sit violacea, clara, ita ut cæruleus color

color assumat violaceum colorem. Deinde dictum lapidem sic præparatum, cum hac ipsa aqua, tenuissimè, cinnabaris more, per horam aut amplius contere, mox in vase vitreo lato, & patenti collectum repone, & siccetur in umbra: deinde in tenuissimum pulverem redige fervetur, quæ in pannis lineis densè contextis, strictè colligatum. Quibus factis fiat pastillus.

Rec. Resinæ,
Colophonix,
Masticis,
Olei lini,
Terebinthinæ,
Ceræ novæ sing. uncias duas.

Terenda conterantur in pulverem tenuissimum, misceantur, & coquantur, donec confectum sit, miscendo continue; confectum autem deprehenditur, si ex eo gutta, in aquam frigidam injecta, manibus humidis non adhaereat: deinde fit calidum, per pannum rarum, in vase aquâ frigidâ pleno, coletur (nam frigidum fluere non potest) tamdiu in aqua sinendum, donec concretum fuerit: tunc eximatur, sicceturque, & misceatur cum prædicto pulvere hoc modo: Pastillus jam dictus cum in partes minutas redactus fuerit, ponatur in æneo vase, stanno illito, igni subjecto: ubi fervere incipit, statim amygdalarum amararum olei unc. j. infundito, simulque ferveat, non diu. Hoc facto, pulverem ex Lazuli lapide in alio vase paratum habes, ad quem sit aliquis cum bacillo, miscendo continue, dum tu in pulverem ex altero vase materiam paulatim effundis: idque faciendum, donec optimè mista fuerint: quæ deinde frigefacta, manibus oleo prius lotis, tractentur, subigantur benè, & fiat pasta in forma panis, & servetur in vase aliquo vitreo, per dies saltem decem. Quum autem cœruleum extrahere voles, sumito lixivium, ex vitium cineribus paratum atque ita calefactum, ut manibus tractari sine læsione possit. Tum pastillum fume, atque in vase vitreato pone, in quod tantum lixivii infunde, quantum satis videatur ibi: pastillum manibus leviter tractato, subagitatoque, donec cœruleum exire, atque apparere videbis: quo viso lixivium ipsum cum cœruleo in vitreatum vas infunde, deinde cum recenti lixivio calido, in alio vase rursus agitato, ac tractato ut prius, atque sic semper procedendo, at-

que iterando, donec coeruleum totum exierit. Verùm notandum, quòd è singulis libris optimi lapidis lazuli uncia tantum una amittitur, remanentque undecim, nimirum perfecti unc. v. medii iij. ultimi itidem iij. Puri atque optimi, uncia, quæ ut minimum duobus coronatis cum dimidio æstimatur, medii uno, ultimi, tertia coronati parte. Extracto autem Indico prorsus toto, similitudinem diligenter attende, ut simile simili tripartito adjungas, ut dictum est, deinde lixivio puro, singulas partes per se eluito, mutatis vasis, donec puræ, atque à pastilli sordibus repurgatæ optimè fuerint: tunc in umbra siccato in cubili clauso. Hoc factò, sumito aquæ vitæ poculum unum, in eaque aliquantulum verzini optimi macerato, eadem aquâ Indicum aspergatur, & siccetur, idque facito per triduum, ut Indicum totum ejus aquæ sit particeps, atque ita colorabitur bellè, eritque optimum. Condantur in scorteis facculis singula. *Alexius.*

Modus parandi Laccam coccineam.

Rec. Purpuræ tomentum, lib. j. coquatur in lixivio, donec colorem assumat: lixivium deinde coletur, & exprimatur benè omnis substantia. Quòd si tomentum adhuc colore esset infectum, coquatur rursus in alio lixivio, ut prius: deinde omne lixivium sic coloratum ponatur ad ignem, & non bulliat: cui addantur aluminis contriti, atque in aqua calida dissoluti, unc. v. coletur in vase aliquo vitreo, superinfundendo aquam calidam, idque fiat tamdiu donec non amplius rubra, sed sine colore lucida omninò evadat. Quo factò, color in colatorio residens eximatur, atque in umbra siccetur, & fervetur. *Idem.*

Ad Ossa viridi colore tingenda.

Calcis vivæ frustum magnum ponatur in aqua fontana per diem unum: sequenti die ligno aliquo, circa meridiem, ac demum vesperi, mista coletur, & fervetur ad usum. Interim tamen sumito ossa, quæ tingenda sunt, & in aqua communi, in qua aluminis tantum dissoluti fuerit, ut dissolvi queat, coquito. Quæ cum optimè in jam dicta aqua cocta fuerint, eximantur, siccentur, & aliquo modo in superficie radantur: deinde ponatur in supradictam aquam calcis vivæ, adjuncto floris æris quantum satis est: coquantur benè omnia simul, demum extrahantur, siccentur, & fiant inde quæ voles opera. Quòd si aqua calcis desit, urinam sumito, quæ æquè bona censetur. *Idem.*

Aliud

*Aliud ad tingenda Ossa, aut Ebur, viridi colore,
ut Smaragdi videantur.*

Sumito aquam fortem, quâ tantum æris, vel orichalci, quantum fieri potest, erodatur, in ea ossa, prius in formas varias, ut videbitur, elaborata, per noctem unam posita sinantur, atque ita veros Smaragdos colore imitantur. Quòd si in supradicta aqua argentum, æris loco, dissolutum fuerit, tantò melius erit. *Idem.*

Ad Ossa rubro, cæruleo, vel aliis coloribus tingenda.

Primò ossa in aqua aluminis, ut suprâ dictum, cocta esse oportet: deinde aqua calcis, vel urina in promptu existat, in quibus ponatur verzinum, vel rubrica, vel cæruleum, vel alius color, unâ cum ossibus, & coquantur benè, & sic habebis ossa, quò volueris colore tincta. *Idem.*

Pulcherrimum ad ligna tingenda variè, quibus fabri lignarii utuntur, ad mensas conficiendas, variis tessellis, & figuris insignes.

Manè sumito stercoris equini recentis, & adhuc humidum cum stramine, quantum satis est, supra quod ligna aliqua transversa collocentur, cui subjicito vas aliquod, liquorem recipiens. Quòd si uno die tantum quantum satis est, extrahi non possit, altero, & tertio, & quarto die colligas, donec satis esse videatur: deinde coletur, addaturque in singulas mensuras ejus liquoris, aluminis, & gummi Arabici, singulorum fabæ instar. In eo liquore, quos voles colores temperabis, variaque vasa facies, si varios colores habere velis. His comparatis, frustra lignorum in vasis, ut lubet, condes, eaque ad Solem vel ignem pones: post ubi uti voles, frustra aliqua extrahito, reliqua finito. Nam quò diutius in vasis manent, eò magis colorem mutant. Et sic habebis ligna variè colorata, alia clariora & dilucidiora, alia magis fusca, alia media, qui colores nullâ elui ratione possunt. *Idem.*

Modus conficiendi Hebeni, ut videatur naturalis.

Omnis generis ligna, Hebeni formam acquirere possunt,

præsertim dura, quæ lucidiora, ut buxus, cedrus, morus tam albus quàm niger, quæ ligna omnium sunt ad hoc opus præstantissima, quamvis nigra morus aptior. Sumito itaque hujus generis ligna, atque in aqua aluminosa tres dies, vel ad Solem, vel prope ignem ponito, ut tantum calefiant: deinde in oleo communi, vel sesamino, in quo vitrioli Romani, sulphuris, singulorum tantum, quantum avellanæ respondeat, coquito aliquandiu: nam quò magis coquantur, eò etiam nigriora fiunt, modò ne nimium coquantur. Nam tunc & ambusta & fragilia fiunt. Ritè autem cocta si fuerint, nil pulchrius desiderari posse videtur.

Ad pelles cœruleo colore tingendas.

Sumito grana ebuli, vel sambuci, quantum satis esse videatur, coquantur primum, ungantur pelles, & laventur optimè, post exprimantur. Hoc facto, sumes ebuli vel sambuci acinos, eosque in aqua in qua alumen sit liquefactum, coquito: mox eadem aqua pelles semel inficito, & siccato, rursusque tingito & aqua fontana lavato, atque cultello, ab averfa parte aquam abstergito. Quod cum factum fuerit, rursus tingantur supradicto colore aliquo, siccanturque, & cœruleo præstabunt. *Idem.*

Ad pelles rubro colore tingendas.

Pelles prius unctæ, lotæ, expressæ, ut supra & expansæ, ponantur in aqua, in qua coctum fuerit tartari sal: deinde cum expressæ fuerint, addito prædictæ æquæ, cineris cancrorum ustorum quantum satis est, ea quàm optimè fricentur pelles: postea aqua communi abluantur, & exprimantur. His factis sumito radicis rubræ, q. s. est cum aqua tartari mistæ, qua fricentur pelles benè: deinde rursus addito cineres cancrorum ustorum, fricentur, laventur, & exprimantur, deinde ligno brasilio tingantur, præsertim si nondum satis rubere videantur. Radices rubræ cum aqua calida, in qua tartarum fuerit coctum, temperandæ erunt, & per noctem relinquendæ: deinde addendum aliquantulum aluminis ex vini fece parati, vel catini in aqua dissoluti. Possunt etiam pelles purpuræ tomento tingi in lixivio ferventi, & cocto, & tracto colore erunt pulcherrimæ. *Idem.*

Ad

Ad viridem colorem pellibus inducendum.

Rec. Spinæ cervinæ,

Aluminis sing. q. f. est.

Aquæ Fontanæ tantum, ut digitum unum emineat. Misceantur, & semel efferveant : deinde cùm colatum fuerit, pelles prius unctæ, lotæ, & siccatae fricentur optimè, dictis acinis coctis. Quibus factis, rursus alumine contrito fricentur, deinde rursus stercore ovino combusto, atque in supradictam aquam posito, postea iterum granis : quæ cùm deinceps aquâ lotæ ac siccatae fuerint, b's prædicto colore tingantur, & erunt perfectæ. *Idem.*

Aliter.

Rec. Spinæ cervinæ acinos maturos, contunde : deinde in aqua, alumine temperata, coque quantum volueris, quâ bis tingantur pelles prius unctæ, lotæ, & expressæ, quæ cùm exiccatae fuerint, tingantur colore flavo, ex ligustri acinis coctis in aqua aluminosa, & paucis croco, & erunt pulchræ. *Idem.*

Ad pelles cæruleo colore, alio modo tingendas.

Pelles tantum corticibus uvarum nigrarum fricentur, donec violaceæ fuerint : deinde Indico pulvere superad-dito, rursus fricentur, laventur, & siccantur. Potest etiam pulvis Indicus cum vino rubro contemperari, ut eo pelles lotæ tingantur. *Idem.*

Ad pelles rubeo colore tingendas.

Pelles benè lotæ, deinde in galla positæ, per horas duas, atque expressæ, tingantur, semel colore scotano, qui in aqua aluminosa unâ cum æris flore fuerit coctus. Quibus factis, inungantur pelles bis verзино, cum lixivio cocto. Verum si pelles, Damarum pelles imitantes, tingere voles, in lixivio scotanus coquendus erit. *Idem.*

Aliud ad pelles viridi colore tingendas.

Recipe { Sambuci contusorum,
Acinorum { Ebuli contusorum,
 { Spinæ cervinæ contusorum sing. q. f. est.

Aluminis quantum volueris.

Misceantur, & primò grana ligustri acini, in lixivio se-
mel

mel ferveant: deinde adde acinos ebuli & sambuci, quæ cum semel quoque bullierint, cocta auferantur ab igne: quib. frigefactis, fricentur pelles granis primò; deinde ovino stercore usto, demum aquâ supradictâ acinorum laventur, cultelloque ex adverso abstergantur, & pelles siccantur. Quòd si satis tinctæ non fuerint, penicillo iterum tingantur, addito pulvere Indico, ut perfectiores reddantur. *Idem.*

Ad hircinas pelles viridi colore tingendas.

Sumito hirci, aut capræ pelles, pumice expolitas: deinde oleo inunctas, demum lotas. Ad hæc in aqua calida colata, in qua gallarum tritarum unc. j. vel ij. positæ sint, fricentur benè: deinde relinquantur sic per horam unam, demum eximantur, exprimantur, & expandantur. His peractis, sumito acinos Spinæ cervinæ mense Julio collectos, quum sunt virides, hos siccatos tenuissimè terito: aluminis contriti, in singulas pelles unc. ij. cum dicto pulvere ligustri acinorum misceantur, superinfundendo aquam calidam: deinde frigida facta infundatur supra pelles, manu colorem imprimendo. Quibus factis, addatur aliquantulum stercoreis capræ usti, & contriti, & rursus fricentur: mox laventur, aquaque cultello, ut suprà, abstergantur, & expandantur. Deinde sumito ligustri acinos benè maturos eosque integros in aqua aluminosa coquito aliquantulum, quâ unà cum acinis frigefactâ, manu fricentur pelles, & cinere dicto respargantur, aqua acinorum calida temperata, laventur, & cultello abstergantur: deinde ubi semel aqua viridi penicillo tincta fuerint, siccantur, & erunt perfectæ. Quòd si obscuriorem colorem voles, quum acinos & alumen coquis, adde pulveris Indici aliquantulum tenuissimè contriti.

Pellium, è floribus liliorum tinctura.

Rec. Flores liliorum cœruleorum recentes.

Acinos Spinæ cervinæ aridos

Alumen ana q. s.

Terantur omnia, & misceantur cum pauca aqua fontana, & ferventur in vase aliquo mundo. Deinde pelles prius inunctæ, & lotæ tingantur tum acinis & cinere, ut dictum: deinde laventur, aquaque cultello abstergatur, & siccantur. Quo facto, tingantur pelles cum prædicto colore

lore in vase servato: deinde fricentur, corrugentur, lavigenturque secundum artem. *Idem.*

Ad Ossa cæruleo, rubroque colore inficienda.

Cum omnia ossa alba, præsertim cornu cervi, tingi possint, fumantur ea quæ placuerint: quæ cum prius fuerint parata, & formata ad usum, coquantur prius aliquandiu in aqua aluminosa: deinde eximantur & siccantur. Quibus factis, sumito floris æris, feri caprini, singulorum quantum satis est, misceantur, & simul cum ossibus in vas aliquod æneum, coopertum in fimo, per quindecim ponantur dies: deinde auferantur, & erunt pulcherrima. Quod si pro sero Urinam sumas, optimè feceris. Porro si rubra efficere voles, adde cinnabarim, vel laccam, ponantur in vas aliquod ligneum, aut vitreum, & non æneum. *Idem.*

Ad tingendas suillas setas, aut alia hujusmodi quibus vestes mundantur.

Sumito setas benè lotas: deinde in aquam, in qua alumen coctum fuerit, tamdiu immittito, donec aliquo modo colorem subflavum assumant. Deinde cape Rubiæ tinctorum contritæ, quantum satis est, ponatur in aceto: deinde aqua ad ignem, cui, postquam fervere cœperit, infundantur: quæ cum aliquandiu coctæ fuerint, auferantur ab igne, relinquanturque, donec frigidæ evaserint, deinde eximantur, & erunt pulcherrimæ. *Idem.*

Ad tingendas setas flavo, vel viridi, vel cæruleo, vel alio colore.

Setæ cum prius fuerint lotæ, & in aqua aluminosa coctæ, scotano, & croco tingantur, siquidem flava habere velis: vel succo acinorum sambuci, aut ebulli aut liliorum cœruleorum, si cœrulea: vel æris flore, si viridia. Atque ita his adhibitis, factoque periculo, an arrideant colores, setas variis coloribus infectas habere poteris. *Idem.*

Purpurinæ faciendæ modus, quo colore aureus color ad pingendum, & scribendum conficitur.

Rec. Stanni igne liquefacti, libram.j. cui adde, si ab igne remotum fuerit,

Argenti

Argenti vivi unc. viij. vel x. miscendo continuè.

Sulphuris contriti,

Salis ammoniaci contriti sing. libram j.

Misceantur omnia optimè, & terantur in mortario, vel lapideo vel vitreo, non æneo: deinde ponantur in cucurbitam ligneam magnam digitos duos, supra materiam luto inductam, & coquantur in fornace, primò igne perquam lento, deinde aucto, miscendo aliquandiu baculo, donec flavum colorem assumat. Quo factò auferatur ignis, & defervescere permittantur, & sic habebis purpurinam pulcherrimam, aureo colore infectam: quæ post lixivio teritur, & urinâ, vel lixivio, adjuncto croci pullo, eluitur, aquaqué è gummi temperatur, ut infra clariùs dicetur. *Idem.*

Modus parandæ lacce è Verzino.

Sumes tomenti, cujusvis generis libram j. Coquantur in lixivii sextariis duobus, donec tomentum in aqua dissolvatur. Quod cum factum fuerit, ponatur in vas aliquod ligneum vel lapideum, adjiciendo sensim aluminis contriti libram j. ligneâ spatulâ continuè miscendo, deinde etiam aquæ frigidaë sextariis duobus sensim infusis, in sacculo coletur, & materia in sacculo residua, in vase vitreo fervetur. Quibus factis, sumito ligni brasiliï incisi libram j. coquatur in sextario lixivii, donec digitus unus evanescat: deinde fiat colatura, cui adde gummi Arabici contriti unc. j. & coquatur iterum, donec medius digitus absumatur. Mox adjungito materiam in vitreo vase servatam, & misceto optimè, deinde coletur, & eximatur, ex eoque quod in colatorio relictum est, fiant pilulæ, atque in umbra siccentur, & erunt perfectæ. *Idem.*

Modus parandi Tabulas albas, debiles, in quibus

scribitur stylo æneo, cujusmodi sunt libelli qui in Germania fiunt.

Gypsi mundi & cribrati, quantum satis est, capies, & cum colla cervina, aut alia dissolves: quod cum exsiccatum fuerit, radatur, ut politum fiat & lucidum. Quibus sic se habentibus rursus, ut priùs dissolvatur, radatur: deinde sumito cerussæ in tenuissimum pulverem redactæ, & cribratæ, quantum satis est: misceatur cum oleo lini cocto, & fiat unguentum, quo illinantur tabulæ: quæ cum benè illitæ fuerint, siccentur in umbra per dies quinque

que aut sex, deinde panno aliquo, in aqua intincto, deinde expresso, expoliantur tabulæ, & sic relinquuntur per dies quindecim, aut viginti, donec optimè siccentur, quibus ad scribendum delendumque, quod scriptum fuerit, utimur. *Idem.*

Scriptoriæ rubricæ ratio.

Rec. Ligni brasili minutim incisi unc. j.

Cerussæ

Aluminis sing. unc. ij.

Terantur & misceantur: quibus tantum urinæ superinfundito, donec cooperiantur, relinquunturque sic per tres dies, miscendo quotidie ter aut quater: deinde coletur per linteum ponaturque in catino aliquo vitreato, vel mortario, & siccentur in loco aliquo, ab aëre & Sole remoto & ferventur. Quando autem ad scribendum uti voles, aqua gummi temperata conficito. *Idem.*

Ad Pelles inaurandas, quibus cum alia, tum peristromata, & aulea sunt.

Rec. Olei lini libras iij.

Vernicis.

Colophonix sing. libram j.

Croci contriti unc. sem.

Misceantur & coquantur ad ignem tamdiu, donec gallinæ penna immissa, deinde extracta, videatur usta: deinde auferantur subito ab igne, addatur sensim aloës hepaticæ in pulverem redactæ, libra j. miscendo continuè baculo aliquo dextrè, ne nimio fervore justo altius sublevantur. Nam cum sublevatur, subito ab igne auferenda erunt, quousque resideant: deinde rursus ad ignem ponenda, coquendaque tamdiu, donec optimè permista fuerint: postea auferantur ab igne, & cum aliquantulum quieverint, coletur, & fervetur in vase aliquo. Quòd si pro croco sumas alborum liliorum croceos flosculos, optimè feceris. Cæterum si pelles auro obducere voles, obducantur primò foliis argenti, vel stanni cum ovorum albo, vel gummi Arabico: deinde prædicto unguento inungantur, & subito auri colorem recipient: deinde siccentur ad Solem, imprimendo formas, vel pingendo, & erunt pulcherrimæ. *Idem.*

Ad

Ad tingenda serica coccineo colore, quod Chermesinum vocant.

Rec. Smegmatis duri, & rasi, quantum fatis est, dissolvatur in aqua communi: deinde imponantur serica panno aliquo linteo raro involuta, & coquantur simul ad ignem, per semihoram, movendo aliquando, ne vasi adhærescant. Quibus deinde exemptis, & lotis aquâ falsâ, deinde communi, fumito pro qualibet libra sericorum libram unam, aut plus, aluminis in aqua frigida sufficienti dissoluti, in quam serica per se, absque prædicto panno, injicito per horas octo. Quod cum factum fuerit, eximantur serica, & laventur, primò in aqua communi, deinde falsa: atque iterum communi, quibus postea subito in cacaba positis, unâ cum sequentibus cocci granis, quod in hunc modum se habet:

Rec. In singulis libris serici, Chermesi, sive cocci contriti & cribrati unc. iij. aut iiij. bulliant in tanta aqua communi, donec sericum cooperiatur ad quatuor aut sex digitos, adde similiter in singulas serici libras, uncias tres gallarum in pulverem contritarum. Quod si gallæ desint, adde loco gallarum arsenici crystallini unc. f. pro libra serici, quod colorem perfectiorem reddit, nisi quod tam aqua, quàm ejus vapores sunt valdè periculosi. Quando autem bullire incipit, tunc sericum ita præparatum, ut supra, injicito, & coquito per horas quatuor: deinde cum exemptum fuerit, siccetur in umbra, & erit perfectum. *Idem.*

Modus parandi Verzini quatuor colorum.

Rec. Verzini quantum fatis est, coquatur in sufficienti quantitate aquæ, usque ad consumptionem tertiæ partis, vel donec color pulcher evadat: deinde ablato ab igne, in quatuor dividatur partes, quarum una per se servatur, & erit rosei coloris: alteræ adjungatur parum aquæ calcis, & erit punicei: alteræ addatur parum lixivii, & erit violacei coloris: ultimæ denique adjiciatur aliquantulum aluminis, & vini fecis, & erit viola obscurior. Verùm cum hæc adduntur, verzinum tepidum esse oportet. *Idem.*

Verzinum rubrum, alio modo.

Sumito mensuram aquæ communis, cui addito tantum calcis,

calcis, ut nucis magnitudini respondeat: deinde cum sic per integram noctem fuerit relicta, fumito Verzini rasi tantum, ut ad dimidiam vasis partem perveniat, cui superinfundatur aqua calcis, colata, quæ cum per quatuor horas steterint, coquantur, donec dimidia pars evanescat. Quod cum rite factum fuerit, auferatur ab igne, & sensim in aliud vas infundatur, ut color tantum auferatur: cui denique addatur aluminis contriti parum, nempe tantum ut ciceris magnitudinem referat & fervetur. Quod si ad scribendum uti velis, adde aliquantulum aquæ gummatæ. Si verò mavis colorem puniceum, adjicito lixivii unc. iij. plus minúsve, & erit perfectum.

Color purpureus ut parandus.

Rec. Myrtillorum baccar. nigr. libras ij. aluminis unc. j. æris usti unc. f. aquæ mensuram mediam. Hæc commisceantur in ahenò, & ad duorum digitorum consummationem coquantur, frigesacta coletur, & vase puro excipiat, & donec ad sufficientiam crassescat, relinquatur.

Coloris rosei parandi modus.

Aceti vel vini sume q. placet, huic adde alumen in tenuissimum pollinem redactum, quo dissoluto, lixivium forte ex calce conficiatur. Post accipe ligni brasili, aluminis q. f. quibus linteo involutis in lixivium suspendantur, & ad diem illic relinquuntur, dein succum exprimito, & rursus suspendito: hoc fac iterando ter aut quater. Cum tandem quartò expresseris, colorem optimum siccandum relinque. *Idem.*

Alius roseus color.

Rec. Partes minii duas, cerussæ partem unam, contendo, probè misceantur. Vel Sume auripigmenti, & minii sing. æqualem partem, & agitando benè commisceantur. *Idem.*

Color spadiceus ut parandus.

Sumatur Lignum brasiliū infriatum, & vitriolum album, commixtis invicem ad ignem coquantur. Vel im-misce nigro colori minium & gummi q. f. *Idem.*

Color flavus.

Rec. Baccas rhamni circa festum Laurentii lectas, his tuis aluminis triti adde paululum & in vase æneo asser-va.

Aliter.

Accipe Cortices mali, his detrahe tunicam asperam exteriorem, & abjice, reliquas in frustra secabis superinfundendo aquam, ad ignem bis vel ter ebulliant, adde alumen tritum & semel adhuc bulliant. *Idem.*

Aliud.

Optimum parabis luteum colorem, si ovi vitellum cum croco permiscueris. Vel excipito crocum & alumen tritum panno lineo, superinfunde acetum & exprimito. Item poteris invicem commiscere crocum, vitellum ovi, gummi Arabicum & Alumen, & ad usum reservare. *Idem.*

Color viridis ut parandus.

Baccas Rhamni, post festum Michaëlis lectas contunde aquam superinfundendo, & aluminis pauxillum addendo. Post probè misceantur & ad duos dies relinquantur. *Idem.*

Elegans viridis color.

Accipe mellis q. s. cui affunde aceti paululum plus, commisce invicem diligenter in vase vitreo vel cupreo, quod melius, quo obturato fimo duodecim diebus immoretur. Idem recipe acetum vitreis chymistarum organis extractum, funde in vas cupreum, adde scobem cupri & ad locum calidum repone, cum apparuerit acetum coeruleum, effunde in aliud vas vitreum. Post acetum aliud affunde & repone, ut antea dictum. Et hoc fac iterando quoad sufficientem coloris copiam habeas. Colatum tandem ut crassescat linque. *Idem.*

Ad molendum sive terendum aurum, ad miniandum & scribendum.

Rec. Folia auri, & quot volueris.

Mellis tres aut quatuor guttas.

Quibus mistis & confusis, fervetur in vase osseo aliquo, si ad scribendum uti velis, addito aliquantulum aquæ gummatæ, & erit optimum.

Aliter.

Rec. Folia auri vel argenti quot volueris, ponantur in catino

catino vitreo, terfo, in quo digito tantum macerentur cum aquâ, donec optimè macerata fuerint: deinde impleatur aquâ communi, & misceantur, relinquunturque per semihoram. Quibus factis sensim auferatur aqua, ita, ut aurum in fundo remaneat, quod siccetur, & servetur in vase cooperto. Quando autem ad scribendum uti voles, addito aquæ parum. *Idem.*

Aliter cum purpurina.

Rec. Purpurinæ quantum volueris, ponatur in catino cum urina, aut lixivio, digito miscendo & macerando benè. Quod cum factum fuerit, impleatur urinâ, vel lixivio, & relinquatur, donec residuum faciat: deinde rursus maceretur, mutando urinam, vel lixivium toties, donec aqua, vel ultima urina lucida evadat: deinde sensim coletur urina: materiæ verò reliquæ addatur parum croci, aquæ gummatæ, & fiat liquor ad scribendum, miniandumque. *Idem.*

Compositio quæ Sisa vulgò dicitur, in qua aureæ bracteolæ expolitæ collocantur.

Rec. Gypsi optimi,

Boli Armen.

Aloës hepaticæ,

Sacchari candidi sing. drach. f.

Terantur singula per se, quibus alterum super alterum collocatis, addatur parum zibethi, vel mellis.

Ad aurum ponendum, simplex compositio.

Rec. Gypsi optimi,

Aloës hepaticæ,

Boli Armen. sing. part. j.

Redigantur singula in pulverem, & contendantur cum ovorum albis: deinde colentur. Quòd si nimium esset fortis, adde aquam communem.

Aliter.

Sumito aquæ gummatæ q. f. est, qua sola affigatur aurum, vel charta pergamena, vel corio, & erit perfectum. Valent etiam alba ovorum, lac ficuum.

Ad Aurum in nigra materia reponendum.

Sumito fumum ex lucernis, quo tingantur nigra: deinde superaddatur aurum cum aqua gummata.

Marmor aut lignum, quomodo auro obducenda.

Rec. Boli Armeni,

Olei nucum, sing. q. f. est.

Contendantur, & pincentur simul: deinde quando aurum obducere voles, videas ne liquor nimium humidus, aut nimium siccus conspiciatur. *Idem.*

Ad literas aureas sine auro faciendas.

Rec. Auripigmenti,

Cryſtalli ſing. unc. j.

Redigantur in pulverem ſingula: deinde miſceantur cum ovi albo, & fiat liquor, quo ſcribatur. *Idem.*

Ut Literas argenteas abſq; argento facias.

Rec. Stanni unc. j.

Argenti vivi unc. ij.

Miſceantur, & liqueſcant ſimul: deinde cum aqua gummata contendantur, & ſcribe. *Idem.*

Ut Literæ virides fiant.

Sumito folia rutæ, ex quibus ſuccum exprimito, cui addito floris æris, croci, ſingulorum parum, contere, cum uti voles, aquâ gummata, utere & ſcribe.

Ut Literæ albæ ſcribantur.

Sumito lactis ficuum q. f. eſt, & in vaſe aliquo vitreo ponito ad Solem, per ſemihoram. Cum verò uti voles, aquam ſumito gummi, miſce, & ſcribe. Ubi ſcripſeris, tota papyrus atramento tingenda erit: deinde cum exſiccata fuerit, panno aliquo linteo optimè fricanda, ut literæ cum ficuum lacte ſcriptæ, auferantur, ſpaciaque illa alba remaneant. Nam eo lacte effectum eſt, quò minus ſpacia literarum atramento tingerentur. Similiter valent etiam ovorum vitella, modò cum aqua contuſa, fiat liquor & ſcribatur: deinde cum atramento tinctâ integra papyrus, atque exſiccata fuerit, fricentur literæ, vel panno aliquo vel cultello, & remanebunt literæ albiſſimæ. *Idem.*

Liquor

Liquor viridis ad scribendum & pingendum.

Rec. Floris æris quantum satis esse videtur, ponatur in aceto, donec liquefiat: deinde coletur per pannum subtile. Quod cum factum fuerit, super lapide porphyrite teratur optimè cum aqua communi, addendo parum mellis. Deinde cum benè siccatum fuerit, rursus super lapide porphyrite, cum aqua gummi teratur, & res erit perfecta.

Cærulei parandi alia ratio.

Cæruleum cum melle, ut æris flos, conterendum, sed purgandum non est. Temperatur autem ovi albo agitato, aut glutinis aqua, & non gummi. Aqua hæc glutinis, fit ex viscerum glutine lucido & liquefacto, & colato, ut ex gummi solet.

Cinnabaris parandi modus ad scribendum.

Cinnabaris, cum super lapide porphyrite optimè aqua communi contrita, deinde exsiccata, fuerit, ponatur in vas aliquod osseum, vel vitreum, urinaque superinfundatur, relinquaturque sic aliquandiu: nam fundum materia petet: postea auferatur sensim urina, atque rursus recens addatur. Quod cum octies, aut decies factum fuerit, optimè purgatum erit. Quibus sic se habentibus, sumito ovorum alba optimè agitata, & in aquam puram dissolvantur: eam aquam super cinnabarim effundito, ut transversum digitum emineat, rursusque simul agitato: deinde cum residuum fecerit, auferantur ovorum alba sensim, rursusque recentia addantur, fiatque hoc toties, quoties cum urina factum fuit. Hoc quidem nullâ aliâ ratione fit quàm ut foetens ille odor, ex urina contractus evanescat. His omnibus factis, addantur albumina ovorum recentia, misceantur optimè, & fiat liquor ad scribendum, & pingendum. Cæterum hic liquor in vase aliquo obturato servandus erit: deinde cum quis hoc uti volet, ligno aliquo miscendus servatur etiam diutissimè incorruptus.

Aqua fortis ad Serica, marmora, pannosque linteos inaurandos.

Sumito glutinum ex pergameno confectum, quo illi-

natur tela serica leviter, ne aqua illa penetrare queat.
Quo facto sumito

Cerussæ,

Boli Armen.

Floris æris sing. part. j.

Misceantur, & redigantur in pulverem super lapide porphyrite, & fiat pulvis, qui ponatur in ollam aliquam vitreatam, addendo sandarachæ liquidæ tantum, quantum fatis esse videtur, ad ignem admodum lentum ne bulliat. Cæterum super marmora gluten non erit ponendum, sed tantum fortis aqua. *Idem.*

Libri auro quomodo obduci queant.

Rec. Boli Armen. ad nucis quantitatem.

Sacchari candidi ad ciceris magnitudinem.

Redigantur in pulverem tenuissimum simul: deinde addantur alba ovorum, misceantur optimè, contundendo. Quo facto, sumito librum optimè ligatum, & sub prelo, cum ovorum albo illitum: deinde cum exiccatum fuerit, illinatur prædictâ compositione, & siccetur, friceturque benè, ut politum læveque fiat. Quum autem auro eos obducere voles, aqua communi prius humectentur: deinde subito auro superposito, bombyce premantur leviter, & exiccati, dente lævigentur, atque ferro frigido formæ imprimantur. *Idem.*

Ad conservanda ovorum alba incorrupta ad cinnabarinam parandam, aliosq; colores absq; arsenico, res perpaucis admodum cognita.

Sumito ovorum alba recentia & integra, quibus superinfundito in centum ova, tertias aceti partes, finitoque sic ad horas vigintiquatuor: deinde coletur per pannum linteum subtile, ne frangantur ovorum alba, relinquanturque sic per dies octo: quæ cum deinde rursus colata fuerint, servantur ad usum, in vase aliquo cooperto.

Aqua fortis ad effigiandum.

Rec. Gummi Ammoniacy part. iiij.

Arabici part. j.

Sagapeni part. iv.

Miscean-

Misceantur, & ponantur in aceto, donec mollescant: deinde contundantur, colentur, & servantur ad usum. *Idem.*

Aliter ad idem.

Rec. Gummi ammoniaci unc. j.

Arabici unc. iij.

Ponantur in aceto per horas xxiv. donec mollescant: deinde adde mellis flavi, ad magnitudinem nucis, alii mundati, & contusi caput unum, aloës hepaticæ parum: misceantur, & coquantur aliquando in aceto: deinde coletur, exprimaturque benè substantia omnis. Quòd si videatur liquidius, coquatur denuò, donec justam consistentiam acquirat, & fervetur in vase aliquo vitreo. Quando autem uti voles, tingantur eâ, quæ auro obduci velis: deinde cùm exiccata, & oris halitu calido humectata fuerint: subito auri folia superponantur, ac penicillo, seu bombyce applicentur.

Modus quidam hætenus ignoratus, sed facilis, moliendi auri, vel argenti pulcherrimi coloris, quod expoliri, & gummi illustrari potest.

Sumito foliorum auri tantum, quantum volueris, ponantur in crucibulum, vel testam ad ignem: deinde sumito argenti vivi quater tantum, & similiter in aliud crucibulum, vel testam ponatur ad ignem, sed non propè, ut tantum calefiat. Auri verò folia tamdiu ad ignem relinquenda, donec rubescere incipiant, sed non liquefiant. Quibus factis auferantur ab igne crucibula, & misceatur argentum vivum cum auri foliis, miscendo aliquantulum simul ligno aliquo: deinde subito in scutellam aquæ plenam injiciantur, & fiat malagma. Verùm si aliter facere voles, folia auri cum argento vivo, super lapide porphyrite conterantur, donec optimè mista, atque contusa: deinde bis, terve aquâ communi laventur, quòd si parum aceti, vel fucci limoniorum addas, optimè feceris: nam melius citiusque permiscuntur. Itaque hoc malagma quocunque modo paratum, sumito, atque per pannum lineum non rarum exprimatur, ut pars aliqua argenti vivi exeat: vel exprimatur per damæ, sive agni candidam pellem, quod melius est: deinde quod in pelle hæsit, conteratur cum sulphure vivo optimè

prius contrito, tanto, ut dimidiam massæ mensuram non excedat. Quibus factis, ponatur in vase aliquo ferreo ad ignem, optimè cooperto, ibique relinquatur donec totum sulphur combustum, & quod relictum, flavum fuerit: deinde frigidum in scutella aquæ plena toties lavetur, donec auri colorem sumat, & servetur ad usum. Quando autem quis uti volet, addat tantum aquæ rosarum, vel communis, in qua gummi Arabici dissolutum sit, quantum fatis est: hæc misce, & fiat liquor aureus, ad scribendum, & pingendum. Quod cum scriptum, pictumque fuerit, fricentur literæ, dente aliquo leviter, quod cum alio molito auro, quo omnes ferè pictores utuntur, fieri nequaquam potest. Cæterum hoc secreto Veterum quidam usi sunt, ut in quibusdam veteribus libris videre licet. Verum in poliendo, animum adhibere oportet, ut etiam papyro superaddita fiat: deinde etiam absque papyro, præsertim literis non ritè lucentibus. *Idem.*

Ad gummi faciendum (quod Vernicem vocant) pulcherrimum ad dictum aurum illustrandum, & omnia alia opera, coloribus infecta, & sine coloribus.

Rec. Belzoinum, inter duo folia papyri, contritum optimè, idque in ampulla ponito, ac tantum aquæ vitæ superfundito, ut ad tres, aut quatuor digitos emineat, croci capillos quinque, aut sex crassè contusos, vel integros, & relinquatur per unum, aut duos dies. Quod cum factum fuerit coletur, quo cum opera inaurata illustrare volueris, penicillo ea illines, & fient lucida & pulcherrima. Hæc materia citò ficcatur, atque in multa durat secula. Quod si argenti folia conterere voles, facito, ut suprà dictum est, nisi quod loco sulphuris, sal accipiendum erit. Quæ si gummi opera illustrare voles, sumito medullæ belzoini: nempe partes illas albas in medio belzoini consistentes, quantum fatis est, addendo tantum aquæ vitæ, quantum suprà dictum est: crocum autem non adhibebis. Hoc gummi possunt illiniri varia, sive picta sive non, ut mensæ, capsæ præsertim ex hebeni, aut nucum ligno: item Coria, sive auro obducta, sive non: quoniam non solum lucida efficit, verum etiam colores conservat. Præterea cum statim exiccetur, neque pulveres, neque alias sordes admittit, quæ vel panno, vel cauda vulpina abstergi, atque auferri nequeat.

Modus

Modus terendi sive molendi auri vel argenti facile, quo periti Artifices utuntur.

Sumito folia auri, quæ in scutella aliqua vitrea cum julapio rosaceo conterito, & misceto digito medio, ut optimè misceantur: deinde super lapide porphyrite, aut marmoreo positis, rursus probè conterantur, addendo aquam sensim: post auferatur, atque in scutellam colligetur lapide benè loto aqua, ut ritè colligi possit. Quibus sic se habentibus, aurum benè digito lavetur: deinde cum in fundo residuum fecerit, aqua sensim auferri debet, aliaque superinfundi calida, ac denuò lavari, hocque toties faciendum donec julapium, lavando probè ablatum fuerit, aquaque dulcis amplius non apparuerit. Postea exsiccatum aurum, in vase aliquo vitreo super cinerem calidam positum, tamdiu finendum erit, donec optimè calefiat, atque colorem suum naturalem recipiat: quo facto contemperetur aqua gummi, & fiat liquor ad usum. *Idem.*

Liquor aureus facilis, & non multi precii.

Rec. Cortices arantiorum flavas, & ab interioribus optimè purgatas, & contusas, sulphuris flavi, & lucidi in pulverem redacti, quantum satis esse videatur: misceantur, conteranturque benè simul, & ponantur in phialam aliquam vitream in loco humido per dies octo, aut decem, quâ deinde ablatâ, ad ignem calefiat liquor aureus ad pingendum & scribendum. *Idem.*

Aliud ad inaurandum quævis metalla.

Rec. Vernicis liquidæ libram j.

Terebinthinæ,

Olei lini sing. unc. j.

Misceantur omnia optimè, ferventur ad usum.

Atramenti conficiendi modus optimus.

Sumito gallarum optimarum in tres aut quatuor partes incisarum, vel leviter contritarum quantum volueris, quæ cum in oleo pauco, aliquantulum fuerint frixæ, ponantur in ollam vitreatam, superinfundendo vini albi tantum, ut ad quatuor, vel plures digitos emineat: deinde adde gummi Arabici contriti lib. f. Vitrioli contriti unc.

viiij. misceantur & ponantur ad Solem per dies aliquot, miscendo quotidie. Postea cùm aliquantulum, & ad sufficientiam cocta fuerint, coletur, & erit perfectum. Cæterùm fecibus relictis recens vinum addi potest, quoties vinum non ampliùs à fecibus tingitur. His quidem vinis simul mistis, addantur gallæ, gummi, vitriolum recentia, ut suprà: deinde cùm rursus ad Solem posita, demumque cocta fuerint, multò melius erit, quàm prius. Quò enim sæpius iterentur hæc, eò etiam melius evadet atramentum. Quòd si atramentum spissius, quàm par esset evaderet, addatur parum lixivii, & fiet fluidum. Si verò nimium esset fluidum, addatur gummi Arabicum. Cæterùm gallas parvas, crispas, duras esse oportet, quemadmodum vitriolum coloris cœrulei: gummi præterea lucidum & friabile. *Idem.*

Atramenti pulvis, quem quisque proficiscens secum ferre potest, modò aquâ vel vino contemperetur. Hic etiam pulvis reddit atramentum perfectius.

Sumito nucleos persicorum, vel armeniacorum, vel amygdalarum, sive dulcium, sive amararum, & ponantur ad ignem, donec candescant, auferantur, & ferventur. Quo facto, sumito resinæ piceæ quantum satis est, ponatur in vas aliquod, vel ollam ad ignem, & cùm candelâ vel carbone accensa fuerit, cooperiatur operculo aliquo; ita ut spirare, non extinguere, sed fumus optimè recipi possit: deinde cùm resina omninò consumpta, vasaque frigida fuerint, abstergetur fumus in operculo hærens, & servetur. Quòd si quis tantum laboris, pro conficiendo fumo insumere nollet, emat ab iis, qui impressorum atramentum conficiunt. De hoc itaque fumo sumito part. j. pulveris nucleorum accensorum part. ij. vitrioli part. j. gallarum frixarum, ut superius dictum, part. j. gummi Arabici part. iv. Redigantur in pulverem, cribrentur, & misceantur, fiatque pulvis in corio servandus. Quando autem uti voles, sumito hujus pulveris parum: cui adde aliquantulum aquæ, vel vini, vel aceti, & misce benè & utitor. Atque sic habes atramentum repentinum, quod quisque secum, absque effusionis periculo ferre possit. Quòd si hic pulvis addatur atramento non bono, perfectissimum redditur. *Idem.*

Atra-

Atramentum paratu facile, neque magno precio : præterea non solum ad scribendum, verum etiam ad libros imprimendos aptum.

Rec. Ejus tincturæ, quâ coria tinguntur, quantum volueris, fellis sæpiarum, quantum satis est, misce & fiat atramentum. Verum si melius efficere voles, adjungito prædictum pulverem ex illis carbonibus, vitriolo, galla & gummi. Hoc etiam atramento libri imprimi poterunt: præsertim si aliquantulum vernicis, & olei lini addatur, ut liquidius & tenacius fiat. Cæterum atramentum pro imprimendis libris, ex solo fumo resinæ conficitur, ut supra dictum est, addendo vernicis liquidæ quantum satis est, & coquendo parum, fiat atramentum, vel liquidius, vel spissius, ut res ipsa poscere videbitur. Nam hyeme liquidius, æstate firmitus esse debet. Quod si liquidius efficere voles, adde plus olei lini: si verò durius, minus olei, & plus fumi, meliusque coque. Verum durius atramentum elegantiores efficit literas. Quod si rubrum atramentum conficere cupias, loco fumi sumito cinnabaris optimè contritæ, quantum volueris: si verò viride, & æris florem accipito: si cœruleum, ut paucis retro annis utebantur, sumito cœruleum Germanicum, vel enchaustum vitreum, quod Venetiis habetur. Reliqua fiant, ut in communi atramento dictum est. *Idem.*

Liquor ad scribendum tanto candore præstans, ut papyrum vincat, in eaq₃ legi possit.

Sumito ovorum cortices optimè lotas, easque super porphyrite, vel marmore, cum aqua conterito, & in scutella positas finito, donec in fundo materia resideat: quo factò sensim auferatur aqua, materiaque vel per se vel ad Solem siccetur, serveturque. Quando autem uti voles, accipito gummi ammoniaci, exemto flavo cortice quantum satis est, ponatur in aceto distillato, per horam unam, donec dissolvatur: deinde coletur, cui addatur aliquantulum prædicti pulveris, & fiat liquor omnium albissimus ad scribendum & pingendum. Hoc etiam liquore primaria quædam fœmina Italica ad faciem dealbandam utitur, propterea quod absque ulla aliqua læsione cutis, & dentium, ita faciem albam reddit, ut non illita,

illita, sed naturâ sic esse videatur. Verùm si ad faciem uti velis, liquorem multò rariorem & tenuiorem esse oportet, ut melius penetrare & durare queat. Cæterùm si ad hunc effectum aliquantulum talci combusti, ut sequenti libro docebitur, addideris, optimum feceris. *Idem.*

*Pulvis abstergens atramenti maculas, vel literas scriptas in papyro, quæ res scitu est pulcherrima
atque commodissima.*

Rec. Cerussæ optimè contritæ,

Lactis ficuum sing. q. f. est.

Misceantur, & fiat massa, quæ cum exsiccata, deinde rursus imbuta lacte, atque sic sexies factum fuerit, fiat pulvis & fervetur. Quando autem atramentum vel literas à papyro auferri velis, sumito pannum lineum, aquâ imbutum: deinde expressum, ponatur supra atramentum, vel literas, tamdiu, donec humectata sint. Quod cum factum fuerit, pulvis prædictus superaspergatur, & relinquatur sic per noctem unam: deinde manè cum panno aliquo linteo sicco fricetur leviter: quo factò, papyrum candidissimam videbis, & ad scribendum aptissimam. Quòd si omninò deletum atramentum non esset, iteretur ut priùs, & fieri nequit, quin auferatur. Quòd si attenuata charta nimium sit eâ frictione, glutine, quo ligna ferruminantur, leviter liquefactò, cerussæ vel farinæ pusillo admisto densabitur. *Idem.*

*Modus parandi vernicem, ad membranas, sive papyrum levigandam, quâ utimur ad scribendum: quæ
melior est, & pulchrior eâ quâ vulgò utuntur,
nec, ut vulgaris, malè olet.*

Vernix quâ scriptores utuntur ad conficiendos libros, est gummi juniperi in pulverem redactum. Ex hoc etiam gummi cum lini oleo cocto liquida vernix conficitur: Utuntur scriptores prædicta vernice contrita, ut melius atramentum suscipiat charta, nec perfluat. Verùm si meliorem, atque minore precio parare voles, sumito ovorum cortices, mundatas & leviter contritas, easque in olla aliqua benè cooperta, in fornace, vel figuli, vel vitrearum tamdiu finito, donec optimè in calcem ac cinerem vertantur:

tantur: deinde cribrentur, & fiet pulvis albissimus. Quum autem uti voles, ponatur aliquantulum super papyrum, atque leporino pede hinc inde spargatur, hinc quod reliquum est, abstergetur, & ad scribendum reddetur optima. Verum si posteaquam scriptum est, & siccatum, pulverem auferri desideres, aliquantum cum medulla panis fricetur, & absterget pulverem omnem. *Idem.*

Liquor ad formandas Lineas, quæ deinde cum super scriptum fuerit, auferri queunt, ita ut nullo modo amplius appareant.

Sumito tartari ad albedinem usque usti tantum, donec ad avellanæ magnitudinem accedat, dissolvatur in scutella aquæ plena: deinde fiat colatura, cui adde lapidis lydi in tenuissimum pulverem contriti tantum, quantum satis esse videtur, misce & fiat liquor ad formandas lineas, quas cum auferri velis, fricetur papyrus cum medulla panis duri, & auferentur, ita ut ne vestigium quidem reliquum sit, quod est arcanum scitu dignum, & admodum utile. *Idem.*

Ratio solida in plano pingendi.

Verum quæ in plano pinguntur, solida apparent. Hoc autem maximè duabus ex causis: altera est umbra, à qua oculus iudicium illud refert. Si umbra igitur umbrosum & solidum corpus. Adeò enim sensus asseverare iudico ex diuturno usu contracto, ut referant in Insulis nuper repertis, nec habitatis unquam aliàs, aves non refugientes, capi manibus. Altera est, ut consideres, quæ pars corporis videatur, velut in cubo suprema anterior, dextra aut sinistra: latent reliquæ superficies: inde umbram ad lumen quod ante te finges ad altitudinem dimidii tecti collocabis, corpus autem pro lineis quæ ab oculo ad cubum super planum extenduntur, & ab angulo intuitum constituere, & lumen è latere. Rursus alia ratio est tabulæ, quæ in pariete pendet, alia ejus, quæ sub oculis ac manibus finitori æquidistans jacet: verum in omnibus hoc commune est, ut rem ipsam constituas eodem loco, & angulos & puncta eodem in plano, & ad lumen exprimas, ut terminos rei visæ. Cum enim anguli fuerint æquales, & coloribus, ac umbris adjuvantur, ut eadem corpora

corpora referant necesse est. Idem enim refert idem, & simile simile. Memento tamen, ut locum visus æqualis observes, is est humanæ figuræ caput, cum homo in tabellâ pictus fuerit: quæcunque enim infra illud sunt, videbuntur humilia: quæcunque supra, sublimia, non secus, quàm si verè tali in situ forent, oculus judicabit. Igitur ut solida referas, sunt hæc quatuor absolvenda; forma rei ex radiis oculorum sumta, umbra ex radiis lucis, color qui non alius esse debet, quàm ejus corporis sub ea luce, & sub eo situ collocati: ac demum situs in tabella ad hominis depicti rationem, cujus vertex è directo sit tuorum oculorum, statuendus est. *Cardanus.*

Ut in ligno figuras protuberantes efficias.

Sed placet inventum *Georgii Joachimi*, viri ingeniosi adjicere, quo in ligno figuras effingere docemur, lignum durum, rotundum, perpolitum, neque viride, neque planè siccum, crassitudine pugni vel etiam majore, in aquam aliquot diebus, donec intumescat, demissum, stylo ferreo malleoque ligneo sensim elaborato: erit autem cuneus cum margine, ut à latere vides, ne profundius possit immitti: cum verò, quod voluisti, absolveris, torno lævigato lignum, ad unguem usque quo penetravit stylus: inde permitte in umbra ficari, nam vi coactæ intro ligni partes protuberabunt, atque ita formam, quam meditatus es, referent. Sit autem stylus obtusus aliquantulum. *Idem.*



*Liquor aureus ad inauranda coria, argentum
& vitrum.*

Rec. Olei lini libras iij. coquantur in olla vitreata ad ignem lentum, donec fatis esse videatur, id quod injectâ gallinæ pennâ illicoque exemptâ, facile deprehendi poterit. Nam si extracta nudatur, fatis coctum: si verò non, ampliùs coquendum erit. Verùm ut tutius & absque ullo periculo coquatur, fornacula conficienda erit, ita

ita ut olla superposita, flammam concipere nequeat, atque ipsum oleum accendere. Cocto itaque quantum satis est oleo, accipe resinæ piceæ, vernicis non liquidæ sing. unc. viij. aloës hepaticæ unc. iv. redigantur in pulverem omnia, & prædicto oleo addantur, & continenter baculo misceantur, maximè igne jam aucto, & coquantur ad julapii usque consistentiam. Quòd si liquor videretur clarius splendidiorque quàm par est, addito aloës citrini unc. j. sem. vel unc. ij. addendo minus sandarachæ, & sic paulò obscurior erit liquor, auroque similior. Cùm autem fuerit coctus, illicò ab igne auferatur, ne flammam concipiat (omnem enim consumeret) deinde sacculos binos acutos, quorum alterius acumen altero contineatur, habeto: in hunc subito liquorem infundito, ut antè quàm frigeat, subtiliter percoletur, & sic omnis utilis materia in fundo hærebit. Hæc per diu conservatur, & quò vetustior, eò melior. Scito autem ab aloë aureum illum colorem pervenire, cætera corpus efficiunt & inspissant. Quòd si densiorem voles, cùm oleum ad certam mensuram inditum, coctum fuerit, quantum voles eximito: deinde præscriptum ordinem sequere, quæ ubi perfecta fuerint, tres quatuorve libras non excedent: quoniam minore pondere parari nequit. Artifices verò quadraginta vel sexaginta libras conficiunt simul, & servant à pulvere immunem. Quòd si vitrum vel stannum inaurare voles, penicillo tingito, & sic vasa auro puro obducta videbuntur. *Alexius.*

Ad marmora, & alabastrum, cæruleo vel violaceo colore inficienda.

Accipe Succu pastinacæ rubræ, liliorum cæruleorum, aceti albi sing. quantum satis est. Quòd si prædicti succi in promptu non sint, eo tempore parentur, quo flores & radices haberi queant, & servantur ad usum: vel si alterum desit, altero tantum utere, misceantur, & coquantur aliquandiu, addendo in singulas libras succorum aceti, aluminis contriti unc. j. Quibus factis, marmora, vel alabastrum in prædicto succo ponantur, coquanturque tamdiu, donec probè fuerint infecta. Quòd si marmora præ magnitudine imponi nequeant, calefiant tantum optimè eo in loco, quo sita sunt, deinde succo ferventi tingantur, & erunt pulcherrima. *Idem.*

Rosa,

*Rosa, vel flores Caryophyllorum quomodo
insigniantur.*

Accipe falis ammoniaci quantum fatis esse videatur, teratur super marmore cum aceto, & pauco saccharo, quod candidum vocatur: & ad usum fervetur. Quando autem uti voles, sumito rosas, vel violas, quantum folia, ita cerâ applicato, ut prorsus plana conspiciantur: deinde super ea pingito quæcunque voles, prædicto liquore, & relinquuntur sic per horam unam, ut siccescant, quo facto, auri, vel argenti folia superaddito, & cum bombyce leviter comprimito, sic quod affixum non erit, abstergetur, & quæ picta volueris, expressa bellè cernentur. *Idem.*

Ad picturas illustrandas.

Rec. Resinæ crassæ & albæ libram j.

Gummi unc. ij.

Terebinthinæ Venetæ unc. j.

Olei lini unc. ij.

Resina primò ad ignem lique scat, & coletur, deinde gummi in oleo communi sinatur, donec mollescat: quod cum fuerit percolatum, misceantur omnia simul, & coquantur igne perlento miscendo continuè, quousque ritè omnia fuerint permista, & fervetur ad usum. Hac mistura si pictura aliqua munda illinita fuerit, pulcherrima splendidaque evadet. *Alexius.*

Alia quæ citò siccescit, Ejusdem.

Rec. Olibani masculi.

Gummi juniperi, sing. quantum fatis est.

Misce, & fiat pulvis tenuissimus, cui addatur terebinthinæ Venetæ, quantum fatis esse videatur, & misceantur ad ignem benè, deinde coletur, & fervetur. Quum autem uti voles priùs calefiat mistura, deinde pictura leviter illinatur, & citò siccabitur, nitidaque evadet.

Alia Ejusdem.

Rec. Olei lini quantum volueris, distilletur in cucurbita vitrea, donec omne exierit oleum, de quo sumito unc. j. Vernicis ambræ unc. iij. misceantur ad ignem lentum probè, & fiat mistura, quâ calidâ utere ad omnis generis picturas,

cturas, five in ligno, five in tela fuerint. Verùm industriâ ac dexteritate opus est in utendo.

Quisque picturæ ignarus, ut rei alicujus effigiem stylo describere possit, dummodo solum colores assimilare discat.

Hoc in subjectam tabulam, vel solidiusculam papyrum imagine reperiussa (erit enim perito facillimum) si Sol defecerit, id alio imitaberis lumine: pleraque alia eveniunt, & cognosces melius, quàm ut enarrare possimus, præcipuè si diligens inspector pertractaverit. Et huic rei conscio quispiam occultè narrandi auspicari poterit principia, & quæ voluerit, & remotè carceribus occluso, nec leves poterunt imaginari technæ, distantiam speculi emendabis magnitudine, sat habes: qui se id fecisse jactarunt, non nisi meras nugas protulerunt, nec aliquibus adhuc inventum putarim. *Joan. Bapt. Porta.*

Carmen de floribus seu coloribus, ad scribendum, pingendum, &c.

*Flores in varios qui vult mutare colores,
Causa scribendi quos libri pagina poscit.
Est opus ut segetes in summo mane pererret:
Et tunc diversos flores ortusque recentes
Inveniet, properetque sibi decerpere eosdem:
Cumque domi fuerit caveat, ne ponat in unum
Illos, sed faciat quod talis quis sibi querit:
Dum super aequalem petram contriveris istos
Flores, in coctum pariter tum contere gypsum:
Sic tibi siccatos poteris servare colores.
Ex quibus in viridem si vis mutare, recentem
Quod si mandavi, veluti prius ipsa probavi.
Marcellus Palingenius.*

Modus pingendi vasa, & vitra, Ejusdem.

*O vos artifices qui sculpere vultis honesti
Vitrum nunc pandam vobis velut ipse probavi.
Vermes quasi vi pingues, quos vertit aratrum
Ex terra atque simul me querere jussit acetum
Utilis ars, istis rebus calidum atque cruorem*

*Rosæ, vel flores Caryophyllorum quomodo
insigniantur.*

Accipe falis ammoniaci quantum fatis esse videatur, teratur super marmore cum aceto, & pauco saccharo, quod candidum vocatur: & ad usum fervetur. Quando autem uti voles, fumito rosas, vel violas, quantum folia, ita cerâ applicato, ut prorsus plana conspiciantur: deinde super ea pingito quæcunque voles, prædicto liquore, & relinquuntur sic per horam unam, ut siccescant, quo factò, auri, vel argenti folia superaddito, & cum bombyce leviter comprimito, sic quod affixum non erit, abstergetur, & quæ picta volueris, expressa bellè cernentur. *Idem.*

Ad picturas illustrandas.

Rec. Resinæ crassæ & albæ libram j.

Gummi unc. ij.

Terebinthinæ Venetæ unc. j.

Olei lini unc. ij.

Resina primò ad ignem lique scat, & coletur, deinde gummi in oleo communi sinatur, donec mollescat: quod cum fuerit percolatum, misceantur omnia simul, & coquantur igne perlento miscendo continuè, quousque ritè omnia fuerint permista, & fervetur ad usum. Hac misturâ si pictura aliqua munda illinita fuerit, pulcherrima splendidaque evadet. *Alexius.*

Alia quæ citò siccescit, Ejusdem.

Rec. Olibani masculi.

Gummi juniperi, sing. quantum fatis est.

Misce, & fiat pulvis tenuissimus, cui addatur terebinthinæ Venetæ, quantum fatis esse videatur, & misceantur ad ignem benè, deinde coletur, & fervetur. Quum autem uti voles prius calefiat mistura, deinde pictura leviter illinatur, & citò siccabitur, nitidaque evadet.

Alia Ejusdem.

Rec. Olei lini quantum volueris, disilletur in cucurbita vitrea, donec omne exierit oleum, de quo fumito unc. j. Vernicis ambraë unc. iij. misceantur ad ignem lentum probè, & fiat mistura, quâ calidâ utere ad omnis generis picturas,

cturas, five in ligno, five in tela fuerint. Verùm indu-
striâ ac dexteritate opus est in utendo.

*Quisque picturæ ignarus, ut rei alicujus effigiem stylo
describere possit, dummodo solùm colores
assimilare discat.*

Hoc in subjectam tabulam, vel solidiusculam papyrum
imagine repercussa (erit enim perito facillimum) si Sol
defecerit, id alio imitaberis lumine: pleraque alia eve-
niunt, & cognosces melius, quàm ut enarrare possimus,
præcipuè si diligens inspector pertractaverit. Et huic rei
conscio quispiam occultè narrandi auspicari poterit princi-
pia, & quæ voluerit, & remotè carceribus occluso, nec
leves poterunt imaginari technæ, distantiam speculi emen-
dabis magnitudine, sat habes: qui se id fecisse jactarunt,
non nisi meras nugas protulerunt, nec aliquibus adhuc in-
ventum putarim. *Joan. Bapt. Porta.*

*Carmen de floribus seu coloribus, ad scribendum,
pingendum, &c.*

*Flores in varios qui vult mutare colores,
Causa scribendi quos libri pagina poscit.
Est opus ut segetes in summo mane pererret:
Et tunc diversos flores ortusque recentes
Inveniet, properetque sibi decerpere eosdem:
Cumque domi fuerit caveat, ne ponat in unum
Illos, sed faciat quod talis quis sibi quærit:
Dum super equalem petram contriveris istos
Flores, in coctum pariter tum contere gypsum:
Sic tibi siccatos poteris servare colores.
Ex quibus in viridem si vis mutare, recentem
Quod si mandavi, veluti prius ipsa probavi.
Marcellus Palingenius.*

Modus pingendi vasa, & vitra, Ejusdem.

*O vos artifices qui sculperè vultis honesti
Vitrum nunc pandam vobis velut ipse probavi.
Vermes quasi vi pingues, quos vertit aratrum
Ex terra atque simul me quærere jussit acetum
Utilis ars, istis rebus calidum atque cruorem*

Ex birco ingenti solito quem tempore parvo
 Ex hedera forti pavi tecto religatum :
 Sanguine cum calido post hæc vermes & acetum
 Infudi, ac totam phialam clarò renitentem
 Unxi, quo pacto tentavi sculpere vitrum
 Cum duro lapide Smerilli nomine dicto.

Ad vasa fictilia depingenda, Ejusdem.

De vitro si quis depingere vascula querit,
 Vitrum Romanum benè marmore conterat, & cum
 Ut pulvis fuerit claro pinguedine gummi
 Fontis aqua mista, figulorum vascula pingat,
 Siccaque fornaci mandes: sit terra probata
 Quæ valeat flammis obstare, nitentia tandem
 Regibus apta satis ex furno vascula tollet.
 Eligat ipse duas rufo de marmore petras
 Inter quas vitrum Romanum conteret, & cum
 Ut pulvis terræ fuerit pariter resolutum,
 Hoc faciat liquidum clara pinguedine gummi:
 Post hoc depingat peculas, quas finxit honestè
 Figulus è terra, siccitas ponat easdem
 Fornaci: caveatque simul quòd terra probata
 Has teneat qua sic valeant obstare calori:
 Illasque faciet plena virtute nitentes.

*De vitro viridi quomodo fieri debeat, ad vasa
 fictilia depingenda.*

His rebus vitri patet effectus preciosi:
 Igni combustum sulphur, assum quare cuprum,
 Atque teras horum splendens cum pulvere vitrum
 Hoc cures sole liquidum ter reddere gummo;
 Attamen inde litam post ignibus injice testam:
 Assumet viridem quoniam pictura colorem
 Exterior testæ, cum cæperit ipsa rubere.

Marcellus Palingenius.

De vitro albo, ad fictilia vasa depingenda.

Album picturis vitrum sic attenuabis:
 Candens permistum cum sulphure contere vitrum,
 His simul attritis, postquam fuerint quasi pulvis,
 Exterius spissam depinges undique testam:
 Injice post ipsam fornacis ab igne coquendam:

Cum

*Cum simul ipsa rubet, sibi cum pictura coheret
 Extrabe, sic ea pinges hinc vascula quædam
 Ars velut in prima notat insinuata libello. Idem.*

De vitro nigro ad ea vasa depingenda.

*Sic etiam nigrum pingendi transfer in usum:
 Qui terra capitur cum gummo contere lazur,
 Ut sit perspicuum, frangens in marmore vitrum
 Ipsi miscebis: rursumque terendo parabis:
 Hæc quoque cæruleam sumat commistio formam
 Quæ tamen in nigrum convertet singula vitrum. Idem.*

Di vitro valde virente, Ejusdem.

*Sic etiam nimium tu virens effice vitrum:
 Accipies assi subtilia fragmina cupri,
 Quæ tamen ejusdem post cum rubigine misces:
 Rursus & admisto splendenti contere vitro:
 Protinus hinc pictam fornacibus injice testam
 Postquam lucentem dabit ipsi flamma colorem,
 Accipe: nam pulchram capiet hinc frigida formam:
 Nam dum fit vitrum nimis fervere, coloris
 Hinc aufert propriam flammæ violentia formam.*

De pictura eboris, Ejusdem.

*Pingere si quis ebur vult, sic procedere debet.
 Sculptura eboris auri pecula decorabis:
 Quo tamen ipsa tibi res ordine congruat, audi:
 Quære tibi piscem, qui dicitur Husa liquentem
 Vesicam serva decoctam fluminis unda:
 Inde locum pecula quemvis componere signa. Idem.*

DE SECRETIS

LIBER XVII.

DE LUDICRIS.

FIUNT artificialiter lumina quædam per lampades,
 lychnos, candelas, & ejusmodi ex certis quibusdam
 rebus, & liquoribus, ad stellarum normam oppor-
 tune

tunè electis, & ad eorundem congruitatem inter se compositis, quæ quomodo accenduntur, atque solæ lucent, solent nonnullos mirabiles & cœlestes producere effectus, quos sæpè homines admirantur, quemadmodum ex Anaxilao narrat *Plin.* Equarum virus à coitu in lychnis accensum, equinorum capitum visum monstrificè repræsentare: simile fieri etiam ex asinis, & musciliones cum cera distemperatæ & accensæ faciunt videre muscas: & corium serpentis accensum in lampade, facit apparere serpentes. Et dicunt, quando uvæ sunt in flore, si quis circumligarit illis phialam plenam oleo, & dimiserit, donec fuerint maturæ, illuminato illo postea in lampade, facit videre uvas. Idem valere etiam in cæteris fructibus. Quòd si centaurea permisceatur cum melle, & sanguine Upupæ, & ponatur in lucerna, circumstantes apparebunt solito majores: & si per noctem illuminatur in sereno, videtur, quòd stellæ discurrant ad invicem. Piscis sepia atramento etiam ea vis est, ut lucernæ inadditum Æthiopes videre faciat. Fertur quoque, quòd candela ex quibusdam Saturnalibus rebus confecta, si accensa extinguatur in ore hominis recenter mortui, postea quoties sola luceat, inferat circumstantibus tristitiam maximam atque timorem. *Corn. Agrippa.*

Ut stantes sine capitibus videantur.

Auripigmentum subtilissimè tritum novâ ollâ ex oleo finas ebullire, nec ab re fuerit, si sulphur immisceas, operculo ollæ imposito, ne croceus evolet vapor, id nova incendes lucerna, & astantes sine capitibus, & manibus videbuntur, oculos digitis comprimendo, dum candela accenditur, idque paulisper videbis, ut fieri poterit. *Alexius.*

Ludicrum de canibus.

Herba Cynoglossum, seu Lingua canis, matrici canis copulata, omnes urbis, vel ruris canes eo loci cogit, ubi occultata vel sepulta fuerit. Et si talis miscellanea collo canis ita appensa aut ligata erit, ut excuti non possit, videbis eum tamdiu circumvolvi ac rotari, donec semimortuo similis corruat. Illud idem sub planta pedis gestatum, omnem canum latratum ligat & impedit. *Albert.*

Ludi-

Ludicrum de pane.

Si pani in clibanum mittendo inferueris nucem vivo sulphure, fale petræ, & hydrargyro oppletam ac diligenter clusam, ubi incaluerit, videbis panem ita salire, ut iucundum ac plausibile spectaculum præsentibus omnibus exhibeat. *Mizaldus.*

*Quomodo in tenebris ea conspicias, quæ foris à
Sole illustrantur & cum suis
coloribus.*

Si quis id videre affectarit, fenestras omnes claudat oportet, proderitque si spiramenta quoque obturentur, ne lumen aliquod intrò irrumpens, omne destruat: unam tantum terebrato: ac foramen rotundæ pyramidis formam habeat, cuius basis Solem, conus verò cubiculum aspiciat, è regione parietes albos, vel linteis, & papyro tectos opones. Sic à Sole illustrata omnia, & deambulantes per plateas (ut antipodes) spectabis, quæque dextra, sinistra, commutataque omnia videbuntur, & quò longius à foramine distabunt, tantò maiorem sibi adsciscunt formam, & si papyrus, vel tabulam appropinquabis, ea visuntur minora. Aliquantisper tamen immorando, non enim illicò simulacra apparebunt: Quia simile validum maximum cum sensu nonnunquam efficit sensationem, talemque invehit affectionem, ut non solum, cum sensus agunt, sensoriis insit, eaque laceffant, sed etiam cum ex operibus discessere, diutius immorentur: quòd liquidè potest perspicì; nam per Solem deambulantes, si ad tenebras convertimus, comitatur nos affectio ea, ut nihil vel ægerrimè cernamus, cum adhuc in oculis servetur affectio ipsa à lumine facta, inde paulatim evanescente, clarè in tenebris aspiciamus. Nunc autem enunciabo, quod adhuc semper tacui, & fatendum putavi, ut omnia cum suis coloribus videantur si quæritur: E regione speculum apponito, non quòd disgregando dissipet, sed colligendo uniat, tam accedendo movendoque quousque ad suam veræ imaginis quantitatem cognoveris, debitâ centri appropinquatione, & si attentius perpenderis inspector, vultus, gestus, motus, hominumque cognosces vestes, cælum nubibus dispersum, cyaneo colore, & volantes volucres, quòd si ad verum pervenerit, non parum lætaberis, mirumque cognosces.

obversa omnia, quia centro speculi vicina sunt: si enim extra centrum elongabis, majora erecta, uti sunt, conspicias. Ut clarius appareat, feriat Sol vultus: sin minus, speculum dirigendo Solis reflexione ejaculetur, ut insigni fulgore illustretur, debitâ tamen distantia, tamdiu situm variando: dum verum te affecutum esse cognosces. Hinc Philosophis & Medicis patet, quo fiat in oculis visus loco, ac intromittendi dirimitur quæstio sic agitata; nec alio præstantius utrumque artificio demonstrari poterat; intromittitur enim idolum per pupillam fenestræ instar vicemque obtinet speculi parva magnæ sphæræ portio, ultimo locata oculi: quòd si quis distantiam mensuraverit, centri loco fiet visus, quod scio ingeniosis maximè placiturum.
Joan. Bapt. Porta.

Funambulorum ratio.

Funambulorum ratio hæc est. Vir audax & exercitatus super funem distentum admodum, nudis pedibus inambulabat, dextra, lævaque pondus decem aut quindecim, vel etiam viginti librarum plumbeum continet, cum ad dextram inclinatur intentus operi (ob hoc audacissimum esse oportet) sinistram intendit ac extendit, remittit ac contrahit dextram, ita antequam vi dextra præponderet sinistræ, pondera æquat, & corpus reducit ad æquilibrium, inde sensim, & pondera & brachia pristino statui restituit. Hoc autem necessarium est: nam antequam casurus sit, oportet partem alteram alterâ certâ proportionem pondere esse graviolem. Cum hæc proportio sensim acquiratur antequam sit acquisita, extento & intento etiam brachio ad aliam partem inclinatur: igitur non cadet. Cadere igitur potest, si vel funis non exactè extensus fuerit: si membra stupore interim tentantur: si corpus non intentum validè contineatur: si pavitet, si delassetur, si arte, vel usu careat, ut tardius extendat donec inclinetur, vel nimis extendat, ut in adversam ejus partem: omitto quòd pondera rationem certam, aut ei appropinquam obtinere debent, ad singulorum tum pondus, tum magnitudinem ac etiam vires. Ergo si hæc sex adsint, in nullo est periculo. Itaque quidam puer sphæris ligneis pedibus suppositis, aliquando etiam sacco inclusus totus præter brachia super funem inter cacumina turrium extensum maximo nostro pro illius vita metu, ambulabat. Alius etiam descendebat ab imo solo
ad

ad turrim, quod difficilius est, cum renes in hac exercitatione multum laborent. Item se è turri absque ponderibus pronus per funem usque ad solum extentis manibus demittebat: nam robur adeò manibus, & brachiis constans erat ac firmum, ut illis ponderum vice uteretur. Idem, quod miserrimum est, funiculo satis tenui pede se suspendebat: è fune, ubi proximus maximè turri erat, infame speculum, atque horrendum. Robore inde renum & dorsi manibus vinculum apprehendebat, atque ita funi denuò se restituebat. Fingebant ambo se cadere præcipites, summa verò pedis hærebant funi capite prono. Quantum pedis summitati illius roboris inesse necessarium fuerit, intelligis: nam sola curvatura digitorum atque ea in sylvestrem partem sustinebantur. Puer etiam in præcipitem se dabat cum sphaeris alteraque earum fune inter pedis plantam, & sphaeram hærente, nescio prorsus qua ratione ne ob rotunditatem dilaberetur, pendebat. Verum supra fidem omnem atque expectationem ars fuit, atque audacia duorum Turcarum: tibi visa ac toti urbi nostræ refero. Duo erant juvenes corpore haud magno, sed tereti: quisque illorum primum assumpto homine in humeros per funem ad dimidium recti anguli acclivem adscendebat, & absque etiam ponderum auxilio. Inde adjectis gladiis trium fermè palmorum longitudinis, præacutis, acieque novaculæ, pedum malleolis, rursus cum homine eodem adscendebat, adeò distentis pedibus, ut nec in plana terræ superficie facile fuerit sic ambulare. Inde funi superposita tabula, pedibus verò superpositis sublicis quas nostri cives vocant *scantias*, super tabulam sic positam ambulabat, cum tabula ipsa per se ne vel momento funi superstare posset. Deinde quinque teretia ligna ferreo filo crassiore transfixa, ob idque cohærentia, sed ita ut nullum lateri posset rectè insistere utrinque supponebat pedibus, cum quibus super funem ambulabat, cum nemo sic per planum solum possit ambulare, imò ne stare queat, hinc inde rotundis lignis, quæ crassiora brachio non essent dilabentibus. Postmodum suppositis patellis æneis absque vinculo, quas pedum extensione retinere cogeatur, super fune ibat. Post in caldario sedens stabat, caldarium super funem pendulum, horrible dictu. Quod verò proximum miraculo fuit, hastam cum ponderibus vasi subduxit, ut caldarium in aëre pendere videretur. Nam hastam retrò inter vas & funem positam antè re-

duxit. Saltabat ad rhythmum super fune pulsante tympano, & modò se præcipitem ex illa dabat hærens solo calce (his oculis vidi) modò tarso ac cymba pedis: Stupeat necesse est, qui videat alterum eorum distento tenuiori funi, ut quæ pollicem non excederet crassitudine, insistere; ac immota tota superiore parte, inferiorem tanto impetu cum fune agitare, ut hinc inde palmis plus quàm duodecim celerrimè ac quasi jaculi jactu moveatur. Quod verò minus prodigiosum fuit, sed supra fidem tamen omnem humanæ potentiæ est, quòd cum è campo Joviæ arcis ad turrim quæ altissima est, adscendisset cum ponderibus inde è summa turri adscendit ad trabem per funem, quæ à plano plus tribus è quatuor recti anguli adeò erecta erat, distabat. Majore quoque miraculo descendit quàm adscendisset, pronus scilicet tanquam ruiturus in caput. Animadversum est, pollice pedis utriusque dum funem continet adversus alios digitos tantam vim sustinuisse. Neque aliter fieri potuit, ut vel ascenderet tam erecto fune, vel descendens non rueret præceps. Voluit dum hæc ageret hominem secum humeris sustollere, magno precio etiam addito. Sed tam temerarii propositi complicem non invenit. Itaque nihil mirum est, quoscunque maximos principes hoc spectaculo, ut re maximè egregiâ, delectatos fuisse. Plebem verò censuisse arte Dæmonum hæc fieri, quandoquidem supra vires humanas viderentur. *Cardan.*

Draco volans.

Extat artificium, quod aliquibus *Draco volans*, vel *Cometa fidus* dicitur, cujus talis fit constructio. E subtilioribus arundinum paxillis quadrangulum constituatur, ut longitudo latitudini hemiolæ sit proportionis, diametri duo, & ex oppositis partibus, vel angulis immittantur, quarum intersecatione funiculus illigetur, & ejusdem quantitatis, cum duobus aliis jungatur, è capitibus machinæ provenientibus: sic papyro, vel subtili lino obtegatur, ne quid grave in ea sit: inde à turris, montis, vel altiorum loci fastigio, æqualibus & uniformibus ventis credenda, non validis, ne disrumpatur machina, nec velis, si undique filebit aura: nam eam non sublimat, ventorumque segnitie irritum faciat laborem: ipsa recto non incedat tramine, sed obliquè, quod afficit tactus è capite uno ex altera longa cauda, quam è restibus effinges æquidistantibus, & papyris passim religatis, sic levi tractu immissa, artificis

cis manibus committenda, qui nec segniter, nec oscitanter, sed validè impellat: & sic volitans carbasus aëra petit, ubi paululum fuerit elevatum (hic enim ex domorum anfractu disruptus est ventus) ut vix manibus compesci, vel retineri queat. Laternam aliqui supra locant, ut Cometa videatur. Sclopum alii chartæ, & pyrio pulvere involutum, & cùm in aëre quiescit, immittitur per restim accensus funiculus, annulo, vel lubrico aliquo, statimque velum patens, ignem ori admovet, maximoque tonitru, in plures machina dissilit partes, & ad terram procumbit. Ælurum aliqui, vel catulum ligant, ac per aëra immittas auscultant voces. Hinc auspicari poterit ingeniosus principia, quonam pacto, & homo volare possit ingentibus alis cubito, & pectore deligatis, eas autem à pueritia paulatim jactare assuescat, loco semper sublimiori. Quòd si quispiam id mirum putaverit, adjiciat ea, quæ Archytam Pythagoricum commentum esse atque fecisse traditur: plerique enim nobilium Græcorum, & *Favorinus Philosophus* memoriarum veterum exequentiissimus, affirmativè scripserunt, simulachrum columbæ è ligno ab Archyta ratione quâdam disciplinaque mechanicâ factum volasse, ita erat, scilicet libramentis suspensum, & aura spiritus inclusa, atque occulta concitum. *Joan. Bapt. Porta.*

Homines ut mortui videantur.

Vinum cum sale ad consumptionem partis tertiæ coquito, inde vinum illud accende; sublatâ omni aliâ luce, & ipsis immobilibus manentibus, speciem mortuorum præbebunt. *Cardanus.*

Vitrum duplicatum.



Jucundum etiam est vas duplici vitro conficere, ut à latere vides: in medio candela ardet: inter vitri superficies, aqua aut humor varius ac perspicuus ponitur: ita ut splendor duplicatus, & miraculorum varietas interluceat. Quidam autem in medio pisciculos inter vitri superficies collocarunt, avicula

modò pisciculos mirabatur, modò rostro petere nitebatur. Licet multiplices candelas & lumina & vasa humoresque jungere, ut res fiat admirabilior. *Idem.*

Mulieribus lotium compescere.

Extat pastinacæ piscis è cauda aculeus quidam, quo nihil in mari execrabilius esse authores scribunt, mira operans multa: inter hæc & retinet, si mentem adhibes, mollis ubi terra vel horti fuerint, ac mejet vetula, illico aculeum defiges, ut totum abscondas, tamdiu ei lotium prohibebis, quamdiu scrobe effossâ detrahes: pauculis enim immoraberis diebus, & extemplo mejet, sic vetulas sæpè juvenes urina retinent, si alicujus usum interdixerint. *Joan. Bapt. Porta.*

Ut mulieres in mensa nihil edant.

Mulieres in mensa nihil edent, si ocimum ignorantibus illis sub obsonii patina cum radicibus integrum reponatur. *Autor Florent. Geoponicus.*

Convivæ ne accumbentes edant.

Si vis autem convivæ ne accumbentes edant, sic fiet: & quanquam minus veritatis habeat, non tamen omitam. Acum habeas illam, quâ mortui sæpè linteis obvoluti resarciuntur, ac sæpè eos perforaverint, clàm cœnæ initio sub mensam figas, prohibet enim hæc convivarum esum, ut accumbentes potiùs cœnæ tædeat, quàm edendi, vel sedendi voluptas insit: detrahe ubi eos aliquantulum irriferis. *Joan. Bapt. Porta.*

Pistor ut panem in furnum non immittere possit.

Suspensi furis laqueum habeto, ubi habueris in instrumenti parte illa deligato, quæ furnum subintrat: si pistor in furnum panem immittere quæsierit, hinc inde discurrens, verum nunquam reperiet iter: & si immiserit, foras ejicietur pala, quod mirabile videbitur valdè, minus verum. *Idem.*

Ut quis in somno loquatur.

Rana & bubo efficiunt hominem loquacem, & ex his maximè lingua & cor: sic lingua ranæ aquaticæ supposita capiti, facit loqui in somnis: cor bubonis impositum mammæ mulieris dormientis sinistrae, fertur efficere, ut omnia secreta pronunciaret: idem fertur efficere cor noctuæ, & sebum leporis positum supra pectus dormientis. *Agrippa.*

Ut aliquis dormire non possit.

Oculus hirundinis positus in lecto, non permittit jacentem dormire donec auferatur. *Alb. Magnus.*


Mulier ut in somno patrata narret facinora.

At si mirabilius ultrò atque invitò vis, ut mulier in somnis patrata narret facinora, quod Democritum quoque sensisse video, magisque in mulieribus quàm viris prævallet, cùm ad loquelam promptiores, & loquaciores sint. Nocte intempestâ, ubi profundo mulier fuerit demersa somno, lacustris ranæ linguas: sic etiamnum sylvestris anatis bubonisque (quia noctu loquuntur) pectori supra cordis palpitationem admoveo, immorari finito, & quantum poteris interrogato, nec iterare pertædescat, si illicò responsa non præbeat. Namque erumpens tandem vox cordis secreta manifestat, interrogatis omnibus vera semper responsura: simulatis carminibus aliqui evenire tradunt, cùm id omni abdicatâ superstitione operetur. Dii immortales unde hoc evenit, ut sic efficacissimè operetur, ut in somnis ea liberè narret, quæ vigilantes in cassum conamur: quis hoc fieri posse credat: leniter tamen ad eam accedendo loquitur blandè, in necessariis utitor. *Porta.*

Ludi adversus convivas.

Si lintea, & mappæ calcanthi pulvere inficiantur, qui loti se detergent ea parte nigri fient, cùm tamen lintea priùs sint candidissima. Si gladii succo colocynthidis, omnia amara videbuntur. Si quam vocant assam, cuncta foetida videbuntur. *Cardanus.*


Ludicrum primum.




Duas tabellas strictas nec longas assumito, in quibus foramina duo A. B. & C. D. juxta tabellarum capita eorum verò discissum in E. & F. per longum, superponatur igitur E. super A. & ex inferiore parte G. ducatur per utrumque foramen: post per B. C. D. alternatim sursum atque deorsum, rursus autem per C. deorsum inducatur ut sursum ascendat, atque

atque eodem donec tabula A. B. per F. lori foramen possit educi, atque sic inclusum erit lorum utrique ligno: contrariâ ergo ratione extrahetur: ita ludimus, ut in meo ore, quanquam exiguo naturâ. *Idem.*

Ludicrum secundum.




d e f



lam A. B. C. inde reducta L. in contrarium per D. fiet ut conquiescat in E. velut K. in B. *Idem.*

Ludicrum tertium.

Aliud: duas habeto ligulas, quas plicabis ut à latere vides, jungesque eas filo ejusdem coloris, & super eos orbiculos tres induces, quibus pro numerandis precibus utimur, sint autem A. B. C. sed medium non appositum, ut quando filum jaceat, intelligeres. His paratis, reducito capita D. versus C. E. versus D. nodo super orbiculos injecto, deinde trade




in manus alicujus, & stylo scriptorio præscinde filum B. infra D. & E. ponens, relinquentur

ligulae integræ, orbiculis excidentibus. *Idem.*

Ludi-

Ludicrum quartum.

Simile fermè est, quod contingit filo conduplicato velut A. B. C. ducatur extremitas D. per A. ita sub digito lateat A. & C. sub alio digito, remaneatque pars C. D. duplicata, ita dividatur C. D. gladio, & videbuntur quatuor initia & fines, ubi dimittas clanculum excidere C. D. apparebunt tantum duo initia, & tamen filum videbatur quadrivariam divisum. Hæc igitur subungere volui, ut quisque intelligeret artem delusoriam, totam ejusmodi, esse ut antequam, quomodo fiant, scias,



miracula esse existimes quæ fiunt: postquam noveris, puerilia esse cognoscas. *Idem.*

Furtum cognoscere.

Si volumus furtum cognoscere, sic possumus & subreptam illicò rem recuperare. Est lapis, qui *Ætites* dicitur, & veluti prægnaus est: nam cum quatitur lapillus, in utero sonat, si quis ergo terit eum, & sub cineritia pane decoctum, & conditum furi offerat, fur mansum devorare non potest, quin etiam cogitur, aut suffocari, aut fur deprehendi, quippe cum eo decoctum glutire nequit. *Porta.*

In vase urinali vitreo ut varia & mira conspiciantur.

Recipe Croci, in panno linteo ligati, parum: ponatur in aqua fontana, donec benè coloretur: postea sumito albumina ovorum, & cum jam dicta aqua conquassentur septies vel octies. Quo facto, ponatur hæc mixtura in vitro urinali, aquâ limpidâ pleno, & varia videbuntur in eo. *Fallopious.*

Panis ut in mensa saltet.

Argentum vivum in penulam imponito, obstrue, & in panem calidum locato & saltabit. *Idem.*

Spectrum artificiosum.

Nox verò videtur harum ineptiarum mater. Verum utut ine-

ineptiæ sint, etiam quandoque magnarum, imò maximarum rerum causæ sunt præstigiæ. Veluti contingit Cenecho secundo Scotorum Regi, qui cum Picti patrem Alpinum captum occidissent, & ipsum Regem timore perculsis, cum persuadere non posset subditis ultionem, nam maxima pars nobilium, & militum regni paterno prælio ceciderat, principes regionum convocatos benignè excepit. Inde etiam hospitio & convivio dignatus est. Sequenti nocte in singula illorum cubicula, dum omnia silerent, singulos immittit homines, baculo in manu dextra ex putri ligno, quod velut fax splendet in tenebris (hoc enim aliàs docuimus, veste ex corio piscium non desquamato, quod & ipsum noctu mirum in modum splendet, tum maxime baculo auxiliante, est autem horum piscium magnorum in Scotia ingens copia) in sinistra, quæ ori admota erat, ingens bovis cornu: nam & talia in ea insula cornua boum esse declaravimus. Hi omnes per cornu reboant horrendâ voce, parendum esse regi: Pictos daturos poenas scelerum, victoriam ingentem apud Scotos stare, se nuncios à Deo missos. Facile fuit somnolentis imponere, quum neque venientes, nec abeuntes videre possent: nam vestem involverant dum abirent, baculum absconderant. Ubi mane ventum ad consilium est, quisque narrat quod vidisset audissetque: sed Rex metuens, ne fabula prodiret in publicum, ob idque detegeretur, primum docet id sibi etiam visum, deinde cavere illos ne divinitus monita promulgando cœleste numen haud dubiè propitium, infensum redderent. Itaque nemine fucum agnoscente, in bellum consentiunt, fuitque eventus non minus quàm oraculo divino respondens: liquidem victi Picti semel, bis terve: ad extremum deleti sunt à Scotis, ut ne reliquæ, aut vestigium superesset. *Cardanus.*

Spectrum secundum.

Aliud quo plures usi sunt: scarabeos vel testudines, aut cancos cimiteriis præsertim spargunt cum exiguis candelis: alii subtilius mortuorum Capitibus intra condunt candelas, horrendamque faciem præbent. Si autem locustarum dorsis candelæ exiguæ annectantur, terrorem non levem afferunt. Ignis enim saltare videbitur. *Idem.*


Spectrum tertium.

Aliud quo chirurgici etiam falluntur, existimantque vulneratum

neratum membrum haud dubiè: cum manus sic medicamento inficitur, ratione constat, ut pleraque experimento, & usu: talia plurima edocuit vir Græcus natione, qui ad nos pervenit, quæ tamen solum joci causâ fiunt, cum nullam afferant utilitatem. Ratione igitur quoniam in vulneribus cavitas, sanguis, atque nervi nonnunquam spectari solent: semper autem fermè vulneris labia. Cavitatem ergo prominentia laterum mentitur: sanguinem, minium, aut lacca, vel cinnabaris optimè sanguis draconis: nervos, fila: cuti & carnis labia, cerusa, resina, sepo, vel cera alba: hæc autem experimento. Usus ornat fallaciam. *Idem.*

Spectrum quartum.

Aliud quo omnia, quæ in domo sunt, moveri videntur ut terræ motus tempore, sed solus visus in hoc fallitur. Primum quidem laquearia, & parietes è ligno, aut cemento sint forma serpentis, & striata in obliquum, & inaurata sic ut splendeant: inde flamma tremula, ut suo loco docuimus, & ablato omni alio lumine, dico omnia tremere videri. Nam quia pars AB. (sed tortuositas in plano non benè exprimi potest) videtur juxta AC. lineam, lumen verò fertur per AD. necesse est, ut AB. moveri videatur, rectus enim motus luminis fertur per obliquum: igitur tum propter proprium tremorem flammæ, tum propter obliquitatem motus, videbitur tremere: Adjuvant autem plurimum ad hoc ignis non splendidus, & cum fumo: nam debilis actio faciliùs vitiatur, quàm valida, sed fumus flammæ sociatus, & flamma imbecillis, quæ à levi substantia procedit, debilem visum facit: igitur talis ignis flammaque levi fumo juncta, hoc spectri genus efficiet. *Idem.*



Spectrum quintum.

Non possum præterire, quod edoctus sum per somnum hac nocte, quæ est vigesima octava dies Januarij MDLIII. præcedens, dum librum hunc ultimò transcriberem, videbam parietem in quo imagines depictæ erant plurimæ, quarum aliæ ambulabant, aliæ colloqui videbantur, stabant nonnullæ, erant quæ sederent, quæque deambulant: mira

mira certè res. Tum ego, id mirum profectò est: tum quispiam qui aderat. Non est hoc miraculum, sed tu inventor fuisti hujus rationis: memini sanè: tum ille excipiens inquit: Paries hic in crypto porticu ex adverbo viæ publicæ, quam scis esse maximè frequentatam, & nunc fortè fortuna milites transeunt, positus est. Illucescat Sol in via, docuisti qua ratione imagines ex umbris in adverbo pariete videantur: hæ autem quæ plurimæ sunt in extremitatibus parietis, ac quasi confusæ, nonnullæque in medio, & quas federe perspicis, omnes sunt picturæ, ad similitudinem umbrarum effectæ: ut cùm umbræ discedunt ex finibus parietis aliqua pictarum moveri videatur. Tum ego, certè pictas vix ab umbris distinguere licet. At ille, fuit hoc artis egregiæ opus: nam sumpta ratione ex libro tuo, dominus ædis hoc commentus est, hominum colloquentium effigies, non picturæ sunt, sed umbræ: stant enim hi duo in via, & mox discesserunt. Verùm ego mecum recogitans intellexi, licere hoc idem in tabella facere, quæ transferri posset. *Cardanus.*

Spectra in nubibus quomodo fiant.

Nicolaus Siccus, præfectus justitiæ vir insignis, quem honoris causâ nomino, dicebat se expertum esse flante vento, si equi adversus illum ferantur imagines leves, & velut è pluma, vel charta depictas, filoque annexas equi postilenæ, ferri per aërem, adeò ut si filum tenue sit, res prorsus mira videatur, id verò jure meritò: nam cùm ventus in adversum feratur, imago verò lata sit ac levis, non potest recta decidere: sed neque juxta venti impetum, velut reliqua, quæ decidere solent, quia à filo retinetur: necesse est igitur sursum ferri, ac spectri videndi causam præbere: verùm ad nubes usque magna dubitatio est: aut enim filum frangetur, aut venti vis non eò usque pertingit, aut impetum tanta longitudo fili retinere non potest. Verùm id aliis experiri sinamus: compendiosior enim ratio in Æsopi fabella descripta est: nutrita enim aquila in his, quæ in sublime volant, annexæque pedibus imagine, deinde dimissa spectri videndi causam subministrabit. His quidem artibus ad accendendos militum animos, dum pugnaces exercitus propè positi sunt, non inutiliter utimur. *Idem.*

Jocus

Jocus Necromanticus.

Jucundum id quoque nobis fuit spectatoribus, quo *Andreas Albius*, Medicus doctissimus Bononiæ credulo cuidam amatori metum incussit: Demortui caput mensæ apposuit, quod patefacturum esse nobis auditoribus promisit, quisnam ex nobis filiam civis cujuspiam misere deperiret, quis etiam futurus esset amoris exitus, caput in hoc esse prædicturum. Ludicrum id non intelligentibus horrorem induxit, perinde atque si cacodæmonis ope vaticinium id processisset. Verum iis, qui jocum animadvertent, risum movit. Hac autem arte res hæc instituta erat. Mensa quatuor columnis pedum instar suffulciebatur, quarum una excavata erat, mensæ perforatæ subdita: Foramen id, totaqué mensa subtili quodam tapeto tegebatur, ne mensæ foramen conspiceretur: Eo loco demortui caput positum consistebat. Pavimentum autem in ea parte perforatum etiam erat, in qua columna excavata mensam sustinebat, ut ex inferiori ædificio, in superius & vicissim ex superiori in inferius voces transmitti possent. Quamobrem is, qui in inferiori erat, tubo quodam in excavatam mensæ columnam immisso, & alterâ ejusdem tubi parte auri admotâ, facile quid alter in superiori conclavi consistens rogaret, exaudiebat, responsaque dabat quæsitis apprimè convenientia. Successit hoc eò facilius, quod uterque amatoris eludendi secreta novissent: Sic enim fabulam hanc communicatis antè consiliis dextrè peregerunt. Ad majorem etiam vaticinii fidem, candelas cereas accensas circa demortui calvariam posuit, verbaque peregrina recitavit. *Andreas Albius.*

Jocus alter histrionicus.

Multis & hoc admirandum videbatur, quod tamen ubi modum quo similiter agi possit, exposuerimus, ludicrum exstimabitur. Vitrum vir quidam nobis insipientibus obtulit, in quod anulum immisit, qui sua sponte quoties id expeteremus in vitro saltitabat. Hic astus hac ratione peractus est. Subtilis cujusdam mulieris capillus annulo adaptatus erat, hominisque ludentis digitis. Cum ergo saltandum esset annulo, digitos histrio motitabat, quibus agitata, simul annulus ipse movebatur, nobis capillum nequaquam conspicientibus. Fucum hic histrio subtili com-

mento teget. Annulus hic (ajebat) lascivarum puellarum more non saltat, nisi meis ipsius digitis ei tympanum pulsem. *Aquodam histrione Veneto.*

Ad faciendum aliquem pedere.

Si accipiantur pili asini, qui sunt juxta priapum ejus, & dentur alicui in potu triti cum vino cuivis, incipit statim pedere. *Albertus.*

Aliter.

Similiter si aliquis acceperit ova formicarum, & contriverit, & projecerit in aquam, & dederit ea in potu cuivis, statim non cessat pedere. Similiter faciunt cum vino. *Idem.*

Crepitus ventris moventia.

Quædam etiam veneficii potius quàm medicinæ loco habentur: sat sit leviora recensere. Crepitus ventris, ova formicarum, vel castanearum flores movent. *Cardanus.*

Ut hernioso crepitent testiculi.

Ut hernioso crepitent testiculi, sic optabis: Ubi eum igni accedere conspicias, & calefacere, sambuci vel ficus igni viridia immittito ligna, ut comburantur: sic enim crepitum dabunt, ut secedere illinc cogatur. An id evenit, quam eructat, aura, illi vento simili, qui quoque eis officere solet. *Porta.*

Tympani mirum.

Fiunt & quædam, quæ spectra licet non sint, admirationem tamen pariunt. Tympanum è pergameno figuris pingitur variis, ita ut sensim descendat ratio picturæ, & rursus descendentes excipiantur ab ascendentibus: in obliquum enim situs earum tendit, ac quasi per æquidistantes lineas, in medio lumen collocatur, quod more flammæ, quæ verua circumagit, tympanum vertit, cuiusque semper situ differentes figuræ occurrant oculis, omnes aut ascendere, aut descendere videntur, quod mirabile est. *Card.*

Ludicrum de pisces in olla coquendis.

Qui voluerit jucundo spectaculo ex ollis ferventibus pisa excludere, argentum vivum immittat, videbit rem pul-

pulchram, nisi labra ollaris excellens altitudo, vel ignis remissior obstiterit. Expertum tibi trado. *Mizaldus.*

Ovum ut in aëre ascendat.

Sic facere possumus, ut ovum in aërem ascendat: Ovi corticem vacuum rore complemus, & Majo mense eum accipimus: (alio enim tempore, ut æstate & autumno verus ros non est, ut physicis constat rationibus) & in meridie Soli oppones, & ab eo elevabitur, & si difficilis aliquando fuerit ascensus, baculi, vel tabulæ adminiculo, dum ascendere incipiat facilius elevabitur. *Joan. Bapt. Porta.*

Latrunculorum ludus.

Quæ proposita in memoriam revocant, quonam pacto duobus coloribus, imò uno tantum, liceat plures differentias ostendere, velut in latrunculorum ludo typis mandando: ubi qui Hispanicum librum emiserunt, omnia confuderunt. Igitur loci nigri, lineis nigris, quasi cancellis sunt distinguendi, cum albi puri relinquantur; latrunculorum verò figuræ, nigræ quidem totâ superficie, atramento tingantur, albæ verò in ambitu solum linea nigra deducenda, totum quod interius in typo est album maneat. *Cardan.*

Tres Schemata non tactæ, ut situm permutent.

Alia quoque remanet ludicra subtilitas, ut tres schemata non tactæ situm permutent: Quod illud penitus ignorant fieri non potest, quin mirabile videatur: Tres sunt schemata longiusculæ è papyro vel linteis, seque mutuò æquali superent longitudine: nam capite uno æquatae omnes, & æquè revolutæ devolvuntur, diversique situs reperiuntur, longior in medio, vel primo loco, si longior eadem in postremo fuerit loco, immobilis remanet, quod non est, qui non putet à Dæmonibus factum, sed aliunde non evenit, nisi quia in resolutionis fine remanet procerior, & extrema, à qua exoritur, in revolvendo remanet. Quorundam fuit error, qui verborum vi, evenire putabant, ac de interrogatis omnibus, tanquam de oraculo responsa præbebant: nam si situm permutabant, ritè auspicari, effectusque propitiari, sin minus infortunari: nec voluere rationibus, & experientiis fidem permutare, cum habitum in credendo effecerint. *Joan. Bapt. Porta.*

Ludicrum de carnibus.

Instrumentorum fides seu chordulæ minutim excisæ, & carni recens coctæ (sive elixata fuerit illa, sive affata) inspersæ, eam vermiculosam, putrem ac infalubrem esse, discumbentibus jucunde mentiuntur. Quisquis rei hujus conscius erit, utili imposturâ solus pro arbitrio vesci poterit. *Mizaldus.*

Mulier ut omnia narret quæ fecit.

Quando vis, ut narret tibi mulier vel puella tua omnia, quæ fecit, accipe cor columbæ, & caput ranæ, & exioca utraque, & pulveriza supra pectus dormientis, & narrabit omnia, quæ fecit. *Albertus.*

Statuæ lignæ mira.

Mira sunt quæ de duabus statuï lignis parvis, & colludentibus, à duobus Siculis fieri vidi: erant autem unico filo transfixæ hinc inde, quæ annexæ alterâ quidem parte lignæ statuæque fixa manebit, reliqua tibiæ, quam ille pulsabat extenso utrinque filo: nullum saltationis genus non æmulabantur, gesticulantes miris modis, capite, cruribus, pedibus, brachiis totque in varias formas, ut ingenuè fatear me tanti artificii rationem non assequi: neque enim plura fila, neque modò extensa, modò remissa, sed unicum filum in singulis statuï, & semper intentum: nam multas alias vidi, quæ pluribus filiis, atque his modò intentis, modò remissis agebantur, sed id nihil mirum. Id verò pulchrum erat, quòd saltationes gesticulationesque modis cantilenæ congruebant. *Cardanus.*

Capilli in serpentes.

Hæc tamen mirabilia visa sunt. Menstruatæ enim mulieris capilli in serpentes, & vermiculos vertuntur fimo obruti, & tempore brevi. Nec minùs putrefactus menstruorum sanguis rubetas sive ranas generare potest: facile enim corrumpitur, & convertitur, & sæpè mulieres ex eodem cum humano foetu bufones, lacertos, & iis similia generant. Et Salernitanas mulieres legimus conceptionis principio, cum foetus vivificari debent, tale animal apii, & porrorum interficere solent succo. Cum mulier quædam præter opinionem prægnans videretur, foetus loco, quatuor

tuor animalia ranis similia peperit, & sæpè tali è causâ abortivit, cujus monstruosæ conceptionis, non est alia (credo) putanda causa. Ex corruptione quoque humani feminis, veluti vermes in intestinis. Alcippe Elephantem peperit, & ancilla inter initia belli Marfici serpentem generavit. Nec equorum minus è cauda setæ aquis injectæ, animam recipere, & vivificari videntur. Tusum ocimum inter lateres humido loco Soli expositum, Scorpiones generat: quanquam Galenus neget. Combustæ Anatis pulvis, si humido inter patinas servetur obrutus loco, ingentem & maximam mirè generat Rubetam. Facilius autem Rana procreari potest illicò, si earum cernatur ornatus, non enim illas dico, quæ legitimo naturæ ordine, scilicet ex coitu, in aquis suos natales habent, sed quæ per se nascuntur, & temporariæ dictæ sunt: & æstivo tantùm imbre litorum & itinerum pulverulentis arenis generantur, earumque brevis est vita, vel sæpè ventorum ara, altis montium jugis sævientes, attollitur pulvis, aquisque mixtus, non solum in ranas, sed in lapides cogitur, ranas enim aliquando pluisset auctor est *Philarchus*, & *Heraclides Lembus*: circa Dardaniam & Pæoniam idem evenisse tradit, idque tam copiosè, ut domus & viæ replerentur. Et *Ælianus* cum ex Italia Neapoli Puteolos iter faceret, ranas perspexit, quarum pars, quod ad caput pertinet, repebat, & duobus pedibus agebatur, altera nondum conformata, concretioni limosi humoris similis trahebatur, & ex eodem corpore pars altera vivebat, pars altera tellus erat. Narrat *Macrobius* in Ægypto, quod ex terra & imbre mures nascuntur, & in aliis locis ranæ, serpentes & similia, unde facilis est earum procreatio. Quidam enim cum spuisset, ex sputo statim Rana creata est, & Daumatius Hispanus, quoties libuerat Ranarum maximam illico producebat copiam, sic vermium, & scropharum ex coitu exceptum virus & sanguinosum modo jam dicto, ineunte Sole capricorni principium, ut piscis exitu ejiciant, dum affatim lacte, & micis saturentur, subeunt: perceptumque illud, quod apriam vocant, quod idem est, quod equis hippomanes, vitreo sub fimo vase conditum, & operculatum, ne surgens calor evolet, aliquibus lateat diebus, præceptumque opus plumbeâ conditum pyxide erit usui: qui id rectè noverit componere, non vulgare cernet experimentum. Si quis verò curiosius, quàm par sit, noscere concupiscet, quam novimus rationem

nem experimento fimo & admirabilem admodum mandragorum producendi. Si enim humanam feram ex ovo enatam foeneratitia jam nomenclatura vulgò appellari coepisse audio, si cui allibuerit, & is ad exemplar galli spermatis in ovo humanum & vitale asperferit virus operculo coercito ne foetuosum calorem coercitum suspiret, efferret semiferum animal, hinc humanam, hinc verò vernaculam gerens formam. Nec negat id *Avicenna*, si occasio dabitur, alibi paulò uberius, sat sit normam & fieri posse demonstrasse. Pleraque & majora jam omittuntur, apud inscios, & plebejos fide penitus caritura. De partu menstuoso, deque producendi per finum vi, hæc dicta sufficiant. *Joan. Bapt. Porta.*

Arces & turres ut in aqua videas.

In vitreo vase matulæ simili aquam conjicies, parumque ex ea fumens crocum in linteo ligatum, donec tingatur aqua, confricato: inde ovi candidum digitis septies aut octies confractum in ea ponito, totumque in vas illud conjicito permiscens aquæ: videbis enim ut referunt, quasi oppida, & arces, ac turres in aqua sparsas. *Cardanus.*

In strato hominis ut appareant pediculi scaturientes, ut non possit homo dormire.


Si vis facere, quod in strato hominis appareant pediculi scaturientes, ut non possit homo dormire, tunc projice in lecto ejus pondus unciae unius, vel mediæ Alkakengi, & si acceperis pilos Asturis, fiet inde licinium, quod quando accenditur vident se invicem omnes infimos ex vehementia infirmitatis, extenuationis. Accipe locustam citrinam, & exicca ipsam, & tere, & pone in panno exequiarum, & incende ipsum oleo sambucino, in quocunque loco fueris, quod tibi dixi & mirabile. *Albertus.*

Situla aquâ quomodo sustineatur.

Diximus de his, quæ plus sustinent quàm ratio videatur ostendere, & de his, quæ mutuo se sustinent, nunc demonstrandum, quomodo aliquid se ipsum sustinere videtur. Sic abacus planus AB. & baculus CE. cujus exterior pars sit sub ansa D. situlæ plenæ aqua GFH. & inter baculum CE. & F. situlæ inum collocetur EF. lignum rectum arte, ut dilabi non queat dico situlam pendere nec cadere.

Con.

Constat enim, quòd cùm F. sit imum situlæ quòd baculus E F. & F. gravitatis centrum, & centrum terræ, quod sit K. & centrum situlæ, quod sit L. sunt in ùna recta linea, quæ sit KF. LE. Si igitur situla cadat, vel per rectam FK. vel prius inclinabitur latus aliquod, ut G. vel H. Si igitur inclinetur versus H. in M. duco KM. quia igitur duæ lineæ veniunt ex K. KE. & KM. ad circulum, & KE. transit per cen-



trum circuli: id est, situlæ, erit ex demonstratis ab Euclide in tertio elementorum KF. minor KM. igitur centrum gravitatis F. elongatum est à centro terræ K. sponte, igitur motu naturali grave ascendit, quod esse non potest. Non igitur situla descendit inclinando se ad aliquam partem. Sed neque per rectam KF. quia angulus FEC. rectus est, & constans, descendente D. in L. ducatur LB. igitur æqualis est EB. igitur cùm LB. opponatur recto vel quintam primi: triangulus LEB. duos rectos habebit, vel majori angulo majus latus non opponitur, quorum utrumque adversatur his, quæ ab Euclide in primo elementorum sunt demonstrata. Ex quo sequitur majus quoddam miraculum, & est, quòd aliquid spontè casurum addito pondere non cadet. Nam posita parte baculi BD. majore, DC. baculus cadet, quia extremum ejus cadendo appropinquatur centro terræ K. & ita C. poterit elevari; sic cadet: tamen addito situlæ pon-


dere non cadet. Oportet autem (ne te cum risu astantium fallat experimentum : nam rudes ubi res non succedit, non hominem sed demonstrationes culpant) ut diligentissimus sis, primum ut abaci superficies superior sit ad libellam posita, & lignum rectum ad unguem, nec flexile : & similiter lignum EF. rectum, & arcuè junctum inter situlæ imum & CE. ita quòd faciat hærere firmiter lignum CE. manubrio D. Et quòd F. punctus sit centrum gravitatis, & situla rotunda. Multi legent hæc, sed pauci intelligent. Plura enim intelligere oportet, quàm quæ scripta sint, cum tamen ad perfectionem nil desit. *Cardanus.*

An mulier sit adultera.

Dicunt, quòd si quis ponit adamantem capiti mulieris dormientis, manifestat si est adultera : quoniam si sic est, resilit territa de lecto : & si non, amplectitur virum suum cum grandi dilectione. *Albertus.*

Trabes mutuò se sustinentes.

Quædam etiam spontè videntur sustineri, ac etiam alia sustinent nullo vinculo : ut, capio AB. trabem, cui super-



pono CD. Ipsi CD. superpono EF. cadat sub AB. tunc dico, quòd nisi solvantur, cadere non possunt : nam AB. susti-

sustinetur ab FE. & EF. à CD. & CD. sustinetur ab AB. igitur nulla earum cadet. Locus autem DBF. sustinetur, & sustinet, experimento enim id patet, igitur ab aliquo sustinetur; igitur ab omnibus, cum par sit omnium ratio, igitur firmissimus. Qui quanto magis premitur eò est firmior; nec fatiscit, nisi aliqua illarum frangatur. *Card.*

Ut mulier confiteatur quæ fecerit.


Ranam aquaticam comprehende vivam & tolle ejus linguam, & remitte illam in aquam, & pone illam linguam super partem cordis fœminæ dormientis, quæ cum interrogetur, vera dicit. *Albertus.*

Telum pendens nullis vinculis.

Simili modo & in Dianæ Ephesiæ templo literis mandatum inveni, Cupidinis telum nullis retentum laqueis pependisse, quod si cui ingenium æmulari libuerit, facile id assequetur: levi ferro harundinem pro hasta adjicito, lapidemque herculeum cubiti magnitudine excavatum eximie bonitatis inserito, testudini templi, appositumque spiculum per plura secula spontè pendere videbitur, neque id magno miraculo. *Cardanus.*

Annulus præstigiösus.

Cingulus aut annulus præstigiösus sic fiet: elaborantur 3. circuli, aut si libet plures, ita contexti, unâ tamen solâ ductili lineâ, ut nulla ex parte alter alterum tangat: sic fiet ut duo penduli in aëre stare videantur, miro artificio vafroque invento: at efficere facilius longè est quàm effingere: quanquam, ut potuimus, cum depinximus. Ratio autem talis est; si annulum triplicatum facere voluerimus, describemus circulos duos, deinde ac-



cipiemus numerum, quem volumus, qui divisus per tria, numerum circulorum annuli superrelinquat unitatem: utpote sedecim, nam divisus per tria relinquit unum, &

exeunt quinque: divide igitur circulum exteriorem in partes sedecim æquales, describendo totidem quoque divisiones in minore circulo efficiemus, ita tamen ut puncta inferiora intercipient in medio superiora: deinde ductis portionibus circulorum à puncto inferiore ad superius, ab eo autem ad inferius, duobus semper intermissis, tandem redibit post exactos tres circulos ad eundem punctum, itaque unus circulus tres efficitur. Circulos autem hos extremos, seu qui prius describuntur dimissi, ut melius descriptionis ratio intelligatur. Cæterum juvat eos delere, ut absolutius, & nitidius opus videatur. Oportet autem in sectionibus, quæ in solido sunt, non se tangere annulos corporeos. Sic enim penduli videbuntur, ac per se, cum non sit. *Cardanus.*

Ad furem dignoscendum.

Si quis pulverem ex lapide ætitis subcineritio pani incoxerit & suspecto furi quidpiam de eo comedendum obtulerit, præmansum bolum deglutire non poterit. *Mizaldus.*


An corrupta sit mulier.

Fumus feminum portulacæ, vel foliorum personatæ, quam *bardanam* vocant, per infundibulum vel aliter, in fœmineum pudendum transmissus, statim mulierem, si corrupta est, ad mejendum proritat: si non est, lotium continet. *Joan. Bapt. Porta.*

F I N I S.



INDEX



INDEX RERUM ET SECRETO- RUM hujus VOLUMINIS.

A.

- A** Bortum prohibentia. 162.
Accipitres quomodo capiendi. 311.
Acetum ex aqua ut fiat. 223.
Acetum ut fiat acre. 222.
ut subito fiat. *ibid.*
ut vini naturam adsciscat. *ibid.*
ut fiat arte. *ibid.*
bezoardicum Zvingeri. 680.
rosaceum. 681.
Acies cultrorum ut densa reddatur. 704. 450.
Adam ex terræ limo creatus. 6.
quid secundum Cabalam denotet. *ibid.*
Adamantis proba. 505.
tinctura. *ibid.*
Adamas ut frugatur. *ibid.*
Adamas quomodo expoliatur. *ibid.*
ex saphyro ut fiat. 519.
ut mollescat. *ibid.*
Adonai cujus loco hoc pronuntietur. 20.
Ædificia quæ multum calefacere aërem possint. 524.
Æger an periclitetur. 129.
Æger proprias & alienas habet particulas. 84.
pestilens ut corrigatur. 85.
Aëris gravitas. 84.
vis elastica. 85.
Æris metallum colore argenteo tingere. 440.
Æs viride crystallisatum. 441.
ut fiat argentum. 438.
coquere s. urere. 437.
eximie dealbare. 439.
aurum reddere. 437.
ut fiat dulce ut argentum. 443.
ut argenti nitorem induat. 440.
Agni ne ægrotent. 260.
Alabastrum cæruleo colore tingere. 737.
Alcabeſt Glauberi. 681.
Allium ut dulcescat. 345.
odoris virus deponat. *ibid.*
Allii odor à manducante ut aboleatur. *ibid.*
Ambitum terræ invenire. 637.
Ambrosia herba unde dignoscatur. 107.
Ambrosiam herbam Italia fert. *ibid.*
Ambrosiam vitam producere. *ibid.*
Ametbistus ut fiat. 511.
Amor ut nascatur. 103. 104.
ut concilietur. 97. 98. 99.
Amygdalæ amaræ ut fiant dulces. 337. 366.
inſcriptæ. 366.
ut fructum copiosum ferant. 337.
Amygdalo persicum. 336.
Angelorum secreta. 38.
Anginæ curatio. 140.
Anguilla. 294.
Anbelosis remedium. 145.
Ani

I N D E X.

- Ani Ani Hu quis Hebrais.* 25.
Animi affectus corpus affi-
ciunt. 100. & seq.
defectus curatio. 142.
Animarum & demonum di-
versa natura. 39.
Animæ ante corpora non crea-
tæ. 7.
Animal fascinatum. 343.
visu & tactu inficiens. 302.
Animalia quæ è diversis com-
misceri possunt. 269.
si tussiant. 241.
Animalium secreta. 269.
feritas ut mitigetur. 266.
verruca ut curentur. 241.
impetigo. 244.
spasmus. 241.
Anates ut faciliè manibus cà-
piantur. 313.
Anatum saginatio. ibid.
Anni præsagia. 554.
Anni præsagia ex primo toni-
tru post exortum caniculæ ib.
Annulus præstigiōsus 763. 666.
Antidotus contra venena. 123.
Anser adhuc vivus excoctus.
 312. 678.
Anseres ut saginentur 311. 312
Anthracis cura. 183.
Antimonium diaphoreticum.
 461.
Antimonii tinctura. 462.
vitrum. 463.
Antidotum memoriæ. 130.
Antiphtisica Tinctura. 453.
Ἄντρον quid. 59.
Apostematum quorumlibet cu-
ra. 184.
Aper ne hominem aggredia-
tur. 126.
Apes quo tempore vindemiare
oporteat. 315. 316.
ut transferendæ. 315.
ne fugiant. ibid.
Aphrodisiacum secretum. 691.
Apium comparandarum mo-
dos. 314.
Apium ut folii latissimi fiat
& crispum. 348.
Apium hortense ocysimè pro-
ducere. ibid.
Apum morbi. 313.
Appetitus ut concilietur. 146.
Aqua à vino ut separetur. 85.
ut vino mixta superpona-
tur. 211.
quæ accenditur. 61. 74.
Aqua ut se ipsam exhauriat.
 545.
ut sine igne calefiat. 90.
Aqua antasthmatica Zvingeri.
 689.
anticolica Dorncreilii. 685.
antibectica Zvingeri. 682.
apii selini. ibid.
aurum ab argento separans.
 413.
argentum dissolvens. 437.
argentum colore aureo tin-
gens. ibid.
ardens. 69. 72.
cosmetica discutiens ac de-
tergens. 688.
colorem maculatum resti-
tuens. 536.
ad auditum. 684.
cinamomi buglossata Offi-
cin. 683.
cordialis s. cardiaca. ibid.
dentes extrahens sine dolore.
 203.
diuretica Zvingeri. 684.
faciem reddens juvenilem.
 196.
faciem denigrans. 197.
Aqua

I N D E X.

- Aqua fortis ut fiat.* 87.
ad flores effigiandos. 633.
 634. 726.
ad inaurandum sericum,
pannos, marmora, lintea.
 632. 633. 725.
bysteria D. Seyer. 682.
quæ Magistra appellatur 391
ad naevos, serpigines, im-
petigines, & alias maculas
delendas. 198. 199. 681.
lactis fontanæ similis. 221.
ad maculas delendas. 538.
Rhizotico prophylactica
Zvingeri. 682.
salsa ut potabilis fiat. 89.
stomachica rubra Zving. 684
theriacalis Plateri. 683.
vite cum castoreo Offic. 684.
adversus locustas. 90.
optima pro Phtbisi. 143.
ophthalmica Zving. 686.
Aquæ inebriantes. 86.
marinæ concinnatio. 85.
Aqua ad ferrum auro foliato
obducendum. 444.
Arbor pomifera ne rumpatur
pondere gravata. 333.
Arboris Mali vermibus quæ
adversentur. 332.
Arbores ut citò crescant. 323.
ut sæcundæ reddantur. 329.
ut fructus multo majores
solito ferant. *ibid.*
Arbores ne à pecoribus ledan-
tur. 331. 332.
à vermibus ut curentur 331.
sylvestres ut extirpentur.
 332. 338.
ut necandæ aut extirpandæ
sint. 331.
ut transplantentur. 328.
 397.
ut feraces fiant. 324.
quibus fructus defluunt.
 330.
aut folia. *ibid.*
ne à Jumentis ledantur 331.
Arborum rubigini adversa.
 328.
morbis remedia. 329.
insitio quæ fit sub cortice.
 324. &c.
infrugiferarum remedia.
 330.
Arcanum è Saturno Solem fa-
ciendi. 454.
Arca quæ pecunias recondit
absque indicio. 695. & seq.
Arca Noë quomodo ad mensu-
ram corporis humani fabri-
cata fuerit. 5.
Arce ut colorem nanciscan-
tur pulchrum. 702.
Arce ne fumo vitientur. 702.
Arces & Turres in Aquâ vi-
dere. 760.
Archimedis Speculum. 72.
Arce quomodo faciendæ. 525.
Argentum ponderosius redde-
re. 408. 435.
Argentum vel aurum dimi-
nuere. 436.
Argentum in aurum commu-
tare. 428. 429. 433.
in aurum tingere. 430. 431.
Argentum vivum ut cogatur.
 401.
Argenti molendi modus ad co-
lores. 727. 729.
Argentum vivum congelatum
in aurum tingere. 397.
Argentum vivum fixum. *ibid.*
Argentum vivum ut ex plum-
bo fiat. 402. 405.
Argentum vivum ut in præci-
pitatum

I N D E X.

- pitatum revocetur.* 406.
Argentum vivum tingere. 405.
Argentum inaurare. 433.
in calcem vertere. 434.
Argenti vivi s. Mercurii sublimati modus, quo utuntur Chymista. 402.
Argenti ex vivo argento conficiendi modus. 407.
Argenti liquefaciendi mira ratio. 435.
Argenti vivi congelatio. 396.
congelatio cum oleo. 400.
congelati fixatio. 401.
Arma calare. 703.
Arma & Instrumenta ferrea ut ab ærugine conserventur. 704. 613.
Aries ne impetat. 260.
Aristotelis scripta quo loco apud Alexandrum fuerint. 2.
Ars magica quomodo addiscenda. 586.
Artis proplastices modus. 388.
Arthritis ut curetur. 168. 169.
Articulorum Affectuum cura. 168.
Athaorsphæra quid, quæ sit altitudo ejus. 89.
Astantes ut sine capitibus videantur. 742. 646.
Asparagi ut in magna copia proveniant. 349.
ut toto anno edules dentur. *ibid.*
Astra quomodo interdum contueri liceat. 53.
Atramentum paratu facile. 572.
ad scribendum & imprimendum. 731. 571.
perpetuum. 573.
Atramenti maculas è panno delere. 537. 734.
Atramenti pulvis utilis viatoribus. 730. 572.
Atramenti conficiendi modus. 729. 571. 572.
Asinus ne ruidiat. 259.
Asini animo delinquentes. *ib.*
Asinorum claudicatio. *ibid.*
Abstinere Deum. 17.
Avis in Germania noctu lucens ut ignis. 71.
Avium pediculi. 297.
Aves ut congregentur. 296.
ut capiantur. *ibid.*
Aves ut à fructibus arcendæ. *ibid.*
à semente fugandæ. *ibid.*
ut manibus capiantur. *ib.*
quomodo doceantur loqui. 297.
ut intelligantur. 298.
ne arborem impetant. 330.
rapaces ut pennas mutant. 298.
Avicula ut pinguescant. 311.
Avicularum educatio. *ibid.*
Auguria. 631. &c.
Aureus liquor ad scribendum, & ferrum, ligna, vitrea vasa, ossa, aliæque auro obducenda. 709.
Aureus liquor sine auro. 709.
Aureum colorem è purpurinâ facere. 717.
Aurum vitæ. 415.
diaphoreticum. 428.
potabile. 414. 415. 417. 422.
potabile verum Theophrasti Paracelsi. 417.
potabile Leonhardi Thurneiseri. 423. &c.
fulminans. 427.
Aurum

I N D E X.

- Aurum ex plumbo ut fiat.* 459.
ad ponendum compositio simplex. 723.
in nigra materia. 724.
Et argentum clam deferre. 413.
excrefcere Et augere. 407.
ex cupro parandum. 442.
Auri abfterfivum. 419.
Auri color ut reparetur. ibid.
Auri terendi modus. 722. 417.
molendi novus modus. 723. 727. 418.
Aurum ex argento extrahere. 409.
ab argento feparare. 414.
Auripigmentum fublimare. 469.
Aurichalcum argenti colore tingere. 442.
Auxilia Secreta contra ferpentes. 283.
- B.
- B***Accas myrteas virides fervere.* 692.
Balagii fubtiles ut denfentur. 511.
Balneum ad refolutos. 128.
Balfamum ad vulnera. 171. 685.
ophthalmicum Zvingeri. 136. 685.
Barba Et capilli ut tingantur. 187. Et c.
ut gignantur. 191.
ut nafcantur. ibid.
Batrachion herba. 131. Et feq.
Bellicum stratagema. 659.
Bestiæ ut domum redeant Et homines fequantur. 239.
- Bestiæ ne amplius comedant. ib.*
Beta ut albidior Et major fiat. 348.
Betonica Coronariæ flos ut in cæruleum comineet. 353.
Betonica f. Vetonica ut hyeme floreat. 359.
Bezoardicum Solare. 428.
Lunare. 434.
Martiale. 450.
Minerale. 462.
Bitbia mulieres oculis fasci- nantes. 100.
Bombardarum pilæ accenfæ. 58. 59.
Bos fi ægrotet. 256.
Bovem fi ferpens momorderit. 259.
Boves ut valeant. 255.
ut non debiles fiant. ibid.
ne pedes fubterant. ibid.
dum laborant ne laffentur. 255.
ut mufcis non infefentur. ibid.
ut pinguefcant. ibid. Et 256.
fi capite doleant. ibid.
claudi. 258.
fi fcabiofi fuerint. ibid.
fi pediculis Et vermibus la- borent. 259.
Boves fi febriant. 257.
fi tuffiant. 258.
fi profluvio alvi laborant. 257.
fi torminibus. ibid.
Bovum fuppuratio. 258.
cicuratio. 255.
medicamentum. 256.
Braffica ut non coquatur. 680.
ut fiat fapore Et magnitudi- ne infignis. 348.
Bubonis peftiferi cura. 183.
Bubo-

I N D E X.

- Bubonum curatio.* *ibid.* *Candelas multas simul accen-*
Butyrum antimonii. 464. *dere.* 63. 69.
C. *Canes ut venationi celerrime*
Abala. 596. *assuescant.* 265.
Cachecticus pulvis Zvinge- *ne rabie corripiantur.* *ibid.*
ri. 451. *ne à pulicibus & scabie per-*
Cacodæmones substantias fa- *dantur.* 266.
cere non posse. 44. 45. *ut obmutescant, ut fu-*
Cacodæmonum ut Angelorum *giant.* 265.
ordines novem. 40. *Canis ut quemvis sequatur.*
& eorum operationes de mi- 264.
raculo. 41. *ne te deserat.* *ibid.*
& seq. *ne latret.* *ibid.*
Calcei incorruptibiles. 540. *Canicies ut præcaveatur.* 191.
Calcedonius ut tingatur. 508. *Caniculæ ortus & quæ ex*
Calculi remedia. 152. *ipsa contingunt.* 654.
Calli & Verrucæ ut extirpen- *Caniculæ æstui quæ adversen-*
tur. 184. 185. *tur.* 329.
Calx auri. 427. *Canum morbi curatio.* 265.
Camera obscuræ construendæ *Capitis pediculos extinguens*
ratio. 743. *remedium.* 181. 280.
Cameini lapides ut formentur. *vulnera ut sanentur.* 169.
517. 170.
Caminus fumum non remit- *doloris remedia.* 129.
tens. 526. *Capilli ut aurei fiant.* 187.
Cancer quo curetur. 128. *Capilli ut argentei fiant.* *ibid.*
Cancri quomodo capiantur. *ut flavescant.* *ibid.*
294. *ut rubri evadant.* 188.
Candela admirabilis. 55. *ut virides videantur.* *ibid.*
pavorem inducens. 68. *ut denigrentur.* *ibid.* *&c.*
colores reddens. 75. 189.
quæ animalium capita bo- *ut diminuantur.* 192.
minib. apparere faciunt. 79. *in serpentes versi.* 758.
in aqua ardens. 55. *Caporum mores ut mutantur*
sub aqua ardens. *ibid.* *& pinguescant.* 303.
quæ extinguere nequeat. 56. *Capræ ut multum lactis præ-*
quæ ventis extinguere non *beant.* 263.
possit. 62. *Capræ ne pestilentia laborent.*
ut fiat inextinguibilis. 55. 261.
quæ cum accenditur agita- *Carbunculus ut fiat.* 510.
tur. 75. *noctu luens ut fiat.* 83.
Candelæ fumantes Regiæ. 636. *Carbunculi curatio.* 183.
Cardanus voluminosus. 42.
Caricæ

I N D E X.

- | | | | |
|---|-----------|--|-----------------|
| <i>Caricæ ut durent.</i> | 370. | <i>Cerasorum remedia.</i> | 334. |
| <i>Carmen de floribus.</i> | 739. | <i>Ceratum s. Elixir ad metalla</i> | |
| <i>Caro ut vermicularis videatur.</i> | 205. | <i>transmutanda.</i> | 385. 386. |
| <i>ut sanguinosa appareat.</i> | | <i>Cerebro languenti medela.</i> | 130. |
| <i>ibid.</i> | | <i>Cerevisia ut per annum incorrupta maneat.</i> | 225. |
| <i>dissecta ut iterum coalescat.</i> | 677. | <i>Cerevisiæ languescentis remedium.</i> | ibid. |
| <i>Caro arnosa & vetusta ut citò coquatur.</i> | 677. | <i>Cervi ut capiantur.</i> | 292. |
| <i>Carnes ut diu servantur incorruptæ.</i> | 676. | <i>ut senectutem renouent.</i> | 267. |
| <i>Carnium coctura ut acceleretur.</i> | 677. | <i>ut alliciantur.</i> | ibid. |
| <i>Carmeni lapides quomodo formentur.</i> | 517. | <i>ut fugæ mandentur.</i> | ibid. |
| <i>Carnes coctæ ut crudæ videantur.</i> | 676. | <i>Chalybem ex ferro conficere.</i> | 447. |
| <i>ut citò tenerescant.</i> | ibid. | <i>Chalybs quomodo indurescat.</i> | 449. |
| <i>ne putrescant.</i> | 677. | <i>quomodo mollescat.</i> | ibid. |
| <i>Caseus ne à muribus ledatur.</i> | 271. | <i>Chrysolitus ut fingatur.</i> | 511. |
| <i>Cataplasma ad vulnera Regis Daniæ.</i> | 174. | <i>Chrysocolla s. Borax ut parentur.</i> | 470. &c. |
| <i>Cataplasma contra quemvis ictum & vulnera.</i> | 176. | <i>Cicatrices ut deleantur.</i> | 185. |
| <i>Catapotia memoria.</i> | 130. | <i>Cicer præcox & majus ut fiat.</i> | 379. |
| <i>Causa sub Relationis prædicamento ponitur.</i> | 14. | <i>Cicindela s. Nitedula.</i> | 69. 70. |
| <i>Causarum series finita.</i> | ibid. | <i>Cimentum purgandi aurum.</i> | 419. |
| <i>Cauterium indolens Zvingeri.</i> | 686. | <i>Cimices necantia.</i> | 277. 278. |
| <i>Cementum purgandi aurum.</i> | 419. | <i>Cinara ne spinis borreat.</i> | 376. |
| <i>Ceram tingere colore rubeo.</i> | 601. 692. | <i>ut odorata fiat.</i> | ibid. |
| <i>viridi.</i> | ibid. | <i>dulcescens.</i> | ibid. |
| <i>nigro.</i> | 602. 692. | <i>Cinnabaris parandi ratio.</i> | 575. |
| <i>albo.</i> | 602. 693. | <i>parandi modus.</i> | 466. |
| <i>Cerasus ut uvas ferat.</i> | 334. | <i>ut fixa reddatur.</i> | 467. |
| <i>Cerasa ut fiant præcocia.</i> | ibid. | <i>ad scribendum parandi modus.</i> | 725. 469. |
| <i>officulis carentia.</i> | 363. | <i>Circuli ferrei omnibus vasis commodi.</i> | 702. |
| | | <i>Circulus Zodiaci</i> | 655. |
| | | <i>Civitatum excidii signa.</i> | 670. |
| | | <i>Clavi.</i> | 184. |
| | | <i>Clepsydra ad hortos irrorandos.</i> | 528. |
| | | <i>C c c</i> | <i>Clibanus</i> |

I N D E X.

- Clibanus compendium pecuniæ faciens.* 675.
- Cocblea Archimedis.* 547.
- Cæli & Planetarum imagines.* 502.
- Cælestes influentiæ nullæ dantur.* 42.
- Cælestes mentes vel intelligentiæ absurdum sunt commentum.* 41.
- Cærulei coloris parandi modus.* 707. 725.
- Colico cruciatui medicamentum & experim.* 146.
- Collyrium præstantissimum contra oculorum vitia omnivaria.* 136.
- Collyrium v. Aqua ophtalmica Zvingeri.* 137.
- Color viridis ad scribendum.* 574.
- cæruleus transmar.* 707.
- cæruleus indicus.* 710.
- ad scribendum & minian- dum.* 707.
- Colore viridi ossa tingere.* 712.
- Color purpureus parandus.* 721.
- roseus ut parandus.* 721.
- spadiceus ut paretur.* 721.
- flavus quomodo conficiatur.* 721.
- viridis ut fiat.* 722. 707.
- smaragdinus.* 707.
- Colorem panno amissum red- dere.* 439.
- Colore vario ossa tingere.* 713.
- Colores ex omni metallorum genere.* 709.
- Color ad ligna tingenda.* 713.
- Coloris cærulei parandi ratio.* 707. 725.
- ut omnia videantur albi & argentei.* 81.
- Columellæ suffocatio & in- flammatio.* 141.
- Columbus ut infarciendus.* 308.
- Columbæ ne fugiant.* 305.
- Columbarum Philtrum ne fu- giant.* 306.
- Columbæ ut multiplicentur.* ibid.
- ut ad columbaria trahantur.* ibid.
- ut maneant & secum alias adducant.* 307.
- Columbarium ne reptilia in- trent.* ibid.
- ne serpens ascendat.* ibid.
- Conceptum juvantia.* 162.
- Concubitus maleficio quomo- do medendum.* 616. 617.
- Convivæ ne accumbentes edant.* 748.
- Convolutulus ne sit in vinea.* 349.
- Cornua ut emolliantur.* 286.
- quomodo denigrentur.* ibid.
- Convulsionis remedia.* 535.
- Corallium in formulas dige- rere & è fragmentis unum formare.* 512.
- Corallium ut fingatur.* 511.
- ut lique scat.* 513.
- Corporum resurrectio post hanc vitam dabitur.* 9. 10. 11.
- Cotonea quomodo legenda & conservanda.* 362.
- quomodo fiant effigiata.* ib.
- Cotonei arbor sterilis aut agra quomodo curetur.* 334.
- Coturnices ut pinguescant.* 310.
- Crepitus ventris moventia.* 756.

Cribra-

INDEX.

- Cribratio farinae mirabilis.* 670. *ut citò fundatur.* 440.
ut argenti nitorem induat. 440.
Crocus ferri Martis. 447. *ibid.*
auri. 427. *Curculiones ut perimantur.* 320.
metallorum. 461. *ne frumento noceant.* *ibid.*
Crocodilus ut immobilis reddatur. 277. *Cutis ut aqua splendeat.* 195.
Croto lapis ubi reperiatur, & quomodo præparetur. 110. *ut candore præstet.* 196.
Crystallina pila ignem exci- *Cyanus ut fingatur.* 514.
tans. 67. *Cythara ut vento pulsetur.* 653.
Crystalli sectio. 522. *D.*
Crystallini prismatis mira fa- *Dæmon quid.* 38.
cultas. 496. *ut responsum dare videa-*
Crystallus ut fiat fusilis. 476. *tur.* 629.
26. *Dæmones non sunt in homi-*
Cubiculum ut viride videri *num gratiam creati.* 38.
possit. 75. 527. *sunt spiritus creati.* 40.
Cubiculum & omnia ut ni- *boni ut nobis concilientur.*
gra videantur. 527. 584.
Cubicula elegantia facere. 524. *quantitate finiti.* 39.
Cubiculi aer ut totus appareat *quos Origenes virtutes vo-*
inflammatus. 60. 61. *cet.* 40.
Cubiculum coloratum. 75. 76. *corpora accipere.* 39.
Cucumeres ocissimè producere. 375. *Dæmonis vox quid olim signi-*
serotinos reddere. *ibid.* *ficarit, quid nunc.* 40.
Cucurbitæ ut fiant longæ & *Dæmonum corpora, spectra.*
vastæ, latæ & amplæ. 373. 39.
ut sine semine nascantur. *ib.* *differentiæ omnes cur inda-*
ut præcoces. 374. *gari non possint.* 42.
Cucurbitarum & Cucume- *triplex differentia.* 40. 41.
rum formæ variæ. *ibid.* 42.
purgatoriæ. *ibid.* *differentias ex actionibus*
ut conseruentur. 375. *colligi.* 43.
Culices. 319. *species.* 40. 41.
Cultrorum aciem duram & *potentia finita.* 44.
densam reddere. 450. *facta varia.* 46.
Cuniculorum igneorum stru- *Dæmonum facta an miracula*
endorum ratio. 664. *dici possint.* *ibid.*
Cuprum in aurum ut mutetur *vis circa morbos producen-*
442. *dos & curandos.* 47.
48. 49.

I N D E X.

- Demonum machinamenta.* sunt. 18.
604. quid egerit aut agat. 23. 26.
miracula. 44. in locis diversis. 23.
limitata potestas 45. ut infinitus substantia &
opera admiranda fieri. 44. unitate. 18. 26.
ex coitu mulieres concipere Deo qua ratione conjungamur.
non posse. 45. 578. &c.
arcendorum quid antiqui- Deum esse Dei felicitas est. 31.
tas & Rom. ecclesia credide- esse verbum & verbum Dei
rit. 605. &c. esse ipsum Deum contra ju-
Dæmones per magos & lamias niores Judæos demonstra-
an futuras res prædicant, tur. 29.
multaque patrent. 46. 47. *Deus an ante mundum quieve-*
Dæmonia ejiciendi modus Ec- rit. 30. 31.
clesiæ veteris. 620. *an contemplatione perficia-*
Dæmoniaci. 621. tur. 31. 32.
Dæmoniaci curandi exem- Deum primam esse causam.
plum infigne. 603. 16. 17.
Decoctum vulnerarium Zvin- solum homines fecisse ut pro-
geri. 686. betur. 6.
Deus an sit, non est dubitan- Dentes ut sine dolore extraban-
dum. 14. tur. 202.
Dei existentia variis rationibus ut audire videantur. *ibid.*
demonstratur. 14. 15. & seq. ut dealbentur & conser-
Deus quid sit. 16. 17. ventur. 101. &c.
de definitione Dei. *ibid.* *Dentium dolori ac stupori me-*
à Veteribus tradita quid sit deri. 139. 140.
judicandum. *ibid.* *Diabolus possit ne morbos in-*
sui ipsius principium. 17. ducere, an etiam inductos
26. 32. sanare. 47. 48. 49.
infinitus, omnipotens, im- *Digitis cur antiqui nume-*
mortalis, independens, per- rarint. 4.
fectissimam vivens vitam, *Diaphoreticum Martiale.* 450.
liberrimè agens, simpliciss. solare. 428.
materiæ expers, immuta- lunare. 434.
bilis, omniscius, beatissi- *Divinare.* 627.
um Ens &c. 17. *Divinæ essentiæ unitati perso-*
in personis triunus est, in narum trinitatem non de-
essentia verò unus. 18. 19. rogare prolixè probatur. 23.
20. 21. 22. 24. 25.
unus est, nec plures citra *Divinarum personarum distin-*
contradictionem esse pos- ctio & numerus per earum
propri-

I N D E X.

- proprietates ostenditur.* 27. *Effluvium urinae ut curetur.*
 28. 29. 159.
Divinorum operum secreta in *Electuarium contra pestem.*
quo consistant. 2. 120.
Domicilium ut uvarum ple- *ad phthisin.* 144.
num videatur. 81. *Elephantiasis ut dignoscatur.*
in Domo ut res volantes appa- 125.
reant & virides. 82. *remedium.* 125. &c.
Domus ut videatur argentea *Elixir ad metalla transmu-*
& luminosa. 81. *tanda.* 385. 386.
ut tota alba videatur. *ibid.* *Elixir Stomachicum, Zuin-*
ut viridis videatur. *ibid.* *geri.* 689.
ut tota serpentibus plena vi- *Ellychnium quod ardens non*
deatur. *ibid.* *absumitur.* 62.
Domum delutare. 525. *perpetuum.* *ibid.*
Dormire quis ut non possit. *Empyici curatio.* 143.
 748. *Empyematis cura.* 145.
Draco volans. 558. 746. *Emulsio contra ardorem uri-*
de Duffo Rege historia. 48. *nae. Zvingeri.* 685.
Dysenteriae cura. 151. *Ens veneris.* 439.
Epistola ut clam aperienda.
 E. 570.
Epistola clausae, quae clancu-
lum aperiri non possint.
 569. &c.
Equae ut abortiant. 254.
Equi ut ceu mortui procident
ac postea alacriores fiant.
 247.
ne transeant. *ibid.*
ne morbis premantur. 250.
ut variis coloribus nascan-
tur. 246.
ut habeant parvum caput.
ibid.
ut in furorem agantur. 247.
Equi si torminibus agitentur.
 251.
si febricitent. 252.
ne cursu fatigentur. 245.
si tussiant. 248. 249.
si clavo ledantur. 247.
 Ccc 3 Equi

I N D E X.

- Equi ne à muscis molestantur.* 247.
Equorum herpes. 250.
*albugo & sanguinis proflu-
vium.* 251.
Equo si oculi inflammentur.
ibid.
*Equos graciles si pinguescere
vis.* 252.
Equus ferox ut mitescat. 245.
clamosus. *ibid.*
obstinatus. 246.
si anhelet. 250.
*cum difficulter urinam
emittet.* 249.
si sanguinem mingat. *ibid.*
si pulmone laboret. *ibid.*
si sit scabiosus. 248.
si cecus fiat. *ibid.*
Equus ut fiat gradarius. 245.
Erucæ ut perdantur. 281. 282.
Esca ad columbas alliciendas.
 306.
Escharoticum sine dolore. 178.
*Escharoticum cutim celerrimè
perforans.* 179.
*Essentia ambre liquida D.
Henr. Scretæ.* 687.
Excidii civitatum signa. 670.
Exorcismi ut adhibendi. 617.
- F.**
- Faba ut incolumis servetur.*
 379.
ad cocturam commoda. *ibid.*
*Faces. quæ non extinguantur
pluviosis temporibus.* 57.
*quæ ventis non extinguun-
tur.* 56.
Facies ut decora fiat. 196.
ut emaculetur. 197.
- ut roseum colorem adipisca-
tur.* 194.
ut purpurea fiat. 195.
*Facies insignis palloris & ma-
ciei ut appareat.* 79.
ut mangonizetur. 194.
fucata ut palle scat. 197.
Faciei tubercula ut deleantur.
 199.
pustule. 200.
Fames ut facilè perferatur. 206.
*Familie voce & lingua fasci-
nantes.* 100.
Farina ut incolumis servetur.
 379. *ut perennet.* 205.
Farinæ mirabilis cribratio.
 670.
Fascinum duplex. 100. 101.
 102.
perniciosum. 100. 101.
Fascini curatio. 105.
*Fascino pueri ne invicem per-
dantur.* 109.
Fascinatores qui. 100.
Fausti magni factum. 49. 50.
Febris ut excitetur. 118.
*tertianæ & quartanæ cura-
tio.* 116. 117.
putrida cura. 118.
Febres variæ ut sanentur. 117.
puerorum. *ibid.*
ut curentur. 113.
Feles ut aviariis arceantur.
 273.
ne columbas infestent. 307.
ut sine masculo concipiant.
 273.
Feras ut arceas. 266.
ab eis ut sis tutus. *ibid.*
*Ferrea instrumenta ab æruginè
vindicare.* 613. 704.
Ferro ut rubigo eximatur. 446.

Ferrum

INDEX.

- Ferrum ut mollescat.* 445. *Foetor alarum ut curetur.* 205.
ut caletur. 446. *Foetus ut retineatur remed.*
in chalybem mutare. 447. 163.
durum facere. ibid. *Foetus discolores & pulchri ut*
inaurare. 443. *gignantur.* 227.
quomodo auro foliato obdu- *Formæ marmoreæ variæ.* 522.
ci possit. 444. *Formicæ ut interimendæ.* 274.
& argentum æris colore *ut abigendæ.* ibid.
tingere. 445. *ut expellendæ.* 273.
ut purgetur. 446. *ne plantas contingant.* 274.
in æs mutare. ibid. *ne arbores ascendant.* 275.
ut durescat & molle rursus *ne mellarium vas contin-*
fiat. 449. *gant.* 274.
Fertilitatis prædictio. 378. *ut locum suum amittant.*
Ficulneos ramos virides serva- 275.
re. 692. *Fortuna totius anni unde col-*
Ficus ne fructus amittat. 337. *ligatur.* 52. 53.
adversus ejus vermes. ibid. *Fronde virides effingere omnis*
ut grossos teneat fructus. 338. *generis.* 708.
ut virides servantur. 370. *Fructus ut præcoces habeas.*
ut inscriptæ fiant. 369. 355.
præcoces. ibid. *serotinos.* ibid.
purgatoriæ. ibid. *suaviores.* ibid.
albæ & nigræ ut fiant. 379. *ut vim purgandi nanciscan-*
Filias pulchras ut pariant mu- *tur.* 356.
lieres. 226. *ex diversis compositus.* 357.
Figuras protuberantes in ligno *ut exos & enucleatus eva-*
producere. 736. *dat.* 358.
Filum ne igne aduratur. 69. *crescentes ut aliam formam*
Finem quod non consequitur *sumant.* 357.
frustra est. 13. *ut augeantur ut formam*
Flammam eminùs projicere. 356. *quam voles assequantur.*
70. *Fuci ex alveario ut tollendi.*
Flores & fructus temporarii. 316.
350. *mulierum ut deprehendan-*
ut vernos & æstivos ad *tur.* 197.
Brumam deferas. ibid. *Fulmen lauro impeditur.* 556.
varios exprimere. 738. *Fulmina, adversus ea quid* 531.
Flumina ut quis tutè tranare *Funambulorum ratio.* 744.
possit. 86. *ad Fundendi artem quæ ne-*
Fluxus hepatici cura. 151. *cessaria requirantur.* 391.

I N D E X.

- Furtum cognoscere.* 751. 200.
Furem ut quis agnoscat. 763. *Genii qui.* 43.
Furfures à facie abstergere. 199. *Genus humanum cœpisse.* 5.
G. *Genus humanum principium*
Gallinæ cerebrum confortat habuisse, & finem habitu-
cerebrum. 96. *rum.* *ibid.*
Gallus ne calcet gallinam. 301. *Glacies ardens.* 86.
ne vociferet. *ibid.* *Glauci ut capiantur.* 293.
Gallina ne sit gravedinosa. 299. *Goetia & Necromantia.* 592.
ne abortiat. 300. *Gonorrhœæ curatio.* 159.
ne à fele ledatur. *ibid.* *Graculos in fugam agere.* 310.
Gallinæ oculus ut curetur. 531. 533. 556. *Grandinem ut abigere oportet.*
300. *Grytis fluviatilis ut capiatur.*
ut magna pariant ova. 299. 293.
pediculi. 300.
ne comedant ova. 299.
tenebris offusis ut fiant ver-
tiginosa. 300.
Gallarum profuvium alvi. *H.*
ibid. *HEbeni conficiendi modus.*
gravedo. *ibid.* 381. 713.
Gallinæ ut pinguescant. 298. *Hæctica ne quis corripiatur.*
ut sine strepitu capiantur. 299. 123.
à pulicibus defendantur. *ib.* *Helvetius magus qui nunc vi-*
ut à vulpibus sint securæ. *ibid.* *vit quos curet morbos.* 51.
ibid. *Herbæ ne à pulicibus corro-*
Globuli contra famem. 205. *dantur.* 346.
Gluten ad vasa lapidea, ter- *adversus earum Erucas.* *ib.*
rea, & ad vitra. 477. &c. *Hæmorrhoides & earum dolor*
pro lapidibus. 522. *ut curetur.* 160.
Gemmæ ut nitescant. 500. *Hernioso ut crepitent testiculi.*
duplices ut conficiantur. 499. 756.
fictitiæ. *ibid.* *Hidropis remedia.* 135.
quâ arte calentur. 517. *Hippomanes qui.* 98.
Gemmarum sectio. 500. *Hirci ne fugitivi fiant.* 263.
sculptura. *ibid.* *Hirundinum pulli ut albe-*
vires & imagines. 501. 502. *scant.* 308.
fraudes. 497. *Hirundinis cor ad amorem*
Genarum livor ut abstergetur. *tus.* 4. 7. *conciliandum valet.* 99.
H. *Historia antiqua de argento*
in aurum verso. 428.
Homo perfectus. 4.
cur non æternus à Deo crea-
tus. 4. 7.
Homo

I N D E X.

- Homo cum moriatur æternus esse non potest.* 3. 4. 638.
- Homo cur ex homine propagetur.* 13. 14. 693.
- ut semper sit Eunuchus.* 161.
- ut in somno loquatur.* 748.
- ut dormire non possit.* 748.
- duabus constat partibus.* 3.
- Homines cur à Deo facti.* 7.
- miraculoso modo facti.* 5. 6.
- ut pinguescant.* 186.
- ut angeli videantur.* 80.
- ut nigri videantur.* ibid.
- cum moriantur cæpisse necesse est.* 4.
- ut mortui videantur.* 747. 80.
- ne igne comburantur.* 69.
- pedere facere.* 756.
- ut caninam faciem habere videantur.* 78.
- ut tria capita habere videantur.* ibid.
- ut videantur habere quorumlibet animalium capita.* 78.
- Homines ut videantur variâ formâ.* 80.
- non sine corporibus in æternum sunt victuri.* 13.
- ut equina vel asinina capita habere videantur.* 77. 78.
- ut sine capitibus videantur.* ibid. & 742.
- ut elephantes videantur.* 79.
- Hominum causa efficiens.* 3.
- finis extra hominem.* 7. 13.
- felicitas.* 9.
- omnium unus finis.* 7. 8.
- multi fines.* 7. 8. 9.
- Hordeum quomodo incolume servetur.* 379.
- Hora diei quomodo habeatur.* 638.
- Horologia absque fine.* 693.
- Hortus ut viridis & floridus fiat.* 527.
- Horti ut seminandi.* 529.
- Erucas quid perdat.* 533.
- blattas hortenses, pulices & grandinem irruentem.* ibid.
- instantem pruina & rubiginem.* 532.
- Hortensia mala quid abigat.* 531.
- Hortorum stercoratio.* 529.
- Hostes ne quem ledant.* 660.
- Humani generis ortus.* 5.
- eiusdem propagatio an principium habuerit.* 4.
- eadem tandem cessatura est.* 12.
- Hyacinthus ut arte fiat.* 511.
- Hydrargyrum ut evolet.* 304.
- Hydromel Guilb. Arragosii.* 688.
- Hydrophobiæ curatio.* 135.
- Hydropis receptum.* 135. 152.
- I.
- Jasmini flores ut flavescant.* 352.
- Ictericæ cura.* 151.
- Ictus venenati ut curentur.* 183.
- Idiomata quid apud Theologos.* 26.
- Ignem ex pluviis construere.* 84.
- trabentia.* 60.
- sub aqua conspiciere.* 65.
- ex aqua accendere.* 61. 74.
- C c c 5
- Ignem

I N D E X.

- Ignem in humido excitare.* 61.
per crystallum accendi. 67.
ex poculo pleno aquæ conspi-
cere. 65.
Ignem manu tractare. 67.
Ignem ut quis non comburatur.
 58. 68. 69.
ne quid comburatur. *ibid.*
Ignes artificiosi qui aqua non
extinguantur. 56. 57.
Ignis essentiam in motu rapi-
dissimo particularum subti-
lium ad se invicem alliden-
tium consistere probatur. 55.
volans. 66.
qui per solem accenditur.
 57.
inextinguibilis. 64.
arma comburens, qui aquâ
non restinguitur. 59. 60.
pabulum sub aqua ardens.
 58. 59.
valentissimus. 59. 60.
ex carabe. 67.
Græcus. 70.
ut manu tractetur. 67.
qui oleo extinguitur &
aquâ accenditur. 69.
Ignis fomes ut fiat. 60.
esca ad excitandum ignem.
ibid.
qui sputo accenditur. 61.
ferrum detrahens. 62. 63.
Ignitus aliquis totus ut videat-
tur. 68.
Imagines solidæ & pulchræ.
 710.
Impotentium cura. 230.
Inaurare quævis metalla. 729.
Inedia quomodo perferenda.
 205.
Infans ne sternutet. 141.
- Infantulorum Syriæ reme-*
dia. 141.
Infinium unum non plura
dari posse. 18.
Infusum Emmenagogum Zvin-
geri. 687.
Insecta ut fugentur omnia 317.
Infitio quæ fit per inoculatio-
nem. 326.
Insomnia clara & jucunda
inducere. 233.
mala ut arceantur. 234. 235.
Instrumentum quo trabens
trahitur. 649.
quo quisque seipsum tra-
bat. 650.
perennis motus. 645.
Instrumentum minimo igne
veru circumagens. 698.
Instrumenta quævis ferrea ab
ærugine vindicare. 613. 704.
Instrumentum mirabile ad cri-
brandam farinam. 670.
Instrumenta musica ut vento
pulsentur. 653.
Jocus histrionicus. 755.
necromanticus. 755.
Jovis duodecennium. 655.
Iris ut videri possit. 557.
Ischiadici doloris curatio. 168.
Iter facientes ne fatigentur.
 236.
Jumentum si Dysenteria la-
boret. 241.
si sanguinem vomat aut
minxerit. *ibid.*
si patiat præter naturam,
quid agendum. 622. &c.
ut appetat cibum avidius.
 239.
ut urinam reddat. 240.
Jumentorum pili ut renascan-
tur.

I N D E X.

- tur.* 244. *Lapis quo ignis in humido excitetur.* 65. 66. 520.
- Jumentorum pili ut albi tinguantur.* *ibid.* *panno fricatus qui accendatur.* 62.
- ut nigri albescant.* *ibid.* *qui saliva accenditur.* 521.
- Jumentorum struma.* 243. *qui sputo madefactus ignem excitat.* 520.
- podagra.* 242. *à Bufone ut eliciatur.* 521.
- Jupiter quando ad locum s. domum suam redit.* 52. *Ejus proba.* *ibid.*
- K. *vesicæ ut curetur.* 153. 158.
- Kitra quid dicatur.* 59. *Lapides pretiosi ut conficiantur.* 498.
- L. *Lapides & gemmæ quibus imaginibus insigniantur.* 503.
- Lacca coccinea ut paretur.* 712. *duri ut pugno frangantur.* 519.
- paranda è verzino.* 718. *quosdam futura præcognoscere.* 636.
- Lactuca seminibus multis confita.* 348. *Lapidibus inscribendis electiones necessariae.* 504.
- ut lata fiat, candida & speciosa.* 347. *Lapis Bononiensis in tenebris lucens.* 95.
- sessilis s. pomata suavis sapore & forma multiplici.* *ibid.* *Latrunculorum ludus.* 757.
- Lamias ope demonum tempestates ciere, mortuos per fascinum excitare &c.* 47. *Lateres cocti cur graviores.* 91.
- Lamiarum maleficio affectorum cura.* 609. *Legumina ut facile coquantur.* 380.
- Lampas mirabilis.* 58. *Lentes ut meliores & majores nascantur.* 379.
- homines fædos ostendens.* 80. *Lepræ antidotus.* 125.
- Lampas quæ præsentium nullos ostendit.* *ibid.* *cura.* 125. 126.
- qua astantes se videant ut imagines & lapides.* 82. *Leprosum reddere.* 126.
- ranas silere faciens.* 75. 76. *Lepores quomodo impinguantur.* 268.
- Lampada ut quis accendens reformidet.* 76. *ut congregentur.* *ibid.*
- Lampadum experientiæ multæ dantur.* 83. *Leporum ætas quomodo sciatur.* 267.
- Laneos pannos purgare.* 539. *Libri quomodo auro obducantur.* 726. 577.
- Librarum fucus.* 647.
- Lichnium mirabile, quo arcta imminente manu peruratur,*

I N D E X.

- ratur, laxa verò extingua-*
tur. 83.
quod per oleum extinguitur
per aquam invalescit. ibid.
Licinium cum ardet domum
serpentibus plenum ostendit.
 81.
Ligatorum s. Impotentium cu-
ra. 230.
Ligna quæ attrita ignem con-
cipiant. 67.
ne igne ardeant. 380.
variè tingendi ratio. 380.
 713.
auro obducere. 724.
Lilia ut fiant purpurea. 354.
ut fiant rubra. 355.
Limaces ne olera comedant.
 281.
Linei panni quomodo à macu-
lis atramenti vel vini libe-
randi. 538.
Liquor ad formandas lineas.
 735.
aureus ad inauranda coria.
 736.
candidus ad scribendum.
 575. 731.
ad scribendum & vasa fer-
rea, lignea, ossæa auro ob-
ducenda. 709.
Liquor aureus sine auro. 709.
nitri fixi. 681.
apii selini. 682.
stypticus Doley. 687.
viridis ad scribendum &
pingendum. 725. 575.
aureus facilis. 729.
Literæ aureæ. 574.
argenteæ. ibid.
sine argento. 724.
albæ ut citò nigrescant. 571.

- virides & albæ ut scriban-*
tur. 724. 574.
in nigro ut candicent. 565.
albæ ut legi possint. 566. 570.
quæ aqua visibiles reddun-
tur. 571.
igne vel aquâ conspicuæ.
 566.
delitescentes & conspicuæ ut
legantur. ibid.
occultæ ne legi possint. 563.
Literæ quæ non nisi noctu le-
gantur. 567.
latentes in charta, quæ cog-
noscentur. ibid.
ne comburi possint. 570.
certis diebus deciduæ. 675.
in tenebris conspicuæ. 563.
ut lapidibus inscribantur.
 568.
indelebiles in corporibus hu-
manis. 565.
aureæ sine auro faciendæ.
 724.
quomodo delentur. 568.
à muribus ut tutæ præsten-
tur. 570.
Literas lumine interposito le-
gere. 565.
Lixivium ad tingendos capil-
los. 190.
Locorum longitudo & latitu-
do ut cognoscatur. 642. 644.
Locustæ ut capiantur. 293.
quid adversetur. 320.
Locutio ut occultetur. 559.
per sibilum. 360.
per faces. ibid.
Lotii difficultas ut auferatur.
 158.
Lucerna totum annum du-
rans. 706.

Lucerna

I N D E X.

- | | |
|--|---|
| <p><i>Lucerna mirabilis.</i> 705.</p> <p><i>Lucernæ sepulchrales inextinguibiles.</i> 64. 65.</p> <p><i>Lucibilia noctu multa variaque dantur.</i> 71.</p> <p><i>Ludi adversus convivæ.</i> 749.</p> <p style="padding-left: 20px;">& seq.</p> <p><i>Ludicrum de carnibus.</i> 758.</p> <p style="padding-left: 20px;">de canibus. 742.</p> <p style="padding-left: 20px;">de pane. 743.</p> <p style="padding-left: 20px;">de pisces in olla coquendis. 756.</p> <p><i>Ludicra.</i> 750. & seq.</p> <p><i>Lumen quod pedere facit. quo astra vagari videantur.</i> 82.</p> <p><i>Lunæ augmentum.</i> 435.</p> <p><i>Lunæ tinctura optima.</i> 436.</p> <p><i>Lunam ad dealbandam.</i> ibid.</p> <p><i>Lunæ coloratio.</i> 431. 432.</p> <p><i>Lupi ut arceantur.</i> 268.</p> <p style="padding-left: 20px;">ne bestiis noceant. ibid.</p> <p style="padding-left: 20px;">ut capiantur. ibid.</p> <p><i>Lupini ut dulcescant.</i> 380.</p> <p><i>Luti sapientiæ quis usus. illud ut conficiatur.</i> 91. 90.</p> <p style="padding-left: 20px;">91.</p> <p><i>Lyra pulsata alteram quiescentem movet.</i> 652.</p> <p style="padding-left: 20px;">somnia concilians. ibid.</p> <p style="padding-left: 20px;">ut vento pulsetur. 653.</p> | <p>534.</p> <p><i>Maculæ panni.</i> 537.</p> <p><i>Maculas ex panno purpureo sine coloris detrimento delere.</i> 535.</p> <p style="padding-left: 20px;">ex quovis serico tollere. 534.</p> <p style="padding-left: 20px;">olei & pinguedinis delere. 538.</p> <p><i>Magia in genere.</i> 588.</p> <p style="padding-left: 20px;">naturalis. 589. &c.</p> <p style="padding-left: 20px;">mathematica. 590.</p> <p style="padding-left: 20px;">venefica. 591. 592.</p> <p style="padding-left: 20px;">septupliciter addiscitur 586.</p> <p><i>Magisterium auratum perlatum Scretæ.</i> 418.</p> <p><i>Magorum & Lamiarum opera.</i> 46. 47.</p> <p style="padding-left: 20px;">opera non omnia esse illusiones, ut bestias vel homines necare. 47.</p> <p><i>Mala ut diu conserventur.</i> 359.</p> <p style="padding-left: 20px;">ut servanda. 360.</p> <p style="padding-left: 20px;">ut fiant dulcia. 361.</p> <p style="padding-left: 20px;">— ne putrescant. ibid.</p> <p style="padding-left: 20px;">— ne sint caduca. ibid.</p> <p style="padding-left: 20px;">ut fiant rubra. ibid.</p> <p><i>Mala Cotonea ut fiant effigiata.</i> 362.</p> <p style="padding-left: 20px;">ut conserventur. ibid.</p> <p style="padding-left: 20px;">Citria ut effigiata nascantur. 368.</p> <p style="padding-left: 20px;">ut fiant rubra. 369.</p> <p style="padding-left: 20px;">ut conservanda. ibid.</p> <p><i>Mala caduca.</i> 333.</p> <p><i>Malagma ad nervos equorum.</i> 253.</p> <p><i>Maleficium ut solvatur.</i> 97.</p> <p style="padding-left: 20px;">104.</p> <p><i>Malum componere ex persico & nucipersico.</i> 335.</p> <p style="padding-left: 20px;">punicum ut sine granis facias.</p> |
|--|---|
- M.*
- | | |
|---|---|
| <p>M<i>Achina bambilica.</i> 542.</p> <p style="padding-left: 20px;">&c.</p> <p style="padding-left: 20px;">Heronis. 546.</p> <p style="padding-left: 20px;">Ctesibica. 541. 542.</p> <p style="padding-left: 20px;">Augustana. 549.</p> <p><i>Maculas atramenti delere.</i> 734.</p> <p><i>Maculæ vestium ut deleantur.</i></p> | <p><i>Maculas atramenti delere.</i> 734.</p> <p><i>Maculæ vestium ut deleantur.</i></p> |
|---|---|

I N D E X.

- cias.* 367.
Malus ut multa poma ferat. 333.
Mammæ mulierum ut fiant similes virginum mammis. 203.
Mamillæ ne crescant. *ibid.*
Mamillarum incrementum. *ibid.*
Manicæ metallicæ quæ dicantur, quid iis efficiatur. 70.
Mandragoram fingere. 346.
Manus ut nigrescant. 205.
ut dealbentur. 204.
Manuum tremor. 165.
Margaritas confractas in unum restituere. 406. 407.
illæ ut dissolvantur. 408.
ut conficiantur. 505. 506.
Marmor aut ligno ut aurum inducendum. 724.
Marmora & alabastra tingere. 737.
Martem in argentum convertere. 444.
Martis tincturæ variæ. 448.
Melanuri pisces. 293.
Melancholiæ remedia. 135.
Mel an sit adulteratum. 316.
Mellis vendemiator ne ab apibus lædatur. *ibid.*
Melones ut dulces & odoratos reddas. 375.
Membra resoluta ut curentur. 180.
Memoria ut confirmetur. 96.
Memoria ut augeatur. 96. 97. 131.
Memoriæ quæ conferant. 130.
Mensæ quæ duplicantur. 700.
Menstrua alba ut curentur. 160.
Mercurii coagulatio. 396.
sublimati modus quo utuntur alchimistæ & aurifabri. 402.
Mercurii oleum corpora solvens & in lunam mutans. 399.
purgatio. 398.
coagulatio lutea auri Rhenani colorem inducens. 397.
ut sub malleo ductilis fiat & elaborari possit. 401.
ut coaguletur & figatur. 400.
ut malleabilis fiat. 399.
Mespili poma ne labantur. 336.
Mespilus ut curanda. *ibid.*
Metallo friabilitatem demere. 383.
Metalla in corpus reducere. *ibid.*
in calcem & aquam transmutare. *ibid.*
ut inauranda. 385.
Metallum nobilius in cutem trahere. 384.
Meteora è quibus oriantur. 84.
Metus & Phantasmatis præcautio. 135.
Minarum struendarum ratio. 664.
Mingentes in lectum ut curentur. 159.
Mira videre in vase urinali & aliis. 751.
Mixtura odorata Isabellæ Cortesæ. 200.
Molendini venti structura. 673.
Monstra ut gignantur. 228.
Morbi

I N D E X.

- Morbi caduci remedia.* 131. *Mulieres ut pulchros pariant*
gallici curatio. 128. *filios.* 223.
Morborum divisio. 113. *ut corruptæ ab incorruptis*
universalium internorum *diagnosci non possint.* 232.
curatio. *ibid.* *valde letari.* 83.
Morus ut fiat feracior. 335. *ut in mensa nihil edant.* 748.
Mora ut fiant alba. 363. *Mulieribus lotium compesce-*
ut conservanda. 364. *re.* 748.
Morsus rabidi canis ut cure- *Mulli scarique ut capiantur.*
tur. 181. 182. 291.
Mors quibus minus molesta. *Mundus unus tantum & fi-*
108. *nitus.* 34. 35.
Mortis prædictio. 124. *est ab æterno.* *ibid.*
vel salutis præsagium. *ibid.* *non est ab æterno.* *ibid.*
genera minus molesta. 109. 36. 37.
Mortem fotu allicere. 109. 110. *Mundus est perfectus.* 36.
Motus perennis instrumen- *ejus finis.* *ibid.*
tum. 645. *quia hominis causâ est, ho-*
Mugiles & capitones ut ca- *mo verò non est ab æterno,*
piantur. 291. 292. *etiam talis non est.* 37. 38.
Mulier ut à coitu abhorreat. *qualis effectus.* 35.
230. *Munitio urbium.* 666.
ut virum suum admittat. *Muræna ut capiantur.* 291.
224. *Muræna eodem tempore frixa*
& eo delectetur. *ibid.* *tostaque.* 679.
ut concipiat. 162. *ad Mures domesticos & agre-*
ut citò pariat sine dolore. 163. *stes auxilia.* 271.
ne cum aliquo adulterare *ut necentur.* 270.
possit. 231. *ut fugiant.* *ibid.*
ut alienum virum non ad- *ut congregentur.* *ibid.*
mittat. *ibid.* *ut excæcentur.* 270.
quot sit habitura filios. 162. *ne literas rodant.* 271.
an sit casta. 232. *ut à cinaræ radicibus ar-*
an sit corrupta. 764. *ceantur.* *ibid.*
an sit adultera. 761. *Mus araneus ne quem mor-*
qua de causa sit maculata *deat.* *ibid.*
cognoscendi ratio. 227. *Muscæ & apes ut submersæ*
Mulier an gravida sit. 162. *reviviscant.* 320.
ut in somno patrata narret *ut expellantur ex adibus.*
facinora. 749. 318.
ut omnia narret quæ fecit *ne boves infestent ne equos*
758. 752. & mulos molestant. *ibid.*
Musca

I N D E X.

- Muscae ut congregentur.* 318. 80.
ut arceantur. 317. *Nephriticorum cruciatuum*
Mustelæ ut cicures fiant. 273. *curatio.* 149.
ut necandæ. *ibid.* *Nigra ut videantur omnia.* 78.
ne noceant. *ibid.* *Noctu quæ luceant.* 71. & seq.
ut congregandæ. *ibid.* *Nolarum harmonia.* 654.
Mustum ne bulliat. 210. *Nux ne lignosum fructum pro-*
Myrteas baccas conservare vi- *gignat.* 365.
rides. 692. *Nuciferae arbori veteri ut suc-*
curratur. 337.

N.

- N** *Aphta quid sit.* 60. & seq.
& *petroleum idem.*
ibid.
Naphtam ignem ad se trahere.
ibid.
Narium fætor. 137.
obstructio. *ibid.*
Nassæ piscium ut componendæ.
290.
Natura & hypostasis differunt
numeris. 25. 28.
non est prima rerum causa.
32.
in genere quid sit. 33.
universalis particularis. *ib.*
34.
ejus descriptio à Veteribus
data nulla est. 33.
Nausea maritima. 147.
Navis dirigendæ geometrica
ratio. 643.
submersa qua arte recupere-
tur integra. 87. & c.
quot milliaria exegerit quo
pactò deprehendamus. 645.
Navicula sua sponte mobilis
& *remigii author.* 704.
Necromantia. 755.
Nervi resoluti ut curentur.
- Nuces ut absque putaminibus*
gignantur. 365. 366.
Numerum aliquem indicare
quem alius conceperit. 640.
Numeri quid in natura possint
in Febribus. 117. & seq.
Numismata ut consulentur.
388. 392. & c.

O.

- O** *Blivio & cruditates stoma-*
chi senibus contingentes,
quomodo curentur. 129.
Obsessis quomodo succurren-
dum. 609. & c.
Obsessis quomodo res absque
epistolis significari possint.
561. & c.
Occasus stellarum. 655.
Occultari res quomodo possint
in solidis corporibus. 523.
Oculi quibus bina pupilla
inest. 106.
Oculorum lux quomodo hebe-
tetur. 54. & seq.
vitia multivaria curantur.
136.
unguis quomodo in homini-
bus & equis curetur. 248.
color ut permutetur. 200.
Oddo pirata magus. 46.

ab Odo-

I N D E X.

- ab Odoribus mortem adferen-*
tibus ut tutus fueris. 109.
Olera disperdenda. 347.
Olivæ virides ut celerrimè con-
diantur. 692.
ut dulcescant. 360.
Oleum ad vulnera. 24. 171.
ad rupturam. 172.
ad ulcera maligna. 173.
sulphuris. 465.
balsamicum vulneribus in-
stillandum. 173.
solare. 422.
cutim splendidam reddens.
 195.
arsenici. 471.
hydrargyri. 407.
stibii. 463.
suo fœtore hominem necans.
 109.
ad spasnum. 170.
ut fructum ferat. 338.
Olla ut nunquam bulliat. 680.
Ophthalmiæ remedia. 135.
Olei solis multiplicatio ad tin-
cturam Philos. 423.
augmentum perpetuum. ib.
Ophthalmicum unguentum
vel Balsamum Zvingeri 136.
Ophthalmicum collyrium con-
tra passiones oculorum
omnis generis. ibid.
Ophthalmica aqua Zvingeri.
 137.
Orbis situm investigare. 642.
Ortus stellarum. 655.
Ossa viridi colore tingenda.
 712. 285.
ut smaragdus videantur.
 285.
rubro vel aliis coloribus tin-
gere. ibid. & 717.
- ut molliantur.* 285.
dealbentur. ibid.
coloribus tingere. 286.
Oves quando tondenda. 261.
ut aliquem sequantur. 260.
cum scabie laborant. 262.
ne scabræ fiant. 260.
Oves ut à cibo deterreantur.
 ibid.
ne peste laborent. 261.
Ovium fœtus ut color cognosci
possit. 260.
pestilentia medela. 261. 262.
Ova ut mares aut fœminas ori-
turas dignoscere possimus
qualia debent esse. 301.
ut serventur. 303.
plena an vacua sint digno-
scendi modus. 304.
ne comedant gallinæ. 299.
ut mollescant & ampullis
includantur. 304.
ut inscribantur. ibid.
Ovorum excubatio citra galli-
nam. 301. 304.
alba conservanda ad diver-
sa opera. 726.
Ovum ut hominis caput ma-
gnitudine superet. 305.
ut in aëre ascendat. 305.
 757.

P.

- P**Acifica ut cui contingant.*
 659.
Pagri & tynni ut capiantur.
 292.
Palumbus recens quomodo
farciendus. 308.
Panis ut incorruptus maneat.
 675.

D d d

Panis

I N D E X.

- Porci ut impinguentur.* 263.
marini ut capiantur. 293.
Porrorum odor. 346.
Porrum ut ad prodigium us-
que excrescat. 345.
Portæ ut à domesticis solis ape-
riri possint. 697.
Potio pro vulneribus. 175.
Præsius ut fiat. 514.
Præsagia. 124.
Præsagia longioris tempestatis.
 553.
victoriæ. 669.
tempestatis ex marinæ aquæ
concoctu. 553.
Præstigia. 600.
Prognosticon de ubertate &
bonitate vini. 344.
fertilitatis & sterilitatis.
 552.
Prognostica sereni aëris. 551.
tempestuosi. 552.
Pruna ut sine officulis nascan-
tur. 358.
Prunorum languidarum re-
media. 334.
Prunus ne à vermibus infeste-
tur. ibid.
Psilotrum quo perlitus locus
glabrescit illicò. 192.
Pudendorum pediculi ut amo-
veantur. 180. 280.
Pueri ne pubescant. 193.
Puerorum morbis pestiferis ut
succurratur. 120.
Puella Indica venenis nutrita.
 102. 103.
Pulchritudo corporis in qui-
bus consistat. 187. & seq.
Pulices hortenses ut necentur.
 280.
ut perimendi. 278. 279.

- ut in unum locum conve-*
niant. ibid.
ut depellendi. 280.
Pullus ut celeriter coquatur.
 678.
ut quaternis pedibus & alis
nascatur. 302.
ut jugulatus sanguinem non
emittat. ibid.
ut in mensa coctus saltet.
 303.
ut sine gallina fotu excre-
scat. 301.
Pulvis dentifricius. 202.
dentifricius Zvingeri. 695.
abstergens atramenti ma-
culas. 732. 573.
pro albedine dentium. 201.
Pulvis contra venenam. 123.
contra sectionem nervorum.
 178.
pro botio vel struma Zvin-
geri. 141.
antiphthysicus Zvingeri.
 690. 245.
quadrigarius. 253.
cachecticus Zvingeri. 451.
pyrius in bellicis instrumen-
tis mira operans. 665.
pyrius absque strepitu spha-
ram ejiciens. 665.
pyrius optimus. 666.
sine strepitu. ibid.
ignitus in ovo. 65.
Pulvis citò ac vehementer ar-
dens. 665.
qui à pluviis accendatur. 84.
ad uaguem oculorum in
equis & hominibus. 248.
Punici mali acinos augere. 67.
ut in miram magnitudinem
excrescant. ibid.

Punica

I N D E X.

Punica mala ut rubicundiora
fiant. *ibid.*
ut sciatur quot grana ha-
beant. *ibid.*
ut in arbore servantur vi-
ridia. 368.
Punicorum acini ut candidi
fiant. *ibid.*
ad hybernos usus servando-
rum ratio. *ibid.*
Punica mala ut dulcescant.
 367.
Punicorum multitudo ut pa-
rari potest. 368.
Purpurinae faciendae modus.
 717.
Purgans unguentum. 164.
Putei in locis maritimis ut
aquas dulces dent. 540.
Pyrapyron Zvingeri. 686.
Pyropus ut fingatur. 510.
Pyra ut fiant rubicunda &
effigiata. 361.
ut legenda & custodienda.
ibid.
Pyri steriles. 333.
Pyrus ne lapidosos fructus pa-
riat. *ibid.*
ut dulces & copiosos fructus
pariat. *ibid.*
ægotans in flore aut vermi-
bus infestata quomodo cure-
tur. 334.

Q.

Quartanae curatio. 113. 114.
 &c.
Quis ut in somno loquatur.
 742.
ut dormire nequeat. 749.

R.

Racemus ut diversi coloris
habeat acinos. 340.
Ranae, quomodo cantu suo
privari possint. 75. 76.
Rapae ut maximae fiant. 345.
Raphani ut majores fiant. *ib.*
dulces. *ibid.*
ut ab agrestibus pulicibus
liberentur. *ibid.*
Rhabarbarum ut diu conserve-
tur. 692.
Rami ficulnei & inertes ut vi-
rides servantur. *ibid.*
Ranae ut congregentur. 294.
Ranarum clamor ut castigetur.
ibid.
Regulus antimonii martialis
stellatus. 450.
ut se ipsum in veru torreat.
 678.
Res in tenebris conspiciere cum
suis coloribus *Vid. lam.*
Obs. *ibid.*
una multiplex videri. 480.
Res virides ut volare videan-
tur. 82.
Rei occultandae modus in soli-
dis corporibus. 523.
Rem absconditam indicare ali-
cui. 641.
Remedium contra sitim ex ca-
lore. 223.
ad vermes. 149. 151.
ad cossos, vermes, & ti-
neas animalium. *ibid.*
adversus omnes animalium
morbos. 240.
ad quævis apostemata. 184.
ad ligatos solvendo. 229.
pro scabie. 127.

INDEX.

<i>Remedium ad cancrum.</i>	128.	<i>hauritur.</i>	651.
<i>augendæ Veneris.</i>	225.	<i>Rosæ & caryophylli coloribus</i>	
<i>ad serpiginem.</i>	127.	<i>ut insigniantur.</i>	353.
<i>pro anhelosis.</i>	145.	<i>Rubigo ut ferro eximatur.</i>	446.
<i>ad graveolentes alarum</i>		<i>Rubinus ut fingatur.</i>	509.
<i>hircos.</i>	205.	<i>ut conficiatur.</i>	510.
<i>equorum dysuriam.</i>	249.	<i>Rubor quomodo rebus induca-</i>	
<i>ad gallorum gravedinem.</i>	300.	<i>tur.</i>	708.
<i>ad gallinarum profluvium</i>		<i>faciei ut concilietur, & ni-</i>	
<i>alvi.</i>	ibid.	<i>mius diminuatur.</i>	194.
<i>ad pediculos.</i>	ibid.	<i>Rubrica scriptoria</i>	573.
<i>ad equorum herpetem.</i>	250.	<i>Rubricæ scriptoriæ ratio.</i>	719.
<i>ad morbos equorum.</i>	251.	<i>Ruptura ut curetur.</i>	180.
<i>ad diversos ovium morbos.</i>	261. 262.		
<i>contra pestem.</i>	118. 119. &c.	S.	
<i>ad cruditates senum & ob-</i>		<i>Acra secreta.</i>	3.
<i>livionem.</i>	129.	<i>Sacculus contra pestem.</i>	119.
<i>ad Culices.</i>	319.	<i>Sepiæ.</i>	293.
<i>ad tempestatem, rubig. &</i>		<i>Sal armoniacum ut sublime-</i>	
<i>pruinam.</i>	532.	<i>tur.</i>	474.
<i>Renes ut expurgentur.</i>	158.	<i>vel saccharum saturni.</i>	452.
<i>Renum doloris cura.</i>	ibid.	<i>volatile oleosum D. Henr.</i>	
<i>Rigationis tempus & modus.</i>	531.	<i>Secretæ.</i>	687.
<i>Robur vitale ut augeatur.</i>	112.	<i>alcali.</i>	474.
<i>Rosa ut odoratior fiat.</i>	351.	<i>Salsæ.</i>	250.
<i>ut præcox fiat.</i>	ibid.	<i>Saltatione ut homines tor-</i>	
<i>ut omnibus mensibus compa-</i>		<i>queantur.</i>	235.
<i>retur.</i>	ibid.	<i>Sanguis e vulneribus ut cobi-</i>	
<i>ut recentes & virides ser-</i>		<i>beatur.</i>	178.
<i>ventur.</i>	ibid.	<i>Sanguis ut sistatur.</i>	137.
<i>ut alba, viridis, lutea, cæ-</i>		<i>Saphyrum in adamantem con-</i>	
<i>rulea, flava fiat.</i>	352.	<i>vertere.</i>	515. 516.
<i>ut Januario fructum ferat.</i>	ibid.	<i>Saphyrus ut fiat.</i>	515.
<i>ut tempore Malorum.</i>	ibid.	<i>Sardonix ut albus fiat.</i>	516.
<i>quomodo brevi tempore co-</i>		<i>Sata ne à pecore ledantur.</i>	377.
<i>lore vario tingatur.</i>	353.	<i>Satanam profligandi metho-</i>	
<i>Roseus color parandus.</i>	ibid.	<i>dus certissima.</i>	602.
<i>Rosæ quibus maxima aqua</i>		<i>Saturnus 40. anno ad locum</i>	
		<i>suum redit.</i>	45.
		<i>& Jupiter ut transmuten-</i>	
		<i>tur.</i>	455.
			<i>Saxa</i>

INDEX.

<i>Saxa ut frangenda.</i>	520.	<i>Sericum tingere colore cocci-</i>	
<i>Scabiei lepræ simillimæ cura-</i>		<i>neo s. chermesino.</i>	720.
<i>tio.</i>	127.	<i>Sericum carmesinum quomo-</i>	
<i>Scalarum muralium ratio.</i>		<i>do ab omnibus maculis libe-</i>	
	660.	<i>retur.</i>	536.
<i>Scapæ.</i>	293.	<i>Serpentes stupefacere.</i>	285.
<i>Schedulæ tres non tactæ ut si-</i>		<i>ut tractare sine periculo pos-</i>	
<i>tum permutent.</i>	757.	<i>sis.</i>	ibid.
<i>Schema medietatis pontis.</i>	668.	<i>Serpentum ictus.</i>	285.
<i>Scorpiones ut innocenter tra-</i>		<i>Serpigo faciei &c. quomodo</i>	
<i>ctes.</i>	276.	<i>tollatur.</i>	127.
<i>Scorpiones ut domicilia non ob-</i>		<i>Setæ suillæ quibus vestes pur-</i>	
<i>repant.</i>	ibid.	<i>gantur tingendæ.</i>	717.
<i>ut fugentur & interimantur.</i>	ibid.	<i>Sideratum membrum quomo-</i>	
<i>Scorpionum ictibus ut quis me-</i>		<i>do cognoscendum.</i>	177.
<i>deatur.</i>	ibid.	<i>Silices fluviatiles.</i>	522.
<i>ictus curatio.</i>	181.	<i>Sinapi bonum.</i>	680.
<i>Scribendi modus in ovo.</i>	565.	<i>Sisa aurearum bracteolarum.</i>	
<i>Scrophulæ.</i>	184.		630.
<i>Scytale laconica.</i>	570.	<i>Sitis ex calore quomodo tollen-</i>	
<i>Secundæ ut moveantur.</i>	164.	<i>da.</i>	223.
<i>Secretum pro hortis siticulosis.</i>		<i>Situla aquâ plena quomodo</i>	
	528.	<i>sustineatur.</i>	760.
<i>pulcherrimum ad ligna va-</i>		<i>Smaltum ut fiat.</i>	518.
<i>riè tingenda.</i>	380.	<i>Smegma ad omnes maculas de-</i>	
<i>Semina ut in terra servanda</i>		<i>lendas.</i>	534. &c.
<i>absque noxa.</i>	530.	<i>ad maculas. holoferici.</i>	537.
<i>à pruina, frigore, & ardo-</i>		<i>mulierum.</i>	196.
<i>re defendenda.</i>	376.	<i>Smaragdus quomodo fingatur.</i>	
<i>ut in terra servantur sata</i>			513.
<i>& incolumia.</i>	ibid.	<i>Smaragdi & alii pretiosi lapi-</i>	
<i>ne ab avibus depopulentur.</i>		<i>des ut fiant.</i>	ibid.
	377.	<i>Sol cur sit corpus sphericum.</i>	
<i>ut ab omni corrosione libe-</i>			51.
<i>rentur.</i>	ibid.	<i>Sol est ignis.</i>	ibid.
<i>Seminis masculini augendi se-</i>		<i>helioscopio visus quomodo</i>	
<i>cretum.</i>	691.	<i>apparuerit.</i>	ibid.
<i>Sepis vivæ exstructio.</i>	527.	<i>Solem facere.</i>	409.
<i>Sera mirabilis.</i>	696.	<i>ad multiplicandum.</i>	ibid.
<i>quæ quocunque nomine</i>		<i>Solis & lunæ proprietates.</i>	50.
<i>claudi potest.</i>	694.	<i>quæ sit materia.</i>	51.
		<i>effectus sub zona torrida.</i>	ib.

I N D E X.

- Soliseclipsis cur ab occasu, Luna verò ab ortu incipiat.* 52.
Solutio, sublimatio & ejus congelatio. 422.
oleum. ibid.
Somnia tumultuosa suffitu edere. 235. 234.
grata excitare. ibid.
Somnifera Pharmaca. 627.
Somno ut mirabilia videas. 232.
Somno ut omnia revelentur 75.
Somnus ut inducatur. 233.
ut concilietur. 231. &c.
Spadiceus color conficiendus. 629.
Species non est æterna cujus individua æterna non sint. 4.
Spec̃tra in nubibus. 754.
Spec̃trum artificiosum. 751.
Specificum stomachicum Poterii. 451.
Speculi compositio. 479.
Specula quæ juniores homines efficiunt. 480.
Specula uſtoria. 490.
ut conſentur. 494.
comburentia. 72. 73. 74.
à menſtruatis deturpata. 101.
Speculi concavi imaginationes. 489.
Speculis bracteola ut inducatur. 493.
planis ut res videatur. 480.
Speculum excavatum ut idolum ostendat. 492.
multividum constituere. 582.
ubi unius rei plures apparent imagines. 484.
Speculum in quo imaginem in
airẽ volitantem aspicias. 487.
variarum imaginum. 491.
in quo imaginem venientem videas & aliam recedentem. 483.
quo videntur quæ in aliis regionibus fiant. 481. 485.
cylindricum in quo imaginem pensilem videas. 487.
sphericum concavum in quo imago pensilis videtur. 488.
ut iterum & gulam videas. 483.
in quo nil imaginet nisi quæ volueris. 486.
Speculum occulta detegens. 481.
horas ostendens. 486.
in quo dorsum tuum videas. 483.
Sphæra solida geographica 639.
Spicula è vulneribus ut extrahantur. 179.
è digitis. 165.
Spiritus quid. 40.
Spiritus summè simplex quis. 17.
Spirandi difficultas ut curetur. 142.
Spiritus mali ut vinciantur. 586.
Spiritum ex stanno elicere. 457.
ad Sponsi & Sponsæ concordiam quid faciat. 97.
Squinantia remedium. 140.
Stannum in plumbum vertere. 460.
stridorem ejus tollere. 459.
surditatem adimere. 460.

Stantes

INDEX.

Stantes ut sine capite videantur. 742.

Statua quæ tangentes occidebat. 630.

Solem semper respicit. 632.

Statua quæ quò libet ferri videtur. 630.

Statuæ lignæ mira. 758.

Stellæ ut in meridie videantur. 54.

Stellarum apparentium ortus & occasus. 655.

Sterilitati ut occurratur. 162.

Stratagemata bellicum. 659.

Stranguriæ remedium. 159.

Strumæ & earum remedium. 141.

Stibii oleum. 463.

Stibium quomodo spiritum det. 461.

Stomachi dolorem remove. 146.

ardorem remove. 146.

Stupor & taciturnitas in tormentis quibus verbis induci creditur. 624.

Succinum ut fingatur. 508.

ut liquecat. ibid.

Sues ne ægrocent. 263.

Sulphur sublimatum 416. 464.

Sulphuris tinctura. 465.

flores. 464.

oleum. ibid.

Surdus ut lyræ audiat sonum. 653.

remedium. 138. 139.

Syderata membra ut cognoscantur. 179.

Syrupus antihæcticus & Scele-tyrbicus Zvingeri. 688.

T.

Tabis curatio. 124.

Tabulæ ad somnum. 231.

albæ delebiles. 576. 718.

Talpæ ut capiendæ. 272.

ut congregantur. ibid.

Tartarus chalybeatus l'Emeryl. 452.

Tauri ut cicurescant. 259.

Tempestates quid adversus eas. 556. 557.

Tempestatis marinæ præfagia. 553.

Terra ardens. 90.

prima apta fundendis metallis. 388.

usque ad septimam. 390.

Terræ ambitus ut inveniatur. 637.

hortensis probatio. 529.

dictæ quomodo subtilissimæ evadere possint. 390.

vini calcinatio pro auro potabili. 419.

Testudines & Testacea quomodo capiendæ. 291.

Thesaurorum inventio. 387.

Theurgia. 595.

Tertianæ curatio. 113. 117. 118.

Telum pendens nullis vinculis. 762.

Tinctura rubea. 422.

Philosophorum. 423.

luna optima. 436.

lunatica Veneris. 439.

martis aperitiva. 448.

antiscorbutica. ibid.

antimonii. 462.

sulphuris. 465.

I N D E X.

- Tinctura antiphthisica.* 453. *locum suum.* 51. 52.
Topazium ut ementiatur 514. *Veneris in castris fortiter mi-*
Tophi Artbriticorum ut aufe- *litare.* 223.
rantur. 184. *desideria obtundere.* 230.
Torpor ut sanetur. 169. *ens.* 439.
Tonitru quid impediatur. 531. *tinctura lunatica.* *ibid.*
primum post canis ortum *Venere illicita ne quis affi-*
quid prænuntiet. 554. *ciatur.* 230.
Trachuri. 293. *Venena quibus non noceant.*
Tragema cephalicum Zvinge- 102. 103.
ri. 690. *Venena lethifera.* 109. 110.
Transmutatio metallorum *ad Venena antidotus.* 122.
quatuor ad illa secreta. 420. 123.
Trochisci à peste & febribus *remedia.* *ibid.*
malignis præservativi. 120. *à Venenis cavendum.* 109.
prophylactici sublinguales *Venti molendini structura.*
Zvingeri. 690. 673.
Tumor partis sine dolore fieri *Ventorum appellationes.* 551.
potest. 181. *Ventos præsagientia.* 555.
Turchesia lapis. 515. *Ventris rugas à partu abster-*
Turdi ut impinguentur. 310. *gere.* 204.
Tubæ ad aquas hauriendas. *tormentorum curatio.* 149.
 545. *Ventriculus ut corroboretur.*
Tubarum sonus perpetuus. 146.
 653. *ejus os corroborandum &*
Turtures ut pinguescant. 309. *constringendum.* *ibid.*
Tussis curatio. 142. *Ventum projiciens vas.* 85.
Tympani miranda. 756. *Vernix optima ad papyrum*
levigandam. 576. 728. 732.
 V. *Veritatis abstrusæ arcana.* 1.
VAs inversum ut aquam *Verzini quatuor colorum pa-*
hauriat. 86. *randi modus.* 720.
Vasa quæ non frangantur. 693. *Verzinum rubrum.* *ibid.*
ut argenteis similia reddan- *Verrucæ.* 184. 185.
tur. 437. *Vesicæ morbi ut curentur.*
Vasa & Vitra pingendi atque 159.
variè colorandi ratio. 739. *Vespæ ne impetant.* 317.
& seq. *neque pungant.* *ibid.*
Vasè in urinali ut quis mira *Vermium cura.* 151.
conspiciat. 751. *Verua quo instrumento cir-*
Venus quo tempore redeat ad *cumagantur.* 698.
 Vestimenta ne tineæ tangant. 539.

INDEX.

539.
Vespertiliones. 308.
Vetonica vide Betonica.
Vetonica ut uno ramo diversos flores emittat. 354.
Victoriæ præfagia. 669.
Vinum acidum ut emendetur. 208.
an habeat admixtam aquam. 211.
pendulum. 207.
ut præparandum. *ibid.*
an duraturum. 209.
asperum lene facere. 208.
ut reddatur gratissimum. 210. 211.
ut odore & colore arrideat. 209.
album ut rubrum evadat. *ib.*
hippocraticum. 214. 215.
ne acescat. 208.
vetus ut novum fiat. 210.
novum turbidum ut citò fiat clarum. 210.
ex panno tollendum. 536.
Vinum corruptum. 209.
ut totum annuum duret. *ib.*
zedoarticum. 217.
ne corrumpatur. 207.
corruptum emendare. 206.
borraginatum. 213.
halicacabi ad Urinam prodessè. 214.
ad tormenta & stranguariam. 220.
pro imbecillitate stomachi. 214.
cydonites. *ibid.*
ut quis ementiatur. 220.
sapore Rheticum. 217.
ut malvatici gustum præ se ferat. 213.
malvaticum. 216.
Vinum coum ut fiat. 212.
græcum. 212. 213.
de Romania. 216.
claretum. 217. 218.
laxativum. 215.
muscatellum. 216.
ne tonitribus pervertatur. 210.
an futurum sit bonum. 344.
Vini pravus odor ut emendetur. 209. 210.
Vinum ne florem habeat. 210.
quomodo refrigerandum. 212.
saccharatum. 219.
album bonam reddens. *ib.*
ad lotium. *ibid.*
Vini malvatici apparatus. 216.
copia an futura sit. 221. 344.
Vino diversos saporos ut concilies. 210.
ne quis oleat. 220.
ut citò inebrietur. *ibid.*
ut quis non inebrietur. *ib.*
à Vino aqua ut segregetur. 210.
Vinosos abstemios reddere. 221.
Viperæ morsus ut curetur. 182.
Violarum planta unica ut omnium colores referat. 354.
Viridem colorem conficere. 574.
Viridia ut omnia videantur & quasi volent. 82.
Virilitatem resuscitandi secretum. 691.
Visiones qui videre vult. 74.
Vites steriles. 343.
sideratæ. *ibid.*
ægotantes. *ibid.*
Vites

INDEX.


<i>Vites lachrymantes.</i>	<i>ibid.</i>	<i>Ulcerum cura.</i>	179.
defluæ.	344.	<i>Unguentum ad pleuritidem.</i>	
fructum putrefacientes.	<i>ib.</i>		143.
ne à pruina vel rubigine		<i>ad morbum gallicum.</i>	128.
affligantur.	342.	<i>lepram.</i>	126.
<i>Vitæ hujus finis.</i>	II. 12.	<i>ophthalmicum</i>	<i>Zwingeri.</i>
<i>ad Vitam longævam quæ</i>			136.
<i>conferant.</i>	107.	<i>capillos nigros tingens.</i>	190.
<i>Vitis ut botros albos afferat,</i>		<i>Urbium muniendarum ratio.</i>	
<i>nigros acinos.</i>	340. 372.		666.
<i>purgatoria.</i>	341.	<i>Urina ut cieatur.</i>	158.
<i>ut serotinas proferat uvas.</i>		<i>Urinæ ardoris curatio.</i>	159.
340.		<i>Uteri strangulatio.</i>	161.
<i>Vitis ne à pedunculis neque à</i>		<i>Uterus ut loco movendus.</i>	160.
<i>glacie affligatur.</i>	342.	<i>Vulnus ut sine dolore infliga-</i>	
<i>Vitium insitio.</i>	338.	<i>tur.</i>	175.
<i>per terebrationem.</i>	<i>ibid.</i>	<i>interni curatio.</i>	145.
<i>Vitriolum Veneris.</i>	441.	<i>Vulnera curantia olea</i>	171. &c.
<i>Martis.</i>	447.	<i>Uva cocta ut servetur.</i>	205.
<i>Vitri fragmenta glutinanda.</i>		<i>ut fiat odorata.</i>	373.
477.		<i>ut ab avibus & gallinis tu-</i>	
<i>elaborandi modus.</i>	475.	<i>earis.</i>	<i>ibid.</i>
<i>Vitrum antimonii.</i>	463.	<i>ne vespa contingat.</i>	<i>ibid.</i>
<i>ut mollescat.</i>	475.	<i>ut absque vinaceis genere-</i>	
<i>duplicatum.</i>	747.	<i>tur.</i>	34.
<i>ut viride fiat.</i>	476.	<i>ut ad Ver usque servantur.</i>	
<i>ut dividas.</i>	<i>ibid.</i>		373.
<i>fictitium.</i>	475.	<i>Uvarum illusionem ut homines</i>	
<i>ut ferruminetur.</i>	477.	<i>decipiantur.</i>	81.
<i>Ulceris maligni prodigiosa cu-</i>		<i>Uvas Vere producere.</i>	371.
<i>ratio.</i>	178.	<i>vinaceis vacuæ Uvæ.</i>	<i>ibid.</i>

F I N I S.









1— 2500



